





LIX. p. 7.

20. f. 11

~~U-15-F. 8~~







GERARDI VAN SVVIETEN  
MED. DOCT.  
COMMENTARIA  
IN  
HERMANNI BOERHAAVE  
APHORISMOS  
DE  
COGNOSCENDIS, ET CURANDIS  
MORBIS.  
TOMI SECUNDI  
*PARS SECUNDA.*



TAURINI, MDCCXLVII.  
EX TYPOGRAPHIA REGIA.



# INDEX CAPITUM

## PARTIS SECUNDÆ.

<i>Febris continua.</i>	Pag.	413
<i>Febris continua putrida.</i>		420
<i>Febris ardens.</i>		445
<i>Febris intermittens.</i>		505
<i>Morbi acuti Febriles.</i>		578
<i>Phrenitis.</i>		580
<i>Angina.</i>		619
<i>Angina Aquosa.</i>		635
—— <i>Scirrhus.</i>		645
—— <i>Inflammatoria.</i>		652
—— <i>Suppuratoria.</i>		694
—— <i>Gangraenosa.</i>		697
—— <i>Convulsiva.</i>		702
<i>Peripneumonia Vera.</i>		711
———— <i>Notha.</i>		800



COM-

REIMPRIMATUR.

Vicarius Generalis S. Officii.

V. Rezia P. & R.

*Se ne permette la ristampa.*

Morozzo per la Gran Cancelleria.

COMMENTARIA  
IN  
HERMANNI BOERHAAVE  
APHORISMOS  
DE  
COGNOSCENDIS, ET CURANDIS MORBIS.

FEBRIS CONTINUA.

§. 728.



Continuarum simplicissima Ephemera, seu diaria; spatio 24. horarum initia, incrementa, statum, declinationem absolvens. Causas agnoscit solum motum vehementiorem, peccato sex rerum non naturalium ortum, vix ullam materiam. Cognoscitur a causa levi; corpore puro, symptomatibus levibus; crisi cita: pulsus mox a febris exitu plane restituito; Curatio facilis, abstinencia, quiete, dilutione.

Continuae febres, quae nempe motum febrilem semel excitatum uno impetu ad finem perducunt, vel sunt tales, ut ante illas, vel una cum illis, insignis degeneratio solidarum, & fluidarum corporis partium, & magna plurium functionum laesio, observentur; tuncque vocantur Continuae putridae, de quibus sequenti capitulo dicitur. Vel continuae quamvis febres fuerint, non observatur tamen magna mutatio in solidis, aut fluidis corporis, neque insignis functionum laesio occurrit; vocantur tunc Continuae simplices, siue non putridae:

Tom. II. Par. II.

2

ridae nunquam periculosae, sed salutes semper, nisi perversa medendi methodo, uti statim patebit, in pejorem indolem mutantur. Illae autem febres quamvis continuae jure dicantur, minime tamen acutarum nomen merentur, quia velociter quidem decurrunt, absque periculo tamen; cum interim una cum velocitate junctum discrimen requiratur, ut febres acutae dici possint (vide §. 564.)

Obtinuit usu apud Medicos, continuas illas simplices febres, siue non putridas, dividere sic, ut Ephemera vocetur febris, quae viginti quatuor horarum spatio totum suum decursum absolvit, percurrente quatuor illa, in omni febre notanda (vide §. 590.), stadia, initium nempe, incrementum, statum, & decrementum: si vero similis febris ultra viginti quatuor horarum spatium excurret, non vocabitur Ephemera, sed Continua simplex, siue non putris. *Exemplum* proprie significat, quod diei naturalis spatio limitatur: unde infectis quibusdam, totum suae vitae curriculum intra hoc spatium abfolventibus, illud nomen datum fuit.

Patet jam simul, per hanc definitionem secludi acutissimas febres, quae paucarum saepe horarum spatio hominem de medio tollunt; nam tales febres hoc tempore ad decrementum non perveniunt, sed prius occidunt. Placuit tamen *Cajo Britanno* sudorem Anglicum, qui paucarum horarum spatio saepe necabat aegros, Ephemeram pestilentialem vocare, quia intra hoc tempus peribant aegri, & quandoque protracto per viginti quatuor horas sudore emergebant. Verum uti ex morbi descriptione apud eundem Auctorem patet, licet sudore tandiu protracto extra aleam quandoque ponerentur aegri, tamen summa debilitas, & aliae saepe functionum laesiones adhuc supererant; imo quibusdam, non satis excreta per sudores morbi materia, pessimae superveniebant febres. Simul aderat ingens, & subita functionum plurimarum laesio; adeoque haec Ephemera pestilentialis ad febrium continuarum putridarum classem pertinet. Illa autem Ephemera febris, de qua hic agitur, inter continuas non putridas numeratur, & peracto viginti quatuor horarum spatio in sanitatem terminatur. Adjecto autem *pestilentialis* epitheto, optime hunc morbum a salutari Ephemera distinxit.

CAUSAS AGNOSCIT &c. Fere semper Ephemera a vitio quodam evidenti, in sex rerum non naturalium usu commisso, orrum ducit, imo illud primum indicium harum febrium esse voluit *Galenus* [q]. quod nempe a causa quadam recenti, atque evidenti semper inciperent. Sic v.g. a majori copia cibi ingesti, vel etiam si difficilius digestionis fuerit, in debilioribus imprimis hominibus, toties Ephemera fit, ut sic accelerato vitali motu subigantur talia, quae vel copia, vel robore, resistunt illis viribus mutantibus ingesta, quae his in sanitate adsunt. Post crapulam, ebrietatem, labores nimios, animi validos affectus &c. frequentissime simplicissima haec febris nascitur, in qua nihil fere culpari potest, praeter solum motum vehementiorem in corpore, antea sano, ab evidentibus talibus causis procatarteticis excitatum. Adeoque patet, vix ullam materiam in febre hac adesse; vel talem illam, quae adest, brevi, & facile per febrem hanc subigendam iri sic, ut

non

non nocent amplius, vel expellendam de corpore. Uti enim dictum fuit ad §. 594. s. omne illud, quod in fluidis, solidisve corporis partibus a sanitatis legibus degeneravit, live ante febrem natam praeexistit, live per febrem factum fuerit, sub nomine causae materialis febris solet comprehendi. Cum ergo in Ephmera nihil ante praexistit tale, omne illud, quod materia hujus febris posset vocari, a vitio sex rerum non naturalium penderet: eumque hoc tale sit, ut intra breve spatium diei naturalis possit emendari, vel saltem expelli de corpore, apparet, quare dicatur, in hac febre vix ullam materiam adesse.

**COGNOSCITUR A CAUSA LEVI.** Quamvis autem ab evidentibus causis incipere soleant haec febres, & satis facile curabiles sint, tamen in illarum diagnosis parum major videtur difficultas. Monuerat enim Hippocrates (r), uti & alia occasione ad §. 564. dictum fuit, difficile distingui posse morbos, qui intra longissimum tempus judicari debeant, ab illis, qui brevi cessabunt, cum similia saepe eorum sint principia, levia nempe & absque malis symptomatibus. Hinc & Galenus (s) dixit, certam diagnosis Ephemerarum quibusdam omnino impossibilem habitam fuisse: statuit tamen, illam nequaquam difficilem esse, modo ad omnia quis rite attenderit; additque, se vel milles jussisse hominibus, quos hac febre laborare noverat, ut prima accessione finita loti, ac modice cibati, ad solita redirent opera, utpote non amplius febricitaturi; atque eventum diagnosis veritatem probasse. Inter Ephemerarum febris indicia autem merito recensetur causae levitas: quamvis enim, uti statim dictum fuit, a vitio evidenti sex rerum non naturalium haec febris soleat nasci, tamen si gravior error in his commissus fuerit, longe periculosior, & diuturnior febris inde sequi poterit; uti constat ex illis, quae ad §. 386. de febrium causis dicta fuerunt.

**CORPUS PURO.** Si enim corpus cacochymicum fuerit, a levi etiam vitio rerum non naturalium excitata febris, quae in corpore sano, & puro brevi deservisset, diutius protrahetur; imo & quandoque periculosa evadens, verbi gratia: aerabilarum humores, scorbuti acris materies, lenta glutinosa in leucophlegmatica collecta, & fere stagnantia, per febrem natam agitantur, patet satis, ab his per febrem motis plura mala fieri posse. Unde & quando epidemici morbi grassantur, semper metus est, ne ab aliis causis excitatae febres in horum classem se recipiant. Testantur fere omnes, qui de peste scripserunt, Auctores, quod si, grassante peste, alio morbo corripereant homines, brevi tamen in pestem degeneraret (t). Idem etiam in aliis morbis epidemicis observatur quandoque. Optime monuit Galenus (u) eursum, aliumve motum vehementiorem, intemperantiam, frigus &c. ex sua natura vehementem morbum vix facere; verum si ex similibus causis febris nascatur, illam de genere Ephemerarum febrium futuram esse: ubi autem

a 2

corpus

(r) In Prognosticis Charter. Tom. VIII. pag. 665.

(s) De Febribus Lib. 7.

cap. 1. Charter. Tom. VII. pag. 116.

(t) Diemerbroeck de Peste

cap. 5. pag. 10. Thucydides Lib. II. & apud alios passim.

(u) Com-

mentar. 4. in librum Hippocrat. de victu in morbis acutis. Charter. Tom. XI. pag. 178.

corpus ad alium morbum praedispositum est, tunc ab his causis, quas ~~proprie~~ hinc vocavit, in actum deducitur morbus haftenus latens.

SYMPTOMATIBUS LEVIBUS. De symptomatum magnitudine ex laesis functionibus iudicamus: cum ergo febris Ephemera levibus tantum causis originem debeat, non poterit ab his corpus sic mutatum esse, ut insignes functionum laesiones inde fiant. *Morbi enim cuiusque magnitudo tanta est, quantum a naturali statu recedit* (w). Simul ac ergo in functionibus vitalibus, animalibus, aut naturalibus insignes laesiones occurrunt, vel in excretis de corpore, urina, faecibus alvinis &c. magnae mutationes observantur, novimus, febrem his comitatam non posse esse Ephemeram, cum a levi tali morbo nec numerosa, nec gravia, symptomata produci possint.

CRISI CITA. In Commentariis §. 387., ubi de crisi dictum fuit, patuit hoc vocabulum varia significatione usurpari, & quandoque pro morbi solutione sumi; quae, quamvis aliquam evacuationem sensibilem comitem habeat, absque tamen multis turbis, & symptomatibus crism praecedentibus fit. Tali sensu & Ephemera crism citam habere dicitur: plerumque enim, dum in suo descensu est haec febris, blando sudore finitur; inprimis si a retento perspirabili, quod saepe fit, ortum duxerit. Lenia vomitus, vel alvi modica evacuatio toties huic febre finem imponit, dum ab ingestis cibis difficiliora digestionis, vel sola copia gravantibus, ortum duxit. Illud autem signum optime distinguit Ephemeram ab aliis febribus continuis, quae, mitea quidem, in majorem diuturnitatem extenduntur. Ephemera enim, dici naturalia spatio terminanda, ante duodecimam horam ad statum, sive ~~equum~~ pervenit, & deinde sensim minuitur; atque paullo post omnia symptomata, quae febrem hanc comitabantur, cessant integre; Quod & Galenus (x) notavit dicens: *Et si capitis, alterius cujusdam partis dolor simul inciderit, neque ille amplius manet. Si vero & aeger facile morbum ferat, maximum illius (ephemerae) signum est. quod velut impressum sigillum prae aliis omnibus febris mansuetudinem demonstrat.*

PULSU MOX A FEBRIS EXITU PLANERESTITUTO. Hoc signo Ephemeram ab intermittentiis febrium paroxysmis se distinguere potuisse affirmat Galenus (y): finita enim Ephemera, *arteriarum motus statim omnino illi, qui in sanis est, assimilatur; quum is in nulla alia febre ad naturalem statum redeat, etiamsi temporis spatium inter prioris accessus finem, & sequentis initium longum sit; veluti in tertiana, & quartana: in illis enim semper supermanet febris signum.* Plerumque enim pulsus debilitas aliqua post finitos intermittentiis febrium paroxysmos superest; imo saepe, licet sudore jam cessante aegri de lecto surrexerint, adhuc parum celerior pulsus deprehenditur. Raro etiam symptomata, quae febrae intermittentes comitantur, ut lassitudo, capitis, & lumborum dolor, &c. adeo integre abolentur, ut post finitam Ephemeram sit. Confirmatur haec diagnosi, si illo tempore febres intermittentes non grassentur: tunc enim minor redituri paroxysmi suspicio est.

(w) Galenus Lib. I. Method. med. ad Glaucon. cap. 2. pag. 345.

(x) Ibidem cap. 2. pag. 347.

(y) Ibidem.



Interim tamen fatendum est, primum tertianae vernaе, & mitis paroxysmum sub Ephemeræ specie fallere posse, cum saepe per paucas horas duret, & blando sudore solvatur, & ante elapsum viginti quatuor horarum spatium omnes functiones in integrum restituantur. Verum quidem est, peccatum quoddam in usu sex rerum non naturalium Ephemeram praecedere plerumque, ejusque causam esse, sed & febres intermittentes talis causa quandoque praecedit. Praeterea quandoque contingit, quamvis rarius, Ephemeram nasci, licet nullum observabile vitium in usu lex rerum non naturalium praecesserit. Novi homines, qui bis, vel ter in anno vera Ephemera corripiuntur, absque ulla *apoplexia*, sed, uti videtur, tantum a bile accumulata; quia per vomitum excussa, cessat illico febris, & omnia symptomata illam comitantia abolentur. Si ergo vel minima suspicio adlit febris intermittens, praestat non absolute praedicere, uno tantum paroxysmo terminandum morbum fore; sed potius indicandum est, intermittens febris paroxysmum rediturum foret, taliaque adhibitum iri remedia, quae hoc cavere possent. Sic enim artis honori, & Medici famae, absque aegrorum detrimento, optime consulitur.

CURATIO FACILIS &c. Sponte enim sua levis ille morbus, & brevi tempore, cessat, modo perversa medela non irritetur sic, ut in pejorem morbum abeat. Generalis enim cura febrium [vide §. 398.] quatuor requirebat, vitae nempe, & virium conservationem, acris irritans correctionem, vel expulsionem, lentoris dissolutionem, & expulsionem, denique & symptomatum mitigationem. Verum in Ephemera nec vitae periculum est, neque ullus metus, ne vires perdant aegri tam brevi temporis spatio: cumque vix ullam materiam habeat haec febris, acris, si quod adlit, brevi enervabitur, vel expelletur de corpore: lentor levis: forte hanc febrem comitans, perferam ipsam solvetur, & blando sudore expelletur de corpore. Cum autem symptomata, quae Ephemeræ adsunt, semper levia sint, nulla mitigatio horum locum habebit, nam paullo post una cum febre evanescent. Sufficiet ergo abstinentia, quies corporis, & mentis, una cum diluentibus. Abstinentiam vero duplicem statuit Celsus (7), unam, ubi nil assumit aeger alteram, ubi non nisi quod oportet. Quamvis autem in brevi adeo morbo corpus ante sanum facile inedia ferret, sufficiet tamen illa moderatio, ut neque aliud quam expedit, neque ejus nimium sumatur. Decoctum hordei, panis, avenae, lac aqua dilutum, lactis serum, & similia hic sufficient pro nutrimento; dum simul eadem, diluendo omnes humores, optime profunt. Cum autem in hac febre solus motus vehementior peccet, quies corporis, & mentis optima hic remedia dabunt (vide §. 103. 104. 105.), uti dictum fuit, ubi de curandis morbis ab excessu motus circulatorii oriundis agebatur. Praeterea simplex haec methodus laudem meretur, quod omnibus morbis incipientibus prodest, adeoque; licet quis in diagnosi deceptus foret, & febris alterius speciei loco Ephemeræ sequeretur, nunquam tamen nocebit haec adhibuisse: simul ac enim adversa valetudo metuitur, *omnium optima sunt quies, & abstinentia, & si quid bibendum, aqua &c. per haec enim saepe gravis*

*vis morbus instans discutitur (a).* Merito igitur damnatur a Galeno [b] febris illa triduana inedia, quam in omnibus morbis commendabant quidam Medici, per quam febres reddebant acriores; imodicit, multos importuno artis molimine adeo peccare, ut morbos potius faciant, quam curent, si ve, uti loqui amat, morbos manu factos (*ἡπόρτιστον νοσήσαν*) inducant. Dum enim Aesclepiades primis morbi diebus convellendas aegri vires putabas luce, vigilia, siti ingenti, sic ut ne os quidem primis diebus clui sineret [c]: patet satis, salutarem Ephemeram in periculum morbum converti posse damnoſa tali medendi methodo. Idem verum est, si purgantibus vomitoriis, sudoriferis incipientes morbi tententur illico. Plurimique falluntur, dum se primo die protinus sublaturus languorem, aut exercitatione, aut balneo, aut coacta dejectione, aut vomitu, aut sudationibus, aut vino sperant: non quod non interdum id incidat, aut non decipias, sed quod saepius fallas, solaque abstinentia sine ullo periculo medetur [d]. Simplex ergo haec methodus in febre Ephemera, uti & in aliis febribus incipientibus, soluta erit. Legi merentur & illa, quae de febre Ephemera Galenus habet in octavo methodi medendi libro, quem totum hujus febris historiae, & curationi impendit (e).

§. 729. **S**i protrahitur dicta febris (728.) per plures dies, vocatur Continua non putris, causae, signa, medela eadem; maxime venae sectione larga, & refrigerantibus, eget.

Si causa talis febris parum pertinacior fuerit, neque intra diei naturalis spatium subigi potuerit, vel expelli de corpore, protrahitur febris, adeoque non amplius ephemera vocabitur, sed continua: quia autem & causa levis fuit, neque maligna symptomata adfunt, neque ulla signa apparent in urina, alvi excrementis, sudoribus &c., quae magnam humorum a naturali statu degenerationem docent, vocatur continua, sive synochus non putris; ut nempe distinguatur a synocho putri, de qua statim agendum erit. Vocaverunt quidem Auctores [f] hanc febrem Ephemeram plurium dierum, sed uti videtur minus apto nomine. *Febribus ergo talibus natura quidem eadem est, quae diutius, nomen autem non idem [g].* Sic observamus post ebrietatem sequi febrem ephemeram in multis, alios vero ab eadem causa per bidduum, vel triduum febricitare. Tales ephemeræ protractae, sive synochi non putres, fuerunt illae mitissimae febres, quae in securissimis incidunt signis, & die quarto aut ante desinunt, quae ab Hippocrate (b) memorantur.

Causae ergo, & signa, & medela eadem erunt ac in ephemera: quia autem diutius protrahitur in synocho non putri acceleratio motus circulatorii, & qui hanc comitari solet, calor; justus metus est, ne diffatis partibus aquosis

(a) Ibid. Lib. 1. cap. 2. p. 114.

(b) Lib. 1. Method. Med. ad Glauc. cap. 2.

Charter. Tom. X. p. 346.

(c) Cels. Lib. III. cap. 4. pag. 118.

(d) Ibid.

cap. 2. p. 114.

(e) Charter. Tom. X. pag. 178. &c.

(f) Forestus Tom. pag. 11.

(g) Galen. Method. Med. Lib. IX. cap. 1. in fine. Charter. Tom. X. pag. 203.

(b) In Prognostic. Charter. Tom. VIII. pag. 663.

æquolis reliquæ sanguinis molæ cohære incipiunt, & visciditatem inflammatoriam acquirant, simulque sales, & olea sanguinis volatiliora reddantur (vide §. 100. & 689.): unde ex tali febre viscerum inflammatio, humorum acrimonia, & plurima alia mala hinc sequentia expectari possunt, & ita febris continua non putris in putrem transiret. Ob hanc causam larga venæ sectio hic convenit, tanquam ad præsentem inflammationem efficacissimum remedium; simulque ad illam, quæ futura metuitur, tutum præsidium; hæc enim facta, sæpe illico febris sedatur, uti pulchro, exemplo probat *Galenus* (i). Juvenem enim, qui triginta diebus consueta exercitia intermiserat, & deinde se validius exercuerat, febris aderat admodum calida; pulsus tamen erant æquales, maximi, celeres, & vehementes, calor non erat mordax, urina a naturali statu non multum aliena [quæ omnia synochi non putris signa sunt], interim tamen rubicundus, & plenus homo apparebat. Venæ sectio tamen, partim ut constaret prius de febris natura, partim etiam ob dissentientes Medicos in consilium vocatos circa tempus venæ sectionis, & alia quædam, dilata fuit in tertium diem usque. Aëstus jam erat aegro intolerabilis, corporis totus tensio, capitis pulsatio, & molesta vigilia; unde *Galenus* ad animi deliquium usque sanguinem mitti curavit, atque sic febrim exstinxit illico, sic ut quidam adstantium ridens dixerit, *Galenum* tali sanguinis missione febrim jugulasse: paullo post enim, levi nutrimento prius exhibito, in profundum somnum delapsus est juvenis & blandum sudorem, atque perfecte convaleuit. Admodum autem verosimile videtur, quod & citius morbi levamen percepisset, si vel prima die morbi sanguinis missio fuisset instituta.

Refrigerantium autem remedium usus merito commendatur, quæ hic sunt diluentia, laxantia, densitatem humorum resolventia, obstructions referantia. Minuta enim mole movendorum per venæ sectionem prius, per hæc satisfiet reliquæ indicationi curatoriae. Mellita, nitrosa, saponacea acida, aqua copiosa, vel decocto hordei, avenæ, radicum scorzonæ, & similibus dilata, huic scopo satisfaciunt; cum simul humorum degenerationi in putredinem hic metuendæ adversentur. Videantur & illæ, quæ §. 691. & sequentibus de cura caloris febrilis dicta fuerunt.

(i) Method. Med. Lib. IX. cap. 4. Charter. Tom. X. pag. 205.





## FEBRIS CONTINUA PUTRIDA.

§. 730. **S**ynochus putris dicta fuit, quae debetur causis inflammatione simplici majoribus; viscerum obstructioni, cutis oppilationi, & capillarium fere omnium, acrimoniae vero acutiori, saepe prorsus singulari.

Ubicunque humores corporis sic degeneraverunt, sive ante febrem, sive per febrem ipsam, ut inepti reddantur ad placidam per vasa corporis circulationem, vocatur febris continua putris, hac dote ab ephemera, & synocho simplici, sive non putri, differens; in quibus vix ulla materia aderat, & boni omnes humores erant, solo tantum motu vehementiori molestis; unde & hoc sedato vel sponte, vel per artem larga venae sectione, aut aliis idoneis remediis, cessabat morbus saepe absque evaevacuatione ulla fere sensibili, vel si aliquid mutatum erat in corporis humoribus, illud plerumque blando sudore, vel aucta tantum perspiratione, dissilabatur de corpore, sicque redibat brevi sanitas. Verum etiam, dum mala medendi methodo tentantur simplices hae febres, mutatis a naturali sua indole humoribus, in synochum putrem degenerare possunt, uti ex ante dictis patuit.

*Ubi in omnibus vasis, ac potissimum maximis, aequabiliter succi putrescunt, synochum putrem adesse statuit Galenus (K). Multos autem putredinis illud vocabulum offendit, quia durum videbatur, vivente adhuc homine humores putrescere: unde jam Trallianus (l) notavit, non deesse, qui in unum versus febrem nunquam a putredine fieri pronunciarent, humores in venis exari, non putrescere, discitantes. Verum putredinis nomine in febribus non intellexerunt Veteres Medici talem corruptionem, quae in eadaveribus sponte nasei observatur, sed tantum degenerationem insignem humorum a conditionibus suis naturalibus. Putredinis enim naturam definivit Galenus (m), quod sit mutatio totius putrescentis corporis substantiae ab externo calore. Per externum autem calorem, uti ex sequentibus in eodem loco patet, non intellexit illum, qui externe corpori applicatur, sed talem, qui a naturali calore, quo corpus sanum fovetur, diversus est. Unde & patet, quod hic per putredinem intellexerit mutationem putrescentis corporis, non vero illam corruptelam, quam perfecta & proprie vocanda putredo jam habet. Illud adhuc evidentius apparet alio in loco (n), cujus mentionem alia occasione feci ad §. 387. & §. 593. Ibi enim monet, quod putredo humorum, quae fit*  
in

(K) Ibid. cap. 3. pag. 204.

(l) Lib. XII. cap. 2. pag. 684.

(m) Method.

Med. Lib. XI. cap. 8. Charter. Tom. X. pag. 254.

(n) Galen. de Febrium

differ. Lib. I. cap. 7. Charter. Tom. VII. pag. 115.

in vasis, similis sit illi, quae in inflammationibus, abscessibus, & aliis tuberculis observatur; simulque addit, variam esse hanc putredinem, prout natura vel superat, vel superatur. Superante enim natura, ut in inflammationibus pus fit, sic in humoribus venarum, & arteriarum id, quod subidet in urina, puri respondens: deinde addit sequentia maxime notanda: *Aique haec putredo non simpliciter putredo est, sed etiam aliquid concoctionis habet: manente enim adhuc concoquendi facultate vasorum, putrescens tunc humor ad talem alterationem deducitur.* Pro varia autem degeneratione humoris putrescentis, & majori, vel minori debilitate facultatis concoquentis, diversos putredinis hujus gradus agnovit. Patet ergo evidenter, ut puto, quod per putredinem Galeenus insignem humorum a naturali statu degenerationem intellexerit, aique febres, in quibus talis degeneratio adest, putridas dixerit, licet nondum proprie vocanda putredo adfuerit.

Illā tamen humorum mutatio, quae in febribus continuis fit, in putredinem proprie dicendam tendit. Demonstratum enim fuit §. 80., humores sanos sibi reliquos in quiete, & calore, vel etiam motus valide, putredinis incipientis naturam adipisci, illamque propensionem naturalem in putredinem augeri incitato motu, & calore, §. 84. probatum fuit, de qua re etiam videri possunt illa, quae ad §. 100. §87. 689. dicta fuerunt. Urina in his morbis acris, rubra, foetida quandoque, faeces alvinæ olidissimae saepe, sudor graecolens, putredinis saltem incipientis signa exhibent. Raro tamen in vasis ipsis circumducti humores in morbis vere putridi fiunt, cum plerumque, destructis tenerimis cerebri, & cerebelli flaminibus per humores acriorēs, & valide motos, mors fiat; antequam eo usque corruptela perrexerit. Videantur de his illa, quae in Commentariis §. 89. habentur.

Febres ergo continuæ putridae dicuntur, dum a naturali statu humores multum degenerant, simulque in putredinem vergunt; unde & varius malignitatis in his gradus observatur, pro majori, minorive ejusdem degenerationis intensitate. Quamvis autem raro vera humorum putredo adsit in his febribus, & tantum putredo fere deprehendatur in alvi excrementis, quae in intestinis calidis, & humidis collecta, aere simul accedente, facillime corrumpuntur; tamen in his morbis magna in putredinem proclivitas semper adest.

QUAE DEBETUR CAUSIS INFLAMMATIONE SIMPLICI MAJORIBUS &c. Per simplicem inflammationem hic intelligitur, quando quaedam pars corporis singularis, topico vitio, phlegmone corripitur, quam tamen, licet corpus caeteroquin sanum fuerit, febris saepe comitatur, ob rationes in Commentariis §. 382. & dictas. Uti etiam quando per febrim praegressam, deposita in quendam corporis locum materia inflammatoria, pleuritis, angina, phrenitis, aut alius quidam morbus inflammatorius cum febre sit: tunc enim, in loco affecto obstructis vasis a materia inflammatoria, impeditur libera humorum circumductio, & acceleratur plerumque per reliqua vasa libera, & aperta humorum celeritas; neque tamen ideo semper febris hos morbos comitans putrida dici potest, cum saepe blanda resolutione solvantur, & quandoque, saltem in horum morborum initio, vel etiam, si non admodum

modum validi fuerint, non observetur adeo notabilis fluidorum degeneratio a naturali conditione. Verum si totus sanguis, inflammatoria spissitudine nata, minus meabilis factus fuerit, adeoque difficulter per arteriarum angustias ultimas transire potuerit, incipit haerere in viscerum vasculosa, & intricata textura, cutanea vasa infarciuntur, & distenta immeabili humore vicina ipsis minora vascula compriment, capillaria vasa omnia [sic dicta ob tenuitatem] obstruuntur, vel saltem non nisi difficulter transmittent minus meabiles humores; unde ingens attritus, & calor magnus sequetur, qui insuper febris continuæ putridæ signa sequenti paragrapho numeratur. Cum ergo insignis talis degeneratio humorum adsit, febris hanc comitans continua putris dicitur ob rationes modo dictas.

ACRIMONIE VERO ACUTIORI, SAEPE PRORSUS SINGULARI. Quandoque acris stimulus, sive corpori per ingesta applicatus; sive ex degenerantibus in corpore humoribus natus, febrim excitat, & natam continuat, uti patet ex illis, quæ ad §. 386., ubi de februm causis singularibus agitur, dicta fuerunt. Verum hæc acrimonia quandoque prorsus singularis est, neque ad ullam cognitam acrimoniae speciem reduci potest, solo tantum effectu. se manifestans, dum in corporibus sanissimis putridas febres, & sæpe simul mirabiles humorum degeneraciones, producit. Cum sanissimo homini contagium variolarum applicatur; quam putrida inde quandoque excitatur febris? idem in peste, aliisque febribus malignis epidemice grassantibus, patet. Quamvis autem hæc miasmata morbosa, quæ miro stimulo febres putridas producere valent, nullis detegantur sensibus, adeoque distincta horum idea dari nequeat, sed solis effectibus se manifestent, hoc tamen optimi de his notaverunt auctores, quod quandoque incitato per hæc motu circulatorio, vel propria illorum efficacia sanguinem inspissante, nascatur inflammatoria densitas humorum, per quam viscerum obstructio, & capillarum arteriarum fere omnium oppillatio, producantur. Aliquando tamen & constitit observatis fidelibus, a talibus stimulis productas febres putridas insignem quidem degeneracionem humoribus induxisse, verum a priori penitus diversam; dum nempe sanguis, & forte reliqui inde secreti humores, potius attenuantur, & quidem adeo, ut variis viis de corpore elabantur, cum subita, & valida virium jactura. Sic in Commentariis §. 86. notatum fuit, in peste Bredana sanguinem in scætorum apparuisse lividum, foetidum, non concrelescentem; notatque idem auctor (o), ægros quandoque immani narium hæmorrhagia perisse intra quadrihorium. In febribus malignis, & petechialibus *Wepferus* [p] observavit, hæmorrhagias narium, uteri, renum, periculosissimas, & enormes sæpe evenisse, ob sanguinem tenuissimum admodum fluxilem, & fervidissimum, extrema arteriarum oscula reserantem, viditque Ichthyocollæ gluten, sanguinem incrassando, profuisse. Dumque Tribuno plenis in initio talis febris venam secandam curaverat, eductus sanguis longo tempore edictus, quovis in loco repositus, concrevit minime; illudque se po-

(o) Van de Mye de morbis Bredanis pag. 8.  
cap. 5. pag. 52.

(p) Gicutas aqat. hist. 8c. hoxæ

postea saepius observasse testatur. In pessimis variolis, uti postea in illarum historia dicitur, lethalis saepe haemoptoe, vel & aequae fere perniciosius in hoc morbo sanguinis mictus, observatur in primo etiam morbi stadio, forte ob eandem rationem: unde optimo jure celebris auctor (g) haec miasmata febrilia bisariam distinxit ab hoc effectu, quatenus nempe liquida nostra vel incrassent, vel dissolvant; atque inde in curatione horum morborum magna diversitas obtinet, uti satis patet. Quamvis enim velocitatis motus circulatorii (vide §. 100.), uti & caloris febrilis (vide §. 689.), effectus sit, diffusa parte liquidissima, sanguinem inspissare, imo & inter febris effectus §. 587. liquidissimi expressio, & reliqui incrassatio munerentur, nihilominus verissimum est, uti ex modo dictis constitit, quandoque miros stimulos singulari prius efficacia, simul cum febre excitata, fundere venenata vi humores, & ad putredinem disponere; unde saepe in ipso talium morborum initio putridissimae faeces, & magna saepe copia per alvum exeunt, & in urina, fudore, halitu oris &c. manifesta similis degenerationis indicia deprehenduntur.

Talis prosapiae videtur fuisse ille morbus, quem sub *Typhi* nomine *Hippocrates* (r) descripsit, quemque, bile per corpus mota, aetivo tempore, quum canis sidus oritur, invadere dixit. In hoc morbo enim monet, quod statim cum febre vehementi acutus ardor adsit, atque illico projectis viribus una cum gravitate corporis imbecillitas, & crurum, ac manuum impotentia talis, ut nullum usum aegro praesent. Notat etiam ventrem cum validis torminibus perturbari, & graveolentia alvo expelli. Putridam autem humorum dissolutionem in hoc morbo adfuisse, confirmatur ex illis, quae in cura hujus morbi commendat. Sorbitiones enim tenues, & frigidas exhiberi, vinum nigrum austerrum dari, vel si illud minus conferat, album, aequolum, austerrum, jussit. Praeterea attrita lintea frigidae immerfa applicari voluit illis locis corporis, quibus praecipue ardor maximus percipiebatur. Quae omnia tantum usum habent, dum nimia humorum solutio peccat: ubi enim inflammatoria sanguis densitas adest, & austera, & aestu frigida, nocerent, uti patet ex illis, quae in cura inflammationis dicta fuerunt. Hae videntur esse illae febres acutae, in quibus frigidae potio tanquam utilissima a veteribus Medicis laudatur. Maxima enim februm continentium remedia duo esse dixit *Galenus* (s), venae sectionem, & potionem frigidae. Verum in eodem capite monuit, in primis illis prodesse, qui frigidae potioni affluerant; simulque addit, nocere, ubi partem aliquam principem tumor phlegmonodes, oedematodes, aut scirrhomodes occupaverit. Tunc enim ad praesens quidem non parvum affert levamen, propterea quod jam accensam febrim exstinguit; verum, manente adhuc ejus causae aliam denique accendi necesse est, atque ut plurimum ea, quae praecesserit, difficiliorem, propterea quod densatum ex frigida potu corpus est. Atque ibidem plures noxas a frigidae potione natas recenset. Videtur ergo tantum prodesse, ubi nulla spissitudo humorum inflammatoria adest, sed potius nimia humorum dissolutio in putredinem vergens. Videantur

(g) Lobb of the small Pox. in re Preface pag. XV.

(r) De internis affectionibus cap. 41. Charter. Tom. VII. pag. 667. (s) Method. Med. lib. 9. cap. 5.

Charter. Eom. X. pag. 209.

sur & illa, quae de potu frigidae in Commentariis §. 640. 1. dicta fuerunt. Patet simul ratio, quare quandoque in febribus acutis continuis, & putridis acidi illi spiritus ex sale marino, nitro, sulphure, vitriolo, igne expressis adeo prosit, qui tamen omnes sanguini misli coagulum inducunt. Putrida enim humorum dissolutio per similia tollitur, & futura cavetur; unde *Sydenhamus* [uti ad §. 88. 2. dictum fuit] in pessimis variolis confluentibus nil plus profuisse vidit, quam si vitrioli spiritum potui ordinario decumbentium misceret.

§. 731. **C**ognoscitur calore digitum tangentem quasi pungente; pulsu febrili, sed inaequali, & non & ordinato, urina crassa: rubra, turbida, cruda sine sedimento, temperie, actate, habitu, calidis, languinolentisque.

Operae pretium jam est videre illa signa, quibus febris continua putrida praetens cognosci, & ab aliis febrium speciebus distingui possit. Difficile autem est in primis in ipso talis morbi initio continuam febrem, proprie dictam, distinguere a continua remittente, quae per vices impetum remittit, & sedintegrat denuo, cum similia satis inter se sint harum febrium principia, & in utriusque saepe magnae degenerationes humorum adfint, & gravibus stipentur symptomatibus. Unde *Galenus* [1], dum casum describit juvenis syncho putri laborantis, non ausus fuit definire morbum, antequam tertia die vidisset, nullam novam accessionem supervenisse, licet tamen jam secunda die suspicaretur talem febrem esse. Quamvis autem in harum febrium Diagnostici haec difficultas sit, tamen cura febrium generalis utrique convenit; adeoque non latebunt peritum Medicum illa, quae agenda sunt, & in primis circa debitum talis febris moderamen, ne nempe furibundo impetu corpus destruat, vel torpeat nimis. Unde *Galenus* in casu modo dicto non dubitavit venae sectione, ad animi deliquium instituta, febrem morum compescere secundo die, quo primum viderat aegrum, licet fateatur, se tertio die tantum certum fuisse, febrem illa synochum putridam esse.

Synochus autem putris distinguitur a non putri, & Ephemera sequentibus signis.

**CALORE DIGITUM TANGENTEM QUASI PUNGENTE.** Maximum febrium putridarum indicium *Galenus* posuit (u) caloris qualitatem. *Nihil enim suave, nihil moderatum, neque Ephemeris simile habet, sed quemadmodum optimi ante nos Medici dixerunt, mordax potius quodammodo est, ut laedat, mordetque tactum, veluti fumus oculos, ac nares.* In aliis febribus, licet statim primo tactu magnus satis calor videatur percipi, ille tamen a tangentis digiti calore vincitur, & paullo post minor apparet: in putridis vero illis febribus continuis saepe in initio levior videtur calor, dum tangitur aegri manus, sed augetur quasi omni momento, & tangentis Medici digitum quasi pungit, & mordet, ac si de profundo corporis calor emergeret; quod pariter optime

mo-

(x) Ibid. cap. 4. pag. 206.  
Tom. VII. pag. 118.

(u) De Febr. differ. lib. 2. cap. 9. Charter.



monuit Galenus (w) dicens: *verum inter initia accessuum [dum adhuc suffocatur calor, & intus accenduntur excrementa] non statim admoventibus manum dignoscitur; sed diutius immorantibus praedictum caloris genus quasi de profundo emergit.* Qui semel talium aegrorum pulsum tetigit, melius hanc caloris percepti diversitatem cognoscet, [nam verbis forte minus distincte describi potest] simulque intelliget rationem, cur Hippocrates (x) dixerit: *Febris, haec quidem manui mordaces, illae vero mites; quaedam non mordaces, incrementales vero; nonnullae acutae, sed ab ipsa manu devitae &c.*

Cum autem synochus putris saepe debeat causis inflammatione simplicibus majoribus, uti dictum fuit praecedenti paragrafo, dum nempe inflammatoria spissitudo totius sanguinis adest, atque per febrem aucto motu talis sanguis per vasa rapide movetur; patet satis ratio mordacis illius caloris, & omni momento quasi augendi: de qua re videantur illa, quae ad §. 675. & sequentes dicta fuerunt, ubi de causis caloris febrilis agebatur. Notandum tamen est, quod quandoque in pessimis febribus talibus extrema frigeant, dum tamen urentis caloris sensum circa praecordia habent aegri; verum hoc funestum signum [vide Commentaria §. 698.] raro in principio harum febrium apparet, cum tantum hoc contingat, dum vel fractis acutissimo morbo viribus, cor ad extrema corporis sanguinem propellere nequit; vel sanguis sic condensatus fuit, ut per majora tantum, & cordi proxima loca transire adhuc possit; interim tamen tolerabilis ardor circa visalia viscera ab aegris perceptus synochi putris praesentiam satis tunc docet.

PULSU FEBRILI, SED & INAEQUALI, & NON ORDINATO. Hoc signo etiam optime synochus putris ab Ephemera, & synocho simplici distinguitur: in illis enim pulsus fortis, aequalis, neque celeritate multum excedens pulsum sanum deprehenditur. In synocho putri major celeritas pulsus, sed & saepe inaequalitas adest, tam in robore, quam in velocitate. Fit autem haec inaequalitas, vel quia sanguis inflammatoria spissitudine immeabilis circa extremas arteriarum angustias haerere incipiens, vel saltem non nisi difficulter transiens, circulationis aequabilitatem tollit; vel etiam quandoque dum singularis acrimonia, harum febrium causa, uti paragrafo praecedenti dictum fuit, miro morbo turbat omnia; unde saepe statim summa debilitas, pulsus vacillatio, aliaeque gravia symptomata oriuntur. Illam pulsus varietatem in his febribus vocavit Galenus [y] pulsum compressionem; ubi nempe incipiente accessione parvi admodum, & inaequales existunt. Non tamen ab his febribus inleparabile hoc signum statuit; ubi tamen adest, harum febrium proprium esse dixit, nisi cujusdam alterius symptomatis ratione talis pulsus factus fuerit: dum enim v. g. circa cardiacam mordax humor collectus haeret, pulsus parvi, & inaequales saepe deprehenduntur; quae pulsus mutatio cessat illico, dum vomitu excutitur, quod circa ventriculum haeret. Sola autem illa pulsum inaequalitas fallere posset in Diagnosti, nam in frigore febrium intermittentium quandoque & talis observatur. Praeterea in crisi, & circa

cri-

(w) Ibidem.  
117. 118.

(x) Ibidem cap. 1. pag. 107.

(y) Ibidem cap. 9. pag.

crisim, mira saepe perturbatio pulsum adest, uti in februm historia generali notatum fuit.

URINA CRASSA, RUBRA, TURBIDA, CRUDA SINE SEDIMENTO. Urina est aquosum lixivium, quod abluit, sibi miscuit, atque extra corpus exhibet, quidquid in aqua potest solvi, & per renum fistulas in pelvim, hinc in ureteres, & vesicam demitti (2); adeoque ex urina optimum indicium habetur, quo cognoscitur sanguinis, & reliquorum humorum mutata conditio. Cum autem in syncho putri magna degeneratio humorum a sanitatis conditionibus adsit, debet & in urina insignis mutatio apparere, per quam ab urinae sanae dotibus differt. Urina enim sana, uti optime monuit *Galenus* (3), regulam, & normam dat, ad quam urinae morbosae comparari debeant, ut videatur, qualis, & quanta in his diversitas sit; atque caeteris paribus semper eo peiores in morbis urinae sunt, quo magis ab urinae sanae conditionibus degeneraverint. Urina autem sana limpida est, tenuis, straminei, sive subflavescentis coloris, in qua subsidet album, laeve, & aequale: in Ephemera, & Syncho. non putri ab his dotibus vix recedit urina, nisi quod parum colorator esse soleat, & quandoque majorem copiam sedimenti det. Ubi ergo urina in febris continua talis est, qualis in textu describitur, patet, illam omnibus conditionibus ab urina sana deviare, colore nempe, crassitie, turbatione, cruditate, & sedimenti absentia; adeoque & merito concluditur, sanguinis, & reliquorum humorum, qui inde secernuntur, magnam adesse degenerationem, quod synochis putridis dictis proprium est. Ad §. 734: adhuc quaedam dicenda erunt de variis urinae conditionibus in syncho putri, quatenus inde prognosis deducitur.

TEMPERIE, AETATE, HABITU, CALIDIS, SANGUINOLENTISQUE. In illis enim causa praedisponens talis adest, quae accedente causa occasionali, aeris calore, motu corporis valido, vini potu largiore &c. febrim continuam putridam excitare valet; cum in similibus ad diathesin inflammatoriam sanguis admodum pronus sit, & aucta circulationis velocitate maximum caloris augmentum illico fiat; unde subita humorum degeneratio, & quidem in putredinem, jure meruenda est. Hinc patet ratio, quare *Hippocrates* (4) athletarum valetudinem, si ad summum processit, periculosam dixerit: & morbos variis aetatibus familiares recensens (5) adolescentes febris acutis, ultra vero adolescentiam progressos pleuritidi, peripneumoniae, phrenitidi, febris ardentibus obnoxios vivere monuerit. Imo adeo necessarias has causas praedisponentes ad synochi putris productionem voluit *Galenus* (6), ut crediderit fieri non posse, ut in frigida aetate, nec in frigido corporis temperamento, siue ab initio adfuerit, siue nunc frigidum fuerit, continua exercitetur febris. Uti nec in gracilibus, vel qui raro sua corporis habitu:

§. 735.

(2) H. Boerh. Chem. Tom. II. pag. 304. (3) De crisibus lib. 1. cap. 12. Character. Tom. VIII. pag. 394. (4) Aphor. 3. Sect. 1. Character. Tom IX. pag. 7.  
(5) Aphor. 29. 30. Sect. 3. ibid. pag. 125. 126. (6) Method. medic. lib. 9. cap. 3. Character. Tom. X. pag. 204.

§. 732. **H**æc Homotonos, Epacmaſtica, ſeu Anabatica, vel Paracmaſtica.

Triplitem hanc februm continuarum diſiſionem dedit *Galenus* [e]. Homotonos dicitur, quæ ab initio ad finem uſque æqualis permanet, quam & Acmaſticam vocavit. Epacmaſtica vero vocatur & Anabatica, quando paulatim increſcit; & contra Paracmaſtica, quæ decreſcit. Notandum tamen, omnem febrim continuam initium habere, unde pergit ſenſim auſcila, donec ad *apex* ſui incrementi pervenit; unde & hoc ſenſu Homotonos dicta febris increſcit. Verum uti optime monuit *Galenus* (f), hoc nomine febris continua donatur, ſi maneat ea febris magnitudo, quam in prima acceſſione ſummatim habuit. Si vero febris pergat increſcere continuo tunc Epacmaſtica dicenda eſt; & contra, ubi ex ſummo ſuo vigore decreſcit ſenſim, tunc paracmaſtica vocabitur. Simul etiam apparet, febrim talem, quæ uno, alterove die manet homotonos, poſtea declinante morbo in paracmaſticam mutari; raro enim accidit, ut puto, febrim talem, abſque declinatione manifeſta imperus ſui, ſimul & ſemel deſinere, niſi larga venæ ſectio febris quafi juguletur; uti antea dictum fuit. Unde etiam *Galenus* (g), deſcribens caſum juvenis ſyncho putri laborantis, notat, febrim primis duobus diebus eandem manſiſſe, licet ſanguis ad animi deliquium uſque eduſtus fuiſſet; tertia vero die invenit febris imperum remiſiſſe paullulum; atque tunc conſcluſit, morbum illum vocari debere ſynochum putrem paracmaſticam, quamvis primis diebus homotonos fuiſſet; cumque quarta die iterum decreverat febris, & ſimul eadem proportionem urinae concoctio proceſſerat, ſeptimo die finiendam febrim conſcluſit, quod & factum eſt. Febrim autem manere, creſcere, vel decreſcere novimus ex pulſus celeritate, calore, & ſymptomatibus manentibus, auſtis, vel minutis.

§. 733. **E**x quibus prior ſalutaris: peſſima ſecunda: melior tertia.

Facilis horum ratio patet, ſi enim ſuſtinere poſſit morbus illud, quod in ægro de ſanitate adhuc ſuperſtes manet, dum in ſummo incremento eſt, ſpetat ulterius morbum tolerari poſſe, cum non amplius increſcat, ſed vel perſtet idem, vel declinet ſenſim. Ubi autem continuo intreſcit febris, tunc augetur morbus, decreſcit ſanitas; adeoque juſtus metus eſt, ne viſto morbo natura ſuccumbat. Unde ex hac ſynochi putris diſtinctione etiam habetur cognitio, qui de morbi eventu judicandum ſit; reliqua autem, quæ ad Prognofin ſpectat, ſequenti paragrapho enumerantur.

S. 734.

(e) De Febr. different. lib. 2. cap. 2. Charter. Tom. VII. pag. 128. (f) Meth. Med. lib. 9. cap. 3. Charter. Tom. X. pag. 203. (g) Ibid. cap. 4. pag. 206.

dis, indolem, copiam, motum sanguinis, humoris nostri universalis, unde reliqui omnes; tum & statum varium arteriae, vasis fere primarii omnium partium corporis [1]. Patet ergo, pulsum observationem in morbis summi usus esse. Ut tamen certi quid ex pulsu praefagiri possit, notandum est, plurimas pulsum mutationes occurrere, quae non adeo a morbo, quam ab aegri aetate, sexu, temperie, habitu corporis, animi affectibus, anni tempestate, arteriae ipsius singulari conditione pendet. Unde optime *Galenus* (k) pulsum mutationes distinxit in naturales, non naturales, & illas quae praeter naturam fiunt. Naturalem pulsum mutationem vocavit illam, quae a sexu, aetate, temperie, corporis habitu, regione, anni tempestate, & similibus pendet: sic enim viris v. g. rarior, & vehementior pulsus, caeteris paribus, esse solet, quam foeminis; pueris longe celerior quam adultis, in senili aetate autem tardior; in obesis longe debilior pulsus sentitur, quam in gracilibus. Non naturalem pulsum mutationem dixit, quae post exercitationes corporis, balnea, cibum largum &c. observatur [l]. Praeternaturalem autem pulsum mutationem appellavit, quae a causis morbosae sit [m]. Optimum ergo foret, ut prius cognosceretur, qualis pulsus aegro naturalis fuerit, antequam morbo corripere, unde optime *Celsus* dixit [vide Commentaria §. 602. 7.] cum par scientia sit, utiliore tamen Medicum esse amicum, quam extraneum. Verum hoc semper fieri non potest, cum multi *Medicos desiderant, cum quibus sani nullum habuerunt commercium* (n). Adeoque nihil superest in tali casu, nisi ut Medicus ad generales pulsum mutationes ratione aetatis, sexus, temperiei &c. attendat. Praestat etiam in utraque manu pulsum explorare, cum saepe ob situm profundior, vel diversam magnitudinem arteriae, in una manu longe debilior pulsus percipitur, quam in altera. Simulque conducet *Celsi* monitum, (de quo ad §. 571. mentio facta fuit): ut nempe Medicus non protinus, ut venit, tangat aegri pulsum, sed prius hilari vultu assideat, & aegri metum, si quis est, probabili sermone leniat. Saepe enim aegri, de morbi periculo solliciti, ad primum Medici aspectum turbantur, & mira tunc a sola hac causa in pulsu mutatio percipitur, quae tamen paullo post cessare solet.

Si ergo pulsus mutatio a morbo, ut causa unica, facta fuerit, tunc sequentes regulae locum habent.

QUO DEBILIOR. Designat enim vires moventes sanguinem per vasa immittas esse, vel liquidi movendi copiam deficere, sive hoc fiat post validas evacuationes praegressas, sive, in plurimis vasibus obstructis, & dilatatis accumulato fere omni sanguine, pauculum per vasa adhuc libera fluat, quod non sufficit arteriis valide dilatandis. Cum autem materiae febrilis concoctio, subsidio, & per criticas evacuationes de corpore expulso, vel per metastasim ad quaedam loca corporis depositio, requirant circulatorii humorum motus robur, patet satis pulsus debilitatem semper mali ominis esse. Contra vero pulsus fortis bonus semper signum dat; & si nimis validus fuerit in his

Tom. II. Par. II.

b

febri-

- (j) H. Boerhaave Institur. §. 978. (k) De Puls. ad Tyroneus cap. 9. Charter. Tom. VIII. pag. 4. (l) Ibid. cap. 10. pag. 6. (m) Ibid. cap. 10. pag. 7. (n) Ibid. cap. 9. pag. 4.

febris, sanguinis missione, aliisque remediis, §. 610. enumeratis; poterit facile ad debitum moderamen reduci, cum alia ex parte difficillimum saepe sit collapsas vires vitales in morbis restaurare.

**FREQUENTIOR, INAEQUALIOR &c.** Eo enim magis a pulsu sano recedit, qui naturaliter tardus, & aequalis esse solet. In moribundis autem pulsus apparent, debiles, & celerrimi nempe, ut illorum rythmi distingui nequeant, subinde uno, altrove validiori pulsu intercurrente, dum cor, collecta in sinibus venosis, & auriculis copia parum majori sanguinis, plus repletum validius adhuc contrahitur, atque hoc facto intermittit iterum pulsus; vel celerrimae, & minivae tantum quasi undulationes in arteria percipiuntur, donec iterum cor impletum validiorem pro momento pulsus facit. Cum ergo haec denotent vitam in ipso sui fonte vacillare, patet satis, quam funestum praesagium tales pulsus dent in morbis.

Notandum tamen, dum materia morbi, per febrem ipsam subacta, & cocta, movetur per vasa, & ad criticas evacuationes, vel metastases disponitur, miras saepe in pulsu perturbationes observari, quae tamen nihil tunc mali praesagiunt; de qua re in Commentariis §. 387. ubi de crisi agebatur, dictum fuit. Verum ex coctionis signis praegressis, morbi stadio, & crisis futurae indicibus distingui possunt tales pulsuum mutationes ab illis, quae a morbi vehementia, & malignitate ortum ducunt. Idem vero in multis aliis symptomatibus hac paragrapho recensitis obtinet, quod nempe quandoque salutarem crism praecedant, vel & comitentur; adeoque hoc semel monuisse sufficit.

**RESPIRATIO QUO DIFFICILIOR, FREQUENTIOR &c.** Respirationis considerationem attentam in morbis magni fecit Hippocrates, atque inde longe plura praesagia deduxit, quam a pulsu. Si autem bene intelligitur, qualis respiratio sit in optima sanitate, patebit evidenter, quantus sit morbosae respirationis ab illa recessus. Optima enim respiratio fit, quando aer sine ullo sonitu, absque interruptione, libere, & satis lente ducitur, retinetur, educitur: atque talis respiratio designat, organa omnia respirationi servientia rite valere, pulmones facile explicari; sanguinem commodè transmitti, adeoque aptum esse fluere per vasa omnia corporis [e]. Patet hic ratio, quare Hippocrates (p) dixerit: *Spirandi vero facilitatem existimare oportet, quod valde magnam vim habeat ad salutem in omnibus morbis acutis, qui cum febre sunt, & quadraginta diebus judicantur.* Ubi vero illa spirandi facultas abest, suspensum semper signum dat, cum necessariam pulmonis dilatationem, & liberum sanguinis ex corde dextro per pulmonem transitum, impedita esse denotet. Notandum interim, ex mala conformatione thoracis in gibbosis v. g., tumore abdominis in gravidis, pluribusque similibus causis ante morbum praexistentibus, liberam thoracis dilatationem impediri posse; quae ergo tunc nihil ad prognosin faciunt, nisi quatenus a levioribus malis, ad perversam talem conformationem accedentibus, respiratio magis impediatur.

Diffi.

(\*) H. Boerhaave Institut. §. 975.

(p) In Prognosticis Charter. Tom. VIII. pag. 608. Coac. Praenot. N. 261. ibid. pag. 266.

Difficilis autem respiratio dicitur, quae longe majori cum molimine fit, quam in corpore sano quiescente, & vigilante observatur; tunc enim adeo lenta, & quæta est, ut vix advertatur. Notum enim est ex Physiologicis, respirationem vitalem, & sanam fieri absque voluntatis imperio, nam & homine inscio, & dormiente pergit; interim tamen ad hanc respirationem vitalem accedere posse alias causas, voluntatis imperio subditas, quae longe violentiori pectoris dilationi in inspiratione, ejusdemque arrestationi in expiratione serviunt. Plurimi enim muscoli, & satis validi, quamvis simul & alii usibus inserviant, ex voluntatis imperio tamen & respirationi operantur (g), cumque illi & majores, & fortiores sint his, qui respirationem vitalem faciunt, possumus pro lubitu respirationem augere, minuire, imo & integre sistere. Ubi ergo in febribus ob minus facile dilatabilem pulmonem, vel difficiliorem transitum sanguinis per pulmonalem arteriam molestissimus anxietatis sensus (vide §. 631.) oritur, omni molimine respirationis has resistentias superare nititur homo, atque omnium illorum musculorum actionem in auxilium adhibet; tuncque difficilis respiratio dicitur, quae semper supponit pulmonis minus facilem dilatabilitatem in parte aerea, vel sanguinis per arteriam pulmonalem transmittendi immeabilitatem, vel & majorem celeritatem motus sanguinis per vasa pulmonis, vel plura ex his aut omnia simul. Novimus enim, ut omnis sanguis, corde dextro contentus, per pulmonem rapido motu transire possit in cor sinistrum, requiri pulmonis in parte aerea dilatabilitatem, unde in foetu alias vias sanguini ex uno cordis cavo in alterum transeunti natura paravit, quae deinde in homine nato, & respirante obliterantur: ubi ergo spasmodyce contracto pulmone in asthmaticis ejus facilis dilatabilitas impeditur; vel in morbis inflammatoriis pulmonis sanguis per ultimas arteriae pulmonalis angustias transire nequit; vel in animalibus caeteroquin sanis, valido corporis motu accelerata circulatione, major copia sanguinis intra idem tempus per pulmonem transire debet; tunc majori molimine perficitur respiratio, omnibus illis musculis voluntariis agentibus, qui ad placidam, & sanam respirationem non requiruntur.

Apparet hinc ratio, quare *σπννμα πρὸς χυμῶν* vocaverit Hippocrates (r) difficilem respirationem, ac si strangularetur homo; tunc enim validi pectoris motus observantur, sic ut singulis inspirationibus stragula, aegrorum talium corporibus incumbentia, attollantur; unde quasi manifestam respirationem vocavit, quia in sanis, & quiescentibus vix ullus pectoris motus apparet, dum respirant. Alibi vocavit *σπννμα πρὸς χυμῶν* (f), respirationem sublimem, quando costis superioribus valido nixu elevatis totum pectus attolli videtur. Ubique autem damnavit in morbis acutis difficilem respirationem, dicens: *Quibuscumque in febribus non intermissentibus spirandi difficultas fit, & delirium, lethale* (s). Semper ergo eo pejor, & lethalior morbus erit, quo respirato

b 2

fuerit

(g) H. Boerhaave Instit. §. 631. 632.

(r) Proorrh. Lib. I. Text. XXIV. Charter. Tom. VIII. pag. 715. Coac. Prænot. N. 252. ibid. pag. 856.

(f) Epid. 3. Charter. Tom. IX. pag. 235. 236.

(s) Aphor. 50. Sect. IV. Charter. Tom. IX. pag. 167.

fuerit difficilior & frequentior; dum miseri, aequae ac sani homines post validos cursus, anhelant, & omni molimine pulmonem dilatare nituntur. Apparet tunc ille motus pinnarum nasi, ut nempe naribus diductis major copia aeris adhuc auriri possit, sicque pulmo magis dilatari. Funestum hoc signum adest tunc inprimis, quando, fractis jam viribus, nec erecto in lecto corpore sedere amplius possunt aegri, neque validis musculorum voluntariorum nixibus adjuvare valent suffocatam ferre respirationem. Dum equi rapidissimo cursu exerciti anhelant, apparet evidentissime pinnarum nasi motus, & solito major narium diductio: unde & veterinarios equis nares discindere legitur [u], ut facilius aerem inspirare possint.

Verum cum dolor circa vitalia viscera, & partes, quae illis adjacent, respirationem impedit, malum signum est; & in acuta pleuritide saepe se ipsos suffocant aegri, dum ob doloris acerbicatem pectus dilatare nequeunt: unde tunc sanguine a capite per venas redeunte, non potente se commode evacuare in cor dextrum plenum, ob impeditum defectu respirationis liberum per pulmones transitum, encephalon a distentis sanguine vas compressitur; hinc hebetes & semisopiti saepe aegri in pessima pleuritide jacent, vix amplius de dolore conquiescentes, dum interim celerrima, & difficilis respiratio summum discrimen notat. Hinc forte Hippocrates monuit (vv) frequentem respirationem dolorem significare, vel inflammationem in locis supra septum transversum. Optime tamen notavit Galenus (x), respirationem laedi, si doleant aliae etiam partes, quae in respiratione debent moveri; unde & hepate, ventriculo, liene &c. inflammatis, & dolentibus, idem contingere monuit. Unde generalius in Coacis (y) axiomata habetur: *Respiratio, quae frequens, & parva est, inflammationem, & dolorem in locis principalibus significat.*

Verum & inordinata respiratio funesti ominis est. Talis autem vocatur, quando non eodem modo peragitur, sed nunc longe validior fit, mox iterum obducitur. Talis fuit *respiratio rara, magna per tempus, & rursus brevissima* (*σπανχίανος*) [z] in muliere phrenitica, quae vicesima prima die morbi obiit, & cui ad hunc usque respirationem magnam, & raram fuisse Hippocrates dicit. Similem respirationem & in alio aegro (a), qui vicesima quarta die phreniticus obiit, notavit. Unde & talem respirationem delirium significare, aut & convulsionem, dixit [b]. Ad respirationem inordinatam pertinet & illa, quando valida inspiratio est, expiratio parva; & contra, si parvam inspirationem valida expiratio sequatur [c], vel saltem quae ob magnum molimen, quod aegri adhibent, valida videtur, dum distentis buccis aerem efflant; quales aegros alibi (*σπυρδανος*) efflantes vocavit [d].

Huc

(u) Hoffer. Comment. In Coac. Hippocrat. pag. 467. (vv) In Prognosticis textu 24. Charier. Tom. VII. pag. 607. (x) e Respirat. diffic. Lib. 1. cap. 12. Charier. Tom. VII. pag. 232. (y) N. 261. Charier. Tom. VIII. pag. 266. (z) Lib. III. Epidem. aegrot. 15. Charier. Tom. IX. pag. 309. (a) Ibid. aegrot. 16. pag. 310. (b) In Prognostic. textu 24. Charier. Tom. VIII. pag. 607. In Coacis Praenot. N. 261. ibid. pag. 866. (c) Ibid. in Coacis. (d) Ibid. N. 67. pag. 836.

Huc etiam pertinet illa, quae *duplicata introrelocatione, quasi superiuspiratio* aegris fit (e). Talis respirationis species in plorantibus pueris adest [*sukken*]; & quandoque in aegris occurrit: sic in *Phitiso* (f), qui sexto die periit, ad finem ulque respirationem fuisse magnam, & raram, velut revocanti (*κατὰ ἀνακλήσειν*) notatur. Videtur & similem respirationis anomaliam alibi *πνιγνὰ οπισθίαν* vocasse (g); quem locum *Celsus* (h) hoc modo vertit: *Quorum faucibus in febre illiditur spiritus, inflat his nervorum distensio, Luethuosa autem, & gemebunda spiratio, quam pariter in morbis acutis damnavit Hippocrates* (i), huc etiam referenda videtur.

Damnabit & frigidam respirationem, tanquam lethalem; fervidam autem, quae aerem expiratum quasi incendit (vide §. 739.), & fuliginosam, etiam lethalem dixit, sed minus tamen, quam frigidam (k). In textu quidem habetur *αυπνία*: verum cum nullus hujus verbi sensus esset in hoc loco, & frigidae respirationi opponatur, videtur legendum esse *αυπνία*. Frigida autem respiratio gangraenam jam in pulmone esse docet, adeoque certissime lethalis: fervida vero summum ardorem circa vitalia viscera designat, adeoque summum quidem periculum notat, non tamen adeo absolute mortem instantem, ac quidem frigida respiratio.

LASSITUDO QUO VEHEMENTIOR, DEBILITAS MAJOR. Spontaneae Lassitudines morbos denunciare, dixit *Hippocrates* (l), quae saepe observatae, dum inflammatoria sanguinis spissitudo nata ad morbos acutos disponit. Ubi ergo ingens lassitudo adest, sanguinis immeabilitas jure metuitur, in primis in morborum initiis: in fine enim exhausto per morbum corpore, & in primis post validas evacuationes, a mero defectu lassitudo, & debilitas nascuntur. Videantur illa, quae in *Capitulo de Debilitate Febrili* dicta fuerunt.

JACTATIO CORPORIS FREQUENTIOR. Haec est illa *δυσπογία* in morbis, qua aegri situm corporis continuo mutant, ut molestissimae anxietatis lo-vamen habeant; quae pessimum semper signum dat; cum contra facile morbum febre inter optima signa habeatur. Videantur, quae circa hanc rem habentur in *Capitulo de Anxietate Febrili*.

DECUBITUS IN DORSUM, EXTENSIS MEMBRIS, FREQUENTIOR. Bonum signum est in morbis, si sic decumbant aegri, uti solent sani (m). Quales autem sanorum decubitus sit, ibi describit, uti alia occasione in *Commentariis* §. 211. memoravi, ubi de naturali unionem partibus vulneratis concilianda agebatur. Optimum enim est, ut aegri in alterutrum latus decumbant, manibus, collo, cruribusque parum reductis, sic enim plurimi sani cubant. Quo autem magis a naturali sanorum dormientium situ recedit aegri decubitus, eo pejus signum in morbis. Ubi ergo supinus in dorsum

b 3.

decum-

(e) Ibid. N. 261. pag. 866.

(f) Epid. 1. aegrot. 2. Charter. Tom. IX. pag. 99.

(g) Aphor. 68. Sect. IV. Charter. Tom. IX. pag. 178. (h) Lib. II. cap. 7. pag. 64.

(i) Aphor. 54. Sect. VI. Charter. Tom. p. 286. (k) Coac. Praenot. N. 261. Charter.

Tom. VIII. pag. 866. (l) Aphor. 4. Sect. II. Charter. Tom. IX. pag. 461.

(m) Hippocrat. in Prognost. textu 13. &amp; seq. Charter. Tom. VIII. pag. 600.



decumbit aeger, talem situm habet, qualem cadaver propria gravitate sola acquirit, adeoque resolutionem virium ostendit. Uti enim optime notavit *Galenus* {u}, non omnes muscoli oris sunt in dormientibus, sed quidam agere pergunt, dum sanus homo dormiens alterutri lateri incumbit: si enim cadaver humanum in tali situ poneretur, illico vel in dorsum, vel in ventrem prolaberetur, prout, huc illuc sua gravitate vergeret. Sic videmus moribundos resupinos jacere, & in ultimo mortis agone omnes extendere artus, ac si directio hoc omnium vaforum per artus distributorum situ humorum motus per illa adhuc juvare vellent: adeoque patet, talem aegrorum decubitus notare, quod morbus in mortem tendat. Patet ergo ratio, quare *Hippocrates* (o) talem decubitus damnaverit, & pejorem adhuc dixerit, si corporis trunco declives aegri versus pedes delabantur, vel manus, collum, cruraque inaequaliter dispersa, & nuda habuerint, ore hiantes assidue dormiant, vel supinis jacentibus crura multum contracta, & disjuncta fuerint, aut proni in ventrem cubaverint, nisi per sanitatem sic affueverint; vel denique, dum morbus viget, continuo erecti in lecto residere velint. Omnia enim haec quamplurimum a sanorum decumbentium habitu, & situ distant.

RATIONIS, AFFECTUM, QUO USUS PERTURBATION. Vel plebi notum est, pessimum signum esse, si aegri consuetis animi affectibus careant, vel omnino oppositis afficiantur. Si enim de uxore, liberis, amicis, nulla amplius aegris cura sit, sato jam praeditos [vege meschen] dicunt omnes; & contra magnam spem sanationis concipiunt, si de his solliciti fuerint, quae amaverant sani. Patet hinc ratio, quare *Hippocrates* damnaverit ferrox ab homine moderato responsum; uti etiam, si aegri praeter consuetudinem aliquid facerent, vel aliquid in animum inducerent prius non consuetum; vel contra a consuetis non afficerentur: uti alia occasione, dum de delirio febrili agebatur, in Commentariis §. 702. dictum fuit. Designat enim per morbum mutari jam naturalem statum sensorii communis, a quo rationum, animique affectus pendent.

APPETITUS MAGIS PROSTRATUS, DIGESTIO MOLESTIOR. Primum indicatum in cura generali febrium, §. 598. memorata, erat, ut vitae, ejusque viribus consuleretur; constituitque ex illis, quae ad §. 599. dicta fuerunt, ad hanc indicationem requiri cibos, & potus fluidos, facile digerendos, & putredini omni adversos &c. Verum optima etiam talia ingesta nihil proderunt, si non superfit tantum de viribus, ingesta mutantibus in naturam nostram, ut possint haec assumpta retineri, subigi, & distribui per corpus. Ubi ergo appetitus adeo prostratus est, ut quaevis etiam alimenta aegri abhorreant, vel assumpta illico evomant, vel ab iisdem gravetur corpus, & anxietas magna oriat; tunc nihil inde emolumenti haberi poterit, & quotidie magis magisque deterentur vires per morbum, adeoque non poterit arger sufficere ad coctionem, & crism usque. Simul etiam ex his symptomatibus novimus, viscera, quae alimentis assumendis, resinendis, digerendis &c. serviunt, per morbum

(\*) Lib. II. de Motu muscul. cap. 4. Charter. Tom. V. pag. 386. 387.

(o) In Prognosticis Charter. Tom. VIII. pag. 601. & seq.

morbum in suis functionibus magnopere laesa esse; adeoque appetitus delio, & digestio molesta nocebunt tantum signum, & causa.

URINA RUBICUNDIOR. Caloris interni signum dare urinae rubedinem §. 673. dictum fuit: verum probatum fuit §. 675., caloris augmentum in febribus ortum debere violentiori partium fluidarum in se mutuo, in vasa, horumque in illas attritui; adeoque quo urina rubicundior fuerit, eo major attritus ille praegressus fuit, uti & calor. Omnia ergo illa mala, quae §. 100. & 689. enumerata fuerunt, praevidenter; & praecipue humorum degeneratio in acrimoniam putridam, & tenerrimorum vasorum destructio. Patet hinc ratio, quare inter signa futuri delirii Hippocrates [p] recensuerit urinas non subsidentes, praeurbras cum suspensis.

CRASSIOR, TURBIDIOR, CUM SEDIMENTO MINORI. Uti enim dictum fuit ad §. 731., talis urina quam maxime a conditionibus urinae sanae recedit, adeoque magnam humorum mutationem per febrem factam ostendit. Cum autem urina contineat aquam sanguinis, salem ejus jam acriorem, & alcalino proximum, oleum sanguinis pariter jam acris factum, & putrefacto proximum, terramque tenuem, satis volatilem, valde attritam [q]; patet tunc crassiorem fieri urinam, dum his contentis saturatio est. Verum quo validior febris fuerit, eo major attritus, & degeneratio salium, & oleorum sanguinis in majorem acrimoniam adsunt, adeoque eo major copia talium, quae per urinam debent exire de corpore. Omnia autem haec, si urinae in febribus permixta manent intime, rubicundam urinam faciunt, diversa coloris intensitate, pro varia inprimis olei sanguinis, acrioris jam redditi, admixtione. Si vero tanta sit contentorum urinae copia, vel diluentis vehiculi in urina penuria, ut illa, quae in urina soluta haerent, aequabiliter sustineri nequeant, turbatur urina, & opaca redditur, citius, vel serius pro varia contentorum copia, & indole, & majori, minore frigoris gradu, cui talis urina exponitur. Videmus enim hyemali subfrigoris sanorum urinam turbari, & crassam fieri, quae tamen, aucto tantum calore, iterum limpida, & tenuis redditur. Idem etiam aestivis caloribus, per sudores diffusa sanguinis aqua, contingit, dum sic rubra & aeris urina redditur, quae quandoque satis cito turbida, & opaca fit; affusa vero aqua calida, redit pelluciditas; vel etiam, si postea dilutior, & calida urina addatur: unde saepe mirantur ignari, dum urinam, vespere ante somnum emissam, turbidam mane redditam vident, atque paullo post iterum pellucidam, cum recens, & calida urina illi admiscetur. Dum autem secedum illa, quae soluta manere nequeunt in urina, si liquido, cui innatant, specificae graviora fuerint, fundum petent citius, vel serius pro vario ponderis excessu; ubi vero idem cum liquido continente pondus habent, vel major cohaesio sit partium liquidi, quam ut ab his particulis excensis separari possint, tunc manebunt in eodem loco, neque subsidebunt particulae excusae, sed opaca, & turbida manebit urina. An forte per validum attritum sic divisa fuerunt haec omnia in minimas moleculas, aut aucta superficie minua-

b 4

tur

(p) In Prorethet. Lib. I. Charter. Tom. VIII. pag. 719.

(q) H. Boerhaave Instit. §. 375.

tur proportionis gravitas? certe argenti vivum, fluidum ponderosissimum, per ignem divisum in minima, per aera volitat. Designat ergo talis urina validum attritum particularum fluidarum ad se mutuo, & ad vasa, solidarum partium corporis detritum, adeoque minimis, & tenerissimis vasculis magnam vim inferri, humores corporis per morbum plurimum degenerare a sapientis legibus, salesque, & olea acriora reddi, & majori hinc copia per urinam expelli, simulque diluenti, & tenuissima parte humores destrui. Unde apparet magnum discrimen in febribus continuis putridis, quod talis urina indicat.

Patet hinc ratio, quare Galenus (r) dixerit: *Quod si turbida (urina) sit, qualis veterinorum (αἵμας) apparet, crudis vocatis humoribus repletae quidem venas esse indicabis, non vero quiescere circa illos naturam, sed valide consequere.* Laudat deinde celerem separationem crassi a liquido; & ubi subsidentia alba laevis, & aequalis est, tunc naturam crudos humores superatam indicabit, sin minus, contrarium. Deinde addit universalem hanc regulam: *Verum omnino turbidarum urinarum generali nota tibi sit separatio, vel cito, vel tarde facta, aut omnino nulla.* Prima optimum signum dat, secunda minus bona, tertia pessima.

Turbidae autem illae urinae vel eminguntur tales, vel redduntur pellucidae, & paullo post turbantur, talesque permanent, quod saepius in his febribus contingit. Vocavit Hippocrates (s) has urinas subjugales, quia in equis, vaccis, & similibus animalibus talis urina naturaliter observatur, atque sequenti modo descripsit in *Philini uxore*; quam decimo quarto die a puerperio febris prehenderat: *Undecima die morbi minuit, urinam confertim copiosam, crassam, albam, quale quid ex urinis subsidentibus fit, quando revertantur; multo tempore relicta non subsidebat. Color, & crassities similis erat subjugalium. Talia meiebat, qualem ego vidi.* Tales autem urinas ubique damnavit; non enim apparent nisi in febribus, quae periculosis symptomatibus stipantur. Capitis dolores praesentes, vel mox adfuturos, post similes urinas monuit alibi (t). Et in *Prognosticis* (u), postquam urinam fulvam, & tenuem cruditatis signum esse dixerat, addit, magis lethales esse crassas urinas. Tunc autem in primis pessima quaecumque expectanda sunt, si per plures dies tales maneant, absque subsidentia; si enim sublidere inceperint, meliora sperare licet. Sic in *Pericle* (w) primo die urinae copiosae albae turbidae aderant, quae sedimentum non deponebant; secunda die crassae quidem erant; sed magis subsidebant; tertia die jam concoctae multum sedimentum continebant; & quarta die sudore calido copioso perfecte judicatus aeger a periculoso morbo evasit.

Tales ergo crassae urinae cruditatem magnam morbi designant in febribus, & validum impetum, quo natura in morbi materiam agit, unde, nisi cito muten-

(r) De Sanitate tuenda Lib. IV. cap. 4. Charter. Tom. VI. pag. 121.

(s) Epidemicor. I. aegrot. 4. Charter. Tom IX. pag. 104.

(t) Aphor. 70. Sect. IV. ibid. pag. 180. & Epid. VII. pag. 597.

(u) Charter. Tom. VIII. pag. 615.

(w) Epidem. 3. aegrot. 6. Charter. Tom. IX. pag. 301.

mutentur in melius, in acutissimis morbis certam perniciem fere demonstrant; in mitiori morbo longitudinem, & difficilem crisim.

VEL ET TENUOR, MAGISQUE AQUOSA. Designat enim talis urina, retineri in corpore illa, quae per has vias naturaliter de corpore evacuantur; olea nempe, & sales sanguinis acriora reddita, magis adhuc nocitura, quia in febre acuta continua putrida omnia citius in corruptelam vergunt, quam in sanitatem. Observatur & talis urina quandoque, dum sanguis inflammatoria densitate immetabilis redditus aquae, quantumvis copiosae ingessae, miscelam respuit; unde tunc potus assumtus statim per urinae vias elabatur. Hinc patet ratio illius asserti, quod Hippocratem [x] habetur: *Mala est quaque (urina), quae post potum cito mingitur, maxime in pleuriticis, & peripneumoniacis*. Sic & alibi tenuem, & solum urinam damnavit dicens: Quoad autem urina fulva, & tenuis fuerit, crudum esse morbum significat; si vero & morbus longe fuerit, urina vero talis, periculum est, ne sufficere homo non possit, quoad concocta sit urina (y). Videantur & illa, quae de tali urina in Commentariis §. 712. dicta fuerunt.

PARCIOR, MINUS RETINENDA. Ob eandem causam damnatur & urina parcior, quia designat diluente vehiculo orbem sanguinem non posse suppeditare sufficientem lymphae copiam, per quam ex sanguine eluuntur acriora. Unde & plerumque parcior talis urina acerrima est, & stranguriosa, continuum, & molestum mejendi conatum efficiens. Pessimum pariter signum est in his morbis, si absque voluntatis imperio inscisi aegris elabatur urina; tunc enim semper insignis cerebri laesio per morbum adest: unde fere tantum in delirantibus, phreniticis, comatosis &c. apparet hoc symptoma. Monuit hoc Hippocrates dicens: *Quae urinae non recordantibus effluunt, perniciosae* [z]. Et inde subjungit: *Num ab his mejuantur, ac si sedimentum coarscueris*: nempe perturbatae, & subjugalium urinis similes. Et alibi [a]: *Quos latens urina procidens, & pudendum contrahitur, desperati*. Hujus textus aliam tamen lectionem, quae melior videtur, habent Foetus, & Duretus (b); loco enim hujus οἱσι λανθάνει τοῖς ἀποπροπίπτει, καὶ αὐτὸς ἀποπροπίπτει, ἀνασπαστικῶς legunt: Οἱσι λανθάνει τοῖς ἀποπροπίπτει τοῖς αὐτοῖς ἐκλύοντες ἀνασπαστικῶς. Quos latens urina procidens ad pudendum, exolvuntur desperati.

MOTUS, QUO MAGIS TREMULI, TACTUM REFUGIENTES, LUDENTES, CARPENTES. Designant enim haec omnia, sensorium commune affici; unde deliria, convulsiones &c. metuenda sunt. Videatur de his *Capitulum de Tremore Febrili*; uti & illa, quae in Commentariis §. 702. de his tanquam futuri delirii notis dicta fuerunt. Illud autem symptoma, quo aegri tactum quasi refugiunt, solus fere notavit Hippocrates (c), atque αἰσὶς χυρὰ ἀνασπαστικῶς, ad manum exsiliences, vocavit, & male habere monuit. In talibus enim aegris, dum

Medicus

[x] Coac. Praenot. N. 599. Charter. Tom. VIII. pag. 326.

[y] In Prognostic. Charter. Tom. VIII. pag. 634. 935.

[z] Prothet. Lib. I. text. 28. Charter. Tom. VIII. pag. 7. 8.

[a] Coac. Praenot. N. 474. Charter. Tom. VIII. pag. 879.

[b] In Coac. Hippocrat. pag. 163.

[c] In Coacis Praenot. N. 61. Charter. Tom. VIII. pag. 855.

Medicus digitos carpo admovet pulsum exploraturus, manus subito resiliq; si rogentur, quare manum retrahant, dicunt, se hoc nescire. Videtur tunc in senlorio communi tanta irritabilitas esse, ut a levissima etiam nervorum, in diffusa quamvis parte corporis, mutatione turbetur totum; unde brevi convulsionones instare metuendum est. Ob eandem causam in his aegris oculi lumen refugiunt; quod pariter perniciosum in morbis signum esse. *Hippocrates* monuit [d].

OCULI QUO LUCTUOSIORES. Ad omnia haec attendendum est: unde optime *Celsus* (e) iussit, ut *Medicus neque in tenebris, neque a capite aegri resideat, sed illustri loco adversus eum, ut omnes notas ex vultu quoque cubantis perspiciat*. Oculi autem plurima, & certissima signa dare solent in morbis: nec mirum, cum & in sanis animi affectus varios in oculis observare liceat, & prima ingruentium morborum indicia saepe in oculis appareant. Dum quartanarium paroxysmus jamjamprehendet, pallor oculorum adest; dum in syncopen delabatur homo, solitus oculorum splendor minuitur prius. Ex oculis futurum delirium praesagire noverat *Hippocrates* [vide Commentaria §. 702.]. In debilibus, post morbos praegressos, hominibus primum renascentium virium indicium major oculorum vigor dare solet. Unde non sine ratione dixit *Hippocrates* [f]. *Oculi ut valent, ita totum corpus*. Pessimum ergo signum in morbis est, ubi depravatur naturalis ille oculorum nitore, & splendor, qui ab aequabili vasorum impletione, & assidua tenuissimae lymphae irroratione, qua oculi detergentur, pendet. Unde in moribundi sicci, squalidi, & pulverulenti apparent: obvolitantibus enim in aere pulvisculis brevi deturparentur oculi, nisi frequenti palpebrarum nictatione, & tenuissimae lymphae ablutione, depurarentur continuo. Hinc circa mortem, & defectu illius liquidi, & dum insensiles jam, & hebetes jacent aegri, non detergentur illae sordes, sed accumuluntur, & luctuosissimam instantis jam mortis imaginem exhibent; vulgo etiam fatale hoc signum distinguente, dum dicunt [*bes gesigt is gebrooken*] abolito jam visu, aegros conclamatos esse.

Unde *Hippocrates* [g] pro malis, & perniciosis signis habuit, si oculi pervertantur, aut alter altero minor sit, vel alba fuerint rubra, aut livida, vel vena nigras in illis sint, aut sordes circa oculos appareant, aut sublimiores, vel prominentes (oculi) vel admodum cavi facti, vel supercilia curva, aut rigida maculosa, aut visus squalidus, & sine splendore &c. Similia & in Coasis [h] habentur; ubi & additur, si circa oculos tenuem concretionem albam habeant [*αἰθὴ λευκή*], qualis pellicula, ab inspissatis, & collectis humoribus nata, visum obducens in moribundis saepe apparet. Hinc etiam dixit alibi (i): *Oculus bebesens* [*ἀμαυήμων*], praeum, & fixus & caliginosus, malum. Contra vero pro optimo signo habuit oculorum nitorem in morbis; unde dixit (k):

Ocu.

(d) In Prognostic. Sentent. 10. Charter. Tom. VIII. pag. 597.

(e) Lib. III. cap. 6. pag. 130.

(f) Epidemicor. 6. Charter. Tom. IX. pag. 505.

(g) In Prognost. Sentent. 10. Charter. Tom. VII. pag. 597.

(h) N. 219. ibid. pag. 864.

(i) In Prothetis Lib. I. Charter. Tom. VIII. pag. 73.

(k) In Coasis N. 218. ibid. 864.

*Oculorum puritas, & alba illorum ex nigris, vel lividis pura fieri, criticum. Si igitur cito depurentur (oculi), celerem crifim significant; si tarde, tardiorum.*

Quandoque etiam accidit, ut aegri vultus memorem exprimat, interdum cum lacrymis, aliquando & sine eis, licet nondum tamen adeo squalidi oculi appareant: si rogetur tristitiae causa, negat se tristem esse. Pessimum semper hoc signum est, quod aliquoties in aegris vidi. Inter mala autem signa recensuit etiam Hippocrates (1), si per somnas, palpebris non commissis, aliquid ex albo subapparcat, neque ex diarrhoea, aut purgantis potione hoc factum fuerit, neque aeger hoc modo dormire solitus sit. Admodum enim lethale hoc signum esse monuit. Ubi etiam si in febre non intermitte, labium, palpebra, supercilium, aut oculus, aut nasus pervertatur; si non videant, si non audiant, imbecillo jam aegro. Si quid horum acciderit, mors prima est (m).

INVOLUNTARIIS LACRYMIS HUMIDIORES. Hae sunt illae lacrymae, quae in moribundis toties apparent; unde & Poetae media in morte natantes oculos dixerunt. Damnavit has Hippocrates (n), quando absque causa lacrymis madent oculi: si enim audito mortis periculo, vel cara dum pignora vident, ilacrymentur aegri, bonum potius signum est, cum solitis tunc moveantur animi affectibus. Unde alibi (o) in acutis, male habentibus aegris, voluntarias lacrymas bonas dixit; involuntarias vero malas. Imo non tantum in febris, verum etiam in aliis morbis idem obtinere monuit (p). Unicum tamen excipit casum, in quo lacrymae involuntariae futurae criseos, per narium haemorrhagiam, signum dant; si nempe tales lacrymas alia pessima signa non comitentur. Ita enim habet (q): Quibus in febris acutis, maxime in ardentibus, iuvitae effluunt lacrymae, illis sanguinis e naribus profusum expectandum est, & si reliqua perniciosa non habuerint; male enim habentibus non haemorrhagiam, sed mortem portendunt. Monuit autem Galenus (r) Medicos, ne perterreantur, licet talem aegrum delirare, & subsilire viderint, si una cum lacrymis involuntariis alia signa futurae haemorrhagiae narium adsint; ut capitis dolor, qui antea non adfuerat, colli, & cervicis tensio, & dolor, faciei palpitatio, oculorum rubedo &c. Tunc enim omnia haec humorum sursum tendentium indicia esse dixit. Imo adeo indubitatum signum dare lacrymas illas involuntarias tunc credidit, ut afferat in tali casu. Quod si iuvitae illacrymentur, aut splendores se cernere sibi videantur, aut manus admoveant naribus, velut scalpentes, tunc jam non adfore, sed adesse sanguinis fluxionem conspicias.

Haec sunt illa praecipua signa, ex quibus concludimus, febrem acutam continuam putridam admodum periculosam esse, & in mortem tendere. Quae autem plura ex pessimis his signis simul adsunt, eo pejorem, & lethaliorem mor-

(1) In Prognosticis Sententiae, 12. Charter. Tom. VIII. pag. 399. & Aphor. 52. Sect. VI. Charter. Tom. IX. pag. 285. (m) Aphor. 49. Sect. VI. Charter. Tom. IX. pag. 166. In Prognosticis Sententiae, 12. Charter. Tom. VIII. pag. 600. (n) Ibid. Sententiae, 10. pag. 397. (o) Epidem. 6. Textu 21. Charter. Tom. IX. pag. 380. (p) Aphor. 52. Sect. IV. Charter. Tom. IX. pag. 168. (q) Epidem. 1. Charter. Tom. IX. pag. 75. (r) Lib. II. Method. Med. ad Glaucon. cap. ultimo Charter. Tom. X. pag. 366.

morbum esse, satis patet. Simul etiam apparet, quod prognosis in his morbis non adeo pendeat ab intellectis causis, sed certa habeatur ex signis laesarum functionum, quae docent maiorem, vel minorem recessum morbi a sanitatis conditionibus.

§. 735. **S**ed ubi somnus difficilis, & male cedens, pustulae purpureae, vel lividae corpus deturpant, hypochondria tensa, & inflata, fere moritur.

UBI SOMNUS DIFFICILIS, VEL MALE CEDENS. Quanta mala vigilae in febribus faciant, ad §. 708. dictum fuit, ut & pater, quantum boni a placido, & pacato somno in morbis expectandum sit. Praecipua enim spes in eo consistit, ut blando somno resecti aegri molestias morbi facilius tolerare possint, sicque sufficere ad crism, vel solutionem morbi usque. Ubi autem somnus difficilis est, & turbulentus, cum terrore saepius excitantur aegri; vel, licet profundo somno demersi jacuerint, evigilantes tamen inde nullum levamen sentiunt, sed potius auctam corporis defatigationem, & majorem debilitatem percipiunt; hinc in angusto spes est, & fere semper lethalis eventus morbi erit, & pessima sequentur symptomata. Unde Hippocrates (§) turbulenta, & ferocissimas ex somno excitationes damnavit tantumquam convulsivas, & alibi (†) in febribus ex somnis pavores, aut convulsiones malas pronuntiavit: quin imo universale hoc axioma practicum posuit (u): *Quo in morbo somnus laborem facit, lethale, si vero juvet somnus, non lethale.*

PUSTULAE PURPUREAE, VEL LIVIDAE CORPUS DETURPANT. Quam mali ominis in morbis sint tales pustulae, pluribus demonstratum fuit ad §. 723., ubi de exanthematibus febrilibus agebatur: sunt enim quasi necrosae, & gangraenosae morbi indolem denotant. Notandum tamen, has pustulas rite distinguendas esse a maculis illis purpureis, & lividis saepe, quae in scorbuticis corporibus in levibus etiam febribus quandoque apparent. Sed maculae illae scorbuticae magis irregularis figurae sunt, & latiores plerumque, & ex signis scorbuticae cacochymiae praegressae, & absentia malorum symptomatum, cognosci poterunt.

HYPOCHONDRIA TENSA, ET INFLATA. Quid proprie praecordiorum, five hypochondriorum nomine, Veteres Medici intellexerint, in Commentariis §. 701. dictum fuit; patuitque tunc, cardiacam vocatam, hypochondria stricta dicta, & epigastrium huc referri, ubi hepar, lien, ventriculus, pancreas &c. continentur. Videtur Hippocrates in morbis semper sollicite observasse, quos modo se haberent hypochondria, atque inde plurima praesagia tam ad salutem, quam interitum, deduxisse. Universalem autem hanc regulam practicam tradidit. *Optimum quidem hypochondrium est, si doloris expertus, & melle ac aequabile, & in dextris, & in sinistris. Inflammatum autem, vel dolorem adferens, aut tensum, aut dextrum a sinistro varium, aut contra sinistrum a dextro,*

(§) Prothetice: Lib. I. Charter. Tom. VIII. pag. 779.

(†) Aphor. 67. Sect. IV.

Charter. Tom. IX. pag. 177.

(u) Aphor. 1. Sect. II. ibid. pag. 43.

*dextro, haec omnia attendere oportet [w]. In Coacis autem Praenotionibus (x) addidit, signum morbi mali moris esse, si hypochondrium inflammatum, inaequaliter se habens, aut dolens fuerit. Prae reliquis autem damnavit, si inflammatorio tumore attollerentur haec loca; & merito, cum viscera hic locata pessime affecta esse hoc demonstret; & vel subita mors, vel periculosa admodum suppuration, in his locis tunc medenda sint; atque ideo dixit: Tumor autem durus & dolens in hypochondrio pessimus quidem, si totum hypochondrium occupaverit: sin vero in altera tantum parte fuerit, minus periculosus, qui in sinistra. Verum significant tales tumores in initio quidem, periculum esse mortis brevi futurae; si vero febris vigesimum diem superet, nec tumor interea subsidas, in suppurationem vertitur (y). Monuit tamen, quandoque in primo talium morborum circuitu, narium haemorrhagiam accedere. & plurimum prodesse; unde iussit, ut attendat Medicus, an aegri capite doleant, aut vitus hebetudinem percipiant; quae sanguinis per nares effluxuri signa sunt. Hypochondrii enim tensionem, aut dextra, quam sinistra parte, inter signa futurae narium haemorrhagiae numeravit (z): sed & simul diserte monuit, talem tensionem tunc sine dolore, & inflammatione esse. Patet ergo, hypochondriorum tensionem semper malam esse, si dolor simul adhit; licet quandoque, inprimis in junioribus, salutaris narium haemorrhagia in morbi initio infaultum omen avertat.*

Minus quidem periculosos agnovit Hippocrates (a) tumores hypochondriorum molles, & expertes doloris, & qui digito pressi cedunt; flatulenti enim illi videntur esse: & si hypochondria stricte dicta occupent illi tumores, in ventriculo, aut intestino colo videntur haerere potissimum. Unde & alibi (b) dixit: *At in dextris sublatis tumores, qui magna quidem ex parte molles sunt, maximeque premento si quid submurmuravit, non admodum maligni existimandi sunt.* Unde videri posset, ac si hypochondria tensa, & inflata non semper pro pessimis signis habenda forent. Verum hic concursus plurimorum lethaliu signorum consideratur, cui talis inflatio, & tensio hypochondriorum jungatur, merito mortem instare concludit. Fit enim tum, vel a putrefactis humoribus elasticam materiam generantibus; uti etiam a resolutione ventriculi, & intestinorum, unde non amplius dilatantibus causis resistunt, sed miro modo expanduntur; quibus quandoque jungitur inflammatoria distensio hepatis, & lienis. Unde etiam in moribundis saepe totum abdomen in aequabilem tumorem attollitur: quod & notatur in ultimis illis Aphorismis (c), qui tamen a multis non habentur pro genuinis. Postquam enim plurima alia lethalia in morbis signa enumerata fuerunt, subiungitur. *Interitus signa haec manifestiora sunt, & ventres attolluntur & inflantur.* In Commentariis autem ad hanc locum Charterius casum narrat pueri, cui quartana febris in

(w) Hippocrat. in Prognost. Charter. Tom. VIII. pag. 610.

(x) N. 280. ibid. pag. 867.

(y) In Prognostic. Charter. Tom. VIII. pag. 612. 613. Coac. Praenot. N. 281. ibid. p. 867.

(z) Epidem. 2. Charter. Tom. IX. pag. 60. & in Prognostic. Charter. Tom. VIII. pag. 681.

(a) Ibid. pag. 614.

(b) Epidem. 3. Charter. Tom. IX. pag. 328.

(c) Sect. VIII. Aphor. 19. Charter. Tom. IX. pag. 351.



acutam, & continuam versa fuerat: misero huic ante mortem abdomen inflabat, & post mortem aperto abdomine status cum sono erupit: procul dubio elastica materia, per putredinem genita, abdominis cavum implente. Patet ergo ratio, quare hypocondria tensa, & inflata in continuis putridis pro lethali signo habeantur.

§. 736. **C**uratio ante tradita pro indicantium varietate, symptomatum vehementia, aegri conditione, statuque morbi variata nihil singularis requirit.

Curatio febrium generalis descripta §. 598., atque postea sequentibus paragraphis fusius explicata, pariter hic locum habet, adeoque ibi dicta sufficient. Ut autem generalis haec febrium curatio singularibus casibus applicari possit, debet simul cognosci, quanam functionum laesiones adsint, & qualis degeneratio solidarum, & fluidarum partium obtineat; inde enim indicantium varietas nascitur. In syncho putrida (videantur dicta ad §. 730.) novimus a naturali statu plurimum degenerare humores; quandoque in spissitudinem inflammatoriam tendere, aliquando etiam in nimiam dissolutionem vergere, adeoque & morbum, quamvis nomine eundem, saepe diversam omnino medelam requirere. Duplex enim genus talium febrium observatur, utraque continua, utraque humores corrumpens, & laedens fere omnes corporis functiones. Una, inflammationem validam comitem habens, in crassioribus humoribus, & majoribus vasis haeret; calorem magnum; pulsus durum, & initio saltem morbi satis validum habet; & sanguinis missionem, clysmata refrigerantia, diluentia, attenuantia &c. in curatione requirit. Verum aliud talium febrium genus observatur, in quo non deprehenditur tanta mutatio in crassioribus corporis nostri liquidis, sed videtur in tenuioribus longe humoribus tunc vitium haerere: neque tales febres adeo insignis calor comitatur, neque inflammatoriae spissitudinis alia signa adsunt; imo saepe solvuntur in morbosam tenuitatem liquida crassiora. Interim tamen subita virium prostratio has febres comitari solet, & anomala quandoque adsunt symptomata; unde has febres malignas solebant vocare Medici, quae latenter adeo, absque rapido impetu, turbabant omnia. Docuit observatio, talia remedia tunc profuisse, quae in aromatica penetrabili virtute languentes vires erigerent, & per sudores vel auctam saltem diaphoresin, expellerent de corpore latens illud malignum, epidemico contagio saepe susceptum; uti in peste, & febribus pestilentialibus dictis observatur. Unde haec remedia Alexipharmaca vocaverunt: qualia inprimis ab omni aevo laudata fuerunt, ruta, scordium, angelica &c., in quibus penetrabile aroma adest; dum simul non adeo magnus metus est, ne per horum stimulos nimis augeatur febrilis motus; inprimis si aquae infusa potentur. In hoc febrium genere venae sectio, clysmata, & similia debilitantia nocerent potius. Verum dum talis medela adhibetur illis febribus, quae inflammatoriam sanguinis densitatem comitem habent, omnia in pejus ruunt; uti suo tempore tories doluit Sydenhamus. Maligna enim febris non omnium dierum morbus est, & longe frequentiores febres inflam-

inflammatoriae observantur; sive inflammatoria sanguinis densitas ante febrim praecoxiterit, sive febrili impetu dissipata sanguinis parte tenuiori, & inspissata reliqua, nata fuerit. Summo enim aegrorum discrimine in omnibus morbis acutis fere malignitatem illam crepabant quondam Medici, & cardiacis, & alexipharmacis calidissimis utebantur. Unde *Sydenhamus* (d), qui generoso ausu solus fere se huic torrenti opposuit, non dubitavit dicere, quod malignitatibus illud vocabulum humano generi ipsa inventione pulveris pyrii lethalius fuerit, dum illas inprimis febres malignas vocarent Medici, in quibus intensior prae caeteris inflammationis gradus aderat. Attentus tamen ad omnia morbi phaenomena Medicus facile distinguet febres, inflammationis participes, ab aliis illis continuis putridis, quae ob anomala symptomata, subitam debilitatem, & simul remissionem caloris gradum plerumque, malignae vocantur. Cum autem praecipuus curationis cardo in illa inprimis versetur, ut iusto moderamine febrilis impetus regatur, ne nimis incitetur, vel torpeat; videantur illa, quae de hac re in Commentariis §. 609. 610. 611. in cura generali febrium dicta fuerunt. Cum etiam & symptomatum vehementia, uti tunc notatum fuit, nimii impetus febrilis signum det, & inprimis caloris intensitas, patet, ad haec praecipue attendendum esse.

Pro varia autem aegri conditione quoad aetatem, sexum, temperiem &c. quandam in cura diversitatem requiri, nemo dubitat: verum & de his in Commentariis §. 602. & reliqua cura febrium generali, abunde dictum fuit; uti etiam de illis, quae varium morbi statum, in ascensu, summo vigore, descensu, spectant. Adeoque ex illis febrium continuarum putridarum curatio petenda erit.

(. 737. **H**As dixit *συνόχης* Vetusitas, Continentes Schola, quia nulla in his fervoris remissio: *συνεχῆς* vero, sive continuas (727.), quae Continuae remittentes.

Continua febris proprie vocanda erat illa, cujus omne tempus tantum una accessio erat a principio ad solutionem usque, uti in Commentariis §. 727. dictum fuit. Illas hodie Continentes Scholae Medicae vocant, sive *συνόχης*, uti usu obtrivit, de quibus jam actum fuit. Ubi vero notabilis remissio, & exacerbatio observatur in febre, licet caeteroquin continua fuerit, tunc vocatur *συνεχῆς*, sive continua remittens. Apud Veteres tamen Medicos *συνεχῆς* *συνεχῆς* latiori significatione sumptae fuerunt; imo & videntur hoc nomine vocasse quandoque illas febres, quae hodie *συνεχῆς* dicuntur, uti ex *Galeno* (e) patet, qui sic habet: Continuae, & intermittens nomine bisariam Veteres uti videntur. Continuas namque febres appellant interdum quidem omnes, quae ad integritatem [*αὐτονομίαν*] non desinunt. Interdum vero

(d) In Scheda monitoria de novae febris ingressu pag. 681.

(e) Commentar. 3. in Lib. I. Epidem. Charter. Tom. IX. pag. 86.

non omnes, quae ad integritatem febris non desinunt, sed illas solas praecipue, quae ad iudicium usque nullam permutationem sortiuntur. Ita vero, & intermittentes interdum quidem illas solas nominant, quae ad integritatem desinunt; interdum vero, quae ad integritatem non desinunt, sed insignes faciunt particularium accessionum mutationes in principium, incrementum, vigrem, & remissionem. Addit deinde, quod iuniores Medici nonnulli febres illas, quae nullam insignem mutationem sortiuntur, vocaverint non continua (*εὐρεῖα*) sed continentes (*εὐρεῖαι*); illas vero solas, quae ad integritatem non desinunt, sed remittunt tamen, & denuo exacerbantur, continuas (*εὐρεῖαι*) dixerint. Veteres vero Medici has febres continuas remittentes vocaverunt; quandoque continuas, quandoque & intermittentes. Ubi enim cum continentibus hodie dictis febribus comparabant, vocaverunt intermittentes, & contra si conferebant cum illis febribus, quae ad integritatem desinunt, dixerunt continuas: sunt enim inter continentes febres, & intermittentes quasi mediae.

Haec monenda videbantur, ne confusio quandoque nasceretur illis, qui Medicinae addiscendae incumbentes Veterum Medicorum monumenta evolvunt.



## FEBRIS ARDENS.

§. 738. **Q**uas inter Causas, five Ardens dicta febris meretur singulatim discuti ob frequentiam, discrimen, sanandi laborem.

Ab insigni ardore, quo affliguntur aegri hac febre decumbentes, febris ardens vocatur; unde & *αἴματι πυρρῷ καίεται*, ab urendo, dicitur. Ad continuorum remittentium speciem autem reducitur febris ardens proprie vocanda, quia manifestas exacerbationes habet, neque continuo tramite absque mutatione ad crisin usque decurrit, uti in synochis sive continentibus febribus observatur. Illud enim omnes, qui de ardente febre scripserunt, auctores agnoscunt. Sic Celsus (f) de curatione febris ardentis agens monet, in ipsis accessionibus oleo, & aqua aegrorum refrigerandum esse &c. Si pituita in stomacho coit, inclinata jam accessione, vomere cogendus est. Et Galenus (g) dixit, quod exquisita febris ardens, quum omnia alia servet accurate tertianae indicia, eo solo differt, quod neque cum rigore invadat, neque ad integritatem deveniat. Pariter & Hippocrates plurimis in locis de febre ardente agens meminit exacerbationum, quae diebus paribus, vel imparibus fiunt, uti postea dicitur. Quamvis enim ob caloris intensitatem, & aliae febres ardentes dici possent (h), & quandoque revera ab auctoribus, recentioribus imprimis, sic vocentur febres continentes, cum in illis calor digitum tangentem quasi pungens (vide §. 731.) saepe percipiatur; imo & Hippocrates [vide Commentaria §. 358.] febrem, ubi vehementissima est, πυρ, id est, ignem vocare consueverit; obtinuit tamen hodie usu febris ardentis nomen dare febris continuae remittenti, quam urens fere calor & reliqua symptomata, sequenti paragrapho enumeranda, comitantur.

Ubi ergo febres intermittentes, quotidiana & tertiana imprimis, prolongatis, vel & duplicatis paroxysmis, nullum tempus a febre liberum relinquunt, possunt in febrem ardentem, & periculosissimam mutari; unde dixit Hippocrates (i): Quae febres non intermittentes tertio quoque die vehementiores fiunt, periculosiores: quocumque autem modo intermiserint, citra periculum esse significat. Tale videtur fuisse illud genus febrium, quod *ἡμικρῶν* a plerisque Medicis appellari dixit Celsus (k), nempe alterum illud tertianae genus, longe perniciosius, quod tertio quidem die reveritur, ex octavo autem, & quadragesima hodie fere

(f) Lib. III. cap. 7. pag. 134. (g) De Crisib. Lib. II. cap. 6. Charter. Tom. VIII. pag. 475. (h) Galen. ibidem. (i) Aphor. 53. Sect. IV. Charter. Tom. IX. pag. 162. & in Coac. Praenot. N. 128. Charter. Tom. VIII. pag. 858.

(k) Lib. III. cap. 3. pag. 116. Tom. II. Pars II.

*fere sex, & triginta per accessionem occupat [interdum etiam vel minus vel plus] neque ex toto in remissione desistit; sed tantum levius est. Patet autem illam hemitritaeam Celsi esse tantum tertianam protractam adeo, ut vel nulla, vel exigua admodum, intermissio fiat; verum, uti statim dicitur, hemitritaeae Galeni a tali febre distinguitur. Si jam tertiana duplicata fuerit, sic ut secundo die novus paroxysmus accedat, respondens illi, qui quarto die sequetur, talibus paroxysmis protractis duplex tertiana in continuam remittentem facile vertetur: videturque Celsus (\*) tertianam duplicatam sub quotidianae nomine descripsisse; imo etiam quotidianam febrem cum continenti fere confudisse; sic enim habet: quotidianae vero variae sunt &c. Rursus aliae sic desinunt, ut ex toto sequatur integritas: aliae sic, ut aliquantum quidem minuat ex febre, nihilominus tamen quaedam reliquiae maneant, donec altera accessio accedat: ac saepe aliae vix quidquam aut nihil remittunt, sed ita, ut corpore, continuant. Deinde aliae fervorem ingentem habent, aliae tolerabiles: aliae quotidie pares sunt, aliae impares; aquae invicem altero die leniores, altero vehementiores &c.*

Illas autem febres continuas remittentes, ex tertianarum paroxysmis productis, & duplicatis natas, quae tertio quoque die exacerbantur, maluit Galenus vocare *παραπλησιας* sive tertianarias, quam hemitritaeas, quia ad tertianae naturam accedebant, & fere ad intermissionem perveniebant (\*). Hemitritaeam autem febrem dixit illam, quae ex quotidiana febre continua, id est remittente quidem, sed non penitus intermittente, & tertiana intermittente fit (†), illamque febris speciem solam sic vocandam voluit, quia pro altera sui medietate tantum tertiana est; cum febres continuas remittentes, ex tertianae paroxysmis duplicatis & productis natae, totam tertianae naturam habeant. Videtur imprimis ideo haec adeo sollicitè distinxisse, quia quotidianarum febrium ortum ex pituita putri, tertianarum vero ex bile flava deducebat (‡), ideoque in curatione ad distinctas harum febrium causas attendendum volebat, licet ex binis his mixtis unus exurgeret morbus, hemitritaeae nempe febris: Imo non improbabile videtur, quandoque & acutam continuam cum tertiana vel quotidiana intermittente misceri posse, sicut alia febris hemitritaeae species esset, & quidem pessima, dum continua febris uno tramite pergeret, alternis interim diebus, vel singulis, novus paroxysmus febris intermittentiis accedens omnia mala augetet. Videtur & talem continuas febres cum intermittente complicationem notasse Galenus (§), ubi de febribus compositis, & inter se mixtis agit; sic enim habet: *Febres quidem complicantur maxime cum aliis ejusdem generis, vel unius speciei cum aliis cujusdem speciei; est vero, quod & differentes (complicantur). Nam quotidianae tertianae, & his quartanae; & ejusdem speciei inter se plerumque complicantur.*

Sic

(\*) Ibidem. (†) Galen. Comment. 2. in Lib. VI. Epidem. Charter. Tom. IX. pag. 410. De febribus Lib. II. cap. 2. Charter. Tom. VII. pag. 128. 129.

(†) Galen. de febribus Lib. II. cap. 7. Charter. Tom. VII. pag. 135.

(‡) Ibid. cap. 3. & 4. pag. 129. 130. (§) De Crisibus Lib. II. cap. 7. Charter. Tom. VIII. pag. 416.

Sic ut quandoque tres quartanae periodos ( id est quartanam triplicatam ) idem homo habeat. Sed hoc quidem cognoscere, non est omnino difficile. Quandoque vero aliqua ex intermittentium genere cum continua complicatur, difficillimum, & vix explorabilem faciens mixtionem. Credo autem me aliquando, quamvis rarius tamen, talem febrem ardentem observasse, in qua tertia quaque die exacerbatio manifesta erat, dum interim continua febris intermedio die pergeret, & augeretur continuo. Mira forte videbitur multis, & vix credibilis talis complicatio, qua distinctae adeo febrium species simul unitae decurrerent, neque se mutuo turbarent: sed vidi hominem quartana laborantem pleuritide valida correptum fuisse, quam febris acuta inflammatoria comitabatur, interim tamen toto hujus pleuritidis decursu quartana febris typum suum servans statim tempore adoriebatur, nec novo morbo hoc adveniente, nec venae sectionibus, aliisque remediis, ad pleuritidem sanandam adhibitis turbata.

Triplex ergo videtur fuisse febris species, cui hemitritaeae nomen datum sit. Tertia nempae, quae paroxysmos adeo protractos habebat, ut vel nulla vel parva admodum intermissio observaretur; haec erat *Hemitritaeae Celsi*: quo & referri poterit illa, quae ex tertianae duplicatae paroxysmis productis fiebat continua remittens febris. *Hemitritaeae Galeni*, quae ex complicatione quotidianae continuae, & tertianae intermittentis fiebat. Denique illa hemitritaeae, quae ex unione febris acutae continuae, & tertianae nascitur. Quamvis autem tres illae hemitritaeae omnes periculosae sint, prior tamen mala, peior secunda, pessima tertia species haberi poterit.

Cum ergo frequentissima sit illa constitutio epidemica, quae intermittentibus febribus producendis favet; & autumnales intermittentes, si maturius ingrediantur, duplicatis, & productis paroxysmis febres continuas remittentes saepe faciant (vide *Commentarias* §. 727.); patet ratio frequentiae talium morborum; simulque ex dictis colligitur, quare periculosae sint tales febres, & difficulter sanentur; quod tamen in sequentibus adhuc magis patebit.

An ergo omnis febris continua remittens nomen febris ardentis mereatur? certe multae tales febres, quamvis semper difficiles sint, non adeo saevius symptomatibus stipantur, adeoque simpliciter febres continuae remittentes, tunc vocabuntur. Febres tamen, a quibus pauci moriebantur, & plurimi evadebant, ardentem vocavit *Hippocrates* (o); notans interim autumno saepe, obortis imbris, magis lethales fuisse. Ardentem calorem, una cum siti inexplebili, pro signis pathognomicis febria ardentis posuit *Galenus* [p]. Verum de his, & reliquis symptomatibus primariis, quae febrem ardentem comitantur, sequenti paragrapho dicendum erit.

(o) *Epidem.* 1. *Charter.* Tom. IX. pag. 64.

(p) *Commentar.* 3. in Lib. III. *Epidem. Charter.* Tom. IX. pag. 274.

§. 739. **H**ujus symptomata primaria, Calor ad tactum fere urens, inaequalis diversis locis, ad vitalia ardentissimus, ( in extremis saepe remissior, imo aliquando frigus ), ipsum aerem expiratum incendens; siccitas in cute tota, naribus, ore, lingua; Respiratio densa, anhelosa, cita; Lingua sicca, flava, nigra, exusta, aspera; sitis inextinguibilis, saepe subito sublata; fastidia cibi, nausea, vomitus; anxietas, inquietudo, lassitudo summa; Tussicula, vox clangosa; delirium, phrenitis, pervigilium, coma, convulsio, diebus imparibus exacerbationes.

CALOR AD TACTUM FERE URGENS &c. Ab insigni ardore febris haec nomen habet: qualis autem appareat calor, tangenti tales aegros Medico, in Commentariis §. 721. dictum fuit; mordax nempe, & molestus una cum siccitate non vero humidus & vaporosus, qualis in vigore febrium intermittentium, aliisque febribus mitioris indolis apparet. Unde dixit *Aretaeus* [g] in febre ardenti esse ignem aridissimum & acerrimum, atque aegros omnia frigida attrectare, parietem, vestem, pavimentum &c. ut molestissimum calorem leniant. Raro autem aequabiliter tantus calor per totum corpus diffunditur, & non nisi in talium febrium initio: bonum enim signum est in morbis, uti ad §. 618. dictum fuit, corpus aequabiliter calidum & molle esse; in febre autem ardente omnia fere pessima signa apparere solent, unde circa vitalia viscera summus aestus, & circa extrema corporis calor remissior, vel & aliquando frigus, percipitur. Cum enim calor febrilis a magno motu partium ex corde, & magna resistantia vasorum contra cor oriatur, auctis illis resistantiis, dum per calorem liquidissima dissipantur, & reliqua massa siccatur [vide §. 689.], non poterit sanguis ad extrema corporis debita copia, & impetu propelli, adeoque minuetur in his locis calor; & dum immedicabilis jam fere redditus sanguis per vasa, & viscera cordi vicina tantum movetur, frigus in extremis aderit, pessimo semper omnia. Unde internarum partium summum ardorem, una cum externarum frigore, inter symptomata febris ardentis recensuit *Hippocrates* [r].

Cum autem, impedito sanguinis motu per plurima vasa corporis, tanto celerior trajectio fiat per vasa adhuc libera, & quamdiu vita durat, sanguis per pulmonem ex corde dextro in sinistrum pelli debeat, rapidissimo motu sanguis, liquidissima sua parte orbatus jam & densior, per pulmonalis arteriae angustias transibit; adeoque ingens erit attritus, & calor summus in pulmone nascetur. Cum autem aer citissime caleseat, hinc fervido pulmone receptus, dum inspiratur, calidissimus apparebit, dum expiratur, uti optime percipitur, si dorso manus ori, & naribus aegrorum admoto excipiat aer inter expirandum expulsi, qui tunc modesto calore offendit, ac si calido de fornace egrediretur. Hoc sensu dicitur aer expiratus incendi: imo *Aretaeus*

tactus

(g) De caus. & sign. morb. acut. Lib. II. cap. 3. pag. 16.  
cap. 3. Charter. Tom. VII. pag. 622. de De morbis Lib. I. cap. 12. ibid. pag. 548.

(r) De Affectionibus

neus (f) non dubitavit dicere, quod febre ardente laborantes ignem exspirent (*sup. inextincti*).

SICCITAS IN CUTI TOTA, NARIBUS, ORE, LINGUA. Inter caloris febrilis effectus (vide §. 689.) siccitas numerata fuit: cum ergo summus in febre ardente aestus sit, patet & partes corporis, quae naturaliter humidae sunt exsiccari debere. Fit autem haec siccitas partim ob distillatam sanguinis partem tenuissimam & aquosam per calorem febrilem; partim etiam, quia reliquus sanguis immeabilis dum haeret in vasis maioribus, illa distenduntur, & vicina minora comprimunt: unde in talibus aegris cutis sicca, & aspera apparet, quia vasa sanguinea subcutanea immeabili sanguine repleta comprimunt tenerrima exhalantia, simulque deficit tenuis in sanguine latex: idem jam in oculis, naribus, ore, lingua verum est. Hinc, uti in Commentariis §. 100. dictum fuit, dixit Hippocrates, siccitate perire illos, qui ex febre ardente intareunt.

RESPIRATIO DENSE, ANHELOSA, CITA. Tria in respiratione considerantur, inspiratio, expiratio, & tempus medium inter inspirationem, & expirationem; quod tempus quietem vocavit Galenus (r), dum explicaret, quatenus proprie diceretur densa respiratio. Uti enim densas oleas, aut vites plantari dicitur, quum minimum a se mutuo distant, & contra raras vocamus, si magnum inter illas spatium relictum sit; sic etiam tali sensu densam respirationem intelligendam esse voluit. Quum enim ipsa respiratio ex contrariis motibus per quietes distinctis composita sit, densam ipsam reddet brevitas quietum, raram vero longitudo. Densitas ergo; vel raritas respirationis, tempus illud intermedium respicit; celeritas vero, vel tarditas proprie ad inspirationem, & expirationem pertinet. Quemadmodum enim motus propria sunt celeritas, & tarditas, ita & quantitati quietum raritas, & densitas (y). Migna autem & parva respiratio variam dilatationem spirabilium organorum demonstrat. Respiratio ergo, quae densa, & cita est, celeritatem inspirationis, & expirationis, & exiguum simul inter binos hos contrarios motus intervallum denotat. Anheolosa vero difficultatem & molestiam, qua hi motus peraguntur, significat, de qua re videantur illa, quae ad §. 734. dicta sunt. Cum autem tantus circa vitalia ardor sit, & sanguis rapidissime per pulmonem moveatur, simulque summo aestu exarsatus difficulter per pulmonalis arteriae angustias transeat; patet ratio, quare miseri hi aegri tam cito, & tanto cum molimine respirent, ut nempe gratum refrigerium attracti aeris percipiant, & sanguini per pulmonem viam expediant.

LINGUA SICCA, FLAVA, NIGRA, EXUSTA, ASPERA. In homine sano lingua, & omnes oris interni partes perpetuo madent; ubi autem febris ardens immani aestu torretur corpus, omnia haec loca sicari incipiunt: unde Hippocrates inter illa phenomena, quae in febre ardenti observantur, etiam linguae siccitatem, & asperitatem numeravit (w) pluribus in locis. Minimorum enim

c 3

(f) De Curatione morbor. acutor. Lib. II. cap. 3. pag. 100.

(r) De Respirat.

diffic. Lib. I. cap. 2. Charter. Tom. VII. pag. 221. (s) Ibidem. (w) Hippocr. de Morbis Lib. I. cap. 32. Charter. Tom. VII. pag. 548. & Lib. II. de Morbis cap. 25. ibid. pag. 576. & Lib. III. de Morbis cap. 6. ibid. pag. 584.



enim vasculorum exhalantium extrema, in superficie linguae posita, exsacca jam, & arida emoriuntur; vel & immeabilibus liquidis infarsa, & impetu vitalis liquidi a tergo urgentis protrusa, extra linguae superficiem eminent, & sordes illas distas in lingua constituunt, quae flavescunt, dein fulcae fiunt, imo & nigrescunt saepe penitus, exluccis & gangraenosis redditis horum vasculorum extremitatibus. Ubi jam simul ingens siccitas adest, aspera & scabra lingua redditur, pessimo semper omine, quia inde, novimus, oesophagi, ventriculi, & intestinorum superficiem similiter se habere: adeoque difficillimum ingressum fore liquidis assumtis, cum & absorbentium venumularum oscula exsiccata, & corrugata aditum denegent, dum interim summus aestus, & sanguinis exassatio liquidi diluentis magnam copiam requirant. Videtur & notasse Aretaeus (\*), quod lingua interiorum corporis conditionem designet, inprimis si obscurus textus secundum ingeniosam Celeberrimi Petiti emendationem legatur (y): tunc enim Aretaeus, postquam dixerat, in ardenti febre linguam & asperam, & siccam, & nigram esse, addit: *ἡ δὲ γὰρ οὐκ ἔστιν αἰσθητή: haec enim (lingua) omnia interna significat.* Unde simul apparet, sordes illas in lingua apparentes non debere originem suam suliginosis halitibus ex ventriculo sursum ascendentibus, & linguae accretis, ut olim docuerunt Medicorum scholae. Hunc errorem optime carpsit Helmontius (z) dicens: *Non est ergo linguae ariditas, crustaeque ejus sordes, in febrilibus effectus, siue indicium exhalationis ex stomacho [etiam potum non coquente] sursum delatae: sed est defectus laticis deturpati, vel egestate penuriosi.* Primam autem sanationis spem in pessimis illis morbis inde colligimus, si incipiat aliquid humidi in lingua apparere, tunc enim crustae illae, ex emortuis vasorum extremis natae, incipiunt humescere, tumere, elevari, & vi vitalium humorum appulsoe separari a partibus vivis & secedere; perfecte ut in gangraenae separatione fit. Accidit tunc saepe, ut lingua prius sicca & aspera quidem, neque tamen nigrescens, crustam eleve, quae, incipiens separari a suppoliis linguae partibus, atrum colorem induit; sed sub hac crusta, & inter fissuras hinc inde apparentes, manifesta tunc apparet humiditas laeto omine; tuncque talis linguae nigrigudo, quae simul humida est, minime mala est, sed optimam spem facit eodem modo, ac gangraena corruptae partes maxime nigrescunt, dum a vivis partibus incipiunt separari. Ex modo dictis videtur patere ratio, quare Hippocrates (a) de febre ardente agens dixerit: *color linguae primo quidem tempore, qualis esse consuevit, verum valde sicca est; procedente vero tempore induratur, & exasperatur, & crassescit, & nigrescit.* Si sana per initia haec contingant, celeriores judicationes fiunt, si posterius, tardiores. Successivas enim mutationes linguae sic describit; cumque ultimo crassescere, & nigrescere linguam dixerit, atque inde judicationis futurae signum sumserit, neque siccam tunc esse addiderit, qualis primo tempore morbi erat; videtur admodum probabile, simul

tunc

(\*) De Curatione Morbor. acut. Lib. II. cap. 3. pag. 100. C.  
uti, & pag. 255.

(y) Ibidem in notis

(z) In Capitulo Latex humor neglectus N. 22. pag. 305.

(a) De Morbis Lib. III. cap. 6. Charter. Tom. VII. pag. 584.

tunc humescere linguam, dum crassescit & nigrescit: ubi enim aridae illae crustae humescere incipiunt & attolli, crassior lingua apparet non tantum, verum & aegri saepe tunc queruntur, linguam quasi tectam incumbente, lana, & mole auctam apparere. Quamdiu enim magna illa ariditas in lingua manet, nulla judicationis spes esse poterit. Confirmatur ulterius haec opinio ex illis, quae leguntur in *Coacis* [6], ubi similia sere habentur, ac in loco modo citato, & dein sequentia: *Progressu autem temporis lingua exasperatur, & livefcit, & rumpitur: lethale. Si vero valde nigrescat, inde cimo quarto die crifim futuram significat. Periculofiffima est nigra & [χλωρὴ] cum virore pallida.* Valde enim nigram crifim significare dicit, dum nempe humida simul est, uti ex modo dictis patet; nigram vero periculofiffimam, si sicca simul sit. Nisi enim sic explicetur haec praenotio, binæ contraria assererentur.

**SITIS INEXPLEBILIS, SAEPÉ SUBITO SUBLATA.** Ubi de siti, tanquam symptomate febrili, aëum fuit (vide §. 636.), constitit, siccitatem, liquorum immeabilitatem, acrimoniam falsam, oleosam, biliosam, alcalinam, & putrida excrementa viarum primarum, sitis causas esse. Verum in febre ardente magna siccitas adest, uti demonstratum fuit; & dissipata parte tenuissima sanguis immeabilis redditur. Praeterea per calorem adeo intensum (vide §. 689.) sales, & olea sanguinis aciora redduntur, & in putredinem vergunt: corruptitur bilis, quae tunc ventriculum, & vicina loca alluit, & putrida excrementa in viis primis facit. Patet ergo, omnes sitis causas in febre ardente concurrere; unde etiam calorem urentem cum siti intolerabili pro signis pathognomicis febris ardentis habuit *Galenus*, uti paragrapho praecedenti dictum fuit. Raro ergo invenitur febris ardens, quin simul intensâ adsit sitis, nisi simul cerebri affecti signa adfuerint. Unde dum *Hippocrates* (c) in febris ardentibus, quas describit, dixit, non adfuisse vehementem sitim, simul addit, aegros ab initio comatosos fuisse, & in exacerbationibus, oblivionem, exsolutionem, & vocis defectum adfuisse: quae omnia docent, cerebri actiones turbatas, ac oppressas fuisse adeo, ut licet sitis causae adessent, mens tamen sitim non perciperet. Dixit alibi (d) *Hippocrates*, quod illi, quos in febris ardentibus plerumque leviter proritant tussés aridae, non admodum sticculosi sint: monuit autem *Galenus* in Commentariis suis ad hunc Aphorismum, hujus tussiculæ irritatione irrigari magis loca, adeoque hanc causam esse, quare minus sticculosi sint aegri; quod admodum probabile videtur. Ubi vero per febris intensitatem, aut encephali vasis sanguine immeabili infarctis, turbantur cerebri functiones, sitis saepe subito tollitur, quamvis omnes sitis causae in corpore maneant, imo & augeantur saepe. Pessimum autem signum talis sitis deletio merito habetur, uti coarctat ex illis, quae ad §. 637. dicta fuerunt.

**FASTIDIA, GIBI, NAUSEA, VOMITUS.** Pessimarum febrium, inter quae

c 4

ar-

(b) N. 270. Charter. Tom. VIII. pag. 865.

(c) Epidemic. Lib. I. Charter.

Tom. IX. pag. 272, &c.

(d) Aphor. 54. Sect. IV. Charter. Tom. IX.

pag. 169.

ardens fere primum locum occupat, commune attributum est, simul & semel omnes fere corporis functiones laedere: non mirum ergo, si & depraventur illae, quae cibis recipiendis, retinendis, digerendis &c. interserviunt. Inprimis autem haec symptomata febris ardenti junguntur, quia per calorem auctum adeo omnia in putredinem tendunt; & omnium maxime bilis, uti docent in his morbis halitus oris foetidus, sapor fastidiosus, sitis inexplibilis, linguae sordes, alvi fluxus olidissimus &c. Frequentissimam autem hanc in febribus nauseae, & vomitus causam esse, patet ex illis, quae ad §. 642. 1. dicta fuerunt. Accedit, quod cum tantus ardor in hoc morbo circa praecordia saepe deprehendatur, hepar, ventriculus, vel alia vicina viscera inflammata saepe sint; unde iterum eadem mala fieri poterunt, uti in *Capitulis de nausea*, & vomitu demonstratum fuit. Prae reliquis autem fastidiant tales aegri carnes, ova, pisces & similia, quae sponte sua in putredinem vergunt; & solam fere aquam, & acida vel acefcentia, expetunt. Aliquando tamen & accidit, quod quaevis oblata respuant, pessimo omine; uti *Hippocrates* (e) monuit accidisse in febribus illis continuis, quas nunquam intermittere dixit, sed tertianae typum referre exacerbationibus alterno die accidentibus; quae ergo ardentes merito vocari poterunt, cum eisdem violentissimas, & maximis comitatas laboribus dixerit: notat autem, quod has febres maximum, & perpetuum signum comitabatur, quod cibos omnes plerique aversarentur, iisque maxime, quibus caetera quoque perniciofa existerent.

ANXIETAS, INQUIETUDO. Respiratio densa, cita, & anhelosa, quam in febre ardenti observari modo dictum fuit, notat difficilem transitum sanguinis per arteriae pulmonalis fines, adeoque & una aderit anxietas, uti patet ex illis, quae ad §. 631. dicta fuerunt. Verum & simile malum circa hepar saepe in febre ardente nascitur, dum sanguis summo illo calore exaltatus per venae portarum angustias transire nequit; adeoque altera anxietatis causa habetur. Praeterea in *Capitulo de Anxietate Febrili* probatum fuit, bilem corruptam, circa praecordia collectam, pessimam quandoque anxietatem producere posse; quod cum pariter in febre ardente obtineat, patet, quare anxietas, & irrequieta illa corporis iactatio, in hoc morbo fere semper adsint; uti *Hippocrates* in *Epidemicorum* libris notavit pluribus in locis. Malum autem signum in his morbis esse docuit, dicens: *Tertianariae* (πριμωδία) febres cum anxietate, malignae {f}.

LASSITUDO. SUMMA. Quando homines post nimios motus, & inprimis non consuetos, toto corpore dolent, ac si contusi fuissent, & simul prae nimia defatigatione languent, summa lassitudo adesse dicitur. Ubi autem in febribus similis molestiae sensus adest, notat, rapidissimo motu humores agitari, vel etiam inflammatoria densitate immodicam redditum sanguinem diffculter per ultimas arteriarum angustias transire, uti in *Commentariis* §. 734. dictum fuit. Verum ex ante dictis patet, talia in febre ardente obtinere, unde

(e) *Epidem. s. Charter. Tom. IX. pag. 46. 50.*  
*Charter. Tom. VIII. pag. 854.*

(f) *Coac. Praenot. N. 33.*

unde & Hippocrates (g) summam lassitudinem inter febris ardentis symptomata numeravit, quam *συναισθησις* vocavit, quando ad ossa usque corpus quasi conquassatum dolet. Ubi ergo talis molestiae lassitudinis sensus in febre ardente est jam ab initio, & diu persistat, novimus inflammatoriam sanguinis spissitudinem adesse; quae diu perseverans, & per morbum aucta quotidie postea difficillime resolvi poterit; sed, si aegri ab his morbis evaserint, mutatio illius spissi in pus, ejusdemque metastasis ad varia corporis loca, expectanda sunt. Ob hanc causam forte dixit Hippocrates (b): *Lassitudine per febres laborantibus, ad articulos, ac maxime circa maxillas, abscessus oriuntur*. Patebit autem postea §. 741. in febris ardentibus non raro parotides nasci.

**TUSSICULA.** Illam ardentem febrem comitari statim vidimus, quando de siti in hoc morbo inexplebili agebatur. Postea autem fieri talis tussicula, dum vasa sanguinea pulmonis, imbecibili sanguine nimis distenta, turgent, & vesiculae aerae pulmonis sic comprimunt, ut illarum superficies ad se mutuo attrahantur, tunc enim irritans, & sicca talis tussicula aderit, qualis in peripneumonia observatur. Notavit autem Hippocrates (i), quod febris ardens in peripneumoniam transire amet, & quod tunc pauci effugiant, adeoque tussicula ab hac causa orta pessimum signum daret. Sola major siccitas pulmonum in parte aerea tali tussiculæ causam dare posset. Praeterea observavit Sydenhamus [K] in febris continuis quandoque aegros per totum morbi decursum molesta tussi vexari, crediditque illam fieri, dum tumultuante in febris sanguinis motu, per vasa exhalantia in aereum cavum pulmonis, vel etiam per diapedesin, humores quidam tenues, & disfluentes exprimerentur, quae exquisito sensu praeditam tracheae membranam irritarent continuo: fatetur interim, quod non multum timuerit hoc symptoma. Tales videntur fuisse illae tusses, quas Hippocrates (l) in febris ardentibus se observasse testatur, dicens: *Tusses quidem febrilium erant comites, scribere autem non possum laesionem, vel utilitatem, quae a tussibus fieret*.

**VOX CLANGOSA.** Haec est illa *φωνή αλγυμένη*, quam Hippocrates (m) damnavit, atque adeo lethale hoc signum habuit Hallerus, uti in Commentariis §. 609. β. dictum fuit, ut neminem servatum se vidisset: restetur, qui talem vocem edebat. Fit autem dum prae summa siccitate arefactis faucibus vox non transiit per mollia & humida loca, ut in sanis fit; sed resonat, ac si per tubam metallicam siccam, & glabram expelleretur. Verbis non adeo bene describi potest, qualis illa vox sit, sed qui semel illam in aegris audiverit, postea facillime distinguetur.

**DELIRIUM, PHRENITIS, PERVIGILIUM, COMA, CONVULSIO.** Omnia enim haec cerebri affecti signa sunt; & patuit ex illis, quae in horum symptomatum

(g) De visu in morbis acutis Charter. Tom. XI pag. 118.

(h) Aphor. 31. Sect. IV. Charter. Tom. IX. pag. 12.

(i) De affectionibus cap. 3. Charter. Tom. VII. pag. 622.

(k) Sect. I. cap. 4. pag. 83.

(l) Epid. 1. Charter. Tom. IX. pag. 50.

(m) In Proorthet. Lib. I. Charter. Tom. VIII. pag. 712.

(n) Ibid. pag. 712.

tum febrilium historia dicta fuerunt, & postea adhuc dicenda erunt, ubi de phrenitide agetur, in febre ardente tales causas existere; vel licet non adfuerint in initio, per febrem ipsam, & intensum calorem produci, unde omnia haec mala ortum ducere poterunt. Hinc etiam passim *Hippocrates in Epidemicis*, & aliis pluribus locis, inter febris ardentis symptomata haec recensuit.

**DIEBUS IMPARIBUS EXACERBATIONES.** Exquisitam febrem ardentem omnia servare indicia exquisitae tertianae ex *Galeno* dictum fuit ad §. 738., & tantum diffinire, quod nec cum rigore invadat, neque ad intermissionem perfectam deveniat, atque haec fuit ratio, quare febris ardens non inter synochos sive continentes febres, verum inter continuas remittentes, numeretur. Febres etiam tertianariae *επιτροπικαί* dictae, & haemorrhicae, quae pariter ad ardentem febrem referuntur, si malis illis symptomatibus, modo enumeratis, stipentur, omnes diebus imparibus exacerbationes habent. Unde videtur semper aliquid de genio intermittentium februm adesse in febre ardenti, atque ideo saepe, dum diutius protrahuntur tales febres, postea in intermittentes mutantur; imo, uti antea dictum fuit, febres intermittentes, epidemice grassaturae, dum aestivis mensibus maturae prodeunt, saepe sub hac specie decurrunt. Patebit autem §. 741., quandoque & in febre ardente paribus diebus exacerbationes contingere, & quidem pessimo signo; cum repetitis frequentibus novis accessionibus magis debilitentur aegrorum vires: verum, & tunc tamen plerumque imparibus diebus adsunt exacerbationes, uti v. g. dum quotidiana intermittens, vel tertiana duplicata continuae febri junguntur, vel tales febres productis paroxysmis aequam ad integram remissionem perveniunt.

§. 740. **C**ausa labor nimius, iter longum aestus solis, sitis diu tolerata, usus calefacientium, fermentatorum, aromaticorum acrim, Veneris nimiae, delassatio immodica, maxime aestate &c.

Quum febris ardens, uti §. 742. dicitur, pro causa proxima agnoscat cruorem osatum parte blandiore, & liquidiore, hinc inflammationem per universum corpus, & vires validiores, patet inter causas ejus numerari posse omnia, quae in tanta tenuissima parte sanguinem inspissant, humoribus majorem acrimoniam conciliant, & stimulo suo motum augent. A talibus enim ardens febris in sanissimo corpore excitari poterit, omnium maxime, si epidemica constitutio his febribus producendis faveat. Patet hinc, quare labor nimius, & imprimis in non consuetis, & longum iter confectum, ardentem febrem faciant, & imprimis valido sub solis aestu; uti etiam diu tolerata sitis: unde etiam febrem ardentem aestivo tempore plerumque ex longo itinere, & diuturna siti fieri dixit *Hippocrates* (n), & inter morbos aesti-

vos

(n) De victu in morbis acutis Charter. Tom. XI. pag. 116. &c.

vos febres ardentes recensuit (o). Similes etiam, ac in textu memorantur, causas febris ardentis *Galenus* (p) posuit. Dum aestivis sub caloribus castra movere saepe coguntur belli duces, & inprimis si simul adit aquae penuria, integri quandoque exercitus his febribus affliguntur; unde inter castrantes morbos febris ardens merito numeratur. Inter humores autem corporis inquilinos prae reliquis bilem, tanquam febrium ardentium causam inculaverunt Veteres Medici. A bile commota febrem ardentem excitari dixit *Hippocrates* [g]: & biliosos promptius hunc morbum prehendere monuit alibi [r]. Lotium quam biliosissimum esse in febre ardenti dixit *Aretaeus* [f]. Bilem autem non acervatam in quibulvis corporis partibus, sed circa ventriculum, & inprimis ejus orificium, simulque jecoris partes (ubi nempe ductus biliarii, pylorus, duodenum intestinum &c. ponuntur) collectam, ardentem febrem incendere testatur *Galenus* (s). Vorum per labores nimios, calores aestivos, & reliqua in textu enumerata, bilem acriorem & impuiritam fieri novimus; adeoque patet ratio, quare febris ardens ab his causis nascatur. Sic observatur, post servidissimas aestates praegressas autumnum hemirritacarum febrium feracissimum esse, omnibusque talibus aegris bilem corruptam ingenti copia sursum vel deorsum prodire; sive sponte, sive per artem hoc factum fuerit. Caeterum de causis hic enumeratis actum fuit in Commentariis §. 586, ubi de omnibus his, tanquam febrium causis singularibus, dictum fuit.

§. 741. **D**Ecurfus talis, tertio, & quarto diae saepe lethalis, sepius raro transit, si perfecta; solvitur saepe haemorrhagia, quae si tertio, vel quarto die parca, lethalis: haec praenunciantur cervicis dolore, temporum gravitate, tenebrosa caligine, praecordiorum contentione sine doloris sensu, invitis lachrymis sine lethali signo alio, rubore faciei, pruritu narium, optima si die decretorio; solvitur & die decretorio, vomitu, alvò, sudore, urina, sputo crasso; accessio die pari pessima, si id ante diem sextum; urina nigra, pauca, tenuis huic lethalis; lethale sanguinis sputum; lethalis sanguinis mictus; deglutitio laesa mala; extremorum refrigeratio pessima; facies rubra, & sudans mala; parotis non suppurans exitialis; alvus nimis fluxa lethalis; cum tremore ab initio, inde in mortem, transit in peripneumoniam saepe cum delirio; post ingentia alvi tormina, quae oritur pessima, solvitur critice cum rigore.

Cum

- (o) Aphor. 51. Sect. III. Charter. Tom. IX. pag. 116. (p) Comment. 2. in lib. I. Epidem. Charter. Tom. IX. pag. 44. (q) De Affectionibus cap. 3. Charter. Tom. VII. pag. 622. (r) De morbis Lib. I. cap. 12. Charter. Tom. VII. pag. 547. (f) De causis, & signis morbor. acutor. Lib. II. cap. 4. pag. 16. (t) Commentario 1. in Lib. I. Epidem. Charter. Tom. XI. pag. 18.

Cum omnis febris desinat in mortem, sanitatem, vel alium morbum (vide §. 591.), operae pretium erit videre, quid de vario exitu periculosissimae hujus febris observata Medica docuerint, & quanam mutationes contigerint, dum in bonum, vel malum exitum tenderet. Inde enim optima prognosis haberi poterit, & simul hauriri indicatio curatoria, quae indicat, quae methodo, & quibus remediis funestus exitus hujus morbi caveri possit, & contra promoveri illa naturae molimina, quae in sanitatem tendunt.

TERTIO, ET QUARTO DIE SAEPE LETHALIS, SEPTIMUM RARO TRANSIT, SI PERFECTA. Cum tot, & tam maligna symptomata febrim ardentem, vidimus, nemini mirum videbitur, si brevi tempore victa natura succumbat, & moriatur aeger. *Malignae enim febres, & quae cum gravissimis sunt signis, quarto die vel prius interficiunt* (\*). Primum autem gravissimorum morborum insultum hoc termino limitavi Hippocrates, secundum vero ad septimum diem usque prociue monuit, atque intra hoc spatium exquisitam febrim ardentem limitavi Galenus. Uti enim antea ad §. 739. dictum fuit, exquisitae tertianae comparavit febrim ardentem, atque hoc solo disserre dixit, quod nec cum rigore invadat, neque ad integram remissionem perveniat, unde, uti tertiana exquisita septem periodis finitur, ita exquisitam febrim ardentem intra primam septimanam necessario judicari dixit (vv). Velocem autem acutissimi morbi decursum, & funestum exitum, ex symptomatum numero, & vehementia colligimus. *Quum enim morbus peracutus est, statim extremos habet labores* (x); atque inde morbos, qui celeriter in salutem vel interitum tendunt, distinguit Hippocrates (y) dicens: *Qui vero brevissimo tempore judicantur, facilius praenoscuntur, maxime namque ab initio inter se differunt. Qui enim supersaturi sunt, facile spirant, dolore vacant, noctu dormiunt, & alia securissima habent signa. Qui vero percussus, difficile spirant, delirant, vigilant, caeteraque habent signa pessima.* Ubi ergo ab initio febris ardentis omnia symptomata vehementia admodum sunt, & continuo augentur, mortem brevi futuram praevideamus. Verum cum exquisita febris ardens una cum continua febre, vel quotidiana continua remittente, junctam habeat tertianam, quae tertio quoque die exacerbationem novam excitat, & quidem in initio talis morbi semper praecedente vehementiorem, patet, tertia die, fractis jam morbi velocitate, & symptomatum numero, & vehementia viribus, metum esse, ne nova ingruente paroxysmo exstinguatur aeger. Imo Galenus (z) notat, saepe, & ipsam mortis horam a Medico praedici posse, si ledulo attenderis ad exacerbationum tempus in his morbis, simulque distinxerit, ac in saluum exacerbationum initio, vigore, vel & decremento se posuit habuerit aeger. Quandoque enim in pessimis his morbis, uti optime monet, in exacerbationum initio extrema sic frigescent, ut vix ad calorem reduci possint; pulsus exiguus est, aut & nullus fere &c. aliis in vigore delirium, coma, anxietas

(\*) In Prognost. Charter. Tom. VIII. pag. 663. 664.

lib. II. cap. 6. Charter. Tom. VIII. 4 5.

Tom. IX. pag. 12.

(vv) Galen. de crrib.

(\*) Aphor. 7. Sect. I. Charter.

(y) In Prognost. Charter. Tom. VIII. pag. 647.

(z) De dieb. decret. Lib. I. cap. 10. Charter. Tom. VIII. pag. 472.

xietas summa, aestus intolerabilis &c. quibusdam vero in declinatione animi deliquia, sudores frigidi inaequales, pulsus obscuri exigui &c. adfunt. Prout jam maxime maligna symptomata in hoc, illove exacerbationis stadio observantur, ita probabile est, aegrum sequenti exacerbatione moriturum esse eodem tempore.

Verum & quartus dies saepe lethalis est, inprimis si in vehementissima febre ardente exacerbationes diebus paribus factae fuerint; tunc enim talis exacerbatio non in diem tertium, sed in quartum incidit. *Quae diebus paribus exacerbantur, ea paribus judicantur; quorum vero accessiones diebus imparibus sunt, diebus imparibus judicantur.* Circuituum autem diebus paribus judicantium primus est decretorius quartus, sextus, octavus &c. Circuituum vero imparibus diebus judicantium primus est tertius, quintus, septimus &c. [a]. Unde & notavit (b) in pessima februm ardentium specie, quarto die labores maximos fuisse, sudores subfrigidos, extrema non recaluisse, sed livida, & subfrigido mansisse, sitimque deletam fuisse; patet ergo in ipso jam mortis quasi agone haesisse miseros, & si hunc paroxysmum adhuc sperarent, sequenti periisse moner, nempe sexto die. Alium discrimen quartae diei inde pendet, quod saepe exacerbationes, quae imparibus diebus sunt, anticipent solitum tempus; hinc dum prima die cum exacerbatione morbus incipit, secunda die parum levare videtur aeger, sed ipso initio diei tertiae, vel & in fine secundae diei, nova exacerbatio sequitur, atque tunc tertia exacerbatio citius ingruens in diem quartum incidit, & saepe aegri in initio talis exacerbationis pereunt. Unde alibi [c] Hippocrates dixit de febris continuis tertio die exacerbatis: *Si quartus dies tertio quidquam in his ipsis simile habueris, in periculo versatur aeger.*

Ubi ergo vera & exquisita febris ardens est, intolerabili aestu, sitique inexplibili, reliquisque pessimis symptomatibus stipata, raro septimum diem transit: ubi vero leniora sunt omnia, similis tamen indolis febris est, continua nempe remittens, solet saepe adhuc ardens vocari; & quamvis periculosa talis febris sit, tamen non tam cito corpus destruit, sed in majorem diuturnitatem excurrit, antequam in mortem, alium morbum, vel sanitatem transeat. Sic febrim ardentem descripsit Hippocrates [d], de qua dixit, quod judicaretur brevissime nono, vel decimo die, longissime vero decimoquario. Mitioris longe indolis febrem, quam tamen & ardentem vocat, septendecim dierum spatio judicari dixit alibi (e). In *Coacis Praenotionibus* [f] habetur: *Febres ardentes quatuordecim dies disjudicant, aut allevantes, aut perimenes.* Tamen in textu non *autem* simpliciter, verum *autem* has febres dixit; quod etiam in pluribus locis occurrit, ubi mitiores tales febres describuntur. In aliis tamen locis his vocabulis promiscue usus fuit Hippocrates. Sic enim, ubi rarum illum casum narrat aegri, qui centesimo die ex febre ardente

[a] Hippocrat. Epidem. 1. Charter. Tom. IX. pag. 95.

(b) Ibid. pag. 70.

(c) De vitu morbor. acur. Charter. Tom. IX. pag. 149.

(d) De Affectionibus

cap. 3. Charter. Tom. VII. pag. 622.

(e) Epidem. 1. Charter. Tom. IX. pag.

43.

(f) N. 13 & Charter. Tom. VIII. pag. 859.



dente judicatus est, dicit *ἡρώδης ὁ βασις καυσῶς*, in fine vero historiae morbi haec sequentia: *ἡ ἰσχυρὴ τῆς αἵματος ἐκρῖσις καὶ*, ex quo evidenter apparet, quod eundem morbum, quamvis adeo diuturnum, *καύσος & καυσῶν πυρετός* vocavit [g]. In altero vero aegro [b], qui ex simili febre eentefima, & vigesima die perierat, quamvis ex historia morbi pateat, in tam longo decursu saepius per aliquot dies absque febre fuisse argum, & denuo recidivam passum fuisse; tamen in fine historiae hujus, ubi maligna symptomata enumerantur, quae toto morbi decursu adfuerant, addit *εὐσταῖος καὶ*, quod continenter ardente laborasset febris. Videtur autem in similibus casibus illud nomen retinuisse, quod morbo in principio dederat, licet postea morbus degenerasset. Notandum enim quam maxime est, quod saepe primis pessimarum talium febrium diebus sic mutantur omnia, ut miris modis a sanitatis conditionibus recedant; unde, licet morbi impetus postea remiserit, nondum sequitur sanitas, sed saepe alius morbus, & difficillimus quidem: hinc saepe aegri, qui primum, & violentissimum impetum evaserant, postea pereunt. Strictè tamen loquendo, tunc non ex febre ardenti, sed ex alio morbo, febris ardentis effectū & sequela, moriuntur.

SOLVITUR SAEPES HAEMORRHAGIA. *Galenus*, uti alia occasione in Commentariis 3. 218. dictum fuit, notat, ubi haemorrhagiae nomen similiter occurrit apud *Hippocratem*, non addita parte corporis, ex qua erumpit, tunc intelligi illam, quae per nares fit, sanguinis eruptionem; propriumque dixit esse febribus ardentibus exquisitis, per narium haemorrhagiam judicari [i]. Unde generale haemorrhagiae vocabulum hoc sensu etiam in textu adhibetur. Verosimile quidem videtur, & alias haemorrhagias prodesse posse, quae per haemorrhoides v. g. vel mēstruorum eruptiones sunt: imo & *Hippocrates* [k] disertè notavit; mulieribus plurimis, dum febre ardente laborabant, mēstrua abunde profluxisse, notatque, nullam mortuam fuisse, cui vel per mēstrua, vel per nares, sanguis copiose erupisset: imo videtur notasse, morbum illum epidemicum, quem tunc prescribit, adeo proclivem fuisse in hanc evacuationem, ut plurimis virginibus tum prima eruperint mēstrua, dum hoc morbo decumberent; praegnautes vero mulieres omnes, quas videbat hoc morbo affligas, abortum paterentur. Interim tamen illa, quae per nares fit, haemorrhagia prae reliquis maxime frequens est in febribus ardentibus, & maxime salutaris [l]; unde summam spem in hac evacuatione posuit ubique *Hippocrates*, modo satis larga foret; & contra, ubi recenset illa, quae acciderant iis, qui ex febribus ardentibus moriebantur, notat, quod nulla sanguinis eruptio facta fuerit, sed quibusdam tantum pauculum quid stillaverit (m), plurimique perierint, quibus sanguis non eruperat (n). Sic in agro illo (o), qui centesimo die a febre ardente judicatus fuit, quaderage.

- (g) Epidem. 3. aegrot. 9. Charter. Tom. IX. pag. 305. 304. (h) Ibidem aegrot. 1. pag. 291. (i) Galenus Comment. I. in epidem. Lib. 1. Charter. Tom. IX. pag. 18. (k) Epidem. Lib. I. ibid. pag. 67. (l) Ibid. pag. 65. (m) Ibid. pag. 70. (n) Ibid. pag. 66. & Epidem. 3. ibid. pag. 275. (o) Epidem. 3. aegrot. ibid. pag. 303. 304.

dragesima die copiosius sanguis e naribus erupit, & postea ad sexagesimum diem usque perrexit sanguis crebro, & parca copia effluere; notarque deliria, sordiditate, & febres imminutas fuisse, licet tamen difficilis hic morbus sola hac evacuatione integre debellari non potuerit. Contra vero in alio aegro (p), qui centesima, & vigesima die periit, non adfuit salubris illa narium haemorrhagia, sed octavo die morbi tantum pauculum quid stillavit de naribus. Unde apparet & in febribus ardentibus, quae velocissime decurrerent, & in raris illis casibus, ubi in longum adeo morbum degenerarent, magnum poodus ad sanationem habuisse sanguinis per nares largam eruptionem.

QUAE SI TERTIO, VEL QUARTO DIE PARCA, LETHALIS. Larga enim in periculossimo hoc morbo requiritur, sic ut ad plures saepe libras aliquando profuist, optimo quidem cum successu, quamvis a tanta sanguinis iactura debiles saepe mancant aegri. Ubi vero paucae tantum stillae prodeunt tertio, vel quarto die, lethale saepe signum est; tunc enim novimus, tantum quidem impetum esse, ut solvatur arteria in naribus, vel per anastomofin dilatato suo extremo sanguinem dimittat, interim tamen sic inspissatum esse sanguinem, atque adeo in concretionem primum, ut illico in aere coeat, & tactam sibi viam obturet. Vidi in tali casu guttulas illas sanguinis de naribus stillantes, mucinnio exceptas, non disfluxisse, sed illico in solidas massulas concrevisse. Generale hoc axioma practicum statuit Hippocrates (q): *Judicatoria non judicantia partim lethalia, partim difficilis judicii*. Unde patet, quare parca talis haemorrhagia adeo malum signum det, cum irritum naturae ad criticam evacuationem se disponentis molimen sit. *Hinc pusillas stillas (sanguinis) malas dixit (r)*, inprimis si illud, quod stillat, (*εσπερος*) sincerum fuerit (s): forte sic vocavit spissum admodum sanguinem, absque ulla liquidioris partis separatione, statim concrefcentem. Et alibi (t) postquam dixerat in febribus ardentibus epidemicis omnes servatos fuisse, quibus larga narium haemorrhagia contigerat, addit: *In Philisco, & Epimane, & Sileno (quorum historiam pluribus postea descripsit) quarto, & quinto die paucum e naribus stillavit, & perierunt*. Quod & pluribus exemplis confirmavi in aliis aegris. Sic in Dromadae uxore (u) quarta die paucae e naribus stillae prodierunt, sexto die convulsa periit. In altero aegro (vv) secunda die ex sinistra nare paucus sincerus sanguis effluxit, uti etiam & quarta die; qui quidem evasit, sed post multas molestias, & binas recidivas, quadragesimo die tandem judicatus est. Notandum tamen est, quamvis parca illa stillicidia semper suspecta sint, tamen minus periculum esse, si paulo post, vel sequenti die, v.g., larga haemorrhagia sequatur, uti factum fuit in Metone (x), cui quarta die bis pauculum sanguinis ex nare dextra stillaretat; verum quinta die ex nare sinistra sanguis copiosus effluxit, sudavit, & judi-

(p) Ibidem Aegrot. 1. pag. 291. (q) Epidem. 2. Charter. Tom. IX. pag. 120.

(r) Coac. Praenot. N. 59. Charter. Tom. VIII. pag. 855. (s) Epidem. 1.

aegrot. 1. Charter. Tom IX. pag. 99. (t) Ibid. p. 65. (u) Ibid. aegrot.

11. pag. 124. (vv) Epidem. 3. aegrot. 1. ibid. pag. 224. &c. (x) Epidem.

Lib. I. aegrot. 7. ibid. pag. 109.

judicatus est: sed & post judicium crebro adhuc sanguinem erupuisse monetur in hujus aegri historia.

Cum autem, uti paullo post dicitur, optima sit haemorrhagia narium, quae die decretorio fit, & quartus dies non adeo inter dies decretorios numeretur, vel saltem non inter primarios, sed potius inter dies indices, uti tunc pluribus demonstrabitur; patet ratio, quare Veteribus Medicis utrumque suspecta fuerit haemorrhagia, quamvis larga, quae quarto die fit. Uti enim paullo ante in eadem hac paragrapho monitum fuit ex Hippocrate, paribus diebus judicantur hi morbi, qui paribus exacerbantur: adeoque si quarto die critica talis haemorrhagia contingat, accessionibus diebus paribus fieri demonstrat, quod tamen pro pessimo signo in his febris habetur, uti paullo post demonstrandum erit in eadem hac paragrapho. Ob hanc causam videtur Hippocrates monuisse (y) > Quae quarto die sunt haemorrhagiae (narium), diffisilem judicationem faciunt. Et in Coacis (z): In febre ardente fluxu [sanguinis] ex naribus quarto die mala est, si non aliud quid boni consideris; verum quinto die minus periculosa est. Notandum autem, quod non agatur de levi stillicidio, quod *catarrhus* vocare solet, sed habetur in textu *fluxus, & multiplicatus*, quod largum satis fluxum significat. Habetur tamen in Epidemiciis (a) exemplum aegrae, cui quarta die sanguis probe ex nare sinistra effluerat, quae septima die omnino judicata fuit: verum, uti in Coacis monuerat, aliud bonum signum coincidebat, nam eodem die quarto menstrua, pauca quidem, sed ordine comparuerunt.

Cum ergo tantum boni a larga haemorrhagia, si debito inprimis morbi tempore fiat, expectaverunt Veteres, non mirum est, si tanta cum cura inquisiverint illa signa, quae hanc evacuationem praecedere solent, & brevi adfuturam esse docent. Qui temerario ausu naturae imperare volunt in morbis curandis, & caeco impetu quaevis tentantes, omnia turbare solent, attentam horum signorum in morbis observationem fastidiunt, credentes se pro lubitu larga venae sectione posse illud omne perficere, quod ab narium haemorrhagia spiratur. Verum pessime decipiuntur & plurimae observationes Medicae docuerunt spontanea narium haemorrhagia sanari morbos felicissime, qui frustra venae sectione tentati fuerant. Notavit Benedictus (b); periodicam narium haemorrhagiam tabis accessum protrahere, & iterata quacunque phlebotomia longe efficaciorum esse, atque hanc sententiam exemplis practicis confirmavit. Juveni enim, a suppressa narium haemorrhagia, una cum haemoptysi phthisis imminens signa jam aderant, & quidem tanto periculosioris, quia a parentibus impressum tabis characterem habebat. Parum profuit venae sectio, sed rediens narium haemorrhagia illum a tanto periculo liberavit. Viro, qui periculosissima angina laborabat, quae non tantum deglutitionem, sed & respirationem intercipere minitabatur, in brachiis, & talis venae sectae fuerant, nuchae, & scapulis scarificationes adhibita, enema,

(y) Epidem. Lib. II. ibid. pag. 168.

(z) N. 134. Chatter. Tom. VIII. pag. 259.

(a) Epidem. 7. aegros 134. Chatter. Tom. IX. pag. 600.

(b) In Theatro tabidos.

Exercit. 5. pag. 14. &c.

mata, aliaque plura incassum applicata, sublingualium dein incisione facta; quaedam salutis spes affulgebat. Verum, copiosissima narium haemorrhagia facta, mox omnem malitiam morbus deposuit. Plura similia afferri possent observata, verum haec sufficient, ut demonstretur, quantum salutaria naturae in morbis sanandis molimina praeferenda sint illis, quae per artem tentantur. Praeterea in febre ardenti sanguis, tenuissima sua parte orbis, in concretionem tendit; atque in arteriis haerere incipit, unde ibi accumulatur, illatque distendit; in venas transpiratur tantum adhuc maxime fluida sanguinis pars, unde per venae sectionem saepe in talibus morbis tollitur illud, quod transitui per vasa solum adhuc aptum erat: dum narium haemorrhagia ex ipsis arteriis sanguinem profundit, atque directa, quam maxime via impetum, & copiam sanguinis ab encephalo avertit, cujus functiones in his morbis adeo turbantur solent. Arteriotome ergo, vel scarificationes con cucurbitulis impositis potius profuturæ viderentur: verum patuit ex modo allegatis ex *Benedicto* narium haemorrhagiam longe promptius auxilium attulisse.

Optime ergo & famae suae, & aegris consulat Medicus, si memor moniti *Hippocratis* [c] incumbat cognoscendis illis, per quae in morbis futura praefagire poterit. Majorem enim non tantum aegrorum fiduciam (magni certe momenti rem) sibi conciliabit, verum etiam *Curationem optime instituet is, qui ex praesentibus affectibus futuros praevideat*. Sanos enim omnes aegros efficere, impossibile est: id enim foret praestantius, quam futura praenoscere &c. Namque & eos, qui servari possunt, multo etiam melius servare poterit, ex longo tempore singula praemeditatus; & morituros, & evasuros praegnoscent, & praedicent omni praesens culpa vocabit.

Oportet ergo serio expendere omnia illa signa, quae salutarem in febribus narium haemorrhagiam praenunciant, ne horum ignari importunis remediis quandoque turbemus, vel impediamus futuram.

**HAEC PRAENUNCIATUR CERVICIS DOLORE.** Non adeo acutus ille dolor cervicis est, sed obtusior cum tensionis quodam sensu, unde in *Coacis* (d) sic habetur; *Capite gravati juxta scinciput dolentes pervigiles, sanguinem effundunt; tum alias, tum si quid in cervicem contendat (συνάρτην)*. Alio in loco (e) eadem habentur fere, sed legitur καὶ ἢ ἐν τῇ τραχήλου ἰσχυρίᾳ: si quid in cervice intendatur. Unde videtur potius molestiae tensionis quidam sensus esse cum obtuso dolore; atque ideo paullo post (f) sequens praefagium legitur: *Cervicis dolores, valde rubri oculi sanguinis eruptiones significant*. Ubi notandum, quod ponatur in textu τραχήλου ἰσχυρίᾳ, quod non simpliciter dolorem, sed potius levioris doloris speciem significare videtur. Haec autem ideo distingui merentur, quia acutus cervicis dolor pejora saepe praefagit, retanum nempe & convulsiones: ac de tali dolore videtur dixisse *Hippocrates* (g); *Cervicis dolor malum in omni febre, sed pessimum, quibus insania sperantur*. Sic & cervicis dolores convulsivos monuit [h]: atque alio in loco (i) dolorem

Tom. II. Pars II.

d

- (c) In Prognostic. initio Charter. Tom. VIII. pag. 583. &c. (d) N. 169. Charter. Tom. VII. pag. 861. (e) Prothet. Lib. I. ibidem pag. 794.  
(f) Ibidem. (g) Ibidem pag. 749. & Coac. N. 274. ibidem pag. 867.  
(h) Ibid. pag. 780. (i) Coac. N. 163.

dolorem cervicis inflammatorum, maxillarum constrictarum spasum, & nervorum distentionem simul junxit. Molesta talis in cervicis tensio in pluribus mulieribus menstruum eruptionem praecedere solet, uti & notavit Hippocrates (k): verum & menstruum fluxum in his febribus utilem esse vidimus. Cervicis autem illa tensio certius haemorrhagiae narium praesagium dabit, si reliqua simul signa sequentia, vel quaedam ex illis adfuerint.

TEMPORUM GRAVITATE, TENEBRICOSE CALIGINE, PRAECORDIORUM CONTENTIONE SINE DOLORIS SENSU &c. Omnibus enim illis signis fere cognoscimus, sanguinis impetum, & copiam versus caput derivari, adeoque spem esse, ut soluta in naribus arteria, usitato naturae in his morbis sanandis modo, sanguis exeat. Verum quidem est, simul tunc metuendum esse, ne, copia, & impetu sanguinis oppresso cerebro, deliria, convulsiones, aliaeque pessima mala sequantur, nisi subita haemorrhagia veniat; sed docuit ab omni aevo fidelis morborum observatio, si haec signa omnia, vel plura ex illis, concurrant, non adeo metuenda esse haec mala, sed certo adfuturam narium haemorrhagiam, quae haec omnia tollet. Prudentes enim Veteres Medici tunc omnia haec symptomata habuerunt pro signis criticae haemorrhagiae instantis, si debito morbi tempore fierent, neque nascerentur ex aucta morbi malignitate, sed ex irritatione naturae se ad crism disponentis. Unde suspecta semper habuerunt haec signa, si in morborum velocissimorum initiis adessent, antequam coctionis ulla indicia apparuerint. Unde, uti ad §. 594. dictum fuit ex Hippocrate, judicantia in melius non statim, id est, in morborum initiis, apparere debent: & Galeus (l) monuit, decretoria signa nec in principiis, nec in augmentis, sed in statu morborum debere apparere. Neque confidebant his signis, si jam ab initio morbi adfuissent, licet ad crisis tempus perleverarent. Unde Galeus, in loco citato in Commentariis §. 734., ubi de involuntariis lacrymis agebatur, dum signa recenset futurae haemorrhagiae, hoc tam sollicitè monet. Si enim caput doluerit a perturbatione crismi praecedente, neque ab initio morbi talis dolor adfuerit; si collum condoleat &c., si spirandi quaedam repentina difficultas, velut presso thorace suboriat, &c. tunc dicit haemorrhagiam narium brevi adfuturam, monetque Medicos, ne terreantur, licet hominem delirare, vel subsilire videant. Et Hippocrates in loco ibidem citato lacrymas involuntarias tunc tantum pro signo haemorrhagiae habuit, si nullum aliud lethale signum adesset; aliter enim mortem praesagire dixit: hinc etiam, dum recenset omnia haec signa, quorum quaedam, & vomitus critici indicia sunt, sic habet. Quibus vero in hujusmodi febre [non lethali] caput dolensibus, pro tenebris ante oculos apparentibus visus ebetudo contingit, vel splendores observantur, & pro oris ventriculi morsu in hypochondrio sive ad dextra, sive ad sinistra, aliquid consensitur, neque cum dolore, neque cum inflammatione, illis pro vomitu sanguinem de naribus fluxurum expectandum est: magis autem juvenibus: trigessimu vero

annum

(k) Procrhet. Lib. I. Charter. Tom. VII. pag. 796.

(l) De Crisibus Lib. I. cap. 8. Charter. Tom. VIII. pag. 387.

anum agentibus, vel senioribus, minus, sed his vomitiones expectandae (m). Similia signa in febribus tam ardentibus, quam aliis, haemorrhagiam narium praenunciare dixit, & alibi (n). Rubores autem faciei pariter inter haec signa numeravit, dicens: *Febricitantibus, quibus quidem rubores in facie & capitis dolor fortis, & venarum pulsus, his sanguinis fluxio plerumque contingit* (o). Pruritus vero narium, tensionem majorem valorum sanguineorum denotans, non futuram tantum, sed jam jam praesentem haemorrhagiam significare monuit *Galenus*, uti dictum fuit in Commentariis §. 734. dum enim aegri nares tunc fricant, illico sanguis profilit; quandoque & sternutatione oborta idem fit. Adeo autem confidebat his signis *Galenus*, ut aliis Medicis coram aegro praedicere ausus fuerit, illam mox futuram, & quidem ex dextra nare; adeoque non admittendam esse venae sectionem, quam suadebant omnes. Juvenis enim aeger, decumbens quinto die morbi, de lecto exilire tentabat, ut vitaret rubrum serpentem, quem adrepentem se videre credebat. Obscura quaedam rubedo, quae in dextra nasi parte ad genam usque extendebatur, multo magis conspicua apparebat, unde ex dextra nare sanguinem erupturum concludebat *Galenus*. Jussit autem famulo, ut clanculum vas adferret excipiendo sanguini idoneum, atque sub veste occultaret. Paulo post aeger indicem digitum prurienti naso immittebat, moxque cruentum eduxit, sequente sanguinis rivo, quem adstans famulus supposito vase, quod occultaverat, excipiebat. Praesentes Medici; qui audacem hanc *Galenus* prognosin riserant, hoc viso pudibundi aufugerunt omnes (p).

Praeter modo memorata signa futurae haemorrhagiae in febribus adhuc alia apud *Hippocratem* inveniuntur, sed semper talia, quae impetum, & copiam sanguinis versus caput augeri demonstrant. Sic subitam anxietatem cum vigiliis huc refert (q), oculorum rubedinem (r), capitis concussionem, aurium bombos (s), subitam mentis percussione cum anxietate (t), surditatem (u). Verum illa signa, quae in textu memorata habentur, omnium certissima sunt; reliquae autem quandoque, sed non semper adsunt.

Plerorumque symptomatum, quae haemorrhagiam praecedunt, ratio utcumque intelligitur, quia videntur fieri a majori impletionem, & tensione valorum sanguineorum per externas aequae ac internas capitis partes dispersorum. Verum illa praecordiorum tensio, absque dolore, & inflammatione, uti monuit *Hippocrates*, quid huc faciat, non adeo patet. Interim tamen observationes practicae docent, magnum commercium inter hypocondria, & nares intercedere. Sic notavit *Hippocrates* (w), illos, quibus caeteroquin sanis sanguis ex naribus fluit, splenem habere tumidum. Plures novi, quibus verno tempore familiare erat sanguinem de naribus fundere, qui sibi ipsis

d 2

insan-

(m) In Prognostic. Charter. Till. pag. 62a.

(n) Epidem. 1. Charter. Tom. IX. pag. 60.

(o) Coac. Praenot. N. 143. Charter. Tom. VIII. pag. 859.

(p) Galen. de Praenot. ad Posthumum cap. 23. Charter. Tom. VIII. pag. 851.

(q) In Coac. Praenot. N. 113. ibid. pag. 858.

(r) Ibid. N. 167. pag. 861.

(s) Ibid. N. 169. pag. 863.

(t) Ibid. N. 169. pag. 863.

(u) Ibid. N. 169. pag. 863.

(v) Protrict. Lib. II. cap. 16. Charter. Tom. VIII. pag. 826.

(1) Ibid. N. 185. pag. 864

instantem haemorrhagiam praefagire noverant ex dolore circa lenis regionem, quandoque etiam ex cujusdam palpitacionis in eodem loco sensu. Nimis profusum haemorrhagiam, frustra tentata ligatura artuum, aliisque remediis, illico compescuit *Galenus* (\*), dum magnam cucurbitam dextro hypochondrio applicaret; sanguis enim fluebat ex nare dextra. Ubi vero ex nare sinistra sanguis fluere, iussit illam applicari lienis regioni, si ex utraque nare prodiret, utrique hypochondrio simul affigendam cucurbitulam voluit (y). Sic damnavit *Hippocrates* (z) sanguinis eruptiones, quae ex contrario fierent, ut dum in liene magno ex dextra nare fluere &c. Ex quibus omnibus patet, quantum illa in hypochondriis tensio ad hanc Prognosin faciat, licet ex cognita haecenus corporis fabrica non adeo pateat omnium horum ratio. Sufficiet Practico talia per meram observationem cognoscere, atque inde praefagire illa, quae in morbis futura sunt. Videantur illa, quae de regiminis actione, qua una pars corporis alteri patet, in Commentariis §. 701. dicta fuerunt.

His signis meretur addi & illud futurae per nares haemorrhagiae indicium, quod ex solo pulsu desumit Hispanus ille Medicus, cujus observationes collegit *James Nibell*, de quo dictum fuit in Commentariis §. 587., ubi de crisi agebatur. Ex pulsu enim resiliente *Rebounding Pulse*, qui videtur esse talis qualem Veteres Medici vocaverunt *dirotum*, quando in diastole arteria hiserit digitum tangentem, antequam systole sequatur, futuram haemorrhagiam praefagire noverat; ex intervallo autem, quod inter pulsus illos resilientes intercurrerebat, tempus secuturae haemorrhagiae determinabat; sic ut, si trigesimo quoque pulsu circiter talis resiliens pulsus animadverteretur, post quadriduum narium haemorrhagiam expectaret; post triduum, si decimo sexto quoque pulsu recurreret; si octavo, post biduum; si citius, intra numquam spatium: quandoque regulariter minuebatur hoc intervallum, tuncque tempus futurae haemorrhagiae exacte determinare poterat; aliquando perturbato magis ordine, tuncque etiam non exacte illud poterat definire. Copiam vero hujus evacuationis magnam fore praedicebat, si secundus resiliens pulsus ictus primum superaret robore; parvam vero, si contrarium obtineret; si aequale utriusque robur appareret, moderatam expectabat haemorrhagiam. Dum fluere sanguis, minuebatur illa resilitio, & post finitam haemorrhagiam cessabat omnino; nisi forte repetita talis in morbis, uti saepe fit, crisis contingeret; tunc enim manebat ille pulsus, vel redibat denuo. Si autem pulsus ille resiliens in una manu evidentius, quam in altera, perciperetur, plerumque ex nare ejusdem lateris sanguis majori copia prorumpebat (a).

Videatur rei dignitas, & testimoniorum pondus, quibus confirmatur, postulare, ut data occasione quivis Medicus hanc pulsus mutationem in morbis observet.

OPT.

(\*) De Praenotione ad Posthumum cap. 73. ibid. pag. 851. (y) Method. Med. Lib. V. cap. 3. Charter. Tom. X. pag. 107. Et Lib. de Curand. ratione per venae sect. cap. 11. ibid. pag. 440. (z) Piorrhic. Lib. I. Charter. Tom. VIII. pag. 789. (a) Nibell of the pulse pag. 1. &c.

OPTIMA FIT DIE DECRETORIO. Quando in Commentariis §. 387. de crisi egi, quae in febribus observatur, pluribus probatum fuit, revera crises fieri in morbis; atque tunc ex Veterum Medicorum monumentis determinatum fuit, quid crisis proprie vocanda sit. Cum autem in longum excurreret de crisi sermo, distuli de diebus decretoriis sive criticis agere, donec horum mentio in textu fieret. Hoc ergo loco non incongruum erit quaedam de his addere.

Sollicita morborum observatio docuerat Medicos antiquos, crises in morbis contingere; cumque notarent sedulo, quid singulis fere diebus mutatum occurreret in morbis, viderunt insignes illas mutationes, & evacuationes, quae crislis praecedunt, comitantur, vel sequuntur, ut plurimum hoc vel illo die morbi fieri; cumque in pluribus aegris viderant haec contingere iisdem numero diebus, vocaverunt hos dies decretorios, sive criticos; illosque postea prae reliquis sollicite observabant, ut detegerent, an simile quid moliretur hoc tempore Natura. Inde videtur dierum in morbis haec distinctio orta fuisse, ut quosdam criticos vocaverint, quosdam non. Demonstravit autem Galenus (b) ex historiis morborum, quas in Epidemicorum libris Hippocrates descripserat, illum non ratione quodam persuasum fuisse, sed usu & experientia doctum differentiam constituisse inter illos dies, in quibus criticae mutationes contingerent; vel non. Credit enim Galenus (c), libros Epidemicorum prius conscriptos fuisse, ac deinde ex illis deducta fuisse generalia illa axiomata practica; quae in prognosticis & alibi inveniuntur. Quamvis enim omnibus diebus morborum crises quandoque accidunt (d), tamen non in omnibus diebus aequales numero observantur, neque pariter fide: unde illos dies proprie criticos vocaverunt, in quibus & plurimas, & perfectissimas absque recidiva subsequente crises observaverant. Hinc septimus dies inter criticos insignem maxime locum obtinebat, quia omnium numerosissimae crises hoc die fiunt, sic ut nequidem omnes numerare se posse testetur Galenus (e), quos hoc die iudicatos viderat; contra vero duodecimo, & decimo sexto die nullum se unquam iudicatum vidisse monet; adeoque ob hanc causam & criticorum ordine hi dies merita expunguntur. Neque tantum critici illi dies notari merebantur, quia in his toties subita morbi in sanissem mutatio, vel insignis saltem in melius conversio fiebat, verum etiam quia in pessimis morbis iisdem diebus mors sequebatur, vel insignis saepe in longe pejorem conditionem mutatio; unde dixit Hippocrates (f): *Febres diebus numero iisdem iudicantur, ex quibus homines tum servantur, tum etiam intereunt*. Praeterea in morbis longioribus observavit Galenus, & in Epidemicorum libris pluribus exemplis confirmatur, imperfectas quasdam crises fieri, quas deinceps, silent per aliquot dies morbo recidive sequuntur: tuncque notas saepe contingere, ut recidivae illae diebus quibusdam decretoriis inciperent, & quum numerum aliquem decretorium dierum excederint; iterum in alio quodam

d 3

dam

(b) Lib. II. de diebus decretor. cap. 5. Charter. Tom. VIII. pag. 480. (c) Lib. I. de diebus decretoriis cap. 3. ibid. pag. 454. (d) Ibid. cap. 2. pag. 453. (e) Ibidem (f) In Prognosticis Charter. Tom. VIII. pag. 461.



dam decretorio die judicantur (g). Pulcherrimum, quod modo dicta confirmat, exemplum habetur in aegro illo, qui in Dealcis horto decumbebat (h): huic enim undecima die judicium quidem contigit, sic ut mente constaret, febre liber esset, sudaret; verum imperfectam hanc crism fore docebant salis urinae, quas circa judicationem tenuis fuisse [in morbis talibus semper tanquam malas ab Hippocrate damnatas] notat. Unde per biddum quidem a febre liber mansit, verum decimo quarto die rediit febris cum delirio, & vigiliis. Decimo septimo die autem per univertum corpus sudavit quidem cum levamine, & magis intellexit; verum febris manebat & sitis, & urinae tenues erant, nec bene coloratae, adeoque neque novo hoc naturae molimine perfecta crisis facta fuerat. Vigesimo die sequente iterum sudavit, & febre liber fuit; verum adhuc urinae tenues, adeoque nondum superatus morbus videbatur, a quo tandem quadragesimo die, dejiciens pituitola alba copiosa, & valide sudans per univertum corpus, perfecte judicatum est. Uti autem statim patebit ex enumeratione dierum, quos criticos vocavit Hippocrates, insignes illae mutationes in hoc morbo, uti & recidivae, tandemque & integra lanatio, semper inciderunt in aliquem ex diebus, qui decretorii vocantur. Idem ex pluribus aliis aegris, quorum historiam conscripsit Hippocrates, demonstrari posset; sed hoc sufficiet, ut probetur, in morbis mutationes tam in melius, quam pejus certum quemdam dierum ordinem observare.

Neque obstat his, quod quandoque in pessimis morbis sic turbentur omnia, ut nihil fere ordinati in horum decursu detegere liceat, & victa vi morbi natura vel cito, vel etiam quandoque diutius constitata, succumbat. Nam in Commentariis §. 587., ubi de crisi agebatur, monitum fuit, & Veterum Medicorum testimoniis confirmatum, non in omnibus morbis crises contingere. Sic in febribus ardentibus epidemice grassantibus, quas descripsit Hippocrates (i), notat, quod Urinae multae tenues, nihil judicatorii, nihil boni, habebant, neque quidquam aliud decretorium sic affectis apparebat, neque sanguis ex naribus probe effluebat, neque abscessus alius ex consuetis fiebat judicatorius; moriebaturque unusquisque, uti fors ferebat, errabunde, plerumque circa judicationes. Cum enim in his morbis nullae crises fierent, ergo nec dies critici observari poterant: verum in aliis morbis, qui crisi bona, vel mala, perfecta, vel imperfecta, in mortem, vel sanitatem, in meliorem, vel pejorem conditionem tendunt, observatio dierum criticorum magnum pondus habet.

Criticorum autem dierum sequens enumeratio habetur apud Hippocratem (K): postquam enim dixerat, mitissimas febres, & quae cum securissimis incedunt signis, quarto die, vel ante, finiri, malignas vero febres, & quae cum gravissimis incedunt signis, eodem tempore vel ante occidere, sic habet: *Primus itaque eorum insultus sic desinit, secundus ad septimum perducitur, tertius autem ad undecimum, quartus ad decimum quantum, quintus ad decimum septimum.*

(g) Galen. de diebus decretor. Lib. II. cap. 4. Charter. Tom. VIII. pag. 483.

(h) Epidem. 3. aegrot. 3. Charter. Tom. X. pag. 222.

(i) Ibidem pag. 271. &c.

(K) In Prognost. Charter. Tom. VIII. pag. 464. &c.

num: *scilicet ad vigesimum &c.* Postea vero *juxta eandem additionem eadem ratione primus circuitus est triginta quatuor dierum, secundus quadraginta dierum, tertius sexaginta dierum.* In Aphorismis vero dixit (1): *septennarium index quartus. Secundae septimanae status principium. Undecimus quoque spectandus dies est, hic enim secundae septimanae quartus est.* Rursus vero spectandus decimus septimus, is enim a decimo quarto quartus est, & ab undecimo septimus. Quinam dies indices vocentur, postea dicitur: *sufficit autem hic notare, quod ex binis his Hippocratis locis allegatis pateat, quod magnam vim adscripserit quartae, & septimae diei singularum septimanarum, nam ideo illos notandos voluit.*

Verum in Epidemicis [m] alium dierum criticorum ordinem habet: Notavit enim morbos, qui diebus paribus accessiones habent, judicari diebus paribus; & similiter illos, qui diebus imparibus accessiones habent, imparibus diebus judicari. Unde duplici serie distinxit dies criticos, dicens: *Circuitum autem diebus paribus judicantium primus decretorius est quartus, sextus, octavus, decimus, quartus, vigesimus octavus, trigessimus, quadragessimus octavus, sexagesimus, octagesimus, & centesimus.* Circuitum vero diebus imparibus judicantium primus est tertius, quintus, septimus, nonus, undecimus, decimus septimus, primus, & vigesimus, vigesimus septimus, & trigessimus primus. Verum Galenus (n) in Commentariis suis in hunc locum notat, quod hic dies criticos tali ordine, ut se mutuo sequuntur, descripserit, in prognosticis vero, periodos, quae quaternario numero sunt, accurate percurrerit. Alio autem in loco [o] monet Galenus, postquam binos modo memoratos textus recensuerat, in Epidemicis recenseri omnes illos dies, in quibus crises quandoque observatae fuerunt, tantum ut memoriae succurreretur, atque hic iterum notat, Epidemicorum libros ante Prognostica, & Aphorismos scriptos fuisse, ut nempe memoriam rerum prius observatarum suggererent. Atque hinc conclusit, quod in Prognosticis, & Aphorismis tantum notaverit illos dies, qui maximam potestatem habent, & naturae suae ratione perfecti sunt, & insuper non mediocrem usum ad futuri status, & judicii praenotionem exhibent. Hinc patet ratio, quare Hippocrates ex numerosis diebus in Epidemicorum primo libro enumeratis plurimos rescindere videtur in Prognosticis & Aphorismis [p].

Illi ergo dies, qui quaternario, vel septennario circuitu continentur, prae reliquis critici dicendi erunt, & omnes alios dignitate, efficacia, & securitate antecellunt, adeoque proprie hoc nomen merentur. Reliquos autem dies, in quibus aliquando crises contingunt a prioribus diversos, *coincidentes* vocavit Galenus (q). *supervenientes* quibus, & pro criticis inferioris ordinis habuit, in quibus quidem aliquando crises contingunt, sed rarius, & minus tuto. Videtur autem in illa opinione fuisse Galenus, dies criticos proprie di-

d 4

Eos

(1) Aphor. 24. Sect. II. Charter. Tom. IX. pag. 67.

(m) Epidem. Lib. I.

Charter. Tom. IX. pag. 95.

(n) Ibid. pag. 96.

(o) Lib. II. de die-

bus decretoriis cap. 6. Charter. Tom. VIII. pag. 483.

(p) Lib. I. de diebus

decretor. cap. 3. ibid. pag. 454.

(q) Lib. III. de diebus decretoriis cap. 2.

ibid. pag. 500.

mo &c. accidit, legitimis nempe criticis diebus: minus vero bona illa, quae in die quodam critico coincidente contingit, tertio, quinto, sexto, vel nono: suspecta vero habenda erit, quae aliis diebus observatur. Idem autem & de aliis criticis evacuationibus verum erit.

Objici forte posset, evacuationem materiae morbosae bonam semper esse, quocumque demum morbi die contingeret, adeoque sollicitam illam temporis, in quo haec fiunt, observationem plus tædii, quam utilitatis habere. Nemo dubitat prodesse semper, si illa, quae relicta nocerent, expellantur de corpore, modo integra alium evacuatio fiat, nempe una cum illis boni humores exeat, vel dum haec peragitur, tales & tantae turbæ fiant in corpore, unde alia mala metuenda sunt. Verum in generali febrium historia patuit, causam materialem febris per febrem ipsam (modo tali moderamine regatur, ut nec nimio impetu, nec nimis torpido motu peccet §. 609.) subigi, & mobilem reddi, sicque ad exitum disponi. Ad hanc autem mutationem materiae morbosae, quae coctio dicitur, requiritur determinatum temporis spatium, varium quidem pro majori, vel minori febris intensitate, & magis minusve rebeli indole materiae subigendae. Attenta jam morborum observatione Veteres Medici invenerunt haec tempora in morbis, quibus per febrem ipsam subacta, & mobili reddita morbi materia expellitur de corpore: haec tempora vocaverunt diea criticos. Illas vero mutationes morborum, quae alio tempore fiunt, merito suspectas habuerunt, quia saepe morbi ingravescentis impetu, errore commisso ab aegris, adstantibus, vel Mediceis, fiunt, non vero naturae morbo praevalentis effectus sunt. Illud enim, quod morboisum est, a sanis exacte discernere, solius naturae opus est. Dum phlegmone valida nec resolvable locum corporis occupat, ne peritissimum quidem Anatomicus obstructa vasorum extrema sic separare posset a reliquis, ut nihil laederet in sanis partibus: interim natura per blandam suppurationem, determinato tempore, illam separationem morbois a sanis perficit. Notaverunt jam Veteres Medici, uti alia occasione ad §. 387. 393. 730. dictum fuit, in febribus putredinem humorum, quae fit in vasis, similem esse putredini humorum, quae fit in inflammationibus; & abscessibus, in quibus vincente natura pus fit; in humoribus autem venarum, & arteriarum id, quod in urina puri proportionem respondet. Ne autem putredinis vocabulum offenderet, monuerunt, hanc non esse simpliciter putredinem, sed aliquid habere coctionis. Cum ergo in phlegmone in abscessum convertenda determinatum tempus observetur, antequam pus factum sit; idem & in febribus verum esse patet. Sicuti jam male pertunditur locus inflammatus, antequam pus factum est, sic etiam in morbis evacuationes factae, antequam morbois subactio, & separatio a sanis facta fuit, vix prodesse poterunt, quis vel partem tantum morbosae materiae subducunt, adeoque recidiva expectanda est a residuo; vel saepe impetu summo una cum noxiis bonorum humorum copiam de corpore expellunt, dum simul illud, quod in corpore relinquitur, iisdem inquinamentis gravatum manet, quia nondum integra horum separatio facta fuit.

Quam parum profit in morbis ante tempus debitum moliri separationem

materiae morbosae, docent evidentissime variolae; quem morbum ideo pro exemplo seligo, quia, quantum videre potui. Veteres Medici illum morbum non descripserunt, cum tamen dies critici Veterum adeo efficaces in hoc morbo observentur. Susceptum contagium variolosum in homine sanissimo febrem accendit, per quam febrem materia morbi versus corporis ambitum critica metallali deponitur. Si hoc fiat quarto morbi die, sedatur febris; minuuntur non tantum, sed & evanescent saepe omnia symptomata, uti quosidiana observata docent. Ubi vero nimio febris impetu, vel calido regimine, sudoriferia calidis datis, stragulum pondere &c. ante hoc tempus prodeunt variolae, solent esse longe numerosiores, pejoris indolis, neque symptomata multum mitigantur; imo eo pejora metuebat Sydenhamus in hoc morbo, quo citius ante quartum diem erupissent variolae. Si autem tardius erumpant, sive hoc ob fractas aegri vires fiat, sive impetuosissima febris sic turbaverit omnia, ut critica illa separatio morborum fieri nequeat, pessima & anomala penitus symptomata observantur, & fere semper certa perniciis imminet.

Ex omnibus his, credo, apparet, observari in morbis quaedam temporum intervalla, in quibus materia morbi mutata, subacta, & mobilis reddita, vel expellitur de corpore, vel ad alia loca deponitur. Simulque pater, sedulam horum observationem summi usus esse in morbis curandis, ne intempestivo saepe artis molimine noceamus; dum expellere nitimur, quae nondum ad exitum parata sunt; vel impedimus evacuationem illorum, quae jam subacta & cocta locis convenientibus exitum moliebantur. Simul inde discimus, non confidere illis evacuationibus, vel insignibus mutationibus, quae alio tempore sunt, quia raro tutae sunt, sed plerumque vel morbus in pejus mutatur, vel saltem recidiva postea fit.

Ut autem dies illi critici distingui possint in morbia, requiritur, ut cognoscatur, a quo tempore morbi initium computari debeat; de hac re autem dictum fuit in Commentariis §. 590. Simul etiam notandum est, per diem intelligi totum ex die, & nocte tempus in viginti, ac quatuor horas divisum (x).

Cum autem morborum insultus sic diviserit Hippocrates, ut acutissimi morbi ad quartum diem pertingerent, secundus insultus ad septimum perducere, tertius ad undecimum & sic porro: videtur medium casusque septimanae diem, quartum nempe, & ultimum sive septimum pro maxime notandis habuisse, uti diserte ex Aphorismo [y], & Prognostico ante allegatis patet; interim tamen sextum febrium insultum non ad vigesimum primum diem, sed ad vigesimum tantum perduxit, atque tertiam septimanam secundae copulavit, sic ut ultimus secundae septimanae, dies simul haberetur pro primo die tertiae septimanae; primam tamen, & secundam septimanam ad invicem separavit, dicens. *Secundae septimanae octavus dies principium est*; atque hinc undecim diem vocavit secundae septimanae quartum; decimum septimum vero.

(x) Galen. de Crisib. Lib. I. cap. 16. Charter. Tom. VIII. pag. 400.

(y) Aphor. 2. Sect. 1. Charter. Tom. IX. pag. 67. In Prognosticis Charter. Tom. VIII. pag. 604.

vero diem a decimo quarto quartum dixit, & tanquam septimum ab undecimo consideravit; unde patet evidenter, quod tertiam septimanam secundae copulaverit, & trium septimanarum spatium in febris, secundum Hippocratis computationem, viginti tantum dies complectatur: hoc & confirmatur ex illis, quae citatum locum mox sequuntur: *Post haec vero eadem ratione, juxta eandem additionem primus circuitus est quatuor, & triginta dierum, secundum quadraginta dierum, tertius sexaginta dierum (z).* Ubi manifeste apparet, quod morbis in longum excurrentibus, vigesimum quemque diem, [trium nempe septimanarum spatium] criticum tantum habuerit: unde etiam, uti ante dictum fuit, octogesimo, centesimo, centesimo & vigesimo die morbos judicatos fuisse in Epidemicis legitur. Quamvis autem sola observatione hanc septimanarum inter se copulationem cognovisse Hippocratem certum sit, atque in Praxi Medica fidelis observatio sufficiat, licet ratio observari non distincte intelligatur; tamen videtur hanc difficultatem agnovisse, dum enumeratis morbi insultibus ad vigesimum diem usque mox subiungit sequentia: *Neque vero horum quidquam integris diebus exacte numerari potest, neque enim annus, neque menses integris diebus numerari solent (a).* Hanc autem rem latius deduxit Galenus (b); & ex Lunae circuitu demonstrare tentavit, tres septimanas non complecti integros viginti & unum dies, sed dimidiam fere diei partem deesse; atque inde concludere, voluit, crises potius in diem vigesimum, quam in vigesimum primum, incidere. Verum uti jam saepius dictum fuit, ex illis, quae in Epidemicis collegerat Hippocrates, generalia axiomata in Prognosticis inprimis, uti & in Aphorismis, posuit; cumque in aegrorum historiis, quae in primo, & tertio Epidemicorum libris (qui maxime pro genuinis haberi solent) recensentur, ne unicum quidem exemplum prosterit crisis, quae vigesimo primo die contigisset; imo, si recte nemini, ne quidem ullam facit mentionem illorum, quae hoc die in aegris contingerint; cum contra ubique fere noxet, quid criticis diebus observatum fuerit in his aegris, patet ratio, quare & numero criticorum dierum Hippocrates exemerit vigesimum primum diem, atque vigesimum criticum statuerit, quia nempe plures hoc die judicatos viderat sive bona sive mala, sive imperfecta crisi. Sic Philini uxor perit die vigesima (c). Charrio die septima crisis imperfecta, nono die recidiva, decimo quarto febris acuta, decimo septimo novus conatus ad crism, vigesimo tandem die perfecte judicatus est (d). Hermocrates vigesimo die imperfectam crism habuit, dein vigesima quarta recidivam, vigesima septima die perit (e). Sic & in aegro, qui in Dealcis horto decumbebat, imperfecta crisis vigesima die facta fuit, qui die quadagesimo perfecte judicabatur (f). Cum autem quarto die primae, & secundae septimanae, quarto nempe, & undecimo morborum die, crises factas saepius observaverat, hincque illis diebus magnam vim tribuerat

(z) Ibidem Charter. Tom. VIII. pag. 665. (a) Ibid. pag. 664. (b) In Lib. III. de diebus decretorii pluribus in locis, inprimis Capite IX. Charter. Tom. VIII. pag. 503. (c) Epidem. 1. aegrot. 4. Charter. Tom. IX. pag. 504. (d) Epidem. 3. aegrot. 5. Ibid. pag. 233. 234. (e) Ibid. aegrot. 2. pag. 210. 219. (f) Ibid. aegrot. 3. pag. 222. 228.

buerat in morbis, similiaque frequenter contingere viderat decimo septimo die, illum pariter prius quarto die tertiæ septimanæ posuit; tuncque vigesimus ultimus erat tertiæ septimanæ, qui pariter tertius criticus erat; adeoque patet ratio, quare tertiā septimanā secundæ capulaverit, sic ut dies decimus quartus esset simul & secundæ septimanæ finis, & tertiæ initium. Decimum autem septimum diem sæpius iudicatorium fuisse probans iterum historię aegrotorum. Sic *Herophon*, qui nona die imperfecte iudicatus fuerat, decimo quarto die recidivam habuit, dein decimo septimo die iudicatus fuit [g], & præter spem evasit. Mulier vero, quæ gemellas difficili partu enixa erat, decimo septimo die periit phrenitica [h]. Alibi etiam pluribus febrium ardentium iudicationes perfectas eodem die contigisse notat (i), quin imo in Epidemica constitutione, quam describit, nullos decimo septimo die iudicatos recidivam habuisse monet *Hippocrates*: unde dignitas huius diei in ordine decretorum satis apparet.

Pulchre autem confirmabatur ille dierum criticorum ordo, quod post vigesimum diem iterum observaretur vigesimum quartum, & vigesimum septimum, & trigesimum quartum, & quadragessimum criticos fuisse, dein sexagesimum, octogessimum, centesimum, centesimum vigesimum, sicque manifeste similis septimanarum ordo recurreret: quod pariter in historię aegrorum in primo, & tertio epidemicorum patet, quas & hic recensere potuissem, nisi brevitatē causa tantum indicare mallet: unicuique enim hos libros legenti assertorum veritas apparebit.

Neque tamen dissimulandum est, quod in *Aphorismis* vigesimum primum diem criticum posuerit *Hippocrates* (K), sic enim habet: *Sudores si febricitantibus ceperint, boni tertio die, & quinto, & septimo, & nono, & undecimo, & decimo quarto, & decimo septimo, & vigesimo primo, & vigesimo septimo, & trigesimo primo, & trigesimo quarto. Illi enim sudores morbos iudicant. Qui vero non ita sunt, laborem significant, morbi longitudinem & reversionem.* Ubi etiam notandum, quod non meminerit quartæ diei. Verum *Galenus* [l] in *Commentariis* in hunc aphorismum credidit hoc fieri, quia morbi, qui imparibus diebus exacerbantur, celerius iudicantur; testaturque se per experientiam novisse, quod raro morbi quarto die per sudores iudicentur. De vigesimo primo die non sine ratione suspicio incidit, corruptum locum hunc esse, & vigesimum potius legendum esse, quia nulla huius diei mentio in aegrorum historiis in libris Epidemicorum habetur; tunc etiam quod *Galenus* in *Commentariis* suis nullam mentionem huius difficultatis faciat, cum tamen in libris suis de diebus criticis vigesimum diem pro critico, non vero vigesimum primum habuerit, & rationem dederit, quare quartus dies hic non recensetur. Nisi forte quis maluerit, hunc Aphorismum respondere illi textui [m] Epidemicorum ante memorato, ubi series circuituum imparibus die-

[g] Epidem. 1. aegrot. 3. pag. 107. ibid. (h) Epidem. 1. aegrot. 14. ibid. pag. 308.  
[i] Epidem. 1. pag. 43. & pag. 76. ibidem. (K) Aphor. 36. Sect. IV. Charier.  
Tom. IX. pag. 158. (l) Ibid. pag. 159. (m) Epidem. Lib. I. Charier.  
Tom. IX. pag. 96.

diebus judicantium recensetur, ibi enim iidem dies enumerantur. Patuit autem tunc, praefendam esse illam enumerationem dierum criticorum, quae in *Prognosticis* habet, & ex modo dictis satis patet, quid de vigesimo die sentiendum sit.

Apparet etiam hinc, quid sentiendum sit de Aphorismo sequenti (n); *Febricitantem nisi diebus imparibus febris dimiserit, reverti consuevit*. Nam in primo septennario illarum febrium, quae imparibus diebus exacerbationes habent, hoc locum habere potest; sed pro regula universali haberi nequit, cum & quarta die, & decima quarta, vigesima, vigesima quarta, trigesima quarta, quadragesima &c. crises fieri absque recidiva ex Epidemicis, & Prognosticis Hippocratis constet. Unde & Galenus dubitat, an quidem genuinus ille locus fuerit, & pro imparibus legendum voluit criticis, prout in *Coacis Praemonitionibus* {o} habetur. Dum haec Hippocratis loca, ubi solis diebus imparibus criticam potestatem tribuit, legerat Celsus [p], simulque notaret ab eodem Auctore patet dies tanquam criticos alibi habitos fuisse, credidit, quacunque ratione ad numerum respexerimus, nihil rationis, sub illo quidem Auctore, reperiri; atque in illa opinione fuit. Pythagoricis numeris deceptos fuisse Veteres Medicos; atque hinc, licet imparibus diebus tantam vim tribuerent, absque ulla probabili ratione ab undecimo non ad decimum tertium, sed ad decimum quartum transisse. Verum videtur Celsus minus feliciter Hippocratis mentem hic affectus fuisse, quae non nisi collatis pluribus inter le locis distincte intelligi potest: quod vel inde patet evidenter, quia dicit quantum quemque diem efficacissimum habitum fuisse Hippocrati, illum tamen ne quidem in hoc propositum conservasse, cum a septimo die undecimus, non quartus sit, sed quintus. Verum discrete monuerat Hippocrates [q], uti ante dictum fuit, quod secundae septimanae octavus principium sit, adeoque undecimus dies quartus erat secundae septimanae. Non ergo ex numerorum proprietate, verum ex fidelibus morborum observationibus haec dierum criticorum distinctio ortum duxit, uti unicuique Veterum Medicorum scripta attente legenti patebit. Cum autem sedulam curam, & attentum ad omnia animum, requirat crismus, & dierum criticorum in morbis observatio, nemini mirum videbitur, quare plurimi Medici haec neglexerint; imo & alii potius contemserint & veteres Medicos, & qui horum vestigia sequuntur in his; uti ad §. 587, ubi de crisi agebatur, dictum fuit. Quibus certe applicari merito possent illa, quae Celsus dicit, dum de tempore opportuno cibandi aegros in morbis agit, ad quod determinandum magna diligentia opus esse judicavit; sic autem habet: *Ex his autem intelligi potest, ab uno Medico multos non posse curari: eumque, si artifex est, idoneum esse, qui non multum ab aegro recedit. Sed, qui quaelibet servitium, quoniam is major ex populo est, libenter amplectuntur ea praecepta, quae seculi aetatem non exigunt* [r].

Inter

(n) 61. Sect. IV. Charter. Tom. IX. pag. 173.

(o) N. 82. Charter. Tom. VIII. pag. 856. & N. 147. ibid. 860.

(p) Lib. III. cap. 4. pag. 121. 122.

(q) Aphor. 24. Sect. II. Charter. Tom. IX. pag. 67.

(r) Cels. Lib. III. cap. 4. pag. 120.

Inter dies autem criticos, qui vel dimidium septimanæ comprehendunt, vel illam finiunt, uti antea dictum fuit, hæc differentia observatur, quod non in omnibus aequales numero crises contingant, sed in quibusdam frequentiores, pauciores in aliis. Sic septimum diem, licet ordinè secundus inter criticos fuerit [quartus enim illum præcedit] primarium tamen potentia, & dignitate statuit *Galenus* (f), quia plurimi hoc die judicantur; & quidem absolute; cum manifesta excretionē, vel abscessu, & quidem plerumque salutari eventu. Quandoque tamen, sed rarius, quidam hoc die moriuntur, vel manifeste in deterius verso morbo, sequente quodam critico die, undecimo v. g., intereunt. Adeo autem frequentes hoc die crises vidisse se testatur *Galenus* (r), ut ne quidem numerare possent. Quartus vero dies tantum in acutissimis morbis decretorius est; in reliquis sæpius diei indicis [de quo statim] munere fungitur. Proximus huic iudiciorum frequentia est dies decimus quartus: hunc sequitur undecimus, & vigesimus; dein decimus septimus (w). Dierum autem criticorum coincidentium, de quibus antea dictum fuit, non adeo certa hoc respectu distinctio est; tertii nempe, quinti, sexti, & noni, cum non ex sua natura iudicent, sed potius ob coincidentem quoddam, exacerbationem, diaetæ errorem &c. Sextus autem dies, uti antea jam monitum fuit, in primis iudicii molestia, discrimine, & recidivæ metu, præ reliquis infamis est.

Notandum autem præterea est, epidemicos morbos sæpius constanti ordine quodam die critico judicari. Sic *Galenus* (w) ex Epidemicis *Hippocratis* notat, in quadam constitutione epidemica omnes fere aegros decimo septimo die integre iudicatos fuisse, prægressa prius imperfecta crisi alio quodam die, & dein recidiva. Unde etiam conclusit *Galenus*, diem decimum septimum in morbis non esse ex decretoriis coincidentibus, sed ex validis, & primis. Ita & *Sydenhamus* notavit, febres continuas epidemicas, quas describit (x), circa decimum quartum critice solutas fuisse. Adeoque semper, & in his ad genium morbi epidemici attendendum est, ut distinguamus, quo tempore, & per quas vias morbus exitum quaerat.

Prout jam morbi celerior impetus est, vel remissior, ita etiam citius, seu iuste crises accidunt, & dies critici minori intervallo a se mutuo distant. Sic in illis febribus, quæ trium septimanarum spatium non excedunt, quaternarii, & septennarii dies iudicant: & præter illos adhuc in binis prioribus septimanis plures dies critici coincidentem sunt, tertius, quintus, sextus &c. uti antea dictum fuit. Si vero morbi acuti ultra trium septimanarum spatium extendantur; tunc quaternarii dies vix amplius critici numerantur, & soli tantum septennarii iudicant; quorum tamen efficacia post quadragesimum diem deletur; tunc enim vigesimum quemque diem tantum pro critico habuit *Hippocrates*, sexagesimum nempe, octogesimum, centesimum, & centesimum vigesimum; uti ex Prognosticis (y), & aegrorum historiis in Epidem.

(f) De diebus decret. Lib. I. cap. 4. *Charter.* Tom. VIII. pag. 455.

(r) Ibid. cap. 2. pag. 452.

(w) Ibid. cap. 5. pag. 458.

(ww) Ibid. Lib. II. cap. 3. pag. 477.

(x) Sect. I. cap. 4. pag. 60.

(y) *Charter.* VIII. pag. 665.



demicis enarratis patet. Si enim primo illo morborum acutorum circuitu, qui viginti diebus terminatur, non potuit subigi, solvi, mobilis reddi, & ad excretionem disponi morbi materies, longius temporis spatium ad hoc perficiendum natura impendit; & plerumque, silente per plures saepe dies morbo, & pluribus saepe factis recidivis, tandem remoto quodam die decretorio de rebus hac morbi materia triumphat perfecta crisi; vel & saepe sensum, & lente subigitur pertinax haec materia, & absque tantis turbis, uti primo circuitu, qui viginti diebus terminatur, sunt, sensum expellitur variis viis de corpore, vel collecta in quibusdam corporis locis abscessus facit. Usque ad quartum decimum quidem magnae sunt perturbationes in morbis. Proximo loco succedunt, quae usque ad vigesimum habentur. Omnes vero, quae post hinc ad quadragesimum succedunt, paulatim remittunt vehementiam (α) αὐτίκινος. Adeo ut, qui post quadragesimum sunt, omnes prorsus langueant, concoctionibus potius, & abscessibus, quam excretionibus morborum solutiones facientes. Accidunt in his quoque per excretiones interdum judicia, sed raro, neque magnum certamen habent, & frequenter pluribus diebus judicia complentur, maxime cum in abscessum vertuntur (ε). Notandum enim & hoc est, (cujus jam memini ad §. 387., ubi de crisi agebatur), quod in morbis longioribus judicia perturbationis vehementiam remittant non tantum, verum etiam pluribus diebus perficiantur. Unde & Hippocrates, qui in illa periodo, quae quatuordecim diebus finitur, absolute diem indicat, in quo aegri judicati sunt, in diuturnioribus morbis notat judicia facta fuisse, non in quodam die definito, sed circa illum; unde & patet, quam caste, & sedulo observationes morborum tradiderit. Sic in prima constitutione, quam describit (a), dixit: Judicabantur autem inter hos, quibus brevissimi erant morbi, circa vigesimum diem; plurimis vero circa quadragesimum; multis circa octagesimum. Si etiam Clegomenius (b) non in quadragesimo die, sed circa quadragesimum diem convaluisse legitur. Et Heropytus (c), post varia mala tolerata in longo morbi detursu, circa centesimum diem alvum biliosis multis perturbatam habuit, neque paucio tempore; tandemque dysenteria cum dolore vexavit, & centesimo die plane judicatus fuit.

Quamvis autem morbi acuti, post imperfectas crises in tantam longitudinem quandoque excurrant, simulque retusus videatur tunc horum morborum impetus; non tamen cogitandum est, in talibus casibus solam morbi longitudinem molestam esse, periculum vero abesse, adeoque vix operae pretium esse, ut ad remotos illos dies citicos attendatur, cum sensum illi morbi fatiscant; observavit enim Hippocrates, & tales morbos quandoque lethales fuisse, mortemque die critico remoto contigisse. Sic mulier illa, quae post partum febre acuta correpta fuit, octogesimo die peritit (d). Alter vero aegrotos (e), quamvis quadragesimo die a febre liber esset, tamen urinae

ma-

(α) Galen. de diebus decret. Lib. I. cap. 10. ibid. pag. 466.

(a) Epid. 1. Charter. Tom. IX. pag. 30.

(b) Ibid. aegrot. 10. pag. 212.

(c) Lib. III. Epidem. aegrot. 9. ibid. pag. 303. 304.

(d) Epidem. 3. aegrot. 2. ibid. pag. 294. (e) Ibid. aegrot. 2. pag. 294.

male erant, infomnia aderant, & cibi fastidia, & postea centesimo, & vigesimo die perit: notat autem *Hippocrates*, quod ferculis multis, & vitiosis usus fuerit, ut nempe moneat Medicos, ne imperfectis talibus iudicis confiderent, &, quamvis morbi in longum excurrerent, tamen sedulam curam in dietae regimine adhiberent.

Dies autem illos criticos, in quibus nempe in morbis frequentissime iudicia contingunt, Veteres Medici vocaverunt etiam *dies indices*; quatenus nempe, dum in illis iudicium non contingit, indicent, quod sequenti proxime die critico expectandum sit. Antea enim vidimus, determinato quodam temporis spatio in febribus indigere naturam, ut materiam febrilem lubigat, solvat, & mobilem reddat, sicque ad excretionem disponat. Dum autem in hoc opere occupata natura est, mutationes quaedam occurrunt imprimis in urina, ex quibus detegimus sic disponi materiam febrilem, ut minus noceat. Illae mutationes observatae vocantur signa coctionis, tam laeti semper omnis in morbis, ut haec sola pro bonis signis semper, & absolute habuerit *Galenus*, quocumque demum morbi tempore occurrerent; cum signa ipsius crisis quandoque suspecta sint, uti paullo ante vidimus *Hippocratem* voluisse, ut vel in melius iudicantia non statim appareant, antequam nempe probabilis spes sit, materiam febrilem subactam, & mobilem redditam esse. Unde dixit *Galenus* (f): *Coctionis signa* [saepe enim, quae utilissima sunt, repetere convenit] *namquam male apparent, decretoria vero est, ubi male* [apparent]; *neque enim in augmentis, neque in principiiis, sed in statutis illa apparere convenit*. Atque inde conclusit, coctionis signa semper certa esse, crisis vero signa incerta, prout vel sola, vel cum aliis, vel in diversis morbi temporibus apparent (g). Quid autem coctio sit, & quanam ejus signa, dictum fuit in Commentariis §. 587., ubi de hac re agebatur.

Haec autem videtur fuisse Veterum Medicorum opinio, quod ad dies criticos sollicite semper attendendum sit, non tantum quod iudicia morborum in illis fieri soleant, verum etiam quia ex mutationibus morborum, his diebus observatis, praevidere possumus, quid sequentibus diebus criticis futurum sit. Ob hanc rem *Hippocrates* loco antea in eadem hac paragrapho citato (h) dixit: *Septennarium quartus est index. Secundae septimanae octavus principium. Undecimus quoque spectandus dies est. Is enim secundae septimanae quartus est &c.* Ex quo manifeste apparet, indices vocari respectu futurorum illos dies, qui ex sua natura critici sunt. Unde etiam, postquam monuerat, in morborum initiis difficilius praenosci posse morbos, qui intra longissimum tempus iudicari debent, quia similia cum aliis habent principia, addit *Hippocrates* (i) sequentia. *Verum a primo die animadvertendum est, & ad quemque quaternarium additum considerandum, nec latebit, quo se versurus sit morbus &c.* His igitur sic contingentibus, conjectare oportet tum ex tempore, tum ex aequa quae additione, morbis ad crisin praeventibus. Ex quibus omnibus apparet, unum.

(f) De crifibus Lib. I. cap. 8. Charter. Tom. VIII. pag. 387. & alibi pluribus locis.

(g) Ibid. cap. 14. pag. 398.

(h) Apher 24. Sect. II. Charter. Tom. IX. pag. 67.

(i) In pro-noticis Charter. Tom. VIII. pag. 665.

unumquemque ex criticis diebus habere rationem diei indicis respectu critici proxime sequenti diei: sic quartus dies septimi, septimus undecimi &c. index esse poterit. Cumque post vigesimum diem, partem ob minorem morbi impetum, partim ob magis rebellem morbi materiam, quaternariis non tanta judicandi potestas sit, sed septenariis illa tantum plerumque competat; idem de his diebus tanquam indicibus, verum erit. Unde patet ratio, quare Hippocrates [k] dixerit: *Quibus die septimo contingit crisis, iis urina rubram habet die quarto nubesulam, ac alia secundum rationem*. Coctionis enim, saltem incoctae, signum est, si urina similes dotes urinae sanae incipiat habere; adeoque proxime sequenti die critico iudicium expectandum erit. Ubi vero nulla coctionis signa, sed crudisatis potius, quarto die observantur, & maligna simul symptomata adsunt, tunc mala crisis, sive mors, die septimo futura metuitur; nisi morbus admodum acutus sit, & exacerbationes diebus paribus fiant, tunc enim quandoque sexto die mors venit, quam dies quartus indicaverat, uti monuit Galenus [l]. Caeteroquin quartum diem ex sua natura septimi indicem esse affirmat, seque illud certo novisse ex accurata morborum acutorum observatione testatur. Prout jam tardius, vel celerius movetur morbus, ita & index dies in proxime sequenti critico, vel & remotiori, iudicium futurum demonstrat; uti etiam quo plura, vel pauciora coctionis signa in tali die indice adfuerint, aliaque symptomata mitiora fuerint, vel maligniora: ad haec enim omnia attendendum esse Galenus in loco citato monuit.

Si jam aegrorum in Epidemicis descriptae historiae cum modo dictis conferantur, patebit, datas de diebus indicibus regulas observatis practicis pulcherrime confirmari. Sic Sileno (m) die quarto pessima quaevis signa aderant, unde malae crisis in septimo die metus. Mors tamen non contigit die septimo, sed voce defectus extrema frigida habuit, quae non amplius recaluerunt, nihilque minxit; adeoque dum septimus dies index est respectu undecimi, atque omnia mala aucta adhuc fuerunt, undecimo die mors expectanda erat; uti & contigit. In alio aegro [n] notat, septimo die omnia fuisse exacerbata, urinas malas fuisse, & alia plura maligna symptomata; verum & ille proxime sequente die critico, undecimo nempe periit. Sic etiam aeger octavus, decimus, undecimus (o) quarto die pessima signa habuerunt, & septimo mortui sunt. Quamvis autem quandoque contingat, aetate florentes, & validae naturae aegros intentatas in die indice mortis minas sequenti die critico effugere, tamen hoc rarius accidit; & nunc, nisi in melius vertatur morbus, alio die critico pereunt, interimque omnes indices dies, qui fatalem hunc diem praecedunt, pessimis symptomatibus insignes sunt. Sic mulier in mendacium foro decumbens [p] ab initio jam mala signa aderant,

Tom. II. Par. II.

e

quarto

(k) Aphor. 71. Sect. IV. Tom. IX, pag. 181. & in Coacis Praenot. N. 575. Charter. Tom. VIII. pag. 385.

(l) De diebus decretoriis Lib. I. cap. 11. Charter. Tom. VIII, pag. 462.

(m) Epidem. 2. aegrot. 2. Charter. Tom. IX. pag. 101.

(n) Aegrot. 12. ibid. pag. 114.

(o) Epidem. 3. ibid. pag. 243. &c.

(p) Ibid. aegrot. 12. pag. 252. 253.

quarto autem die exacerbata sunt omnia, septimo die iactatio toto corpore, sudor frigidus, extremorum frigus diu manens &c. indicare videbantur, undecimo die mortem instare; verum tamen & hunc diem supervixit, quamvis vomitu aeruginoso, bilioso, extremorum frigore &c. intingem; sequentibus autem diebus omnia adhuc in pejus ruebant, & decima quarta die periit, licet adhuc irritio naturae conamine narium haemorrhagia eodem die contingeret. Quod autem quandoque quartus dies index sit sexti diei, docet *Philisci* (q) historia; cui quarto die omnia exacerbabantur, & urinae erant nigrae; tamen ille non septimo, sed sexto die periit. In fine tamen hujus historiae monet *Hippocrates*, exacerbationes in hoc morbo accidisse diebus paribus: atque hinc patet ratio, quae sexto die potius mors exspectanda fuerit, quam septimo. Plura alia ex *Hippocrate* adferri possent, quae huc faciunt; verum puto haec sufficere, ut dierum indicum dignitas probetur.

Ex omnibus his apparet, prognosin Medicam in morborum eventu, & tempore definiendis plurimum sic promoveri posse; neque tamen in his esse absolutam, & mathematicam certitudinem; unde in praefagiis suis veterani Medici cauti solent esse, & quamvis ex pessimis signis mortem praevideant, summum periculum adesse monent quidem, raro tamen omnino conclamatos aegros pronunciant, sed aliquam adhuc in sinu spem sistent. Et contra, quamvis omnia in morbis acutis satis initia videantur symptomata, nihil negligunt, nihil temere tentant, moniti ab ipso *Hippocrate* (r), quod in initio difficile sit distinguere morbos, qui intra longissimum tempus judicari debent, ab illis, qui cito finiuntur, cum similia saepe sint eorum principia. Famae enim damnum incurrit Medicus, si brevem, & facilem pronunciaverit morbum, qui dein & longitudine taediosus, & non sine discrimine decurrit; omnia enim tunc mala solent curantis Medici commissis erroribus tribui. Minus quidem malum est, si evaserit aeger, quem moriturum pronunciaverat; nam tunc Medici peritiae adhuc saepe solet tribui, quod ex ipsis orci faucibus evaserit aeger. Interim tamen praestat in his cautum esse Medicum, semperque memorem moniti *Hippocratici* (cujus & in Commentariis §. 387. memini) quod nempe *Acutorum morborum non omnino certae sunt praedictiones, neque mortis, neque sanitatis* (s). Nec aequi harum rerum iudices facile imperitiae damnabunt Medicum, licet aeger, quem ex pessimis signis observatis moriturum praedixerat, evaserit; cum & *Heropha* (i), praeter *Hippocratis* expectationem, ex periculosissimo morbo sospes emerlerit.

Errarent tamen summopere, qui inde concluderent dierum indicum, & criticorum observationem inutilem esse, cum raris quibusdam casibus eventus non respondeat penitus illis, quae ex horum doctrina praefagiverat Medicus. De qua re videantur illa, quae ad §. 387. ubi de ceteris agitur, dicta fuerunt.

Certe

(q) Epidem. I. aegrot. 2. ibid. pag. 99.

(r) In Prognosticis Charter. Tom. VIII. pag. 685.

(s) Aphor. 19. Sect. II. Charter. Tom. IX. pag. 59.

(i) Epidem. 1. aegrot. 3. Charter. Tom. IX. pag. 103.

Certe *Galenus* (u), qui milles se interfuisse, dum crises fierent, testatur, primum quidem, & maximum signum instantis bonae crisis coctiones esse dixit; secundum autem, quod ab aliquo die indicatorio antea indicetur, cui annexa est diei judicantis potentia. Patet ergo ex omnibus huc usque dictis, summum usum habere in Medicina doctrinam Veterum de diebus criticis, & illorum indicibus, quorum dignitatem optime notavit *Alluarius* (w) dicens: *Atque & haec in perfectis judiciis accidunt, quae & in indicibus antea significatur. Nam si quid ipsa [natura] in praedictis judiciis magni momenti est factura; id ante judicii diem in indice quasi praeludens nunciat. Quare aut exigui sudores, aut sanguinis e naso stillae, aut parum cocti sputi educitur, atque aut pusillum, aut majus quippiam ante apparet: & nisi forte quod materia surgeat, aut aegri vires validae sint, praeventus significationes judicium anteverat, non aliter quam in aliis per contraria pedetentim id, quod noxium est, crebris judiciorum circuitibus coquitur expelliturque.*

Minime autem credendum est, sufficere, ut in morbis curandis Medicus dies numeret, praesagia inde faciat, reliquum vero naturae committat, ubique, & semper spectatorem agere contentus. Patuit enim ex illis, quae de cura generali febrium dicta fuerunt, ut materiae febrilis subigit, coqui, mobilis reddi, & ad excretionem disponi possit, requiri tale febris moderamen, ut nec torpeat nimis, neque furibundo impetu corpus destruat: simul etiam idoneo victu viribus, & vitae consulendum est, symptomata mitiganda, idoneis remediis promoveri debent illa naturae molimina, quibus vel ad subigendam, vel expellendam morbi materiam utitur, viae lubricandae sunt, per quas materiae expellendae exitus praevideatur; impedimenta tollenda &c. Neque hoc tantum, verum ubi praevideatur ex signis, malam futuram esse crislum, omni artis molimine haec praecavenda erit. Sic *Sydenhamus* (x), dum observaverat in febribus continuis nauseam, & vomendi conatum perpetuum adesse, deinde febris progressu malignum humorem subigi quidem accunqne, & versus intestina depelli, tuncque in fine morbi diarrhoeam sequi, sed tanto saepe cum impetu, ut mala crisi, fractis jam morbi deursu aegrorum viribus, mortem faceret; dato vomitorio in ipso morbi initio funestam hanc crislum praecavebat: hoc vero facto, totus in eo versabatur, ut febrilem motum debito in moderamine servaret, reprimendo nimis impetuosum, excitando vero nimis languidum (y); imprimis circa morbi finem, tunc enim cardiacis datis criticam secretionem, & excretionem materiae febrilis, quae in hoc morbo circa decimum quartum diem blando sudore fieri solebat, tuto promovebat. Unde apparet, quod magnus ille Medicus non fuerit otiosus tantum spectator, sed sedulus naturae minister, qui accurata morborum observatione noverat, impedimenta tollere, adhibere illa, quae incepta naturae molimina juvarent, vitare illa, quae haec impedirent; quamvis non adeo operoso remediorum apparatu ad haec omnia uteretur, sed in tenuioris

c 2

fortis

(u) De Crisibus Lib. III. cap. 3. Charter. Tom. VIII. pag. 429. 430.

(vv) Method. Med. Lib. II. cap. 3. pag. 60.

(w) Sect. I. cap. 4. pag. 63.

(y) Ibid. pag. 60.

ortis hominibus, ut sumptibus parceret, simplicissimis tantum, & pretio vilibus omnia haec perficeret. Ubi vero debitum illud febris moderamen aderat (de quo vide §. 609.) ingenue fatetur se nulla omnino adhibuisse remedia, nisi aegrorum vel adstantium importunitas aliquid extorqueret (x): tuncque tantum talia dedit, quae aegris placerent, neque interim nocere possent. Longe ergo aberat ab illorum Medicorum opinione, qui venam secando, purgando &c. omnia turbant in morbis: de quibus jure dixit *Galenus* [\*], quod toties peccent, quoties ad aegrum accedunt; tales enim piaculum crederent, nisi quotidie validis, & variis remediis morbum aggredierentur. Quam infausito autem successu hoc factum fuerit in morbis curandis, siue stimulantibus remediis febrilem impetum nimis augerent, siue contraria methodo venae sectione, purgantibus, clysmatibus &c. nimis repetitis una cum morbo vires aegrorum profligarent, passim in suis operibus docuit *Sydenhamus*. Priori enim methodo lethales inflammatorii morbi brevi nascebantur; posteriori vero febris, quae profligata saepe videbatur, post fallaces inducias recrudescerebat denuo, & integrum suum stadium de novo decurrebat; imo & quandoque ad quadraginta, & ultra dies manebat perinax, quae rite tractata binarum septimanarum spatio totum suum decursum absolvisset.

Neque credendum est, prudenti usu illorum, quae moderando febris impetui serviant, turbari tam facile crism, & dierum criticism ordinem, adeoque nullum horum usum esse, nisi dum totum curationis opus soli naturae relinquatur. Licet enim *Sydenhamus* (a) venam secaret, imo & saepius, si nimis febris impetus id posceret, vomitorium daret in morbi initio, ac clysmata injiceret; tamen legitimum suum decursum absolvet morbus, quia sollicite cavebat semper, ne ultra modum deprimeret febris impetum. Vidi sic, quamvis bis venam secuissem in morbo acuto, longam tamen haemorrhagiam narium septimo morbi die contigisse: & credo, quod unicuique ad haec attento apparebit in morbis curandis hujus rei veritas.

SOLVITUR ET DIE DECRETORIO VOMITU, ALVO. Quantum pondus habeant evacuationes in morbis, dum diebus decretoriis contingunt, modo demonstratum fuit; neque enim hoc tantum in narium haemorrhagia locum habet, verum etiam in reliquis evacuationibus hic enumeratis. Cum autem tot viscera se per has vias evacuare queant, imo & totum corpus huc suos humores derivare possit, uti demonstratum est, quando de Vomitu, & Diarrhoea inter symptomata febrilia agebatur; patet ratio, quare toties morbi materia critice evacuetur per haec loca. Notandum tamen, non quemvis alvi fluxum, vel vomitum hic conducere; nam inter maligna febris ardentis symptomata §. 739. etiam vomitus numeratur; & statim in eadem hac paragrapho patebit, alvum nimis fluxam in febre ardenti lethalem esse. Agitur enim tantum hic de vomitu, & alvi fluxu, quae post coctionem in febre ardenti, & die critico fiunt, atque perceptum mox levamen ab aegris salutarem illorum effectum demonstrat: hoc enim criterio inprimis distinguit

*Hippo-*

(x) Ibid. pag. 75.

(\*) De diebus decretor. Lib. I. cap. 9. Charter. Tom. VIII. pag. 466.

(a) Sect. I. cap. 4. pag. 63. &c.

*Hippocrates* [b] salutare tales evacuationes a symptomaticis, & nocentibus, si nempe conferant, & aegri facile ferant; uti latius dictum fuit in Commentariis §. 594. 2., ubi etiam de signis, quae vomitum, vel diarrhoeam criticam praecedere solent, actum fuit, & simul notatum, raro per solum vomitum crisin absolvi, sed saepe semper diarrhoeam illum comitari.

**SUDORE.** Calido nempe & copioso, per univ. corpus aequabiliter diffuso. Videantur illa, quae de sudore critico in Commentariis §. 594. 2. dicta fuerunt. Ubi simul habentur signa, quibus sudorem criticum salutarem distinguere possumus, & illum futurum praenoscere.

**URINA.** Quamvis per urinae vias naturaliter expurgentur illa, quae per circulationis vim acriora reddita nocerent, si diutius manerent in corpore; tamen raro per hanc solam viam morbi materia exit, sed plerumque aliae evacuationes hanc comitantur. Unde etiam urinae sedimentum copiosum, & laudabile potius pro coctionis signo habetur, quam quod ab hac sola evacuatione integra sanatio expectetur. Sic *Hippocrates* [c] notavit quidem, urinas copiosas multum, ac laudabile sedimentum continentes, narium haemorrhagiam, biliosa alvo excreta, dysenteriam, fuisse quatuor modos, quibus servabantur aegri febre ardente illius constitutionis laborantes: sed simul monet, plurimos non una, sed pluribus evacuationibus enumeratis simul coctionis, sanatos fuisse. Iterum de critica materiae febrilis per urinam evacuatione videri debent illa, quae ad §. 594. 2. habentur.

Unde etiam *Galenus* [d], haemorrhagiam narium, sudorem multum, post rigorem validum, toto corpore manentem & copiosum, & biliosorum per vomitum, aut alvum excretionem habuit pro illis modis, quibus febris ardens critica solvi possit.

**SPUTO CRASSO.** Cum febris ardens, utique sequenti paragrapho dicitur, pro sua causa proxima habeat cruorem orbatum parte liquidiore, adeoque ille aptissimus sic fiat, ut circa ultimas arteriarum angustias haerere incipiat immeabilis redditus, incipient pulmonis arteriae brevi hoc sanguine infarcti: quod docent respiratio densa; anhelosa, cita, calor ad vitalia ardentissimus, ipsum aerem expiratum incendens, uti §. 739. dictum fuit. Unde etiam *Hippocrates* [e] monuit, quod febris ardens solcat in pulmonis inflammationem transire; notatque sputa biliosa in hoc morbo excerni: & alibi [f], multa spueri tales aegros, & purulentos sputa reddi monet. Ob eandem rationem, & tussicula inter symptomata febris ardentis §. 739. recensentur. Dum ergo in sanitatem tendit hic morbus, solvi incipiunt illa, quae vasis pulmonaribus impasta haerebant, & per dilatata extrema arteriarum exhalantium, in aerea superficie pulmonum dispositarum, exprimi; sicque sputa crassa exiunt, uti postea dicitur, ubi de peripneumonia agitur. Praeterea in hoc morbo saepe tota aerea pulmonum superficies sicca fit, simili modo,

c 3.

ut

(b) Aphor. 2. Sect. I. Charter. Tom. IX. pag. 5. (c) Epidem. I. Charter. Tom. IX. pag. 74. (d) De Crisib. Lib. 3. cap. 3. Charter. Tom. VIII. pag. 430. (e) De Affectionibus cap. 3. Charter. Tom. VII. pag. 622. (f) De Morbis Lib. II. cap. 25. ibid, 556.

ut in ore, faucibus, & lingua apparet; atque uti postea integræ sæpe pelles una cum tenaci, & viscoso muco ab omnibus partibus oris interni secedunt, ita etiam & in pulmone fieri videtur; unde sputa tunc crassa, & fusca primo, postea viscosa, & tenacia excernuntur. Notavis inter criticas solutiones febris ardentis sputa crassa Hippocrates (g), dicens: *Es si sanguis e naribus effluerit, solvitur affectus, atque si sudores supervenerint judicatorii legitimi cum urinis albis crassisque, & lacribus sedimentis, ac si abfcessus aliquis ortus fuerit. Si vero absque his soluta fueris [ febris ardens ] recidiva morbo rursus erit, atque coxae, aut crurum dolor aderis, expusque crassa, si sanus futurus sit.*

Paulo post autem [ h ] denuo sputa crassa, tanquam judicatoria, in febre ardente memorat. Notat autem Galenus (i) in Commentariis suis ad hæc loca, sputa crassa in tali casu tantum locum habere, ubi pulmo in febre ardente affectus fuit. Cum autem raro in solo pulmone labes hæreat, sed omnes fere functiones corporis turbentur in periculosissimo hoc morbo, patet, sputa crassa cum reliquis criticis evacuationibus sæpe quidem concurrere, raro tamen, vel nunquam judicium his solis absolvi.

ACCESSIO DIE PARI PESSIMA, SI ID ANTE DIEM SEXTUM. Exquisita febris ardens, uti ad §. 738. dictum fuit, omnia servat tertianæ indicia, solummodo ab illa differens in eo, quod nec cum rigore invadat, neque in totum desinat; adeoque patet, exquisitæ febri ardenti proprium esse, ut habeat imparibus diebus exacerbationes. Si jam simul & die pari, quo remissior solebat esse morbi vis, nova accessio fiat, tanto pejus se habebunt aegri, atque eo citius illorum vires prostermentur. Si vero ex unione febris continuæ, & tertianæ intermitentis (vide §. 738.) facta fuerit febris ardens hac lege, ut primus tertianæ paroxysmus in secundum morbi diem incidat, exacerbationes contingent diebus paribus, quarto nempe &c. ideoque pro pessimo signo hoc habetur, quia tunc exacerbatio in sextum diem morbi incidit. Verum qui morbi diebus paribus exacerbantur, etiam diebus paribus judicantur, uti in eadem hac paragrapho, dum de diebus criticis agebatur, dictum fuit; adeoque periculum est, ne judicium sexto die contingat. Verum constitit ex ante dictis, quam infamis sextus morbi dies habitus fuerit a Veteribus Medicis, dum plerumque malæ, vel saltem imperfectæ crises hoc die contingunt; & si quid boni acciderit quandoque hoc die, semper tamen ingentes turbas, & limum discrimen simul habuit.

Paret hinc ratio, quare adeo periculosa sint accessiones diebus paribus ante sextum diem. Post hunc autem minus discriminis in illis est, quia clauso die sexto, cum sequens exacerbatio in diem octavum indicat, non est tam magnum periculum, ne die septimo, qui levior est, pereat aeger; adeoque cum septimum diem superet morbus, non erit exquisita febris ardens, quam intra primam septimanam, certo terminari ex Galeno in eadem hoc paragrapho dictum fuit. Ad acutos ergo simpliciter dictos morbos pertinebit, qui

ut

(g) De visu in morbis acutis. Charter. Tom. XI. pag. 122. 123.

(h) Ibid. pag. 126.

(i) Ibidem.



ut plurimum quatuordecim diebus terminari solent: cumque in decimum quartum, parem nempe, & simul insignem criticum diem, tunc exacerbatio incidat, spes est & eodem die perfectam crisin contingere posse. Confirmantur jam modo dicta pulcherrime Hippocratis (k) observatis: In febre ardente laborantibus enim, quibus perniciēs imminēbat, notat inter alia mala signa, quod accessiones fierent diebus paribus, quarto die labores haberent maximos, & sexto die cum sudore moverentur. Sic & in alia constitutione epidemica (l) febres ardentes admodum lethales aderant; notatque, plurimis aegris emacorationes diebus paribus contigisse.

URINA NIGRA, PAUCA, TENUIS HUIUS LETHALIS. Nigras urinastantum pessimas & lethales in Prognosticis (m) damnavit Hippocrates. Quin imo Galenus (n) testatur, quod nullum servatum viderit, qui talem urinam minxerat, & pro signo internae mortificationis (vapores) habuit, ac si corrupti jam, & gangraenosī humores per urinam exirent. Minus tamen periculosam urinam voluit, in qua solum id, quod subsidet, nigrum erat; multo minus adhuc illam, in qua solum enaeorema, vel nabecula nigresceret. Atque ob hanc causam videtur in Coacis (o) haberi: Perniciosa est urina nigra sedimentum habens, & nigra: Paulo enim post (p) in febribus erraticis nigras nubeculas in urinis quartanam febrem notare dicitur. Lethalis ergo habetur inprimis talis urina, quae tota nigra est; & omnium maxime, si simul foetor addit. Augetur periculum, si simul pauca, & tenuis sit; quia & gangraenosam humorum dispositionem notat, dum interim haec corrupta non evacuantur satis per urinam, sed pro maxima parte manent. Unde & Hippocrates (q) notat, urinas nigras, paucas, tenues, fuisse aliis, qui ex febribus ardentibus moriebantur.

Uris autem nigris copiose prodeuntibus, levamen percepisse puerperam, quae lochiorum suppressione laborabat, notat Galenus (r), dum commentatur morbum puerperae, quae lochiis suppressis tertio a partu die febre acuta corripiebatur, & cui undecimo die urinae multae tenues, & nigrae profluebant; postmodum in aquosas mutatae, quae mulier octagesimo morbi die perit.

In Epidemicis tamen habentur casus, ubi aegri evaserint, licet urinae nigrae, & tenues fuerint. Sic Nicodemus (s) jam prima morbi die urinas tenues, & nigras minxit, uti etiam secundo die, qui tamen vigesimo quarto die, urina alba copiosum sedimentum habente, & sudore calido copioso per totum corpus, judicatus fuit, licet etiam perpetuo exacerbationes diebus paribus habuisset. Verum in hoc aegro quarto die morbi urinae tenues quidem fuerunt, nigras autem fuisse non legitur. Et morosa mulier, quae in Thaso decumbebat (t), licet circa tertiam diem urinas tenues & nigras

e 4

habuerit,

(K) Epidemic. Lib. I. Charter. Tom. IX. pag. 70.

ibid. pag. 274.

(m) Charter. Tom. VIII. pag. 635.

Lib. I. cap. 12. ibid. pag. 395.

(o) N. 580. ibid. pag. 886.

ibid.

(q) Epidem. Lib. I. Charter. Tom. IX. pag. 70.

(J) Epidemic. Lib. III.

(n) De Crisibus

(p) N. 582.

(r) Epidem. Lib. III. Epidem. ibid. pag. 295.

(s) Aegrot. 10. Epidem. 3.

Charter. Tom. IX. pag. 304.

(t) Aegrot. 12. ibid. pag. 304.

habuerit, tamen nocte, quae tertiam diem sequebatur, sudore critico iudicata fuit, dum simul & menstrua sub crisi prodirent. In *Heropyto* ab initio morbi usque ad decimum quartum diem urinae tenues, & nigrae fuerunt, qui tamen centesima die iudicatus fuit (\*). Notandum tamen, quod in his aegris urinae quidem fuerint nigrae, & tenues, sed non addatur simul pauca fuisse: adeoque ex his non potest concludi, urinam nigram, paucam, tenuem, non semper lethalem esse. In *Metone* (w) vero, qui etiam evasit, urinae erant tenues & subnigrae, atque subnigrum, & divulfum enaeorema habebant, adeoque minus malae, quam urinae nigrae.

**LETHALE SANGUINIS SPUTUM; LETHALIS SANGUINIS MICTUS.** Designant enim, tantum esse impetum sanguinis per vasa moti, ut illa rumpantur, & contentum sanguinem eruant: quantum autem periculum imminet, dum in pulmonis vasis hoc fit, facile patet, si consideretur, in febre ardenti celerrimam esse traiectionem sanguinis per vasa pulmonum, adeoque omni momento vasa haec rupta urgeri sanguinis impetu, & copia; hinc nullam consolidationis spem esse, quae in cura haemoptoes unice pendet ab illis, quae pacatissimum sanguinis motum per vasa efficere valent, simulque hoc praestant, ut blandissima sit omnium humorum indoles, quibus omnino contraria in hoc morbo obtinent.

Illa autem, quae per urinam fit, sanguinis excretio forte inprimis ideo fit, quod per acutissimam febrim olea, & salia sanguinis acriora reddita (vide §. 100.), naturaliter per has vias eliminanda, vasa eroderint; adeoque pessimam humorum degenerationem indicat. Illae ergo, quae per has vias fiunt, haemorrhagiae nunquam criticae sunt, nec naturae morbum superantis robore fiunt, sed a morbi impetu validissimo, & aucta humorum acrimonia, pendent: cum e contra narium haemorrhagia toties salutaris in febre ardenti observetur, uti antea demonstratum fuit. Unde etiam & mictum sanguineum, & violentam sanguinis & pulmonibus eruptionem pro certissimis mortis signis habuit in variolis *Sydenhamus*; fateturque se nulla methodo has haemorrhagias compescere potuisse (x).

**DEGLUTITIO LAESA MALA.** Quanta siccitas in faucibus; lingua, & toto ore interno, quandoque in febre ardenti fiat, dictum fuit ad §. 739. verum a tanta siccitate harum partium deglutitio laeditur; adeoque nocet hoc symptomata ut causa, & ut signum. Ut causa, quia ad curationem huius morbi requiritur magna copia liquidi aquosi tenuis, quod urinae materiam suppediabit, & sudori praebebit vehiculum, uti §. 743. in cura febris ardentis dicitur: verum deglutitione laesa sufficiens liquidi copia ingeri nequit. Ut signum vero nocet deglutitio laesa, quia denotat pessimam organorum deglutitioni servientium exsiccationem, vel & quandoque eorundem inflammationem, quamvis vel sola siccitas deglutitionem laedere possit, & frequenter in febribus ardentibus illam impediatur. Hinc dixit *Hippocrates* (y): *In febribus repente suffocari, & deglutire non posse, citra tumorem, malum.*

EXTRE-

(u) Aegrot. 9. ibid. pag. 303.

(w) Aegrot. 7. Lib. I. Epidem. ibid. pag. 109.

(x) Sydenham. Sect. III. cap. 2. pag. 197.  
Tom. VIII. pag. 866.

(y) Coac. Praenot. N. 278. Charier.

**EXTREMORUM REFRIGERATIO PESSIMA.** Quando nempe non amplius recalciscunt corporis extrema, vel saltem diutissime illud frigus manet. Cum enim febris ardens de genere sit continuarum remittentium, uti §. 638. dictum fuit, & remissiones saepe manifestae, atque exacerbationes pariter in hac febre deprehendatur; acerbationis ingruentis tempore extrema saepe refrigerant, uti in omni fere febre incipiente fit (vide §. 563.): verum frigus extremorum ab hac causa natum brevi cessat, & ingens calor sequitur, neque adeo malum signum dat tale frigus. Sed ubi per aestum febris ardentis sic inspissatus fuerit sanguis, ut per minores arterias vix transire possit, tunc ad extrema corporis usque propelli nequit, & tantum fere per vasa majora, & cordi vicina movetur, & quidem rapidissime; unde frigus tunc extremorum intolerabilis aestus circa vitalia comitatur (vide §. 739.); illud autem frigus extremorum tunc diu manet, imo saepe non amplius recalciscunt; uti contigit *Pbilisco* (z) *Sileno* (a) aliisque pluribus, quorum historiae in Epidemicis habentur, qui perierunt.

**FACIES RUBRA, & SUDANS MALA.** Quando per universum corpus calidus sudor aequabiliter diffunditur, optimum signum est; & febris ardens facpius, uti antea vidimus, tali sudore judicatur. Verum hic agitur de sudore, qui in sola facie, & capite observatur, uti in moribundis hominibus toties contingit. Videmus enim in morbis acutis paullo ante mortem, quamvis omni morbi decursu tota cutis siccissima ruerit, sudoris guttulas erumpere, neque disfluere, sed figurae suae tenaces cuti adhaerere, & plerumque simul frigidus tunc talis sudor est, de quo mira phrasi dixit *Helmontius*, [vide Commentaria §. 432.] *Quod non sit tam latex in sua natura, quantum ros alimentarius resolutus, cui mors imperat.* Quandoque tamen & calidus talis sudor, in guttas collectus, in facie apparet, malo etiam omine: tunc enim, sanguine per febris vehementiam in minora vasa pulso, facies rubet, simulque impetu a tergo urgentis liquidi tenuissima adhuc pars exprimitur, quae in cutis superficiem emergens in guttas colligitur. Ubi enim soluta morbi materies, per vasa libera, & per via mota, sudore expellitur de corpore, nunquam talis sudor in guttas colligitur, sed humidi vaporis specie per totum corpus exit aequabiliter; vel collectus in liquorem depluit. Unde bonos sudores dixit *Hippocrates* (b), qui guttatim stillant, & vaporem attollunt. Contra vero monuit (c): *Pessimos esse, qui sunt frigidi, & qui circa caput tantum & faciem, & cervicem oriuntur.* Ipsi enim cum febre acuta quidem moriuntur, cum minori vero morbi longitudinem praenunciant. Damnavit pariter, qui milii instar [in guttulas collecti] prodeunt, uti & illos, qui in solo collo emergunt. Unde etiam alibi (d) monet, quod illi, quibus ex febre ardenti perniciēs immineret, paullulum in fronte, & claviculis exsudarent, nemo vero pes universum corpus. Patet ergo, quam malum signum det rubra facies, sudoris guttulis oblita, in febre ardente: designat enim intra  
flamma-

(z) Epidem. i. aegrot. i. Charter. Tom. IX. pag. 99.

(a) Ibid. aegrot. 2. pag. 101.

(b) In Prognostic. Charter. Tom. VIII. pag. 609.

(c) Ibidem.

(d) Epi-

dem. Lib. I. Charter. Tom. IX. pag. 70.

inflammatoria spissitudine immeabilem sanguinem vasa aliena ingressum esse; vel cieca arteriarum sanguinearum ultimas angustias haerere, & pauculum liquidissimae partis adhuc exprimi, simulque, instante jam morte, resolvi sic exhalantia in cute vascula, uti crassum, & viscidum sudorem transmittant. Quod & optime notavi *Hippocrates* [\*] dicens: *Ceterum universalem sudorem rationem nervi esse oportet. Alii enim sunt ob corporum resolutionem, alii vero ob phlegmones vehementiam.* Quinsim autem sudores boni, aut mali sint in febribus, pluribus dictum fuit ad §. 594. 2.

**PAROTIS NON SUPPURANS EXITHIALIS.** Quid parotis sit, in Commentariis §. 416. dictum fuit; aique ibi ex *Celsi* [f] notatum, quandoque in secunda valetudine parotides nasci, atque tunc reprimendis tentari posse; ubi autem ex adversa valetudine sunt, tunc reprimentium usum damnat, & illas maturari, & quam primum aperiri, commodius esse monet. Verum §. 393, ubi agebatur de illo febris exitu, quo in aliam morbum tendit, dum materia critica non expellitur de corpore; sed ad quaedam loca deponitur, etiam parotides numeratae fuerunt. Adeoque, ubi parotides in febre ardenti sunt, signum est, materiam febrilem critice versus illas glandulas deponi; cumque sanguis in hoc morbo liquidiori parte orbatus sit, & simul majorem acrimoniam acquisiverit, benigna resolutio parotidum expectari nequit; cum ad illam humores blandi, motus sedatus, & causa obstruens non nimis solidata requirantur (vide §. 386.): adeoque sola suppuratio hic locum habet, quae ergo nisi fiat, peiores inflammationis exitus tantum expectandi sunt. Vel & quandoque parotides jam tumentes subito evanescent, redeunt iterum materia morbosa in sanguinem; unde recidivae pessimae, & in febre ardente saepe mors sequitur: uti enim antea in hac paragrapho dictum fuit ex *Hippocrate*: iudicatoria non iudicantia partim lethalia sunt, partim difficilis iudicii, designant enim irritos naturae conatus fuisse, quod semper pessimum signum habetur; nisi statim in alio corporis loco insignes abcessus appareant; vel criticis aliis evacuationibus materia morbi eliminetur: uti pulcherrime monetur in *Cocci Praenotionibus* [g], ubi sequentia habentur. *Parotides (vel tunc et) ex acutis morbis, maxime in febribus ardentibus, fiunt, & si non iudicationem fecerint, & maturescant, aut ex naribus sanguinis fluxerint, aut urinae sedimentum crassum habuerint, perunt.* Plerique vero salium tumorem antea subsidunt. Verum considerare oportet insuper etiam ipsas febres, siue intenduntur, siue remittant, atque sic pronuciare. Si enim limitatur illud praesagium, quod alibi [h] magis absolute ponitur: *Ex febre ardente, abcessu circa aures non suppurato, raro servantur.* Si enim alia via exeat morbi materies, spes est. Unde etiam optime monuit *Hippocrates*, considerandum esse, an febris intendatur, vel remittat; si enim, evanescente parotide, febris subito augeatur, movimus materiam febrilem, de novo sanguini mistam illas turbas facere; adeoque malum morbi exitum metuendum esse. Ubi vero hoc non fit, brevi per alias vias exituram, vel ad alia loca deponendam

\* [e] In *Prognosticis* Charter. Tom. VIII. pag. 609.

[f] Lib. VI. cap. 16. pag.

391. 392.

[g] c. 308. Charter. Tom. VIII. pag. 863.

[h] N. 122.

ibid. pag. 859.

dam esse, sperare licet. Hinc optime dixit *Hippocrates* alio in loco (i); damnosas esse parotides, si absque judicatione sensum dissipentur. Quandoque etiam contingit, ut parotides dispareant, & mox morbi augmentum vel recidiva fiat, & deinde de novo iterum assurgant, & permaneant (k). Saepius autem, dum evanescent parotides, ad alia loca deponitur materies morbi, vel exir de corpore, si supersuturi sint aegri. Sic notavit *Hippocrates* (l), evanescentibus parotidibus, ad ilium sinistram, & summam coxendicem gravitatem decubuisse, & tarde, quadragesimo nempe die, convaluisse aegrum. Et paullo post (m) habet sequentia: *Quibus tumores circa aures in febribus cum dolore attolluntur, quibusdam critico cessante febre, neque subsidebant, neque suppurabantur; illis orta diarrhoea biliosa, aut dysenteria, aut crassarum urinarum sedimentum, solvit, velus Hermippo Clazomenio; cujus historiam eodem hoc libro [n] dedit.* Huic aegro decimo septimo die morbi ortae parotides manebant quidem, sed non suppurabantur; trigesimo vero primo die, post alvi fluxum & urinas crassas, subsederunt. Ex quibus omnibus apparet, parotides in febre ardenti, si non suppurentur, exitiales esse, nisi illis subsidentibus, vel absque suppuratione permanentibus, alia via crisis fiat, sive per effluxum, sive per abscessum; atque tunc in tali casu non nisi longo tempore aegri judicantur.

Quandoque etiam febribus quibusdam ardentibus epidemice grassantibus familiare fuit, ut parotides absque suppuratione evanescerent: notatque *Foetus* (o) absque periculo hoc factum fuisse, procuratis per sudores, aut alvi fluxum, vacationibus.

Neque cogitandum est, licet parotides in febribus ardentibus ortae suppurentur, semper certam salutem sequi: minus enim tutae semper sunt illae crises, quae per abscessum fiunt. Sic notavit *Hippocrates* [p], binis aegris suppuratas fuisse parotides; illosque tamen periisse. Quam rem postea summi nominis Medici suis observationibus confirmaverunt (q).

Ubi autem hominibus absque febre praegressas, & caeterum sanis, parotides oriuntur, quod saepius vidi, nullum in his periculum est, licet ad suppurationem non perveniant, sed dissipentur: quod & *Hippocrates* [r] in quadam constitutione epidemica pluribus contigisse notat. Sed tunc, uti optime monet, tumores illi laxi sunt, magni, & late diffusi, absque inflammatione, & doloris expertes: in quibus curandis tutum reprimentium usum *Celsus* dixerat. Cum contra parotides in febre ardente natae, minores, durae, & dolentes esse soleant.

ALVUS NIMIS FLUXA LETHALIS. Critico alvi fluxu febrem ardentem sanari quandoque, antea vidimus; verum hic agitur de illo alvi fluxu, qui symptomata-

- (i) *Prophet. Lib. I. in fine. Charter. Tom. VIII. pag. 808.* (K) *Hippocrat. de Humoribus in fine libri. Charter. Tom. VIII. pag. 581., & Epidem. Lib. VI. Charter. Tom. IX. pag. 474.* (l) *Epidem. i. Charter. Tom. IX. pag. 67.* (m) *Ibid. cap. 75.* (n) *Ibid. pag. 112.* (o) *In Commentariis in Coacis Hippocrat. oper. Tom. I. pag. 117.* (p) *Epidem. i. Charter. Tom. IX. pag. 78.* (q) *Holler, & Jacqueti Commentaria in Coac. Hippoc. pag. 209.* (r) *Lib. I. Epidem. Charter. Tom. IX. pag. 19.*

stomachus potius habendus est, & affatim prorumpit. Strictam alvum in his morbis esse, minime conducit: cum enim acripit, vel corrupta bilis toties has febres incendat, uti dictum fuit, & per insignem aestum cito corumpatur bilis etiam sana; patet, magis profore, si haec saburra primis viis exeat, cum aeris libero accessu, calore, & mora, in pessimam abeat brevi putrilagine. Unde etiam in cura ardentis febris tantum usum habent clysmata; non tantum quia diluunt, laxant, refrigerant, verum etiam, quia omne putridum in intestinalis haerens eluunt. Non ergo malum est, si in febre ardente laxior alvus sit: quin imo Hippocrates (i) notavit, raro contingere febres ardentibus illis, qui laxiorem alvum habent; & observavit, alvum adstrictam fuisse illis, quibus ex febre ardenti perniciēs imminerebat (K). Ubi autem ingenti copia per alvum exeunt liquida, & inprimis antequam ulla coctionis indicia apparuerint, lethale esse pronuntiavit Hippocrates, uti jam saepius dictum fuit (vide §. 386. 590. 720.). Solent tunc autem illa, quae alvo exeunt, olidissima esse; unde humorum dissolutionem putridam, adeo hic metuendam, denotant; simulque magna copia liquidi de corpore sic lubducitur, & vires aegrorum prosteruntur; adeoque talis alvi fluxus docet tanquam causa, & signum.

CUM TREMORE ABIT IN DELIRIUM, INDE IN MORTEM. Quando §. 627. & sequentibus de tremore febrili agebatur, constitit, immutabilitatem liquidi, per arterias encephali movendi, in morbis saepe tremoris causam esse. Cum autem in febre ardenti dissipentur liquidissimae sanguinis partes, & residuum ingenti aestu torreatur; patet, quare tremores in febre ardenti fiant. Si autem tremorem sequatur delirium, novimus ab eadem causa turbati totum sensorium commune, adeoque summum moris periculum adesse.

Habeitur quidem apud Hippocratem (l), quod tremores in febre ardente natos delirium solvat; verum notavit Galenus (m) in Commentariis suis, solutionis vocabulum improprie hic usurpari, cum plerumque morbi sanationem significet, in hoc autem casu ex malo in pejus transitus fiat. Verum, quidem est, sequente delirio tremores saepe tolli, inprimis si illud serox fuerit; tunc enim immani musculorum robore valent saepe tales aegri, sed semper infauso omine, uti facile patet.

TRANSIT IN PERIPNEUMONIAM SAepe CUM DELIRIO. Quod in peripneumoniā transire soleat febris ardens, in Commentariis §. 739. dictum fuit. Ratio, ex ante dictis facile patet; uti etiam quare delirium saepe adfit. Ubi autem bina haec adsunt in febre ardenti, aegros in maximo discrimine versari nemo dubitat: imo Hippocrates (n) binorum horum concurlum lethalem pronuntiavit dicens: *Quibuscumque in febre non intermittente spirandi difficultas fit, & delirium, lethale.*

POST INGENITA ALVI TORMINA QUAE ORITUR, PESSIMA. Designat enim,

(i) De Aere Incis & aquis. Charter. Tom. VI. pag. 190.

(K) Epidem. Lib. I.

Charter. Tom. IX. pag. 70.

(l) Coac. Praenot. N. 133. Charter. Tom. VIII.

pag. 859. & Achor. 20. Si. et. VI. Charter. Tom. IX. pag. 262.

(m) Ibidem.

(n) Aphor. 50. Sect. IV. Charter. Tom. IX. pag. 167.

enim, intestina & mesenterium inflammatione correpta esse: verum febris ardens dum haec comitatur, summum periculum est, ne brevi lethalis hic gangraena sequatur. Quam cito autem nata in his locis inflammatio in gangraenam abeat, dictum fuit in vulnerum abdominis historia; & postea adhuc de hac re agendum erit, quando intestinorum inflammatio pertrahabitur. Patet hinc ratio, quare *Hippocrates* [6] vehementes circa viscera dolores in febribus acutis malos esse damnaverit; & alibi (p) dixerit: *Ex alui dolore laboriosa febris ardens perniciofa*.

**SOLVITUR CRITICE CUM RIGORE.** Quando simul cum frigoris sensu totum corpus concutitur, rigor vocatur; qui si levior, & momentaneus fuerit, horripilatio etiam dicitur [vide §. 563.]. Appellatur & horror, quia a re horrida conspecta, vel per memoriam repraesentata, similis concussus corporis fit. Unde dixit *Galenus* (q), quod non procul ab hujus affectionis notione abesse videantur illi, qui rigorem refrigerationis sensum esse voluerunt: non enim semper cum frigore adest frigoris sensus. *Quae enim resoluta sunt, torpida, difficili, aut nullo prorsus sensu praedita, omnia perfrixerunt &c.* Sed nullum ex his frigiditatem, quae in ipso est, sentit, unde neque riget; *sua autem sentiat, protinus & rigebit*.

Observeverat jam *Hippocrates* (r) ardentem febrem superveniente rigore solvi. In febre enim ardenti, ut mox sequenti paragrapho dicitur, sanguis liquidissimus sui parte orbis circa arteriarum extrema haerere incipit, atque inflammationem per universum fere corpus facit. Impedito sic libero transitu sanguinis in venas, illae deplentur, & omnis fere sanguis in systemate arteriolo colligitur, unde summae resistentiae nascuntur sanguini ex corde in arterias pulso, adeoque & validus attritus, & hunc sequens summus aestus. Ubi autem usu diluentium, & attenuantium remedium incipit solvi inflammatoria illa sanguinis tenacitas, atque sanguis sic disponi, ut per ultimas arteriarum angustias in venas sanguineas transire possit, solvuntur haec obstacula, & in vacuas venas sanguis, quam liberrime transit. Uno ergo momento tollitur ingens illa resistentia, quae prius in arteriis aderat, adeoque attritus, qui antea validissimus erat, jam fere nullus est: ergo statim minuitur calor, & subito quidem, dum in vacuas venas pulsus sanguis absque ullo attritu parium ad se mutuo versus cor movetur. Verum & postea coe acceptum a venis sanguinem per arterias pervias jam libere propellit, unde longe minor attritus. Si jam simul consideretur, toto morbi decursu liquidum movendorum molem plurimum imminutam esse (obesus enim homo dimidium saepe sui ponderis perdit, & pallidus, & gracilis ex periculoso hoc morbo emergit), patet iterum, quare, libero transitu per arterias restituto, tam librum refrigerium fiat. Verum subitum frigoris, post validum aestum, sensum, concussus rotius corporis sequitur, id est rigor; uti experiuntur illi, qui calido ex hypocausto prodeuntes frigido aeri se exponunt.

Ex

(6) Aphor. 66. Sect. IV. ibid. pag. 177.

(p) In Coac. Praenot. N. 131. Chatter. Tom. VIII. pag. 859.

(q) De Tremore cap. 6. Trm. VII. pag. 208.

(r) In Coac. Praenot. N. 136. Chatter. Tom. VIII. pag. 859. & Aphor. 58. Sect. IV. ibid. Tom. IX. pag. 171.

Ex his apparet, qualis ille rigor sit, quo criticae quandoque solvitur febris ardens: non enim omnis rigor in hac febre contingens bonus est, sed tantum ille, quia a subita restitutione aequabilis humorum motus per vaia fit. Dum enim nova accessio fit, sive paribus, sive imparibus diebus, rigor adest, sed levior longe, quam ille, qui criticus est. Praeterea distinguimus salutarem illum rigorem ab alio, si post coctionis signa, & in die critico contingat, & evacuationes quasdam criticas praecedat, vel & mox sequatur. Sic dum narium haemorrhagia larga in febre ardenti contingit, illam saepe rigor talis criticus sequitur, qui aegrum & adstantes inani percellit metu, ac si mors instaret; cum contra in limine sanitas addit. Magna enim tali evacuatione sanguinis arteriosi sic minuitur pressio in fines arteriarum obstruatarum, ut retropulsu molecularum obstruentium inflammationis resolutio fiat [vide §. 400. 1.]. Quod autem sedulo abservari debeat, quo tempore rigor in febre ardenti contingat, ut firma inde Prognosis haberi possit, patet ex Hippocrate (f), dum monet, rigores, qui in febribus sexto die contingunt, difficilis iudicii esse. Verum hoc commune habet rigor, cum omnibus aliis crisiibus, uti patuit ex illis, quae eadem hac paragrapho de diebus criticis dicta fuerunt. Conficitur enim, tunc, diem sextum Veteribus Medicis semper suspectum fuisse, quod in illo plerumque malae tantum, vel saltem infidae, crises fierent. Posse autem rigorem a malis causis fieri satis patet: dum enim immeabilis reditus sanguis ad extrema usque corporis propelli nequit, rigor oritur, quem dein extremorum frigus, pessimum in febre ardente signum, sequitur. Tales rigores damnavit Hippocrates (†) dicens. *Ex rigore perfrigerationes non recalescentes, malae*. Post criticum autem rigorem, restituto libero humorum per vasa motu, brevi sequitur aequabilis per univertum corpus calor. Sic in muliere, quae in mendacium foro decumbebat (u), frequentes contigerunt rigores, sed vel cum exacerbatione omnium symptomatum, vel cum frigore extremorum, quae non amplius recalescebant; unde & periit.

Quamvis autem criticus talis rigor solutam, & mobilem jam morbi materiam denotet in febre ardenti, tamen haec raro, vel nunquam habet tales dotes, ut sanis assimilata humoribus cum illis fluere posset per vasa, absque ulla notabili functionum perturbatione. Valido enim tali morbo nimis mutantur humores: unde fere semper soluta haec materia morbi aliquam retinet dotem, qua aequabili circulationi repugnet, adeoque critica evacuatio fere semper talem rigorem sequi solet: itaque febris ardens solvitur quidem cum rigore, raro tamen, vel nunquam solo hoc rigore sanatur. Sic Cleonastidi (w) octogesimo die rigor obortus est; verum eodem die sudore copioso, & urinis sedimentum rubrum, & aequale habentibus, perfecte iudicatus est.

§. 742.

(f) Coac. Praenot. N. 15. Charter. Tom. VIII. pag. 354. & Aphor. 29. Sect. 1V. ibid. Tom. IX. pag. 150.

(†) Prothritic. Lib. I. Charter. Tom. IX. pag. 744.

(u) Epidem. 3. aegrot. 12. Charter. Tom. IX. pag. 252.

(w) Epidem. Lib. I. aegrot. 6. Charter. Tom. IX. pag. 108.



§. 742. **Q**uibus explanatis haud difficulter morbus praefens cognoscitur: neque de ejus causa propiori, & proxima ambigetur; est enim a cruore orbatu parte blandiore, liquidiore, inflammatione per universum corpus, viribus validioribus: quin praefagia haud infirma hinc deducuntur.

Ex illis, quae ad §. 738. & 739. dicta fuerunt, consistit, quanam febris ardens vocanda sit, & quomodo ab aliis febribus distinguatur. A syncho potri enim differt, quod non uno, & continuo decursu absolvatur, sed remissiones, atque exacerbationes notabiles habeat. Ab intermittentibus vero febribus distinguitur, quod non desinat ad perfectam integritatem febrilis impetus. A continuis remittentibus levioribus, aestu summo, inprimis circa vialia, & remissione calore versus extrema, siti inextinguibili, ariditate totius corporis, inprimis differt: eodem tamen cum illis genere continetur, & tantum symptomatum malignorum numero, & vehementia illas superat.

Causam autem proximam talem esse, qualis in textu describitur, patet, si considerentur causae remotae praegressae, & symptomata praecipua, quae in febre ardenti observantur. Labore enim nimio, solis aestu, & reliquis, quae §. 740. enumerantur, liquidissimam, & blandissimam partem sanguinis, aquam nempe, distilli, nemo dubitat; simulque residuum, hoc aquoso diluente orbatum, ad inflammatoriam tenacitatem disponi, & majorem acrimoniam acquirere; per quam, sive solam, sive per calefacientia aromatica acria usurpata auctam, quandoque & concurrente stimulo epidemico, incitatur circulatorii motus velocitas, sicque validissima febris accenditur. Symptomata autem primaria §. 739. recensita idem docent, inprimis urens calor, respiratio anhelosa, siccitas totius corporis, siti inextinguibili, & perturbatio omnium fere functionum.

Cum autem febris ardens adeo periculosus morbus sit, inprimis incumbendum est, ut firma habeantur praefagia, ex quibus constare possit, quid in hoc morbo metuendum sit, quid sperare liceat. Omni enim culpa vacabit Medicus (x), si praeviderit, & praedixerit, quinam perituri sint, vel evasuri; atque ideo monuit Medicos Hippocrates, ut praefagiendi studio incumbere. Agnoscit quidem, praestantius esse morbos sanare, quam futura praenoscere; verum sanos efficere omnes agros nemo potest; sed melius servabit illos, qui servari poterunt. Medicus, qui futura in morbis praeviderit.

Ex omnibus autem illis, quae de causis, symptomatibus, & decursu febris ardentis dicta fuerunt, firma satis prognosis haberi poterit. Periculum adesse in hoc morbo, agnoscunt omnes, varium autem discriminis gradum ex symptomatum numero, & vehementia discimus. Cerebri functionum laesiones praevidemus facile, dum novimus, sanguinem minus coabilem, rapidissime tamen pulsum, dilatatis vasorum minorum orificiis illa ingredi, obstruere, inflammare, simulque tenuissimam, & mobilissimam partem sanguinis

(x) Hippocrat. Prognostic. in initio. Charter. Tom. VIII. pag. 584. 585.

guinis deficere; adeoque spirituum secretionem, illorumque liberum transitum per encephali substantiam, & nervos impediri; hinc delirium, coma, convulsio &c. toties febrem ardentem comitantur. Summus aestus circa vitalia, rapidissimus sanguinis spissioris motus, & siccitas ingens, pulmonis periculum imminere docent, ne vel ruptis vasis lethale sanguinis sputum fiat; vel, immeabili sanguine pulmonis vasis infarcto, in peripneumoniam funestam transeat febris ardens. Quibus autem modis natura sanationem tentet in hoc morbo; quibus viis morbi materiam eliminet; quo tempore morbi hoc tuto, & certo fiat; quibusnam signis haec naturae molimina praevideri possint; quomodo cognosci possit, an salutaris, an funestus, an vero dubius horum futurus sit exitus; omnia haec tradita fuerunt. Patet ergo, quod ex haecenus dictis omnia, quae ad Prognosin pertinent, auriri possint.

Offendit quosdam, quod in febre ardenti inflammatio per universonum corpus adeste dicitur, dum credebant, tunc illico circulationem debere deficere, cum nulla pervia forent vasa. Verum, uti constitit ex illis, quae in *Capitulis de obstructione, & inflammatione* dicta fuerunt, inflammatio nascitur, dum dilatata minorum vasorum initia majores moleculas recipiunt, quae per illorum extrema transire nequeunt, [vocabitur tunc error loci, quem ex solo excessu motus circulatorii fieri posse ad §. 100. demonstratum fuit]. Unde potest inflammatio per universonum corpus fieri, licet per arterias languiferas, si non omnes, saltem plurimas sanguis adhuc transeat. Talem autem adeste in febre ardenti inflammationem, docet rubor faciei, & saepe reliquae cutis corporis, quandoque & post mortem manens. Cadaverum hoc morbo defunctorum inspectio demonstravit, cerebri corticem, in quo naturaliter nihil rubri invenitur, totum rubuisse, ac si arte anatómica repletus fuisset. Simul etiam hinc apparet, quare tantus calor adeste possit, licet ingens adeo vasorum numerus impervius fuerit: per arterias enim maximas sanguis ruber, ob fluidissimae partis iacturam densior, magna velocitate movetur, & ab his causis summum calorem nasci debere, demonstratum fuit, ubi de *Calore febrili* agebatur.

§. 743. **C**Uratio exigit aerem purum, frigidum, renovatum saepius; integumenta minime suffocantia, vel aggravantia corpus; situm corporis erectum saepe; potus copiosos, blandos, demulcentes, subacidos, aqueos, calidos; cibos leves, farinaceos, hordeatos, avenaceos, ex fructibus subacidis confectos; venae sectionem, si morbi initium, plethorae indicia, inflammationis singularis signa, calor intolerabilis, rarefactio nimia, revulsio necessaria, symptomata urgentia, neque alio remedio facile superanda; hanc exigunt; Clysmatum blandorum, diluentium, lexantium, antiphlogisticorum, refrigerantium applicationem repetendam, prout vis ardoris, siccitas alvi, revulsio, requisita imperat: humectationem totius corporis, hauriendo aerem fumo calidae blandum per nares, colluendo os, & guttus

guttur, lavando pedes, manusque tepida, fovendo spongiis calidis loca, ubi plurima vasa contactui magis exposita; Medicamenta, aquosa, blanda, nitrosa, grato acore, sapida, alvum lenissime laxantia, urinae materiem suppeditantia, suppletia; sudori vehiculum copia praebentia, non acrimonia, omnem contractionem fibrarum, crassitiem liquorum, acrimoniam eorundem solventia, diluentia, temperantia.

Cum ex illis, quae haecenus tradita fuerunt, constet in febre ardente esse summum aestum, liquidissimae partis dissipationem, & residui inspissationem, siccitatem corporis totius, & degenerationem humorum in putredinem; patet, in curatione requiri, ut temperetur nimius calor, restituantur liquida, quae perierant; solvatur, & attenuetur illud, quod in concretionem tendit; humectetur totum corpus; atque talia adhibeantur, quae omni putredini maxime resistunt. Unde curatio exigit.

AEREM PURUM, FRIGIDUM, RENOVATUM SAEPIUS. Tantus quandoque circa vitalia viscera in febre ardente decumbentibus aestus observatur, ut aerem inspiratum accendat, uti §. 739. dictum fuit. Atque a tanto calore metus est, ne sanguis coaguletur, & in pulmonalis arteriae angustis haereat; sicque febris ardens, uti saepe fit, in subito lethalem peripneumoniam terminetur: unde patet, opus esse, ut grato frigidi aeris refrigerio calor ille temperetur. Cum autem in his aegris subputridae exhalationes continuo de corpore exeant, etiam molestae sanis hominibus, qui illorum curam gerunt; aer loci, in quo decumbunt, brevi his repletur, & inquinatur, adeoque frequentem renovationem postulat: nisi enim hoc fiat, coguntur miseri non sine magno damno infectum talem aerem haurire continuo. Videantur & illa, quae in Commentariis §. 698. dicta sunt de noxis, quae a calore lecti, & aeris clausi in morbis acutis contingunt.

INTEGUMENTA MINIME SUFFOCANTIA, VEL AGGRAVANTIA CORPUS. Dum ab hyemali frigore corpus defendere volumus, stragulis corpus obruimus, sicque in proprii vaporis balneo haerentes calescimus. Si ergo in febre ardenti idem fiat, calor adco intensus adhuc augebitur, & simul omnia illa mala fient, quae ab aere clauso non renovato sequuntur in hoc morbo. Hinc Celsus [y], uti ad §. 698. dictum fuit, in cura febris ardentis iussit, ut amplo conclavi teneretur aeger, quo multum, & purum aerem trahere possit; neque multis vestimentis strangulandus, sed admodum levibus tantum velandus est. Similia & Aetius [z] poluit tanquam primaria in febribus ardentibus auxilia, dicens: Decubitus sit in locis frigidis patentibus, & aëro puro perfatis: Stratum molle, & saepe renovatum. Amicula assidue permutata, & satis gravior, non sordida. Lectus sit abunde amplius, quo possint membra calefacta subinde ad alias atque alias partes transferri. Et per stibellam aer ignavior concietur. A Veterum disciplina recesserunt postea Medici, qui in hac opinione erant,

(y) Lib. III. cap. 7. pag. 134.

(z) Tetrabibl. 2. Serm. 1. cap. 78. pag. 253.

erant, per sudores, etiam in initio, calidis remediis, & stragulorum pondere extortos, febres sanari debere. Quam periculofum autem sit hoc tentare, nisi morbi materies, & causa adeo tenues, & mobiles fuerint, ut sic diffari de corpore possint, antea dictum fuit ( vide §. 594. 2., & 715. 716. &c. ) Neque novus hic in febribus ardentibus curandis error est, nam & Celsus jam de hoc conquestus fuit, dicens, ubi de sudore promovendo post febrem finitam, vel saltem decrefcentem, agit: *Hujus autem rei causa continere aeger sub veste satis multa manus debet, eademque crura, pedesque contegere: qua mole plerique aegros in ipso impetu febris, potissimeque, ubi ardens ea est, male habent* [ n ]. Conducit etiam, quo minus calefiant, ut tales aegri potius supra culcitram, quam lectum plumis refertum, decumbant. Quomodo autem gratum aeri refrigerium conciliari optime possit, §. 605. 2. dictum fuit.

**SITUM CORPORIS ERECTUM SAEPE.** Quantum usum habeat ad compescendum nimium febris impetum, si aegri quotidie per aliquod tempus a lecto abstineant, & in sedili erecto corpore sedeant, in Commentariis §. 610. dictum fuit. Simul etiam deliria, hic inprimis metuenda, vitantur, vel compescuntur, si jam adfuerint; quia in horizontali corporis situ, caeteris paribus, majori copia, & impetu sanguis versus caput tendit. Adeo autem confidebat huic auxilio Sydenhamus ( b ), ut in Variolis, dum ob nimium febris impetum jam in ipso mortis agone constituerentur aegri, ab ipso solo fere quid boni speraret, seque plures sic a morte liberaffe testetur. Neque multum mali metuendum esse, licet frigidiusculo aeri, non multum etiam lecto corpore, exponantur tales aegri, miro casu probat. Juvenis enim quidam in ipso aetatis flore, & media aestate, Variolis laborabat, quibus paulo post Phrenitis accessit. Dumque nutrix, quae ejus curam gerebat, in urbem profecta aberat, mori videbatur adstantibus, atque cadaver, ut putabant, de lecto sublatum, nudum mensae imponunt, linteo tamen superinstructo. Rediens nutrix, amoto linteo, subobscura quaedam vitae indicia petexit, & projectum corpus denuo in lectum reposuit, atque post aliquot dies interpositos incolumis evasit, qui pro mortuo habitus, nudus fere, libero aeri tandiu expositus fuerat.

**POTUS COPIOSOS, BLANDOS, DEMULCENTES, SUBACIDOS, AQUEOS, CALIDOS.** Ut nempe restitatur aquosae sanguinis partis jactura. Sitis inexplabilis, febris ardentis semper comes, quandiu mens constat, facis indicat copiosum potum, uti & ingens totius corporis siccitas. Cum autem per febrem ipsam humores in majorem acrimoniam tendant, requiritur simul, ut potus blandi, & demulcentes sint, simulque acidi, vel saltem sponte sua in acidum vergentes; ut nempe occurratur putridae degenerationi humorum, in febre ardenti semper metuendae. Decocta avenae, hordei, oryzae &c. emulsa ex his, & seminibus farinosis parata, acidi vegetabilium succi, vel & fermentati acetum nempe, & vinum tanta aquae copia diluta, ut stimulo suo nocere nequeant, rob, & syrupi officinales his decoctis diluti, gratissimos simul, & salu-

(a) Cels. Lib. III. cap. 6. pag. 130.

(b) Sect. III. cap. 2. pag. 195.



matum frigidorum, quae pectori, & ventriculo applicabantur, vitandam esse; & calida eadem applicata videtur praeferre. Aliquando post cibum aquam frigidam ad cochlearis unius, aut duorum mensuram forberi iussit; maluitque, ut in totum ipsorum potus lactei teporis esset (sic enim *γλαυκώδες* vocabulum vertendum esse probat *Foetus* (4)). Praeterea, ubi jam adesse frigidae exhibendae tempus in febre ardente credebatur, monet iterum, minimum cuiusdam mali imminuentis metum impedimento esse, ne exhibeatur, maluitque tunc ab *aquae fractione* usu incipere: sic autem vocavit, quando aquae frigidae partes quinque ad partem unam aquae temperatae calidae miscerentur. Quin imo monet in finem ejusdem capituli, quosdam Medicos methodi ignaros, & imitatos illa, quae ab ipso facta viderant, nihil profecisse, sed & lethales habuisse successus.

Ex quibus omnibus, ut puto, apparet, Veteres Medicos non adeo absolute, ac voluerunt quidam, commendasse gelidum potum in febre ardenti; simulque patet, quando, & quibus sub cautelis prodesse possit. Interim tamen nunquam nocebit calidos potus propinare, cum sic magis laxentur vasa, & melius diluantur liquida; neque ullus metus sit a contractione solidarum partium, vel liquidorum coagulo, quae utraque ab imprudenti frigidi potus exhibitione metuenda sunt. Neque repugnat, quod aeris frigus laudetur in hoc morbo; nam aer, longe rarior aqua, calefcit illico, dum inspiratur; & nemo prudens gelidissimum hyemali bruma aërem aëstanti a febre ardenti corpori applicabit, sed tantum nimis aëstantem aërem grato refrigerio temperabit.

**CIBOS LEVES, FARINACEOS, HORDEATOS, AVENACEOS, & FRUCTIBUS SUBACIDIS CONFECTOS.** Eadem nempe, quae pro potu laudata fuerunt: tantumque fere in eo differunt, quod paullo meraciora ciborum nomen habeant. Solam ptisanam suam, vel ptisanae succum, aut cremorem, in his morbis dedit *Hippocrates*; tenuiora, vel meraciora, pro vario morbi tempore, & impetu, uti in *Libro de Viâ in morbis acutis*, & passim in ejus operibus invenitur. Videantur illa, quae de his in Commentariis §. 599. 600. 601. 602. dicta fuerunt, ubi omnia, quae de qualitate ciborum, & quantitate, & de tempore illos exhibendi notanda sunt, habentur.

**VENAE SECTIONEM, SI MORBI INITIUM &c.** Quantum usum habeat venae sectio ad minuendum nimium in febribus impetum, in Commentariis §. 610. demonstratum fuit; adeoque videretur & haec in febre ardenti semper conducere, cum urens calor adsit, & vehementissima symptomata illam comitari soleant. Interim tamen magna hic cautela opus est, cum aliquando venae sectio nocere possit. Dum enim circa vitalia viscera immeabilis jam redditus sanguis incipit colligi, & ingentem quidem aestum circa praecordia facit, verum in extremis corporis simul frigus adest, novimus, paullulum sanguinis tantum adhuc versus extrema propelli, omnemque fere sanguinem in systemate arterioso colligi. Si ergo in tali casu vena secabitur, tolletur pauculus ille sanguis, qui ex arteriis in venas transire potuit, & quo solo adhuc

(1) In *Oeconomia* pag. 8a.

adhuc vita sustentabatur; adeoque summus metus est, ne pro remedio mortem venae sectio adferat. Unde patet, quare in initio morbi, quando, nondum diffusa parte tenuissima, sanguis adhuc satis meabilis est, venae sectio imprimis locum habeat, per quam & crassissima sanguinis pars evacuetur, diluentibus, & attenuantibus remediis locus, & facilior miscela paratur, & futura inflammatio optime praecevetur. Ubi jam ante morbum plerhora adfuit, quod ex signis §. 106. <sup>1</sup> recensitis cognosci poterit, major adhuc venae sectionis urget necessitas; uti etiam, si per ingentem morbi aestum rarefactio nimia plethorae effectus faciat [vide §. 106. <sup>2</sup>]. Cum autem ad inflammationem curandam, uti in ejus historia dictum est, venae sectio efficacissimum remedium sit, patet satis illam requiri, si inflammationis singularis signa adfuerint, imprimis circa pectus, vel caput, unde lethalia phrenitis, vel peripneumonia brevi sequerentur: nisi enim subito succurratur, talis inflammatio cito in gangraenam terminabitur. Quia autem per venae sectionem nimia velocitas circulationis minui potest [vide §. 691.], uti etiam sanguinis densitas (vide §. 692.), simulque per eandem moles movendorum [vide §. 693.] minuatur, quae omnia efficacissimae caloris febrilis causae sunt; patet satis, insolubilem calorem venae sectionis necessitatem in febre ardente indicare. Cum vero saepe necessarium sit, impetum morbi a capite, quantum fieri potest, avertere, hoc respectu venae sectio in pede instituta locum habere poterit: Aperta enim vena, arteriae in illam se evacuantur facilius deplebuntur, adeoque minor fiet resistentia sanguini in has arterias pulso; & sic revulsio a superioribus partibus corporis obtinebitur. Videantur illa, quae ad §. 396. 4. de revellentibus sanguinis impetum in alias partes dicta fuerunt.

Ex quibus omnibus patet, venae sectionem in initio febris ardentis utilissimam esse, in reliquo ejus decursu non semper prodesse, sed tantum tunc, quando modo memorata adessent, requiri, habita semper ratione virium, aetatis, & tempestatis anni. Periculosam autem venae sectionem esse, si propectae jam vires fuerint, non vero a plenitudine nimia, aut rarefactione suffocatae; uti & si extrema frigida manserint diu, pariter ex dictis apparet. Hinc monuit Hippocrates; *In acutis morbis venam secabis, si morbus vehementer appareat, & qui aegrotant in aetate vigere fuerint, & robur ipsi adfuerit* (1). Similia & Celsus habet dicens: *Ergo vehemens febris, ubi rubet corpus, plenaeque venae tumens, sanguinis detractionem requirit* (m).

Neque adeo universalem in febre ardenti curanda fuisse venae sectionis ulum apud Veteres Medicos, colligere liceret inde, quod Celsus (n) de cura febris ardentis agens, nullam illius mentionem fecerit. Neque etiam illius meminit Aetius (o), cum tamen eandem in cura synochorum febrium, tam simplicium, quam putridarum, laudaverit. Pariter nec apud Aeginetam (p) venae sectio in curatione febris ardentis memoratur. Aetius vero (q) de

f 3

lynco-

(1) De victu Acutor. Charter. Tom. XI. 127.

(m) Lib. II. cap. 10. pag. 78.

(n) Lib. III. cap. 7. pag. 134. &amp;c.

(o) Tetrabibl. 2. Sermon. 1. cap. 78.

pag. 233. &amp;c.

(p) Lib. II. cap. 36.

(q) De cutat. morb. acut. Lib. II.

cap. 3. pag. 100.

synopae curatione agens, cujus principium dixerat febrem ardentem, tunc imprimis commendat venae sectionem, *ubi prae multitudine synopa fit, & inflammatio aliqua insignis in praecordiis, aut jecinore apparet.* Et paullo post subjungit, multo minus sanguinis, quam in aliis occasionibus, evacuandum esse, quia vel minimus hic commissus error ad interitum ducit.

Si autem adsint quidem signa, quae venae sectionem, vel nocituram, vel saltem periculosam fore suadent; interimque urgentia symptomata, nullo alio remedio facile superanda, illam postulent; uti v. g. dolor pleuriticus, ingens capitis dolor & aestus, angina suffocans &c., tamen & haec tentanda erit, sed praesente Medico, ut simul, ac tale symptoma levare incipiat, vena claudatur: praemonitus simul acgri amicis, quarum discrimen adsit, dum hoc tentatur remedium, inevitabilem vero mortem instare, nisi hoc fiat. Pulcherrima circa hanc rem habet Celsus, ubi de venae sectione agit (r): *Fieri tamen potest, ut morbus quidem id desideret, corpus autem viâ pati posse videatur: sed si nullum tamen appareat aliud auxilium, periturusque sit, qui laborat, nisi temeraria quoque viâ fuerit adjutus, in hoc statu boni Medici est ostendere, quam nulla spes sine sanguinis derivatione sit: faterique, quantus in hac ipsa re metus sit: Et tum demum, si exigatur, sanguinem mittere. De quo dubitare in ejusmodi re non oportet: satius enim est anceps auxilium experiri, quam nullum.*

CLYSMATUM BLANDORUM &c. Summum enim haec habent usum: eluuntur per haec putridae faeces in intestinis collectae, foventur omnes hae partes, sicque a superioribus revulsio fit. Praeterea diluentia, & antiphlogistica, intestinis recepta, detorsis, & laxatis venarum meseraicarum osculis absorbentur, sicque sanguini permiscetur; atque ita optima dilutio & attenuatio ejusdem obtinetur. Cum autem climata injecta venis recepta statim (saltem pro parte) in venae portarum suum deferantur, atque inde per totam hepatis substantiam propellantur, magnam efficaciam habere possunt in hujus visceris obstructionibus, aut inflammationibus resolvendis, cum remedia sic illico, & vix permixta viribus corporis, ad locum affectum pervenire possint. Ob insignem autem ardorem, qui in febre ardenti circa praecordia invenitur, justus metus est, ne talia in hepate mala oriantur. Cum autem totus scopus sit, haec via diluentia, & laxantia corpori ingerere, ex mollissimis parantur tantum haec clysmata; acriora enim si fuerint, brevi tenesmus alvum deponendi sequetur, sicque exibunt de corpore. Sola aqua cum oxymelle & nitro hic sufficit, vel & eadem in decoctis althaeae, malvae, hordei, avenae &c. dilui possunt. Ter, quaterve in die, vel & saepius, haec applicari debent, & retineri in corpore, quantum commode fieri potest: in illorum usu autem pergitur, quandiu manent ingens aestus, & siccitas in toto corpore. Ubi vero lingua, fauces, oculi, cutis humescere incipiunt, & febris impetus remittit, & minuitur aestus, tunc ab his abstinendum est, ne nimis debilitetur corpus; vel sic torpeat febrilis motus, ut causae suae subigendae, movendae, & excernendae impar redderetur. Videantur illa, quae de ho-

rum

(r) Lib. II. cap. 10. pag. 79.



rum usu in Commentariis §. 610. dicta fuerunt, ubi de misuendo febris impetu nimio agebatur. Magni fecisse in morbis acutis horum usum Hippocratem novimus: postquam enim dixerat, in acutis venam secandam esse, h. morbus vehemens appareat &c. addit (§): *At si imbecilliores apparent, ac si plus sanguinis detraxerit, clysmo alvino tertio quoque die utendum, donec in tuto aeger fuerit.* Ex quibus patet, quod vicariam sanguinis missionem operam a clysmatibus exspectaverit, & imbecillioribus, vel copiosa sanguinis missione debilitatis, nonnisi longiori intervallo eadem applicuerit. Quantum autem usum praestent in revellendo impetu a superioribus partibus, adeoque quam optima sint in delirio, & phrenitide, dum adsunt, vel & ad illa praecavenda, dum futura metuuntur, docuit Celsus, ubi de alvo lotionibus docenda agit (§), dicens: *Fereque eo modo dempta materia, superioribus partibus levatis, morbum ipsum molit.*

§ HUMECTATIONEM TOTIUS CORPORIS HAURIENDO &c. uti ante jam saepius dictum fuit, ex siccitate pereunt, qui febre ardente moriuntur, hinc omni artis molimine opus est, ut siccitas tollatur, vel caveatur futura. Unde interna corporis potu copioso, & clysmatibus humectantibus, pulmonem aere humido inspirato, os internam, & fauces collutionibus, nares internas vapore aquae tepidae attracto, a siccitate praeservandae sunt. Verum & externae corporis superficiei, adeo saepe squalidae in febribus ardentibus, pariter prospiciendum est: hinc balnea pedum, inprimis si simul nudatum corpus inferius vapore aquae alluatur, tantum ulum habens: manus immergantur saepius de die aquae calidae; axillis, parotidibus, inguinibus, spongiae aqua calida turgidae frequenter applicentur, ut omnibus his locis applicata aqua venter ingrediat; & sanguini ob iacturam tenuissimae partis immeabili, restitatur diluens vehiculum. Simul autem eadem opera tota corporis superfacies optime perspirabilis redditur, sicque hac via expelli possunt de corpore, quae retenta nocerent. Operosi fuerunt in his Veteres Medici: vitis enim, myrti, rosarum &c. folia pavimento inspergebant, aqua crebro haec irrorantes; tepida fovendum, & colluendum os habebant frequenter; epithemata pectori, & stomacho applicabant, pannos lineos oleo, & aqua calidis madidos imponebant, vel ex alto in pectus illa delabi curabant &c. (\*). Omnibus enim his factis pessima symptomata, quae febrem ardentem comitari solent, leniuntur, uti sunt linguae siccitas, sitis inexplebilis, anxietas intolerabilis, tussicula, vox clangola &c. Neque hoc tantum, sed per eadem corporis partes internae, & externae sic disponuntur, ut critice evacuationes, per quas febris ardens solvi solet, optime per illas fieri possint. Narium haemorrhagia enim adeo hic salutaris, emolitis naribus internis vapore aquae tepidae optime procuratur; laxata tota cutis pulcherrime ad sudores criticos disponitur; mollis & humidus pulmo facilius per sputa crassa morbi materiam eliminat; emunctoria illa corporis pone aures, sub auxi-

f 4

lia

(§) De Visu acut. Charter. Tom. XI. pag. 129.

(r) Lib. II. cap. 12. pag. 86.

(\*) Aetii Tetrabibl. Lib. II. Serm. 1. cap. 78. pag. 253. 254.

lis, & in inguinibus, tepidis fomentis continuo laxata, deponendam hic critica metallasi materiam admittunt facilius &c. Unde patet, quantum ulum humectatio totius corporis in cura febris ardentis habeat.

**MEDICAMENTA AQUOSA, BLANDA, NITROSA &c.** De medicamentis non adeo solliciti videntur fuisse Veteres Medici; nec mirum, cum illa, quae potus titulo offerebantur, uti etiam & cibi, remedium vites gererent. Unde *Hippocrates* praeter mulsam, poscam, oxymel, vix quid dedisse videtur; imo & haec pro potu communi aegris propinabat. Sic & apud *Celsum*, *Aetium*, aliosque nulla fere medicamentorum mentio fit. Si autem conferantur illa, quae de cibis, & potibus febre ardenti laborantium dicta fuerunt, patebit evidenter, eadem omnes habere vires, quae in medicamentis requiruntur. Nam aquosa, blanda, demulcentia, subacida, sunt haec omnia. Res enim eodem redit, sive decoctum hordei, avenae &c. cum gratissima acidis succis, vel syrupis pro potu communi, sive medicamenti titulo quis dederit. Negligentiae tamen accusarent Medicum & aeger & agnantes, si in tam gravi morbo nullis officinalibus uteretur Pharmacis; praestat ergo & hoc titulo exhibere talia, quae eidem scopo servantur, & magna varietate haberi possunt. Omnes enim syrupi, & saepe ex fructuum subacidorum succis parata, aquis stillantibus, in quibus fervidum non adest aroma, diluta, quales v. g. sunt melissae, florum sambuci, tiliae, & similia aquae destillatae, vel in decoctis scorzonerae, graminis, tragopogonis, bardanae, hordei avenae &c. soluta; saluberima, & gratissima simul medicamenta exhibent. Ex cerasis, fragis, moris, rubi idaei, baccis, ribesii &c. aetivio tempore, dum recentia haec adsunt similia parantur, dum leviter trita servido hordei, vel similia decocto infunduntur, deinde colatum liquidum saccharo, vel melle edulcoratur. Additur his nitrum, quia & levissimum inter salia, & facile mutabile per vires nostri corporis, optimum inflammatione densitatis est resolvens, neque interim rigido nimis stimulo motum auget (vide §. 135. 2.). Si hujus drachma dimidia, vel integra singulis talium decoctorum libris diluatur, sufficiet; majori enim copia datum salino stimulo motum auget, qui jam nimis adest.

Omnibus jam his proprium est, ut alvum lenissime laxent; quod semper conducit, ne putridae faeces in intestinis diutius maneant: ratione aquae, quam copiosam habent, urinae materiam suppeditant; sicque faciunt, ut per urinae vias una cum aqua sales, & olea sanguinis, per auctam motus circulatorii velocitatem acriora reddita expellantur. Simul per eadem praebetur sudori blandum vehiculum, quo toties, uti vidimus, febris ardens solvitur; quando nempe, solutis humoribus, & laxatis vas, debito tempore morbi prodit. Periculosa enim esse illa remedia, quocunque demum titulo superbian, quae acri stimulo praedita ad sudores movendos adhibentur, jam saepius dictum, & demonstratum fuit. Simul etiam aquae calidae copia, praecipue si molli glutine hordei, avenae, & similia dives fuerit, laxantur fibrae prae siccitate contractae, & rigidae, saponaceis illis succis, & nitro liquorum crassities attenuatur, simulque omnis acrimonia enervatur, partim dilutione, partim opposita horum indole, cum haec omnia vel acida sint, vel

vel accescencia, & in febre ardenti in acrimoniam alcalinam putridam, vel oleosam rancidam, vergant humores. Ingens jam remedium, quae hic conveniunt, numerus efficit, ut vel modice etiam Materiae Medicae peritus, non tantum medicamentorum jucunditate, sed etiam grata varietate, aegris placere possit.

Cum autem febris ardens saepe haemorrhagia narium solvatur, uti §. 741. patuit; & quandoque illa iam impetuosa observata fuerit, ut inde in discrimen aegri venire possent, non incongruum duxi hic addere illa, quibus immodicus sanguinis per nares fluxus compesci possit. Reliquae autem evacuationes criticae, quae in febre ardente sunt, per vomitum, alvum, sudorem, urinam, sputa crassa, raro adeo impetuosae sunt, ut ab his aliquod periculum metuendum foret, & de vomitu, alvo, & sudore cohibendis, si nimii fuerint, dictum fuit, quando de his inde symptomata febrilis agebatur; adeoque sufficit de narium haemorrhagia compescenda dicere.

Tam furibondo quandoque impetu ex soluta in naribus arteria sanguinem erumpere, ut paucio tempore ad plures libras exeat, & metus sit, ne ex subita, & valida illa inanitione syncope, aut convulsio fiat, observata practica testantur. *Galenus* in miro illo casu, cujus memini ad §. 741., cum haemorrhagia, quam praedixerat, jamquatuor cum dimidia librae evacuae fuerant, illam compescere debuit. Inter illa autem remedia, quae huic scopo serviunt, laudaverunt multi venae sectionem, ut nempe impetum sanguinis revellerent. Verum quam parum inde sperandum sit, in Commentariis §. 129. dictum fuit. Simul etiam periculum est, ne per venae sectionem illa mala, quae ob nimiam inanitionem metumur, augeantur, dum nempe illa adhibetur, postquam jam multum sanguinis effluxerit. Ubi vero in juvenibus verno, vel aetivo tempore de naribus erumpit sanguis, atque antea illos nimias tales haemorrhagias passos fuisse constat, venae sectio locum habere potest, ut copia, & impetus sanguinis minuatur. Tales videntur fuisse illi casus, in quibus *Galenus* [u] testatur, se saepe numero per venae sectionem sedasse ex tempore narium haemorrhagiam. Nam in modo memorato casu illam non adhibuit, sed aliis usus fuit remediis. Legitur quidem apud *Hippocratem* [v]: *Quae ex naribus copiosa violenta multa fluxerint, ad convulsiones interdum deducunt: venae sectio solvit*. Verum *Galenus* maluit in commentariis suis ad hunc locum [x] hoc sic debere intelligi, quod venae sectio solvat, si ante narium haemorrhagiam adhiberetur, Praeterea in *Conicis Praenotionibus* [y] aliter haec sententia exprimitur: loco enim *flumina* *etiam soluta habetur* *flumina* *etiam soluta*; sicque sequens, longe diversius a procedenti sensus habetur: *Quae ex naribus larga fluunt vi suppressa, quandoque convulsionem provocant, venae sectio solvit*. Sic enim per venae sectionem tollitur illud, quod importuna suppressione retentum fuerat; dum in priori casu convulsio, ob nimiam inanitionem facta, per venae sectionem potius

[u] De Curatione ratione per venae sectionem cap. 11. Charter. Tom. X. pag. 449.

[v] Prothetic. Lib. I. Charter. Tom. VIII. pag. 798.

[x] Ibidem.

[y] N. 336. Ibid. pag. 870.

acutissimis curandis, dum venae sectione ad animi deliquiem usque instituta illos quasi jugulat.

§. 744. **Q**uibus qui adjunxerit dicta in regulis universalibus de cura acutarum, harumque symptomatum, & secutura de acutis in perniciem viscerum singularium tendentibus, liquido perspecta habebit Ardentis Febris cujuslibet remedia.

Recensita jam fuerunt praecedenti paragrapho illa, quae in cura febris ardentis maxime notanda erant. Reliqua enim in generali febrium cura habentur. Quo enim tempore morbi cibos dare oporteat, quatenam illorum debeat esse copia, & vis, pluribus ibidem dictum fuit; ut etiam quomodo acris irritans stimulus corrigi, vel expelli debeat, & quibus remediis lentor humorum solvi possit; quomodo materies morbi ad coctionem & crifim optime praeparetur; viae lubricentur, per quas morbi materia subacta, & mobilis reddita, exitum sibi parat; de omnibus illis abunde dictum fuit. Symptomatum autem praecipuorum, quae febres comitari, & & quibus a se mutuo distingui solent, & variis quandoque nominibus vocari, historia, & cura pariter pertractata sunt; adeoque nihil addendum dictis videtur. Cum autem per febrim ardentem inflammatorii viscerum morbi toties fiunt, qui saepe singularia quaedam in curatione notanda requirunt, & imprimis phrenitis vel peripneumonia; debent & addi illa, quae postea de acutis morbis, singularem inflammationem hujus, illiusve visceris facientibus, dicentur.

§. 745. **Q**uin & reliquae febres acutae singulares ex dictis intelliguntur, vel ad symptomata singularia pertinent, vel sunt alius morbi acuti effectus.

Actum enim fuit primo, de febribus illis, quae absque ulla intermissione uno decursu totum suum stadium absolvunt, quae Synochi vocantur, quae in putres, & non putres distinguebantur: ubi vero intra viginti quatuor horarum stadium talis febris finiebatur, tunc dicebatur Ephemera. Adeoque patet, omnes febres continuas ad has res species posse reduci. Si vero inflammationem visceris cujusdam comiterent, tunc ad morbos inflammatorios pertinent; de quibus postea agetur. Cum autem febris ardens sit pessima species illarum febrium, quae nullam quidem intermissionem, sed tamen notabiles remissiones, & exacerbationes, habent; patet, ex hujus curatione facile intelligi, quid in aliis similibus febribus, quae nec tot, nec tam saevius symptomatibus stipantur, agendum sit. Praeterea hae febres continuae remittentes saepe ex intermittentium protractis, & duplicatis peroxysmis fiunt, & rectulo harum impetu, solent in veras intermitteres transire; adeoque caetera, quae huc pertinent, ex febrium intermittentium historia, & curatione petenda sunt.

Reli.

Reliqua autem febrium diversitas, quae apud Auctores occurrit, a mollesco quodam symptomate illas comitante desumi solet; verum de his in symptomatum febrilium historia dictum fuit. Sic febres singultuosae, sudatoriae, Atodes a fastidio, & anxietate, Epialae a continuo rigore, Exanthematicae &c. vocantur. Tota autem diversitas curationis in his a symptomate pendet, unde nomen habent. Ubi autem febris acuta singularis morbum quemdam inflammatorium comitatur, vel ex illo ut causa sequitur, uti v. g. dum in pleuritide suppurata a retento pure febris accenditur, facile patet, curationem ab illius morbi cognitione pendere.

Adeoque pro febrium historia, & curatione nihil superest, nisi ut adhuc quaedam de febribus intermittentibus dicantur.





## FEBRIS INTERMITTENS.

§. 746. **F**ebbris Intermittentis definitio jam data (727.). Hujus diagnosi sponte patet, distinctio in varias classes facilis, utpote soli temporis differentiae innixa; septennaria exquifita quandoque accidit, ut vidi.

Febres illae, quae per vices impetum remittunt, ut plena *deuyf'a* inter duos quolque paroxysmos intercedat, vocantur intermittentes, uti §. 727. dictum fuit; adeoque hoc respectu facilis illarum Diagnofis est, quæ ab omni alio febrium genere diftinguuntur. Sed, uti facile patet, requiritur ad hanc diagnofin, ut Medicus binos paroxysmos, & tempus intermedium obfervaverit, antequam de hac re certus effe poffit. In primo autem ingruente paroxysmo ftatim definire, an febris intermittens futura fit, & qualis, an quotidiana, tertiana, quartana, longe difficilius est; de qua re ftatim, poftquam intermittentium variae classes enumeratae fuerint, adhuc quaedam dicenda erunt.

Diverfitas temporis, quod inter fingulos paroxysmos intercurrit, varias harum febrium classes efficit. Si enim quotidie renafcatur febris, plena tamen *deuyf'a* inter fingulos paroxysmos intercedente, vocatur *Quotidiana*. Si primo die accefferit febris, fecundo die vero aeger a febre liber fuerit, & tertio die iterum fimilis febris redeat, vocatur *Tertiana*; calculo fafto ab unius paroxysmi initio ad principium fubfequentis (\*). Si vero fecundus paroxysmus in quartum diem ab initio morbi incidat, vocatur *Quartana*, fi in quintum, *Quintana*; & fic de reliquis, inter quarum paroxysmos adhuc longiora intervalla obfervata fuerunt. Hoc autem notari meretur inprimis ideo, quia apud nos faltem vulgus hæc febrium nomina faepe turbat, dum *Quartanam* vocant tertiam die redeuntem febrem [*Derdendaegfche Koorts*] quia vident binos dies tranfigere aegros abfque febre, & deinde die fequenti, quem tertium vocant, febrem redire. Ob eandem rationem tertianam appellant febrem, quæ alternis diebus corripit (*Anderendaegfche Koorts*). Medicis tamen, & hic, & in aliis morbis in ufu est a primo morborum initio calculum inftituere: unde ratio nominum, quæ his febribus dari folent, patet.

Quotidianas, Tertianas, Quartanas febres frequenter occurrere, notum est omnibus: ille vero intermittentes, quæ inter fingulos paroxysmos longius adhuc intervallum habent, raræ admodum funt. Febrium tamen, quæ quinto, feptimo, & nono die redeunt, meminit *Hippocrates* [e], & feptennariam

(\* Sydenham. Se&. I. cap. 5. pag. 96.

[e] Epidem. Lib. I. Charter. Tom. IX. pag. 86.

nariam exquisitam se vidisse testatur celeberrimus horum Aphorismorum *Auctor*. Quintanam febrim, ex quartana factam, semel mihi vidisse contigit; sed post quatuor paroxysmos cessabat haec febris sponte sua. Octavo quoque die eadem hora, & cum iisdem symptomatibus febrim rediisse per quinque vices observavit *Simon Sebulirzius* (f): sextus vero paroxysmus, qui & ultimus fuit, in quintum a paroxysmo proximo diem incidebat, tribus horis solitum exacerbationis tempus anticipans. Verum & notatur ibi, quod absque remedium fere usu partim per sudorem, partim per urinam copiosam redierit sanitas. Longe diuturniorem talem febrim vidit *Amatus Lusitanus* (g) in adolescente Judaeo, quae ab inchoante hyeme ad medium veris usque perduravit, & quidem evidentibus maxime paroxysmis, per quindecim fere horas. Finito vero paroxysmo, testissime valebat. Plures tales casus apud Observationum Medicarum conscriptores, vel & collescentes, habentur, quibus constat, febrium intermittentium longiores periodos quandoque observatas fuisse. Longissimum tamen, de quo legitur, intervallum inter binos paroxysmos annum spatium complectitur. *Antipater Sidenius Poeta* omnibus annis uno die tantum natali corripiebatur febris, *Orca consumptus est, satis longa senectus* [h]. Plures tales observationes collegit *Sebenchius* (i). Non admodum frequenter tamen contingere longiora illa in febribus intermittentibus inter singulos paroxysmos intervalla, vel inde colligere liceret, quod *Galenus* (k) testetur, se nunquam vidisse longiores illos circuitus; quantos vero solos observasse, sed obscuros, & ambiguos. Quintanam tamen febrim distinctissimam vidit *Tulpius* [l], quae reciprocantium circuituum ordine ultra mensem decimum octavum durabat, sine evidenti corporis macie, aut manifesta virium jactura.

Verum autem febres intermittentes inter se ratione intervalli inter paroxysmos differant, patet satis, illam distinctionem omnibus obviam, & facilem esse. Verum harum febrium diagnosin magis limitavit *Galenus* (m), voluitque, ut vel in primo ingruentis febris paroxysmo quis distinguere posset, ad quam intermittentium febrium classem pertineret; imo ausus fuit dicere, quod, *Tertianam quidem a quartana, qui primo statim die nescit distinguere, neque omnino medicus est*.

*Quotidianae* febris signa haec posuit *Galenus* (n): Quod in illa calor humidor esset cum quadam acrimonia, quam non protinus admoda manus, sed permanens, sentit; sitis esset minor; vomitus pituitosi; & similia pituita alvo excerneretur; universum corpus crudis humoribus scateret; aetas, natura,

anni

(f) Miscell. Curios. ann. 4. & 5. pag. 52.

(g) Centur. septim. curat. 75. pag. 767.

(h) C. Plin. Secund. Lib. VII. cap. 51.

(i) Observat. Medic. Lib. VI. pag. 745. 746.

(j) Comment. 3. in Lib. I. Epidem. Charier. Tom. IX. pag. 87.

(k) Observat. Medic. Lib. III. cap. 52. pag. 269. 270.

(l) De Crisibus Lib. II. cap. 4. Charier. Tom. VIII. pag. 413. 414.

(m) Method. Med. ad Glaucon. Lib. I. cap. 7. Charier. Tom. X. pag. 352. Et de Crisibus Lib. II. cap. 5. Charier. Tom. VIII. pag. 414.

anni tempus, temperies essent humidiora. Praeterea in febre quotidiana nunquam tantus aestus, quantus in vigore paroxysmi tertianae, percipitur. *Tertiana* febris distinguitur (\*), quod majori cum rigore incipiat, quam quotidiana, una cum punctiōnis cujusdam molesto sensu; pullus naturalis similior sit; brevi magnitudine, & vehementia increseat; sitis addit magna; calor magnus, sed aequabilis ad extrema usque; tangentis manum valide primo afficiens, sed qui paullo post a manus calore superetur: sudor sequatur; bilis vomitus superveniat; vel biliosa per alvum deiciantur; urina exeat biliosa. Diagnōsin firmat, si anni tempus calidum fuerit, temperies calida, & biliosa, labores, vigiliae, curae, inediae praecesserint. *Quartanis* autem proprium erat (p), quod in illarum invasionibus arteria quasi alligata videretur, atque ad interiora retracta, uti alia occasione ad §. 576. dictum fuit; neque in frigore quartanae ille punctiōnis sensus adest, ut in tertianis; sed percipiunt aegri, ac si omnes partes molles ad ossa usque contusae forent. Inprimis si regio talium febrium ferax fuerit, epidemice grassentur, & tempus autumnale fuerit, firmior adhuc erit diagnōsis.

Quamvis autem memorata haec signa magnum pondus habeant in his febribus distinguendis, & peritus Medicus inprimis longo artis usu in his firmior, ex illis praesagire possit, quonam temporis intervallo rediturus sit paroxysmus; interim tamen dicta prudentia, ut cauti simus in his, ne aliquando nimis temerario praesagio una cum arte, & artifex ludibrio exponatur. Nihil enim nocebit, diagnōsin eo usque differe, donec sequens paroxysmus illam indubitatam fecerit. Qui autem luculentis in praxi versantur, ex cognita epidemica constitutione facile praenoscere poterunt, ad quam intermittentium classē pertinebit febris, cujus primum paroxysmum vident.

Praeterea in intermittentibus febribus notatur distinctio, quae sumitur a majori, vel minori duratione ipsius paroxysmi. Ubi enim tertianae paroxysmus intra duodecim horarum spatium terminatur, tunc exquisitam tertianam vocavit *Galenus* (q), ubi vero duodecim horas excederet paroxysmus, intermissionis vero tempus tamen longius esset illo, quod paroxysmus occupat, vocavit simpliciter tertianam absque ullo epitheto addito. Si vero paroxysmus in talem diuturnitatem excurreret, ut liberum a febre intervallum excederet, tunc extensam, sive productam tertianam appellavit. Neque inutilis haec distinctio est, cum quaedam praesagia, uti postea patebit, exquisitae tertianae tantum convenient.

Ubi vero die intercalari inter binos paroxysmos nova accessio fit, tunc vocantur febres intermittentes duplicatae, triplicatae &c., quia tunc revera tot numero febres sunt, quarum singulae sequentibus ordine paroxysmis hora accessiois, symptomatum numero, & vehementia, respondent; atque sic a quotidiana febre distinguitur tertiana duplicata, vel quartana triplicata. In  
tertiana

(\*) Ibid. pag. 418.  
Charact. Tom. IX. pag. 90. 91. & Comment. 2. in Lib. VI. Epidem. ibid. pag. 409. 410.

(p) Ibidem.

(q) Comment. 3. in Lib. I. Epidem.

Charact. Tom. IX. pag. 90. 91. & Comment. 2. in Lib. VI. Epidem. ibid. pag. 409. 410.



tertiana enim duplicata paroxysmus primae dici respondet illi, qui tertio die aderit; secundae dici vero accessio similis est huic, quae quarto die continget: atque simili ordine idem in quartana triplicata observatur. Quotidianae vero febris paroxysmi sibi invicem similes sunt. Hanc tamen duplicatae tertianae a quotidiana distinctionem neglexisse videtur *Celsus* (r), dum inter quotidiana febris varietates illam numerat.

Accidit quandoque, quamvis rarius, quod illa febris reduplicatio non in diem intercalarem incidat, uti v. g. dum tertio die, loco simplicis tertianae paroxysmi, binae distinctae exacerbationes fiunt, se mutuo proxime sequentes: interimque secundo, & quarto die perfecta est *accessio*. Si jam in tali casu postea, & intercalari die novus insultus febrilis accesserit, triplicata poterit esse tertiana; quam *Galenus* se distincte observasse testatur (s). Quam perturbata autem omnia apparere debeant, dum multiplicati tales paroxysmi februm intermittendum solitam invasionis horam anticipant, uti saepe fit, satis apparet: tuncque continuarum februm indolem imitantur, uti postea §. 748. dicitur.

§. 747. **T** Amen scire est, hanc in genere esse Vernalem, quae a Febuario in Augustum, & Autumnalem, quae ab Augusto in Februarium dominatur. Distinctione necessaria ob varios mores, symptomata, exitus, durationem, curationemque febris, quin una aliam fugat.

Praeter memoratam distinctionem, qua febres intermittentes in varias classes distribuuntur, generalis adhuc illarum divisio obtinet, quae a tempore anni desumitur, quo grassari incipiunt. Uti enim postea patebit, quando de morbis epidemicis agetur, bina praecipue anni tempora observantur, in quibus insignis morborum mutatio occurrit, ver nempe & autumnus; vel saltem tempus utrique huic anni tempestati proximum. *Sydenhamus* (t) attenta morborum observatione didicit, febres intermittentes, aequae ac alios morbos epidemice grassaturos, Febuario mense incipere, vel Augusto; priores vernas vocavit, posteriores vero autumnales. Observavit autem illas febres, quae Febuario mense inceperant, pergere eoque, donec autumnalibus locum facerent, & vicissim has, verno tempore appropinquante, prioribus locum cedere: sic ut Junio mense jam adulto, vel mense Julio, vernaliu februm numerus diminueretur, tandemque illae evanescerent: atque pariter mense Januario autumnalium februm observaretur diminutio: hinc, ut hoc obiter hic moneam, patet ratio, quare Junio, & Julio mensibus, caeteris paribus, minor aegrorum numerus sit; quia nempe morbi vernaes tunc fatiscunt, atque autumnales morbi nondum inceperunt. Quamvis autem intermedii inter ver, & autumnu tempestatibus nonnullae quoque febres oboriantur,

(r) Lib. III. cap. 3. pag. 126.  
pag. 411.

(s) De Crisibus Lib. II. cap. 9. Charter. Tom. VIII.  
(t) Sect. I. cap. 5. pag. 97.

riantur, tamen illae minus frequens esse solent, & ad vernas, vel autumnales commodè reduci poterunt, prout huic illive tempestatì magis appropinquant. Notavit enim Sydenhamus (u), febres illas, quando epidemice grassaturae sunt, citius quandoque incipere, inprimis autumnales, quae tunc Junio mense adulo prodeunt; si vero minor illarum numerus futurus sit, serius invadunt, Augusto nempe mense, vel & circa Septembris initium: imo vidi quandoque serius adhuc, circa mensis Septembris finem febres autumnales emicuisse. Observavit autem Sydenhamus, eo numerosiores fuisse has febres, quo citius inceperint: unde notat, quod anno 1661. circa finem Junii jam viderit aegros quartanis febribus correptos, quae deinde quam maxime grassabantur.

Necessaria autem haec distinctio est, quia licet ejusdem nominis febris fuerit, & eundem typum servet, ingens tamen diversitas occurrit semper, tam in symptomatibus, quam in curatione, prout vernum, vel autumnale tempus fuerit. Unde non dubitavit Sydenhamus (vv), quin febres illae tota sua natura, sive essentialiter, distinguantur, nihilque certi, tam in prognosi, quam in curatione posse haberi monuit, nisi ad hanc febrium diversitatem attendatur. Neque hoc mirum videbitur, si consideretur, verno tempore solvi illa, quae hyemali otio accumulata fuerant in corpore lenta, & viscida; adeoque cum ipsa febre anni constitutionem conspirare, ut cito solvatur febrilis materia; quo simul faciunt salubrium vegetabilium tunc germinantium succi, qui tam ciborum, quam remedium titulo adhiberi solent. Languida jam in stabulis armenta, dum ad prata ducuntur, gramineis succis pulcherrime repurgantur ab illis, quae hyemali tempore congefferant, & brevi opima nitent pinguedine, & gramineo lacte ejusve sero salutarem adeo humano generi medelam praebent. Postquam vero aestivis caloribus exusta corpora fuerunt; liquidissimis dissipatis, major humoribus nascitur tenacitas; bilis acrior fit & spissior; & aeris adest inaequalis temperies, unde, dum incautos toties matutina, & vespertina frigora laedunt, qui diurni caloris impatientes corpus non satis vestibus tegunt, morbis plurimis occasio nascitur. Simulque auctum quotidie frigus a morbo resurgentibus toties recidivam generat. Patet hinc, quare longe aliam indolem febres autumnales, quam vernaе habeant, & difficilius curentur.

Diversitas autem insignis in his febribus observatur, OB VARIOS MORES, SYMPTOMATA, EXITUS &c. Vernaes enim intermittentes salutare semper sunt, & rarissimae diuturnae: imo, quamvis minus apta methodo tractentur etiam in debilibus & senibus, nunquam tamen fere quis ex illis mori observatur (x). Autumnales contra, dum protrahis, & duplicatis paroxysmis continuarum indolem imitantur, uti sequenti dicitur paragrapho, periculo saepe non vacant, & aetate provectioribus, & cacochymicis corporibus saepe lethales sunt. Atque illae febres saepe ad plures protrahuntur menses, imo & ad vernum tempus usque aegros quandoque tenent, uti in quartanis autumnalibus

(u) Ibidem pag. 98. 103.  
Tem. II. Pars II.

(vv) Ibidem.

(x) Ibidem pag. 100.

nalibus toties observatur. Pessima autem illa symptomata, ventris induratio, tumores hydropici, cachexia &c., quae a febribus autumnalibus fiunt, post vernas febres nunquam, vel saltem rarissime, observantur. Curatio autem pariter longe differt: nam in vernis febribus quandoque vix ulla medela requiritur, cum sibi relictae sponte cessare soleant; in autumnalibus vero febribus longe operosiori arte opus saepe est, uti in curatione harum febrium postea dicitur: sic & autumnales febres longe magis proclives sunt, ut intercalari die novum paroxysmum excitent, quam vernae; atque nausea, vomitus, anxietas, aliaque febres intermittentes comitantia symptomata, longe saeviora in autumnalibus observantur. Praeterea quartanae autumnus soboles sunt inprimis, & reliquarum intermittantium maximae diuturnae: & tertianae autumnales quandoque in quartanas mutantur, quod in vernis tertianis nunquam contingit (y). Unde & Hippocrates (z) dixit, activas quartanas plerumque breves existere, autumnales vero longas. Et in genere de omnibus morbis pronuntiavit, quod *Autumno in universum morbi acutissimi sint, & maxime lethales; ver autem saluberrimum, & minime exitiale (a).*

Patet ergo ex dictis, quanta diversitas inter denas intermittentes, & autumnales sit; imo adeo opposita harum indoles est, ut UNA ALIAM FUGET. Observaverat jam Galenus (b), tertianam non exquisitam autumno incipisse, atque in ver usque perdurasse. Quartanas autumnales circa sequens proxime vernum tempus solvi, quotidianis observatis constat. Neque videtur hoc tantum pendere a solo verno tempore, quo languentia diuturnis morbis corpora tam pulchre refocillantur: sed potius a mutata epidemica diathesi, quae non amplius autumnalium morborum genio favet. Observavit enim Sydenhamus (c), tertianas vernaes, ob plebotomiam, & catarsin indebito celebratas, & regimen insuper cum verbo male quadrans, moras traxisse etiam usque ad tempus illud, quo autumnales solent invadere, quae tempestas, cum hujus morbi genio sit admodum contraria, eundem continenter exstinguit. Autumnalis enim tempestatis varietas, & major aeris inclementia ex sua natura potius morbis favent, adeoque ab hac causa tertianarum, vernalium productarum curatio expectari dequit.

§. 748. **Q**uin & saepe initio autumnus aemulantur exaete indolem continuarum, ob longiores, & duplicatos paroxysmos, dum tamen indoles, & curatio plane diversae sunt.

Notaverat jam Celsus (d), quod in febribus intermittensibus accessiones interdum quoque consueverunt, sic ut notari neque tempora earum, neque spatia possint. Unde cum nunquam febre hber inveniatur aeger, saepe morbus a minus periculis pro febre continua habetur, atque similis medela adhibetur, ac in

(y) Sydenham. Ibid. pag. 104.

pag. 62.

ad Glauccon. Lib. I. cap. 9.

pag. 100.

(z) Aphor. 25. Sect. II. Charter. Tom. IX.

(a) Aphor. 9. Sect. III. ibid. pag. 98.

(b) Method. Med. Charter. Tom. X. pag. 352.

(c) Sect. 1. cap. 5.

(d) Lib. III. cap. 4. pag. 117.

in febribus continuis inflammatoriis fieri solet. Quando autem prius febris legitimum intermittenis eculdam typum habuit, & deinde duplicatis, & productis paroxysmis in continuam febrem tranſit, uti in quadam epidemica constitutione poſt tertium, vel quartum intermittenſium paroxysmum factum ſaepe fuiſſe notat Sydenhamus [e]; facile cognoscitur, cuius proſapiae morbus ſit. Longe autem difficilius eſt, hoc diſtinguere, ubi ab initio morbi febris nullam obſervabilem intermiſſionem habet. Illis annis, quando febres intermittentes admodum in hac urbe graſſabantur, plures tales caſus vidi, ubi ſub larva febris continuas intermittentes deeurtebat. Diſerte autem hoc monuit Sydenhamus (f) dicens: *Obſervandum eſt etiam, quod in principio febrium intermittentiũ [epidemicarum praecipue, quae autumnũ contingunt] haud ita inproclivi eſt, typum ſub primis invaſionis diebus rite diſtinguere, quandoquidem febre continua adſeſſa primum adoriuntur, neque facile eſt aliquandiu, niſi diligenter adverteris animum, quidquam aliud praeter aliqualem morbi remiſſionem deprehendere, quae tamen paulatim in perfectam deſinit intermiſſionem, & typum anni tempeſtati apte reſpondentem.* Novimus autem talem febrem quamvis tongrioribus, & multiplicatis paroxysmis continuam mentiat, ad claſſem intermittentiũ pertinere ex epidemica conſtitutione; nam eodem tempore plures ſemper obſervantur laborare tertianis duplicatis, vel & quartanis triplicatis quandoque, cum manifeſta tamen intermiſſione. Praeterea ſi in tali febris ſenſibilis remiſſio, & exacerbatio contingat, tunc ſcimus, neque ad ſynochos, neque ad febres acutas continuas pertinere, ſed ex genere continuarum remittentiũ eſſe, quae ſaepe ex intermittentiũ ſunt, uti ad §. 738. dictum fuit. Videtur autem illa intermittentiũ in continuas degeneratio ab aeris calore pendere inprimis. Novimus enim, uti poſtea dicitur in curatione intermittentiũ, per calida nimis remedia data febrim intermittentem mutari poſſe in continuam; atque videtur idem hic fieri. Nam haec febrium ſpecies non obſervatur fere niſi tali conſtitutione, qua intermittentes epidemice graſſantur: verum praecedenti paragrapho dictum fuit, tunc illas eo citius incipere, & menſe Julio jam prodire, quando magnus adhuc in aere calor eſt. Quo plus vero ad hyemem vergit annus, eo plures intermittentes genuinae apparent, & continuarum illarum febrium numerus decreſcit: unde Sydenhamus diſerte monet, in principio febrium intermittentiũ illas continuas febres obſervari.

Magni autem momenti eſt in praxi medica haec diſtinguere poſſe, quia nec venae ſectio, nec alia debilitantia remedia adeo locum habens in his febribus, quae ex intermittentiũ genere cum ſint, continuas mentiuntur tamen. Similem enim curam requirunt ac intermittentes, quibus talia nocere poſtea patebit, quando de illarum curatione agetur. Imo non dubitavit Sydenhamus [g] corvicem Peruvianam in talibus febribus adhibere, optimo quidem cum ſucceſſu; qui in vere continuas febribus nihil proſiecit.

[e] In Epistol. I. reſponſor. p. g. 373.

[f] Sect. I. cap. 5. pag. 104.

[g] Epistol. I. reſponſor. pag. 383.

§. 749. **I**ncipiant cum oscitatione, pandiculatione, lassitudine, debilitate, frigore, horrore, rigore, tremore, pallore extremorum, respiratione difficillima, anxietate, nausea, vomitu, pulsu citato, debili, parvo, siti maxima. Haec prout majora, pluraque simul, eo febris peior, atque in subsequente tempore calor, & caetera symptomata pejora: & hic gradus febris primus, Incremento respondens continuarum, & reliquorum maxime periculosus; Urina tum ut plurimum est cruda, & tenuis. Incidens cadavera mortuorum in primo hoc stadio febris intermittens, post anhelitus, suspiria, ignaviam, inveni sanguinem crassum, impactum pulmonibus, semper tum fuerant pulsus parvi, frequentes, inordinati. *Harv. exercit. anat. Cap. 16.*

Considerandum jam est, quibusnam cum phaenomenis febris intermittens incipiat, quomodo dein increlcat, & summum vigorem adepta decrelcat iterum, donec in perfectam *stasis* desinat. Omnia autem modo dicenda phaenomena observantur etiam in homine antea sano, dum primus paroxysmus ingruit, vel ubi a praecedentibus paroxysmis emerlit, & optime se habere videtur.

Primum sere signum est oscitatio, & pandiculatio, qua omnia membra extendunt, & leviter movent, cum oblectamenti cujusdam saepe sensu; mox succedit lassitudo, & totius corporis gravitas, & major debilitas, sic ut corpus vix sustinere amplius possint. Eodem tempore unguis pallere incipiunt; atque ex hoc pallore ingruentem sibi paroxysmum quartanarii fati distinguere noverunt: paullo post apex nasi, digiti manuum & pedum pallent, uti & labia, & oculorum canthi; simulque tunc frigus sentire incipiunt, & totum corpus concutitur, ac si aqua frigida perfunderetur. Unde primum illud febris intermittens principium *tempus exhorrescentiae* vocavit Sydenhamus (b); atque inde hoc symptoma ortum credidit, quod materia febrilis, quae nondum *turgescent a massa sanguinea* utcumque assimilata fuerat, jam tandem non solum inutilis; verum & inimica naturae facta, illam exagitet quodammodo, atque laceolat; ex quo fit, ut naturali quodam sensu irritata, ac quasi fugam molita, rigorem in corpore excites atque errorem aversationis suae testem & indicem. Eodem plane modo, quo pituitones purgantes a delicatulis assumptae, aut etiam toxica, incaute deglutita, horrores statim inferre solent. Simul tunc adest, vel paullo post sequitur, tremor totius plerumque corporis, in multis a maxillis incipiens, quae celerrime saepe, & alternis vicibus diluuntur, & adducuntur; unde dentes ad se mutuo alliduntur, & saepe tanta vi, ut in quartanario sene dentes cecidisse viderim, quamvis ante mercurium adhuc latis frangi viderentur; quandoque adeo molestus, & diuturnus ille tremor in toto corpore est, ut ab invitis illis musculorum concussibus summa defatigatio fieret, & finito paroxysmo tanta maneret debilitas, & dolor in omnibus membris, ut vix artus

(b) *Sect. I. cap. 5. pag. 93.*

artus movere posset virgo, mobilissima in genere nervoso, quae tertiana autumnali, post aliquot paroxysmos in quartanam degenerante, laborabat. Dedi, cum sufficere his malis non posse videretur, corticem Peruvianum; & quod mirabar, cessaverunt enormes illi tremores: febris vero quartana, sed placida, per totam hyemem mansit; verno dein tepore sensim, & sponte sua soluta. Quandoque tantum frigus nascitur, inprimis in senibus quartana laborantibus, ut membra rigeant, penitus immobilia, & nulli fere articuli flecti possint.

Pleraque autem haec symptomata docent, liberum, & aquabilem spirituum motum per nervos tunc turbari, & impediri; uti patet ex illis, quae §. 627. & 660. de Tremore, & Debilitate Febrili, dicta fuerunt. Simul autem vitales functiones turbantur: frigus enim extremorum, uti dictum fuit ad §. 621., attritum liquidorum in vasa, & se mutuo minorem ponit, adeoque liquidum ad extrema stagnare; cor ergo minus contrahi, minus evacuari, adeoque & minorem influxum spirituum cerebelli esse. Cum autem frigore contractae venae, & subsultibus trementium muscutorum pressae, sanguinem suis cavis contentum versus cor dextrum derivent; interimque cor minus valide contractum, se tam facile evacuare nequeat, dum & in arteriis major resistentia adest; patet, maximam sanguinis copiam in venis magnis circa cor dextrum, & in sinibus, & in pulmone debere colligi; unde anxietas nascitur (vide §. 631.), & omni respirationis molimine nituntur viam sanguini ex corde dextro per pulmonem in cor sinistrum expedire. Cum autem pulmo, in vas sanguineis repletissimus, tunc ab aere inspirato difficiliter expandi possit, hinc respiratio difficillima fit. Cor vero irritatum continuo sanguinis per pulmonem transgressi influxu, & copia circa cor dextrum collecti; palpitat celerrime, unde pulsus citati quidem, sed debiles simul, & pravi, quia parca tantum copia sanguinis in arterias exprimitur, quae illis dilatandis non sufficit: de qua re antea in Commentariis §. 576. dictum fuit. Solent fere semper nausea, & vomitus adesse hoc tempore, adeoque & naturales functiones turbantur. Cum autem probatum fuerit in Commentariis §. 636., liquosum immeabilitatem merito inter sitis febrilis causas numerari, patet satis ratio, quare sitis maxima hoc febris tempore adsit, cum & ad extrema stagnent humores, & circa cor, & pulmones immeabilis sanguis accumuletur.

Omnia autem modo enumerata symptomata febrim intermittenti potius adesse inveniuntur, quam febribus continuis: nam in illis raro, vel nunquam tam validum, nec tam diuturnum, frigus adest: cumque febris continuae, nisi omnium acutissima fuerit, incrementum non tam velox sit, quam febris intermittens, raro in febris continuae initio omnia haec symptomata adsunt, vel nunquam saltem tam valida. Unde & ex his incipientem febrim intermittentem a continuis utcumque distinguere possumus. Atque ideo Galenus (b) dixit: *Quae igitur cum vigore invadunt, non abs re ex eorum numero esse, quae circuitu quodam repetunt, duxeris.* Quandoque tamen contingit, ut primus febrim intermittentium paroxysmus levior sit, adeoque non adeo molesta haec symptomata habeat.

§ 3

Cum

(b) Method. Med. ad Glaucon. Lib. I. cap. 5. Charttr. Tom. X. pag. 148.

Cum autem, uti ad §. 3. dictum fuit, cujusque morbi tanta sit magnitudo, quantum a naturali statu recedit; patet satis, eo pejorem esse febrem intermittentem, quo symptomata enumerata majora, & plura fuerint. Praeterea observatur semper, quo frigus, tremor, pallor &c. pejora fuerint, eo majorem postea calorem sequi, & validiora esse illa symptomata, quae sequentem febris statum comitari solent, nisi frigoris febrilis tempore suffocetur aeger. Illa enim causa, qualiscunque demum fuerit, quae intermittentis febris paroxysmum excitat, dum incipit agere, vitales actiones, pulsum & respirationem, & calorem, qui inde pendet, turbat, & laedit; unde quo validior haec fuerit, eo majori molimine vita adhuc superstes indiget, ut illam superet, & expellat de corpore, vel saltem reddat non aetuosam. Verum illud vitae, in causam morbosam agentis, molimen, circulationis impetu, & velocitate auctis, efficaciam suam praestat, unde patet ratio, quare tantus calor post validum frigus febrile sequatur. Praeterea dum in valido frigore febrili in venis majoribus circa cor dextrum & sinu venoso, uti & in pulmone sanguis fere stagnat, disponetur ad concretionem, & expresso solo tenuissimo, residuae molecule plus cohaerebunt; hinc dum incipiunt minui illa obstatula circa extremitates arteriarum, sanguis corde pulsus majori cum attritu per ultimas arterias in venas transibit; adeoque augebitur calor [vide §. 675.], donec resoluta illa sanguinis immutabilitate, & subacta vel expulsa causa paroxysmi, redeat pristina circulationis aequabilitas.

Cum autem febres intermittentes duplici ratione considerari possint, quatenus nempe attenditur ad illa, quae in singulis paroxysmis contingunt, vel quando omnes paroxysmi talia febris simul considerantur; patet, singulos paroxysmos habere suum initium, incrementum, & statum, uti de febris continuis dictum fuit §. 590.; tuncque comparando ibi se, primus hic febris intermittens gradus respondebit illi stadio continuuarum febrium, quod incrementum vocatur, in quo nempe magis magisque minuuntur ea, quae de sanitate supererant, & contra augentur illa, quae a morbo pendant. Si vero de omnibus paroxysmis febris intermittens simul agitur, tunc ejus febris incrementum adesse dicitur, quandiu paroxysmus durat, & numero, & vehementia symptomatum, proxime praecedentem excedit.

Maxime autem periculolum esse illum primum febris gradum patet, si considerentur symptomata tunc praesentia, quae vitalium functionum insignem actionem demonstrant. Sanguis enim, uti dictum fuit, circa cor dextrum & in pulmone accumulatur, pauculum tantum in cor finitum transit, quod tremulo motu palpitans per arterias, frigore contractas, illum transpirare nequit ad extrema corporis usque, adeoque patet, vitalem motum humorum ex corde in arterias, & ex arteriis in venas, & dein in cor iterum turbari, & impediri: cumque ab his vita pendeat, uti ad §. 1. dictum fuit, apparet hoc febris tempore ipsam vitam in discrimen venire. Verum quidem est, sequenti febris stadio haec obstatula solvi, liberamque denuo redi e humorum circulationem, atque ideo paucissimos exstingui homines in febrium intermittentium paroxysmis, si simul consideretur ingens numerus illorum; qui his febribus corripiuntur; interim tamen verum est, maximum periculolum

calum adesse primo illo febris stadio, illosque, qui febribus his pereunt, illo tempore mori. Summorum Medicorum observata suffragantur modo dictis. Sic Sydenhamus (i) notat, quod qui ex febribus intermittentibus moriuntur, si quidem in paroxysmo pereant, in primo loco tempore [exborrescentiae scilicet] saepe fungantur: nam si ad tempus effervescentiae pertingerint, saltem pro illa vice non moriuntur. Senibus autem quandoque hoc contigisse, ut in ipso vel primorum paroxysmorum rigore deficerent, alibi (k) monet. Sic Hollerius (l) vidit, in eo rigore, qui initium erat quartanae accessus, aegram mulierem exstingui. Idemque Hofmannus suis observationibus confirmat (m). Magnum pondus hia addunt illa, quae Harvæus (n) in cadaveribus illorum, qui in primo harum febrium stadio defuncti fuerant, invenit; sic enim habet: In tertianae febris principio moribifica causa est petens, circa cor & pulmones, quando immoratur, anhelosus, suspiriosus, & ignavus facit, quia principium aggravatur vitale, & sanguis in pulmones impingitur, incrassatur, non transit (hoc ego ex dissectione illorum, qui in principio accessus mortui sunt, expertus loquer) tunc semper pulsus frequentes, parvi, & quandoque inordinati sunt: ab aducto vero calore, attenuata materia, aperti viis, & transitu facto, inalescit universum corpus, pulsus majores fiunt, & vehementiores, ingravescente paroxysmo febrili. Ubi enim calor febrilis post frigus sequitur, novimus expeditas iterum esse vias sanguini pulso ad extrema corporis usque, adeoque omnia obstacula soluta esse, tam illa, quae a vasorum contractione, quam quae a liquidorum immedicabilitate facta fuerunt; adeoque solum tantam circulationis velocitatem auctam superesse, quae brevi in his febribus sopietur: unde nullus metus est, ut hoc paroxysmo pereat aeger. Verum quidem est, quod in homine plethorico, per calorem febrilem rarefacto sanguine, vasa quandoque rumpi possent in cerebro, pulmone &c. lethali cum eventu: sed tunc satis patet, in tali casu mortem non pendere a febre ut unica causa, neque adscribi posse illis, quae in omni febre intermittenti obtinent, de quibus hic tantum agitur.

Urina vero plerumque hoc febris intermittentis tempore cruda, & tenuis esse solet, ob contracta vasa, debiles vires cordis, & potum saepe copiosum ingestum; unde per renes tantum tenuissima, & merè aquosa sera sanguinis pars transit.

Videantur & illa, quae de symptomatibus frigoris febrilis dicta fuerunt §. 376. 377. 378.

§. 750. **H**unc statum (749.) excipit alter, incipiens cum calore, rubore, respiratione forti, magna, liberiore, anxietate minori, pulsu majori, robustiorique, siti magna, dolore artuum, & capitis magno, Urina plerumque rubra, respondet æquæ febrium continuarum.

## § 4

## Postquam

(i) Sect. I. cap. 5. pag. 94.

(k) Ibid. pag. 115.

(l) In Coac. Hippocr. pag. 102.

(m) Medicin. ration. system. Tom. VI. part. 1. pag. 81.

(n) De motu cordis cap. 16.



Postquam per aliquod tempus, longitudine varium pro diversa febris indole, anni tempestate, aegri temperie, & aetate [vide §. 375.], duravit primum illud febris intermittentis stadium, incipit frigus minui, & tremor, calorque gradatim redit in extremis corporis partibus; simulque pallor evanescit, & redit rubor; respiratio, quae ante difficillima erat, liberior redditur, tandemque aucto calore fortis, & magna fit; sanguis enim, qui antea fere stagnabat circa cor, & pulmones, jam libere transit, sed rapido simul motu, unde & auctam respirationem requirit, ut eodem temporis spatio major sanguinis copia per pulmonem trajici possit. Anxietas autem, quae tempore frigoris febrilis ob sanguinis egressum ex corde impeditum (vide §. 631.) aderat, minuit, dum decrescunt obstacula; simulque pulsus major, & robustior fit, quia cor contentum suis cavis sanguinem jam in arterias circa extrema sua pervias propellit. Sitis tamen saepe adhuc magna adest, partim ob humores nondum penitus solutos, partim etiam ob siccitatem linguae, & oris, quae calorem febrilem comitari solet: saepe etiam, uti postea videbimus, putrida biliosa colluvies in primis viis adest, quae calore febrili mota, & pejor reddita sitim validam producere valet (vide §. 636.). Dum autem per tremores illos praegressos tot, & tam validis saepe concussibus agitatae fuerunt partes musculosae, non mirum est, artus dolere, dum sanguis jam magno latius impetu, & velocitate per has partes movetur. Quia autem calore febrili, & aucta circulationis velocitate, vasa magis distenduntur, dolor capitis magnus saepe adest hoc febris tempore. Urina autem coloratior solet esse, quam in frigore febrili, ob majorem attritum fluidorum ad vasa, & plerumque rubet, magis, minusve colorata pro varia febris intensitate, & potus assumpti copia.

Hoc febris intermittentis stadium *Sydenhamus* (e) vocavit tempus ebullitionis, sive fermentationis [quo autem sensu haec vocabula intelligenda velit, alibi (p) dixerat], qua nempe natura uti consuevit, ut in febris morbosum materiam subigat, & expellat de corpore. Respondet autem hic status febris intermittentis vigori febrium acutarum, quia postea sensim remittunt omnia symptomata, & febris decrescit. Differt tamen in eo, quod in vigore febrium acutarum aequo quasi Marte dimicet natura cum maxima morbi vehementia, & incerto quidem eventu, cum aliquando morbum superet, quandoque & victa succumbat, uti in Commentariis §. 590. dictum suit; in febribus vero intermittentibus certi sunt, quod in hoc paroxysmo natura morbo praevalebit, cum illi, qui perituri sunt, primo febris stadio extinguantur, uti praecedenti paragrapho dictum suit.

§. 751. **T**Um ultimo ingens plerumque sudor, remissio omnium symptomatum, Urina crassa, sedimentum lateri confuso simile, somnus, ἀνυψία, lassitudo, debilitas.

Sequitur tunc ultimum stadium febris intermittentis, quod tempus desputationis dixit *Sydenhamus* (g), monens, se illo nomine nihil aliud intelligere,

(e) Sect. I. cap. 5. p. 94. (p) Sect. I. cap. 4. p. 58. 59. (g) Sect. I. cap. 5. p. 94.

ligere, quam materiae febrilis jam subactae, & quasi devictae, expulsi-  
onem, sive separationem. Videtur autem haec expulsio per sudores, & uri-  
nas imprimis fieri: fere semper enim summum paroxysmi vigorem sudor  
sequi solet, & plerumque satis profusus, calidus, toto corpore manans.  
Dum enim & in frigore, & calore febrili, magna sitis adfuit, copioso  
potu ingesto, sanguis tenuis liquidus copia abundat; dumque simul aucta  
circulationis velocitas adest, & libera humorum circumductio per omnia  
vasa corporis rediit tempore caloris febrilis, per cutis calidae jam, & lecti  
tempore foetae, vasa exhalantia facilem viam invenit aquosa sanguinis  
pars, & sudoris specie exit. Magnum autem ab hoc sudore levamen per-  
cipere solent aegri, & eodem hoc tempore omnia symptomata, quae calorem  
febrilem comitabantur, minuuntur, & aeger ad perfectam *eruptur* venit.  
Accidit quandoque eodem tempore, quandoque & in prioribus febribus fla-  
diis vomitum accedere, vel & alvum solvi, sicque etiam per has vias  
materiam febrilem expelli; fere semper tamen sudor paroxysmum febris  
intermittentis claudit. Pulchre haec notavit *Galenus* [r], ubi tertianae  
exquisite decursum describit, dicens: *Et jam bibendi tempus adest aegro-*  
*tanti, & statim post potum plurimus vapor calidus per cutim exhalat, sudoris*  
*nuncius, bilisque supervenis vomitus, vel alvus deorsum prorumpit, & biliosum*  
*mejit &c. supervenit enim sudor vaporosus, & calidus, quemadmodum in bal-*  
*neo. Totum vero corpus ipsis aequaliter sudat, talisque est pulsus, qualis sa-*  
*norum in exercitationibus & balneis, velon scilicet, & magnus, ac vehement, &*  
*frequens.*

Urina autem emissae hoc sudoris tempore, vel & post paroxysmum finitum,  
saepae sequenti modo se habet: dum emittitur, rubicunda est, tota quasi sa-  
ponacea, & spumescens, deinde, postquam stetit per aliquod tempus, pellu-  
cula in summitate urinae apparet, vasis continentis lateribus accreta: in fun-  
do autem vasis magna copia sedimenti haeret, quod colore suo laterum co-  
lorum, vel boli Armenae, pollimen imitatur; unde & haec urina lateritia  
solet vocari. Adeo autem frequenter talis urina post febrium intermit-  
tentium paroxysmos apparet, ut latentes sub aliena larva quandoque has febres  
hoc inprimis signo cognoverit *Sydenhamus* [f]. Notat enim, quandoque  
in constitutione quadam epidemica contigisse, ut eatum paroxysmum non cum  
rigore, & horrore, quos postea febris excipit, invaderent, sed aeger iisdem plano  
symptomatibus tentaretur, ac si apoplexia urra laborasset, quae tamen nihil  
diutius esset, utcumque hunc affectum acmuleretur; quam ipsa febris caput im-  
potens, ut ex aliis signis, ita ex colore urinae satis liquebat: quae in intermis-  
sentibus, ut plurimum rubore saturato extat, qualis cernitur in urina eorum, qui  
istius laborant, etsi non adeo intense rubet; & pariter sedimentum deponit pulve-  
rem laterum fere referens. Unde etiam, tali urina conspecta, nullas evacua-  
tiones per sanguinis missionem, purgantia &c. adhibebat, quas intermit-  
tentibus advenari noverat; sed expectabat, donec paroxysmus sponte sua  
cessaret, & tunc dato cortice Peruviano febrem hanc profligabat.

Notae.

[r] De Crisib. Lib. II. cap. 4. Charter. Tom. VIII. pag. 412.

[f] Epist. 1. Respons. pag. 187.

Notandum tamen, non semper talem urinam hoc tempore adesse; nam post febres intermittentes vernas, & inprimis post tertianas exquisitas, quarum paroxysmi non ultra horas duodecim extenduntur, urina subrufa, vel subflavescent, saepe mingitur, cum nubecula, vel enaeoremate, quaque & sedimento laeve, aequale, & album habens, & lacto omine, cum & facile, & breves tales febres tunc esse soleant; uti jam notavit *Galenus* [\*], Imo & in primis intermittentium autumnalium paroxysmis quandoque talis urina non invenitur, sed plerumque tunc tantum, quando validiores paroxysmi adsunt, Praeterea & in scorbuticis talis urina apparet, licet febre intermittente non laboraverint (†).

Sudorem autem illum sequi solet plerumque blanda somnus, & post hunc totalis febris remissio invenitur; sed superest lassitudo & debilitas, quibus febris intermittens paroxysmum ab ephemera distingui posse, dictum fuit §. 728., quando de ephemera agebatur.

§. 752. **S**Aepe abeunt in acutas, periculosas; quod calori nimio, & motui excitato nimis, ut plurimum debetur.

Quandiu febres hae perfectam intermissionem habent, raro, vel nunquam periculosae sunt, nisi in senibus, vel debilissimis hominibus; ubi vero in continuas acutas degenerant, saepe admodum periculosae sunt. Satis autem in hanc mutationem proclives esse febres intermittentes, patuit ex illis, quae §. 748. dicta fuerunt: tunc enim constitit, febres autumnales, quamvis proprie intermittentes ex suo genio fuerint, tamen saepe indolem continuarum aemulari; dum ob duplicatos, & protrahos earundem paroxysmos nulla intermissio observatur, sed remissio tantum. Notatum autem fuit ibidem, illud tunc inprimis contingere, quando maxime epidemicae futurae citius ingruunt sub aestivis caloribus. Verum febres intermittentes perfectae, quae aliquot jam paroxysmis typum suum servaverant, quandoque in acutas continuas abeunt, si aegri lecto incarcerentur, vel calidia nimis remediis cura harum febrium tentetur; sicque plures, cerebro affecto, ex his febribus in continuas vergentibus, periisse monuit *Sydenhamus* (u); simulque cavere iussit, ne per sudorifera facile cura tentetur in tertianis, & quotidianis febribus; inprimis si haec febres nondum certum typum induerint, in continuitatis vicinia adhuc haerentes. Alia autem occasione (w) notavit, si sudor ille, qui intermittentium paroxysmum claudere solet, ultra modum promoveatur, dum aeger lectulo jugiter affigitur, continuam febrem accendi. Ex dictis autem satis apparet, calori nimio, & motui nimis excitato, illam mutationem intermittentium in continuas tribuendam esse. Sic virgini tertiana laboranti consilium dabatur, ut magnam satis copiam spiritus vini, & piper contritum cum calida cerevisia sumeret; unde tertiana febris in continuam violentissimam mutabatur, in qua per plures dies delirabat, redeunte denuo tertiana, dum acuta con-

(\*) Vide hocem modo citatum.

(u) Epist. 2. Respons. pag. 375.

(z) Vide II. Boerh. Instit. §. 1000.

(w) De Epidemia pag. 165.

tinua cessaverat, sed admodum inordinata, cum pessimis symptomatibus, & pertinacissima (\*). Quartanam verno tempore calidissimis remediis tractatam, in pleuritidem saevam transisse vidi: non autem quartana moriebatur, dum pleuritis simul aderat, uti in alio casu in Commentariis §. 734 memorato fiebat, sed quartanae paroxysmus, post assumpta calidissima remedia, non desinebat in *descriptis*, sed in pleuritidem mutabatur.

§. 753. **F**ebbris intermittens sua tria tempora (749. 750. 751.) percurrentes, fibris minimis vasculorum, & viscerum magnam infert vim; stagnando, obstruendo, coagulando, pellendo, resolvendo, attenuando; hinc debilitantur vasa, morbofa fiunt liquida, eo imprimis genere mali, quo partes minus assimilatas, nec aequaliter mistas habent; ex quibus simul acrimonia exoritur; unde ab omnibus simul facillima in sudorem proclivitas multum debilitans, ipso viscido sanguinis transudante; tum urina mire crassa, turbida, jumentosa, pinguis; similis saliva; inde debilis, solutus, vix cohaerens cruor optima parte spoliatus, residua, acer & crassus simul; adeoque ex laxis vasis, & crassis, acribusque liquidis haec febres diuturnae dein terminantur aliquando in Chronicos, scorbutum, hydropem, icterum, leucophlegmatiam, tumores scirrhopos abdominis, & quae hinc sequuntur mala.

Si nunc attente perpendantur, illa omnia, quae in triplici illo studio febrium intermittentium, paragraphis hic citatis recensitas, contingunt, poterunt intelligi multi effectus, qui ab his febribus in corpore fiunt, & de quibus hac paragrapho agitur.

Tenerum, & molle juvenis corpus post mortem aeris ambientis frigore habet, atque tunc sic rigescere solet, ut nulla fere vi artus flecti possint. In summo & diuturno frigore febrili similis fere rigiditas observatur, adeoque patet, cohaesionem solidarum partium tunc plurimum augeri. Verum succedente calore laxantur illa, quae antea obriguerant, & aucta velocitate motus circulatorii, liquida majori impetu agunt in vasorum latera, atque illa disrumpunt; unde totum corpus, antea contractum, & pallidum nunc tumet & rubet. Dum autem validis, & frequentibus febrium intermittentium paroxysmis haec bina contingunt saepius, debet insigniter minui solidarum partium corporis debita firmitas. Durum enim signum saepius flectendo & remittendo frangitur, & elateres fortissimi hoc modo omnem vim suam amittunt. Sic animalium carnes, hyemali si obriguerint frigore, subito calore succedente tenerrimae fiunt; unde apparet, quantum frigoris, & caloris reciprocae illae vicissitudines minuire possint solidarum partium robur.

Si

(\*) Medical. Essays Tom. I. cap. 31. pag. 296.

Si jam consideretur, tempore frigoris febrilis stagnare humores, sanguinem mora, & quiete in majoribus venis, & sinubus circa cor in concretione tendere, sicque immeabilem redditum vasa obstruere; paullo post tamen in calore febrili eundem illum sanguinem, auctis jam cordis viribus, pelli per vasa; patet satis, illum difficilius tunc transire posse per arteriarum angustias, adeoque, dum major resistentia est circa arteriarum fines, debebunt plus dilatari vasa, ergo & fibrae solidae illorum tunicas constituentes plus distrahi, ergo & debilitari (vide §. 25. 3.), donec repetito transfluxu per arteriarum angustias in venas resolvantur, & attenuentur nimis cohaerentes sanguinis moleculae, & redeat pristina, finito paroxysmo, circulationis aequabilitas.

**DEBILITANTUR ERGO VASA, SED ET MORBOSA FIUNT LIQUIDA.** Dum nempe a conditionibus sanorum humorum recedunt. Demonstratum enim fuit in Commentariis §. 25. & 44., requiri in solidis partibus debitum robur, ut ingesta assimilentur naturae nostrae, & fluida habeant illas dotes, quae in sanitate adfunt. Cum ergo ostensum modo fuerit, solidarum partium robur per febres intermittentes minui; patet & liquidorum morbosam degenerationem necessario sequi debere; imprimis vero talem, quae a minus perfecta partium assimilatione, & inaequali earundem inter se miscela, fit. Dum enim in frigore febrili sanguis ruber versus interiora recurrit, uti docet pallor corporis; & circa cor, & majora vasa accumulatus stagnat sere, solum tenuissimum per pulmones in cor sinistrum transpressum debilem vitam continet; adeoque turbatur intima illa miscela omnium partium sanguinis inter se, quae in sanitate aderat; simulque sic disponi videntur crassiores sanguinis moleculae, ut facilius etiam postea a tenuioribus recedant, dum interrumpitur saepe, & notabili tempore intima, & perfectissima illa unio omnium inter se. Cum autem omnes humores nostri in sanitate perfecti, si bilem, & urinam exceperis, blandissimi sint, non mirum erit, acrimoniam in his nasci, dum a sanitatis conditionibus recedunt; praecipue, cum auctus sanguinis per vasa motus, qualis tempore caloris febrilis adest, sanguinem resolvat in sales, & olea volatilia, & acris, uti §. 100. demonstratum est; & per febrem ipsam impediatur blandi chyli coactio, quo acrior jam sanguis demulceri possit; & praeterea, tempore inter paroxysmos medio, ob debilitata solida, & humorum degenerationem, debita ingestorum coctio, & assimilatio deficiant.

**UNDE AB OMNIBUS SIMUL FACILLIMA IN SUDOREM PROCLIVITAS MULTUM DEBILITANS, IPSO VISCIDO SANGUINIS TRANSSUDANTE.** Perfecta enim miscella, & unio partium sanguinis inter se minuta sunt, uti vidimus, & ob debiliorem solidarum partium in fluida actionem minus firmus sanguis est; hinc facilius tenuior sanguinis pars a crassiori recedit, & per laxiora vascula cutanea exprimitur. Sed & ipsa crassissima rubra pars sanguinis dissolvitur saepe per has febres, uti docet pallidus color illorum, qui diu his afflicti fuerunt; atque sic non tantum aquosa, & tenuior humorum nostrorum pars, sed & ipsum viscidum sanguinis solutum quandoque per sudores exit. Videmus enim, ingesta alimenta, dum assimilantur in naturam nostram, prius feri

san-

sanguinis plasticam indolem assumere, quod tam facile ab austro calore concrecit, arque naturaliter nunquam tale quid de corpore expellitur, nam nec in urina, nec in saliva, bile aliisve a sanguine secretis humoribus, sedem sanguinis naturaliter invenitur: multo minus adhuc rubra sanguinis pars. Debilitatis vero vasis in toto corpore, & per sudores validos, & diuturnos valde laxatis illis emissariis, quae in cutis superficiem hiant; videntur & crassiora per has vias exire posse de corpore, ipsumque sanguinis viscidum quandoque exprimi. Sic in hominibus sanis, aestuante sub coelo valido labore exercitatis, viscidus, indusia flavo calore tingens, sudor exit; imo quandoque, inprimis sub axillis, rubicundi coloris sudor expellitur. In moribundis viscidus, & tenax sudor apparet. Dum autem sic subducitur per sudores de corpore illud, in quod chylus ex ingestis paratus mutatur, dum nostris assimilatur humoribus; & ex quo postea debent restitui illa, quae tam in solidis, quam in fluidis de corpore pereunt; patet satis, magnam debilitatem sequi debere. Falluntur ergo illi, qui dum vident, paroxysmum febris intermittens sudore orto solvi, putant omni molimine hunc sudorem promovendum esse, sperantes, sic omnem materiam febrilem evacuari posse. Quotidiana enim observatio docet, omnium difficillime a febris intermittens liberari illos, qui copiosissimis sudoribus diffluunt; neque sanari, nisi sudores illi prius cohibeantur. Unde etiam, uti postea ad §. 764. dicitur, sudor ille, qui in fine paroxysmi adest, jussulis carniū, pituita vinola, & similibus, quae liquidi copiam subministrant; blande promoveri debet; minime autem vi remedium, aut stragulis, exprimi; ne per sudores elabantur illa, quae retineri debebant. Debilitas autem & languor, qui nimios illos sudores sequuntur, satis evincunt, illos damnosos fuisse. Nam & hic locum habet axioma generale practicum, quod Hippocrates nontantum de perturbationibus alvi & vomitionibus, sed & de alia quacunque valorum evacuatione stabilivit; quod nempe fiant, *hae sales, quales oportet, si conferant, & facile ferant; sin minus contra* [y].

TUM URINA MIRE CRASSA, TURBIDA, JUMENTOSA, PINGUIS. Urina enim est aquosum lixivium, quod abluit, sibi miscet, & de corpore expellit, quidquid in aqua potest solvi, & per renum vasa transire; naturali usu feruens, ut olea, & sales acriora jam reddita & nocitura, si diutius manerent, eluantur. Cum autem per febrim incitato motu circulatorio major acrimonia salibus, & oleis sanguinis concilietur (vide §. 100.) pluraque deterantur de solidis partibus corporis, sanguis ipse partes minus assimilatas nec aequaliter mistas habeat, & vasa omnia debilitentur; patet ratio, quare urina crassior contentis saturior, bim illico fere turbida, saponacea, & pinguis reddatur. Per febres enim intermittentes pingue corporis solvi, & exelli de corpore novimus, dum obesi homines, diutius has febres passi, penitus emaciantur. Illud autem pingue solum, circulantibus humoribus mistum, motu per vasa, & calore acrius redditum, salibus sanguinis pariter acrioribus miscetur, & saponaceum fit; sicque in aqua solum per urinam exit. Ob

caldcm

[y] Aphor. 2. Sect. 1. Charter. Tom. 9. pag. 5.

easdem causas quandoque & similis saliva observatur, spissior nempe, & copiosior; dum vasa, huic secernendae, & excernendae interservientia, debilitata, per febrem majori impetu agitatae humoribus, urgentur nimis.

INDE DEBILIS, SOLUTUS, VIX COHAERENS CRUOR &c. Sanorum, & robustorum hominum sanguis firmius, & compactus est, sic ut de vena eductus concresecat fere totus in solidam massam; contra vero in laxis, & debilibus puellis sanguis dilutus est, & pauculum tantum rubri concreti, copiosiores tui liquido innatantis, exhibet. Tam insignis autem diversitas in sanguine a majore minorive firmitate vasorum, & viscerum pendet, qua in fluida nostra agunt; uti in *Capitulis de fibra debili, & rigida* antea demonstratum fuit. Cum autem per febres intermittentes diuturnas debilitentur vasa, uti demonstratum fuit; minuetur & cohaesio partium sanguinis, adeoque solutus, & vix cohaerens fiet cruor, simulque singulis paroxysmis per sudores fluidissima, & mobilissima pars expelletur; & quamvis potu copioso ingestis restituitur liquidum, illud crudum manebit, dum vires assimilantes debilitatae sunt, adeoque optima parte spoliabitur sanguis, & per sudores expulso liquidissimo residuum lentescet; simulque a blanda, & naturali humorum nostrorum indole recedens, fiet acrius, uti demonstratum fuit. Si jam bina haec simul componantur, vasorum nempe laxa debilitas, & in humoribus, per haec vasa motis, spissitudo major cum acrimonia comite, patebit ratio plurimum malorum, quae febres intermittentes validas, & diuturnas sequi solent: de quibus videri poterunt illa, quae ad §. 44. dicta fuerunt. Inprimis autem metuenda est facilis vasorum dissolutio, dum crassi, & acres humores per vasa debilitata citato motu tempore paroxysmi pelluntur. Sic vidi in virgine, quartanam diuturnam & validam passa, sanguinem magna copia ex gingivis erupisse; & in palpebris absque ulla vi externa natas fuisse ecchymoles: unde & intelligitur, quare apud Hippocratem (2) legatur: *Quibus in febribus quartanis sanguis e naribus fluxerit, malum est*. Novi equidem, quod a multis ultimi illi Aphorismi non habeantur pro genuinis, & hinc dubia videatur loci allegati fides, quia creditur repugnare alteri apud Hippocratem loco (a), ubi sequentia habentur: *Urina crassa, alba, qualis Archigenis, in laboriosis quartanis interdum exit, & liberat abscessu*. Si vero ultra hoc & sanguis de naribus profluat & satis & copiose. Ep quibus videretur concludi posse, haemorrhagiam in quartanis febribus tanquam utilem, & salutarem laudari. Verum si conferatur cum hoc loco Aphorismus 74. Sect. IV. (b), cujus alia occasione in Commentariis §. 394. memini, patebit evidenter, vocabulum *verapruis* non debere referri ad febres, sed ad diem morbi, adeoque non significare febrem quartanam, sed quartum febris diem; qua ratione etiam Foësius & Cornarius hunc textum venterunt, uti optime Charterius in suis Commentariis in ultimos illos Hippocrati adscriptos Aphorismos monuit (c). Merito ergo damnatur tanquam mala in quartanis febribus haemorrhagia narium aucto.

(2) Aphor. 5. Sect. VIII. Charter. Tom. IX. pag. 342.

(a) Epidem. 6.

Charter. Tom. IX. pag. 475.

(b) Charter. Tom. IX. pag. 184.

(c) Ibid.

pag. 342.

suæ floritate loci allegati: ut, etiam, quia sanguinis evacuationes per se non in cura febrium intermittantium, uti §. 762. dicitur: videturque talis hæmorrhagia notare nimis facilem solutionem valorum a sanguine acriori.

Ab hac spissitudine sanguinis, & acrimonia videtur producta fuisse congestio inflammationis, quam post febres intermittentes diuturnas observavit Sydenhamus (d), inprimis si evacuationes iusto copiosiores simul adhibita fuissent. Notat autem huic malo brevi deinceps supervenisse raucedinem. oculis cavos, & faciem Hippocraticam, mortis certo imminentis signa prænuncia. Facile autem patet & in aliis corporis partibus similia mala ab iisdem causis contingere posse. Sic notavit Jacotius (e), se ter in eodem anno observasse in febre tertiana, cum rigore non ita ordinato, exortam suppurationem in imo ventre, cuius nullum signum memoratu dignum præcesserat; unde subito effuso pure supra intestina, aut intestinis ipsis ad sphacelissimum perductis, imprevise mors secuta est cum rigore, sudore frigido, animi deliquio, dolore ventris & inflatione. Talem enim sanguinem, qui & acer, & spissus simul est, inflammationibus producendis aptissimum esse patuit ex illis, quæ ad §. 376. 377. in historia inflammationis dicta fuerunt.

Simul etiam apparet, talem sanguinis cacochymiam, ex diuturnis febribus intermittentibus natam, varios morbos chronicos, & quidem difficillimos, producere posse, prout in his illius visceribus impasta hæserit; vel etiam quatenus morbi chronici a vitiis liquorum sensim natis, universali labe massam sanguinis inficientibus, ortum ducunt [vide §. 1050.]. Sic SCORBUTUM sequi post febres intermittentes, nemo mirabitur, qui considerat, huius morbi causam proximam esse talem sanguinis indolem, qua & crassitie simul & acrimonia peccat, uti postea §. 1153. ex præmissis omnibus huius morbi phaenomenis demonstrabitur. HYDROPEM vero a nimia debilitate solidarum partium nasci posse, §. 44. 2. demonstratum fuit, quæ in hoc casu obtinet, uti paulo ante dictum fuit. Crura tunc primo intumescere solent, atque his tandem penitus distentis in abdominis cavo limpha colligitur. Crurum vero tumor non adeo mali ominis est; imo Sydenhamus (f) nunquam hoc moleste tulit, quin potius de morbi exitu omnia bono animo concipiebat, edoctus observatione, febrim sæpe fugam meditari iisdem gradibus, quibus hoc symptoma supervenit: tuncque non videtur talis crurum tumor a mera laxitate fieri, verum etiam aliquid materiae morbosae versus has partes deponi. Cum autem catharticus nimis repetitis per febres decursum sæpe hoc symptoma originem debeant, & raro in juvenili saltem ætate, nisi ab hac causa contingat [g], minus tutum videtur, evacuantibus curam huius mali tentare, inprimis si adhuc perseveret febris: observavit enim Sydenhamus (h), febrim tunc profundius radices agere, neque tolli hydrope. Frictio partium tumescentium, & vini medicati ex amaris roborantibus, & aromaticis usus, tuto & facile hoc malum superare solent; dum simul

lan.

(d) Sect. I. cap. 5. pag. 222.

(e) Holler. in Coac. Hippocr. pag. 821.

(f) Sect. I. cap. 5. pag. 220. 222.

(g) Ibid. pag. 220. (h) Ibidem.



languenti corpori optime succurrunt. Idem obtinet, si iners haec materies non deponatur versus inferiora corporis loca, sed per habitum corporis diffusa LEUCOPHLEGMATIAM faciat; quae tamen, uti ad §. 72. dictum fuit, ab hydropse distinguitur, quod in hydropse in aguosam tenuitatem degenerent fluida, in Leucophlegmatia vero frigida, & pituitosa humorum indoles sit, quae laxitatem, & pastaceam quasi molliem totius corporis efficit: cum in hydropse a nimia sanguinis dissolutione nata pedes primum tumere incipiant. Jam notaverat Hippocrates (i) post febres piuturnas *λευκὸς ὀφθαλμὸς* sequi, dicens: Quum pituita alba detinuerit, totum corpus tumore albo intumescit &c. morbus hic a pituita oritur, quum quis ex diuturnis febribus, pituitosus exislet, impurgatus est, vertitur pituita ad ejus carnes. Pejor longe hydrops post febres diuturnas sequitur, si schirrosae obstructions viscerum illam fecerint; a quibus hydropem fieri postea in Commentariis §. 1229. demonstrabitur.

Cum autem in Physiologicis demonstretur, sanguinem venosum a pancreate, ventriculo, omento, liene, mesenterio reducem in trunco venae portarum colligi, atque inde per convergentes venae portarum ramos per totam hepatis substantiam distribui; facillime a crassiori sanguine, per diuturnas febres liquidissima parte orbato, in hoc viscere nascuntur obstructions, quia sanguis venosus, absque cordis actione renovata, per artiosis angustias transire hic debet. Hepatis autem obstructionem ICTERUM saepissima sequi, patebit ex illis, quae in Capitulo de Hepatide postea dicentur. Unde etiam vigesimo septimo hujus saeculi anno, quando intermittentes autumnales pertinaces admodum epidemice grassabantur, plurimis aegris Icterus supervenisse memini.

Verum ab eadem causa in aliis etiam visceribus abdominis perzinaes obstructions nasci observatio docet, quae quandoque in SCIRRHOSOS TUMORES, vix resolvendos postea, mutantur. Sic in tertiana pertinaci, quae, autumnno incipiens, vere sequenti tantum cessabat, observavit Galenus (K), quod lien maxime intumuerit, & praecordia flatu distenta fuerit. Idem jam in pancreate, omento, mesenterii glandulis &c. contingere posse facile patet. Interim tamen notandum est, non semper adeo insausti omnis esse tumores abdominis post febres intermittentes: notavit enim Sydenhamus (l), quod cum febres autumnales teneram aetatem diu cruciarent, nulla spes sit easdem abigendi, donec abdominis regio, circa lienem praecipue, indurari atque tumescere inceperit; iisdem enim gradibus, quibus hoc symptoma supervenerit, febris etiam fugam medietur. Neque forte ex meliori aliquo prognostico morbum hunc brevis abiturum dixeris, quam si sedula observatione suboriri hoc symptoma perspexeris. Postquam enim febris cessavisset, purgantibus aliquoties repetitis, una cum abdominis perfrictione, & inunctione unguenti arthanitae, mariati &c. sollet solvi feliciter collecta saburra, & expelli de corpore. Videtur enim saepe contingere, quod colon intestinum infarctum, & tumens circa lienis regio-

nem

(i) De affectionibus cap. 5. Charter. Tom. VII. pag. 625. & de internis affection. cap. 52. ibid. pag. 675. (K) Method. Med. ad Glaucon. Lib. 1. cap. 9. Charter. Tom. X. pag. 352. (l) Sect. I. cap. 5. pag. 121.

nem, ubi infestitur illud intestinum, scirrhopsum lenem mentiatur: longe enim citius solvi, & curari tales tumores observavi saepius, quam fieri posse videtur, si in liene haesisset malum. Notandum praeterea, quod illis annis, quando epidemice grassantur febres intermittentes, tunc ventris ille tumor, qui infantibus post has febres accidit, scirrhopsa duritie turgentis digitum ferit, aliis vero annis statulenta potius tensio apparet (m).

Facile autem patet, plurima alia mala adhuc sequi posse, pro diversitate viscerum obstructorum, & functionum laesionibus inde pendentibus. Sufficit enim hic generalem omnium horum originem indicasse.

§. 754. **C**Aeterum, nisi malignae (753.), corpus ad longaevitatem disponunt, & depurant ab inveteratis malis.

Quamvis autem omnia mala, praecedenti paragrapho enumerata, quandoque febres intermittentes sequantur, non tamen semper corpori nocent, sed tunc tantum, quando nimis validi paroxysmi vires subito debilitant, profusis nimis sudoribus liquidissima dissolantur, vel nimia diurnitate molestiae hae febres corporis rubor solvunt. Plerumque enim, si debito victus regimine utantur aegri, neque perversa medela adhibeatur, facile tolerantur, & plus boni, quam mali, facere solent. *Celsus* enim *Boerhaavius* testabatur, quod longaevi homines plurimi, quos de hac re interrogaverat, in flore aetatis quartana febre, quae omnium intermittentium maxime diuturna esse solet, laboraverint. Neque, credo, negabunt attenti ad haec Medici, quod post quartanas febres, nullis validis remediis turbatas, sed bona diaeta & verno tempore sensum solutas, firmitiora fuerint inventa hominum corpora, & morbis longe minus, quam ante, obnoxia. Compendium enim talis vitae generis, quod *Celsus* (n) sanis hominibus commendat, hae febres habent. Validum enim frigus magnus aestus excipit; tempore paroxysmi plerumque omnes cibos fastidiunt, quos intercalariis diebus maxime expetunt saepe &c. Sed & quartana diuturna saepe totum corpus emaciatur, dum omne pingue solvitur, & per urinam, aliasve vias educitur de corpore, aequae ac per argentum vivum, vel per decocta sudorifera fit; unde mutatio fere radicalis humorum per resolutionem, & expulsionem succedentem obtinetur; sicque optime disponitur corpus ad expulsum veterascentis, & inflamationem novae, vitalis materiae; adeoque corpus prudenti talium febrium regimine ad longaevitatem ducitur (o).

Si jam consideretur, quod in frigore febrium intermittentium totum corpus tremat, & concutitur validae saepe per horas, aequae fere in internis quam externis partibus, & contractae arteriae extremae contentos humores in latiores truncos retroagant, uti docet pallor, sicque obstructionibus circa fines arteriarum haerentibus resolvendis optima nascatur opportunitas; non mirum videbitur, posse solvi, & expediri saepe talia, quae nullis aliis remediis obediunt; praecipue cum paullo post sequatur rapidus adeo per

ampia

(m) Ibidem. (n) Lib. I. cap. 1. pag. 20. (o) Vide H. Boerh. Instit. §. 262. Tom. II. Pars II. h

omnia vasa motus, qui illa quae visceribus infarctis haeserant, per concussus illos jam mobilia reddita, ulterius expediat. Hinc apparet, quare febres illae toties ab inveteratis etiam malis corpus liberent, quae frustra aliis remediis tentata fuerant. Historia Medica plurimas observationes habet, quae hoc confirmant; paucas adduxisse sufficiet. Vidi sic saepius in aegris, qui tertianis autumnalibus, epidemice grassantibus & pertinacissimis, aegrotabant, & imprudenti consilio cortice Peruviano febrem suppresse- rant, antequam per febrem materia febrilis, plerumque in his casibus circa praecordia haerens, expedita fuerat, omnia in cassum tentata fuisse; mi- serosque levi ictero defoedatos languisse tota hyeme, donec mense Februa- rio tertiana verna corriperebatur, quae paucis paroxysmisolvebat haeren- tem in visceribus saburram, & per alvum specie liquaminis nigri tenacis, & olidissimi expellebat, felici plerumque cum eventu. In quibusdam ta- men, quamvis rarius, hepar diu hac saburra obfessum, & tabefactum jam, post deturbatam hanc colluviem, purum sanguinem demittebat; unde sum- ma debilitas, animi deliquium, & mors quandoque sequebantur, sanguine per vomitum, vel alvum ingenti copia rejecto. Quartanam non tantum securissimam esse, verum etiam ab aliis magnis morbis vindicare monuerat Hippocrates [p]; uti alia occasione ad §. 558. dictum fuit: a convulsio- nibus liberari illos, qui quartana corripiantur, pariter dixit [q]. Cepha- lacem, quae per annos affligerat, per periodos recurrentes, cessasse toto illo tempore, quo quartana tenebatur aeger, observavi. Dolorem inveteratum humeri dextri in homine vidi evanuisse, dum quartana febris illum cor- ripiebat; cuius, per sex menses jam durantis, pertaesus corticem Peru- vianum sumsi, tali cum effectu, ut quartana abesset quidem, sed rediret humeri dolor. Post mensem rediit quartana, quam ferens patienter, donec sensim sponte decederet, a molesto illo dolore postea immunis vixit. Pal- pitationes cordis violentissimas, incognitum toties quoad suas causas ma- lum, nec minus ad quaevis saepe remedia rebelles, sanavit quartana in Cel- leberrimo Mathematico De la Hire (r); qui postea sanus ad septuagesim- um octavum annum vixit, confirmans suo exemplo, quartanam, & ab inveteratis malis liberare, & ad longaevitatem disponere.

Salubres ergo saepius sunt intermittentes febres, & nisi duplicatis, & protractis paroxysmis in continuitatem vergant, raro funestae, nisi decre- pitis senibus, vel alia de causa debilissimis hominibus. Sic testatur For- slius [s], quod per quadraginta annos praxim exercens neminem viderit ex tertiana febre obiisse, nisi in continuam mutaretur. Quin imo adeo opposita pesti observata fuit tertianarum indoles, ut dum reliqui morbi sporadici in pestem transirent omnes, tertiana nunquam in hanc degene- raret [t].

[p] Epidem. 1. Charter. Tom. IX. pag. 88. (q) Aphor. 70. Sect. V. ibid. pag. 242.  
[r] Académ. des Scien. es l'An. 1718. Hist. pag. 110. [s] Tom. I. Lib. III. Objer.  
[t] pag. 86. [u] Van der Mye de Morbis Bredanis pag. 5.

§. 755. **U**Nde post accuratum examen totius historiae intermit-  
tentium (746. ad 755.), causa proxima constituitur,  
viscositas liquidi arteriosi, forte & nervosi, tam cerebri, quam ce-  
rebelli, cordi destinati, inertia, superveniente deia causa quacunque  
velocioris, & fortioris contractionis cordis, atque resolutionis ejus  
quod stagnaverat.

Ut indagetur causa proxima febris intermittens, debet sedulo considerari,  
quid in corpore mutatum appareat, dum incipit paroxysmus, Si autem  
perpendantur illa, quae §. 749. dicta fuerunt; patebit, prima paroxysmi in-  
guentis indicia esse talia, quae demonstrant, turbari solum, & aequabi-  
lem influxum spirituum nervosorum in musculos, decent lassitudo, debili-  
tas, tremor; simulque sanguinem debita copia & impetu per vasa non pro-  
pelli ad extrema corporis usque; uti patet ex frigore, horrore, rigore, pal-  
lore &c. Adeoque non sine ratione CAUSA PROXIMA CONSTITUITUR VISCOSI-  
TAS LIQUIDI ARTERIOSI, forte & NERVOSI, TAM CEREBRI, QUAM CEREBEL-  
LI, CORDI DESTINATI, INERTIA. Per illam autem viscositatem, sive  
lentorem, liquidi arteriosi non intelligitur adeo crassities aucta, & major cohae-  
sio molecularum sanguinis inter se, sed qualiscunque demum ad expeditum  
per vasa motum ineptitudo; sive fluidi movendi, sive vasorum continentium,  
vel virium movementum vitio hoc contingat. Cum autem muscularum volun-  
tariorum actio debilitetur in initio paroxysmi, & ex subita, & insolita  
lassitudine, & debilitate febrem imminere ipsi aegri certo praeflagiant; simul-  
que cordis ipsius motus sic langueat, ut illud irritatum quidem a sanguine  
venoso frequentius contrahatur, sed debiliori vi, sic ut debito impetu san-  
guinem in arterias projicere nequeat; uti docet pulsus hoc febris tempore  
excitatus, debilis, parvus; admodum probabile videtur, liquidi nervosi, tam  
cerebri, quam cerebelli cordi destinati, inertia adesse talem, ut minori  
efficacia illud agere possit in musculos, voluntariis aequae, ac vitalibus mo-  
tibus exercemendis destinatos. Si enim haec inertia nata supponatur, a qua-  
cunque demum causa haec producta fuerit, sequentur omnia illa, quae in  
primo febris intermittens stadio, frigore nempe febrili, contingunt. Cor  
enim minori vi contractum, sanguinem debiliori impetu propellet in arterias;  
huc minus distantiae minus etiam reagent in contentum fluidum, illo tempore,  
dum cor est in diastole: forte etiam ab inertia illa spirituum cerebelli minui-  
tur vitalis fibrarum muscularium, arterias constituentium, motus, adeoque  
binae causae sanguinem moventes languent; hinc ad extrema corporis vix pel-  
letur sanguis; vel saltem non tali impetu, qualis ad calorem sanum produ-  
cendum requiritur. Nato autem frigore, contractis arteriis, augetur obsta-  
culum sanguini per illas movendo, simulque per venas rediens sanguis cor  
irritat quidem, sed ob dictas rationes ex corde per arterias libere pelli ne-  
quit. Patet ergo, satis probabilem esse illam opinionem, quae primum  
paroxysmi febris intermittens initium, atque ejus causam proximam, sta-  
tuit inertiam liquidi nervosi, quam febris sequetur, vel & comitabitur illa.

h. 2.

liqui.

liquidi arteriosi viscosius, id est, impedimentum liberi ejus motus per vasa, uti modo dictum fuit.

Plura jam huic opinioni favent: dum enim in initio paroxysmi videmus impedimentum nasci, quo minus sanguis arteriosus debita copia & impetu ad extrema corporis ulque pellatur, debet hoc fieri, vel ob immobilitatem liquidi movendi, vel majorem resistentiam canalium, vel defectum potentiarum moventium. Verum quartana laborans homo paucis minutis ante paroxysmum incipientem sanissimus sibi videtur, & vana spe laetatur saepissime, quasi jam omnino a febre liber foret; adeoque vix concipi poterit tam subita in sanguine mutatio, qua uno quasi momento immedie redderetur multo minus credi poterit, tam subito nasci in partibus solidis majorem rigiditatem, qua liquidis impulsis nimis resisterent. Superesset ergo tantum, ut in potentiis, moventibus humores per vasa, tam subitae mutationis causa haereat, sive in illo imperum faciente (*sy inopere*) Hippocrati dicto, quod tam facile, & a levissimis causis mutabile esse novimus. Sic vidi sanissimam virginem, dum glire conspecto terrebarur, illico primum paroxysmum habuisse quartanae, quae dein tota hyeme mansit, verno tempore soluta feliciter: cumque jam per binos menses a febre libera fuisset, mala fortuna iterum, a petulanti puero mortuo glire in vestes projecto, territa quartanae plures paroxysmos passa fuit. In junioribus toties convulsiones observantur illo tempore, dum vel salubris verna tertianae paroxysmus incipit, non obscuro indicio, a mutata conditione subtilissimi liquidi totum systema nervorum, adeo mobile in hac aetate, turbatum fuisse. Vidi in media salivatione, solutis per argenti vivi efficaciam omnibus humoribus, adeoque nullo leniore praediis, tertianam verno tempore ortam fuisse, quae post quartum paroxysmum evanuit. Sed & cortex Peruvianus, efficax illud ad omnes febres intermittentes remedium, adeo pulchrum usum habet in morbis hysteriis & hypochondriacis, qui a nimia mobilitate systematis nervosi, & spirituum *æther* pendunt; inprimis autem profuisse testatur Sydenhamus (*u*) in illis casibus, ubi validissimi ipsam adierant. An forte hinc pater ratio, quare in mobilissimis illis corporibus pertinaciores observantur febres intermittentes, vix curandae nisi cortice Peruviano, qui simul tunc roborante vi tam pulchre prodest. Sed & insignes animi motus, & inprimis tales, qui totam mentem occupant, & diu tenent, quandoque febres intermittentes sanaverunt, dum sic tollebatur, vel mutabatur illa inertia subtilissimi illius liquidi, a qua primum paroxysmi initium pendere videtur. Sic Q. Fabius Maximus Consul, commisso praelio adversus Allobrogum Avernorumque gentes, febris quartana in acie liberatus est (*w*).

Acutissimus Boerllus (*x*) febris exandescenciae causam productivam primam, & immediatam in succo nervo posuit; verum aliquatenus videtur speculationi indulgisse, dum limitare voluit, qualis illa succi nervi mutatio sit, atque causas explicare, unde paroxysmi redintegratio in febribus intermittens

(u) Dissertat. Epistol pag. 519. (w) C. Plin. Secund. Natur. hist. Lib. VII. cap. 50.  
(x) De Motu Animalium part. 2. cap. 22. prop. 225. pag. 289. &c.

tibus pendeat; uti credo patebit unicuique, qui illud capitulum attento perleget animo. Symptomata quidem observata docere videntur, illo tempore, dum paroxysmus incipit, mutari subtilissimi illius fluidi per nervos moti effectus in musculos; quomodo autem hoc contingat, & a quibus causis fiat, explicatu difficillimum videtur. Praestat certe in morborum causis indagandis progredi, quo usque per fidelia observata, & cognitam haecenus corporis humani fabricam licet & in reliquis ignorantiam fateri, quam fictis hypothesibus, quantumlibet etiam ingeniosis, ludere.

Verum illa, quae haecenus dicta fuerunt, tantum spectant primum febrim intermittentium statum (§. 749.); quem mox excipit alter (§. 750.), in quo calor, rubor, pulsus major, & robustior adsunt; adeoque novimus, tunc cor quidem velociter, sed & fortiter simul contrahi, sanguinemque corde contentum valida vi per arterias pelli ad extrema corporis usque: unde scimus illud, quod stagnaverat, resolutum fuisse. In frigore febrili sanguis venosus, circa cor accumulatus, illud quidem irritabat in celeres, sed debiles, contractiones, adeoque debuit altera causa accessisse, quae, robur cordis augeat, vel sublata fuisse illa, quae in frigore febrili praesens cordis robur minuerat, qualiscunque demum haec fuerit. Sanguinis autem major lentor, qui a stagnatione circa cor ortum duxerat, facile superabitur, dum cordis auctae vires illum per vasa pellunt convergentia, unde attritus cohaerentium molecularum ad vasorum latera, & ad se mutuo, adeoque & resolutio concreti fiet: eadem enim causa, quae in sanitate sanguinem a concretionem impedit, aptissima videtur, ut inceperat concretionem tollat. Si vero tempore frigoris febrilis adeo firma cohaesio molecularum sanguinis nata fuerit, ut sic solvi nequeat, tunc suffocatio, & mors sequetur, uti ad §. 749. dictum fuit; quod tamen raro, & vix nisi in senibus, & debilissimis hominibus, contingere observatur.

§. 756. **A** Deoque, quum ordo hic (749. 750. 751.) semper in febre intermittente obtineat, videtur is, qui primum tempus (749.), & primam causam (755.), superare possit, etiam totum illum paroxysmum posse tollere.

Cum ergo ex decursu paroxysmi febris intermittens pateat, frigus febrile cum reliquis symptomatibus illud comitantibus agmen ducere, & deinde calorem sequi, atque ultimo sudorem cum omnium symptomatum remissione, videtur curatio febris talis hoc imprimis requirere, ut primum illud tempus, frigus nempe, & prima illa causa, viscositas nempe liquidi arteriosi, & inertia fluidi nervosi, superentur: tunc enim reliqua febris symptomata cavebuntur, cum nunquam sequantur illa, nisi priora praecesserint. Hinc fundamento innititur pulcherrima illa methodus febres intermittentes curandi, de qua statim §. 761. dicendum erit; dum nempe aperiente, tenui, diluente liquido repletur corpus, & una alterave hora, antequam novus expectetur paroxysmus, excitatur sudor; sic nempe attenuatis humoribus, & dilutis cavetur liquidi arteriosi viscositas, vasa sunt optime pervia, humores omnes mebris

Ies, simulque blando colore, sudorem comitante, cavetur febrile frigus. Quibus autem in casibus haec methodus tentari possit, & quas cautelas requirat, postea dicitur. Pessime enim agitur, dum calidissimis aromaticis frigus illud sepius intermittens superare, vel praecavere tentant Medici; magnum enim discrimen est, ne insanabiles inflammationes sic nascantur, dum frigus febrile secururus calor fervidissimis illis remediis nimis incenditur, de qua re videantur illa, quae ad §. 624. dicta fuerunt. Videntur autem & Veteres Medici in illa opinione fuisse, quod primum illud tempus febrium intermittens praecoccupari deberet, excitatio per balnea, frictions &c. major calore, & blando sudore. Sic Celsus [y] ad curationem horridi febrilis laudat, ut sub expectatione proximae accessionis in balneum deducitur aeger, dandaque opera est, ut per tempus horridi in solio sit: hoc autem & sequentiis paroxysmis repetendum voluit, & frictions adhiberi. Neque desiderandum est, etiamsi horridi redit. Saepae etiam pertinacia juvenis malum corporis vincit [z]. Ubi vero post aliquot accessiones balneum non profuit, jubet, ut ante accessionem alium edat, aut bibat calidam aquam cum pipere: siquidem ea quae assumpta calorem movent, qui horrorem non admittit [a]. Quantum autem prudens usus calidorum aromaticum, si multa aqua diluantur, prodesse possit, in cura harum febrium patebit. Sufficiet hic notare, quod magnam spem curae in hoc posuerit Celsus, ut frigus febrile, calore excitato, praecoccuparet. Unde & in curatione [b] quartanae iussit, aegrum, qua die febrem expectabit, surgere, & exerceri; dareque operam oportet, ut in ipsam excitationem febris tempus incurrat: sic enim saepe illa discutitur.

§. 737. **D**Ein, quum infinitae causae, eaeque satis exiguae, possint primum statum (749.) febris perfecte intermittens (727.), ejusque causam (755.) producere; atque tales plurimae in ipso corpore nasci, crescere, & dato tempore adollescere queant, ut in omnibus in corpore natis, atque secretis, li- quoribus sit, difficilius est ex infinitis possibilibus natam jam distinguere, quam unam possibilem excogitare, qua posita ratio periodorum dari ex legibus oeconomiae nostrae possit: id autem examinari patescit.

Sequitur jam illud, quod omnium Medicorum animos fere torfit, utpote explicatu difficillimum; quare nempe certis periodis rodeant febrium intermittens paroxysmi, cum in continuis febribus uno impetu ab initio ad finem morbus pergat.

Fuit in illa opinione Sydenhamus [c] continuarum, & intermittens febrium discrimen in eo praecipue versari, quod intermittentes partibus vicibus, ac diversis temporibus illud efficerent, quod continuas non interrupto motu febrili praestant: atque inde voluit, in febribus intermittens circiter idem tempus impendi, ad mutandam, subigendam, & expellendam febri- lem

(y) Lib. III. cap. 22. pag. 142. (z) Ibid. (a) Ibidem. (b) Idem cap. 25. Lib. III. pag. 146. (c) Sect. I. cap. 5. pag. 106.

lem materiam, ac in continuis sit. Dum enim febris continua, omnium frequentissima, quatuordecim dierum spatium decursum absolvit, trecentae, & triginta sex horae numerantur; totidemque circiter horas impendere quartanam febrem, credidit, quae sex mensium spatium suum desumptionsi molitur. Utunque tamen indulsisse huic opinioni videtur magnus ille vir, dum quinque horas cum dimidia singulis quartanae paroxysmis tribuit, qui saepissime tamen longiori tempore aegros tenent. Interim tamen & huic difficultati, uti & alteri, quae a majore quartanarum diuturnitate habetur, utunque respondet, dum notat & in continuis febribus, sive ob minus facile subigendam morbi materiam, sive ob perverfam curationis methodum, quandoque longiorem observari moram, antequam illa desumptio obtineri possit. Omnia autem haec monuit intelligenda tantum esse de illis febribus, quae statim quandam naturam atque habitum nasci solent (d): plurimae enim febres tam continuas, quam intermittentes sunt, quae ad destinatam illam periodum non pertingunt, dum in puris juvenilibus corporibus a levi quadam offensa, ex abusu sex rerum non naturalium orum habeant, & cito sanantur. Agit autem hic loci Sydenhamus de febribus intermittensibus autumnalibus, quae & diuturniores, & curatu difficiliiores, esse solent, atque saepe eodem tempore cum febribus continuis epidemice grassantur.

Videntur autem & Veteres Medici quandam pariter affinitatem constituisse inter febres continuas, & intermittentes. Postquam enim Hippocrates (e), primum acutorum morborum insulsum quarto die terminari dixerat; secundum ad septimum diem; tertium ad undecimum &c. donec per quaternarium, vel septennarium numerum ascendendo ad sexagesimum pervenit [vide de his illa, quae §. 641. de diebus criticis habentur]; tandem subiungit sequentia: *Fit autem & quartanarum constitutio ex huiusmodi concinnitate*. In Commentariis suis in hunc locum Galenus [f] notat, quod uti in febribus continuis dies numeramus se mutuo sequentes absque interruptione, sic in intermittensibus numerandae sunt accessiones; adeoque quod in continuis febribus septimus dies post, idem in intermittensibus septima accessio valet: atque etiam quam quartus dies ad septimum in continuis habet rationem, eandem intermittensium quarta accessio ad septimum. Cum autem septimus dies toties criticus sit in febribus continuis, ita etiam & exquisita tertiana septima accessione solet terminari. Ex his autem conclusit Galenus, quod Hippocrates concinnitatis [xq] vocabulo intellexerit dierum criticorum ordinem; sic tamen, ut febrium quartanarum judicia non dierum, sed accessionum numero limitarentur. Cum autem Hippocrates hoc in loco sexagesimum diem tanquam limitem acutorum febrium statuat, si sexaginta accessiones quartanae numerantur, habebitur semestris spatium, quod plerumque quartanae, ab autumnii initio in ver usque decurrentes, complere solent. Uti autem antea notatum fuit, morbos acutos, ex decedentia nempe distos (vide §. 364.), quandoque in longius spatium adhuc excurrere, & idem in quartanis observatur.

h 4

Magna

(d) Ibid. pag. 107. (e) In Prognostico Charter. Tom. VIII. pag. 666. (f) Ibidem;



Magna tamen hic difficultas manet, dum non patet ratio, quare febris intermittens partitis ~~modis~~ hoc faciat, quod continua uno decursu absolvit. An febris intermittens singulis paroxysmis partem materiae febrilis subigit, & expellit de corpore? An vero expulsa omni illa materia, vel subacta, quae in singulis paroxysmis adest, certo temporis spatio novæ renascitur, quæ paroxysmum redintegrat? Subtilissima certe hæc speculatio videtur, & quæ meretur, ut omni cura expendatur, quantum nempe fidelibus observatis, & casto ratiocinio in obscura hac re fieri poterit.

Observavit Sydenhamus [g], quod in febre acuta continua, quæ bene tractata circa decimum quartum diem blando sudore solebat finire, si cathartica, vel clysmata intempestivo usu adhibita forent, fallax quidem levamen perciperent aegri, imo & quandoque integra apurexia frui viderentur; interim tamen, non evacuata rite per criticum illum sudorem materia febrili, post unum alterumve diem nova febris accendebatur, quæ idem quatuordecim dierum stadium percurreret denuo, & similem curam requirebat, ut prius. Familiare est in morbis acutis, ut imperfectæ crises accendant, quibus pars tantum materiae morbosæ evacuat, unde post aliquot dierum apurexiam, de novo febris insurgit, donec alia sequente critica evacuatione integre, vel & pro parte corpus liberetur: plures enim crises quandoque contingere in morbis patuit ex illis, quæ dicta fuerunt, quando de crisi §. 387., & de diebus criticis §. 741., agebatur. Patet ergo materia febrili pro parte tantum subacta, vel expulsa, redire febrim, quæ jam cessaverat; adeoque non repugnaret illis, quæ in morbis contingere novimus, si & a simili causa februm intermittentium paroxysmi redirent. Notandum tamen est, quod illæ recidivæ in morbis acutis, imperfectæ crisi terminatis, nunquam definitum tempus observent, uti fit in februm intermittentium paroxysmis, licet sæpe quodam die ex decretoriorum numero contingere soleant, uti dictum fuit ad §. 737.

Praeterea, licet singulis paroxysmis pars causæ materialis febris subigeretur, nulla patet ratio, quare residui illius copia, vel actuositas augeretur alio temporis intervallo in singulis intermittentium speciebus; sic ut in quotidiana febre post duodecim v. g. horas; in tertiana post triginta sex &c. paroxysmus rediret. Verum etiam absque ulla evacuatione sensibili impeditur futurus paroxysmus, dato cortice Peruviano, uti omnibus notum est. Quamvis enim (uti postea dicitur ad §. 767.) quidam voluerint, corticem Peruvianum tunc tantum tuto, & absque recidivæ metu febres intermittentes sanare, dum post ejus usum sensibiles evacuationes sequantur per alvum, sudorem &c., tamen negare nequit, jam cessasse febrim corticis hujus efficacia, antequam illæ evacuationes contingunt, adeoque non posse adscribi febris intermittens sanationem in tali casu expulsionem materiae morbosæ.

Similes difficultates apesse videntur, si statueretur, singulis paroxysmis evacuari, vel subigi materiam tunc præsentem, intermedio vero inter paroxysmos

mos tempore accumulari novam, sequentia paroxysmi unicam causam; & somitem: Certe quartana laborantes, quadrante horae ante paroxysmum, omnium optime se habent; quo tempore tamen praesto deberet jam esse materia illa morbosa, quae mox tantas excitabit turbas.

Quamvis autem negari nequeat, corruptos humores, indigestiles cibos, & plura alia §. 586. enumerata febrem excitare; adeoque a similibus, certo temporis intervallo corpori applicatis, videantur produci posse febrium intermittentium paroxysmi varii; tamen haec sola sufficere non possunt, sed praeter haec aliud quid requiritur; uti patebit, si considerentur sequentia. Dum tertianam autumnalem passus aeger, atque jam ab illa liber per aliquot dies, lardi, fumo, vel sale durati, magnam copiam comedit, vel incautus se aeris injuriis exponit; redit saepissime febris pristinum typum servans. Verum & quartanarius, verno tempore a sua febre jam liber, ab iisdem dietae erroribus quartanae recidivam patitur. Fuit ergo in his aegris latens dispositio, & diversa quidem, quae ab iisdem causis excitata in uno tertianam, in altero quartanam febrem fecit; adeoque febris intermittens in binis talibus hominibus diversitas non a nova illa causa accedente, quae in utrisque eadem ponitur, sed a dispositione praeeistente, in singulis diversa pendet. Patet ideo, accumulata tempore intermedio inter paroxysmos febrium intermittentium materiam quandam posse quidemungi vice causae excitantis, sive occasionalis; praedisponentem tamen causam ab hac omnino diversam esse. Videantur illae, quae de causis praedisponentibus; & occasionalibus, sive excitantibus, in Commentariis §. 11. & 586. dicta fuerunt.

Causam autem illam praedisponentem, qualiscunque demum haec fuerit, limitare febrium intermittentium varias species, confirmatur ex illis, quae observantur in paroxysmorum reduplicationibus. Sive enim materiae febrilis, causae nempe occasionalis, & excitantis, excessus, & nimia activitas reduplicationem paroxysmi fecerit, quo in casu paroxysmum adventitium praecedere primum notavit Sydenhamus (b); sive prostratis nimis aegri viribus non potuerit expelli de corpore vel inera reddi illud, quod paroxysmum excitaverat, ideoque novus paroxysmus substituatur, ut illae reliquiae superentur, in quo casu paroxysmus adventitius primum sequitur, & mitior esse solet, uti monuit idem Auctor; in utroque tamen hoc casu novus paroxysmus primarii indolem sequitur, & in tertiana duplicata; v.g., singulis paroxysmi verae tertianae febres sunt, qui alternis diebus accessionis horae, anticipatione, vel retardatione, & symptomatibus variis, sibi invicem respondere observantur. Idem in quartanis febribus, etiam triplicatis, verum est. Patet ergo iterum, causam excitantem sive occasionalem, licet saepius eodem temporis intervallo renatam, vel actuosam redditam, tamen facere ealem febrem intermittentem, qualem praedisponens causa determinat.

Dum ergo tertiana autumnalis (in vernalibus enim hoc rarissime, vel nunquam observatur) in quartanam degenerat, admodum probabile videtur, illud non fieri ideo, quia causae excitantes longiori temporis spatio accumu-

lantur

(b) Sc3. I. cap. 5. pag. 96. 97.

hantur, vel astubusae fiunt, sed quia causa illa praedisponens mutata fuit. Unde etiam patet, causas illas praedisponentes diversas quidem esse in singulis febrium intermittentium speciebus, attamen magnam affinitatem habere, cum inter se toties permutari observentur.

Quenam autem illa praedisponens causa sit in febribus intermittentibus, an in solidis, an in fluidis partibus, vel utrisque haerens, & in quibus, & quanam ejus in singulis febrium intermittentium speciebus diversitas sit, explicatu difficillimum videtur. Adeo enim haec causa latere potest in corpore, ut nullo indicio se manifestet, donec ab alia causa occasionali, sive excitante, in actum deducatur. Dum enim diu quartana laboravit homo, postea ab illa sanatus, & in omnibus functionibus optime se habens, tamen a cibis copiosioribus, vel difficilius digestionis assumtis, potu copioso, aeris frigore, animi affectibus &c. morbi sui recidivam patitur. Observavit hoc *Celsus* (i), ubi de quartanae curatione agit, atque ideo monuit sequentia: *si febris quievit, diu meminisse ejus diu curvatus; eoque vitare frigus, calorem, crudelitatem, lassitudinem. Facile enim reviviscit, nisi a sano quoque aliquamdiu timetur.*

Variae fuerunt circa hanc rem auctorum opiniones. Bilem tertianae febris causam accusavit *Galenus*; in quotidiana febre pituitam, in quartana febre autem, adeo saepe diuturna, atrabilarium humorem, ejusque cloacem, uti putabat, lienem, pro fomite posuit; uti passim ex ejus scriptis apparet. Circa stomachum, duodenum, & pancreas, nidum intermittentium febrium post *Fernelium* posuit *Helmstadius* [K]. In glandulis abdominalibus illum quaesiverunt alii &c. Verum patebit, credo, ex haecenus dictis, quod causas occasionales a praedisponente non distinxerit; imo & quandoque mutationes humorum, per febrem factas, pro ejus causa habuerint.

Si autem considerentur illa, quae ad §. 755. & 756. dicta fuerunt, satis probabile videtur, causam illam praedisponentem haerere potius in subtilissimo fluido, vel in vasis minimis, per quae illud movetur, aut communi omnium horum origine, encephalo. Prima enim ingruentia paroxysmi phaenomena docent, aliquid in his mutatum esse: mobilissimis in genere nervoso infantibus convulsionibus toties adsunt; foli animi motus validi, & subiti febrem intermittentem excitaverunt, atque iterum febrem sustulerunt quandoque. Quamvis autem autem animi affectus spiritibus, nervis, encephalo mutationem inducere valeant, neminem later. Cortex Peruvianus, qui tantum usum habet in sistematate nervoso roborando, & inordinatis spirituum motibus compescendis, qualvis febrium intermittentium species debellat, licet etiam nullas sensibiles evacuationes fecerit; adeoque videtur tantum in causam illam praedisponentem agere. Paralytes, & Epilepsiae, nervosi sistematis morbi, per febres intermittentes sanantur felicissime. Inunctiones spinæ dorsæ, aromaticis penetrabilissimis ungentis factae, toties ad curandam febrem intermittentem profuerunt; uti postea §. 761. dicetur, quorum efficacia in aliis nervorum morbis adeo nota est.

Videatur

(i) Lib. III. cap. 16. pag. 147.

(K) De Febribus cap. 3. N. 18. pag. 748.

Videtur & haec opinio confirmari ex illa observatione *Sydenhami* (1), cuius ad §. 751. mentionem feci; quod nempe in quadam constitutione epidemica febrium intermittentium paroxysmi non invaderent cum rigore, & horrore; verum aegri iisdem plane symptomatibus tentarentur, ac si vera apoplexia laborassent. Videtur tunc causa illa febris validior non turbasse functiones encephali, sed oppressisse penitus pro tempore. Latentem sub hac larva febrim ex urina, intense rubra, cum sedimento lateritio, detexis *Sydenhamus*, & corticis Peruviani usu debellavit feliciter. Monet autem, evacuationes, quae ad apoplexiam curandam commendantur, hic nocuisse.

Uti jam in nervis muscularum motui inservientibus, sive in horum origine, aut tenuissimo fluido per illos moto, talis mutatio certo tempore, contingit, ut tremor, lassitudo, debilitas &c. initium paroxysmi febrilis comitentur; sic idem videtur quandoque fieri in nervis sentientibus, tuncque dolores molestissimi certis periodis affligunt. Consultus fui nuper adhuc a nobilissimo viro de hemicrania, quae quotidie eadem hora redibat, per octo horas assigens satis acriter, dein sensim decrefcent, tandemque evanescens penitus. Epithemata capiti applicata, vesicatoria, epispastica pedibus adhibita, purgantia &c. profuerunt nihil omnino: cortice autem Peruviano exhibitio, cessavit illico molestissimum illud malum. Dum autem inciperet ille dolor, indicabat illum locum primo affici, ubi ex foramine superorbitali ramus quinti paris emergit, deinde sensim per totum dimidium capitis latus dolor dispergebatur. Interim tamen nulla in pulsu mutatio observabatur illo tempore, dum dolor aderat, & in reliquis omnibus functionibus optime se habebat. Similes tales casus plures mihi occurrerunt, sed inprimis sequens maxime memorabilis. Viro sano, robusto, mediae aetatis, quotidie eadem hora oriebatur molesti doloris sensus in eodem illo loco supra orbitam oculi sinistri; ubi nervus per foramen ossis frontis egreditur; post aliquod tempus incipiebat oculus sinister rubere, & lacrymis disfluere; deinde sentiebat, ac si oculus sensim extra orbitam protruderetur cum tanto dolore, ut fere fureret. Post aliquot horas omnia haec mala cessabant, & nihil in oculo mutatum omnino apparebat. Venam secari curavi, purgantia antiphlogistica dedi, cucurbitas nuchae applicui saepius, vesicatoria adhibui &c. sed in cassum omnia. Ut autem mirum, hanc morbum cognoscerem, adfui illo tempore aegro, dum noverat rediturum dolorem, atque omnia memorata symptomata vidi; in pulsu tamen ad carpum explorato nihil mutatum inveni. Monebat aeger, dum ipsi afflictebam, quod in cantho oculi majore pulsationem sentiret validam: applicui apicem minimi digiti arteriae, quae circa canthum majorem oculi facis insignis decurrit, dum altera manu pulsus in carpo explorabam; sicque manifeste percepi, arteriam illam in cantho oculi celerius pulsare, & simul longe fortius, quam naturaliter solet. Febrim ergo adesse, sed topicam credidi; atque cortice Peruviano exhibitio curavi feliciter: & ex illo casu didici, postea in aliis similiter eadem medela uti.

Am

(1) *Epist. Resp.* 2. pag. 387.

An ergo febris intermittens vera quandoque non totum corpus, sed tantum quandam ejus partem occupat? Probatum fuit in Commentariis §. 831., ubi de inflammationis definitione agebatur, topicam talem, & partis affectae tantum, febrim revera obtinere, quae universum corpus non afficiat, sed in parte inflammata arteriarum pulsus tantum mutet. Et videtur modo dicta demonstrare, idem quandoque & in febribus intermittentibus verum esse. Sed & Historia Medici plures tales observationes habet, quae hoc confirmare videntur. Sic homini per sex septimanas quotidie circa horam septimam matutinam brachium dextrum valido frigore corripiebatur, reliquo corpore naturalem calorem servante: circa octavam horam rigor, & tremor digitorum, & manus aderant; trihorio elapso sequebatur ingens calor; hora duodecima cessabant haec omnia, sequenti die eodem ordiae reditura (m). Post tertianam, per calidissima remedia in febrim acutissimam mutatam, sequebatur anomala febris intermittens, quae pluribus paroxysmis uno, & eodem die affligebat virginem viginti, & duos annos natam. Dabantur tunc aliquot corticis Peruviani doses, & postea inter alia plurima anomala symptomata observabatur alterutrum crus quotidie eadem hora tremere, dein calefcere, & sudare, dum in reliquo corpore nihil simile deprehendebatur (n). Huic affinis casus etiam legitur alibi (o).

Illa autem febrium intermittentium causa praedisponens, quam haerere in tenuissimo Buido, vasis minimis illud continentibus, aut horum origine, admodum probabile est, uti ex ante dictis patuit; variis causis accedentibus videtur in actum deduci posse. Frigus enim subito admissum, indigestiles cibi assumpti, animi affectus validi, purgantibus excitatae in corpore turbatae, & plurima alia huc facere possunt; uti quotidiana observatio omnes Medicos docet. Sic notavit Sydenhamus (p), post febres autumnales intermittentes sanatas requiri cathartin; illaque neglecta, vel recidivam febrim, vel alios saepe periculosos morbos metuendos esse: simul autem monet, dato cathartico, post finitam ejus operationem paregoricum remedium hora somni dandum esse, quo cavetur, ne occasione tumultus, quem vel mississima excitant cathartica, redeat febrilis paroxysmus.

An autem causa haec praedisponens semper alia causa occasionali indiget, per quam in actum deducatur? Certe & hoc dubium videtur; quamvis negari nequeat, a causis accedentibus posse excitari praedisponentem illam causam, cum jam sopita, & iners videbatur. Dum enim quartana febre homo sanus corripitur, & paucis adhuc paroxysmis defuncta haec febris, illisque non admodum validis, nondum mutavit multum solidas fluidasque corporis partes, ne acutissimus quidem Medicus, instante jam paroxysmo, aliquid detegere poterit mali. Praeterea causae illae occasionales sopitam illam causam praedisponentem non videntur adeo excitare quovis tempore, sed praecipue tantum illo, quo redire solet paroxysmus: unde Celsus, uti modo dictum fuit, jussit, ut a quartanis curati caverent illum diem, quo paroxysmus corripere sole-

(m) Miscell. curios. dec. 1. ann. 3. pag. 387.

(n) Medical Essays Tom. I. pag. 295.

436. (o) Tom. II. pag. 302.

(p) Sect. I. cap. 5. pag. 119.

solebat; sic indicans, aliis diebus recidivae discrimen non adeo metuentium esse. Memorabilem casum accidisse novi, qui hoc confirmat. Homo laboraverat quartana tota hyeme, & absque cortice Peruviani usu verno calore sensim minuta febris discesserat, corpus perfecte sanum relinquens. Per quinque jam menses ab hac febre liber, dum cum amicis piscabatur, ab illis joci causa, in retis fundum, dum illud in terram attrahebatur, projicitur. Mox incepit frigere, tremere, & paroxysmum febrilem habuit; qui deinde, quarta quavis die rediens, per aliquot septimanas detinuit hunc hominem. Cum autem monitus fuisset die paroxysmi cavendum sibi adhuc esse, licet a febre sanus esset, per trimestre spatium, postquam a febre liber fuisset, sollicite hoc observaverat; in ephemeridibus suis asterisco tertium quemque diem notans; sicque invenit, illud infortunium sibi contigisse illo die, quo quartana, si eo usque perseverasset, accedere debuisset.

Videtur inde concludi posse, causam illam praedisponentem, vario temporis intervallo in variis intermittentibus, saepe ad horae punctum aptam fieri, ut in actum deducatur simulque illam saepe in actum deduci, licet attentissima observatione nihil detegi possit in corpore, quod causae occasionalis vice fungatur. An ergo illa causa praedisponens se ipsam excitare valet? An ibi, ubi haec causa praedisponens latet, adest & causa illam excitare potens, sed determinato tantum tempore? Certe, si ultimum statuatur, nemo excitantem causam a praedisponente distinguere poterit, cum ambae in subtilissimo fluido, minimis vasis, vel communi horum originae haereant, solisque effectibus suis se manifestent.

Verum quidem est, plurima in corpore humano determinato temporis spatio fieri in sanitate ipsa: sic consueta hora in pluribus hominibus fames, somnus, vigilia &c. observantur: humores a sanguine secretos, bilem v.g., succum pancreaticum, salivam, mucum &c. determinata quadam copia intra datum temporis spatium colligi posse, admodum credibile videtur; pluraque similia supponi possent, ut explicaretur, quomodo renata quaedam causa occasionalis definito quodam temporis spatio praedisponentem febris causam in actum deduceret. Si tamen severo examine ponderentur tales hypothesi, quae in principiis nituntur, patebit satis, non respondere illis, quae in febribus intermittentibus observatur. Licet enim purgantibus; vel emeticis quicquid in ventriculo, vel intestinis haeret, vel ex visceribus vicinis in illa deferretur, expellatur, non tamen ideo curatur febris intermittens; sed contra saepe tali methodo tractata pertinacior adhuc redditur, & altiores radices figit; uti notavit *Sydenhamus* (g). Quin imo a febribus intermittentibus dum emergunt homines, si illis purgans detur, antequam jam satis diu cessaverit febris, redit contumacior (r). Et dum cortice Peruviano destitit febris, aliquis credere posset, accumulari tunc illam materiam, quae singulari paroxysmi eliminari solebat per sudores, aliasve evacuationes; adeoque

(g) Sect. I. cap. 5. pag. 114.

(r) Ibid. pag. 148.

adeoque profuturum purgans remedium. Verum monuit *Sydenhamus* (f), a levissima etiam cathartica, imo & ab enemate molissimo ex lacte saccharato, accidivae periculum imminere. Dum quartana per mediam salivationem, pergebat, exacte typum suum servans, & tertiana verno tempore in media salivatione adoriebatur hominem, uti me observasse alia occasione, monui, fateor me non potuisse concipere, quomodo tantis turbis in corpore excitatis, & solutis argenti vivi efficacia humoribus, certo tamen temporis spatio colligeretur aliquis fomes in corpore, qui paroxysmum excitaret.

Videtur ergo, ex omnibus his conduci posse, probabilem esse hanc opinionem, quae statuit, febrium intermittentium causam in subtilissimo fluido, vasis illud continentibus, vel communi horum origine encephalo, haerere; illamque causam determinato quodam tempore in actum deduci; interimque non constare, quod haec latens febrium causa semper indigeat quodam fomite, intra paroxysmorum intervallum collecto, per quem actuosus fieret; cum observata doceant, paulo ante paroxysmum saepe nihil inveniri omnino, quod in solidis, vel fluidis corporis partibus culpari posset, nullumque occurrere signum laesarum functionum, cum paulo post turbentur fere omnes.

Quaenam autem mutatio facta in subtilissimo fluido, vasis minimis, vel encephalo, hanc intermittentium febrium causam constituat; quae determinato tantum spatio temporis haec nascatur, vel actuosus fiat: eum *Sydenhamus* (g), aliisque summis in arte viris, me omnino ignorare fateor. Tantum illa posui, quae observata docere videntur; sicque erraverim, saltem hoc nomine veniam mereor, quod & in his, & aliis omnibus plura vel meliora doceri me paratissimum profitear.

Quamvis autem latens haec febrium intermittentium causa non videatur indigere collecto quodam fomite, ut determinato temporis intervallo paroxysmum renovet, interim tamen negari nequit, collectos humores morbosos efficere posse, ut his irritata haec latens causa validius, & fortius aegros affligat. Sic in tertianis autumnalibus, dum corrupta bilis in primis viis haeret, illa sponte, vel arte evacuata, sequens paroxysmus longe mitior esse solet; adeoque haec quidem concurrere possunt cum hac latente causa, dum interim haec absque illis actuosus fieri potest. Si enim indigestiles cibi, frigus subito admissum, lassitudo &c. diu sopitam hanc, & intertem causam excitare valent, cur non ab iisdem posset augeri ejusdem efficacis illo tempore, dum adhuc ex se ipsa actuosus est? An ab illis concurrentibus causis paroxysmorum retardatio, vel anticipatio pendet semper? Vix videtur. Verum quidem est circa illud tempus, quo paroxysmum accedere solet, illam latentem causam magis quasi irritabilem (sic venia huic vocabulo) esse, uti patuit ex antedictis; adeoque a collectis lordibus excitari posse paroxysmum ante solitum tempus, non omnino improbabile videtur; interim tamen etiam in talibus febribus, in quibus nulla cacoehymiae signa deseguntur, paroxysmus citius, vel serius venit quandoque, & quidem sic, ut singulis vicibus eodem

tem

(f) Epist. 2. Respons. pag. 386.

(g) Sect. I. cap. 5. pag. 97.

temporis spatio anticipet vel retardetur, unde potius latenti illi febrim intermittentium causae regularis illa anticipatio, vel retardatio paroxysmi tribuenda videtur. Hoc etiam confirmatur ex illis, quae observavit Sydenhamus (u). Vidit enim, dum ingens agmen febrim intermittentium autumnalium simul invaderet, illarum paroxysmos plerumque una eademque diei hora contingere, accessibus nunc praeruptis, nunc postponendis, simili plane modo, aequae eodem tenore, nisi quod accidere quae, ut ordo ille, medicamentis adhibitis, quae retardandi, vel praecipitandi vi possent, in quibusdam corporibus immutetur, vel perturbetur. Vix certe credibile videtur in tot aegris, aetate, sexu, vitae genere, temperie, diversis, humores morbosos eodem praecise temporis intervallo accumulari potuisse, si, ut huic causae tribus posset paroxysmorum renovatio. Unde etiam Galenus (vv) monuit, solam anticipationem non esse habendam pro incrementum morbi; quod tamen deberet fieri, si ab accumulatione humoris morboi breviori temporis spatio citius renovaretur paroxysmus. Sic autem habet: *Nam anticipatio sola per se ipsam non est sufficiens signum incrementi, quod saepe morbi proprietatem consequitur potius, quam quod per eius incrementum fit, quum, & quantam, & ternam, & quondam circumscriptionem usque ad integram solutionem ipsa anticipare vis fuerint.*

Videtur ergo potius ab epidemico miasmate excitari febris intermitteas, simulque in primis spiritibus, nervis, vel horum origini eburnum talis character, per quem stato tempore paroxysmus renovatur. Quamvis autem per febrim excitantur novis humores, antea febrim natam praeefficientes, vel & febris tempore nasci, vel collecti expellantur de corpore, obstrukciones plurimae in visceribus haerentes solvantur; adeoque febres illae saepe medicamentis virtutem exerceant ratione aliorum morborum; tamen & absque his omnibus perennare posse videntur, quandiu illo impressus character manet. Ad ergo tales febres intermitteas, absque ullo vitio observabili solidorum, vel fluidorum partium corporis, spiritibusque dicenda essent? Certe jam Galenus (x) moderat sequentia: *Distinguerent autem oportet in singulis degredientibus, primum quidem si suo loco affecto febris sit, & humorum praesentia, vel quibusvis accidentibus operetur, solo spiritus alterato.*

Vidimus autem antea, illum characterem sic latitum manere posse, ut nullo signo se manifestet; & tamen a causa quadam occasionali excitari denuo & postea (quod maxime notandum) sua vi novos paroxysmos febriles faceret; quamvis non renovetur causa occasionalis, quae sopitum, & inertem istum characterem excitaverat. Unde etiam videtur impressus ille febris intermitteas character solus, sic tamen, aut insignis nervum amplius erumpere nequeat; atque tamen diu superesse valent irritabilitatem; ut ab aliis multis, & diversis causis iterum actuosus fieri possit.

In hunc characterem agere videtur cortex Peruvianus, toties febres intermitteas absque ullis evacuationibus, vel aliis mutationibus sensibilibus tollens, sic tamen plerumque, ut potius reditas in potest, nisi respectu ejus ulu tandem integre deleatur; de qua re §. 767. dicendum erit.

Inter

(u) Ibid. pag. 204. (vv) De Crisibus Lib. I. cap. 3. Charter. Tom. VIII. pag. 398.

(x) De Crisibus Lib. II. cap. 7. Charter. Tom. VIII. pag. 406.



Inter illas vero causas, quae sopitum illum characterem, nondum tamen omnino deletum, excitare solent, prae reliquis frigus valere videtur. Certe subito, & valido frigore corpori applicato homo pallet, horret, rigit, tremat, adeoque plurima excitantur symptomata, quae febribus intermitten- tibus (§. 749.) comitantur. Imo a frigore videtur sperasse *Celsus* [uti alia occasione in Commentariis §. 589. dictum fuit] mutationem lentae continuae febris in intermittentem. Dum enim in tali febre, nec cibo, nec remedio locus est, unicuique hoc superasse voluit, ut Medicus morbum muret, *Saepe igitur ex aqua frigida, cui oleum sit adjectum, corpus ejus pertractandum est; quoniam interdum sic evenit, ut horror oriatur, & fiat initium novi motus, ex quo eo, cum magis corpus incaluit, sequatur etiam remissio.* An ideo inter- mittentes vernae citius finiuntur, quod aestivus calor illas excipiat; au- tumnales vero, aucto quotidie frigore, pertinaciores; & quartanae fer- tantum calore verno solvantur?

Ille autem character febrium intermittentium adeo saepe fixus inhaeret, ut nullis fere remediis se tolli patiatur. Suspendi quidem potest, dato cortice, ejus aetuositas pro tempore, sic tamen, ut postea semper recidiva fiat. Observaverat hoc *Sydenhamus* (y); monuitque tunc prudentis Medici esse, non nimium pertinaciter corticis usui insistere; verum alia potius methodo febrem aggredi. Novi per septem integros annos quartanam durasse, silentem sponte sua quandoque, vel cortice sumto, per aliquot septimanas, redeuntem tamen postea. *Messierius* Romae vidit matronam, quae viginti duobus annis quartana laboravit (z). Pertinaces autem tales febres, quae anni spatium excederent, nunquam me observasse memini, nisi in cacochymicis corpo- ribus, quibus viscera, imprimis abdominalia, obstrueta erant; unde fere semper abdominis tumor, color ictericus &c. simul aderant. Cum autem antea dictum fuit, silentem jam febrem excitari posse, dum lardum v.g. aut similes indigestiles cibi assumti fuissent, non videtur improbabile, simile quid protractarum talium febrium causam facere. Si enim ante febrem in- termittentem natam cacochymicum corpus fuerit, & obstrueta viscera ha- buerit, vel per febrem ipsam talia mala producta fuerint [vide §. 753.], ingestorum debita praeparatio in primis viis deficiet; adeoque similia mala hic potuerunt fieri, ob defectum virium concoquentium, quae in sanis, sed debilioribus, hominibus ab ingestis difficilioris digestionis cibis contingunt. Unde patet ratio, quare in tali casu febris intermitte-ns, ex sua indole jam minuenda, increseat denuo, vel sopita jam excusetur iterum, sicque in longum temporis spatium excurret. Forse etiam eo difficilius deleatur impressus ille character, quo diutius inhaeserit.

Cur ergo paroxysmi geminantur quandoque, si latae v.g. febribus tertianae character alterius tantum diebus ex sua natura aetius fiat? Certe eadem illa causa, incognita nempe illud epidemicum, quae unam tertianam fecit, & intercalari die alteram excitare poterit. Praeterea videtur admodum vero-

simile, ut

(y) Epist. 2. Responsoria pag. 385.

(z) Estmüller, Tom. II. pag. 302.

simile, etiam liberis a paroxysmo diebus adesse talem dispositionem, quae sorte ex se sola in actum non veniret, aliis tamen causis accedentibus excitari posset, & dein propria sua vi paroxysmos renovare, licet absint causae illae, quae illam primo excitaverant; eodem modo, ut intermittens febris, sponte sua cessans, a similibus renovatur, ut antea dictum fuit. Plurima autem favent huic opinioni: sic graviore in diaceta commissi errores non tantum validiores efficiunt quartanae paroxysmos, verum etiam ex simplici quartana duplicatam, vel & triplicatam, facere docent quotidiana in praxi observata. Autumnales febres, in quibus copiosior, & pertinacior adesse solet materia, quam natura per febrim excitatam corrigere, vel expellere satagit, longe frequentius paroxysmos suos geminant, quam vernae febres, in quibus hoc raro contingit: imo etiam ob hanc causam saepe initio autumnii tales febres, ob longiores, & duplicatos paroxysmos, continuarum febrium indolem exacte aemulantur; uti §. 748. dictum fuit. Interim tamen, ut ante monui, geminatae tales febres indolem, & genium paroxysmi primarii servant; sic ut triplicata quartana tribus distinctis quartanis constet; duplicata tertiana ex duabus tertianis componatur &c.

Ex haecenus dictis ergo concludere liceret, febrium intermittentium distinctum, & determinatum characterem in spiritibus nervosis, nervis, vel communi horum origine latere; illumque irritari quidem posse a morbo-  
sis collectis humoribus, ut fortiores, & diuturniores faciat paroxysmos, & sopitum jam a similibus causis excitari posse; non tamen indigere semper collecto quodam fomite intermedio inter binos paroxysmos tempore, ut in actum deducatur, sed propria sua vi paroxysmos renovare posse. Simulque probabile videtur, diebus interealaribus adesse similem dispositionem, quae ab aliis causis in actum deduci posset; & deinde, illis causis quamvis abolitis, pariter pergere.

§. 758. **C**uratio ergo exigit, ut aperientibus salinis, alcalicis, aromaticis, mineralibus, diluentibus, oleosis blandis, calore, motu, fotu, frictione utamur tempore *ἀνυψήσια*, vel & in statu descripto (749.)

In curatione febrium intermittentium primo debet determinari, qualis victus conveniat; sub quo nomine intelligitur rerum non naturalium, aeris, cibi, potus, motus quietis, animi affectuum, retentorum excretorum, somni vigiliae [a] debita moderatio. Cum autem ex praecedentibus constet, frigus aeris nocere talibus aegris, & sopitam jam febrim inde renovari saepius; conducet aeris talis tepor, qualis verno tempore esse solet, quem hyemali etiam tempore accenso loco imitari possumus. Cibi autem, & potus tales debent esse, quales §. 599. descripti fuerunt; hoc tamen cum discrimine, quod in febribus intermittentibus, cum plena *ἀνυψήσια* addit inter binos paroxysmos, adeoque omnes fere functiones in integrum restituantur, validiores

Tom. II. Par. III.

i

cibi

(a) Vide H. Boerh. Institut. §. 745.

cibi, & potus meriores comedi possunt: & quidem eo magis, quo longius intercurrit inter paroxysmos intervallum, & praecipue si hyemale tempus sit (vide §. 602. 5.). Praeterea, cum diurnae quandoque hae febres sint, in primis quartanae, summopere requiritur, ut vires integre maneant; ut, *quod diu sustinendum est, corpus facile sustineat* [b]. Unde patet ratio, quare validiores cibi, & potus hic conducant. Interim tamen opima pinguis, sale, vel fumo indurata, & simili vitari debent, eo quod crudior ex his chylus gravaret corpus; imo & a talibus majori copia ingestis in sano etiam corpore febrim excitari observatum sit [vide §. 386. a.]. Simul etiam cavendum est, ne cibus detur in his febribus circa illud tempus, quo novus paroxysmus expectatur: tunc enim, pluribus functionibus corporis febris tempore turbatis vel laesis, non potest sperari debita ingestorum assimilatio. Quam rem Hippocrates (c) optime monuit, dicens: *Quosunque aegrotantes non continenter febres detinent, sed intermittentes prebendunt, his post accessionem cibi exhibendi; conjectura facta, ne quando a recenti alimento, sed jam concoctis cibis, febris ingruat*. Moderata corporis exercitia tempore intercalari optime prolunt, quia per haec & assimilatio ingestorum, & excretiones naturales per alvum, urinam, transpirationem, optime promoventur. Unde iussit Celsus (d) in quartanae curatione, ut aegri postero die, cum satis quieverint, ambulant, exercerentur, ungerentur, perfricarentur, fortiter; imo etiam profuturum credidit, si daretur opera, ut in ipsam exercitationem tempus febris incurrat, *sic enim saepe illa discutitur*. Ubi autem aegri imbecillitas vetaret exercitationem, gestationem adhibendam voluit; si nequidem hanc ferre posset, tunc frictionem laudavit. Somnus autem longior convenit, ut quassum paroxysmo febrili corpus blanda quiete refocilletur: animi autem affectus moderatos esse debere facile patet.

Solo debito sex rerum non naturalium regimini febres intermittentes verna facile cedere solent, licet nulla alia adhibeantur remedia; uti quotidiana observata docent. Unde etiam Sydenhamus [e] suo arbitrio has febres committendas voluit, nisi importuna aegri impatientia Medici opem efflagitet. Nullum enim unquam verna febre intermittente periisse vidit; adeoque maluit nihil prorsus movere; & in primis evaeuantium remediorum usum damnat, cum per haec pertinaciores longe reddi has febres observaverat.

In autumnalibus vero febribus in primis medela requiritur, verum alio paroxysmi tempore, quam ubi febris abest. Praeterea cum singuli febrium intermittendum paroxysmi in tria tempora dividantur (vide §. 749. 750. 751.), & horum ratione medelae diversitas requiritur. Hac autem paragrapho agitur de illis remediis, quae conveniunt tempore *dropsticus*; vel etiam in ipso febrium intermittenti frigore; sive primo stadio.

Ex illis, quae in Commentariis §. 558. dicta fuerunt, patuit, febrim esse illud naturae instrumentum, quo partes impuras a puris secernat; illamque saepius

(b) Celsus Lib. III. cap. 15. pag. 145.

(c) De Affectionibus cap. 16. Charter. Tom. VII. pag. 717.

(d) Lib. III. cap. 15. pag. 146.

(e) Sect. I. cap. 3. pag. 103.

saepius excitari, ut heterogenea materia, sanitati adversa, expellatur de corpore, vel etiam ut sanguis in novam quandam diathesin immutetur, atque ideo summus in arte viros non semper adeo sollicitos fuisse, ut febrem tollerent, sed tantum ut debito moderamine illam coercerent, ne vel langueret, vel nimio impetu nocere posset. Omnia autem haec & in febre intermittente vera sunt: patuitque tunc difficillimos, & pertinacissimos morbos per febres intermittentes quandoque sanatos fuisse. Dum post aestivos squalores liquidissima sanguinis pars difflata fuit, & bilis acrior, & copiosior, simulque saepe tenacior, circa praecordia collecta haeret; febres intermittentes autumnales epidemice grassari solent, per quas rite tractatas solvitur, & expellitur illud biliosum corruptum, referantur obstructions viscerum felicissime, quae a spissiori, & minus meabili sanguine ortum duxerunt, atque postea integerrima redit sanitas. Contra vero toties funestis exemplis constitit, mala arte per corticem Peruvianum suppressis talibus febribus, antequam causa materialis, cui subigendae, & expellendae destinabantur, sublata foret, languisse aegros, cachecticos, & cacochymicos ex pessimis abdominalium viscerum obstructionibus, imo & saepe inde periisse. Observavit Sydenhamus (f), una cum continua febre tertianam autumnalem epidemice grassatam fuisse, similibus stipatam symptomatibus, & eadem fere methodo curabilem: atque inde conclusit, *Febrim illam continuam intermittentium quasi compendium quoddam esse, & e contra singulos earum paroxysmos compendium hujusce videri; atque adeo discrimen in hoc maxime versari, quod continuas conceptam semel effervescentiam autumae eodemque semper tenore persicerent; intermittentes autem partitis vicibus, ac diversis temporibus eadem defungerentur.* Sedula autem morborum observatione didicerat magnus ille vir, febrem continuam ipsam causam suam materialem optime subigere; adeoque & idem a febribus illis intermittentibus, continuas illi ita similibus, expectare merito licebat. Quae omnia confirmantur ex illis, quae de febris effectibus §. 57. dicta fuerunt: constitit enim tunc, stagnantium agitationem, omnium permissionem, resistentis subactionem &c. per febrem ipsam fieri; atque etiam ad §. 753. probatum fuit, resolvendo, & attenuando agere, febrem intermittentem, dum tria sua tempora percurrit; atque ideo ab inveteratis saepe malis corpus depurare §. 754. dictum fuit.

Omnium ergo optima methodus curandi has febres illa videtur, quae conspirat cum febre, ut solvat concreta, referet obstructa, sicque aequabilem humorum per omnia vasa motum restituat. Conducit ergo, tempore *acutissimae* ingerere talia, quae ob hos effectus aperientia a Medicis vocantur, & pro diversitate obstaculi, per febrem his remediis adjutam resolvendi, varia seligi solent. Horum autem remedium efficacia tanto majori cum fructu aegrotanti corpori applicatur, quod sequente paroxysmo febrili per omnia vasa haec rapidius movebuntur; unde etiam & tempore a febre libero, motu, calore, frictione uti solent Medici, ut aucto humorum per vasa motu ingessorum remedium efficaciam augeant: solutis enim humoribus per salina, alkalica, mineralia [vide §. 135.], una cum diluentibus [vide §. 134.], laxatis

i 2

per :

(f) Sect. I. cap. 3. pag. 59.

fomenta, & oleosa blanda emissariis omnibus, corpus sic disponitur, ut per febrilem paroxysmum secuturum facile secerni, & expelli possit illud, quod in corpore noxium haeret, & cui removendo febris ipsa a natura destinabatur. Pro varia autem anni tempestate, aegrorum diversa temperie, & aetate, epidemici constitutione &c. diversa remedia conveniunt. Verno enim tempore, & in juvenili aetate a calidioribus abstinendum: autumnales contra febres, inprimis in hyemem usque protrahae, calidiora postulant: praecipue si vel fractis morbo viribus, vel vergente jam in senium aetate, corpus langueat: tunc enim contrajerva, serpentaria virginiana, crocus, & similia penetrabilissima aromata, summi ulus sunt. In frigida mucosa temperie sales alcalini optima aperientia sunt; in calidis, & biliosis hominibus haec nocerent saepe; unde salina, ut nitrum, sal polychrestus, tartarus vi-triolatus &c. praefertuntur. Si vero putredinis metuendae signa adsint (vide §. 85. 86.) acida oleosa, ut spiritus nitri dulcis, rob sambuci, ribesiorum, & similia, sola prodesse possunt. Sic etiam in epidemicis talibus febribus intermittentibus, quae post fervidissimas aestates autumnali tempore grassari solent, color subflavescent cutis, & oculorum, urinae color flavo ruber ponderis, & anxietatis circa praecordia sensus, hepatis obstructionem, & biliosam cacochymiam indicabant. Taraxaci, cichorei, scorzonerae, graminis &c. decocta, cum sale polychresto, & melle, larga copia potata tempore *anruptus*, dein per febrilem paroxysmum valide mota per omnia vasa, reserabant felicissime viscerum obstructions, solvebant, & mobilem reddebant biliosam saburram; quae dein vel sponte sua, vel dato leni emetico vel cathartico, expellebatur de corpore.

Quamvis autem generalis videatur fere aperientium, & attenuantium remedium usus in febribus intermittentibus curandis, quandoque tamen & tales casus occurrunt, ubi adstringentibus, & incrassantibus, simulque solidas corporis partes roborantibus, potius opus est. Teneris enim puelis, & debilia temperiei hominibus, quandoque per febres intermittentes sic solvuntur omnes humores, ut profusus sudoribus dissolvant, non tantum in paroxysmi febrilis sine, sed & quovis alio tempore, & praecipue dum dormiunt. (Britannos maxime in tales sudores, dum febribus intermittens laborant, proclives inveni). Facile autem patet, attenuantia, & di-luentia hic nocitura fore, dum nimia dissolutio humorum, & solidarum partium debilitas jam adsunt. Cortex camarisci, capparidis, Peruvianus, una cum aromatibus vino austero rubro insusa pulcherrimum tunc remedium dant: raro enim solent curari in talibus corporibus febres intermit-tentes, nisi per corticem Peruvianum tollantur, vel saltem impetrentur induciae, ut roborari interea corpus possit.

In Materia Medica ad bujus paragraphi numerum recensentur varia remedia, quae aperiendo, & attenuando agunt; & ex quibus talia eligi poterunt, quae morbi genio, aegri temperiei &c. maxime conveniunt.

Omnia autem haec, quamvis praecipue adhibeantur illo tempore, quando aeger a paroxysmo liber est, tamen & usum habere possunt in ipso pa-roxysmi ingruentis initio, cujus symptomata §. 749. enumerata fuerunt.

Patef.

Patuit enim tunc, periculosissimum esse illud febrium intermittentium stadium, quia impeditur liber sanguinis per extremas arterias motus, & circa cor dextrum, & pulmonem immeabilis accumulatur. Illa ergo, quae sanguinem attenuant, diluunt, vasa laxant, & expediunt, tunc optime conducunt; uti ad §. 625. dictum fuit. A calidioribus autem, & valide stimulantibus remediis abstinemus in hoc febris stadio ob rationes §. 624. explicatas; quorum tutior usus est tempore *arrogantiae*. Simul etiam apparet, per aperientia, attenuantia, diluentia &c. usurpata, dum febris abest, sic disponi humores, & vasa, ut tempore frigoris febrilis minus a stagnatione periculum imminet; & postea facilius caloris febrilis tempore solvi possit illud, quod stagnando jam concrefcere inceperat.

Generalis ergo haec videtur esse curandi febres intermittentes methodus, ut tempore *arrogantiae* major solutio fiat humorum; blandis stimulis aromaticis, motu, frictionibus, augeatur motus humorum per vasa; simulque per eadem omnia expediantur corporis emissaria, ut libere exire possint illa, quae per febrem ipsam subacta variis viis expelli solent de corpore.

§. 759. **Q**uin abundanti colluviei in primis viis, purgans, vomitoriumve saepe prodest tollendae; dando ante paroxysmum eo spatio, quo ante hinc effectum praestat. Id faciendum cognoscitur ex victu, morbis, symptomatibusque praegressis, nausea, vomitu, ructu, tumore, halitu, sordibus linguae gutturis, palati, *arrogantiae*, amarore oris, vertigine tenebrosifica; & absoluta operatione dato opiato sedatus ante febrem tumultus fit.

Accidit saepissime in febribus intermittentibus, ut in primis viis adsit colluvies; sive haec praexisterit ante febrem natam, sive febris tempore ab ingestis cibis, non bene digestis, vel mutatis per febrem humoribus, inprimis bile, haec sgesta fuerit. Talem colluviem tollendam esse, nemo dubitat, cum ibi haerens omnem appetitum tollere soleat, & mora pejor reddita plurima mala, & inprimis putridam diarrhoeam, aut & dysenteriam, producere possit. Cum autem vomitoria, & purgantia, nisi talis colluvies adsit, febribus intermittentibus potius noceant, uti §. 761. dicitur, attendendum est ad illa signa, quae docent, talem saburram in primis viis haerere.

Si victu lautiori, & inprimis ex pinguibis opimis, glutinosis, alivse difficilius digestionis cibis, indulserit aeger, suspicio est, talem adesse colluviem. Morbi autem praegressi saepius, qui sordibus similibus gravatas primas vias habuerant, in tali aegro hoc confirmant. Quandoque in epidemiciis febribus intermittentibus communis salis indoles observatur, ut in omnibus aegris bilis corrupta circa praecordia fluctuet, quales febres & *Sydenhamus* [g] observavit, adeoque tunc nullum dubium manet. Verum dum talis colluvies in primis viis haeret, quaedam parit symptomata, quibus hoc cognosci

i 3

(K) Sect. I. cap. 3. pag. 53.

cognosci possit, nausea nempe, vomitu, ruetu, halitu &c. uti latius dictum fuit, quando §. 85. de putredinis in primis viis effectibus agebatur; atque etiam §. 642., ubi de nausea febrili sermo erat. Inprimis autem tunc adesse solet anxietatis, & molestiae tensionis circa praecordia sensus, imo quandoque & hypochondria elevata tument, quod inter signa futuri alvi fluxus in febribus recensuit Hippocrates (h): Quibus autem viis commodissime educi possit haec colluvies, eadem symptomata plerumque monstrare solent; nausea enim, vomitus, oris amaror, tenebrosae, vertigo &c. vomitum potius indicant: lumborum obtusus dolor, borborygmi, flatu, abdominis tumor, versus alvum potius tendere hanc saburram. monstrant. Unde Hippocrates monuit, (uti alia occasione in Commentariis §. 594. 2. dictum fuit): *Quibus febricitantibus autem anxietates sunt, & oris ventriculi morbus, & sputationes, vomitus fit: quibus vero ruetus adsunt, flatu, strepitus ventris, & elevationes, his fit alvi exturbatio.* Saepe tamen & sursum, & deorsum expellitur haec colluvies: vomitoria enim exhibita plerumque, & alvum ducere solent; & purgantia frequenter vomitum excitant, inprimis si in ventriculo aequae ac intestinis collectae tales sordes haereant. Si autem in ipso febrili paroxysmo incipiente, quando plerumque nausea, & vomitus adesse solent (vide §. 749.), pars illius colluviei expellitur, tunc eo certiores sumus, profuturas esse tales per artem factas evacuationes. Nam in his, quae medicamentis fiunt, purgationibus, talia e corpore educenda sunt, qualia etiam sponte praeveniant juvenis (i).

Ubi ergo constitit, pro signa recensita, abundantem colluviem adesse in primis viis, illa quantocius tollenda erit; quamdiu enim manet, appetitus deletus, & nausea impediens, ne tempore *crupit* nutrimenta assumere, sicque vires reficere possint aegri. Quo vero tempore purgans, vel vomitorium sumendum sit, non adeo convenit inter Medicos. Sydenhamus (k) videtur dedisse illo tempore, quo febris aberat; & quidem sic, ut ante invasionem sequentis paroxysmi absoluta esset pharmaci operatio. Verum quidem est, quod quandoque dederit purgans tali tempore, ut alvum duceret, dum febris aderat; sed tunc non adeo adhibuit illud; ut abundantem de primis viis expelleret colluviem, verum potius ut ordinatum paroxysmi febrilis motum turbaret; de qua re sequenti dicitur paragrafo.

Cum autem, tempore frigoris febrilis (vide §. 749.), saepe nausea, & vomitus adsint, multis visum fuit, tunc maxime mobilem esse materiam illam morbosam, adeoque facilius excuti posse, si emeticum datum hoc tempore inceptum sponte vomitum promoveret. Neque absque adeo haec videtur lentitia, & celebris Medicus Alexander Thomson (l) viginti annorum spatium in cura febrium intermittantium se hac methodo usum fuisse testatur cum successu. Dabat autem emeticum illo tempore, quando prima signa ingruentis paroxysmi aderant; ubi vero frigus febrile validus tremor comitatur, absque

(h) Aphor. 73. Sect. IV. Charter. Tom. IX. pag. 187.

(i) Hippocrat. Aphor. 2. Sect. IV. Charter. Tom. IX. pag. 112.

(k) Epist. Respons. 1. pag. 191.

(l) Medic. Essays Tom. IV. pag. 407.

absque nausea, tunc dabat vomitorium tempore caloris febrilis, simulac nauseare incipiebant aegri. Facile autem apparet, remedia tunc assumpta illico excuti debuisset; adeoque emeticum datum non excitavit tantas turbas, quam si diutius retentum fuisset. *Asclepiades* videtur & hac methodo usus fuisse: nam in tertiana febre [m] *tertio die post accessionem* (illo nempe die, quando secundus paroxysmus aderat) *dicit alvum duci oportere: quinto, post horrorem vomitum elicere*. Laudavit autem hanc methodum *Celsus*; & alibi curam horrois in febribus tradens [n] dicit: *Igitur cum primum aliquis inhorruit, & ex horrore incaluit, dare ei oportet potui tepidam aquam subsalsam, & vomere eum cogere: nam fere talis horror ab his oritur, quos biliosa in stomacho resederunt. Idem faciendum est, si proximo quoque circuitu aeque accessit: saepe enim sic discutitur*. Inprimis autem placuit multa haec methodus, quia collecta febrilis materia medio inter binos paroxysmos tempore, 2. qua paroxysmi instantis renovatio unice pendere credebatur, sic optime expelli poterat, dum tota praesto erat. Verum ex illis, quae ad §. 757. dicta fuerunt, admodum probabile videtur, febriles paroxysmos non semper a collecto tali fomite pendere, adeoque emetica hoc respectu in ipso paroxysmo non semper requiri; quamvis forte prodesse possent quandoque, turbando per novos tumultus excitatos illam diathesin, quae paroxysmum renovat, de qua re statim dicetur.

Vomitum autem, qui sponte oritur paroxysmi tempore, promovere aqua tepida potata, nunquam nocebit; cum sic minori cum molestia vomant aegri, quam si vacuus ventriculus foret; & commode elui possit omne, quod in ventriculo haeret.

Cum vero hic agatur de tali casu, ubi abundans colluvies in primis viis adest, & suis lignis se manifestat; tutius videtur illam purgante vel emetico expellere, antequam paroxysmus adest, quam ut aeger molestia operantis pharmaci, & febre simul affligatur.

Solent autem plerumque emeticum, vel purgans dari illo tempore, ut quam proxime ante futurum paroxysmum efficaciam suam praestet; sic tamen, ut illam jam absolverit; antequam paroxysmus ingruat. Omnium enim optime se solent habere febre intermittente laborantes, quando longius a praecedenti paroxysmo absunt; adeoque tunc facillime pharmaci vim ferre poterunt. Et si materia quaedam sensim accumulata paroxysmum renovaret, illo tempore, quod futurum paroxysmum proxime antecedit, notabilis ejus copia jam aderit; quam expelli per pharmaca posse, tunc optima spes erit.

Cum autem attenta morborum observatione didicerit *Sydenhamus* (cujus viri auctoritas apud omnes Medicos tanti ponderis est) febrilem motum irritari per purgantia, & emetica; imo excitari illum jam sopitum ab ipsis, uti ad §. 757. dictum fuit; conducet, UT ABSOLUTA OPERATIONE, DATO OPIATO SEDATUS ANTE FEBRIS TUMULTUS SIT. Adeo autem scrupulose hanc methodum secutus fuit *Sydenhamus*, ut etiam in morbis, ubi suspectum habetur opiatorum usum, ab illis tamen non abstinuerit, si purgans remedium exhibu-

i 4

bitum.

(m) Celsi. Lib. III. cap. 14. pag. 15.

(n) Ibid. cap. 12. pag. 242.



bitum fuisse (d). Prout jam purgantia, vel emetica telerius, vel tardius effectum suum praestant, ita majori, minorive temporis intervallo ante futurum paroxysmum sumuntur. Sic v. g. ypecacuanha post dimidium horae jam vomitum excitare solet, & bihorii spatio effectum suum absolvere; antimonialia emetica saepe per duas horas in corpore haerent, antequam operentur. Purgantia sex, vel octo horis agere solent; & si pullularum forma sumantur, saepe satis diu manent, antequam solvi incipiant, & agere.

Cum autem ad expellendam hanc saburram per vomitum sufficiat ypecacuanha, a validioribus emeticis antimonialibus, quae longe magis corpus turbant, abstinere possumus in hoc casu. Plures autem tam purgantium, quam emeticorum formulae in Materia Medica ad hunc numerum habentur.

Tam felix quandoque horum remedium eventus est, ut non tantum haec colluvies expellatur, sed simul etiam futurus paroxysmus caveatur: praecipue autem in vernalibus intermittentibus, in quibus haec methodo se usum fuisse testatur Sydenhamus (e), dum propinabat emeticum ita, ut ante paroxysmum negotia sua desunget possit. Praesertim si quantitatem medicamentum syrupi de meoconio, vel cujusvis narcotici, post finitam emetici operationem, exhiberet immediate ante paroxysmi insultum.

Ubi autem signa docuerint, unico emetico, vel cathartico nondum expulsum esse omnem hanc colluviem; possunt, & debent haec repeti iisdem cum cautelis; uti quandoque requiritur in febribus intermittentibus autumnalibus, dum corruptae bilis, & tenacioris magna copia adest. Prodest tunc saepe emeticis, & purgantibus praemittere diluentia, & attenuantia, ut per haec soluta, & mobilis reddita haec saburra facilius excuti possit.

§. 760. **U**T & prodest idem (759.), dum stimuli instar moveat utrumque (759.).

Purgantia autem, & vomitoria non tantum profunt, quatenus evacuant; verum etiam, quod miro saepe stimulo moveant, & turbent totum corpus, sicque mutant illam conditionem, quae nunc adest. Ex illis enim, quae ad §. 757. dicta fuerunt, probabile videtur, latentem illam dispositionem, quae intermittentium febrium paroxysmos statim tempore renovat, in nervis, spiritibus, aut encephalo haerere; Purgantium autem plurimorum, uti & emeticorum, actio videtur consistere in eo, quod in nervos per abdominalia viscera dispersos agant, illosque irritent miris suis, & latentissimis saepe stimulis, qui in volatili, & spirituosia similium remedium parte videntur praecipue haerere. Sic scamoneum, si negligentius servatum cadaverosum foetorem, quem habet, amiserit, abique ponderis jactura iners redditur: idem in rhabarbaro, & plurimia aliis, observatur. Nunquid antimonii regulus, vino immersus, illud emetica virtute replet, licet odor, calor, sapor vini immutati maneat, & regulus antimonii nihil de pondere suo amiserit? Videtur

(d) In Scheda monitor. de novae febris ingressu pag. 654. 655.

(e) Sect. II. cap. 5. pag. 102.

detur ergo horum remedium aëtuositas in subtilissimo, & omnes fere sensus fugiente, principio consistere, illamque in humani corporis subtilissimum fluidum agere. Confirmatur haec opinio ex eo, quod mobilissimae in genere nervoso foeminae, & a levissimis causis spirituum *aëreæ* laborantes hypochondriaci viri, a purgantibus, & emeticis pessime affici solent, etiam illo tempore, dum haec assumpta remedia nondum fecerunt ulla evacuationes, quibus aliter, inprimis si copiosae fuerint, hi tumultus excitati adscribi potuissent. Praeterea opium, tam efficaciter, & tam certo spirituum turbas, & inordinatos motus compescens, acque sedat purgantium, & emeticorum actionem, uti Sydenhamus (f) observavit; imo etiam opio assumpto prius, si dentur purgantia, antequam illius efficacia evanuerit, nihil omnino, vel saltem parum admodum agere observantur.

Videntur ergo purgantia, & emetica suo stimulo quandoque mutare, imminuere, vel delere posse illam dispositionem, a qua febrium intermittentium paroxysmi renovantur; adeoque merito ad hunc usum adhiberi, quamvis non liquido constet, quanam fuerit illa dispositio, vel quanam sit illa mutatio, quae per haec remedia in corpore contingit. Postea videbimus, quando de Mania, & Epilepsia agetur, a Medicis violentissima emetica quandoque dari, non adeo ut evacuatio noxiorum humorum fiat, verum potius ut tantis turbis excitatis mutetur illud latens in corpore, quod hos morbos producit, vel sopitos, & latentes excitat. Praeterea, per emetica inprimis, validis illis concussibus, dum viscera abdominalia inter vomendum a diaphragmate, & abdominalibus musculis premuntur, saepe solvuntur, & expelluntur plurima, quae aliis remediis expediri nequeunt. Unde Galenus (g) de tertiana febre agens dixit: *vomitibus autem post cibum adeo utilis est sane illis, quibus haec febris inveteraverit, ut multos eorum statim post vomitiones a febre esse prorsus liberatos*. Apparet autem, vomitum hic non adeo profuisse noxiam ex primis viis saburram expellendo, cum dixerit Galenus, post cibum vomitum fieri debere: quamdiu enim talis colluvies adest, appetitus deletus esse solet, uti ad praecedentem paragraphum dictum fuit.

Dum autem hac intentione dantur emetica, vel purgantia, possunt etiam id ipso paroxysmo exhiberi, vel & ante illum tali tempore, ut agant, dum paroxysmus adest: atque hic fuisse videtur ille casus, quando hac lege datae haec remedia profuerunt. Sic Sydenhamus (h) in tertianis autumnalibus quatuor horis ante paroxysmum, aegro in lecto collocato, & stragulis undequaque cooperto, dabat serum lactis cerevisiarum, cui salivae folia incocta fuerant, ut provocaret sudores, quibus obortis dabat pillularum Cochiarum majorum scrupulos duos, sed solutos in uncia mixturae spirituosae, vim binarum drachmarum theriacae Andromachi continentis, quae theriaca opium habet, adeoque evacuationem per purgantia faciendam enervare solet. Unde satis patet, tunc ejus scopum non fuisse, ut purgaret hoc remedium,

quod

(f) Sect. VI cap. 3. pag. 227. &amp; alibi saepius.

(g) Method. Med. ad Glauccon. Lib. I. cad. 22. Character. Tom. X. pag. 336.

(h) Sect. I. cap. 3. pag. 220. 221.

quod etiam diserte monet, sed tantum, ut, binis illis contrariis sudandi, & deieciendi motibus eodem tempore excitatis, paroxysmi processum confunderet, atque interturbaret. Affirmat autem, se multas febres intermittentes autumnales hac methodo pepulisse, neque praestantiorē aliam in illa constitutione epidemica novisse.

§. 761. **A**liter nocet (759.) dum debilitat, liquidissima elicit, digestiones, hic imprimis necessarias, turbat; sicque diuturnitatem morbi, vel & mortem producit. Frigus, & febris sudorifero hic tollitur saepe, dum aliquot ante tempus cognitum futuri paroxysmi horis liquido aperiente, diluente, leviter narcotico, repletur corpus aegri, dein una hora ante malum excitatur sudor, & continuatur, donec binæ ultra tempus initii paroxysmi lapsæ sint horæ.

Cum ergo purgantia, & emetica, partim expellendo collectam in primis viis colluviem, partim stimulo suo, tanti usus inveniantur in cura febrium intermittantium, multi Medici fuerunt in illa opinione, acriter in horum usu pergendum esse, si febris nondum cessaverit; verum pessimum semper successum nimis frequens horum remediorum usus habuit. Uti enim optime dixit Galenus (i): *Purgantium omnium medicamentorum natura corporum, quae purgantur, naturis contraria est, atque, ut quisquam dixerit, letalis, & deleteria.* Pariterque summo jure monuit Celsus (k) *Purgationes quoque, ut interdum necessariae sunt, sic, ubi frequentes sunt, periculum afferunt.* Affuescit enim non ali corpus, & ob hoc infirmum erit. Ubi ergo signa illa, quae docent abundantem colluviem esse in primis viis (vide §. 759.), post unum, alterumve purgans, vel vomitorium datum, omnino sublata sunt, aut saltem plurimum imminuta, uti etiam si una, alterave vice tentatum fuerit frustra, quid eadem remedia stimulo suo [vide §. 760.] efficere possint, ab illis abstinendum erit. Pergit enim saepe febris, licet nullae amplius adsint in primis viis sordes, & quandoque his stimulis character ille febrilis (vide §. 757.) deleri nequit. Frustra ergo in tali casu debilitantur aegri per haec remedia, dum liquidissima sic eliciuntur, & turbantur digestiones ingestorum, adeo hic necessariae, ut diuturnae febres sustineri possint. Falli autem quandoque quis posset, dum lustrat illa, quae vomitoris, aut purgantibus datis expelluntur de corpore, cum saepe olida, & corrupta penitus appareant. Patuit enim ex illis, quae in Commentariis §. 201. & 334. dicta fuerunt, non semper talia praexistisse, qualia excernuntur; verum antiquos Medicos jam docuisse, a purgante medicamento bonos humores corrumpi; dein corruptos excerni. Didicerat hoc suo damno Helmontius (l) dum curabatur a Medicis a scabie, quam, chirothecam scabiosae puellae induendo, sibi contraxerat imprudens. Post venae sectionem enim praemissam triduanopozematis usu ad exitum praeparabantur noxii, qui in corpore latere puta-

(i) In Commentariis in Hippocrat. de Vitis acutor. Charter. Tom. XL pag. 46.

(k) Lib. I. cap. 3. pag. 31.

(l) De febribus cap. 5. N. 10. pag. 776.

bantur, humores; dein pillulis de sumaria purgatio illorum instituebatur. Fateretur autem, se gavissimum fuisse, dum magnam copiam foetidi liquoris sic excrevisset: verum ter repetito ejusdem purgantis usu, semper idem erat successus. Tantis tamen evacuationibus *Helmontius* antea sanus, alacer, integris viribus, quamvis vix ex ephebis excessisset, sic tamen se mutatum invenit, ut ad maciem redacto tremere genua, vox rauca fieret, & omnes labalcerent vires. Manebat tamen eadem, ac ante, scabies. Dicit autem, se tunc intellexisse, quod *pharmaca purgantia non purgarent, aut munderent, sed putrefacerent*. Quodque *viridam corporis substantiam liquassent, & in putrilaginem resoluissent*. Infausta haec morbi cutanei, per solum chirothecae scabiosae contactum nati, curatio fecit, ut suspenderit Medicinæ studium, donec meliora se novisse crederet *Helmontius*; atque inde Medicis infernus postea, acerrime illorum errores perstrinxerit, & purgantium usum damnaverit, concludens, quod non sit peccans humor, qui catharticiis dicitur, sed cruor, per virus pharmaci maculatus, ejusque foetens cadaver, quod per anum ejicitur (m).

Patet certe ex hac historia, quid a purgantium imprudenti usu in febribus intermittentibus expectandum sit.

Damnosa autem evacuantium omnium remedium exhibitionem, si nimis crebra foret, in febribus intermittentibus, suis observatis confirmavit *Sydenhamus* (n). Ipsas enim vernaes tertianas, ex sua indole adeo salutares, & faciles curatu, moras traxisse vidit usque ad illud tempus, quo autumnales febres invadere solent, & longioribus, & duplicatis paroxysmis aegros penitus debilitasse, ex hac causa observavit; imo & in maniam incidisse aegros, quae pari passu recessit, quo aegrorum vires restituebantur. In profectionis aetatis hominibus lethalem tonsillarum inflammationem (o), hydropem (p), quandoque & diabete[m] (q) ortam fuisse, monet. In primis hoc semper observavit, febrem, post nimium evacuantium usum, altiores radices egisse.

FRIGUS, & FEBRIS SUDORIFERO HIC TOLLITUR SAEPÉ &c. Haec est tertia methodus curandi febres intermittentes, quae saepissime prodest, & tuto etiam repeti potest, si prima vice nondum successerit curatio. Uti autem dictum fuit §. 756, omne illud, quod primum febris tempus, frigus nempe febrile, & primam illam causam, viscositatem nempe liquidi arteriosi, & forte etiam nervosi (vide §. 755.), tollere poterit, videtur etiam posse superare totum paroxysmum febrilem; cum calor febrilis, cum symptomatibus illum comitantibus, nunquam sequatur in febribus intermittentibus, nisi frigus febrile praecesserit. Omnis ergo curae scopus in eo versatur, ut tempore *atropis* talia remedia ingerantur, quae solvant, & attenuent humores, vasa expediant, simulque circa tempus futuri paroxysmi aegri corpus modetato calore sic foveatur, & leniter aromaticis, & calefacientibus remediis incitetur parum plus humorum per vasa motus, ut blando sudore nato, & aucto aequabiliter calore,

(m) In Capitulo Respondet Auctor. N. 4. pag. 420.

(n) Sect. I. cap. 5. pag. 100.

(o) Ibid. pag. 223.

(p) Ibid. pag. 220.

(q) Idem Epist. Respons. 1. pag. 387.

lore per totum corpus, praeoccupetur frigus febrile. Decoctio ejus quinque radicum aperientium, infuso lignorum sanialorum, cassiaphras, melissae, corticium citri, feminum quatuor calidorum majorum, minorum &c. omni hora ad unciam unam, alteramve potatio tempore *arupis*, liquido tenui aromatico repletur corpus: quandoque & bis adduntur mixturae ex sale cardui benedicti, absinthii &c., elixire proprietatis, aquis stillatitiis aromaticis &c. quarum dimidia uncia omni hora, vel bihorio sumitur, superbibendo infusum, vel decoctum aromaticum. Addi solet & talibus mixturis aliquid opii, non tanta copia, ut narcosin faciat, sed sic potius, ut parca dosi, repetitis vicibus, sumptum pacare possit spirituum nervolorum turbas, & impedire illam horum mutationem, quae frigoris febrilis tempore aderit, qualiscunque demum haec fuerit. Pro varia jam aegri aetate, & temperie, anni tempestate, regione &c. potus illi aromatici meraciores, vel magis diluti propinantur, atque in Materia Medica ad hunc numerum talium formularum specimina habentur. Duabus autem, tribusve horis ante paroxysmi futuri tempus cognitum, ante largiorem focum fedas aeger, vestibus optime reclus; proderit etiam, si pedes aquae calidae hoc tempore immergat. Aliis magis placet, ut in lecto decumbant aegri stragulis bene repleti. Omni tunc quadrante laudata modo remedia exhibentur, unde calefcere magis tunc incipiunt, & saepe sudore disfluere: sic autem pergitur, DONEC BINAE ULTRA TEMPUS INITII PAROXYSMI ELAPSAE SINT HORAE; atque ita saepissime febrilis paroxysmus tollitur: sin minus, eadem repetuntur sequentibus diebus, donec tollatur febris. In tertianis febrilibus raro fallit haec methodus; imo etiam quandoque & quartanae sic curatae fuerunt. Neque obstat, quod §. 624., ubi de frigore febrili agebatur, dictum fuerit, valida stimulantia pessime nocere, cum insaniabilem postea inflammationem producant quandoque: nam aromata larga copia aquae diluta hic potantur, & tempore *arupis* per haec remedia sic diluuntur, & attenuantur humores, & expediuntur vasa, ut nullus inde metus sit. Praeterea omnia haec non sumuntur tempore frigoris febrilis, sed illud per haec remedia praecaveri solet. Ubi vero subrepere incipit frigus febrile, dum pertinacior febris non statim huic methodo cedit, a stimulantibus, & calefacientibus abstinemus, solumque infuso aromatico dilutori utimur.

Pauit autem ex illis, quae ad §. 756. dicta fuerunt, *Celsum* similem methodum adhibuisse, dum in balneum circa tempus horrois deducebat aegros; neque desistendum ab hac methodo voluit, etiamsi horror redierit, sed contra pertinaciter pergendum, & si post aliquot accessiones balneum non profuerit, alium dedit, vel calidam aquam cum pipere, ut haec assumpta calorem moverent, qui horrorem non admittit. Monuit pariter (r), ut operiatur aeger, antequam perhorrescere possit, fomentis calidioribus totum corpus circumdeatur, perscrictur &c.

Adeo autem utilis visa fuit haec methodus *Sydenhamo* (f), ut illa praestantior se non experiri fuisse in tertianis autumnalibus fugandis (saltem illius constitutionis epidemicae, quam describit) testetur. Licet enim, uti

prae-

(r) Celsus Lib. III. cap. 23. pag. 242. (f) Sect. I. cap. 5. pag. 222.

praecedenti paragrapho dictum fuit, pillulas Cochiae daret sudantibus jam aegris, ut turbaret ordinatum paroxysmi processum; tamen praecipuam spem videtur posuisse in eo, ut sudores elicerentur, & continuarentur, donec aliquot horae ultra solitum paroxysmi tempus elapsae forent. Imo in tertiana duplici omitendas pillulas Cochiae iussit, & folis sudoriferis curam tentari voluit (r). Et alibi (u) pauperibus, quorum facultas prolixo apparatus Medico ferendo non est, solam *serpentariae Virginianae* penetrabili aromate divitem radiculam ex vino dedit duabus ante paroxysmum horis, stragulisque bene coopertos sudare iussit per tres, vel quatuor horas; idemque adhuc duabus aliis vicibus faciendum voluit ingruente paroxysmo vernalis tertianae.

Ubi vero febres tertianae, & quotidianae, recentes adhuc, & in continuitatis vicinia haerentes, nullum certum typum induerant, tunc monuit (w), periculosum esse curam per sudorifera moliri; cum iusto copiosiore sudore febres hae facillime in continuas non sine discrimine mutantur; uti alia occasione ad §. 752. dictum fuit.

Quando autem aegri ex propria temperie dissolutum admodum habent sanguinem, vel per diurnas, & validas febres intermittentes facillima, & multum debilitans in sudorem proclivitas jam adest [vide §. 753.] tunc certe hac methodo abstinendum est, quae, exceptis his binis calibus, optima caeteroquin invenitur.

§. 762. **H**inc & venae sectio nocet per se semper, prodest alias casu, ut & tenuis, expectaque diaeta.

Cum sanguinis missio adeo efficax remedium sit in compescendo nimio febris impetu, uti ad §. 610. dictum fuit, multi Medici in hac opinione fuerunt, illam etiam magnum usum habere in cura febrium intermittentium: imo etiam quidam crediderunt, has febres solis repetitis sanguinis missionibus tolli posse. Cum autem in praecedenti paragrapho demonstratum fuit, omnes evacuationes nocere, si validae fuerint, & repetitae, quia debilitant; idem etiam de venae sectione verum erit. Purgantia autem in febribus intermittentibus autumnalibus non adeo perniciose esse, nisi crebro repetita, observavit Sydenhamus (x): venae sectionem vero, nisi eodem istu Chirurgi gladius, quo venam pertundis, ipsam etiam febrem confodias, semper nocuisse, frequenti observatione se didicisse testatur. Nam in vegetis, & athletice caeterum valentibus, post venae sectionem longe diurnus, & pertinacius febres has afflixisse invenit; in senioribus saepe, & mortem inde securam fuisse monet. Omnium autem maxime quartana febre laborantibus obfuisse venae sectionem, observavit. Potest quidem casu prodesse, v. g. in juvenili plethorico corpore, & inprimis verna tempestate, metus est, ne tempore caloris febrilis rarefactus sanguis plena nimis vasa rumpat, vel dum ingens capitis dolor ab eadem causa urget:

(r) Ibidem. (u) Epistola Respons. 1. pag. 391.

(w) Ibid. pag. 374.

(x) Sect. I. cap. 5. pag. 110.

urget: sed tunc sanguinis missio non prodest proprire ad febris intermit-  
tentis curam, sed tantum praecavet illa mala, quae a nimia sanguinis  
copia, & rarefactione metuantur. Sic etiam, si emetico opus sit, quan-  
doque venae sectio praemittitur, ne inter vomendum sanguine disten-  
sae, inprimis in capite, violentis illis nixibus rumpantur. Unde & ipse  
Sydenhamus, qui alibi venae sectionem damnaverat, in tertianis vernali-  
bus, si aeger aetate floretet, & sanguineo temperamento praeditus esset,  
sanguinem mitti iussit die libero, & hoc facto, post aliquot horas eme-  
ticum exhiberi. Patet ergo, quid a sanguinis missione boni in febribus  
intermittentibus curandis possit expectari.

Tenus autem, & exacta diaeta, quae nimiam a cibis abstinentiam, vel  
tantum levissimos, & pauci nutrimenti praescribit, pariter in his febribus  
nocet. Cum enim saepe diuturnae sint hae febres, & inprimis quartanae,  
*id agendum, ut, quod diu suslinendum est, corpus facile sustineat* [y]. Suffi-  
cit enim hic cavare, ne cibos sale, aere, fumo, admodum induratos, vel  
& alia duriora, & difficilis digestionis edulia sumant; simulque curare, ne  
circa illud tempus, quo paroxysmus expectatur, comedant, uti enim ex  
*Hippocrate ad §. 758.* dictum fuit *post accessionem cibi exhibendi, conjectura*  
*facta, ne quando a recenti alimento, sed jam concollis cibis, febris ingruat.*  
Aniquis jam Medicis tentata videtur fuisse haec methodus febres inter-  
mittentes tenui, & exacta diaeta curandi. Sic enim *Celsus* (z) in quartana,  
quam tarde finiendam noverat, nisi primis diebus discuteretur, voluit, ut  
aquam tantum calidam fumerent primo die post febrim; & proximo biduo, si  
fieri posset, ne hanc quidem: post secundum paroxysmum modicum tan-  
tum cibum concessit, & vini pauculum; & deinde diebus liberis inter se-  
cundum, & tertium paroxysmum aquam tantum calidam dedit; & caete-  
rum abstinere iussit: atque in hac methodo pergendum voluit ad decimum  
quartum diem usque, dicens: *Ac sic proximum est, ut quies tot dierum, &*  
*abstinentia cum caeteris, quae praecipiuntur, febrim tollant.* Si tamen febris  
maneret, aliud curationis genus instituendum voluit, iussitque, *cibum &*  
*validum, & fortiter assumere, vino uti, quanto libebit.*

Vidi aliquoties, tentatam fuisse quartanam severa abstinentia, sed semper  
inopulo successu: & sapiens *Hippocrates* (a) monuerat (uti alia occasione ad  
§. 602. 1. dictum fuit) tenuem, & exquisitum victum in morbis longis sem-  
per periculolum esse: errores sic commissos longe peiores esse, quam qui a  
paulo pleniore victu contingunt: imo etiam in sanis hominibus talem diae-  
tam discrimine non vacare. In ipsis tantum paroxysmis subrahendum cibum  
iussit (b) &c. Unde certe videtur concludi posse, ne quidem in ipso quar-  
tanae initio tutam esse tenuem, & exactam nimis dietam. Multo minus  
probari poterit curatio *Heraclidis Tarentini*, qui in quartana ducendam alvum,  
*deinde abstinendum in septimum diem dixit* (c): uti enim optime monuit *Celsus*:

*Quod*

(y) Cels. Lib. III. cap. 15. pag. 145.

(z) Ibidem

(a) Aphor. 4. & 5. Sect. I. Charier. Tom. IX. pag. 2. 11.

(b) Aphor. 11. Sect. I. ibid pag. 15.

(c) Cels. Lib. III. cap. 15. pag. 145.

*Quod ut sustinere aliquis possit, tamen etiam febre liberatus viam restitutioni valebit; adeo, si febris saepius accesserit, concides. Sinistrum autem hujus methodi eventum pluribus exemplis historia medica probat. Sic juvenem naturae biliosae, longiori inedia, vel vehementiori accessione tertianae intermittens, syncope periisse observavit *Hellerius* (d); idemque & aliis accidisse testatur. Plurimis quartanariis talem abstinentiam fuisse exitialem, suis observationibus confirmat *Tulpius* (e).*

§. 763. **D**Um febris in statu (750.), indicantur aquosa, calida actu, subacidis aperientibus, nitrosisque permistis, vel & cichoraceis, similibusque blandis aperientibus. Quiete, calore moderato tunc aeger eget.

Haftenus dictum fuit de illis, quae tempore *crispatis*, vel & in frigore febris incipientis conducunt: sequitur jam, ut videamus, quanam agenda sint reliquis febris intermittens stadiis. Hae autem paragrapho agitur de illis, quae conducunt tempore caloris febrilis.

Patuit ex illis, quae §. 750. habentur, motum humorum per vasa tunc auctum esse: uti docet pulsus major, & robustior, simulque satis celer, una cum calore aucto, ob majorem attritum partium fluidarum ad se mutuo ad vasa, & vasorum ad illas [vide §. 675.]. Omnes ergo effectus, qui ab aucta circulationis velocitate pendent (vide §. 100.) illisque similes, qui calori aucto ortum debent [vide §. 689.], hic etiam metuendi sunt. Interim tamen, cum febres intermittentes ad integritatem desinunt, non tanta hic metuenda mala sunt a calore, & circulationis aucta velocitate: nam post aliquot horas haec cessabunt, imo etiam saepe, finito paroxysmo, languet circulatio, & majus frigus invenitur, quam in sano corpore naturaliter esse solet. Ob hanc rationem, licet hoc tempore febris intermittens talis gradus caloris observetur, qui periculosus foret in febribus continuis, & venae sectionem, clysmata, aliaque debilitantis remedia posceret, quae febris nimium impetum (vide §. 610.) refraesare valent; tamen his raro indigemus, nisi valde plethoricis: unde etiam illis abstinemus, quia in praecedentibus paragraphis probatum fuit, similia saepius nocere in febrium intermittentium cura.

Sufficit ergo talia ingerere, quae aquosa, & calida, diluendo, & attenuando, humorum auctam per calorem, & circulationis velocitatem cohaesionem tollere, vel cavere possunt: adduntur his subacida, quae putredini, ab istis causis metuendae, resistunt; simulque pulcherrime molestiam hic sitim levant. Laudantur & cichoraceae, & similia aromatica amara lactescens frigida, de quorum efficacia in solvendo viscido febrili ad §. 614. dictum fuit. Decocta hinc hordei, avenae, scorzonerae, radicum graminis, & similibus demulcentium & blande aperientium, addito nitro; succo citri, rob sambuci, ribesiorum,

optima

(d) In Coac. Hippoc. pag. 179.

(e) Observ. Medic. Lib. III. cap. 53. pag. 271. 272.



optima hic sunt; qualia ad fitim febrilem in Materia Medica ad num. 640. plura enumerantur. Quietem vero hic conducere patet ex illis, quae ad §. 103. dicta fuerunt; dum simul dolor artuum, & capitis (§. 750.), qui calorem febrilem comitari solent, idem suadent. Cum autem molestus aegris talibus jam calor sit, illum stragulis impositis, vel calefacientibus remediis exhibitis, augere imprudens foret; sed oportet sensim remove illa, quibus tempore frigoris febrilis onerati fuerunt; curando semper, ut in moderato calore maneant, neque frigidus aer aestuans corpus subito aluas, vel frigidos potus affatim hauriant, quod quandoque aegri, febrilem hunc aestum impatienter ferentes, facere volunt.

§. 764. **U**bi crisi paroxysmus solvitur (751.), prodest, pitiana vinosa, jusculis carniū, decoctis temperatis, sudori, urinaeque reddere materiem; sicque haec non vi caloris, medelae, stragulorum, exprimere; sed copia aucta promovere, quam blandissime, & diu.

Ultimum paroxysmi febris intermittētis stadium illud est, quando crisi paroxysmus solvitur, ingenti plerumque cum sudore, & remissione omnium symptomatum, uti ad §. 751. dictum fuit: simul tunc adesse solet urina illa crassa cum sedimento lateritio. Cum autem, simulac ille sudor prodit, insigne levamen percipiunt aegri, & brevi tunc paroxysmo febrili finis imponatur; huic evacuationis indulgendum esse non tantum, sed etiam promovendam esse voluerunt omnes Medici. Fuerunt enim in illa opinione, febrilem materiam eliminari hac via de corpore commodissime; quin imo & multi crediderunt, auctis his sudoribus posse expelli etiam illud, quod manens in corpore sequentes paroxysmos renovaret. Admodum verosimile videtur; per sudores illos exire de corpore etiam talia, quae tempore febris, & per febrim ipsam a sanitatis legibus devierant, adeoque sudorem illum semper utilem esse; neque tamen semper conducere, ut augeatur per artem ejus copia. Licet enim quis crederet, per hos sudores expelli partem illius causae, unde paroxysmorum renovatio pendet, tamen non ideo certus foret, reliquum ejusdem causae illo tempore jam aptum esse, ut simul exiret; adeoque auctis sudoribus illis nocere posset, liquidissimam humorum partem tollendo. Patuit enim ex antedictis, omnium difficillime curari saepe febres intermittentes in illis hominibus, qui sudoribus quam maxime distillant. Observavit quidem Sydenhamus. [f], vernas febres intermittentes, praecipue quotidianas, sanatas fuisse per diaphoretica, quae sudorem in fine paroxysmi promoveant, ergo interim optime stragulis cooperto; quin imo tandiu in his sudoribus pergendum iussit, quandiu vires aegri patiuntur. Monuit tamen in eodem loco, in febribus autumnalibus non succedere; & paulo antedixerat, febres illas vernas non tantum sponte sua, sed & variis methodis tentatas feliciter tolli. Unde patet, ex hac observatione non posse concludi, utilem

utilem esse sudoris per artem expressionem in fine paroxysmi febrilis: in primis si conferantur illa, quae aliis in locis habet idem Auctor. De febribus enim epidemicis autumnalibus agens (g) dicit, sudori huic, cum illo prodeunte inquietudo, atque alia symptomata statim evanescant, paululum quidem indulgendum esse, compertissimum tamen esse, si iusto copiosius eliciatur idem sudor in fine paroxysmi, intermittentem febrem in continuam periculosam mutari. Similia etiam alibi habet (h).

Ex omnibus his videtur ergo concludi posse, per sudorem constanti quidem lege paroxysmum febris intermittens finire, adeoque huic indulgendum esse quidem, imo & promovendum esse talibus, quae reddunt sanguinem illud, quod per sudores distillat; ut dum prisana vinosa, vel carniam jusculis, addito succo citri, vel aurantiorum, subministratur sudori materies; simulque debilitatis per febrem aegri viribus optime succurritur; cum per somnum, qui plerumque sequi solet, leve, & dilutum tale nutrimentum aequabilissime per omnia distribuatur. Anteipsam autem, & saepe perniciosius est, caloris vi, vel remediis sudoriferis calefacientibus, aut stragulorum pondere, sudores illos exprimere. Omnium autem optimum est, si & diu, & blande talis sudor exeat; imo potius aucta sit insensibilis perspiratio, quam profusus sudor.

§. 765. **P**orro symptomati urgenti occurratur juxta regulas in acutis data (617: ad 726.).

De symptomatibus, quae febres comitari solent, antea dictum fuit paragraphis hic citatis, adeoque illorum curatio inde peti poterit. Verum, uti ad §. 610. dictum fuit, in symptomatum febrilium curatione semper habenda ratio est causae, & status morbi ipsius, quem illa symptomata comitantur; quod etiam in curandis symptomatibus febrium intermittentium sedulo animadvertendum est. Patuit sic v. g. ex antedictis, venae sectionem, & catharticorum, & emeticorum nimis frequentem usum nocere febribus intermittentibus, adeoque si quaedam symptomata tales evacuationes poscere viderentur, tamen illas tam audacter adhibere non licet, quam in aliis quidem casibus fieri solet. Sic ( uti ad §. 751. & 757. dictum fuit ) in quadam constitutione epidemica in paroxysmo febris intermittens aegri iisdem plane symptomatibus tentabantur, ac si apoplexia vera laborassent. Licet autem ad hoc symptoma tollendum validae evacuationes requiri viderentur, tamen illis abstinuit *Sydenhamus* [i], cum novisset originariae hujus symptomatis causae, febri nempe intermittenti, prorsus adversari. Sic etiam, dum diuturnis febribus intermittentibus accedebat hydrops, non aggrediebatur ejus curam purgantibus, quandiu febres hae aderant, sed expectabat, donec febris penitus exlaret; vel, si hujus symptomatis curatio eo usque differenda non videbatur, amaris, & aromaticis, cum salibus lixiviosis vino

Tom. II. Par. II.

n

sumat

(g) Idem in Epistola 1. Responso. pag. 375.

(h) De Podagra pag. 565.

(i) Epist. Respon. 1. pag. 382.

simul infusus, medebatur (A); sic & in mania, quae febres intermittentes diuturniores, quartanas inprimis, quandoque sequitur, ab omnibus evacuantiis abstinebat; quae in aliis maniae speciebus tantum usum habent; & solo victu analeptico, potu generosiori, & cardiacis remediis utebatur (I).

§. 676. **S**ublata feбри, victu analeptico, medicamentis corroborantibus aeger reficiendus, dein aucto robore purgandus per alvum aliquoties.

Dictum fuit in Commentariis §. 757. sublati febribus intermittentibus manere tamen diu adhuc latentem illam dispositionem, quae, alia causa accedente, frigore v. g., cibo indigestibili assumpto, animi affectibus &c., iterum actuola redditur, & paroxysmos renovat: adeoque curata jam febre adhuc alia supersunt agenda, ut recidiva praecaveatur; atque etiam ut restituantur, vel emendentur illa, quae, per febrem praegressam mutata, recesserant a sanitatis legibus. In febribus autem vernalibus, cum breves esse soleant, & sponte sua fere semper desinant, aerisque calor augeatur quotidie, non opus est magna attentione, ut recidivae praecaveantur: verum in autumnalibus intermittentibus, inprimis si epidemice grassatae fuerint, majori cautela opus. Longe enim pertinaciores sunt, magis debilitant, & frigus sensim auctum, atque tempestatis inclementia, magnum recidivae metum faciunt.

Victus ergo instituitur talis, ut exhibeantur tantum illa, quae facilioris digestionis sunt, interimque magnam copiam materiae nutritivae continent. Iulcula carnis, ova recentia, carnes juniorum animalium assatae, pisces teneriores fluviatiles assi, succo citri, vel aurantiorum respersi, panis bene fermentatus, vel & biscoctus, lac, praecipua sunt. Potus parcius, sed meracior simul, proderit. Simul etiam cavendum, ne talia alimenta, quamvis eucepta, nimia copia simul ingurgitent aegri, post sanatas has febres saepe famelici. Per sudores enim post singulos paroxysmos, aliasque evacuationes, sive sponte, sive per artem factas, plurimum periit de humoribus sanis, simulque solidae partes plurimum debilitatae fuerunt, uti ad §. 753. demonstratum fuit: adeoque languent, vel deficiunt binae illae causae, copia nempe humoris boni, & vis solidorum in liquida, a quibus assimilatio ingestorum in naturam liquidi vitalis sani pendet, uti §. 25. 2. demonstratum fuit. Patet ergo, nisi illae cautelae in victu observentur, a cibis difficilioris digestionis, vel ab optimis etiam cibis nimia copia, simul ingestis, cruditates, spontaneas ingestorum degeneraciones in acidum, putridum, glutinosum &c. expectandas esse: unde non tantum febris recidiva metuitur, verum & ab iisdem vitiis chronicorum morborum origo pendet, uti postea ad §. 1050. demonstratum fuit.

Somnus sit longior, motus corporis, si vires ferre possint, optime conducit; si major debilitas vetat, vectio in rheda, gestatio, frictio illius de-

(A) Idem Sect. I. cap. 5. pag. 120.

(I) Idem ibidem pag. 123. 124.

defectum supplere possunt. Sollicite vitetur frigus; cujus efficacia in excitanda febre, quae jam sopita est, in Commentariis §. 757. demonstrata fuit.

Medicamenta autem praecipue laudantur talia, quae debilitatas partes solidas corroborant, grato aromate languentem saepe ventriculum excitant, & contra frigus aeris muniunt. Cum autem in febribus intermittens autumnalibus saepe corrupta bilis adsit, quae tunc sponte quandoque, saepius per ariem, sursum, vel deorsum exacuatur; post febres illas sanatas plerumque debita copia bilis bonae deficit, cujus tamen adeo insignem usum esse pro chylopoiesi in Physiologia demonstratur. Ob hanc causam ergo roborantibus, & aromaticis remediis adduntur talia, quae bilis defectum supplere valent, amara nempe illa ab omni aevo adeo laudata phar-maca, abinthium, centaurium minus, helenii radices, gentiana, mirrha &c.: ex quibus cum cinnamomo, cortice Winterano, citri, vel aurantium corticibus &c., vina medicata parantur, quorum unciae duae, vel tres ter de die vacuo ventriculo sanctae, quam optime huic indicationi satisfaciunt. Theriaca illa, diarseron dicta a numero ingredientium, cum aequali copia Zingiberis conditi mista, & in electuarii formam redacta, inde facit, si ter de die drachma una, vel altera talis confectionis deglutiat: tunc enim tota die in primis viis fragrans tale aroma haeret, quod languentes has partes grato stimulo excitat, calorem auget, & amarore radicum gentianae, myrrhae &c., bilis defectum pulchre supplet.

Postquam autem victu tali analeptico, & corroborante medela aegri vires increverint, tunc purgatio per alvum aliquoties repetita conducit. *Sydenhamus* [cujus observationes in curatione morborum prae caeteris omnibus fidem merentur, cum & perspicacissimus fuerit in morborum genio detegendo, & ingenuum candorem in suis scriptis ubique demonstret, etiam proprios errores minime celans, vel excusans] adeo necessarium hoc credidit [m], ut potuerit certo praedicere, periculosum aliquem morbum, postea secuturum, si purgatio omissa fuisset post febres autumnales, imprimis si provectioris paullo aetatis esset aegri, qui ab his febribus emergerant. Monuit tamen, cavendum esse, ne purgantia dentur, antequam febris penitus depulsa sit. Abstinebat enim ab his quandiu adhuc, vel levissima quaedam alteratio percipiebatur illis diebus, in quos paroxysmus incidere solebat, quin imo etiam maluit, ut adhuc mentis spatium elaberetur, antequam haec fumerent aegri, & finita operatione cathartici, paragorium daret remedium, ut tumultus, quos vel mirissima cathartica, excitare solent, compesceret, ne inde latens illa forte adhuc dispositio in nervum erumperet, & paroxysmos renovaret. Si autem prius darentur cathartica, observavit semper redire febrim, & quidem longe adhuc quam antea pertinaciorum. Ob eandem causam longiora inter singulas purgationes intervalla relinquere maluit, semelque tantum in septimana iussit dari per duos, vel tredecim menses.

Non tamen in omnibus aegris toties repetitus purgantium medicamento- rum usus requiritur, neque semper hoc secisse videtur *Sydenhamus*; nam paullo

K 2

post

[m] Sect. I. cap. 5. pag. 127. 128.

post apozema purgans describit; tribus diebus successivis sumendum, dum omne periculum recidivae abesset, addiditque, illud repetendum esse, *quoties opus fuerit*. Dum febres epidemicae intermittentes autumnales hic grassarentur ante aliquot annos, aegris per duas, tresve septimanas ab omni febre liberis, dedi scrupulum, vel drachmam dimidiam pillularum Ruffi, illudque tribus vicibus, interpositis aliquot diebus, repetii, raroque pluribus purgantibus opus fuit. Omnes enim functiones integerrimae manebant, nullae in lingua fordes, nulla circa praecordia oppressio, vel ponderis gravantis quasi sentus, aderant amplius; ex quibus signis inprimis concludimus, purgantibus remediis opus esse. Vidi tamen tunc simul, si haec purgantia negligenterur, urinam fieri rubicundam magis, adnatam oculorum tunicam subhavescere, linguam fieri sordidam, appetitum deleri &c. Quae omnia symptomata tollebantur, vel minuebantur saltem, cathartico quantocumque propinato, per quod ingens copia biliosae saburrae expellebatur.

§. 767. **S**I autem febris autumnalis vehemens; corpus ex aegritudine debile; morbus jam aliquo tempore duravit: neque signa adsint internae inflammationis; neque collecti alicubi puris, neque obstructi admodum hujus illiusve visceris, Cortice Peruviano abigetur, pulveris, infusi, extracti, decocti, syrupi forma, cum propriis additis requisitis, tempore *αυριξίας* debito ordine, dosi, regimine, adhibito.

Sequitur jam, ut agamus de illa cura febrium intermittentium, quae per corticem Peruvianum fit.

Corticis hujus usus circa medium elapsi saeculi primo in Europa innovavit, & deinde quam maxime increbuit; constititque tunc innumeris, & quotidianis observationibus, omnes febres intermittentes per corticem Peruvianum tolli posse. Interim tamen patuit simul, non semper aequali cum successu hoc fieri, sed quandoque pessima mala secuta fuisse, quae attribuebantur huic remedio ut causae; atque ideo a multis Medicis condemnabatur corticis usus tanquam noxius; cum tamen mali eventus, febriam sic sanatam sequentes, jure aliis longe causis tribui poterant.

Vidimus enim ad §. 753., per febriam intermittentem quandoque insignes admodum, & morbosas mutationes, tam in solidis, quam in fluidis nostri corporis partibus, produci, illasque aliquando terminari in difficiles chronicos morbos, hydropem, scorbutum, isterum, tumores scirrhosos abdominis &c. Quae omnia mala, ex febribus intermittantibus diuturnis nata, vel post illas sequi solita, nullo jure tribuebantur cortici Peruviano, qui ad rebelles illas febres sanandas adhibitus fuerit, cum Medicorum observationes numerosissimae confirmet, omnia haec mala a febribus intermittantibus producta fuisse, antequam corticis Peruviani usus Europaeis innotuerat. Praeterea per corticem Peruvianum tollitur quidem febris intermittens, verum non simul emendantur omnes illae degenerationes fluidarum, & solidarum partium corporis, quas

quae per febrem factae fuerunt, & post febrem, aliis etiam methodis sanatae, superstites inveniuntur.

Verum etiam conficit ex illis, quae ad §. 754. dicta fuerunt, inveterata mala, & latentissimos, nullisque sere remediis sanandos, morbos, cordis palpitacionem, epilepsiam, podagram &c. per intermittentes tolli, vel saltem suspendi illorum aetuositatem. Simul etiam patuit, per easdem febres ad longaevitatem corpus disponi, atque postea homines, has febres passos, si nempe nec malignis symptomatibus stipatae, nec vehementes nimis, vel diuturnae fuerint, optima sanitate frui. Ubi ergo cortice Peruviano fugantur tales febres, a quibus tot, & tanta beneficia expectari poterant, male confugitur aegris quidem, verum haec damna medentis incuriae, non vero optimo huic remedio, tribui debent.

Suspectus autem maxime fuit multis corticis Peruviani usus, quod saepe absque ulla sensibili evacuatione febres intermittentes tollerent: ideoque crediderunt, post febres sic sanatas manere superstitem in corpore semper morbum fomitem, cuius pars singulis paroxysmis debuisset expelli de corpore, donec totus sublatus foret. Quamvis enim negari nequeat, quandoque in corpore adeste materiam morbosam, quae per febrem subacta, & mota sic disponitur optime, ut expelli possit variis viis, tamen patuit ex illis, quae in Commentariis §. 757. dicta fuerunt, febrium intermittantium paroxysmos non excitari semper a sordibus in corpore haerentibus, vel a fomite quodam tempore *diutius* accumulato, sed pendere potius a latente quodam caractere in spiritibus nervosis, nervis, vel horum communi origine, qui a morbofis collectis humoribus quidem irritari potest, ut longiores, vel validiores faciat paroxysmos, & jam sopitus a similibus causis excitari, sic tamen ut illis non indigeat semper, ut in actum deducatur, sed propria sua vi paroxysmos renovare possit. Simul ibidem notatum fuit, admodum probabile videri, corticem Peruvianum in hunc characterem solum agere, dum febres intermittentes absque ullis evacuationibus, vel alia mutatione sensibili corporis, tollit.

Corticem autem Peruvianum ex sua indole innoxium esse remedium, extra omne dubium est; tuto enim, ad alios etiam morbos roborante sua vicuandos, debilissimis etiam hominibus datur. Sic viris hypochondriacis, foeminisque hysteriacis mane, & vespere scrupulum corticis Peruviani dedit Sydenhamus (n) per aliquot septimanas; & quidem talibus, *in quibus, diu multumque negotantibus, dejecta jam quasi corporis oeconomia foret*; integramque taediosi huius mali curam solo hoc remedio se perfecisse testatur, additque, se ipsum libenter hunc corticem usurpasse, tum uxori, liberisque dedisse, quoties res postularet. Cum quondam, simplicium medicamentorum historiae colligendae intentus, plurium vires, vel in proprio corpore tentare in summi mane jejuni bihorii spatio integram corticis Peruviani, in pollinem contriti, unicam, neque aliquid inde detrimenti percipere potui. Infamiae notam salutari huic remedio inuisse novi quosdam, qui palam illud damna-

K 3

bant

(n) Dissertat. Epistol. pag. 519.

bant tanquam nocentissimum; clam vero eodem, aliis additis fucato, utebantur, dum curam februm arcanis remediis se perficere turpissime gloriabantur, miserosque aegros, largissimo pretio extorto, emungebant, Medicorum nomine indigni.

Verum uti optima quaevis, sic & cortex Peruvianus imprudenti usu nocere poterit; adeoque requiritur, ut prius severo examine inquiratur, an aliquid lateat in corpore, quod febrim requirit, ut cito & tuto tolli possit, uti etiam an a febre, si relinquatur, expectari possit insignis quaedam utilitas, sive in tollendis inveteratis malis, sive in mutando corpore sic, ut ad firmam valetudinem, vel & longaevitatem disponatur (vide §. 754.). In tali enim casu cortice abstinendum foret. Contra vero si metuendum videatur, ne per febrim diutius relictam tales mutationes in corpore fierent, a quibus chronici morbi [vide §. 753.] aliave mala expectanda forent, corticis usus quantocyus etiam conveniret. Sic v. g. si juvenis robustus quartana pura, nullis malis symptomatibus stipata, corripitur; sui que juris sit aeger, & debito vitae regimine uti possit, praestabit semper, ut haec febris relinquatur, cum constans observatio docuerit Medicos, corpus per talem febrim in melius mutari. Contra vero, si debilis, senex, vel profusissimis sudoris diffuens a levissima causa homo, simili febre laboret, cortice Peruviano opus erit. Praecipue autem rationes, quae hujus remedii usum postulant, variaeque cautelae in ejus usu observandae, hac paragrapho enumerantur; quae omnia jam singulatim expendenda erunt.

SI FEBRIS AUTUMNALIS VEHEMENS. Vernae enim febres faciles esse, & sponte sua brevi abire solent, uti ad §. 747. dictum fuit; unde rarus in his corticis usus, nisi intempestivis evacuationibus tentatae tales febres in majorem diuturnitatem excurrant, vel in profusos valde sudores aegri resolvantur; tunc enim saepius vidi, etiam vernas febres ad omnes alias methodos rebelles fuisse, soloque cortice Peruviano tolli potuisse. Si vero febris intermittens autumnalis non adeo vehemens fuerit, ut inde subita debilitas, vel alia mala §. 753. enumerata metuenda videantur, praestat cortice abstinere, illamque sponte sua, vel methodo §. 758. ad §. 767. descripta, sensim evanescere. Cortex enim Peruvianus, optime monuit Sydenhamus (o), inducias saepius impetrat, quam febrim debellat, quae per duas, tresve septimanas delitescens recrudesceat solet. Dum vero alia methodo sanata fuit febris, minus recidivam periculum est.

CORPUS EX AEGRITUDINE DEBILE. Si enim aeger, vel ob propriam temperiem, aetatem provecitam, vel morbi intensitatem, adeo debilitatus fueris, ut metus sit, ne pluribus, & validioribus paroxysmis deficeret; cortex Peruvianus exhiberi debet, licet etiam alia signa adfuerint, quae ejus usum prohibere videntur. Sic enim inducias impetramus, summo aegrorum emolumento, qui interim idoneo victu refici possunt, ut rediturae postea febris impetum, & molestia abique periculo sustinere possint.

Non enim in tali casu repetito corticis usu impediendum semper est, ut febris

febris redeat, raro enim hoc discrimine vacat; sed libero a febre tempore illis remediis utimur, quae §. 758. laudata fuerunt, ut per illa solvantur viscerum obstructions, aliaeque mala emendantur, cui scopo ipsa febris a natura toties destinatur, uti in febrium historia generali dictum fuit. Magna enim tunc spes est, ut post duas tresve septimanas, resocillatis jam aegri viribus reditura febris brevi spatio reliquum perficiat, sicque integerrima redeat sanitas.

MORBUS JAM ALIQUO TEMPORE DURAVIT. Maximi momenti haec regula est; qua neglecta, mors quandoque, saepius autem dira, & anomala penitus symptomata secuta fuerunt, ipsa certe febre longe pejora. Illi enim, quibus adeo odiosum febris nomen est, ut illico tollendam ubique & semper velint, etiam in vernis tertianis, uno alterove tantum paroxysmo defunctis, corticem dederunt statim, ut in ipsis quasi incunabilis febrem supprimerent: ignari febrem saepe praesidio esse, ut *Celsus* [p] optime monuit, & in Commentariis §. 538. pluribus demonstratum fuit. Juveni in tertiana verna post secundum jam paroxysmum datus cortex fuerat a Medico, ne febris altas [ut dicebat] radices figeret; & cum rediret post aliquot dies febris, cortice denuo suppressa fuit illico: vidi autem misero huic postea alternis diebus circa illam horam, qua paroxysmus ingruere solebat, accidisse oscitationem, paniculationem, miros borborygmus, abdominis tumorem, aphonium, abique ulla mutatione pulsus, sed cum intolerabili anxietate, duraveruntque omnia haec molesta mala per binos menses, licet variis methodis tentaretur curatio. Tot & tantis malis redemit miser aegrotus verna tertianae paucos paroxysmos. Ictherum, hydropem, asthma, nervosi systematis totius miram atrocitatem, quandoque imprudentem talem corticis Peruviani usum secuta fuisse, observationibus Medicis constat (q). Unum adhuc mirabilem casum addam, qui confirmat modo dicta. Juvenis quotidiana intermittente laborans sumferat singulis intervallis inter tres primos paroxysmos drachmas quinque corticis Peruviani: levis horror tempore quarti paroxysmi adfuit, sed sequenti die post aliquot minutorum horripilationem, circa pedum talos vehementissimum dolorem patiebatur, ac si distorquerentur, & discinderentur omnia. Durabant haec tormenta per quinque circiter horae minuta, subitoque cessante dolore in hoc loco, eodem modo, & simili temporis spatio afficiebantur genua, post haec femorum articuli. Postea aderat durities, tumor & dolor abdominis; quibus cessantibus, thoracem impetebat atrox malum cum imminenti strangulationis metu, postea apoplectico similis decubuit, tandemque penitus delirabat. Post quinque, vel sex minuta cessante delirio, satis bene se habebat; atque in hoc statu permanebat tanto circiter tempore, quantum omnia memorata symptomata occupaverant; tuncque denuo omnia eadem mala simili ordine, & duratione redigant (r). Similes alii casus in eodem loco recensentur: ex quibus constat, summa ratione *Sydenhamus* (s) monuisse sequentia: *Curandum est ante omnia, ne permature nimis hic cortex ingeratur,*

K 4

ante

(p) Lib. II. cap. 8. pag. 70. (q) Medical Essays Tom. IV. cap. 24. pag. 80.  
(r) Ibid. (s) Sect. I. cap. 5. pag. 112.



ante scilicet, quam morbus suo se Marte aliquantisper protriveris (nisi collabesceret, & jam fractae aegri vires eundem temporis sumendum esse distaverint), neque enim illud salus est metuendum, ne e praepropero ejus usu inefficax iste reddatur, & spem aegri fallat; sed etiam ne de aegri vita agatur, si sanguini, omni fermentationis visu se desumanti, eam de repente injiciamus venieram.

Quamvis haec regula practica universalem usum habere videatur, ubi tamen singuli febris paroxysmi periculoso quodam symptomate stipantur, quod non nisi cum febre tolli potest, tunc cogimur aliquando corticem adhibere citius. Curabam ante aliquot annos, dum febres intermittentes autumnales epidemice grassabantur, mobilem in genere nervoso foeminam, quae ante quinque septimanas sanum infantem peperat, tertiana laborantem. Secundo paroxysmo incipiente, convellebatur, & aphona manebat per aliquot horas. Cum autem de gravitatis sensu circa praecordia conquereretur, & purgantia, vel emetica ante paroxysmum data plurimis aliis aegris simili morbo decumbentibus profuisset novissem, dedi lenem purgans, octo horis sumendum ante paroxysmum sequentem; statueramque cardiaco, & opiato remedio compescere excitatos tumultus post finitam cathartici operationem, antequam paroxysmus ingrueret. Verum bihorio post assumptum purgans jam convellebatur, & diutius aphona mansit, quam praecedenti paroxysmo. Dedit tunc finito paroxysmo corticis Peruviani decoctum, tam pulchro successu, ut & sequens paroxysmus, qui ultimus fuit, vix ullius momenti esset, absque ullo malo symptomate, & miro modo se roboratam sentiret aegra, & longe minus ab animi affectibus, etiam validioribus, mobilem. Sed & ipse Sydenhamus [1] in simili casu, dum apoplecticis similes aegri in paroxysmis decumberent, illico corticem Peruvianum jussit, simulae paroxysmus sponte sua desineret; quin imo & citius adhuc ingerendum voluit, modo fieri possit.

NEQUE SIGNA ADSINT INTERNAE INFLAMMATIONIS. Patet ex illis, quae in Commentariis §. 753. de effectibus febrium intermittentium dicta fuerunt, per has febres, si diuturnae fuerint, & validae, cruorem optima sua parte spoliari, & residua acrem & crassum simul fieri, adeoque inflammationibus, & productionibus producendis aptissimum. Celieberrimorum, autem Medicorum testimoniis ibidem confirmatum fuit, inflammationem, & ejus sequelas quandoque, licet rarius forte, a febribus intermittentibus fieri, & quidem plerumque lethali eventu. Levior hepatitis species aliquando intermittentes autumnales epidemicas comitatur, in quibus semper pessime cessit corticis usus; dum sublata sic febre, manebat illud, quod per febrim ipsam maturandum & resolvendum erat. Ubi ergo dolor fixus continuus, sensus ardoris interni, aliaeque inflammationis internae signa adsunt, cortice abstinendum erit.

NEQUE COLLECTI ALCUBI PURJS. In tabidis saepe observatur febris quotidianae; quandoque omnino intermittens, aliquando remittens tantum, quae  
a pure

(1) Epist. Respons. 1. pag. 387.

a pure quotidie facto, & deinde per sputa educendo, nasci videtur. Per talem febrem fit hujus puris concoctio; quae si cortice Peruviano dato tolleretur, pessime semper se habent tales aegri, & summam patiuntur anxietatem; adeoque si vel minima suspicio collecti alicubi puris adsit, a corticis usu abstinendum omnino est.

NEQUE OBSTRUCTI ADMODUM HUIUS, ILLIUSVE VISCERIS. Post febrilissimas aestates praegressa observatum fuit, sequenti autumno febres intermittentes epidemice grassatas fuisse, non tantum in his regionibus, sed & per totam fere Europam, inprimis decimo nono hujus saeculi aëro, quando omnium numerosissimae in hac urbe tales febres observatae fuerunt. Videbatur autem tunc, per fummos aestus praegressos liquidissima sanguinis parte dissipata, residuum spissum, & tenacius difficius per hepatis angustias transire potuisse, cum ibi omnis sanguis, a visceribus abdominalibus rediens & venosus, per venae portarum convergentes ramos transire debeat, absque renovata cordis impellentis actione. Unde obstructio hic nata bilis debitam confectionem non tantum, sed & reliquorum viscerum chylopoieticorum, functiones, turbabat. Vidi tunc & in me ipso, & in aliis plurimis his febris laborantibus, colorem oculorum subhaescentem, & urinae subicteritiam. Aderat anxietas, & ponderis gravantis sensus circa praecordia, nausea, fastidium, & in quibusdam obtusus in hypochondrio dextro dolor. Cum autem ingenti aegrorum numero obruti Medici, & inprimis in populosis urbibus, corticem Peruvianum exhibebant in his febris, plerumque pessime cessit; inprimis, si non contenti inducias impetrasse, ut resocillarentur aegri, redeuntem febrem illico dato iterum cortice comprimerent, vel continuato corticis usu ejus reditum caverent. Multis enim abdomen intumescerebat, facies cerea erat, & pessime languebant tota hyeme sequente; plures perierunt, dum foetum putrefacta, quae visceribus infarsa haerebat, saburra, & verno tepore mota, dysenteria, vel diarrhoea putridissima sequebatur: quibusdam etiam ingenti copia sanguinis, tabefacti ut videbatur hepate, sursum vel dorsum expulsa, cito, & inexpectata mors veniebat. Ubi autem leni emetico expulsa biliosa saburra, quae in his febris incipientibus primas vias gravare solebat, dabantur decocta graminis, cichorei, taraxaci, quinque radicum aperientium, & similia, addito melle, rob sambuci, salis polychresto, & similibus, febris ipsa, haec ingesta remedia movens per omnia vasa, solvebat felicissime viscerum obstructions, & optime curabantur aegri, paucique admodum ex ingenti aegrorum numero perierunt. Salutarem hujus methodi eventum postea aliis annis, dum similes febres grassabantur, expertus fui; neque unquam dedi corticem Peruvianum, nisi quandoque magna aegrorum debilitas aliquas inducias posceret; tuncque tamen perrexerim in usu similia solvantium, & aperientium remedium, donec febris rediens nunc citius, nunc serius, curationem absolvere. Religio tamen fuit, post tales inducias impetratas, renatam febrem reperto corticis usu tollere, cum semper hoc periculosum sit, si vel minima suspicio obstructorum viscerum adfuerit. Uode etiam Sydenhamus (u), qui satis audacter cortice

Peru.

(u) Epist. Responsor. x. pag. 385.

Peruviano usus fuisse videtur, monet sequentia: *Animadvertendum autem quod si aeger, non obstante abundanti cautela superius tradita, nihilominus res elidivam patiatur ( quae in quartana ipsa variis accidit, quam in tertianis, vel quotidianis ), tamen prudentis Medici erit, non nimium pertinaciter insistere metodo corticis per dicta intervalla exhibendi, sed pro suo iudicio aliis modis curationem aggredi.*

Patet ergo ex haftenus dictis, corticem Peruvianum ex sua indole esse innocuum remedium, quod satis tuto corpori humano applicari potest: unicum tantum incommodum ejus usum longum, & repetitum sequens notavit Sydenhamus [w], quod nempe in rheumatismum scorbuticum incidere aegri, qui tamen antiscorbuticis remediis facile curabilis erat. Praeter illud autem nihil mali aegris accidisse unquam ab ejus usu testatur.

Simul etiam affirmare licet, corticem Peruvianum tollere febrem solam, & sublata febre manere illas mutationes fluidarum, & solidarum partium corporis, quae vel ante febrem praexistebant, nondum sublatae per febrem; vel febris tempore, aut per febrem ipsam productae fuerant. Ubi ergo febris involvere poterat, quod toties fit, ut felicius & citius tolleretur, vel emendarentur illa, quae in solidis, aut fluidis degeneraverant a sanitatis legibus, corticis Peruviani usus nocet: uti etiam si a febre intermittente merito sperari possit inveterati cujusdam mali cura, epilepsiae v. g., vel corporis ad longaevitatem, & firmiorem sanitatem dispositio.

Sic etiam facile conciliari poterunt diversae Medicorum de cortice Peruviano opiniones; dum quidam illius usum damnant ubique, alii contra laudant; & omnes ad experientiam provocant. Certe nullum absolute, & semper utile remedium est, sed tempestivo usu tale fit tantum.

Cortex autem Peruvianus roborante virtute insignis quidem est, & hoc respectu pulcherrime in quibusdam morbis prodest, uti dictum fuit; illa tamen ejus efficacia, qua febres intermittentes fugat, inde pendere non videtur, cum ab alio nullo roborante remedio idem effectus tam certo sequatur. Unde merito specificum remedium dicitur, cujus efficacia, solo hoc effectu cognita, latens illud (vide 757.), unde febris intermittens paroxysmus excitatur, & stato tempore renovatur, tollitur, vel pro tempore iners redditur, licet caeteroquin ab ejus usu nulla insignis mutatio in corpore appareat.

Neque repugnat modo dictis, quod nonnullus cortex Peruvianus quandoque purget, ac si catharticum remedium sumpsissent [x]; nam illud rarum est, & plurimi absque ulla omnino evacuatione sensibili febre liberantur per corticem.

Testatur quidem celebris Medicus Hippolitus Franciscus Albertinus [\*], post febres intermittentes, cortice Peruviano fugatas, secutas fuisse insignes evacuationes per alvum, sudores, sputa, urinam &c. Praesertim autem post corticem assumtum aegros effudisse quandoque halitum quemdam odore gravem, & foetidum adeo quandoque, ut adstantes molestissime afficeret, talemque halitum.

(w) Ibidem pag. 376. & Sect. VI. cap. 5. pag. 351.

(x) Sydenham. ibidem pag. 377 378. (\*) Insit. Bonon. pag. 165. & 405.

halitus perdurasse, donec alia quaedam excretio per alvum, urinam &c. prodiret. Fuit autem Albertinus in illa opinione, tunc bonum esse expectandum successum, neque fere recidivam metuendam esse, si post corticem Peruvianum exhibitum criticae tales, ut vocant evacuationes sequantur. Ubi vero contrarium occurrit, recidivam metuendam esse; tuncque fuisset, repetendum esse corticis usum, donec talibus evacuationibus obortis perfecta rediret sanitas.

Interim tamen, uti ad §. 757. monitum fuit, negari non potest, cortice Peruviano exhibito febrim cessare, antequam illae evacuationes fiant; adeoque corticis illa vis, qua febrim fugat, non pendet ab evacuatione cujusdam materiae morbolae.

Cum modo dicta legerem, incepti sedulo attendere, quid in aegris fieret, postquam illis corticem Peruvianum dederam. Gravem illum halitum, de corpore aegrorum expirantem, observare haecenus mihi non contigit; verum aliquoties vidi in tertianis autumnalibus pertinacioribus dato cortice, postquam febris per tres, quatuor, quinque dies siluerat, alvum aliquoties fluxisse, quandoque & vomuisse aegros cum levamine. Quibusdam tamen, non obstantibus illis evacuationibus, recidiva contigit, aliis non. Notavi praeterea & quibusdam febrim per corticem sanata fuisse, licet nullae sensibiles evacuationes observatae fuerint, absque recidiva tamen. Illi autem, quibus alvi fluxus, vel vomitus contigit, de sensu gravitatis circa praecordia conquesti fuerunt, simulac febris cortice dato cessaverat.

Cum autem, teste ipso *Albertino*, variae evacuationes per urinam, alvum, sputa, sudores &c. sequantur in tali casu, & quandoque tardissime, admodum verosimile videtur, corpus, depulsa febre, vires suas recolligens, & roborante corticis Peruviani virtute instauratum, expellere variis viis illa, quae tempore febris a sanitatis legibus degeneraverant; vel sanata febre, ex ingestis alimentis [ voraces enim plures post corticis usum fiunt ] non bene digestis accumulata fuerunt in primis viis; illasque evacuationes non perdere, proprie loquendo, ab efficacia corticis Peruviani, cum saepae diutissime postea observantur tantum. Interim tamen satis probabile videtur, quandoque per tales evacuationes tolli causas occasionales, quae sopitum, illum characterem, a quo paroxysmi renovatio proprie dependet [ vide §. 757. ], excitare potuissent sic, ut postea ablatis illis causis, unde excitatus fuerat, propria vi paroxysmos renovare pergeret. Ex illis autem, quae haecenus dicta fuerunt, patere puto, non carere periculo illam methodum, qua non apparentibus talibus evacuationibus, repetitur corticis usus hac spe, ut sic tandem prodeant; cum illae evacuationes, corticem exhibitum diu postea saepe sequentes, huic remedio adscribi posse non videantur: & saepe tales causae in corpore lateant, quibus ipsa febris optimum remedium est non tantum, sed & quandoque unicum.

Sequitur jam ut videamus, quatenus in usu corticis Peruviani notanda sint, postquam constitit febrim per hoc remedium tollendam esse, vel saltem pro aliquo tempore sopiendam, ut induciis sic impetratis, fractae aegrorum vires restaurari possint.

Parec

Patet ex illis Auctoribus, qui de cortice Peruviano scripserunt illo tempore, quando ejus usus in Europa primo increbuit, quod tunc datus fuerit [*in substantia, ut dici solet*] forma pulveris vino infusi, & diluti. Postea, cum imprudenti hujus remedii administratione mali quandoque effectus sequebantur, aliquid maligni in cortice latere putantes quidam Medici varias ejus praeparationes commendaverunt; & imprimis solliciti fuerunt multi, ne ipsa corticis substantia ingereretur, nescio quid mali inde praevidentes, sed limpidissima tantum infusa, etiam filtro depurata saepius, tantum exhibenda voluerunt. Ex illis autem, quae dicta fuerunt, satis constitit, nullum a cortice periculum imminere. Poterit ergo dari forma pulveris, vel addito syrupo quodam officinali, aut melle, parari inde electuarium. Infusa ex cortice parantur optime vino, & spiritu vini inde facta tinctura pariter in officinis proflare solet. Coctionem autem fert absque virium jactura cortex Peruvianus, & quidem longiorem requirit, ut saturissimum inde fiat decoctum, turbidum tunc, flavescens, spumescens, & cum adstrictione amaricans. Si jam tale decoctum leni igne inspissatur ad mellis spissitudinem, habebitur extractum corticis Peruviani, quod tali sub forma, instar electuarii, exhiberi poterit, vel syrupo cuidam officinali misceri, vel addito pulvere glycyrrhizae v. g. in massam solidiorem redigi, unde catapotia formari queunt: in materia Medica ad hunc numerum variae tales formulae habentur. Ubi autem amarum corticis saporem fastidiunt nimis aegri, vel a junioribus impetrari nequit, ut corticem, aut varia ejus praeparata assumant; tuto, & aequali cum successu clysmate injectum corticis decoctum, vel ejus pulvis aqua dilutus, idem omnino efficit; nisi quod majori corticis copia, tripla nempe plerumque opus sit, quam si per os assumatur. Uno, alterove clysmate ex melle cum sale gemmae, vel simili, prius tunc eluenda alvus est, ne faeces in crassis intestinis haerentes obstant; atque postea diutius clysmata ex cortice Peruviano parata vacuis intestinis retineri possint. Simul etiam notandum, haec clysmata, cum scopus sit illa retinere in corpore, unicas quinque, vel sex non debere excedere in adultis, vel unicam unam aut alteram in junioribus, ne mole sua intestina ad excretionem irritent. Vidi in junioribus saepius hanc methodum successisse: & *Helvetius Parisiensis Medicus* [*y*], qui se hujus methodi primum inventorem jactat, magnum sic curatorum aegrorum numerum recenset: corticis autem pulverem, aliquot aquae uncias dilutum, adhibuit praeter ceteris;

CUM PROPRIIS ADDITIS REQUISITIS. Certe cortex solus ad hanc curam sufficit, adeoque hoc respectu nihil omnino ipsi addendum videtur. Miscuerunt quidam cortici varia alia, & quidem oppositae indolis, remedia, acida nempe fossilia, sales alcalinos volatiles & fixos, sales neutros, ut ammoniacum &c.; purgantia, opiata (*z*), aromata alii, ut nempe noxii quid, quod in cortice haerere imaginabantur, emendarent. Interim tamen ex omnibus

his

(y) Method. omnes febres ita curandi, ut nihil ore assumatur pag. 4. &c.

(z) Insituit. Bononiens. pag. 412.

his additis patuit, corticis Peruviani illam vim, qua febris curat, non facile mutari posse, cum similis fere effectus sequatur, sive solus, sive cum variis additis exhibeatur; nisi quod purgantia simul exhibita, deturbando corticem citissime per alvum, ejus efficaciam evincere videantur: unde Sydenhamus salibus aegris, quibus ex peculiari idiosyncrasia a cortice Peruviano alvus movebatur, usi a cathartico fortiori solet, simul laudanum dedit, ut hanc evacuationem, & morbo & corticis operationi contrariam, solerct [a]; vomitum autem molle, si aderat, prius succo citri cum sale abstersihii misto, dein laudano liquido dato, sedabat: caeterum nihil aliud cortici addebat, nisi quod vehiculi instar servire poterat, aut amarum saporem emendare, si juniores aut delicatuli forent aegri. Quandoque adduntur quaedam remedia cortici, ut ejus color & sapor muscitur, & inscii aegris ingeri possit, ne vano metu percussu cortici sumto adseribant postea omnes illos morbos, qui reliquo vitae decursu illis contingeret, uti quandoque non sine detrimento famae Medicorum factum fuisse novi. Ita v. g. sales alcalini fixi additi cortici, dum in aqua decoquitur, efficiunt, ut decoctum limpidum coccineo colore saturato praeditum sit, dum sine his additis turbidum, & flavescens appareat. Ob similem rationem cortices citri, stramonium, cinnamomum aliave remedia adduntur, ut sapor muteatur.

TEMPORE *disruptis*. Dum primo in Europam deferrebat cortex, binæ ejus drachmæ, in pollinem tenuissimum tritæ, tribus circiter horis ante paroxysmum infundebantur in phiala vini albi generosissimi, & ingruente febrili horrore, primoque paroxysmi indicio vel levissimo, universa hæc dosis assumbatur, & dein aeger lecto committebatur; uti patet ex *Schedula Romana* dicta, quæ corticis usum, & præparandi modum continebat, & apud *Bartholinum* [b] aliosque multos Auctores, qui de cortice scripserunt, videri potest. Constitit tamen, quibusdam, licet rarius pessime cessisse corticis, hoc tempore dati, usum; & Sydenhamus [c] observavit, quosdam sic perisse, unde magna huic remedio infamia accessit. Credidit autem non sine ratione, functum talem effectum inde factum fuisse, quod incipiens sic paroxysmus sufflaminaetur, adeoque impediretur, quo minus frigoris febrilis periculosum illud stadium (vide §. 749.) superare possent aegri) sed in illo suffocarentur. Tutissimum ergo crisi finito paroxysmo incipere corticis usum, & divisis dosibus illum sic exhibere, ut debita ejus quantitas assumi possit, anequam sequens expectetur paroxysmus.

Ubi vero febres intermittentes geminatis, & productis paroxysmis indolem continuorum febrium æmulantur, uti in autumnæ sæpe contingit (vide §. 748.), sic ut tanquam remissio, oon vero intermissio perfecta, observetur; in tali casu Sydenhamus [d] tempore remissionis, quam proxime a paroxysmo desinente, quantum conjectura poterat assequi, incepit dare hoc remedium, & peinde quarta quaque hora sic pergebat, ne quidem ipsum paroxysmum

mo-

[a] Sydenh. Epist. Respons. 1. pag. 322.

[b] Thom. Barthol. histor. anam. &amp; medic. cent. 5. pag. 108.

[c] Epist. Respons. 1. pag. 179.

[d] Ibid. pag. 383.

morans : quia non dabatur aliud tempus , ut debita corticis copia ingeri posset . Monetque feliciter successisse semper hanc methodum , nisi assiduus lecti calore , vel cardiacorum calefacientium usu , febres intermittentes in vere continuas , quae nempe absque remissione uno imperu decursum suum absolvent , mutatae fuissent : in tali enim casu corticem Peruvianum nihil quidquam profecisse plus semel se observasse testatur . Imo alio in loco (e) diserte monet , in epidemicis continuis febribus , & in morbis inflammationis , pleuritide , peripneumonia , angina &c. non tantum non profuisse , sed & plane obfuisse corticis usum .

DEBITO ORDINE . Talem inprimis laudavit Sydenhamus [f] , ut debita quantitas divisio dosibus sic exhiberetur , ut aequali temporis intervallo singulis dosibus exhibitis , omnis ejus copia assumpta sit , antequam sequens paroxysmus expectatur . Sic v. g. ad quartanam curandam binis diebus intercalaribus dabat omni quadrihorio dosim corticis Peruviani , adeoque unciam ejus in duodecim partes aequales dividebat . Ubi vero febrium intermittentium paroxysmi minus distant a se mutuo , saepe non adeo tutum videtur , breviori tempore tantam copiam ingerere , ut omnis haec quantitas ante futurum paroxysmum assumi posset . Sic quidem non penitus tollitur proxime secuturus febris insultus , minui tamen plerumque solet , & deinde pergendo tempore *arupetias* in corticis usu , cura periclitur . Imo etiam consuluit alibi Sydenhamus (g) in quartanae per corticem Peruvianum curatione , ut sanguinem dicto medicamine sensim , longioreque a paroxysmis intervallo leviter inficiamus , quam ut uno omnino ictu paroxysmum confodere tentemus ; hoc enim pacto , & plus temporis remedio conceditur , quo suum opus plenius absolvas ; & evitatur quidquid id est periculi , quod aegro poteris oriri ex subito isto , & intempestivo nimis sufflamine , quo paroxysmum jam invalescentem , atque omni se ope exserentem , conamur opprimere . Unde tunc voluit , ut mane , & sero , diebus a paroxysmo liberis , lumerent aegri magnitudinem nucis muschatae de electuario , ex uncia una corticis Peruviani , & binis uncias syrupi rosarum rubrarum confecto .

DOSE . Unciam unam corticis ad quartanam debellandam in adultis requiri observavit Sydenhamus [h] ; reliquas vero febres (ex drachmis [tribus nempe quartis unciae partibus] posse sic expugnari , ut inducias saltem concedant . Cum autem ex ante dictis satis constet , corticem ex sua indole nihil periculi habere , non opus est dosin adeo scrupulose limitari . Ut autem recidiva , post quartanam curatam uncia una corticis Peruviani , caveatur , jubet , ut octava die post ultimam dosin assumptam iterum uncia corticis assumatur eodem ordine , ut dictum fuit ; imo & tertia , vel quarta vice hoc repetendum voluit post idem temporis intervallum ; maxime si praegressis validis evacuationibus debilitatus fuerit aeger , vel auri rigidiori se exposuerit incautus . Alibi (i) ad tertiam vicem usque , interjectis semper quatuordecim diebus , corticis usum repetendum voluit .

Notan-

(e) Ibid. pag. 407.

(f) Ibid. pag. 38a.

(g) Sect. I. cap. §. pag. 113.

(h) Epist. Respons. i. pag. 38a.

(i) Sect. I. cap. §. pag. 114.

Notandum tamen quam maxime, si post unciam corticis assumptam, esset febris quidem, verum aegri langueant, de ponderis gravantis sensu circa prsecordia conquiescant, urina colorem isticum habeat, aut adnata oculorum flavescente incipiat; minime tutum est, febris recidivam praevenire simili corticis quantitate sumta: verum illico solventissimis remediis exhibitis oportet expectare febris reditum, per quam optime poterunt tolli illa mala, quorum signa post corticem exhibitum apparuerunt. Pessime enim semper cecidisse vidi, si in tali casu in corticis usu pergeretur: ratio autem ex ante dictis facile patet.

Uncia una corticis in substantia sufficere solet: si vero decocti forma sumatur, dupla quantitas requiritur: ubi autem per clystima injicitur, tripla plerumque copia adhiberi debet; & quandoque adhuc major, inprimis si haec clysmata non satis diu ab aegris retineri poruerint. Observavit etiam Sydenhamus (k), quo magis febris, sive sponte sua, sive regimine calidiori, ad continuitatem accedat, eo majore corticis quantitate opus fuisse; adeo ut aliquando sequi iuncta, vel & duabus uncis, se ad febres tales suadandas indiguissse testetur.

REGIMINE. Illud non adeo exactum requiri observavit Sydenhamus (l); cupeptos tamen, & euchymos cibos merito commendavit, quia per febrim praegressam debiliores aegri difficilius digestionis edulia non ferunt absque noxa, & recidivae periculo, cum sopitus ille character [vide § 747.] tam facile excutitur denuo. Cum autem saepe admodum famelici sint aegri, post febrim cortice fugatam, cavendum est, ne simul, & semel nimiam ciborum copiam ingurgitent, sed parca copia simul, & repetitis vicibus sumant. Frustribus tamen horreis, & liquoribus frigidis semper interdixit Sydenhamus (m). Vini usum modicum non tantum concessit, verum etiam quam maxime laudavit. Inprimis autem cavendum est, ne frigidiori aerae se temere exponant aegri, a nulla enim re majus recidivae periculum est, uti ad §. 757. dictum fuit.

Notavit praeterea Sydenhamus (n), difficilius per corticem sanari febres intermittentes, si inter ejus usum aegri jugiter lecto incarcerationentur.

Cum autem §. 766. monitum fuit, sublata febre intermittente, & restituti aegri viribus, conducere purgantia aliquoties etiam repetita, notandum est, postquam febris corticis Peruviani usu fugata est, nulla purgantia exhibenda esse, cum vel levissimum enema ex lacte saccharato in recidivae discrimen certissime aegrum conjiciat (o). Quod inprimis ideo animadvertendum est, quoniam plurimi, videntes febres has absque ullis evacuationibus sensibilibus saepe tolli, conabantur postea purgantibus deturbare morbosam, quam in corpore adhuc latere credebant, saburram.

§. 768. **Q**uin & Epithemata saepe juvant; & Inunctiones spinæ dorsi; & adstringentia epota.

Praeter

(k) Enist. 1. Respons. pag. 384.

(l) Ibid. pag. 386.

(m) Ibidem.

(n) Disert. Epist. pag. 467.

(o) Idem Epist. 1. Resp. pag. 386.



Præter illa, quæ hæcenus recensita fuerunt, laudantur & alia quædam adversus febres intermittentes remedia, quorum aliquando felices successus observati fuerunt.

**EPITHEMATA.** Quæ variis quidem corporis locis applicantur quandoque, plerumque tamen cardiacæ, carpis, sub poplitibus, vel axillis, imponi solent aliquot horis ante paroxysmum futuri tempus. Si autem in memoriam revocetur illa, quæ in Commentariis §. 757. dicta fuerunt, non adeo absolum videbitur, a talibus applicatis aliquid expectari posse, cum latens ille character, unde paroxysmi renovatio pendet, in subtilissimo fluido, nervis, vel horum communi origine hærete videatur; adeoque sæpe mutari, vel deleri possit per talia, quæ subtili fragrantia in nervos, & spiritus nervosos agere possunt. Historia Medica plura habet exempla febrium intermittenticum per epithemata curatarum. Sic de se ipso narrat *Boyleus* (p), quod a quotidiana violenta, frustra per usitatam Medicinæ methodum tentata, mirum in modum sanatus fuerit, dum carpis applicaretur plus ex salis nigri, & lupuli Anglici recentissimi duobus manipulis, cum quarta parte libræ uvarum Corinthiacarum, simul contusis parata. Plura alia similia, ut fuliginem cum terebinthina, millefolium sacculo inclusum stomacho applicatum &c. (q) laudat. *Erigerum*, sive senecionem vulgarem dictum, in pultem contusum, frigide applicatum cardiacæ, die intercalari, febres intermittentes curasse legitur (r). Tuto satis similia remedia tentari possunt; & inprimis in junioribus, qui sæpe pharmaca omnia respuunt, usum habent; forte quod in hac ætate facillime mobile genus nervosum a talibus externe applicatis magis afficiatur. Fatendum tamen est, non semper per hæc febres intermittentes tolli: nam & *Boyleus* (s) ipse fatetur, pultem illam ex lupulo, sale, & uvis Corinthiacis, aliquando successu caruisse.

Alia similia laudantur, quæ partes, quibus applicantur, stimulant, irritant, inflammant, imo & erodunt sæpe; & in toto corpore majori calore excitato frigus incipientis paroxysmi præoccupant. Sic in vicino pago rusticus fuit, qui plures a febribus intermittenticis curavit, dum ranunculum pratensem in platem contritum intra manuum digitos alligabat, unde dolor molestus, calor, & erosio sequebantur teneræ in his locis cutis, & simul sæpe subita febris curatio.

Talium autem epithematum formulæ in Materia Medica ad hunc numerum habentur.

**INUNCTIONES SPINÆ DORSI.** Hæc fuit Veterum Medicorum methodus, ut frigus febrile præverterent balneo, frictione valida, & calefactientium linimentorum inunctione; ut patet ex illis, quæ ad §. 756. 758. 761. dicta fuerunt. Cum autem ex dorsi spina nervosi trunci numerosi exeant, & uti sæpius dictum fuit, liquidi nervosi quædam inertia [vide §. 755.] paro-

(p) De utilitate philosophiæ experimentalis Exercit. V. cap. 10. §. 7. pag. 275.

(q) Ibid. §. 9. p. 276. & in additionibus ad priorem sectionem partis secundæ p. 435.

(r) Medical. Essays Tom. 2. pag. 47.

(s) De utilit. philos. Experiment. Exercit. V. cap. 10. pag. 275.

paroxysmi febrilis initium comitari videatur; ideo tota dorſi ſpina pannis laneis calidis valide perſricatur una, vel altera hora ante futurum paroxysmum, & deinde penetrabili aromatico linimento inungitur ante focum: cujus linimenti formula pariter in Materia Medica ad hunc numerum habetur. Pulchrum ſaepe ſucceſſum talis inunctio ſpinae dorſi in his febribus curandis habet, & aliquoties plerumque repeti debet ante ſequentes paroxysmos: raro enim ſtatim ſanat, licet plerumque levamen aſſerat. Unde *Ceſſus* (1) ſimilem methodum laudans addit ſequentia: *Neque deſiſtendum eſt, etiamſi horror redit, ſaepe enim pertinacia juvenis malum corporis vincit.*

**ADSTRINGENTIA EPOTA.** Plebejis hominibus uſitatum quandoque fuit ex alumine, & nucis myſtica paratum pharmacum, cujus formula in Materia Medica ad hunc numerum habetur, & aliquando ſucceſſum habuit. Alii plantaginem, tormentillam, & ſimilia adſtringentia laudaverunt. Jam apud *Hippocratem* (u) videtur commendari ſimilium uſus. In tertiāna febre enim, ſi quarta viceprehendat, purgans remedium dari jubet; ubi vero aeger non videatur indigere purgante remedio, *pentaphylli* radices acerbulae quantitate ex aqua tritas dabat. Satis conveniunt adſtringentia, ubi vel ex propria temperie, vel per morbum ipſum, nimis diſſolutos humores habeat aegri, & profuſis ſudoribus diſſuunt: ubi vero, liquidiſſimis partibus diſſatis, ſanguinis craſſities jam adeſt nimia, vel dum viſceribus obſtructis potius reſolventibus, & aſtenuantibus opus eſt, facile patet, damnofum eſſe adſtringentium remediorum uſum.

§. 769. **U**T ſingularis fiat curatio ſingularum, notetur 1. inter mittentes veras quo minori ſpatio quieſcunt, eo ſi niri citius, & contra. 2. eo itidem plus accedere ad acutarum genium, & in has mutari. 3. cauſam eo mobiliorem forte, & copioſiorem habere. 4. hinc vernaes, ſuperveniente calore, ſponte ſolvi. 5. autumnales, accedente frigore, increſcere. 6. inde liquere, quibus febribus medicina faciunda, & qualis.

Haecenus dictum fuit de generali cura febrium intermittentium: ſequuntur jam quaedam adhuc corollaria, quae ex praecedentibus deducuntur, & ad prognoli, & curationem in variis intermittientium ſpeciebus pertinent.

1. Fuit *Sydenhamus* in illa opinione, uti ad §. 757. dictum eſt, illud imprimis diſcrimen eſſe inter febres continuas, & intermittentes, quod continuas febres conceptam ſemel efferveſcentiam uno decurſu, & continuo abſolvant, intermittentes vero febres partitis vicibus illud facerent. Credebat autem, ſimile fere temporis ſpatium impendi & in continuis, & in intermittibus febribus, ut per febrem ſanguinis maſſa repurgaretur. Adeoque ex hac doctrina pateret ratio, quare febres intermittentes, inter quarum paroxysmos

Tom. II. Par. II.

minus

(1) Lib. III. cap. 12. pag. 142.

(u) De morbis Lib. II. cap. 13. Charter. Tom. VII. pag. 365.

minus temporis intervallum est; citius finirentur. Quousque hoc verum sit, antea dictum fuit. Inde autem sequeretur, quotidianam febrim citius finiendam esse tertiana, hanc quartana, & sic porro. Videtur autem haec regula non adeo universaliter vera esse. Quartanam ex sua indole tertiana febre longiorem esse, communis omnium Medicorum consensus docet; unde etiam *Hippocrates* [vide Commentaria §. 558.] quartanam febrim, & longissimam, & securissimam dixit.

Contingit quidem aliquando, tertianam febrim ad plures menses excurrere, sed rarius, & plerumque tunc perversa curandi methodus abibita fuit per validas, & repetitas evacuationes, uti antea monitum fuit; & quartanae febres simili methodo tractatae per annos quandoque manent. An autem in quintanis, sextanis &c. febribus obtineat, eo pertinaciores esse, quo majus inter paroxysmos intervallum sit, non facile dixerim, cum raro admodum in his regionibus occurrant tales febres. Saltem ex illis, quae ad §. 746. recensitae fuerunt, Medicorum observationibus videtur constare, illud non semper contingere, cum quintana febris v. g. post paucos paroxysmos desierit aliquando, quandoque, & decimum octavum mensem superaverit.

Quotidiana autem febris videtur frequentissimam hujus regulae exceptionem facere, cum saepe longe pertinacior sit febre tertiana; uti frequenter observavi ipse, & apud alios Auctores notatum inveni. Sic *Hesmannus* (w) testatur, longiorem esse febrim quotidianam, & ad plures saepe menses trahi. *Galenus* (u) quotidianae somitem piritam statuebat, frigidum nempe lentum, & glutinosum humorum, qui longe difficilior subigi poterat, & expelli, quam bilis, cui tertianarum originem tribuebat. Ex quibus videtur deduci posse, quod & majorem quotidianae febris diurnitatem agnoverit, sed & alibi [\*] diserte dixit, longam esse quotidianam febrim, & periculo non vacare. Forte & huc spectat sequens *Hippocratis* Aphorismus [y]: *Quibus accessiones fiunt, quacunque hora febris dimiserit, si postera die eadem hora prebenderit, difficilis sunt judicationis*. In Commentariis suis in hunc locum *Galenus* [z] hujus aphorismi talem esse sensum voluit: si v. g. quis coeperit febricitare hora tertia, & alia quavis hora febris dimiserit, sequenti die eadem hora tertia redierit febris, uti & eadem hora die proxime sequenti; & sic porro; tunc diuturniori tempore tales aegros laboraturos esse. Verum talis febris tunc vera quotidiana intermittens est, atque liceret inde concludere, quod *Hippocrates* illas febres longas esse, & soluti difficiles testatus fuerit. Videtur autem, si hoc sensu intelligatur ille aphorismus, optime notatum fuisse, si postero die eadem hora febris prebenderit, ut nempe quotidiana febris distinguatur a tertiana duplicata, cum qua *Celsus* (a) illam confudisse videtur. In tertiana enim duplicata raro, vel nunquam eadem hora sequenti die

pa-

(w) *Medicin. Rational. & systemat. Tom. IV. par. 1. pag. 83.*

(x) *De Febris Lib. I. cap. 4. Charter. Tom. VII. pag. 130.*

(\*) *Meth. med. ad Glauc. Lib. I. cap. 9. Charter. Tom. X. pag. 35a.*

(y) *Sect. IV. aphor. 30. Charter. Tom. IX. pag. 151.*

(z) *Ibidem. (a) Lib. III. cap. 3. pag. 116.*

paroxysmus incipit, sed paroxysmi alternis diebus sibi mutuo, tam quoad accessiones tempus, quam quoad symptomata comitantia, respondent. Monet quidem *Galenus* in loco modo citato, quosdam alium senium huic aphorismo dedisse, dum volebant sic intelligendum esse: si quis v. g. febre correptus sit, & hora duodecima desierit febris, si tunc sequenti die hora duodecima nova accessio contingat, tunc iudicatu difficilem talem morbum fore. Verum monet illos, qui sic sentiebant, nec ratione, nec experimentis opinionem suam stabilire posse, cum alia opinio experientia probetur.

2. Si enim quotidianae febris paroxysmus diutius excurrat, vix ullum est verae intermissionis tempus, sed remissio tantum: imo quandoque in veras continuas abeunt; uti optime *Celsus* (b) de quotidianis febribus agens monuit, dicens: *Rursus aliae sic desinunt, ut ex toto sequantur integritas: aliae sic, ut aliquantum quidem minuatur ex febre, nihilominus tamen quaedam reliquiae remaneant, donec altera accessio accedat: ac saepe aliae vix quidquam aus nihil remittunt, sed ita, ut coepere, continuant.* In tertianis etiam, inprimis autumnalibus, saepe contingit, ut productis & geminatis paroxysmis continuas febres aemulentur: in quartanis rarissime, quia tantum inter singulos paroxysmos intervallum est. Unde & *Celsus* (c) dixit: *Quartana neminem jugulat: sed, si ea facta est quotidiana, in malis aeger est: quod tamen, nisi culpa vel aegri, vel curantis, nunquam fit.* Triplicari quandoque quartanas constat; adeoque possent productis paroxysmis in continuas etiam mutari, quamvis rarius hoc contingere videatur: interim tamen observatur quandoque, febres autumnales, dum primo aggrediuntur, continuas, fracto postea morbi impetu in quartanis verti, ut antea ex *Sydenhamo* monitum fuit. Quintanas autem & reliquis intermittentium species, quarum paroxysmi adhuc longius distant, in continuas mutatas fuisse, quantum novi, nullis observationibus constat.

3. Videantur de hac illa, quae in Commentariis §. 757. habentur.

4. 5. Videantur illa, quae ad §. 747. de hac re dicta fuerunt. Simul etiam in Commentariis §. 757. notatum fuit, frigus inter illas causas, quae sopitum illum febrilem characterem, nondum tamen omnino deletum, excitare valent, & in actum deducere, praecipuum locum habere. Minime ergo mirum videbitur, si frigus accedens autumnalem febrem augeat, cum silentem excitare valeat. Praeterea in cura febrium intermittentium notatum fuit, prodesse saepe, si paullo magis calefiant aegri tempore *disruptas*, & inprimis circa tempus ingruentis paroxysmi: blandus autem verni aeris tepor illud praestit, quod per artem tentamus.

6. Vernae febres intermittentes, uti in praecedentibus dictum fuit, adeo benignae sunt indolis, ut nullam medelam requirant, sed sponte sua cedere soleant plerumque. In illis tantum hominibus, quibus debiliior sanguinis crassitudo facile sic solvitur, ut profuso, & multum debilitante sudore diffuant, pertinaces quandoque inveniuntur, roborantibus, & inprimis cortice Peruviano, tunc curabiles. Autumnales longe difficiliiores sunt, & magnam saepe Medici attentionem, & multa artis molimina requirunt; ut curari possint.

(b) Ibidem.

(c) Ibidem cap. 15. pag. 146.

Pro vario autem genio constitutionis epidemicæ, per observata fidelia cognita, ætate, temperie &c. ægrorum diversis, colluvie in primis viis hærente, viscerum obstructionibus febris comitantibus &c. diversa medela requiritur; de quibus omnibus actum fuit.

Licet autem adeo varia requiri videantur, tamen ad duas classes distinctas hæc redigi possunt, uti optime notavit Sydenhamus [d]: *Vel enim methodum, qua se natura liberare solet ab hoc morbo, caute, sollicitèque observando indicium sumere oportet, quo fermentationem abortiam acceleremus, atque ita ad sanitatem ægros perducamus, vel in ipsam causam specificam penetrando, danda erit opera, ut remediis efficacibus, ac specificis obviam eatur.* Sic v. g. in tertianis autumnalibus sæpe observatur, tempore paroxysmi ægros sursum, vel deorsum copiam biliolæ saburrae evacuare, & quidem magno cum levamine; unde & in tali casu per artem hoc imitantur medici. Ita videmus, in fine paroxysmi, sudore orto, levare omnia symptomata; unde & optimo cum successu ille sudor promovetur datis salibus, quæ copia aucta hunc sudorem movent, quam blandissime & diu (vide §. 764.). Sic observatum fuit, quartanam autumnalem, hyemali frigore auctam, verno tepore sequenti lentim solvi, & evanescere: unde & medici pulchro successu diætæ roborante ex eupeptis cibis, & potu meraciori vires firmant, ut sustinere possint illud, quod ferendum est diu, vinisque medicatis, ex aromatis, & amaris factis, corpus contra frigus muniant, & languentes viscerum chylopoieticorum actiones excitant. Ubi autem mense Februario vernus tepor adspirare incipit, inprimis tunc cavent, ne indigestili quodam cibo assumpto, vel alio quocunque diætæ vitio, turbetur corpus; quod & optime Celsus (e) monuit, dicens: *Cum vero vetus quartana raro, nisi vero solvatur, utique eo tempore attendendum est, ne quid fiat, quod valetudinem impediatur.* Quia autem circa illud tempus insignis mutatio in animalium corporibus fieri observatur, & morborum epidemicorum constitutio immutatur, uti in præcedentibus sæpius monitum fuit; prudenti usu remedium calefacientium effectus verni teporis augere tentant medici, optimo plerumque cum successu; cum contra, si antea talia remedia adhererentur, sæpe periculo non vacaret hæc methodus. Consuluit hinc Sydenhamus [f], ut circa illud tempus ægri insignem aliquam aeris mutationem subeant, sive in calidiorem aliquam regionem commigrando, sive mutando saltem locum, in quo primum hoc morbo correpti sunt. Non citius autem hoc faciendum voluit, quam circa Februarii initium. Ubi vero talis loci mutatio commode fieri nequit, ipso hoc tempore calida remedia dabit, ut uno quasi ictu languescentem illam depurationem potenter promoveat, & si fieri poterit, perficiat. Sic & Celsus (g) monuit prodesse, si in vetere quartana subinde mutetur victus genus, & ante accessionem sorberent ægri acetum, sinapi, vinum Græcum salsum, piper, castoreum, laser, myrrham. Per hæc enim, similiæque corpus agendum est, ut moveatur ex eo statu, quo detinetur [h]. Citius autem si propinarentur calida hæc remedia, quartanæ duplicarent,

ve

(d) Sect. I. cap. 5. pag. 108.

(f) Sect. I. cap. 5. pag. 115, 116.

(h) Ibidem.

(e) Lib. III. cap. 16. pag. 147.

(g) Lib. III. cap. 16. pag. 147.

vel in continuam mutarent quandoque; uti *Sydenhamus* prudenter monuit, & jam notaverat *Galenus* (i). Ex quibus omnibus patet, methodum generalem febres intermittentes curandi, ab antiquis Medicis jam adhibitam, & recentiorum testimoniis confirmatam, tantum fere esse imitationem illorum, quibus natura se ab his morbis liberare solet.

Altera autem methodus, quae in ipsam causam specificam februm penetrat, uti *Sydenhamus* dixerat, a priori diversa, vel talis est, ut turbando corpus mutet, vel tollat illam latentem dispositionem, unde paroxysmi renovantur, uti dum purgantibus, vel emeticis utimur non adeo ad evacuandum corpus, quam ad mutandum potius (vide §. 760.); vel dum liquido tenui aromatico epoto, calore foeti, vel leſti, frictionibus, inunctionibus spinæ dorsī, epitematibus &c. conamur primum febrilis paroxysmi tempus, & primam ejus causam superare (vide §. 756.). Illa tamen curatio februm intermittendum, quae per corticem Peruvianum fit, imprimis specifica dici meretur, cum absque ullis turbis, vel evacuationibus perficiatur. Quomodo autem haec cura conveniat, & qua lege tuto administrari possit, §. 767. dictum fuit.

Februm generalis historia, & curatio jam tradita fuit, deinde symptomata maxime communia, quae febres comitari solent, expensa fuere tam in sua indole, quam curatione. Ultimo denique actum fuit de februm classibus generalibus, continuis nempe, remittentibus, intermittentibus, & notata fuerunt illa, quae singulis his classibus tam in diagnosi, & prognosi, quam in curatione propria inveniebantur, & diversa erant ab illis, quae in generali februm historia, & curatione tradita erant. Sequitur nunc ut agatur de morbis acutis, quos febris comitatur quidem, sed qui tamen non a febre, sed a functione laesa organi per singularem inflammationem, nomen habent.

(i) Method. Med. ad Glaucon. Lib. I, cap. 12. Charter, Tom. X. pag. 359. 357.



## MORBI ACUTI FEBRILES.

§. 770. **N**unc morbi Acuti considerandi, qui febre stipati acuta, tamen singularem inflammationem inducunt huic, illive organo, unde ab ejus functione laesa toti morbo imponitur nomen. Tales sunt Phrenitis, Coma, Carus, Angina, Peripneumonia, Haemoptoe, Pleuritis, Inflammatio Mammarum, Diaphragmatis, Ventriculi, Hepatis. Lienis, Mesenterii, Intestinorum, (Dysenteria, Ileus, Volvulus, Tenesmus, Haemorrhoides, Colica biliosa), Renum, Vesicae, Ureterum, Uteri, Juncturarum, Exteriorum in Morbillis, Variolisque.

Quinam dicantur morbi acuti, in Commentariis §. 564. dictum fuit; tales nempe, qui cito vel tollunt hominem, vel cito ipsi finiuntur, & in quibus sine intermissionibus accessiones, & dolores graves urgent. Simul ibidem monitum fuit, febrem acutam vocari, quando & velociter, & cum periculo decurrit.

Quamvis autem omnes morbi statim enumerandi febre acuta stipentur, adeoque ex illis, quae hactenus de febribus tradita sunt, multum lucis horum morborum curationi affundatur, uti etiam ex illis, quae in *Capitulo de Inflammatione* habentur; tamen operae pretium erit de praecipuis seorsim dicere, cum ratione variarum partium affectarum plura singularia in Diagnosi, Prognosi, & Curatione habeant, quae notari merentur.

Cum autem his morbis singularis inflammatio hujus, illiusve organi adsit, non simpliciter vocantur febres acutae, sed a functione laesa nomen habent: uti optime notavit *Galenus* [k]. Postquam enim de ephemericis febribus egerat, dicit: *Aliarum vero febrium quaedam ex inflammatione, quaedam ex humoribus accenduntur. Et quae ex inflammatione, velut inflammatarum partium quaedam symptomata sunt, morbusque ab affecto organo denominationem fere accipit, ut phrenitis, peripneumonia, & alii similes.*

Tota ergo diversitas horum morborum pendet a parte affecta, quam occupat inflammatio; & possunt illi morbi in alios, similiter inflammatorios, mutari, dum manente febre acuta, & inflammatione, mutatur tantum locus corporis, versus quem materia inflammatoria deponitur. Sic inflammationes pleurae, pulmonis, diaphragmatis in phrenitidem mutantur toties, uti postea dicitur.

Ita angina inflammatoria levatur, dum externa colli & pectoris tegumenta phlegmo-

{k} Method. Med. ad Glaucon. Lib. I. cap. 3. Charter. Tom. X. pag. 349.


phlegmonē, vel erysipelatē occupantur; materia inflammatoria, quae prius fauces internas angebat, nunc exteriores partes obsidente.

In his ergo morbis majus, vel minor discrimen pro maxima parte pendet a loco, versus quem per febrem deponitur materia inflammatoria; de qua re videantur illa, quae in Commentariis §. 593. de exitu febris in alium morbum dicta fuerunt.

Tria ergo in morbis acutis inflammatoriis consideranda sunt. Febris acuta continua, Inflammatio, & Organum, cujus functiones, per inflammationem illud occupantem, laesae sunt; seduloque attendendum, quo usque generalis febrim, & inflammationis curatio ante tradita his morbis conveniat, & quid praeterea in singulis requiratur.

Recescentur autem morbi illi acuti inflammatorii, a capite incipiendo, deinde versus alias partes descendendo; unde phrenitis primum locum obtinet, ultimum uteri inflammatio: quibus deinde inflammationes juncturarum, & exteriorum partium corporis in morbillis, & variolis junguntur. Interim tamen in sequentibus idem ille ordo non semper servatur. De Comate enim antea inter symptomata febrilia dictum fuit: de Caro autem, cum levis apoplexia sit, melius post traditam apoplexiae historiam dicitur. Cum autem haemoptoeen praegressam toties phthisis sequatur, de illa in capitulo de Phthisi agatur. Mammarum autem inflammatio cum raro contingat nisi puerperis, vel lactantibus, de illa inter puerperii morbos dicitur. Lienis inflammatio ex hepatitis historia facile intelligi poterit, uti ad §. 958. monetur. Sic etiam mesenterii inflammatio eadem requirit, quae in intestinorum inflammatione habentur: unde etiam hauriri possunt illa, quae ad dysenteriam, ileum, volvulum, tenesimum, haemorrhoides, spectant, quatenus nempe omnes hi morbi inflammationi ortum debent. Colica autem biliosa ex hepatitis historia imprimis cognosci poterit. Illa vero, quae ad ureterum, & vesicae inflammationem pertinent, partim ex nephritidis historia, partim ex illis, quae de calculo postea dicuntur, hauriri poterunt. De uteri inflammatione pariter peculiari capitulo non agitur in his Aphorismis, verum inter morbos puerperii de hac quaedam dici poterunt, cum puerperis frequentissimus sit hic morbus. Juncturarum inflammatio ex illis, quae de rheumatismo, & podagra dicuntur, pariter intelligi poterit. Cum autem junioribus frequens sit variolarum morbus, de illis post morbos infantum dicitur. De morbillis non habetur singulare capitulum, forte quia ex illis, quae de exanthematibus febrilibus dicta fuerunt, haberi possunt illa, quae ad horum curationem pertinent.





## P H R E N I T I S.

§. 771. **S**I ferox, & perpetuum delirium a Cerebro primario affecto cum febre acuta continua oritur, vocatur Phrenitis Vera.

Si a malo aliunde in Cerebrum delato in febre, inflammatione &c. Phrenitis Symptomatica, παραφροσύνη, desipientia, dicitur.

Mens Graecis φρεν dicebatur, & φρενας pro sapientia Graeci passim usurpant: unde φρενitis dicitur quasi φρενῶν νόσος, uti ἀφρενίας τὴν ἀφροσύνην, ac πλεονεξίαν τὴν φλυσιῶδη (1). Videtur enim usu apud Medicos Veteres obtinuisse, ut partis affectae nomini adderent terminationem *itis*, quando inflammatorium imprimis ejusdem partis morbum designare volebant, uti patet in hepaticide, nephriticide &c. Illius ergo partis corporeae, unde humana sapientia pendet, morbum phrenitidem dixerunt; quam & ideo *Plinius* [m], recensens signa lethalia in hoc morbo ab *Hippocrate* memorata, vocavit *sapientiae aegritudinem*. Cum autem & maniaci, & melancholici insaniant, optime phrenitidem ab his morbis distinxit *Celsus* [n], dicens: *Incipiam ab insania, primamque hujus ipsius partem aggrediar, quae & acuta, & in febre est. Graeci φρενitis appellant.* Ut autem distingueret phrenitidem a delirio, de quo §. 700. inter symptomata febrilia actum fuit, notavit, interdum quidem in accessione aegros desipere, & loqui aliena, sed levato accessione impetu mentem redire. *Phrenitis vero tum demum est, cum continua dementia esse incipit; aut cum aeger, quamvis adhuc sapiat, tamen quasdam vanas imagines accipit: perfecta est, ubi mens illis imaginibus addita est.*

Nostratum autem fuit in Commentariis §. 700., ubi illa interna cerebri dispositio, delirii causa, tam valida est, ut aequipolleat, vel & superet illas mutationes sensorii communis, quae ab objectis externis in sensuum organa agentibus fiunt, sequi iudicium, & animi affectus saepe validissimos, atque tunc adesse ferox delirium, dum sibi, aliisve nocere tentant aegri.

Perpetuum ergo delirium cum febre acuta continua adest in phrenitide vera: illudque delirium plerumque ferox esse solet, ob validam mutationem sensorii communis. Non semper tamen illa ferocia adest, uti in Commentariis §. 700. probatum pariter fuit; dum nempe ideae a tali morbo mutatae sensorii communis natae non habent sibi junctum illud placens, vel displicens, unde animi affectus excitantur, sed adiaphorae sunt. Dari enim tales phrenitides, & pessimas quidem, in quibus aegri obscure delirant, absque ulla ferocia, ex *Hippocrate*, & *Galeno* ibidem demonstratum fuit.

Al-

(1) Salmast. Epist. 36. pag. 79.

(m) Hist. Nat. Lib. VII. cap. 15. pag. 166.

(n) Lib. III. cap. 17. pag. 148.

Alterum, quod in Phrenitide vera notandum est, cerebrum in hoc morbo primario affectum esse; id est, morbi causam in alio corporis loco natam, & inde in cerebrum delatam fuisse, sed in ipso cerebro, vel membranis illud involventibus, a primo initio morbi adfuisse, licet per febris impetum augeri possit praesens jam in cerebro vitium. Veram enim, & exquisitam phrenitidem tunc tantum dixerunt Veteres Medici, quum cerebrum ipsum primario affectum est. Sic Galenus (o) dixit: *Phrenitis siquidem exquisita, & non permixta alteri morbo, fit bile flava locum, in quo princeps animae pars residet, prebidente*. Et alibi (p). *Flava bilis, si in cerebrum, ipsiusque membranas se firmaverit, phrenitides efficit*. Priusquam autem se firmaverit, per ipsarum venas diffuens, non phrenitides, sed in febrium vigoribus deliria irruat. Quamvis autem hodie novimus, ab aliis etiam causis phrenitidem produci; & non semper a flava bile; demonstrant tamen loca allegata, Galenum in illa opinione fuisse, quod in phrenitide vera cerebrum, ejusque membranae primario affecta sint, uti etiam alibi (\*) diserte monuit, dicens: *neque enim per consensum in eo morbo cerebrum afficitur, sed propria, & primaria affectione* [κατ' ιδιαν καὶ ἐκ τῶν ἰδίων] *laborat*. Idem & habet Caelius Aurelianus (q), qui Graecorum Medicorum, prout in varias sectas abjerant, sententias diligenter collegit, sequentia ex Asclepiade notans; *Phrenitis est corpusculorum stasio, sive obstructio in cerebri membranis frequenter sine consensu, cum alienatione, & febribus*.

Ubi vero illud, quod jam in cerebro, ejusque membranis haerens phrenitidem facit, prius in alio loco corporis natum, vel collectum fuit, & morbum facit turbando functiones illarum partium, quibus inhaeret; deinde per *μίσγασιν*, liberata parte prius affecta, ad cerebrum, ejusque membranas delatum secit ferox, & perpetuum delirium cum febre acuta continua, vocabitur talis morbus quidem phrenitis; verum quia cerebrum non primario affectum fuit, sed secundario tantum, non dicenda erit phrenitis vera, sed symptomatica. In utroque tamen casu eadem pars affecta est, similis materia morbi, inflammatoria nempe: tota diversitas inter phrenitidem veram, & symptomaticam tantum in eo consistit, quod in symptomatica illud, quod cerebrum turbat, prius in alia parte haeserit, postea ad cerebrum delatum. Cum enim hic de morbis inflammatoriis, acuta febre stipatis, sermo tantum sit, non agitur de talibus causis, quae in aliis locis corporis haerentes cerebrum turbare valent, & mira deliria, & ferocissima quidem, producere, licet maneant in pristina sede hae causae, neque ad cerebrum ipsum, vel ejus membranas per metastasin deferantur; de qua re videantur illa, quae in Commentariis §. 701. dicta fuerunt. Probatum enim ibi fuit, sordes circa praecordia collectas omnes cerebri functiones turbare posse; sic tamen, ut excussis his sordibus redeat illico functionum cerebri integritas: unde merito concludebatur, nullam

(o) Comment. 1. in Lib. I. Prorethetico. Hippocr. Charter. Tom. VIII. pag. 694.

(p) Comment. 2. in Lib. I. Epidem. Charter. Tom. IX. pag. 69.

(\*) De locis affect. Lib. V. cap. 4. Charter. Tom. VII. pag. 489.

(q) Acutor. Morbor. Lib. 1. in Praefat. pag. 2.

bullam topicam causam in cerebro adfuisse illo tempore, dum ejus functiones turbatae erant, sed omnium illorum malorum causam, & fontem in aliis, & longe diffitis locis haesisse.

Necessaria autem est haec distinctio inter phrenitidem veram & symptomaticam, quia in curatione utriusque hujus mali magna saepe diversitas requiritur, uti postea ad §. 781. dicitur. Solet autem quandoque & *phrenitis*, vel & desipientia, vocari phrenitis talis symptomatica; verum minus proprie, cum hoc nomine & delirium, quod non perpetuum est, sed in vigore tantum febrium adest, dixerint veteres, uti ex pluribus locis *Galenii* (r) patet, atque etiam in *Commentariis* §. 700. monitum fuit. Uti jam varia deliriorum genera sunt, pro vario gradu morbosae cerebri dispositionis, sic & idem in phrenitide verum esse facile patet, uti etiam *Galenus* (s) monuit, dicens. *Quippe phrenitici quidam in rebus sub aspectum cadentibus discernendis nihil errant a naturali intellectus judicio aberrant: alii contra cogitatione quidem falluntur minime, sensibus tamen difformiter moventur: sunt praeterea qui sensus simul, & cogitationis vitio laborant* [Exemplis autem tam in aliis hominibus, quam in se ipso, modo dicta confirmant.

§. 772. **A**ntecedunt Veram, calor, dolorque internus capitis ingens, & inflammatorius; sanguinis copia nimia; dispositio inflammatoria; rubor oculorum, faciei; somni turbolenti; desipientia levis; adolescentia; calidorum usus; insolatio; vigiliae; ira; moeror; protervia, seu ferocitas; oblivio subitanea; siccitas totius, maxime cerebri; collectio floccorum.

Agendum jam erit de illis, quae utramque phrenitidem, tam veram, quam symptomaticam, antecedunt. Cum enim adeo periculosum sit hoc malum, & tam difficulter curabile, ubi invaluerit, omni ope attendendum est, ut cognoscatur, an illud jure metuendum sit, sicque hoc cognitum illico applicari possint efficacissima remedia, quibus phrenitis futura caveri, vel nasci jam incipientes tolli illico possit. Novimus autem, phrenitidem instare, si praegressae fuerint tales causae, quae inflammationi producendae aptae sunt, inprimis in capite, vel eandem aliis in locis natam versus caput determinant: uti etiam, si in febribus acutis appareant signa laesionis functionum cerebri. Omnia autem haec jam seorsim expendenda erant.

**CALOR, DOLORQUE INTERNUS CAPITIS INGENS, ET INFLAMMATORIUS.** Ubi de signis inflammationis agebatur §. 381. demonstratum fuit, dolorem punctorium, ob fibras minimas vasculorum distentorum rupturae proximas, & calorem majorem adesse in omni inflammatione, una cum feбри, & pulsationis sensu. Et ex his inprimis signis de praesentia inflammationis internae judicamus, cum reliqua signa, ut tumor, rubedo, durities &c. tantum in partibus

(r) Vide Foetii Oeconomiam, & Gorraei definitiones ac vocabulum *phrenitis*.

(s) De Locis affectis Lib. IV. cap. 2. Charter. Tom. VII. pag. 454.

partibus externis corporis inflammatis videri possint. Ubi ergo in febre acuta dolor ingens, & continuus capitis adest, cum sensu magni caloris, & pulsationis, novimus inflammationem metuendam esse in cerebri meningibus, quam inflammationem proximam causam esse phrenitidis verae posse ad §. 776. demonstrabitur. Cerebri enim corticem, licet inflammatum, non dolere, admodum verosimile videtur ex illis, quae in vulnere capitis historia dicta fuerunt. Constitit enim tunc, fungos cerebri ligari, abscindi, erodi potuisse absque dolore. Adeoque dolor ille internus capitis a vasis per cerebri membranas dispersis sanguine inflammatoria densitate immeabili distentis, nasci videtur. Unde etiam *Galenus* (1) pertinacis capitis doloris causam in cerebri meningibus posuit. Verum quidem est, non omnem capitis dolorem in febribus acutis inflammationem meningum cerebri designare, nam & per consensum, aliis partibus corporis affectis, capitis dolor nascitur; uti v. g. dum corrupta bilis circa praecordia haeret, quod antea jam saepius dictum fuit, & a *Galenio* (2) pariter monitum. Verum calor, & reliqua inflammationis internae capitis signa, facile demonstrant, cui causae dolor ille capitis debeatur. Unde & optime *Trallianus* (3) phreniticos distinxit ab illis, qui ob sympatiam partium delirant (de qua re videantur dicta ad §. 701.), quod in phrenitide caput sit calidius.

Patet hinc ratio, quare *Hippocrates* capitis dolores intensos, & continuos, cum febre damnaverit tanquam exitiosos (4), atque eosdem in morbis acutis, nisi salutaris narium haemorrhagia superveniret, phrenitidem praenunciare monuerit (5).

**SANGUINIS COPIA NIMIA.** Demonstratum fuit in Commentariis §. 106., a sola nimia sanguinis copia arteriarum, tam sanguiferarum, quam lymphaticarum, dilatationem fieri, inflammationem produci, & plura alia, quae inde pendunt, mala. Simul autem ibidem probatum fuit, encephali functiones inprimis a plethora turbari. Quae omnia plurimum augentur, dum per febrilem calorem rarefactus sanguis vasa, quibus continetur, magis adhuc distendit: adeoque patet, quare plethora inter antecedentia phrenitidem causas merito numeretur.

**DISPOSITIO INFLAMMATORIA.** Haec dicitur adesse, quando homines ex propria temperie in morbos inflammatorios vergunt. In illis autem hoc obtinet inprimis, quibus vasa robusta, & contracta, humores densi sunt, & acriores, & celerius moti. Pulsus his hominibus majores, & crebriores esse solent, corpus gracile, agile, robustum, calidum. Duris laboribus quotidie exercitata corpora hanc dispositionem acquirunt. Confirmatur haec diagnosi, si antea morbis acutis inflammatoriis laboraverint.

**RUBOR OCULORUM, FACIEI.** Designat enim sanguinem majori copia, & impetu ad caput deferri, adeoque & vasa magis distendi. Per faciem, qui

(1) De Locis affectis Lib. III. cap. 13. Charter. Tom. VII. pag. 448.

(2) Method. Med. ad Glaucon. Lib. I. cap. 16. Charter. Tom. X. pag. 364.

(3) Lib. I. cap. 13. pag. 45.

(4) In Prognostic. Charter. Tom. VIII. pag. 606. & 671.

(5) Coac. Praenot. N. 220. ibid. pag. 858.

quidem externae carotidis rami pro maxima parte sanguinem distribuunt, sed ad oculos, & per internae carotidis ramulos sanguis fertur. Unde ex hoc signo novimus internas capitis partes similiter affici. Ob hanc causam rubor faciei, & oculorum inter signa futurae haemorrhagiae §. 741. numerata fuerunt.

**SOMNI TURBULENTI.** Si una cum signis praecedentibus, quae inflammationem sanguinis dispositionem, ejusque majorem determinationem versus caput, designant, oriatur molestissimus ille affectus, quem coma vigil (vide §. 703.) vocare solent Medici [quando nempe ipso in somni limine cum terrore mox evigilant aegri, vel si obdormiverint, horrendis insomniis turbantur] novimus, jam affici cerebrum ob impeditum liberum transitum sanguinis per vasa, adeoque brevi frenitidem, & alia pessima mala expectanda esse, uti alia occasione ad §. 735. dictum fuit. Unde etiam *Hippocrates* (2) somnos profundos, non turbulentos, pro firmas judicationis signis habuit; contra vero turbulentos somnos damnavit.

**DESIPENTIA LEVIS.** Quando in aegris idearum ortus non respondet externis causis, sed internae cerebri dispositioni, tunc delirium adesse dicitur, uti §. 700. patuit: atque ibidem dictum fuit, varios delirii talis gradus esse posse. Levis autem desipientia dicitur, cum illas ideas ab interna, & morbosa cerebri dispositione natas non comitatur judicium, neque sequuntur validi animi affectus, tunc enim ratiocinio & adstantium persuasione adhuc delirii possunt natae hae ideae. Interim tamen, si pergant eadem causae agere, facile patet, & perpetui delirii justum metum esse. Praeterea in Commentariis §. 700. monitum fuit, quandoque levem tantum desipientiam apparere, licet causae sensorium commune mutantis satis valida fuerint. Quales erant illae tremulae, & obscurae desipientiae, quas *Hippocrates* valde phreniticas jure vocavit, ut ibidem dictum fuit.

**ADOLESCENTIA.** Aetatis florem morbis acutis inflammatoriis maxime obnoxium esse, omnia medicorum observata testantur: ubi vero jam in senium vergunt homines, minus his morbis consistantur, sed chronicis, & pertinacissimis quidem, potius affliguntur. Non autem adolescentibus tantum, sed & adultis in summo vigore aetatis, similes morbi frequenter contingere solent. Unde dixit *Hippocrates* (a): *Ab anno decimo quarto, usque ad quadragesimum secundum naturam corporis morborum omnis generis saevax sit.* Et alibi (b), aetatum varios morbos recensens, juvenibus sanguinis sputum, tabem, febrem acutam, aliosque morbos contingere monuit; juvenilem vero aetatem praetergressis, una cum aliis morbis acutis inflammatoriis, phrenitides fieri dixit.

**CALIDORUM USUS.** Toties hoc trifidus exemplis constitit, dum optimae spei juvenes, vinis generosis, vel & spiritibus fermentatis liberalius haustis, in morbos acutissimos inflammatorios inciderunt, & phrenitici pericruant. Exemplis quibusdam ex *Hippocrate* & *Galeno* allegatis illud constitit in Commentariis

(2) Coac. Praenot. N. 152. Charter. Tom. VII. pag. 866.

(a) Ibid. N. 512. pag. 882.

(b) Aphor. 29. & 30. Sec. III. Charter. Tom. IX. pag. 135. 136.

mentariis §. 586. 2., ubi de singularibus febrium causis agebatur. Innumeros fere casus Historia Medica habet, quibus idem confirmatur.

**INSOLATIO.** Inprimis si non bene tecto capite aestivi solia radiis homines diu exponuntur; tunc enim sic calefcere possunt capitis integumenta, & ipsa calvaria, ut sanguis a nimio calore coagulari jam incipiat, unde pessima, & saepe subito lethalis phrenitis nascitur. Verum quidem est, molestum talem caloris gradum cavere homines quantum possunt semper, ingrato sensu moniti; tamen per aperta loca iter facientes aestivis sub arboribus quandoque haec pati coguntur: unde saepe integri exercitus ingentem stragem patiuntur. Nihil magis periculofum, quam si solia radiis exposito capite quia dormiat. Memini binos messorum, sanissimos certe, & robustissimos, intra bihorium sic periisse; dum foeni acervo incumbentes, nudo capite meridiano soli exposito, obdormivissent. A sociis enim expergesti titubabant, incondita quaedam obmurmurabant, & paulo post moriebantur ambo. Neque hoc mirum videbitur, si attendatur, lignum, lapidea, metallum, &c. solis aestivi radiis exposita, sic calefcere posse, ut tangentis manuum laedant. Ita *Manasser* maritus *Judith*, dum in diebus messis hordeaceae inflaret super alligantes manipulos, mortuus legitur (c), *venit enim aestus super caput ejus*.

**VIGILIAE.** Nimiis vigiliis arteri solida minima inprimis cerebri, dum nulla interposita quiete pergunt omnes cerebri functiones; diffilari tenuissimam sanguinis partem, adeoque reliquum incrassari, antea vidimus ad numerum 12. §. 605.; uti etiam humoribus ab eadem causa majorem acrimoniam conciliari. Verum aucta sanguinis spissitudo cum acrimonia commixta pessimis inflammationibus producendis aptissima est, uti constat ex illis, quae in historia inflammationis dicta sunt. Simul etiam constitit ex dictis ad §. 708. pervigilium in febribus pro causa sua plerumque habere levissimae inflammationis cerebri prima initia. Adeoque vigiliae nocebunt, ut signum futurae phrenitidis, & ut causa hunc morbum producere valens. Unde & *Hippocrates* [d] dixit: *A vigilia convulso aut delirium malum*.

**IRA.** Quae non sine ratione brevis furor dicta fuit; summa enim ira excandescens homo nihil differt a furibundo phrenitico: ingens enim aestus accenditur, pulsus plenus celer validus fit, truces, & scintillantes prominent oculi sanguine saepe suffusi, facies torva, & vultuosa apparet, quaevis periculosa spernit iratus, sibi, aliisque nocens quam saepissime.

*Nunc facie supposita fervescit sanguis, & ira  
Scintillant oculi: dicisque, facisque,  
Non sani hominum non sanus iures Orestes (e).*

Cum ergo adeo per iram turbentur cerebri functiones, motus humorum longe reddatur citatior, omniaque signa doceant, sanguinem majore copia, & impetu

(c) *Judith*. can. 8. vers. 2. & 3.

(d) *Aphor.* 18. Sect. VII. *Charact.* Tom. IX. pag. 100.

(e) *A. Persii Sat.* 3. in fine.

inprimis oculorum siccitas, & squalor interiora capitis similiter affecta esse indicant, cum carotidis internae rami per illos distribuuntur. Patet hinc ratio, quare contractas, strigolas, faucium partes in acutis, uti etiam aegri, postquam hiaverint, difficulter os claudere possunt, deliria contendere, atque inde phreniticos factos perniciosè habere dixit Hippocrates [h]; omnia enim hæc ariditatem harum partium demonstrant. Uti etiam, quare vocem clangosam, & oculos sordidos, & pulverulentos infaniam, portendere monuerit alibi [i].

Omnia autem illa signa; quae phrenitidem veram præcedunt, pulcherrime collegit Galenus (k), falsus se illa ex antiquioribus Medicis hausisse. Sic autem habet: Nam interdum vigilias præcedere, sive etiam somnos manifestis phantasmatibus turbatus, ut & clament nonnulli, & exiliant, videre est; interdum vero irrationalis accedit oblivio, ut laborantes aliqui, quum matellam petierint, mejere tamen negligant, aut quum lotium emittunt, matellam ipsam prodere haudquamquam meminerint; vel majori cum tumultu, aut temeritate respondeant, præsertim ubi aliquis antea fuit moderatus. At & hi omnes exiguo utuntur potu, & respiratio magna, & rara est, & pulsus minores, magisque nervosos habent; nonnunquam occiput dolor infestat. Quum vero jam proxime ad phrenitidem accedunt, oculos habeat vehementer squalidos, & ex altero ipsorum acris lacryma effunditur, ac deinde lemas habent, & venas ipsorum sanguine plenas, & sanguis stillat e naribus. Quo tempore neque jam plane, ut mentis composes respondent, floccos avellunt, & festucas carpunt &c. Quid dicam de lingua aspera, auditu quandoque hebetiori, tum quod interdum moesti jaceant vix respondentes, vel quum pari quaedam dolorificum patiatur affectum, etiamsi vehementius aliquis eam tangat, ipsi haudquamquam sentiant?

Alteram vero omnis fere morbus acutus cum febris; dolor lateris non pleuriticis, cum levi perturbatione animi: Inflammatio pleurae, pulmonis, diaphragmatis, quae pessima; hanc præfagit lingua nigra, alvus suppressa, urina retenta, foeces albae (hae lethales ubique), urina pallida, decolor, tenuis,  $\alpha\delta\iota\psi\iota\alpha$ , ferocitas, rubor, urina cum suspensio nigro, vigiliae, signa instantis inflammationis in capite.

Symptomata autem phrenitis, quae a malo aliunde in cerebrum delato pender, quemvis fere morbum acutum cum febre sequi poterit. Demonstratum enim fuit §. 387. per febrem liquidissima exprimi, reliqua incassari, adeoque humores immeabiles fieri; unde facillime in minimis encephali vasis obstructio, & inflammatio fieri poterunt. Præterea dum nimis impetuoso motu febres in mortem tendit, [vide §. 392.] pessimas inflammationes in visceribus, & subito quidem lethales, metuendas esse constitit. Uti etiam, dum deponendo materiam febrilem in varia corporis loca febris in alium morbum desinit (vide §. 393.).

Verum

(h) Prothretic. Lib. I. text. 11. Charter. Tom. VIII. pag. 707. (i) Ibid. text. 17. pag. 712. (k) De locis affectis Lib. V. cap. 4. Charter. Tom. VII. pag. 489.

Verum praeter haec observata practica testantur, natos in variis locis corporis dolores inflammatorios cum febre acuta, quandoque absque bonis signis evanescere, & dein periculosissima methastasi materiam morbosam versus cerebrum derivari, sicque phrenitidem symptomaticam facere. Notabile exemplum apud Hippocratem (1) hebetur. *Calvo enim in Larissa* derepente semur dextrum doluit, primo jam die febris acuta ardens aderat. Secundo die femoris dolor quidem remisit, verum absque bonis signis; febris enim intendebatur, non dormiebat aeger, extrema corporis frigebant &c. Terrio die femoris dolor cessavit, sed mentis alienatio, & multa jactatio accesserunt: quarto autem die circa meridiem celerime periit. Similem casum vidi in muliere, cui oborta febre continua acutissimus dolor sinistram suram occupabat: applicuerant autem lintea spiritu vini madida parti dolenti, & post bihorium, dolore surae evanido, delirabat pessime; paullo post convulsa periit secundo morbi die. Dictum fuit in Commentariis §. 593., in hominibus etiam sanissimis, absque ulla causa praegressa, nasci quandoque febrim, per quam in hac, illave parte corporis excitatur subito phlegmone validissima, & deposita materia illa inflammatoria desinere febrim; eventum autem similium morborum pendere inprimis a parte affecta, quam per febrim deposita materia oecupat. Verum semel sic in locum quemdam deposita materia potest inde exire iterum, & ad alias partes corporis transferri. Sic erysipelas ab intro foras verti, & contra, in Commentariis §. 724. dictum fuit. In Anginae historia patebit, levare morbum, dum pectus, & collum rubescunt; perniciem certam instare, dum versus interiora denuo recurrit ille rubor, uti etiam si agina in pulmonem vertitur, sicut Hippocrates observavit. Idem jam in pleuritide, peripneumonia, similibusque fieri poterit, ut morbi illi absque bonis signis levare videantur, dum interim mala metastasis cerebrum afficit. Memini me quandoque talem pleuritidis epidemicae speciem vidisse, cui morbo, nisi ab initio jam balneis pedum, epispasticis, situ corporis erecto &c. prospiceretur, familiaris erat in phrenitidem primis etiam diebus mutatio. Inprimis autem illa proclivitas in phrenitidem observatur in illis morbis, in quibus inflammatoria quidem dispositio manifesta est, tamen non adeo pertinaciter parti cuidam corporis inhaeret inflammatio, sed magis quasi vaga, & mobilis materies morbi videtur. HUC FORTE PERTINET DOLOR LATERIS NON PLEURITICUS CUM LEVI PERTURBATIONE ANIMI, cujus Hippocrates (m) meminit, dicens: cum lateris dolore, non tamen pleuritico, & turbulenti tenuibus lenibus [ *μετακίνητος πνεύματις ὁ ἀνὴρ* ] *hi phrenitici sunt*. Turbulenta autem illa tenuia lenia satis apte videntur de leni perturbatione animi intelligi posse. Affinis huic sententiae locus etiam alibi apud Hippocratem (n) habetur: *Lateris dolor, ex sputis biliosis, si absque ratione evanuerit, in furorē aguntur*. Laterum enim dolores, ut pleuritici vocari possint, satis acuti, & punctorii esse debent, inspirationem prohibentes, una cum

(1) Epidem. 3. aegrot. 5. Charter. Tom. IX. pag. 299.

(m) Coacar. Praenot. N. 411. Charter. Tom. VIII. pag. 876.

(n) Prorethoricorum Lib. I. Charter. Tom. VII. pag. 767. & Coac. Praenot. N. 418. ibid. pag. 876.



tussi fore perpetua [vide §. 875]; adeoque non repugnat, laterum dolorem, cum febre etiam, absque pleuritide esse posse. Hinc etiam videtur *Hippocrates* (e), dum hybernos morbos recenset, in eodem aphorismo & pleuritides, & laterum dolores numerasse. Neque tantum in lateribus, sed & in aliis corporis locis leviores tales dolores inflammatorii observantur, cum maxima propensione in phrenitidem symptomaticam. Sic testatur *Sydenhamus* (p), se febrem quandam epidemicam observasse, in qua sanguis venis eductus pleuriticorum sanguinem haud raro accumulabatur, atque sub primum morbi insultum dolor collum & fauces, sed levior quam in angina, occupabat: tanta autem proclivitas in phrenesin erat in hac febre, ut quandoque sponte sua in hanc tenderet, vel saltem a regimine paulo calidiori, jugi in lecto decubitu, & similibus certissime phrenitis accederet. Ubi notandum est, quod uti in priori casu dolor lateris sed non pleuriticus aderat, sic & hic dolor colli & faucium, sed levior quam in angina, observabatur.

Considerandum autem, quod in pleuritide, & similibus morbis inflammatoriis, qui liberam respirationem impediunt, sanguis per pulmonem difficulter transire possit, unde cor dextrum se commode evacuare nequit, adeoque nec venosus sanguis a capite rediens in sinum dextrum, & auriculam poterit propelli; unde arteriis pergentibus sanguinem versus encephalon deferre, dum tamen venae eundem sanguinem reducere nequeunt, omnia vasa sanguinea distenta manent, comprimuntur reliqua, adeoque omnes cerebri functiones turbantur. Haec est altera phrenitidis symptomaticae, pessimae quidem & plerumque cito lethalis, species, quae a morbis inflammatoriis aliarum partium producitur: verum in tali casu phrenitis absque metastasi materiae morbosae nascitur; priores enim morbi manent, uti facile patet. Diaphragmatis autem inflammatio omnium similium morborum acutorum, qui phrenitidem symptomaticam producere solent, pessima est, uti postea patebit, quando de Paraphrenitide peculiari capitulo dicetur.

Sequitur, jam ut consideremus illa signa, quae docent, alios morbos in phrenitidem symptomaticam vergere.

**LINGUA NIGRA.** Designat enim vel defectum tenuis lymphae sanguinis; vel majora vasa, immeabili sanguine distenta, vicina minora comprimere, unde fistulae arteriosae exhalantes, in linguae superficie positae, exarscunt, & gangraenosae fiunt. Hinc ex lingua nigra, in primis si sicca simul fuerit, pessima humorum conditio praesagitur: de qua re videantur illa, quae in Commentariis §. 739. dicta sunt. Atque ideo linguam asperam, & aridam inter phrenitidis signa recensuit *Hippocrates*, uti ad §. 702. monitum fuit.

**ALVUS SUPPRESSA, FAECES ALBAE.** Notum est, per alvum, & urinam pelli de corpore illa, quae diutius relictæ nocerent, dum ex humoribus sanis, per ipsam circulationem mutatis, & acrioribus redditis, separantur talia faeculenta, sive & ex ingestis nutrimentis actionem ventriculi, & intestinorum passis

(e) Aphor. 23. Sect. III. Charter. Tom. IX. pag. 118.  
de novae febris ingressu pag. 652.

(p) In Scheda monitor.

passis residuae faeces accumulantur, pariter eliminandae. In morbis autem acutis, ob auctam circulationis velocitatem, dum olea, & sales sanguinis acriora sunt [vide §. 100. & 689.], & bilis inprimis acrior reddita in corruptelam tendit, major adhuc necessitas est, ut illae excretiones mancant. Ubi ergo alvus supprimitur, vel urina retinetur, manent illa in corpore, quae excerni debebant. Idem autem obtinet, si per urinam, aut alvum excretio quidem fiat, verum in excretis non adsint illa, quae debebant expelli de corpore; uti fit, dum faeces alvinae albicant, urina pallida, decolor, & tenuis est. Novimus enim, tunc retineri in corpore acria illa, quae per has vias exire debebant, atque eadem vel sanguini permista manere, vel inde seereta jam, & in intestina, vel vesica collecta haerere, & a venis bibulis harum partium resorberi denuo eadem, pro parte saltem, & sanguini permisceri. Verum acriora talia, dum cum sanguine moventur, tenerimis inprimis vasis nocebunt, unde fere semper tunc cerebri functionum laesio sequitur, uti patet in illis, qui perfecta ischuria moriuntur. Vix enim observatur insignis quaedam humorum degeneratio, quin simul functionum encephali turbatio appareat. Dum in pallidis virginibus loco boni sanguinis crudus humor per vasa fluit, vertigines, aurium tinnitus, motuum muscularium tarditas, cordis palpitationes, syncopae &c. toties observantur. In scorbuto, podagra, retropulsa, & plurimis aliis morbis, similia apparent. Imo adeo facile irritabilis est encephali fabrica, ut alterius sani animalis sanguis, venis humanis receptus, per vasa encephali impune fluere nequeat. Memoriae enim prodidit *Dionysius* [q], dum sanguinis transfusionem ex vitulo in venas humanas tentasset temerario usu quidam, miseros homines, in quibus haec experimenta instituta fuerant, insanivisse paullo post, & furibundose exspirasse. Patet ergo, ubi retinentur excernenda, vel excreta non continent illa, quae expelli de corpore debebant, justum in morbis acutis esse phrenitidis metum.

Hinc alvus intercepta damnabatur in febricitantibus ab *Hippocrate* [r]: & alibi (s) inter opisthotoni futuri signa suppressam alvum numerat. *Galenus* (t), quidem in Commentariis huius loci notat, alvum interceptam non esse proprium affectionis cerebri signum; interim tamen fatetur, illam intercepta alvo augeri, & deteriorem reddi. Quod & confirmatur in *Coacis Praenotionibus* (u), ubi sic habetur: *Qui in febris exsudant, capite dolentes, alvo suppressa, convulsi sunt.*

Albae autem faeces si per alvum exeant, novimus bilem, quibus faeces alvinae tingi solent, retineri; adeoque per febrem ipsam acriorem fieri, solvi, putrescere, sanguini misceri; unde iterum eadem mala exspectanda sunt. Hinc alba alvi excrementa damnavit *Hippocrates* [w], & quidem speciatim in phrenitidis (x), quibus similia pluribus aliis in locis saveniuntur (y).

Ubi

(q) Operat. de Chirurg. 8. demonstrat. pag. 408.

(r) De Morbis Lib. I. cap. 4.

Charter. Tom. VII. pag. 535.

(s) Protrheic. Lib. I. Charter. Tom. VIII.

pag. 756.

(t) Ibidem.

(u) N. 155. Ibidem pag. 860.

(vv) In

Prognostic. Charter. Tom. VIII. pag. 629.

(x) Protrheicor. Lib. I. text. 13.

ibid. pag. 708.

(y) ibid. pag. 736. & in Coac. Praenot. N. 602. 606. 615.

ibid. pag. 888. 889.

Ubi autem, obstructo ductu communi vel cylico, bilis exitus in intestina impeditur, difficilis quidem morbus est, & faeces alvinæ albescunt saepius, interim tamen non semper lethale signum est, cum resolutio hoc obstaculo curabilis talis morbus sit; uti postea in *Capitulo de Hepatide & Ictero multiplici* dicitur. Longe pejus inde praefagium habetur, si absque icteri signis faeces albae fuerint.

URINA RETENTA, URINA PALLIDA, DECOLOR, TENUIS. Cum naturaliter frequentior sit urinae excretio, quam alvi, hinc etiam longe periculosior urinae retentio diuturna. Omnium autem maxime in morbis acutis, quia sales, & olea sanguinis, aucta circulationis velocitate sciora reddita, per hanc viam elui debent; quod nisi fiat, pessima quaevis metuenda esse satis patet. Hinc urinarum in morbis acutis interceptiones pessimas esse dixit *Hippocrates* [c], & alio in loco [a], vesicam interceptam tum alias, tum cum capitis dolore, convullum quid habere, monuit. Cum autem, bile sanguinem regressa, urina coloratior esse solet, sicque per urinam illud biliohum sanguini mistum eluatur, uti in ictericis, & aliis morbis, biliosis, observatur; si in tali casu urina intercepta fuerit, summum aderit periculum, cum per ipsam circulationem in maiorem acrimoniam tendat omni momento bilis sanguini permista. Unde patet ratio, quare *Hippocrates* (b) dixerit: *In biliosis urinae interceptio brevi occidit*.

Ubi vero urina quidem non interceptur, verum pallida, decolor, & tenuis, prodit, eadem mala expectanda sunt, quia pariter retinetur illud in corpore, quod excerni debebat. Majorem enim atricem fluidorum ad se mutuo, & ad vala intensiorem urinae colorem sequi, atque inde colorem internum cognosci, in Commentariis §. 673. probatum fuit: & vel in sanis hominibus, post valida corporis exercitia, intensior urinae color apparet. Patet ergo ratio, quare in morbis acutis tam infausi ominis sit urina pallida & decolor. Unde inter phrenitidis instantis signa ab *Hippocrate* recensetur (e). Videantur & illa, quae in Commentariis §. 712. de tali urina dicta fuerunt.

URINA CUM SUSPENSO NIGRO. Et haec urina in locis modocivitatibus pro phrenitidis futurae signo ab *Hippocrate* habita fuit, & generaliter nubeculae nigrae urinis innatantes ab eodem damnatae fuerunt (d). Incipientem enim humorum necrosin designant, uti alia occasione in Commentariis §. 741. dictum fuit; ubi plura de hac re habentur.

Adhuc Quando nempe non solum aegri, licet validae sitis causae adfuerint in corpore; designat ergo hoc symptoma turbari jam sensorium commune, neque amplius affici ab illis, quae antea sitim faciebant. Videantur, quae ad §. 637. dicta fuerunt; uti etiam illa, quae in Commentariis §. 739. de siti inexplebili, subito sublata in febre ardente habentur. Ubi enim sitis minuitur, dum simul linguae major humiditas, & alia bona signa doceant, morbum decrescere, optimum signum est.

m 2

FERO.

(2) Prorrh. Lib. I. Charter. Tom. VIII. pag. 374.

(a) Ibid. pag. 706.

(b) Coac. Praenot. N. 592. ibid. pag. 227.

(c) Prorrhetic. Lib. I. text. 4. ibid.

pag. 699. &amp; Coac. Praenot. N. 582. ibid. pag. 226.

(d) In Prognostic.

Charter. Tom. VIII. pag. 634.

FEROCITAS, RUBOR, VIGILIAE, SIGNA INSTANTIS INFLAMMATIONIS IN CAPITE. Omnia enim haec denotant phrenitidis causam jam adesse in capite, vel brevi adfuturam: & de singulis dictum fuit in priore hujus paragraphi sectione.

§. 773. **U** Traque (772.) ubi praesens est, haec habet symptomata: 1. Ideatum sensilium depravationem, ut & sensuum internorum, & rationis, & affectuum. 2. ferocitatem auctam, & esseram, inquietem, vel saepe somnos turbulentos. 3. pulsum durum, respirationem raram, & magnam. 4. faciem plerumque rubram valde, vultuosam, adpectu horrendam, oculos protuberantes, trucesque, stillicidium narium.

Sive jam cerebrum primario affectum phrenitidem produxerit, sive malum aliunde in cerebrum delatum idem fecerit, illo tempore, dum morboſa talis causa cerebrum afficit observantur quaedam mutationes, & praecipue in illis functionibus, quas a cerebro pendere novimus (vocantur symptomata) ex quibus diagnosis praesentis hujus morbi habetur. Talia autem sunt sequentia.

1. Patuit ex illis, quae alia occasione in Commentariis §. 700., quando de delirio febrili agebatur, dicta fuerunt, ab interna cerebri dispositione excitari posse ideas in nobis, quae non respondent causis externis in sensuum organa agentibus; atque ideas illas sic natas, pro magis minuse valida mutatione sensorii communis, diversas esse, ita ut vel facile debiles sint, & ratiocinio corrigi possint; vel contra tam fortiter afficiant delirantes, ut firmissime sibi persuasum habeant aegri, extra se tales causas existere, quae in sensuum organa agentes olim similes ideas produxerant; unde & tunc judicium, animi affectus, & corporis violentissimi saepe motus, ideas tales, ab interna cerebri dispositione excitatas, comitantur; atque hinc varii gradus delirii febrilis deducti, & explicati fuerunt. Cum autem probatum fuerit ad §. 701., cerebri medulloſi morboſam affectionem in delirio adesse, illamque ab obstructione quacunque, impedito influxu, transfluxu, effluxu per cerebrum, violentiori humorum motu &c. fieri posse; satis patet, illa, quae ibidem dicta fuerunt, etiam in phrenitide obtinere, cum in utraque specie, vera nempe & symptomatica, humorum per vasa cerebri motus adeo turbetur, ut inflammationem meningum, & quandoque corticis ipsius cerebri, & febrim acutam continuam. Omnia ergo, quae de idearum depravatione, judicio inde sequenti, imaginatione laesa &c. in delirio febrili dicta fuerunt, huc etiam pertinent.

Cum autem laevissima mutatio illius organi corporei, unde humanitas nostra pendet, sufficere possit, ut absque ulla causa externa nascantur ideas, sive novae omnino, sive similes illis, quae antea a causis externis in sensuum organa agentibus excitatae fuerant, facile apparet, quantopere haec omnia turbari debeant, dum inflammatio interna capitis obsidet. Adeo mirabilis signaris hominibus apparuit quandoque ideo ille morbus, ut daemonum praestigiis potius

potius, quam naturalibus causis adscriptus fuerit. Sic memorat *Tournesfortius* (e) in Grecia, simulac delirant aegri, nullum amplius a Medicis auxilium peti, sed exorcismis aegros noctes diesque fatigari: si vero aegri hoc morbo pereant, prohibent, ne sepultura cadaveris patriis ceremoniis peragatur, quia scilicet aegri non satis animose diabolo resisterant. Quamvis autem in phrenitide, turbato sensorio communi, innumerae & diversissimae inter se possint fieri cogitationum mutationes, frequentissime tamen contingit, ut conluctas artes, vel opificia peragere tentent aegri absque ulla intermissione; vel si paullo ante morbum ingruentem aliquid contigerit, quod valide mentem affecerit, illius memoria renovatur continuo. Quotidianae in praxi observationes hoc docent, & Abderitarum integram civitatem affligens morbus insigne hujus rei testimonium exhibet. Narrat enim *Lucianus* (f), celebrem tragoedum Archelaum media aestate, magno sub aestu, coram Abderitis Andromedae fabulam egisse, multosque rediisse ex theatro sebricitantes, imo postea omnes in tota civitate febre correptos fuisse, & continuam, & a primo statim die validam. Circa septimum autem diem quibusdam largam narium haemorrhagiam, aliis copiosum sudorem, febrem solvissse. Ridicula autem perturbatio horum aegrotantium mentes obsidebat; omnes quippe tragoediam egebant, jambos recitabant, & inprimis Euripidis Andromedam flebiliter canebant. Patet autem ex causis hunc morbum praegressis, & ipsa morbi historia, vera phrenitide laborasse Abderitas, & tragoediae memoriam, quam tanto cum oblectamento audiverant, per morbum renovatam toto morbi tempore mansisse, atque una cum morbo recessisse. Septimo enim die morbum solutum fuisse notat *Lucianus*, totamque civitatem septimanis tragoedis plenam fuisse.

2. Perpetuum delirium Phrenitidem comitari, §. 771. dictum fuit: simul autem monitum fuit tunc, illud saepe, non semper tamen, ferox esse. Ferocitas enim tunc adesse dicitur, quando aegri delirantes sibi aliisve nocere tentant. Pro variis autem animi affectibus ideas, ex interna, & morbosa sensorii communis mutatione natas, comitantibus, haec ferocitas adest, vel non. Sic enim ridiculum potius, quam ferox erat Abderitarum delirium; & in lethali Phrenitide quandoque aegri floccus carpunt, festucas de pariete avelunt taciti saepe, vel admodum tranquille delirantes; uti antea in Delirii Febrilis historia dictum fuit. Interim tamen semper magna cautela adhibenda est, quia & tacita illa & tranquilla phreniticorum deliria subito quandoque in immanem furorem mutantur. Sic memini, hortulanum tertia die phrenitidis veracem, in qua tacite tantum delirabat, & floccos carpebat, uno momento lecto exilivisse, & celerrimo cursu ascendisse in superiorem domus partem; deque fenestra praecipitem se dedisset miser, nisi uxor advocans retinivisset: dumque illa cum marito luctatur, & vicinos in auxilium vocat, convellitur aeger, & moritur subito.

Cum autem pervigilium (vide §. 708.) levissimae inflammationis cerebri prima, initia pro sua causa plerumque habeat, atque aucta hac causa in co-

m 3

ma

(e) Voyage du Levant. Lettre IV. p. 66.  
ria sit conscribenda, pag. 657.

(f) Tom. I. in Capitulo: Quomodo historia

ma saepe mutetur; patet facile ratio, quare inquiet, vel & somni turbulenti, phrenitidem toties comitentur.

3. Enumerantur illa, quae in vitalibus functionibus mutata in hoc morbo apparent. Pulsus autem durus fere in omnibus morbis inflammatoriis febrem acutam continuam comitem habentibus, observatur. Denotat autem, cruorem densum valde & compactum esse, & arteriarum fines capillares inflammatoria tenacitate obstruētos (g). Unde & *durum & nervosum* phreniticorum pulsus esse, monuit *Galenus* [h]. Simul etiam ibidem notat, plurimas varietates in phreniticorum pulsibus observari, quandoque enim tremuli, undosique inaequales apparent. Hoc autem inprimis obtinere videtur, morbo jam adulto, & praecipue si & cerebellum ipsum incipiat affici, tunc enim vitales functiones turbari debere novimus.

Cum autem cerebellum ab iisdem vasis ac cerebrum suos accipiat humores, & iisdem tegatur membranis, vix fieri poterit, validam inflammationem interna capitis diu occupare, quin & illud simul afficiatur: unde *Galenus* in loco statim citato notavit, phreniticorum pulsus raro magnum esse, sed saepius parvum. Sed & ob hanc causam videtur, & in respiratione observari mutatio in phreniticis: diu etiam manent, antequam aerem hauriant, sed tunc valide inspirant, & expirant. Haec est illa respiratio, quam magnam, & longo temporis intervallo factam ( *μὴν ἀντιστάσειν ἢ δὲ τὴν χυρὴν* ) vocat *Hippocrates* [i], & delirium portendere monet; qualem etiam notat adfuisse in *Phisisco* [k], qui deliravit cum febre acuta continua, & sexta die periit, uti & in *Dealcis uxore*, quae phrenitica mortua est [l].

4. Omnia enim haec signa notant, sanguinem majori copia, & impetu versus caput tendere. Praeterea, dum inflammatio capitis interiora occupat, liber sanguinis transitus per vasa impeditur, adeoque sanguis, per carotides pulsus, majori copia per extremos illarum ramos distribuetur; unde facies vasis sanguineis distensis turgebit magis & rubebit; & quidem tanto magis, quo difficilius fuerit per vasa encephali humorum transitus. Patet hoc evidentissime in apoplecticis, qui rugidam, & rubram faciem habent ad mortem usque; etiam in tali casu, quando a lenta, & frigida causa morbus originem duxit. Patet hinc ratio, quare *Hippocrates* (m) probum faciei colorem, & torvum illum vultum ( *πρῶτον αὐτοῦ καυδρῶν* ) in aegris damnaverit, inprimis in acutis morbis [n]. Fervidissima percitus ira homo talem vultum habet [vide Commentaria §. 104.]; & aegri sic affecti paullo post summa saepe cum ferocia infantiunt. Stillicidium autem garium denotat pariter, sic urgeri impetu, & copia sanguinis vasa, ut solvi incipiant, & sanguinem dimittere.

(g) H. Boerh. Instit. Medie. §. 962.

(h) In libello de Pulsibus ad Tympnes

cap. 12. Charter. Tom. VIII. pag. 11.

(i) Epidem. 1. aegrot. 1. Charter. Tom. IX.

pag. 99.

(k) Epidem. 3. aegrot. 15. Charter. Tom. IX. pag. 109.

(l) Ptolemaei. lib. 1. Charter. Tom. VIII. pag. 732.

(m) N. 214. ibid. pag. 264.

(n) Coac. Praenot.

(h) In libello de Pulsibus ad Tympnes

cap. 12. Charter. Tom. VIII. pag. 11.

(i) In Prognost. text. 24. Charter.

(k) Epidem. 1. aegrot. 1. Charter. Tom. IX.

pag. 99.

(l) Ptolemaei. lib. 1. Charter. Tom. VIII. pag. 732.

(m) N. 214. ibid. pag. 264.

(n) Coac. Praenot.

tere; sed irritò tamen conatu, quod plerumque ob sanguinem immeabilem vasis infarctum fit, qui illico concrefcens viam obturat. Larga autem hæmorrhagia phrenitis præfens optime folvitur, & in morbis acutis futura sæpe præcavetur, uti poftea ad §. 779. dicitur. Videantur & illa, quæ in Commentariis §. 74t. de hac re habentur.

§. 774. **P**rognofis hifce fere defcribitur.  
Phrenitis vera tertio, quarto, feptimoque die necat;  
raro hunc tranfgreditur.

Periculofiffimum hunc morbum effe, nemo dubitat, fed & sæpe cito lethalem, nifi subito efficaciffimis remediis fuccurratur. Pro vario autem impetu, & diverfa partis affectus indole, citius, vel ferius in mortem tendunt morbi. Cum autem phrenitis vera, quæ cerebrum primario affectum cum febre acuta continua ponit (vide §. 771.), tenerrimam, & facillime deftruendam corporis partem occupet, fatis patet, quare raro feptimum diem tranfgrediatur. In phrenitide vero fymptomatica diutius sæpe morbus trahitur, quia prius malum in alio loco corporis hæret, antequam ad cerebrum deferatur. Confi-  
firmant hanc prognofin Hippocratis obfervata. *Philifcus* (o), quem tertium morbi die delirium cum febre acuta corripuit, narium ftillidium poftea habuit, & refpirationem magnam, & raram (phrenitidis figna), fexta morbi die periit. *Philifcus* (p), cui diuturno tempore caput doluerat, ex potibus febre continua correptus, & poft doloris augmentum in capite, fecundo die circa meridiem vehementer infanivit, quarto die jam convulfus, quinto die periit mane. Sic & aliam mulierem phreniticam feptima die periiffe memorat (q): & ægrotum, qui primo morbi die jam phreniticus fuerat, quarto die obiffe notat (r). *Galenus* (f) autem in Commentariis fuis in hunc fextum modo dictam prognofin confirmat, omnes nempe ab initio morbi phreniticos ægros intra feptimum diem mortuos effe, per paucos hunc terminum fuperaffe. Mirabatur autem maxime, optima fanitate hætenus fru-  
entes homines adeo subito invadere hunc morbum, tam cito lethalem: fuit autem in illa opinione, quod in tali cafu vitiofus in corpore humor coaceruatus fuerit, veneno lethali affimilis, in corporibus vicinis paulatim alio quid agens; quæ quando vitio jam aliquo modo opportuna erant, humorque ipfe evaferat maligniffimus, lethale subito apparuit fymptoma. Tenerrimam encephali fabricam vafculofam cum hodie cognofcimus, facilis ratio patet; quare tam cito in perniciem vergat hic morbus, licet nullus malignus, & deterius humor in corpore adfit.

In Phrenitide vero fymptomatica diutius quandoque morbus protrahitur. Sic enim *Appollonius* (t), febre decumbens cum hypochondrii dextri tumore dolente, poftea phreniticus, periit trigesimâ quarta die. Ita enim mulier

m 4

gemel.

(o) Epidemic 1. ægrot. 1. Charter. Tom. IX. pag. 99.

ibid. pag. 132.

(q) Ibidem ægrot. 11. pag. 150.

(f) Ibidem.

(p) Epidem. 3. ægrot. 4.

(r) Ibidem ægrot. 4. poft

tempeftatem pag. 198. (t) Ibid. ægrot. 13. pag. 397.

gemellas laborioso partu enixa, nec bene purgata, decimo septimo die phrenitide mortua est (u). Uri etiam adolescens ex potu, & Venere multo decumbens die vigesimo quarto obiit phreniticus (w). Verum ex horum aegrotorum morbis descriptis apparet, alias corporis partes prius affectas fuisse, atque inde ad cerebrum delatum fuisse malum; vel saltem per febrim, aliquot dierum spatio praegressam, liquidissimis dissipatis, residuum sanguinem sic inspissatum fuisse (vide §. 387.), ut in minimis encephali valis immeabilis haerere potuerit.

Ipsam tamen symptomaticam phrenitidem satis cito lethalem quandoque esse, docet *Calvi in Larissa* historia (x); cui femur dextrum derepente doluit, cum febre acuta ardente; tertio autem die femoris dolor cessavit, sed mentis alienatio accessit, cum multa jactatione, & quarto die circa meridiem celerrime perijt.

Tumque, si saeva fuerit, saepe in Maniam abit.

Continuum absque febre delirium maniam vocari ab omnibus hominibus *Galenus* (y) asserit, & per solam febrim comitantem phrenitidem a mania distingui [z] monet. Si ergo in phreniticis febres cesset, maniacy vocabuntur. Dictum fuit alia occasione in Commentariis §. 393., febris in alios morbos desinere, dum materia febrilis in loca quaedam corporis deponitur, & pro varietate partis, quam haec materia occupat, diversissimos morbos nasci posse: simul ibidem notatum fuit, in sanissimis quandoque hominibus febrim nasci, & paullo post in partem quandam corporis deposita materia excitari phlegmonem, vel & erisipelas, desinente illico febre, postquam haec depositio facta fuit. In anginis frequentissime hoc observatur, quod post levem febriculam, uno alterove die affligentem, tumeant, & doleant fauces inflammatae, sublata omni febre. Monitum autem tunc fuit, totam curae felicitatem in similibus morbis pendere praecipue a loco affecto. Si ergo in cerebri meningibus similis inflammatio nasceretur, cessante febre, dum in has partes depositio facta fuit, delirarent tales aegri pessime, sed absque febre, adeoque forent maniacy. Tales casus vidisse me probe memini, ubi in febre non adeo valida inciperent leviter desipere aegri, & paullo post, febre cessante penitus, immaniter furebant per plures saepe dies, imo & septimanas, sic ut vinculis coerceri debuerint, ne sibi, vel aliis nocerent. Illa autem, quae accuratissimus in morbis observandis *Sydenhamus* notavit, hanc rem pulchre confirmant. Dum enim novam febris speciem describit (a), inter alia monet, sanguinem venae sectioneeductum pleuriticorum sanguini in his aegris similem fuisse; quandoque collum & fauces dolorem, sed levio-  
rem quam in angina, occupasse, aliquando vero successisse eruptiones cuta-

(u) Ibid. aegrot. 14. pag. 308.

(w) Ibid. aegrot. 16. pag. 310.

(x) Ibid.

aegrot. 5. pag. 298.

(y) Commentar. in 1. Lib. Proreth. Charter. Tom. VIII.

pag. 693.

(z) Commentar. 3. in Lib. III. Epidemic. Charter. Tom. IX.

pag. 276.

(a) In Scedula monitoria de novae febris ingressu pag. 651.

652.



cutaneas, morbillis non multum diffimiles, nisi quod ruberent magis, neque desquamaretur epidermis, dum recederent. Inprimis autem notat, maxime in phrenitidem proclivem fuisse hunc morbum, & caput petiisse; atque ubi jam caput occupavit febris, & phrenesis semel invaluit, nulla restare febris indicia, nisi quod pulsus nunc citior est, nunc tardior. Idem autem fiebat, dum coma huic feбри superveniebat; praeter enim linguae albedinem nulla aderant febris signa, atque aegri perfectissima apurexia frui videbantur (b). Patet ergo ex his omnibus phrenitidem in maniam abire quandoque, sed tamen in similibus morbis, cum esset impetus febrilis, atque levior tantum inflammatio, vel lene erysipelas capitis interiora obsideat, saepissime evadunt aegri, & postea integre restituntur, modo post evacuationes generales per venae sectionem, & purgationem sacras tota res naturae, & tempori committatur, uti Sydenhamus (c) optime monuit: levis inflammatio cutanea in eadem febre observata, similes probabiliter illi, quae in eodem morbo caput obsideat, sponte sua absque ulla desquamatione cedeat.

Verum longe pejor mania, tota saepe vita incurabilis, saevam phrenitidem quandoque sequitur. Ex haecenus dictis patuit, & postea §. 776. ulterius demonstrabitur, phrenitidis causam proximam esse inflammationem meningum cerebri; imo & in ipsa corticali substantia hujus visceris manifesta inflammationis signa quandoque deprehensa fuerunt: ab insartis autem vasis, & distentis humore immeabili, vicina vasa minora comprimuntur, per libera adhuc vasa celerius moventur humores, sicque turbatur aequabilis, & placidus liquidorum per vasa encephali motus, a quo sensuum interiorum, & exteriorum functiones, & motuum arbitrariorum exercitatio, pendent. Ubi autem valida febris pergit urgere humores in loca haec obstruata, tenerrima hujus visceris fabrica destruitur brevi, & paucis diebus moriuntur tales aegri; uti paullo ante vidimus. Si vero per artem, vel & sponte sua, minuatur febris, vel & cesset integre, saepe tamen nondum redit ideo integritas parti huic inflammatae, nisi sensum solvatur illud, quod vasis impactum haeret immeabile. Verum tenerrima vasa encephali si per errorem loci [ vide §. 118. ] crassiores humores receperint, difficulter talis obstruatio resolvetur, cum tunicis elasticis arteriae encephali careant, edoque non poterunt hae vi, licet impetus a tergo urgentis liquidi sere nullus sit, retroprimere obstruentes moleculas in majores truncos. Metus ergo est, ne immeabile hoc fluidum, liquidioribus partibus dissipatis, cum vasis continentibus concresecat, sicque tota vita tollantur, vel depraventur illae functiones, quae a fluidi per haec vasa motu pendebant. Accedit praeterea, quod a tumensibus vasis obstruatis minora vicina comprimatur, & expresso liquido illorum latera contigua concresecant, unde iterum horum malorum augmentum. Immedicabiles lurditates & amauroses, post morbos acutos inflammatorios capitis, a talibus causis factas doluerunt toties Practici; & in aliorum viscerum morbis inflammationis infelicitur curatis pessimas similes sequelas observaverunt saepius. Num.

(b) Ibid. pag. 660.

(c) Ibidem.

Nunquid sic post pulmonis inflammationem saevam immedicabile asthma tota via manet? Possit validam hepatitisem pertinax, & per vices tota saepe vita recrudescens icterus &c.? Patet ergo ratio, quare post saevam phrenitidem mania saepe sequatur nullis remediis curabilis; vel & quandoque in immedicabilem stultitiam, desinente immani furore, abeat morbus. In gurgatis publicis tristissima talia exempla occurrunt: & omnium frequentissime phrenitidem, a lochiis retentis natam in puerperis, in maniam, & fuitatatem perpetuam abiisse observavi.

Paulisper adscendens immanis sit.

*Hippocraticum* monitum est, & summi quidem momenti, ut hoc cautus medicus efficacissimam statim medelam adhibeat, simulque caveat, ut sibi aliiue nocere possint tales aegri. Sic autem habet. *Quae sensim feroces fiunt desipientiae, serinae sunt: sed & convulsiones praenunciant* (a). Optime enim *Foefias* videtur vertisse *ἐν δαίμονι sensim*; alii autem pauco tempore reddiderunt hunc textum, inprimis quia *Galenus* similem textum *Hippocratis* in alio loco [e] commentatus huic opinioni favere videtur, dicens: *Talis igitur vis huius sermonis eris; quum videris quempiam cum ferocitate desipientem, & si paulo post sedetur, cognosce, mentem ejus non febris ratione laesam esse, sed quia phrenitica subit affectio, quae postea adacta tibi serina videbitur*. Si tamen considerentur illa, quae in morbis talibus observantur, probabilior longe *Foefii* versio videbitur: saepe enim sensim, & per gradus augetur delirium, donec in summum furorem desinat. Primo enim solito morosiores apparent aegri; dein frox, & protervum responsum dant; postea oblata respuunt, quae antea avide expectabant: sic sensim gliscente morbo, tandem in adstantes irruunt, calcitrant, mordent &c. Tales enim desipientias serinas (*desipiens ἀπορροῦρας*) vocandas esse voluit *Galenus* [f]. Nullum enim dubium est, ferociter delirare aegrum, licet paulo post quieverit; & vel ignari tunc cavent & sibi, & aegro, dum jure metuumt, ne paulo post in similem furorem rapiatur. Videtur autem *Hippocrates* monuisse Medicos, ne crederent levem morbi causam esse, dum sensim in ferociam ascenderet delirium, neque simul, & semel in furorem agerentur aegri, cum interim brevi immanis furor metuendus sit. Ipse autem textus *Hippocratis* videtur satis evidenter huic sensui favere, sic enim habet: *αἱ ἐν δαίμονι διακίνηται ἀπὸ χόλης διακίνηται αἱ πόδες τὰ ἐν δαίμονι χόλης γίνονται*. Si enim illud *ἐν δαίμονι* pro pauco tempore iumantur, nihil distincti significabit hic textus, cum in ejus fine *ἐν δαίμονι χόλης* legatur: evidens autem ille textus apparet, si sedens verbo retineatur: *Quae sensim fiunt feroces desipientiae, serinae sunt; non tantum si pauco tempore fiunt (feroces scilicet)*.

Plurima autem signa, quibus delirium futurum praecognoscere, vel ejus jam

(d) Coac. Praenot. N. 87. Charter. Tom. VIII. pag. 857. & N. 156, ibid. pag. 860. & N. 247. pag. 865.

(e) *Protrheueor*. Lib. 1. text. 35. Charter. Tom. VIII.

pag. 715. 716.

(f) *Ibidem*.

jam praesentis augmentum distinguere possumus, in Commentariis §. 702. ex Hippocrate collecta habentur.

Saepe deficit in Lethargum, Coma, Catochen.

Dum nempe aucto tumore inflammatorio vasorum comprimuntur tenebrima encephali flamina, omnisque influxus spirituum in nervos, sensibus, & motibus arbitrariis servientes, tollitur, vel saltem impeditur pro maxima parte. Ipsam enim apoplexiam inde fieri posse, postea in ejus historia §. 1010. N. 2. β. patebit. Lethargus autem, *ἡδυσίπνος*, quasi otiosam oblivionem dixeris, motum, & sensum omnem fere tollit cum inexpugnabili necessitate dormiendi, & plerumque a Medicis sub hoc nomine describi solet morbus cerebri a pituitosa humida. & frigida sanguinis cacoehymia ortum dicens; unde & Hippocrates [g] illum morbum sic descripsit: *Lethargies, manibus tremuli, somnolenti, decolores, tumidi, pulsibus tardi sunt, & partes sub oculis elevatas habens* &c. Adeoque patet, diversam omnino indolem esse lethargi ab inflammatoria phrenitide; interim tamen, si similis somnolentia phrenitidem sequatur, inprimis cum notabili febrilis impetus diminutione, absque resolutionis signis, solet & tale symptoma hoc nomine vocari. Galenus (h) de pulsuum diversitate in morbis agens talem affectum descripsit, quem proprio nomine carere dixit, & de quo dubitat, an medius inter phrenitidem, & lethargum vocandos foret. an vero ex phrenitide, & lethargo mixtus dicendus esset: in quo affectu aegri *convrunt ut plurimum oculis, somnolenti sunt, atque stertunt. Rursus oculis fixis, ac inconvruntibus diutissime, ut catoble laborantes, intuentur. Et si quid roges; atque ad colloquium compellas, difficiles sunt ad respondendum & tardi. Plerumque etiam stulte loquuntur, nec recte respondent, ac temere nugantur. Apparet latis, aptissime haec phaenomena convenire illis, quae modo dicta fuerunt, praecipue cum subjungat Galenus, quod in his pulsus celeres sunt & crebri, perinde ut phreniticorum, minus tamen: & roboris item minus, ac illi obtinent.*

Coma autem inflammatorios capitis morbos comitari, vel & sequi frequenter, patuit ex illis, quae ad §. 704. dicta fuerunt. Mirabilem autem illum affectum, qui catoche vel cataleptis dicitur, quo laborans repente, immotus, nec sentiens, illum corporis statum retinet, quem primo momento accedentis morbi habebat, [vide §. 1036.] pariter phrenitidem sequi quandoque, nemo mirabitur si consideret, dissecta hoc morbo defunctorum cadavera demonstrasse arterias, & venas cerebri valde turgentes fortiter imposito, & denso cruore (vide §. 1041.). In textu Galeni modo citato catoches mentio facta fuit; & delirio cathocen quandoque jungi apud Hippocratem [i] legitur: *Capite dolentes, cum catocbe delirantes, intercepta auro, oculo ferocientes, facie florida, opisthotono corripuntur.*

Pessii.

(g) Coac. Praenot. N. 240. Charter. Tom. VIII. pag. 859.  
ad Tyrones cap. 12. Charter. Tom. VIII. pag. 12.  
Charter. Tom. VIII. pag. 756.

(h) De pulsibus  
(i) Prostheticor. Lib. I.

Pessimi autem ominis esse hos affectus in phrenitide vel ægrum custodes norunt, certum prævidentes mortem, dum antea furibundi subito quiescenti, & somnolenti fiunt.

Vomitus aeruginosus ratione inflammati cerebri; sputatio frequens, & indecora in adstantes; tremor; foex alvi, & urina interceptae, vel albae; urina cruda; convulsio; venatus floccorum volitantium; oculi pulverulenti; dentium stridor; αἰψή/α plerumque convulsionis praenunciā; permutatio symptomatum perpetua, ulceris tumentis subsidentia, frequentia sunt praefagia periculi summi, & mortis.

Recentetur jam illa signa, quae in phrenitide summum periculum & mortem designant. Inter illa autem merito numeratur vomitus ille aeruginosus. In Commentariis §. 267., ubi agebatur de illis signis, ex quibus cognoscitur, per vulnera capitis cerebrum ipsum laesum vel compressum esse, dictum fuit, suspectum maxime fuisse, si sic affecti bilem vomerent; atque ibidem notatum fuit, cerebro per insolitum navigationis motum turbato, etiam in sanissimis antea hominibus, aeruginosam bilem evomi, & vicissim, dum alia causa circa praecordia talis saburra collecta haeret, cerebri omnes functiones miris modis turbari. De quo miro inter cerebrum, & praecordia commercio videri possunt illa, quae ad §. 701. dicta fuerunt. Ubi ergo in phrenitidis ille vomitus adest, novimus inflammatoriam causam cerebrum ipsum penitus turbare, adeoque pessima quaevis expectanda esse. Distinguius autem facile, quod ille vomitus ratione inflammati cerebri fiat, non vero ab acri bilioso in primis viis fluctuante; per absentiam illorum signorum, quae primo numero §. 643. recensentur, ubi de nausea a sordibus talibus biliosi nata agebatur. Unde simul patet ratio, quare Hippocrates [vide Commentaria §. 267.] dixerit: *in capitis doloribus aeruginosi vomitus cum surditate & privilegio, cito vehementer insanire faciens*, Historiae autem aegrorum ab Hippocrate in Epidemicorum libris conscriptae funestos eventus vomitus talis probant. Sic enim *Philistes (K)* primo die morbi aeruginosa multa vomuit; secundo die vehementer insanivit; quarto die convulsus fuit; quinto die periit. Alter autem phreniticus [1] prima die aeruginosa multa tenuia vomuit, & multum deliravit; secundo die palpitaciones per totum corpus, & nocte sequente convulsiones adfuerunt. Quarto die obiit.

SPUTATIO FREQUENS, ET INDECORA IN ADSTANTES. An sputatio frequens per se phrenitidis signum sit in morbis, dubium videri possit. Cum autem impedito libero humorum circuitu per capitis interiora, tanto major copia sanguinis urgeat illas partes, quae a carotidibus externis ramos accipiant, unde facies illa rubra & vultuosa, truces oculi &c. de quibus quarto numero praecedentis paragraphi dictum fuit; non adeo absonum videtur, & salivales glandulas

(K) Epidem. 3. aegrot. 4. Charter. Tom. IX. pag. 232.

(1) Ibid. aegrot. 4. post 12. a. pestatem pag. 298.

dulas ob eandem causam quandoque salivam copiosissimam secretare, quam continuo aegri excreant. Hinc: forte Hippocrates dixit; *Screatus frequens, si sane, & aliud quoddam signum adfuerit, phreniticum (m)*. Et paulo post [n] sputationem (*πνεύματις*) damnavit in phreniticis. Ubi vero in adstantes aegri sputa projiciunt, summae proterviae signum est, & in benemoratis certissimum delirii indicium: si enim vel ferox ab homine moderato responsum mali ominis sit in morbis, quanto magis indecora talis sputatio. Merito enim pro axiomate Medico Jacotius [o] posuit, dum textum modo allegatum commentatur: *Omnes actiones voluntarias, quae praeter modum, ac decorum vel deficiunt, vel exsuperant, phrenitidis esse signa*.

TREMOR. Quando §. 617. de tremore febrili agebatur, constitit, liquidi arteriosi, per encephali arterias movendi, immovebilitatem inter tremoris causas recenseri. Ubi ergo in phrenitide talis tremor observatur, novimus, turbari liberum influxum spirituum in nervos musculis movendis destinatos; sic ut uno momento tollatur ille influxus, momento post praeter voluntatis imperium redeat: adeoque constat, ad ipsam cerebri fere medullam morbi effectum pertingere. Patet hinc ratio, quare tremorem tanquam funestum, in phrenitide damnaverint Medici. Dixit Hippocrates (p): *Phreniticae vehementer affectiones tremulae desunt*. Quod autem hic non intelligatur, vehementem phrenitidem cessare tremoribus abortis, satis patet ex alio loco Hippocratis (q); ubi in vehementi phrenitide tremores damnantur tanquam lethales. Unde etiam, uti in Commentariis §. 700. dictum fuit, tremulae, & obcurae desipientiae valde phreniticae habitae fuerunt Hippocrati: & in lethali phrenitide, de qua dictum fuit modo, dum de vomitu aeruginoso sermo erat, palpitantes illae per totum corpus secundo die aderant.

FOEX ALVI, ET URINA INTERCEPTAE, VEL ALBAE; URINA CRUDA, VENATUS FLOCCORUM VOLITANTIUM. Videantur de his omnibus illa, quae in Commentariis §. 734. & 772. habentur.

CONVULSIO. In Commentariis §. 712. probatum fuit, quod convulsio, inflammationis cerebri signa praegressa sequens, fere lethalis sit semper, quia tunc novimus, ipsam cerebri medullam jam affici. In aegris illis modo memoratis ex Epidemicis Hippocratis convulsiones aderant, qui etiam phrenitici mortui sunt.

OCULI PULVERULENTI. Tenuissimo rore ex minimis arteriosis fistulis exhalante oculos detergeri novimus, dum simul frequenti palpebrarum nistitatione avertitur, quidquid pulverulenti in aere circumvolitantis oculis adhaereret: simulac autem exhalans ille ros deficit, oculi sicci & squalidi apparent. Docuerunt autem injectiones anatomicae, arteriosae vasa plurima exencephalo a ramis carotidum internarum per oculos dispergi: adeoque merito tunc concludimus, similem siccitatem in capitis partibus inter-

(m) Prosrhet. Lib. I. text. 6. Charter. Tom. VIII. pag. 701.

(n) Ibid. text. 12.

pag. 708.

(o) Jacot. & Holler. Comment. in Cosc. Hippocr. pag. 519.

(p) Prosrhet. Lib. I. text. 9. Charter. Tom. VIII. pag. 706.

(q) Cosc.

Pracnec. N. 99. ibid. pag. 857.

internis adesse, diffentia inmeabili sanguine vasīs majaribus, minoribus vero compressis, & liquido tenuissimo orbis. Simul accedit, quod tales aegri hebetes jaceant fixis & apertis oculis, palpebris vix amplius vel rarissime conniventibus; unde patet ratio, quare tunc oculi pulverulenti appareant, pessimo semper omine. Videantur & illa, quae de luctuosis febre continua putrida decumbentium oculis in Commentariis §. 734. dicta fuerunt.

STRIDOR DENTII. Quibusdam hominibus familiaris est ille dentium stridor, dum dormiunt. Caeteroquin involuntarium, & convulsivum motum musculorum maxillas moventium significat, adeoque merito mali ominis in morbis habetur. Sollicite hinc monuit Hippocrates (\*), dentium stridorem portendere insaniam, & mortem, nisi quis a puero consueverit. Si vero etiam delirans hoc agat, jam valde perniciosum est.

ASTILIA PLERUMQUE CONVULSIONIS PRAEFIGURATIO. Cum enim in hoc morbo causae sitis adsint, si non sitiant tamen aegri, novimus sensorium commune penitus turbatum esse, adeoque pessima quaevis jure metuuntur. Videantur illa, quae in Commentariis secundae sectionis §. 772. de astilia dicta sunt.

PERMUTATIO SYMPTOMATUM PERPÉTUA. Cerebrum esse illud organum corporeum novimus, unde motus voluntarii exercitatio, & sensuum externorum, & internorum actiones pendent; cumque a singulis nervis, per objecta externa mutatis, distinctae cogitationis mutationes producantur, & vicissim in singulis musculis motus arbitrarit ex nutu voluntatis excitari possint; patet omnium, & singulorum nervorum distinctam in cerebro originem esse. Nata ergo inflammatione in capitis interioribus, adeoque impedito, vel turbato liquidorum per vasa cerebri motu in hac illave parte diversissima posunt excitari symptomata, prout variae nervorum origines sic afficiuntur. Sic mira phantasmata delirantium oculis occurrunt, sonorum ingens varietas auribus percipitur, odorum, saporum &c. mirae mutationes observantur, dum ab interna illa, & morbosa sensorii communis dispositione origines nervorum mutantur. Ubi ergo perpetua horum symptomatum permutatio est, novimus magis magisque turbati sensorium commune, & ad alias partes cerebri propagari malum. Patet hinc ratio, quare Hippocrates (†) dixerit: In Phrenitidis per initia moderatum esse, sed cerebro permolari, malum id est. Et paullo post (§): Crebrae in phrenitidis permutationes, convulsivae. Atque ideo Galenus (‡) in Commentariis suis in hunc textum dixit: Vere igitur in cerebro ipso transfluxio est, alias in alia quapiam ipsius parte orta, speciem quidem affectionis servans, sed pro parte affecta symptomata ipsa permolans. Testatur autem Galenus, se vidisse saepe numero tales phreniticos, semper quidem delirantes, sed variatis secundum omnia functionum animalium genera modis. Nunc enim excandescebant ira, paullo post laetabantur; nunc audacissimi adstantes invadebant, mox perterriti &c. Patet autem satis

(\*) In Prognost. Charter. Tom. VIII. pag. 604.

(†) Prothetice. Lib. I. text. 18.

Charter. Tom. VIII. pag. 708 Coac. Praenot. N. 94. ibid. pag. 857.

(‡) Ibid.

text. 27. pag. 716. Coac. Praenot. N. 103.

(§) Ibid. pag. 716.

latis ex dictis, quare mali ominis hæc symptomatum perturbatio habebatur.

ULCERIS TUMENTIS SUBSIDENTIA. Pessimum hoc signum non tantum in phrenitide, verum & in aliis morbis, notat vitam deficere. Unde Hippocrates [vide Commentariis §. 438. N. 7. §. 403. N. 1. & §. 432.] in *Prognosticis* enumerans illa, ad quæ Medicum attendere oportet, ut futura in morbis prævideat, monet, considerandum esse, an forte aeger ulcus habeat ante mortuum, vel in morbo ipso natum. Si enim illud ulcus siccum fiat cum livido, vel pallido colore, moriturum hominem præfigebat.

A peripneumonia lethalis. A variolis mala admodum; ab illo lethalis.

A PERIPNEUMONIA LETHALIS. Tunc enim solet fieri phrenitis ideo; quod per inflammationem pulmonem non possit transire sanguis cordi dextri, adeoque nec venosus sanguis poterit in cordis cavum dextrum libere evacuari; ergo & impediatur sanguinis a capite per venas jugulares reditus, dum interim arteriæ petunt sanguinem ad caput pellere: infatigantur ergo vasa cerebri, ejusque functiones turbantur; & nisi cito resolvi possit pulmonis hæc inflammatio, brevi pereunt aegri. Cum autem non nisi in pessima peripneumonia phrenitis sequi solet, patet, quare lethalis tunc sit. Unde Hippocrates (u) dixit: *A peripneumonia phrenitis, malum.* Atque alibi [vv], manus ante faciem attollere, mulcas inani opera captare, festucas carpere, floccos avellere (quæ omnia instantis phrenitidis signa esse antea vidimus) tanquam mala, & mortifera damnavit in peripneumonia. Alio tamen in loco [x], utcumque incertam prognosin videtur habere, dicens: *Quicumque vero peripneumonici non purgati sunt indicatoris diebus, sed mente moti quatuordecim dies effugerunt, periculum est, illos suppurato fieri.* Ubi tamen notandum, quod *suppurato* dixerit, quo vocabulo ad significandum lenè delirium sæpius utitur.

A VARIOLIS MALA ADMODUM. Dum antequam variolæ erumpunt, in statu nempe contagii, febris valida delirium, aut phrenitidem fecerit, nunquam quidem periculo caret; tamen magna spes est, erumpentibus variolis, una cum reliquis symptomatibus, & hoc cessaturum. Ubi vero post variolarum eruptionem manet fetor, & perpetuum delirium, vel nascitur, si in statu contagii non adfuerit, major metus est; quia tunc suspicio est, pusillas variolosas capitis interiora obsidere. Quando autem in consuetibus variolis a resorpto gangtaenoso fete tabo putridissima, & acutissima febris accenditur, & phrenitidem facit, facile patet, tenerrima cerebri vasa liquidis acerbis putridis, rapido motu agitatæ, brevi destruenda esse, adeoque nullam spem superesse. De his omnibus autem postea in variolarum historia dicetur.

Ab

(u) Aphor. 12. Sect. VII. Charter. Tom. IX. pag. 297.  
Charter. Tom. VIII. pag. 606.

(vv) In *Prognosticis*.

(x) Coac. Praenot. N. 396. ibid. pag. 875.

AB ILEO LETHALIS. In morbo hoc a summo dolore vigiliam febris; convulsiones ipsas excitari, postea in *Capitulo de Intestinorum inflammatione* patebit. Verum nunquam in tantam saevitiem morbus ille evahitur, quia brevi post lethalis gangraena sequatur, omni dolore subito cessante, & delirantibus plerumque aegris. Unde & Hippocrates dixit (y): *Ab ileo vomitus, vel singultus, vel convulsio, vel desipientia, malum.*

Inflammatiō paullisper fixa, & asperitas faucium ad superiora vergens creat phrenitidem mortiferam, hi palpant, & laboriosi sunt.

Observaverat aliquoties tales casus *Celeberrimus Boerhaavius*, in quibus post leviozem anginam, absque bonis signis evanescentem, lethalis phrenitis nascebatur, dum mala metastasi inflammatio faucium caput peteret, atque inde hanc prognosin fecit; cujus tamen & apud Hippocratem non obscura vestigia inveniuntur. Sic enim habet (z), uti jam in Commentariis §. 772. dictum fuit: *In acutis circa fauces dolentia, contracta, parva, suffocantia. Quum biaveris, non facile os cogere, & concludere posse, delirium portendit. Ex his phrenitici & perniciose laborant.* Et in *Coacis Praenotionibus* (a) sequentia leguntur: *Fauces modice exasperatae, & alvus vanis conatibus nitens, frontis dolores, aegri palpantes, cum dolore. Quae ex his augescunt, difficiilia.* Et alibi (b): *In angina, absque signis (aequius) dolores ad caput cum febre, perniciosi.* Talibus autem aegris delirium continuum cum studio nascebatur, quod Hippocrates longe periculosius dixit illo, quod cum risu fit, uti in Commentariis §. 700. dictum fuit, quia inde summo opere defatigantur aegri. Sic vidit Boerhaavius nobilem virginem, quae dies noctesque silum per acus foramen transmittere conabatur, donec deficeret. Alia aegra absque ulla intermissione nodos noctebat: similes plures casus vidi, ubi ad mortem usque laboriosi semper aegri summa animi attentione exercitata in sanitate opificia tentabant.

Quae versatur circa necessaria pessima.

Haec prognosis in *Coacis Praenotionibus* (c) habetur, ejusque jam mentio in Commentariis §. 700. facta fuit. Necessaria autem vocantur illa, quae ad sustinendam vitam, & curandum periculosum hunc morbum, absolute requiruntur. Sic si insidiarum metu tales aegri somno abstineant, tenebricoso in loco degere nolint, omnem cibum potumque respuant, venenum ipsis propinandum suspicari &c., satis patet, omnia necessario in pejus ruere debere. Hanc phrenitidis speciem videtur indigitasse Hippocrates (d), dum dicit: *Ex phrenitide ita perit. In hoc morbo perpetuo delirant, quum nimirum sanguis*

(y) Apher. 10. Sect. VII. Charter. Tom. IX. pag. 296.

(z) Prothet. Lib. I.

textu 11. Charter. Tom. VIII. pag. 707.

(a) N. 168. ibid. pag. 867.

(b) N. 372. ibid. pag. 872.

(c) N. 100. Charter. Tom. VIII. pag. 857.

(d) De Morbis Lib. I. cap. ult. Charter. Tom. VII. pag. 349.



*Sanguis corruptus, & extra consuetam agitationem motus sit. Quumque desipiant, libil quidquam effatu dignum eorum, quae offeruntur, accipiunt. Praecedente vero tempore marcescunt, tum a febre, tum quod nihil alantur.*

§. 775. **C**Adavera defunctorum a phrenitide exhibuere meninges inflammatas, gangraenam, abscessum, sphacelum cerebri, aut acres rodentes ichores.

¶ Nihil magis promovet artem, quam si in morbo quodam, toto decursu sollicite observato post mortem in defunctorum cadaveribus indagetur, quae partes affectae fuerint, & quanam in illis mutationes contigerint. Sic enim optime detegitur, an in diagnosi, prognosi, & curatione morbi erratum fuerit nec ne. Constat autem ex observationibus plurimis optimorum medicorum, in cadaveribus phrenitide defunctorum apparuisse talia indicia, quae inflammationem praegressam docerent manifeste. Virgo acuta febre decumbens cum perpetuo delirio, & satis feroci quidem, in nosocomium deferrebat, atque post biduum moriebatur. Defunctae cranio aperto, ostendit Celeberrimus Boerhaavius auditoribus suis, tenuem meningem cerebri totam rubentem & inflammata, & ipse cortex cerebri, qui naturaliter griseum colorem refert, adeo rubescebat, ac si arte anatomica repleta fuissent rubra materiae ejus vasa. Si jam conferantur illa, quae apud Benetum in *Sepulchro to anatomico*, aliosque observatores habentur, plurius exempla conltabit, suppurationem, gangraenam, sphacelum, inflammationis validae non resolutae consuetos exitus, in phrenitide mortuorum cadaveribus deprehensum fuisse. Imo & quandoque contingit, cerebri membranas, imprimis in hominibus, & saepius hunc morbum passis, crassas, duras, & quasi subscirrhosas fuisse. Sic in homine, qui biennii spatio validissimam phrenitidem aliquoties passus fuerat, & deinde vomica hepatis perierat, inventa fuit dura mater cranio fortissime adhaerens, longe crassior, & firmior solito, ejusque processus falciformis fere in tota sui longitudine offeus apparebat. Pia mater, robore, & firmitate similis erat fere durae matri in sanis hominibus, facillime secedebat ubique a cerebro supposito, numerosissimis vasibus sanguine repletissimis conspicua. Cerebrum ipsum longe siccius, & firmius erat solito; in cerebri ventriculis tamen feri copia reperiebatur [e]. Acres autem, & rodentes ichores hic quandoque reperti originem debent vel puri, stagnatione, & mora corrupto & degeneranti, vel & tabo gangraenoso. Praeterea dum terrima haec vasa immeabili liquido intarcta, vel a vicinis vasculis tumefactis compressa, urgentur per febrem velociter motis humoribus, periculum est, ne rumpantur; & contentum effundant liquidum; quod collectum, & stagnans in acrem ichorem facile converti poterit.

§. 776. **E**X quibus cunctis elicitur causa proxima Phrenitidis Verae, inflammatio vera pia matris, duraeque primario orta.

(e) Acad. des Sciences l'An. 1708. Mem. pag. 662. 663.  
Tom. II. Pars II.

orta. Symptomaticae vero inflammatio similis orta a raptu materiae phlogisticae in cerebri meninges.

Phrenitis definiebatur §. 771. non ex intellectu causae proximae hunc morbum constituentis, sed ex talibus phaenomenis, quae omnes Medici communis consensu in hoc morbo semper adeste statuunt; *feroci nempe, & perpetuo delirio a cerebro primario affecto cum febre acuta continua*. Postquam autem omnia, quae ad diagnosin, & prognosin faciunt, sedulo considerata fuerunt, tuto videtur concludi posse, uti hac paragrapho fit, inflammationem meningum cerebri primario ortam constituere causam proximam phrenitidis verae. Patet hoc autem evidenter, si conferantur illa, quae de signis inflammationis praesentis ad §. 382. dicta fuerunt. Tumor enim ruber, dolor a distentis vasculis, durities, & renixus partis affectae, calor ingens, pulsatio febris, & ejus sequelae docebant, inflammationem adeste. Verum quidem est, quaedam ex his signis tantum manifeste apparere, ubi inflammatio externam partem corporis oblidet; si tamen expenduntur illa, quae §. 772. phrenitide adeste. Rubor enim faciei & oculorum, facies vultuosa & turgens, truces oculi, narium stillicidium [vide 775.4] evincunt satis, sanguinem rubrum distendere vasa majora non tantum, verum etiam errore loci minorum vasorum dilatata orificia ingressum, in illorum angustis haerere; unde concluditur, uti tunc demonstratum fuit, & interiora capitis similiter affici. Calor ingens, & internus capitis, cum pulsatione saepe tam valida, ut cranium miseris dissilire videatur, alterum inflammationis signum dat. Febris acuta continua, atque praecedens dispositio inflammatoria, ulterius modo dicta confirmant. Unde nullum dubium videtur de hac re superesse posse.

Dolor autem capitis ingens videtur docere, cerebri membranas affectas esse, & imprimis duram matrem, quae periostei interni cranium investientis tunicae gerens illi vasis immixtis, & receptis ubique adhaeret, adeoque inflammatorio tumore distendi nequit, absque magna distractione horum vasculorum: accedit, quod durae matris arteriae, elasticis tunicis donatae, validius resistent distendentibus liquidis. Forte & in pia matre ab eadem causa dolor excitatur. Cerebri autem corticem erodi, secari &c. absque dolore posse, patuit ex illis, quae de cerebri fungis in vulnere capitis historia dicta fuerunt. Medullaris autem cerebri substantia, tutius recondita, tardius afficitur, atque videtur illico convulsionem facere, uti pariter tunc probatum fuit. Cum autem ingens capitis dolor phrenitidem veram antecedit, apparet, cerebri minenges affici, priusquam cerebri functiones adhuc multum turbentur. Cum autem pia mater cerebrum involvat, & omnes ejus anfractus ingreditur, patet inflammationem ejus contiguum non tantum illi, sed & vasis emissis continuum, corticem cerebri brevi afficere debere simili malo; atque constitit ex illis, quae praecedenti paragrapho dicta fuerunt, observationes in cadaveribus defunctorum hoc demonstrasse. Interim tamen satis apparet, sufficere posse solam pia mater inflammationem, ut cerebri functiones turbentur, cum nulla vasa accipiat cerebri cortex, nisi ex hac membra-

na;

na; & in Commentariis §. 701. probatum fuerit, obstructionem quamcumque, impeditum influxum, transfluxum, effluxum per cerebrum, majorem velocitatem, stagnationem, pessima deliria producere posse.

Ubi ergo primo, & primario affectis inflammatione cerebri meningibus ferrox & perpetuum delirium adest, dicitur phrenitis vera. Si vero manifesta inflammationis signa in aliis corporis partibus prius adfuerint, & dein materia phlogistica ex his partibus per malam metastasin in cerebri meninges rapiatur, symptomatica vocabitur, uti pluribus antea dictum fuit.

§. 777. **Q**uidquid has producere potest, fungi poterit causae propriis munere (772.).

Omnes enim causae inflammationis, in ejus historia enumeratae, huc pertinent, de quibus tunc actum fuit: praecipue si simul concurrunt talia, quae generales inflammationis causas versus caput determinant, ut insolatio, vigilia, ira &c. de quibus omnibus in Commentariis §. 772. dictum fuit.

§. 778. **Q**uin hinc vera diagnosi utriusque mali.

Si enim post ingentem dolorem internum capitis, cum aestu valido, & febre acuta continua oriatur ferrox, & perpetuum delirium, est phrenitis vera, ubi vero in alia quadam parte corporis inflammationis natae signa apparuerunt prius, & postea caput afficitur, est phrenitis symptomatica.

§. 779. **C**uratio requirit attentionem ad sequentia.

Phreniticis varices, vel haemorrhoides fluentes profunt.

Alvi fluor bonus.

Dolor ad pectus, pedesque, vel vehemens tussis superveniens saepe solvit malum.

Ut & haemorrhagia.

Hoc fuit Veterum Medicorum institutum, ut sollicite notarent illa, quae in morbis contingebant; sicque discerent fideli observatione, quibus modis morbi in salutem, vel interitum tenderent, ut postea priora promovere, posteriora impedire, vel mutare, idonea medela possent. Unde Hippocrates adeo operosus fuit in Semeiotica parte medicinae, atque salutarem artem tot regulis practicis, plurium saeculorum communi suffragio probatis, nobilitavit & auxit: quas tamen ex morborum observatione collegisse videtur, uti apparebit unicuique, qui Aphorismos cum illis contulerit, quae in Epidemicorum libris habentur. Imo hanc fuisse Medicae artis originem optime notavit Celsus [f], ubi de variis Medicorum sectis agit: *Non enim pest*

n 2

ratio.

(f) In Praefatione pag. 9.

*rationem medicina inventa est, sed post inventam medicinam ratio quaesita est.* Inter recentiores Medicos Sydenhamus, eandem methodum secutus; plus promovit medicinam solus, quam ante illum numerosissimi alii, subtilissimis speculationibus indulgentes, & causas morborum latentissimas a priori explicare conati. Fatetur autem summus ille in Arte Medica vir, quod dum morborum genio cognoscendo incumberet, quidam perierint aegri, quibus succurri potuisset, si genuinam curandi hos morbos methodum novisset prius: verum hoc inevitabile est, & neminem latet, *sic medicinam ortam fuisse, subinde aliorum salute, aliorum interitu, perniciose discernentem a salutaribus (g).* Neque has calamitates evitant illi, qui vanis, licet speciosis, hypothelibus freti, medendi methodum in morbis fingunt, dum interim, neglecta morborum attenta observatione, in eodem semper luto haerent, neque post plurimos funestos eventus magis profunt aegris suis, quam antea.

Antequam ergo de curatione phrenitidis dicatur, operae pretium erit videre, quatenam profuisse in hoc morbo fidelia observata docuerint.

**VARICES.** Ex illis, quae hactenus de phrenitide dicta fuerunt, satis patuit, in hoc morbo vasa encephali urgeri sanguinis majori copia, & impetu; adeoque in cura proderunt omnia, quae nimiam copiam minuunt, & impetum sanguinis a capite versus alias partes derivant, qualia jam ad §. 701. in cura delirii febrilis commendata fuerunt. Varix autem vocatur praeternaturalis venae distensio, omnium frequentissime in partibus corporis inferioribus apparet, ubi sanguis difficiliter ascendere potest, ob maximam a corde distantiam, & acclivem viam. Ubi ergo venae crurum in phrenitidis varicosae fiunt, novimus copiam sanguinis in his retineri, adeoque minus sanguinis ad cor redire, tantoque minus impleri vasa superiora. Praeterea ad auctam sanguinis velocitatem compescendam per artem varicosas venas redimus leni earundem compressione in artubus, uti in Commentariis §. 691. dictum fuit, atque eadem methodo ad haemorrhagias nimias compescendas medici uti solent cum successu, uti in Commentariis §. 743. monitum fuit. Patet ergo ratio, quare varices phreniticis profint. Quin imo tantam spem in varicibus posuit Hippocrates (h), ut maniae ipsius solutionem ab illis speraverit. An autem praeter modo dictos varicum effectus, ex cognita corporis fabrica intelligendos, tumentes venae crurum regiminis quadam actione [de qua vide Commentaria §. 701.] caput afficere possunt? Sequens Hippocratis Aphorismus tale quid indicare videtur: *Qui calvi sunt, illis varices non fiunt. Quibus vero calvis existentibus varices succedunt, illi rursus capillati sunt (i).* Qui hunc textum proterve riserunt, tanquam penitus absurdum, & nullam communionem inter capillatam capitis cutim, & tumentes crurum venas esse statuerunt, videant, an melius intelligant, quare circa pubertatis tempus, tumentibus & varicosis saepe factis venis spermaticis, in pudendis crines prodeant, in masculis barba enascatur, vox mutetur &c. atque

(g) Celsus Ibidem. (h) Aphor. 21. Sect. VI. Charter. Tom. IX. pag. 260.

(i) Ibidem Aphor. 34. pag. 279.

atque in castratis saepe omnia haec immutentur denuo. Sufficiet practico, novisse, quid ex varicibus natis morborum tempore boni, vel mali expectandum sit, licet connexionem inter causam hanc praegressam, & comitantem, vel sequentem effectum, non distincte intelligat. Ante pubertatem varices in tibiis non expectandas esse, alibi (K) Hippocrates monuit.

**HAEMORRHOIDES FLUENTES.** Vasa enim haemorrhoidalia, & paroides arteriae opposita directione sanguinem ducunt, unde revulsio a capite merito expectatur, dum fluunt haemorrhoides. Notum est, pluribus hominibus consuetum esse, ut bis in anno, quibusdam longe saepius, hac via sanguis evacuetur. Si autem circa illud tempus, quo haemorrhoides ipsis fluere solent, non fiat haec evacuatio, plerumque vertigine, aurium tinnitu, similibusque symptomatibus affliguntur, quae leviozem cerebri affectionem docent: quin imo historia Medica docet, epilepsiam, maniam, & lethalem apoplexiam successisse, dum consuetus sanguinis per haemorrhoides fluxus sponte, vel imprudenti medela interceptabatur. Sic Alcippus haemorrhoides habens curari prohibebatur: curatus vero mania correptus fuit (l). Contra vero apoplexiae, aut maniae haemorrhoides succedere, bonum esse dixit Hippocrates (vide Commentaria 7. 702.); morbosque illos hac via solvi monuit. Ex quibus omnibus patet, quantum boni in capitis morbis ab haemorrhoidibus fluentibus expectari possit.

**ALVI FLUOR BONUS.** Materialem febris causam, vi febris ipsius subtractam, solutam, & mobilem redditam per alvum quandoque expelli de corpore, atque ad §. 594. vidimus; adeoque & hoc respectu prodesse possit alvi fluxus in phrenitide. Verum, uti tunc ibidem monitum fuit, post coctionis signa praegressa talis alvi fluor tunc apparere debet, cum idem illud symptoma in morborum initio mali ominis sit, imo & quandoque lethale, uti ad §. 741. dictum fuit. Verum in hoc morbo non tantum prodesse potest alvi fluor, quatenus morbosam materiam evacuat, sed etiam, dum humoribus huc ruentibus viscerum abdominalium vasa deplentur, & sanguini impulsu minus resistunt, impetus & copia humorum pulcherrime a capite avertitur, quod magni momenti est in curatione phrenitidis. Docuerunt autem Veterum Medicorum observata, alvi fluorem prodesse illis morbis, in quibus nimis urgebantur vasa capitis. Sic ophthalmicis utilem esse diarrhoeam in Commentariis §. 720. vidimus. Quae caput concutimus, aurium sonitus facientia, haemorrhagiam faciunt, vel mulieri menses deducunt, tum alias, tum si secundum spinam ardor consequatur. Aequae autem & (haec) dysenterica [m]. Ex quo textu videtur patere, quod solutionem talium morborum, in quibus vasa capitis nimis distenta erant, aequae expectaverit ab alvi fluxu Hippocrates, quam ab haemorrhagiis. Huc etiam videtur spectare alter textus (n): In febris pulsus, & dolor secundum venam, quae est in collo, in dy-

n 3

sente.

(K) Coac. Praenot. N. 512. Charter. Tom. VIII. pag. 882.

(l) Epidem. 4.

text. 51. Charter. Tom. IX. pag. 331.

(m) Coac. Praenot. N. 168. Charter.

Tom. VIII. pag. 261.

(n) Ibid. N. 125. pag. 858.

*senteriam finitur.* Verum alibi mirum recursum a capite versus alvum, & vicissim ab alvo versus caput notat (o), cujus rei antea in Commentariis §. 722. mentio facta fuit. Sic autem habet: *Quibus biliosae sunt dejectiones, sorditate orta cessant; & quibus surditas, biliosis abortis dejectionibus cessat.* Monet autem Galenus (p) in Commentariis suis in hunc textum, hic non intelligi confirmatam, & saepe sanatu difficillimam, surditatem, sed talem, quae repente in febris oritur. Ex quibus omnibus apparet, in capitis morbis multum boni ab alvi fluore posse expectari, atque ideo etiam utile judicavit Hippocrates (q), si maniae dysenteria succederet.

**DOLOR AD PECTUS PEDESQUE &c.** Quando §. 772. de phrenitide symptomatice agebatur, notatum fuit, certissimis constare observationibus, inflammationem in quadam corporis parte, etiam remotissima a capite natam, posse periculosa metastasi caput petere, priori loco relicto; atque tunc recessita fuerunt illa signa, quae docebant, tale malum metuendum esse. Nemini ergo mirum videbitur, quandoque & a capite metastasin fieri versus alias partes, cum insigni saepe levamine periculosi hujus morbi: praecipue si non ad viscera alia, sed ad femora, aut crura, remotissimas a capite partes, derivatio fiat. Unde dolores, qui ad inferas delabuntur partes, tolerati faciles Hippocrates dixit (r). Capitis autem morbos ad pectus quandoque transferri indicare videtur alter apud Hippocratem locus [s], ubi sic habetur. *Quodcumque superiorum partium doluerit, dolor ad coxendices, vel ad genus, vel asthma haec omnia solvit.* Imo in ipsa mania aliquid boni inde expectasse videtur, dum dicit [t]: *Ex mania ad raucedinem cum tussi (sit) abscessus.*

Confirmantur autem modo dicta illis, quae in aegrorum historiis ab Hippocrate descriptis habentur. Ita in Herophonte (u), quem praeter expectationem a periculosissimo morbo evasisse testatur, aderant vigiliae, quinta die morbi surditas, sexta die delirium. Verum octava die doluit inguen, dein ad utramque tibiā dolores accesserunt, sed & prorsus resipuit aeger, nox toleratu facilis fuit, & urinae, quae antea tenues, & nigrae fuerant, melius coloratae erant, & aliquid sedimenti habebant. Postquam autem nona die imperfecta crisi judicatus fuerat, post quinque dies rediit febris acuta cum surditate, verum tertia post recidivam die crura dolor invasit cum surditatis imminutione. Ita etiam in virgine, quae Abderae in templi vestibulo decumbebat, surditate, & delirio in febre acuta laborante, notatur, quod vigesima die morbi pedum dolor ortus fuerit, sed & simul surditas, & delirium cessabant: monetque, quod postquam in omnibus perfecte judicata esset aegra, pedum ille dolor adhuc remanserit.

**UT & HAEMORRHAGIA.** Antea jam aliquoties monitum fuit, narium haemorrh-

(o) Aphor. 28. Sect. IV. Charter. Tom. IX. pag. 150.

(p) Ibidem.

(q) Aphor. 5. Sect. VII. ibid. pag. 194.

(r) Proreptic. Lib. I. Charter. Tom. VIII.

pag. 781.

(s) Epidem. 2. Charter. Tom. IX. pag. 191.

(t) Coac. Praenot. N. 484. Charter. Tom. VIII. pag. 880.

(u) Epidem. 1. aegrot.

3. Charter. Tom. IX. pag. 103.

(vv) Epidem. 3. aegrot. 7. ibid. pag.

301. 302.

morragiam intelligi, quando simpliciter absque ullo addito haemorrhagiae vocabulum usurpatur, quia omnium frequentissime in morbis acutis per hanc viam facta sanguinis evacuatio occurrit. Cum autem in phrenitide arteriae capitis impetu, & copia sanguinis valide urgeantur, patet ratio, quare toties in hoc morbo narium haemorrhagia fiat. Plurima enim ex illis signis, quae narium haemorrhagiam praefagiunt [vide §. 741.], in phrenitide jam adsunt. Illo autem tempore, dum adest narium haemorrhagia, sanguis per carotidum arteriarum truncos pulsus majori copia denervabitur versus externae carotidis ramos, ubi jam minor resistentia est; adeoque dabitur occasio, ut inflammatoria densitate immeabilis sanguinis in encephali vasis haerens, minuto impetu liquidi a tergo urgentis in majores truncos retropellatur [vide §. 400. 1.], sicque obtineatur inflammationis resolutio. Cum autem iniectiones Anatomicae docuerint, ab interna carotide ramos arteriosos per nares internas dispergi, si talis arteria aperta sanguinem funderet, quam proxime a locis obstructis, & inflammatis revulsio fieret. De illis autem signis, quae salutarem talem narium haemorrhagiam praecedere solent in Commentariis §. 741. dictum fuit, ubi omnia, quae circa hanc rem praecipue notanda sunt, habentur.

Plurima jam spontanea narium haemorrhagia sanatae phrenitidis exempla in Historia Medica habentur. Verum *Zacutus Lusitanus* ausus fuit artificiosam talem evacuationem instituere, dum belli ducem juvenem & quadratum, ac sanguine turgentem curabat, valida laborantem phrenitide. Jusse enim cuidam ex adstantibus, qui suavi cantu ferocientem mulcebat aegrum, ut pennam ad radicem multum fissam, & in stellae effigiem formatam, nari intruderet, ac fortiter circumduceret: quo facto copiosissima facta fuit ex nare dextra haemorrhagia tam fausto cum effectu, ut a periculoso morbo convalesceret aeger, succedente postea sudore & alvi fluxu (\*).

Notandum autem, quod & sudores critici quandoque in phrenitide salutare observati fuerint, sive soli, sive una cum narium haemorrhagia. Unde dixit *Galenus* (y): *Judicat & phrenitidem sudor bonus, & praecipue si ex capite multus, & calidus fluxerit, sudante simul reliquo corpore. Fit etiam aliter, quod per narium haemorrhagiam phrenitis firmiter (Βασίαν) judicatur, sic & apud Lucianum (z) habetur, quod Abderitanis phreniticis (vide §. 773.) circa septimum diem larga narium haemorrhagia febris soluta fuerit, quibusdam etiam copiosus sudor circa idem tempus ortus similem effectum praestiterit.*

§. 780. **P**hrenitis vera requirit citissime validissima remedia, quibus tolli possit inflammatio ad cerebri arterias orta.

Vidimus §. 776., veram phrenitidem esse inflammationem veram meningum

n 4

(\*) *Zacut. Lusit. Observ. 12. pag. 22.*

*Charter. Torp. VIII. pag. 430.*

*conscribenda sit historia. Tom. I. pag. 657.*

(y) *De Crisibus Lib. III. cap. 3.*

(z) *In capite, cui titulus. Quomodo*

gum cerebri, imo & quandoque idem malum ad corticis cerebri substantiam pertingere. Ex illis autem, quae in historia inflammationis dicta fuerunt, constitit, triplicem esse inflammationis exitum; in resolutionem nempe, gangraenam vel sphacelum, & suppurationem. Facile autem patet, solam resolutionem hic locum habere posse, cum suppurationis hic natae lethalis fere semper eventus sit; multo magis adhuc gangraenae. Verum quidem est, in capitis vulnerum historia plurimis observationibus constituisse, cerebri substantiam per vulnera laedi, suppuratione, putredine, erodentibus &c. consumi posse notabilem ejusdem partem, superhite vita non tantum, verum etiam in integrum quandoque restituti omnibus cerebri functionibus: sed simul tupe via patebat, qua possent exire illa, quae corrupta erant. Ubi autem phrenitidem veram suppuratio sequitur, pus retentum, mora acrius factum, pulposam encephali substantiam brevi destruet. Ad inflammationis autem resolutionem, uti §. 786. dictum fuit, requiritur, ut humor fluens blandus sit, motus ejus sedatus, atque causa obstruens non nimis solidata, simulque obstructio parva sit. Cum autem febris acuta continua phrenitidem veram comitetur [vide §. 771.], impetuusus adest humorum motus, & subita humorum degeneratio metuenda est; simulque immedicabilis sanguis magis magisque angustis vasorum impingitur; unde omni fere momento augetur resolutionis difficultas. Accedit, quod obstructa vasamenta, & dilatata comprimant vicina minora, & expressa liquido contigua latera concrefcere faciant, unde postea immedicabiles cerebri functionum laesiones manent. Hinc patet, morbum hunc citissimum validissimorum remedium applicationem requirere, cum ex sua natura adeo periculosus, & cito lethalis sit.

§. 781. **Q**uae petenda maxime ex curatione inflammationis in genere, observatis hisce. Venae sectio instituenda larga, per amplum vulnus, aut plures venas simul, in pede, jugulo, fronte. Diluentia ex decoctis antiphlogisticis, nitrosis, assatim exhibenda. Dein purgantia antiphlogistica, cum multo potu diluente nitroso danda. Clysmata similia, additis laxantibus. Anus fovendus; haemorrhoides fricandae foliis ficus &c., vel evacuandae hirundinibus. Collutoria, gargarismata lenia revocanda in cerebrum usum. Nares, oculi, aures, fovenda. Caput radendum. His praemissis, neque cedente malo, opiatum utendum, pediluvia, epispastica levia, cucurbitae, ad inferiora applicanda. Corpus moderato frigore reficiendum, & erectum tenendum.

Quando de curatione inflammationis, quae per resolutionem fit, agebatur [vide §. 395.], memorabantur indicationes curatoriae sequentes. Impedire ulteriorem laesionem vasculorum, & tollere illam, quae jam facta est; deinde materiae obstruenti fluiditatem conciliare una cum lenitate [blanda enim humorum indoles ad inflammationis resolutionem requiritur]. Vel denique,



si in fluorem redigi non possent massulae obstruentes, haec spes adhuc supererat, ut impetu minuto urgentis a tergo liquidi, vasa obstrueta propria contractilitate retroprimerent massulas obstruentes in vasa majora. Patuit autem tunc ex illis, quae ad §. 396. 397. 398. 400. dicta fuerunt, ad omnes illas indicationes requiri sanguinis missionem. Ergo.

VENAE SECTIO INSTITUENDA LARGA &c. Probatum enim fuit §. 441.; ut impactum obstruens retropellatur, nihil efficacius esse magna, & subita sanguinis missione. Sed & simul ingens calor internus capitis, phrenitidem veram antecedere solitus (vide §. 771.) minuitur, uti in cura caloris febrilis §. 691. & sequentibus demonstratum fuit, nimisque valorum plenitudo tollitur. Damnaverat quidem *Aesclepiades* in hoc morbo venae sectionem, dicens: *perinde esse his sanguinem mitti, ac si trucidentur* [a]. Verum uti optime monuit *Celsus* (b), phrenitis nunquam est nisi cum valida febre, atque *Aesclepiades* erat in illa opinione, nunquam sanguinem recte mitti, nisi in febris remissione, atque ideo damnabat in hoc morbo sanguinis missionem; de qua re videantur illa, quae in *Commentariis* §. 610. de minuendo per venae sectionem febris impetu habentur. Interim tamen & *Aretaeus* (c) videtur largam sanguinis missionem in hoc morbo formidasse, quia nempe metuebat *lyncopen*, in quam prae reliquis hunc morbum primum esse credebatur. Forte etiam & haec suberat ratio, quod cerebrum pro exsanguis & frigida parte haberet, atque ideo illius morbis validam sanguinis missionem minus utilem putaret. Suadent fere hoc sequentia, quae apud illum (d) habentur: *Verum tamen audacius vena solvenda est, si a praecordiis, non a capite morbus oriatur: ibi enim vitae principium est. Caput vero sensus nervorumque originis locus est, sanguinemque potius a corde trahit, quam alius distribuit* &c. Chemicis postea suis arcanis mira se in hoc morbo facere posse iactitarunt, sulphure nempe vitrioli nercoctico, quo furoris saltem inducias, si non integram sanationem, impetrare valerent. Verum donec docuerint, se inflammationem in manu natam his aut similibus curare posse, nemo prudens in ancipiti hoc, & cito lethali morbo fidem dabit.

Cum autem, uti §. 779. dictum fuit, observatis constiterit, per haemorrhoides, opposita quam maxime a capite directione, fluentem sanguinem profuisse phreniticis, atque etiam per nares factam haemorrhagiam frequentissime solvisse hunc morbum, utramque naturae methodum imitati sumus Medici, dum & in pede, & in jugulo, aut fronte venas solverent; imo & quandoque in vehementissima phrenitide plures simul venas aperirent, ut & subita inania, & efficacissima simul revulsio fieret, ad animi desiquium usque iustituta tali evacuatione, quam tanquam summum remedium in maximis inflammationibus, ardentissimis febribus, & doloribus vehementissimis habuit *Galenus*, uti ad §. 441. dictum fuit. Verum, ut ibidem monitum fuit, audax talis sanguinis missio nunquam, nisi praefente Medico, fiat, qui

(a) A. Corn. Cell. Lib. III. cap. 12. pag. 150.

(b) Ibidem.

(c) Lib. I. de Curat. Morb. acutor. cap. 1. pag. 71.

(d) Ibidem.

qui pulsum tangens, dum sanguis apertis venis fluit, facile videbit, quo usque cum prudentia hoc tentari possit.

Merito ergo sanguinis missio in phrenitidis verae curatione *primum omnium & maximum futurum praesidium* habetur a *Tralliano* (e); qui & satis largam copiam educi curabat ideo, quia molestum erat furentibus saepe his aegris sanguinem detrahare; unde *santum initio evacuat, quantum & satis eras futurum, etiamsi secunda vice iterum mitteretur*; & quidem felicissimo eventu se hos praestitisse testatur, aperta frontis vena.

Cum autem soluta in naribus arteria omnium felicissime solvi phrenitidem constet, si larga copia sanguis efflueris, ausi tuerunt & medici arteriam lanceola pertundere, ut sic & subita inanitio, & potentissima revulsio impetus, & copiae sanguinis ab encephalo fieret. Temporalis arteria solet tunc eligi, quia & pulsu satis conspicua est, & commode post sanguinis educationem ad suppositam calvariam comprimi potest, & sic tuto factum vulnus consolidari. Quenam autem in arteriotome observanda sint, apud *Dionisii* (f) aliosque videri potest.

**DILUENTIA &c. DEIN PURGANTIA ANTIPHLOGISTICA &c.** Videantur de his illa, quae in cura inflammationis §. 396. & sequentibus dicta fuerunt.

**CLYSMATA SIMILIA &c.** Illa enim purgantium antiphlogisticorum, quae ore assumta fuerunt, operationem accelerant, & laxando vasa intestinorum impetum, & copiam humorum a capite revellunt. Simul etiam pulchrum usum habent in minuendo febris impetu, uti in Commentariis §. 610. dictum fuit, adeoque omni respectu profunt.

**ANUS FOVENDUS HAEMORRHOIDES FRICANDAE &c.** Fluentes enim haemorrhoides phrenitidis utiles esse §. 779. vidimus: hinc laxando fomentis & clysmatibus has partes tentamus haemorrhoides provocare; ubi autem jam prouberare incipiunt, tunc asperis foliis ficus fricantur, donec sanguinem stillare incipiant; vel & hirudinibus applicatis aperiuntur. Videantur illa, quae in Commentariis §. 702. habentur.

**COLLUTORIA, GARGISMATAE &c. NARES, OCULI, AURES, FOVENDA.** Omnibus enim illis carotidis externae rami per has partes dispersi laxantur, adeoque impetus & copia sanguinis a partibus capitis internis avertitur. Simul etiam nares, humectando vasa ibi posita, optime disponuntur. ad salutem in hoc morbo haemorrhagiam. Videantur illa, quae de applicatione medicamentorum emollientium ad caput in cura delirii febrilis §. 702. dicta fuerunt; uti etiam quae in curatione febris ardentis §. 743. circa hanc rem habentur.

**CAPUT RADENDUM.** Abrasio enim capillis tota capitis cutis maxime perspirabilis redditur: quem effectum a capitis ratione in phrenitide experuisse videtur *Caelius Aulianus* (g). Gratum certe refrigerium capiti sic committitur.

(e) Lib. I. cap. 27. pag. 48. (f) *Cours d'Operations de Chirurgie demonstree*. 7. pag. 407. 408. (g) *Acutor. Morb. Lib. I. cap. 10. pag. 10.*

ciliatur, & insignem quandam mutationem percipere solent aegri; & quidem tantam, ut ab alia aliquid metuisse videatur *Arcturus* (b) dum monuit, si longissimi crines fuerint, dimidios primo rescindendos esse, si vero breviores, tunc ad eum tonderi posse. *Sydenhami* tamen observatis (i) constat, nullum in hac re discrimen esse; & testatur, se semper hoc praecepisse, & quidem pulcherrimo cum successu. Abrasis autem capillis, pileolo imposito, caput a frigore externo monuit, monetque, se nullum emplastrum, raso capiti applicuisse: quidam enim hoc commendant, sed oleosa omnia & pingua cuti adhaerentia perspirationem minuunt, quae hoc in casu liberrima requiritur. Capitis rationem *Celsus* (K) pariter in phrenitidis curatione commendavit. Patet autem satis, diffieillimum hoc factu saepe esse, dum aegri pessime fuerunt; adeoque praestaret hoc jam facere, dum signa docent, phrenitidem metuendam esse.

HIS PRAEMISSIS, NEQUE CEDENTE MALO, OPIATIS UTENDUM. Postquam omnibus modo memoratis remediis, sic minutus fuerit impetus humorum, atque adeo diluta & soluta liquida, ut optima spes sit, blanda resolutione telli posse inflammationem caput internum obidentem, atque jam signa docuerint, morbum mixscere, dum interim tamen adhuc delirium, vel noxiae adeo vigiliae in hoc morbo, maneat, tunc opiata usum habent, non prius, uti optime *Sydenhamus* monuit (l). A lenioribus autem anodynis incipere solent Medici, sensim ad fortiora pergendo, si priora non succederint: Videantur illa, quae in Commentariis §. 702. de usu similium in curando delirio febrili dicta fuerunt.

PEDILUVIA, EPISPASTICA LEVIA, CUCURBITAE &c. Omnibus enim his laxantur vasa partium inferiorum, vel leni irritatione, versus haec loca major copia humorum ducitur, adeoque a superioribus revulsio fit. Videantur illa, quae de revellentibus impetum sanguinis ad alias partes in Commentariis §. 396. 4. habentur: uti etiam quae in Commentariis §. 702. de eorundem usu dicta fuerunt. Interim tamen cavendum est, ne inferioribus corporis partibus applicentur talia, quae motum humorum per totum corpus acriori stimulo incitare possent.

CORPUS MODERATO FRIGORE REFICIUNDUM, & ERECTUM TENENDUM. Quantum hoc prodest in moderando nimia febris impetu, ad §. 610. dictum fuit atque etiam in Commentariis §. 698. probatum fuit, lecti & acrii clausi calorem summopere nocere in omnibus morbis, in quibus nimius aestus adest. Erectus autem situs corporis facit, ut non adeo impetuose sanguis caput urgeat: videmus enim sanis hominibus, dum per aliquot horas, horizontali corporis situ, in lecto decubuerunt, caput tumere, qui tumor brevi evanescere solet, dum per aliquod tempus erectus situs corporis fuit. Saepe contingit, phreniticos pessime furentes; dum lecto incarcerationantur, placidos penitus reddi, dum erecto corpore, modice tantum vestibus

(b) De Curatione Morbor. acut. Lib. I. cap. pag. 30.

(i) In Schedula.

Monitor. de novae febris ingressu pag. 668.

(K) Lib. III. cap. 18. pag. 150.

(l) Sect. I. cap. 4. pag. 81.

vestibus lecto in sedili sedent. Tanti autem fecit hoc aegrorum regimen Sydenhamus, ut passim in suis operibus ubique inculcaverit, in morbis acutis inflammatoris curationis totam felicitatem inde sere pendere: & in ultimis suis scriptis, quae ingravescente jam aetate edidit, ulterius confirmavit, & inprimis quidem in phrenitide hoc necessarium dixit. Hoc enim in statu, quantumlibet sanguinis detrahatur, quantumvis leviter tegatur corpus, quicunque demum liquores refrigerantes ingerantur, non prius sedabitur febris, quam aeger se lectulo interdum abstinerit. Cum calor circumambientis aeris, inter stragula conclusi, sanguinem plus satis exagitet, & procumbentis corporis situs vehementiori impetu eundem in caput impingat (m).

Haec sunt remedia, quae cognita morbi indoles, & salutaris usus docuerunt prodesse in hoc morbo, & a quibus cito applicatis curatio expectari poterit inflammationis, in cerebri meningibus natae, per resolutionem.

Hoc tamen monendum videtur, quod sedato jam febris impetu, saepe adhuc supersit delirum, coma, debilitas ingens, aliaeque symptomata, quae cerebri functiones adhuc perturbatas esse docent. Non tamen ideo venae sectionibus, purgantibus, aliisque vires debilitantibus remediis utendum est, ut tales saevi hujus morbi reliquiae tollantur; sed blando victu, quiete, situ corporis erecto &c. sensim haec cedere solent. Resoluta enim inflammatione nondum vasa, per impetum vitalis liquidi loca obstructa, urgentis nimis distracta, pristinam dimensionem statim recuperaverunt, adeoque saepe per notabile tempus adhuc turbatus manet acquabilis humorum per vasa encephali motus, donec sensim acquisito robore distractae fibrae vasorum priorem firmitatem acquirant. Cum autem tenerrima sint encephali vasa, utpote in pia matre, & cortice cerebri elasticis tunicis destituta, patet ratio, quare saepe talia symptomata post veram phrenitidem diu adhuc maneant. Videantur illa, quae de hac re dicta sunt in Commentariis S. 397., ubi probatum fuit, propriam vim fibrarum, dum causas distrabentes cessant vel minuuntur, priscam formam restituere, dum interim nutritio vires reddit.

S. 782. **S**I vero Phrenitis ab alio morbo inflammatorio jam facta oritur, ante omnia attendendum, an genius ejus mali patiatur adhiberi modo dicta (781.), si non, tum curanda ex methodo illi morbo debita, semper additis derivantibus, & topicis remediis.

Maximi momenti in praxi hoc monitum est, ut nempe in cura phrenitidis symptomaticae attendatur ad genus morbi primarii, ex quo phrenitis orta fuit. Uti enim statim vidimus, phrenitidis verae curatio largam venae sectionem, & repetendam quandoque audacter postulat, una cum valida alvi evacuatione per purgantia antiphlogistica. Verum non omnibus mor-

(m) In Scheda monitor. de novae febris ingressu pag. 659. 660.

morbis acutis haec curatio prodest, & quandoque observantur febres epidemicae, inflammatoriae quamvis, quae repetitam venae sectionem non ferunt absque noxa: quin etiam constitit in talibus febribus, nequidem phrenitidi symptomaticae per validas, & repetitas evacuationes succurri posse, sed sensim postea una cum morbo principe, evanescere hoc symptoma. Tales erant febres epidemicae continuae a Sydenhamo (n) descriptae, quae annis 1673. 1674. 1675. Londini grassabantur. Quamvis enim atrox capitis dolor, & laterum dolores frequentes in his febribus, sanguisque eductus Pleuriticorum similis cruori, docerent satis, non mediocrem inflammationem his febribus subesse, observavit tamen Sydenhamus, quod repetita venae sectione non levarentur aegri. Cum autem in his febribus promptissima metastasis ad caput fieri soleret, enematum usum substituebat repetitae sanguinis missioni, quam morbi natura non ferebat; sicque felicissime curabat phrenitidem symptomaticam in his febribus natam, dum post venae sectionem, atque unius, vel alterius enematis injectionem, vitrioli spiritum cerevisiae tenui instillabat, & pro potu ordinario aegris exhibebat. Nullam autem aliam methodum profuisse in hoc casu testatur (o). Similia notavit, & in alia febrium continuarum epidemiarum specie Sydenhamus (p), in quo morbo summa proclivitas erat, ut materia febrilis mala metastasi caput peteret & hoc etiam peculiare notabatur, quod simulac tali metastasi facta phrenitis invalesceret, tunc nulla amplius superessent febris indicia. Observavit autem, neque hanc febrium speciem iteratas sanguinis missiones fere; unde post unicum venae sectionem purgans antiphlogisticum dabat, alternis diebus ad tertiam vicem repetendo, simul exhibito hora somni levi diacodiatum post singulas purgantis remedii doses. Spiritus autem vitrioli usum in harum febrium curatione non adhibuit, utpote minus convenientem morbis illis, quorum curatio purgantibus indiget. Monuit autem, quod phrenitis si in hoc morbo semel invaluisset, non potuerit subito deleri, neque tutum fuerit repetita ultra limites praescriptos venae sectione, vel catharsi, ejus curationem aggredi (q), sed tempore, & sponte sua cedere solebat hoc malum, modo debitum regimen adhiberetur. Ita etiam ad phrenitidem symptomaticam compescendam in variolis talem methodum adhibuit Sydenhamus (r), quae in aliis casibus minime conveniret. Decenni enim puero, cui stragulorum pondere, & calidis remediis adhibitis, in primo stadio variolarum debita illarum eruptio non tantum impediabatur, verum & talis aderat furor, ut totis adstantium viribus vix lecto coerceri posset, dedit statim unicum mediam syrupi de meconio; cumque nihil proficeret, post horae spatium similem dosin dari jussit; atque nondum minutis symptomatibus, debuit eandem dosin repetere; donec uncias duas cum dimidia assumisset puer; tuncque felici eventu sedatae sunt illae turbae, & postea convalevit aeger.

Haec

(n) Sect. V. cap. 2. pag. 772. &c. (o) Ibidem pag. 289. (p) In *Schedula morborum de novae febris ingressu*. pag. 651. &c. (q) Ibidem pag. 660. (r) In *Dissertatione Epistolati* pag. 466.

Haec sufficient, ut demonstretur, quam variet phrenitidis symptomati-  
cae curatio pro diversa indole morbi primarii, unde ortum duxit. Cum  
autem periculosa semper sit in morbis talis in cerebrum metastasis, nun-  
quam nocere debent derivantibus versus alias partes uti, & topicis remediis ca-  
lorem nimium in capite minuere. Ubi ergo novimus ex genio cognito  
morbi Epidemici, vel ex signis §. 772. enumeratis, talem metastasim me-  
tuendam esse, clysmata injicere convenit, balneis, fomentis, inferiores  
corporis partes laxare, epilepticiis eandem irritare, sicut erecto omnem im-  
petum a capite evertere, caput radere, fronti oxyceratam applicare, cu-  
curbitas cruribus, & femoribus affigere &c. ut omnibus his artis molimi-  
nibus caveatur symptomata phrenitis, vel saltem impediatur ejus augmen-  
tum, si jam adsit. Omnia enim haec, vel praecipua saltem, adhibuit  
*Sydenhamus* in hoc casu, licet pro diversitate morbi primarii varia medela  
usus fuerit.



ANGINA

( )

## A N G I N A .

§. 783. **I**mpedita valde, dolens admodum, vel & impedita & dolens simul Deglutitio, atque Respiratio, quae contingit a causa morbosa agente in partes binis his functionibus inservientes pulmones, & supra stomachum positas, Angina vocatur.

ANGINA, ab *angendo* dicta, recepto jam apud Medicos usu, designat generali nomine omnes illos morbos, qui impedimento, vel dolore partium, deglutitioni, vel respirationi inservientium, illas binas functiones simul, vel & singulas, turbant; sic tamen, ut causae horum morborum supra ventriculum, vel pulmones haereant; aliter enim talia mala inter morbos pulmonum, aut ventriculi recenseri solent. Simplici hoc nomine omnes illos morbos vocaverunt Latini; verum apud Graecos, recentiores in primis, major nominum diversitas occurrit, imo & quaedam confusio, cum non omnes eodem vocabulo eundem affectum designaverint. Hinc *Celsus* (f) dixit: *Nostri anginam vocant: apud Graecos nomen, prout species est.*

Apud *Hippocratem* *αἰνίχης* vocabulum tantum fere occurrit; & quando levior affectus erat, *ἡσυχία* ipsi dicebatur (†): caeterum, quantum novi, nec *αἰνίχης*, nec *ἡσυχίας* meminit. Notum autem est, praepositionem *ἐν*, morborum nominibus praefixam, eorundem minorem intensitatem frequenter significare. Sic enim parapoplexia pro leviori apoplexia sumitur &c. Cum autem canes, post validum cursum anhelii, lingua exserta, oculis rubentibus & prominentibus, celerrime respirent; & mileri aegri pessima angina laborantes simili fere modo affecti conspiciantur; inde videtur *αἰνίχης* nomen huic morbo datum fuisse. Nam ab angina vocata suffocatur homo, & in faucibus magis urgeri videtur, neque salivam, neque aliud quidquam atrahit, & oculi dolent, & velut strangulatis prominent, & illis fixa insinatur, neque eos convertere potest &c. (u).

Verum *αἰνίχης* vocabulum apud Medicos Graecos post *Hippocratem* occurrit, & quidem vario sensu. *Aretaeus* enim [w] binas anginae species distinguens, de quibus sequenti paragrapho dicitur, illam anginam, quam organorum collapsio, gracilitas major, quam pro cuiusque natura, & strangulatio vehemens comitantur, vocavit synanchen, tanquam interius vergentem, & angentem: contra vero illam speciem, quae tonsillarum, epiglottidis, faucium, uvulae &c. phlegmone distinguitur, cynanchen dixit. Unde etiam

(f) Lib. IV. cap. 4. pag. 196.

(†) De morbis Lib. III. cap. 10. Charter.

Tom. VII. pag. 386.

(u) Ibidem.

(vv) De causis, & signis

morb. acut. Lib. I. cap. 7. pag. 5. & 6.

monet, synanchen in cynanchem verti, dum synanche in melius mutata inflammatur oesophagus, versus quae extrorsum vergens phlegmone processerit. Vitiosam enim hic in textu esse transpositionem vocabulorum, optime notavit Celeberrimus Petrus in animadversionibus suis (x), adeoque loco *de synanchi* *de cynanchi* legendum est, *de cynanchi* *de synanchi* *de cynanchi*. Patet simul, Hippocratem gravissimam anginam cynanches nomine vocasse (y), Aretaeum vero mitiorem sic dixisse.

Celsus autem (z) nomina recensens, quae variis anginae speciebus a Graecis tribuebantur, nullam *synanchem* mentionem fecit, sed illam speciem, quae absque rubore, aut tumore ullo est, *synanchem* vocavit: ubi vero lingua faucisque cum rubore intumesceret &c., monet, quod talis angina *de synanchi* vocaretur, quae eadem est cum cynanche Aretaei. Dixit autem: *illis communia sunt, aeger non cibum devorare, non potionem potest; spiritus ejus intercluditur; Levius est, ubi tumor tantummodo & robur est, caetera non sequuntur. id synanchem appellamus.*

Trallianus (a) vero antiquissimos Medicos omnem inflammationis circa gulam speciem generali synanches nomine indiguisse asserit [apud Hippocratem tamen, uti dictum fuit, hoc vocabulum non occurrit]; posteriores vero monet quadrifariam dividisse inflammationem circa gulam [uti etiam Aegineta (b) habet], & diversis nominibus insignivisse. Internorum enim laryngis musculorum inflammationem vocabant cynanchem; exteriorum vero paracynanchem. Ubi vero interiores pharyngis musculi inflammati erant, dixerunt synanchem; si exteriores pharyngis musculi eodem modo affecti essent, tunc vocaverunt parasyanchem.

Actius autem (c) illam anginae speciem, quae a luxata vertebra fit, [de qua §. 818. dicitur] cynanchem vocari a veteribus dixit.

Ex quibus omnibus patet, quam diverso sensu haec vocabula apud Auctores usurpata fuerint: atque haec notanda videbantur, ut intelligi melius possent illa, quae de hoc morbo apud Medicos antiquos habentur. Interim tamen commodissimum videtur, generali anginae nomine omnes hos morbos comprehendere, qui vel deglutitionem, vel respirationem laedunt, vel utramque, sive impedimento tantum, vel dolore, vel utriusque simul concurrentibus, haec laesio contingat, modo causa morbosa, binas has functiones laedens, supra pulmones, & stomachum haeserit. Bisariam autem deinde dividuntur anginae in illam, quae cum tumore apparente fit, & quae absque ullo tempore deprehenditur. Pro varia autem tumoris anginam comitantis natura, & diversitate loci a tali tumore occupati, idem morbus variis deinde nomina accipit, uti postea videbimus, sicque optime diversae, & satis numerosae hujus morbi species distingui poterant, & curari.

§. 784. Cu-

(x) Ibid. pag. 149.

(z) Lib. IV. cap. 4. pag. 196.

cap. 37. pag. 19.

(y) In Prognostic. Charter. Tom. VIII. pag. 671.

(a) Lib. IV. cap. 1. pag. 219.

(b) Lib. III.

(c) Teurabil. 2. ferm. pag. 483.



§. 784. **C**Ujus duplex observatur species; prima sine ullo signo tumoris externi, internive apparet; altera vero cum aliquo tumore in aliqua parte organorum descriptorum (783.)prehenditur semper.

Cum ergo anginae sedes occupet omnes illas partes, quae ab ore ad ventriculum, & pulmonem usque inveniuntur, quarum plurimae oculis, & tactui parent, ipsi aegri vel adstantes, dum indagant respirationis, aut deglutitionis impedimentum praefens, vel tumorem quemdam detegunt, vel non, cui adscribi possit morbus. Hinc maxime naturalis anginae divisio oritur in illam, quae absque ullo signo tumoris externae apparentis, vel internae in faucibus conspicui, invenitur; & alteram, quam tumor quidam sensibus detegendus comitatur. Hanc anginae divisionem, & Hippocrates [d], & Celsus (e), & Aretaeus [f] notaverunt. Illam autem, quae absque ullo tumore conspicuo sit, tantum maxime exitialem damnaverunt omnes; atque, uti praecedenti paragrapho dictum fuit, hanc vocavit synanchem. Aretaeus: alteram autem, quae cum tumore organorum sit, cynanchem. Quin imo adeo exitiosam credidit Aretaeus [g] priorem illam anginae speciem, ut mortiferis halitibus, qui ex chaeroniis specubus exhalantes uno momento homines strangulant, comparaverit; atque in solo spiritu (aere nempe inspirato) vitium tunc haerere judicaverit, cum nullum signum inflammationis in ulla parte occurreret. Videtur autem in illa opinione fuisse, quod non praecesserit in aere, antequam inspiraretur, talis malignitas [tunc enim omnes aegro adstantes similiter affici debuissent]; sed quod aer inspiratus in corpore aegri deleteriam talem vim acquireret a latente in ipso aegro malignitate. Exemplum enim similis effectus a cane rabido desumit, qui inspiratum aerem, quamvis saluberrimum, sic latente in suo corpore veneno inficit, ut exspiratus dein in faciem hominis, dum spiritus adducitur, illum rabie inficere valeat. Atque hinc concludit. Talem igitur respirationis mutationem interius fieri, haud impossibile; cum & millena alia, quae in homine sunt, eandem speciem cum causis exterioribus obtineant. Succus corrumpentes intus, & extus (sunt); morbi quoque medicamentis deleteriis affines, & a medicamentis talia vomunt, qualia ob febres vomere solent [h]. Pagebit autem ex sequentibus, pessimam talem, absque ullo tumore conspicuo, subito lethalem anginam, ab inflammatione organorum quorundam, uti & ab aliis pluribus causis contingere posse, licet inspiratus aer nullum vitium contraxerit.

§. 785. **I**lla prior in fine morborum diuturnorum, maxime post ingentes, & saepe repetitas evacuatrices, contingit; pallorem

Tom. II. Pars II.

o

rem

[d] In Prognosticis Charter. Tom. VIII. cap. 671.

[e] Lib. IV. cap. 4. pag. 196.

[f] De causis & signis Morbor. acutor. Lib. I. cap. 7. pag. 5.

[g] Ibidem. (h) Ibidem.

rem faucium, siccitatem harum, tenuitatem simul, comites habet; quare nervos, & musculos resolutos plerumque habet; fere semper est signum imminantis mortis; raro curatur, & tum tantum remediis replentibus vasa vacua bono succo vitali, calefacientibus, corroborantibus.

Primo jam agendum erit de illa anginae specie, quae sine ullo signo tumoris externi, vel interni apparet. Patebit autem §. 801. & 802., ubi de angina inflammatoria dicitur, ab inflammatione interiora laryngis circa ejus summitatem, vel & interiorem membranam asperae arteriae, occupante, anginam fieri, quae nullo se manifestet tumore; verum dolor ingens, & reliqua inflammationis signa peritum Medicum docent, latere tale malum. Alia autem ejus species observata fuit, pariter admodum periculosa, & fere lethalis, in qua pallor faucium, siccitas, & tenuitas earundem apparent, absque ullo signo latentis in interioribus partibus inflammationis. Quandoque quidem aliquis dolor, & rubor in faucibus apparent, sed leviora tantum, neque inde tument partes affectae, sed potius insignem suae corositatis diminutionem demonstrant. Rarius quidem occurrit haec anginae species, & fere tantum post morbos diuturnos exhausto corpore, inprimis post validas, & frequenter repetitas evacuationes, per venae sectionem, purgantia, vomitoria &c. A talibus causis ortam hujusmodi anginam observavit *Sydenhamus* (i), post febres sive continuas, sive intermittentes, cum deglutiendi primum difficultate & molestia, supervenientibus deinde rauedine, oculis cavis, & facie Hippocratica dicta, [quam in prognosticis *Hippocrates* descripsit] mortis certo imminantis signis. Monet autem, funesto huic symptomati producendo longiorem febris moram, eum evacuationibus justo copiosioribus sociam, ut plurimum operam commodasse. Notavit & illam anginam *Arætaeus* (A), quae organorum collapsonem, & majorem gracilitatem, quam pro cujusque natura habebat, uti ad §. 783. dictum fuit. Verum quidem est, quod ab his causis, quae modo memoratae fuerunt, non deduxerit ejus originem, sed potius crediderit in ipso pectore, circa cor, & pulmones, latere tunc inflammationem, atque ab extraversione illius inflammationis aliquid boni expectaverit (1): interim tamen si conferantur illa, quae de hujus anginae signis habet, manifeste patet se eandem, quam *Sydenhamus* descripsit. Dicit enim: *Synanchen collapsio, gracilitas, pallor comitantur: oculi cavi, intus demersi, fauces, & uvulae retractae, tonsillae multo magis subsidentes, vocisque privatio*. In illa enim anginae absque tumore externo specie, quae latentem circa laryngem vel in aspera arteria inflammationem pro causa habet, licet non tumeant fauces, vel tonsillae, tamen naturalem torositatem suam retinent. Praeceptis pariter periculum in hoc morbo agnovit *Arætaeus* (m), dum monet, quod celerrime intereat sic affecti, etiam antequam Medicum accersiverint; vel saltem antequam Medicus vocatus

(i) Sect. I. cap. 5. pag. 122. (k) De causis, & signis morbor. acutor. Lib. I. cap. 7. pag. 5. (l) Ibidem pag. 6. (m) Ibidem.

catus arte sua uti possit. Illa autem, quae Celsus (n) de Synanche habet, perfecte huic speciei anginae conveniunt. Dicit enim: *Interdum enim neque rubor, neque tumor ullus apparet; sed corpus aridum est, vix spiritus trahitur, membra solvantur.* Similia his apud Caelium Aurelium (o) habentur.

Dum ergo considerantur causae praegressae, & symptomata haec anginae speciem comitantiam, apparet, defectu vitalis liquidi collapsa esse omnia vasa, adeoque non adesse debitam copiam sanguinis arteriosi, & spirituum nervosorum ad actiones musculares requisitam. Cum autem ad deglutitionem perficiendam tam varii, & tam numerosi concurrant muscoli (p), illis jam prae nimia inanitione resolutis, lethalis haec anginae species nascitur, quae rarissime curatur. Neque tantum in morbis diuturnis, verum etiam in acutis perniciosius, ante mortem similibus anginae species quandoque observatur. Unde Hippocrates (q) perniciose laborare dicit aegros, quibus in acutis morbis partes circa fauces dolentes, graciles, parvae apparent, cum suffocatione. Ubi notandum, quod dixerit *mi nam qaprya edvaidta*, leviozem sic tantum adesse dolorem indicans; uti manifestus apparet ex Coacis (r), ubi sic legitur haec prognosis: *mi ei dētes xti qaprym i xti paxpa edvaidta* &c. In hoc autem casu & musculos resolutos fuisse patet, quia addidit, hos aegros, dum hiauerint, non facile os claudere posse. Sed & pluribus aliis in locis Hippocrates damnavit faucium illam gracilitatem tanquam funestissimam. Sic dicit (s): *Fauces leviter dolentes [qapryx i xti dētes] graciles, cum suffocatione, strangulantes, acute perniciosae.* Modo dictis similia pluribus in locis habentur, quae singula recensere nimis longum foret.

Pater satis, quare haec anginae species raro curabilis sit, cum omnis spes in eo posita sit, ut restituantur subito perditii humores, siquē bono succo vitali repleantur vacua vasa. Verum ipsa deglutitio laesa impedit, quo minus talia commodē ingeri possint; & simul deficient illa, a quibus ingestorum assimilatio expectatur, debita nempe copia humoris boni, & vasorum in contenta fluida actio requisita (vide §. 25.). Tota ergo curatio in eo consistit, ut ingerantur talia, quae, sanis humoribus quam simillima, debilibus viribus assimilantibus adhuc subigi poterunt, simulque calefacientibus, & corroborantibus remediis prudenter exhibitis vasorum in contenta fluida actio augeatur; de quibus omnibus videantur illa, quae in Commentariis §. 28. dicta fuerunt.

Simul etiam apparet, quanta cum cura haec anginae species ab aliis distinguī debeat, cum methodus curandi adeo diversa sit. Inflammatoria enim angina subitas evacuationes per missionem sanguinis, purgantia antiphlogistica &c. poscit, uti videbimus postea; quae mortem in hoc casu accelerarent, quam certissime.

- (n) Lib. IV. cap. 4. pag. 396. (o) Acutor. Morbor. Lib. III. cap. 2. pag. 182.  
 (p) Vide H. Boerh. Institut. §. 70. 71. 72. 73. 74. 75.  
 (q) Prorrhetic. Lib. I. text. 11. Charter. Tom. VIII. pag. 707.  
 (r) N. 276. ibid. pag. 867. (s) Prorrhetic. Lib. I. Charter. Tom. VIII. pag. 754.  
 & Coac. Praenot. N. 266. ibid. pag. 866.

§. 786. **E**Adem prior species aliquando oritur subito sine signis manifestis praegressis ullius morbi; vix capit medelam; & fere semper, post mortem, suppuratum pulmonem demonstrat.

Quae modo descripta fuit anginae species, morbos praegressos sequitur, adeoque praevideri poteris saltem, licet saepissime incurabilis. Verum docuerunt observationes, in sanis etiam hominibus quandoque, absque ullis signis morbi antecedentis, subito impediri deglutitionem, vel respirationem, vel & utramque, atque mox mortem sequi, licet nullus tumor in faucibus, vel externis partibus, neque insolita earundem gracilitas, & siccitas apparuerint antea. Catarrhum suffocativum vocaverunt plurimi auctores simile malum, quia a materiae eliquatae in fauces, & pulmones subita destillatione natum putabant fere semper. Dum enim videbant in coryza dicta tam subitum saepe fieri per nares copiosum, & acris seri profluvium, & membranam Schneiderianam subito adeo tumere, ut omnem aeris transitum per patula naturaliter adeo narium foramina impediret, crediderunt non sine ratione, & simile quid in membrana, laryngem, & asperam arteriam investiente, contingere posse, unde citissima suffocatio, & mors sequi debent. Subitaneos enim tales tumores in variis corporis partibus nasci in sanis caeteroquin hominibus, observationes Medicae docent. Sic quibusdam satis familiare est, dum humida, & calida tempestate per apertum aerem incedunt, illico fere faciem tumore erysipelatoso inflatam habere, imo novi tales homines, qui matutino tempore de fenestra tantum prospicientes statim sic affecti fuerunt. Adeoque non videtur impossibile, lethalem subito anginam a talibus causis nasci posse, licet nulla signa alicujus morbi praegressa fuerint. Interim tamen rarissime hoc contingere certum est, cum hic non agatur de inflammatione subito nata circa laryngis superiora, quae quidem citissime strangulando necat, sed dolore acuto aliisque signis (vide §. 801. 802.) praegressis, vel comitantibus cognosci potest. Post hyemem australem pluviosam, & repentem si ver sicum, & aquilonium sequatur, notavit Hippocrates (1) catarrhos subito necantes senioribus contingere. Similem casum, qui modo dicta confirmat, refert *Schenckius* (2). Homini enim fere sexagenario plenioris habitus, cui praeter lassitudinem nihil mali aderat, media nocte adeo vehemens catarrhus accidit, ut velocem defluxionis impetum sentiret quidem, & auxilium imploraret, sed mox suffocaretur, priusquam aliquis adesse posset. A morte autem illico copiosa pituita lenta, & viscida ex ore profluebat. Monet tamen *Schenckius*, perquam raro tales casus contingere. Si autem considerentur illa, quae apud observationum medicarum collectores habentur de catarrhis illis suffocativis, patet, saepissime in cadaveribus pulmones suppuratos inventos fuisse: ita *Carolus novus Galliarum Rex*, rupta pulmonis vomica, subito periit, dum parulenta colluvies asperam arteriam inun-

(1) Aphor. 12. Sect. III. Charter. Tom. IX. pag. 102.

(2) Lib. I. De De Catarrhis observ. §. pag. 149.

inundabat tanta copia, ut suffocaretur illico (w). Sic & alibi legitur (x) de lanione, qui meridie circa laryngem, & fauces dolorem sentierat, & quandam in deglutendo cibo, & potu difficultatem: sub vesperam ipse pharmacopoeum adiit, gargarisma petens, sequenti nocte subito strangulatus interiit. In cadavere pulmo purulentus inventus fuit. Quod autem maxime notandum, nulla tussis antea molesta adfuerat huic homini, nulla haemoptoe praegressa, sed sano, & valido corpore, & obeso quidem, haec athenus vixerat. Unde discimus, a latentibus causis, absque signis praegressis, in visceribus vomicae purulentas nasci posse, licet integra sanitas trui homines videantur.

Observatum quidem fuit in cadaveribus illorum, qui catarrho suffocativo dicto perierant, polypos circa cor, & majora vasa haesisse, cerebri ventriculos lympham, vel & pituita repletos fuisse &c. (y). Verum haec omnia non pertinent ad hunc locum, cum hic tantum agatur de talibus causis morboris, quae supra pulmonem, & stomachum positae laedunt deglutitionem, aut respirationem.

Simul etiam patet ex modo dictis, talem anginae speciem nullam melius capere, cum simul & semel nihil mali metuentes homines suffocet; & plerumque a talibus causis ortum ducat, quae nec cognoscuntur, neque, cognitae quamvis forent, tolli facile possent.

§. 787. **Q**uae cum tumore accidit, varia nomina accipit, vel a natura tumoris, vel a loco per tumorem occupato. Hinc est oedematosa, catarrhus, inflammatoria, purulenta, scirrhusa, cancrosa, convulsiva, Angina.

Anginae in duas species dividebantur, uti §. 784. dictum fuit, in illam nempe, quae absque signo tumoris externi, vel interni apparebat, de qua jam dictum fuit; & in alteram, quae tumore quodam partium affectarum se manifestabat; de qua jam agendum est.

Patet autem hanc anginae speciem diversam esse posse ratione loci, quem tumor illam comitans occupat; vel pro varia indole tumoris ipsius, qui sua mole partes deglutitionis, vel respirationi servientes impedit. Hac autem paragrapho de varia natura tumorum, qui anginam faciunt, dicitur; sequenti vero de locis, per hos tumores occupatis, agendum erit.

Ratione autem variae indolis tumoris angina vocatur OEDEMATOSA. Alia occasione in Commentariis §. 112. 1. monitum fuit, antiquissimos Medicos quemcumque tumorem a *σῶμα* vocasse; postea vero usu obtinuisse, ut molles, & sine dolore tumores, oedemata vocarentur tantum: simul ibidem dictum fuit, membranam cellulosa alium tumorum sedem esse, atque illorum materiam constituentem esse vel aquam, vel aliquando lentescens magis,

(w) Bonnet. sepulchr. anat. lib. II. Sect. II. Tom. I. pag. 579.

(x) Ibid. Lib. I. Sect. XXIII. observ. I. pag. 476.

(y) Ibid. Lib. I. Sect. XVII. Tom. I. pag. 483. &c.

& pituitosum liquidum. Ubi ergo pallidus talis, vix dolens, neque multum calens tumor partes, sequenti paragrapho enumerandas occupat, & respirationem, vel deglutitionem laedit, vocabitur *Angina oedematosa*.

**CATARRHOSA.** In Commentariis §. 719. dictum fuit, Veteres Medicos, circulationis sanguinis ignaros, dum videbant subitas agglensiones materiae humidae ad quaedam loca corporis, neque intelligebant, qua vi, & per quas vias derivaretur, fuisse in illa opinione, quod in cerebro, frigide, & minime sanguinolento ipsis habito viscere talis materia colligeretur, & deinde versus alias partes corporis deflueret, unde *ad os nuncupatur*, catharrum vocaverunt; praecipue cum in hoc morbo subitum, & copiosum per nares humorum profluvium saepe appareat. Praecipua catharri sedes est membrana illa mucosa, *Schneideriana* dicta, quae nares internas, fauces, oesophagum, asperam arteriam investit &c.: atque uti videmus membranam nasium, catharro affectam tumere, leviter inflammari, & insignem liquidi copiam fundere, ita etiam idem in aliis locis, quae hac membrana investuntur, contigit: unde in pharynge, & oesophago sic affecta haec membrana deglutitionem laedit, in aspera arteria difficilem respirationem cum tussi satis molesta facit: adeoque patet ab hac causa anginam excitari posse, quae tunc catarrhosa: merito vocatur.

**INFLAMMATORIA.** Demonstratum fuit in historia inflammationis §. 374. totum fere corpus inflammationi obnoxium esse: adeoque patet & illam hic obtinere posse; atque postea videbimus, satis frequentem in his locis contingere. Communibus autem inflammationis signis §. 382. enumeratis, haec anginae species cognosci poterit.

**PURULENTA, SCIRRHOSA, CANCROSA.** Nata inflammatio, nisi resolutione curari possit, in abscessum, aut gangraenam terminatur, vel in locis glandulosis in scirrhum abit, qui deinde in cancerum degenerare potest: adeoque iterum angina; respectu varii exitus inflammationis in his locis natae, diversa accipit nomina, uti facile patet.

**CONVULSIVA.** In musculis proprie dicenda convulsio obtinet, uti §. 230. dictum fuit: ubi ergo musculos, deglutitioni, vel respirationi inservientes, supra pulmonem, vel stomachum positos, convulsioni causa quaecunque occupaverit, convulsiva angina vocabitur. Talem in terano anginam notasse videtur. *Hippocrates* (2). Non tantum enim, dum invadebat tetanum, maxillae velut ligna rigeant, neque os aperire poterant; verum, etiam monet, tales aegros, dum morituri erant, potionem, serbionem, & pituitam per nares rejicere, convulsis nempe pharyngis, vel oesophagi musculis. Postea enim videbimus, inflammata pharynge materiam deglutitam per nares redire (§. 804.). Ita etiam in epistotono pro lethali signo habuit *Hippocrates* (3), si per nares recurrens aegri. In hystericis mulieribus satis familiare malum, dum fauces, convulsis harum partium, ipsis praefocantur, a sola perturbatione generis nervosi per validos animi affectus, subitas evacuationes &c.

§. 788.

(2) De morbis Lib. III. cap. 12. Charter. Tom. VII. pag. 587.

(3) Coac. Praesor. N. 361. Charter. Tom. VIII. pag. 372.

§. 788. **O**ccupant hi tumores (787.) linguam, ejus musculos; palatum, tonsillas; uvulam, hujus musculos; cava offium frontis, maxillae superioris, ossis sphenoidis, enato, & ibi radicato polypo incremente, nares obturante, palatum deprimente pendulum, fauces angustante, pharyngem, Laryngemque occludente; musculos ossis hyoidis omnes, vel aliquos; musculos laryngis externos, internos, communes, proprios; asperae arteriae membranam internam muscularem; pharyngis musculos superiores, & oesophagum; ipsum oesophagi musculus; glandulas asperae arteriae; & oesophago ita vicinas, ut hae fistulae ab iis tumen- tibus comprimi queant, ut sunt salivales omnes, tum vagae circa haec loca, ac tandem ipsae Thyroideae.

Videndum jam quasnam partes tumores illi oedematosi, inflammatorii &c. oblideant, dum anginam faciunt.

**LINGUAM, EJUS MUSCULOS.** Quantum usum linguae, dum per muscu- losas fibras, ejus substantiam constituentes, & per musculos varios ipsi affixos movetur, in deglutitione habeat, ex Physiologicis patet; adeoque apparet, tumoribus modo memoratis linguam, ejusve musculos quibiden- tibus, impediri debere deglutitionem. Verum & linguae tumor, imprimis circa ejus radicem, laryngem vicinam sic impedire poterit, ut suffocatio- nis periculum imminuat. Vidi talem casum in muliere sexagenaria jam- majore, quae ulceribus scorbuticis in utroque erure diu laboraverat, cae- terum satis firmae valetudinis. Post meridiem senserat levem quasi aspi- ratem in lingua; vesperi deinde dolorem circa linguae radicem, qui cito locum mutans linguae apicem occupabat. Adeo autem subito ingravesce- bat malum, ut, circa medium noctis sequentis vocatus, inveniirem aegram sere suffocatam, nihil omnino deglutire valentem. Lingua autem tumidissi- ma totum oris cavum replens deformem penitus molem carneam referebat. Valida venae sectione illico infusa, & acri clysmate purgante injecto, applicatis simul mollioribus fomentis, & cataplasmatibus stetit quidem ma- lum, non incretens amplius, verum post octo horas, cum tumor linguae nihil adhuc minueretur, venae sectio larga denuo infusa fuit, & simile clysm applicatum; tuncque incepit subidere linguae tumor, & mollior fieri; febris minuebatur, quae antea intensa aderat, & hora quinta pome- ridiana jam incipiebat redire utronque loquela, atque aliquid deglutire po- terat; respiratione simul jam satis libera reddita, sique satis cito ex tanto discrimine evasit.

Videtur & inflammatorius talis linguae tumor ab Hippocrate (b) descriptus fuisse: vocatur autem apud ipsum *T<sub>σφ<sub>α</sub>λ<sub>α</sub>ν<sub>ι</sub>ς</sub>*, quod vocabulum *ramulam* ver-

94

terunt,

(d) De Morbis Lib. II. cap. 30. Chatter. Tom. VII. pag. 562.

terunt. Dicit autem: Si *ramula fiat, lingua tumet, parsque sub ipsa, & externa dura est ad contactum, & salivam deglutire non potest*. Inflammatorium autem illum tumorem fuisse patet ex iis, quae deinde sequuntur. Sic enim habet: *Uti vero purulentum fuerit, secato. Interdum vero sua spongia rumpitur, & absque sectione subsidet &c.* Apud Aretaeum (e), ubi de angina agit, pariter memoratur, quod lingua extra dentes quandoque promineat, oris cavo ob auctam magnitudinem contineri non potens. Verum talis linguae tumor in pessimis anginis contingit, dum, impedito a tumentibus partibus per jugulares externas cruoris reditu, lingua sanguine accumulato turget, uti postea §. 807. dicitur: hic autem agitur de tali tumore, qui in lingua primo ortus anginam facit; non vero anginam a tumoribus aliarum partium natam sequitur.

Scirrhusos, & cancerosos tumores linguam occupare quandoque, atque deglutionem laedere, ex Historia Medica nimis notum est.

Simul etiam patet, eadem mala fieri posse, si muscoli linguae affixi inflammantur, uti quandoque a tumore inflammatorio sub mento, genio-glossos musculos impediens, manifeste factum vidi.

PALATUM. Ex Physiologicis constat, cibos, & potus dorso linguae impositos, inter haec, & palatum fornicatum, sulcis ad fauces determinantibus instructum pressos, versus pharyngem deduci. Si ergo inflammatorium, vel suppuratorium tumor palatum obsideat, vel exostosis hic nata fuerit, patet, deglutionem laedi debere. Frequentissime tales humores palati occurrunt, dum dentes superioris maxillae carioli, vel radicibus suis alveolos pertundentes, membranam, palatum osseum investientes irritaverint.

TONSILLAS. Et quidem omnium frequentissime tumores anginosi has partes occupant. Notum est. Intra binas columnas musculolas, quae utrimque ab uvula descendunt, locari tonsillas, quae membrana mucosa in spiras convoluta constant, ut sic augeatur superficies pro locandi cryptis mucilaginis, ex quibus exprimitur mucus, dum deglutienda hic transeunt, ut hoc muco lubricata facilius per pharyngem, & oesophagum descendere possint. Quamvis autem in sano homine depressa lingua adeo patulae fauces appareant, tonsillae tamen inflammatae, & tumentes ita arctant saepe hoc spatium, ut omnis transitus etiam liquidis deglutiendis impediatur. Tonsillas, & tonsillarum inflammationem eodem nomine Veteres Medici vocaverunt, *тонзиллы* nempe, quia illi parti adjacent, quae inter os, & gulam interponitur, & quae isthmum vocaverunt (d). Glandulas simpliciter has partes, & harum partium tumentium morbos, videtur vocasse Celsus (e) aetatum morbos numerans. Frequenter autem has partes affici ex eo patet, quod Hippocrates (f) juniorum morbos recensens, quibus post dentitionem corripi solent, etiam tonsillarum meminerit.

UVULAM, HUIUS MUSCULOS. Comicum e medio veli penduli palatini depen-

(e) De causis, & signis morbor. acut. Lib. I. cap. 7. pag. 5.

(f) Galen. Comment. in Aphor. 26. Sect. III. Charter. Tom. IX. pag. 121.

(g) Lib. II. cap. 2. pag. 46.

(h) Aphor. 26. Sect. III. Charter. Tom. IX. pag. 121.



dependens corpus vocatur hodie uvula; Hippocrates (g) autem *γάρυφύλλου* vocavit, atque illud proprium ejus partis nomen quondam videtur fuisse; uva vero vocata fuit eadem pars, dum morboſa mutaverat ſolitam figuram. Sic enim *καρύδα* uva dicitur Hippocrati (h), quando ad *εὐργυλίον* (*γάρυφύλλον*) *πίτυτα* a capite descendit, iſque pendulus, & rubicundus evadit, & ſucceſſu temporis nigreſcit. Unde Aretaeus (i) etiam monuit, varia huic parti nomina dari; dum per morboſos ejus figura mutatur. Si enim ob phlegmonem craſſeſceret aequaliter per totam ſuam longitudinem ad extremum uſque, tunc dicebatur *Columna* (κίον). Ubi vero extrema ejus pars increſceret tantum, & rotunda fieret, ſimulque liveret, aut ſubnigricaret, tunc uva (*καρύδα*) dicebatur, quia tunc figura & color, & magnitudo uvam referunt. Sic & uvam vocavit Hippocrates (k), quando ſummus *εὐργυλίου* aqua impletur, ejusque pars extrema rotunda, & pellucida fit. Uvam tamen hanc partem vocavit Celfus (l), neque nomen mutavit, licet pro variis morbis figuram mutaret haec pars, & a *πίτυτα* diducta tenuis, acuta, alba eſſet; vel ſi ima livida, & craſſa, ſumma tenuis foret.

Inflammatione, ſuppuratione, gangraena hanc partem quandoque affici; vel ſolam, vel una cum vicinis, & periculoſam anginam facere, ex Hippocrate, Aretaeo, aliſque veteribus Medicis patet, qui tales morboſos deſcripſerunt: atque idem quotidianis obſervatis confirmatur. Uvulam ſcirrhom ſam redditam eo uſque increviſſe, ut totum oris cavum impleret, & dentes anteriores ſere tangeret, alia occaſione ex Hildano in Commentariis §. 484. notatum fuit. Muſculos autem huic parti affixos, variis ejus motibus in deglutitione perficiendis interſervientes, ſimiliter affici poſſe, ſatis patet. Ut enim optime monuit Galenus (m): haec mala nonnunquam ſunt ſolius tunicae ventriculo, & gulae, & faucibus, totique oris communis inflammationes; nonnunquam vero, & ſubjectorum ipſi muſculorum.

CAVA OSSIUM FRONTIS, MAXILLAE SUPERIORIS, OSSIS SPENOIDIS &c. Notum eſt ex Anatomicis, & Physiologicis, narium capacitatem augeri ſinibus frontalibus, inter oſſis frontis laminas a ſe invicem remotas poſitis; antris Higmoreanis in maxilla ſuperiori formatiſ; deinde & cellulis oſſis cuneiformiſ, pariter in cava narium patentibus. Simul etiam conſtat, membranam mucoſam narium omnia haec cava inveſtire. Mirae jam obſervantur excreſcentiae hujus membranae per omnia haec cava diſtributae, quae ſenſim mole auſtae liberam aeri per narium cava viam minuunt, tandemque magis productae per narium foramina prominent, vel & a poſteriori parte pone velum pendulum palatinum in fauces protuberant, ſumma cum moleſtia. Cum autem illae excreſcentiae ſaepe pluribus in locis naribus internarum radi-

(g) In Prognostic. Charter. Tom. VIII. pag. 675. & alibi pluribus in locis.

(h) De Morbis Lib. II. cap. 3. Charter. Tom. VII. pag. 553.

(i) Lib. I. de cauſis, & ſignis morborum acutorum cap. 8. pag. 6. & Galen. Comment. 2. in 2. Epidem. Charter. Tom. IX. pag. 148.

(k) De Morbis Lib. II. cap. 10. Charter. Tom. VII. pag. 562.

(l) Lib. VI. cap. 14. pag. 389. & Lib. VII. cap. 10. N. 3. pag. 445.

(m) in Commentar. Aphor. 26. Sect. 4II. Charter. Tom. IX. pag. 121.

radicentur, hinc evulsae pluribus quasi radicibus donatae apparent, plerumque molles, & fungosae, atque hinc vel a multitudine harum propaginum, vel a similitudine cum polypo pisce, qui pluribus cirrhis prominentibus instructus est, polypi vocantur. Hippocrati jam descriptum fuit hoc malignum genus (a) sequentibus: *si polypus oriatur in naso, ex medio cartilagineum (cartilagineus habet alia lesio) dependet vetus curculio, & ubi spiritum expellit (homo) foras progreditur, ac mollis est; ubi vero spiritum attrahit, retrocedit. Obscure loquitur, & dum dormis, stertis.* Deinde adhuc alias quatuor species polypi narium recenset, duritie majori tantum fore diversas, vel quod in maiorem malignitatem degenerantes ad carcinomatis indolem jam accedant. Celsus autem notavit, quandoque etiam in fauces polypos narium prominere (c) dicens: *Nasus vero est caruncula, modo alba, modo sub rubra, quae narium offibus inhaeret, & modo ad labra tendens nares implet, modo retro per id foramen, quo spiritus a naribus ad fauces descendit, adeo invadit, ut post uram conspici possit, strangulatus hominem, maxime austro, aut euro flante.*

Cum autem tales polypi evulsi similem fabricam demonstrent, ac in membrana mucosa narium cava invellente observatur, vasa similia, nervos febriles, cryptas mucaginosas habeant (p), videtur concludi posse, nihil aliud esse, nisi hujus membranae mucosae fungosae degeneraciones. Hoc ulterius confirmatur, dum in cadaveribus illorum, qui polypos narium antea laboraverant, tales excrescentiae membranae illius mucosae inventae fuerunt. Sic in muliere, cui ante biennium ex nare dextra prominens polypus, similisque post uvulam emergens, evulsus fuerat, & quae paulla ante mortem de nova quadam molestia in naribus percepta fuerat conquesta, diffracto sinu maxillari similis polypus inventus fuit, quamvis minor (q). Ita & Ruyschius (r) in antro Higmoreiani cadaveris publice dissecti polypum invenit, & in muliere, quae a malae tumore, & gingivarum excrescentia maligna pessime habebat, post excrescentiae amputationem, & dentium molarium aliquot evulsionem, evulsionem facta, quae ad cavum antri Higmoreiani penetrabat, sequentibus diebus minimo digito plures polypos extruxit. Forte membranae, cryptis talibus mucosis plurimis instructae, facilius in tales excrescentias degenerant. Sic vesica urinaria, cujus interior superficies glandulis mucosis instructa est, quandoque similes tales excrescentias morbosas habet, pertinacis saepe ichthuriae causas, si prope collum vesicae haerent (s).

Per varia autem narium internarum loca suis radicibus dispergi tales polypos, docet figura polypi utramque nares obturantis, simulque duplici prominentia in faucibus protuberantis, feliciter evulsi, quae habetur apud Tulpium (b). Ubi simul notandum, quod & venas per polypum hunc dispersas

(a) De Morbis Lib. II. cap. 12. Charter. Tom. VII. pag. 562.

(c) Cels. Lib. VI. cap. 8. N. 2. pag. 380.

(p) Académ. de Sciences l'An. 1704. hist. pag. 40.

(q) Abbridgem. Tom. III. pag. 57. 58.

(r) Observ. Anatom. Chirurg. Centur. observ. 77. pag. 71.

(s) Ibid. Observ. 78. pag. 72.

(b) Observ. Medic. Lib. I. cap. 26. pag. 50.

disperfas invenerit, & omnes ejus propagines membraneo velamento testas viderit; sub quo continebatur concreta pituita, in plerisque mollis, & pellicula, in aliis dura, ac opaca instar corni adusti: ex quibus modo dicta de polypi narium natura pulchre confirmantur.

Possè autem polypum in his narium cavis radicatam, mole dein auctam, respirationem, & deglutitionem impediri satis patet: & tristissimum talem casum vidit *Celeberrimus Boerhaavius* in homine, ad quem a Chirurgo sub urbano vocabatur, qui, licet caeteroquin satis peritus esset, candide fatebatur, se ignorare, quomodo morbo aeger decumberet. Animam fere agebat miser, jamjam suffocandus, cumque maxillae non sine molestia deductae erant, in conspectum venit lingua, informem lividam massam carneam, referens; qua depressa, aliud occurrebat corpus, quod primo aspectu vix distingui poterat: verum patuit accurato examine, esse velum pendulum palatinum versus anteriora pulsam, sic ut quam proxime ad dentes anteriores accederet. Cum ex historia morbi praegressa satis pateret, polypum, ex nasi posterioribus foraminibus descendentem, velum pendulum versus anteriora protrulisse, nihil superesse videbatur, nisi ut velum illud pendulum discinderetur, & deinde polypus tolleretur vel integre, vel pro parte saltem, ut levaretur aeger. Verum, dum se huic operationi perficiendae accingebat Chirurgus, miser aeger suffocatus perit.

Antequam ergo in tantam molem excrescant polypi, tollendi sunt: quod satis commode fit, si in nares, vel pone velum palatinum prominuli, forcipe prehendi possint; tunc enim, saepe absque magno dolore, vel haemorrhagia, uti testantur observationes Medicae, evelli possunt. Hoc facto alumine, multa aqua diluto, per nares attracto siccantur fungosae polyporum reliquiae, cum aliter saepe repullulent, uti frequenter contingit.

Ubi vero sic haerent polypi, ut commode prehendi nequeant, vel, his evulsis, illorum adhuc reliquiae supersunt, an tentari possent illa methodus, quae apud *Hippocratem* (\*) describitur? sumebat nempe spongiam talis crassitiei, ut naso aptari posset: dein contortam, & lino Aegyptiaco circumvolutam, ut durior esset, quadruplici filo lineo alligabat, sic ut unumquodque filum cubitalem haberet longitudinem. Deinde quatuor his filis in unum principium coactis, sumebat tenuem virgam flanneam, quae altera sui parte foramen habebat transmittendis quatuor his filis simul unitis aptum. Per nares dein virgam flanneam in os demittebat acuta sui parte, atque illam arreptam trahebat, donec principium filorum apprehenderet. Deinde specillo bisulco sub uvula demisso sustinebat haec fila; ne, inter trahendum, illa aut velum palatinum lacerarentur, sicque jussit fila obnixi trahendo polypum educi, dum nempe spongia per nares traheretur in fauces, atque in hoc itinere averreret illa, quae in his locis haerebant, obstacula. Hanc methodum postea adoptaverunt celebres Chirurgi, sed hoc discrimine, quod chordam, qualis setaceis adhiberi solet, digito pone velum pendulum palatinum ducerent, illamque tenui incurvo forcipe per nasum demisso prehensam educerent, sicque unum chordae extremum de

naso

(\*) De Morbis Lib. II. cap. 22. Charter. Tom. VII. pag. 562. 563.

naso, alterum ex ore penderet. Mota chorda poterat atteri polypus, & dum suppurantibus inungeretur illa cordae pars, quae in nasi cavo manebat, leniter consumi. Similem fere cautelam adhibebant, dum corda traheretur, ac Hippocrates iusserat, ne velum pendulum laederetur (d). Facile autem patet, tantum sic tolli posse polypos vel illorum reliquias, quae in narium proprie dicendis cavis haerent; omne enim, quod in antris Hignorianis, sinibus frontalibus, aut ossis sphenoidis cavis haeret, hac methodo attingi nequit.

MUSCULOS OSSIS HYOIDIS OMNES, VEL ALIQUOS. Deglutionis historia in Physiologicis tradita (e) docet, quam numerosi musculi ad illam perficiendam concurrant, quorum plures ossi hyoidi inferantur. Si ergo inflammati fuerint quidam ex his musculis, vel convulsi, aut paralytici, patet, turbari debere deglutionis actionem, & quidem variis modis pro diversis musculis affectis, quorum usus ex Physiologicis cognitis, docere poterit, quinam ex his laesi fuerint, dum attenditur, quasnam in deglutione perficienda inveniuntur impedimenta, & quo deglutionis tempore haec occurrant. Idem jam de PHARYNGIS MUSCULIS, OESOPHAGEO, ET IPSIUS OESOPHAGI MUSCULO verum est.

MUSCULOS LARYNGIS EXTERNOS, INTERNOS, COMMUNES, PROPRIOS. Asperae arteriae extremum, concursum cartilaginum binarum Arytaenoidon, & incumbente epiglottide factum, una cum suppositis cartilaginibus thyroidea, & cricoidea, ad laryngem pertinet. Notum autem est ex Anatomicis plurimos musculos omnibus his partibus affigi, quorum quidam externae, alii internae memoratarum partium superficiei adhaerent, & dilatandae, vel arctandae glottidis rimae pro vocis modulamine serviunt; uti etiam ad plures alios usus in Physiologia descriptos. Verum & ab iisdem partibus alii musculi oriuntur, in vicinam pharyngem v. g. inserti, & deglutioni servientes. Praeterea novimus, inter deglutiendum totam laryngem attolli, & deinde iterum deprimi per musculos ad hanc rem destinatos. Poterunt ergo & hic similia mala obtinere, ac modo de ossis hyoidis musculis dictum fuit, & periculosissimae quidem anginae oriri, uti postea ad §. 801. patebit.

ASPERAE ARTERIAE MEMBRANAM INTERIOREM MUSCULAREM. Arteria aspera dicta segmentis orbicularibus cartilagineis, parte postica abscissis, atque ibi loci membrana valida completis, constat. Sed & ipsa haec segmenta cartilaginea vinculis musculosis interpositis junguntur. Poterit ergo inflammata haec membrana, & tumens liberum aeris ingressum in pulmonem impedire, sicque respirationem laedere; & ab eadem causa etiam deglutitio turbabitur, dum per oesophagum deglutita descendencia accumbentem asperae arteriae posticam partem membranaceam, inflammata, & dolentem irritant; uti enim dum inter deglutiendum una cum larynge aspera arteria sursum trahitur. De anginae hac specie postea §. 801. agetur.

PHARYNGIS MUSCULOS SUPERIORES, ET OESOPHAGEUM, ET IPSUM OESOPHAGI MUSCULUM. Ex deglutionis historia enim notum est, pharyngem

(d) Medic. Essays Tom. II. pag. 376. Le Dran Observ. Tom. I. observ. 6.

(e) Instit. Boeth. §. 70. ad 75.

dilatare variis musculis, ut deglutienda facilius ejus cavum ingrediantur; deinde, huc pulsus deglutientis, & oesophagi initium ingressis, stringi musculus oesophageum, qui ab utroque latere cartilaginis cricoidis ortus oesophagi orificium amplectitur, & extrorsum ambit: sed deglutita, in oesophagi tubo jam haerentia, non descendunt tanquam per infundibulum proprio pondere in ventriculū, verum fibris muscularibus, tam orbicularibus, quam longitudinalibus musculosam oesophagi tunicam constituentibus promoventur per lubricam, mucosam madentem hanc viam. Facile ergo patet, musculis his inflammatis, vel & convulsis, uti toties in hysteriis mulieribus fit, deglutitionem impediri debere, uti postea pluribus ad §. 804. dicitur.

GLANDULAS ASPERAE ARTERIAE, & OESOPHAGO ITA VICINAS &c. Ut enim & respiratio, & deglutitio exerceri possunt, patulae requiruntur viae, quae aerem, vel deglutienda admittunt, & mobiles debent esse partes, quae varios illos motus ad has functiones requisitos perficere debent. Glandularum ergo circa haec loca dispositarum tumores inflammatorii, suppuratorii, scirrhusi &c. vel arctando mole sua vias, vel impediendo liberam adeo numerosorum hic muscutorum actionem, & respirationem, & deglutitionem laedere possunt, uti facile patet. Verum parotides, & reliquae salivales glandulae, sic tumentes frequentem satis anginae causam faciunt, & curata difficillimam quidem, si in scirrhusam indolem degenerent. Cryptae illae mucosae in pharynge, oesophago, larynge, aspera arteria haerentes, obstruunt, & tumentes eadem producere possunt mala, dum simul, his partibus male affectis, debita muci secretio, omnes has vias lubricantis, deficit. Glandulae vagae dictae, quia variis, nec certis semper locis dispositae inveniuntur, huc etiam spectant, uti & aliae, quae parti posticae oesophagi circa quintam thoracis vertebrae adjacent, a *Vesalio*, & *Morganio* descriptae. Verum de his plura dicenda erunt ad §. 797., quando de angina scirrhusa agetur.

Referuntur huc, & thyroideae glandulae, cartilagini ejusdem nominis incumbentes; verum tamen ab illarum tumore, nisi admodum magnus, & durus sit, non adeo poterit impediri deglutitio, vel respiratio, cum in externa parte colli ponantur, & subjectae cartilaginee satis resistant, ut laryngis compressio inde fieri nequeat. Si vero immani tumore, vel accretione cum vicinis partibus, laryngis in deglutitione motum impendant, poterunt, & deglutitionem laedere. Rarius autem hoc contingere evincunt Tyrolenses, & Carneolae incolae, qui ingentes in colli anteriori parte tumores absque multo malo tota sua vita gerunt.

§. 789. **E**X qua historia (785. ad 789.) perfecta apparet ratio tam multiplicis, improvisi, & funesti saepe eventus, hujus mali (783.).

Quando vel dolore, vel impedimento, vel utriusque simul concurrentibus deglutitio, vel respiratio laeditur, angina vocatur generali nomine talis morbus, si causa nempe illius supra stomachum, & pulmonem haereat. Verum

cx

ex antecedentibus patuit, quam multiplex ille morbus esse possit, dum vel tumorem conspicuum comitem habet, vel absque ullo tumore interni, vel externi signo aggreditur, plerumque tunc periculosissimus, uti dictum fuit. Quae autem cum tumore est angina, diversa iterum est ratione materiae tumorem facientis, oedematosa, inflammatoria &c.; atque iterum ratione partium adeo numerosarum, quae deglutioni & respirationi servant, & per illos tumores laedi, vel impediri possunt, sicque nova ejusdem morbi varietas exurgit, admodum multiplex. Cum autem observata medica doceant, inflammationes, catarrhos, oedemata, convulsiones subito varias corporis partes quandoque occupare, absque signis ullis praegressis saepe, patet ratio, quare aliquando tam improvise sanissimos caeteroquin homines angina corripiat. Simul etiam intelligitur ratio fuaefti toties eventus in hoc morbo, dum nempe tumores subito nati, inprimis circa laryngem, omnem aditum aeri per asperam arteriam in pulmonibus denegant, sicque citissime aegros strangulant: vel etiam dum glandularum hic positarum tumores in scirrhus nulla arte saepe resolvendos degenerant: unde fero aequae certa perniciēs imminet, quamvis non tam subito tale malum homines de medio tollat, sed sensim crescente tumore respiratio impediatur, vel transitus cibi, & potus per oesophagum tollatur, donec lento marasmo, Tantali poenas diu experti, miserrime pereant.

§. 790. **Q**Uum vero tam varius ille morbus sit, tam varium effectum producat; variaque adeo remedia, & artem medendi postulet, quantum brevitās hic necessaria permittit; eum recenseri necesse est.

Quamvis autem scopus fuerit, hoc loco tantum agere de morbis illis acutis, qui singularem inflammationem inducunt huic, illive organo, & ab ejus functione laesa nomen accipiunt [vide §. 770.]; adeoque de inflammatoria angina tantum hic dicendum foret, tamen cum sub eodem nomine adeo diversus hic morbus sit, tam varios effectus producat, & diversam adeo, imo & oppositam quandoque, medendi methodum requirat; conducat & de aliis anginae speciebus agere, quae vel absque inflammatione sunt, vel inflammationis varios exitus in suppurationem, scirrhum, vel gangraenam pro sua causa materiali agnoscunt. Recensentur ergo breviter variae anginae species, quatenus nempe harum diversitas a natura tumoris, organa deglutionis, vel respirationis impediētis, deducitur. Illa enim hujus morbi varietas, quae a locis per hos tumores occupatis pendet, non adeo multum mutat medendi methodum, licet prognosīs diversa inde pendeat, & magis, minusve periculosus idem nomine morbus sit, prout has, illasve partes oblederit. Sive enim larynx inflammata fuerit, & strangulationis imminētis periculum fecerit, sive in pharynge simile malum haerens deglutionem impederit, eadem curatio requiritur, ubi de angina inflammationis praesentis resolutio. In priori tamen casu ingens discrimen postulat, ut simul & semel validissima adhibeantur remedia; quibus similia, sed leviora, in posteriori casu applicari pariter debent, uti postea patebit, ubi de angina inflammatoria has partes occupante dicitur. De diversis ergo his anginae speciebus singularibus capitulis nunc agendum erit.

ANGINA

## ANGINA AQUOSA.

§. 791. **A**ngina aquosa, oedematosa, catarrhosa tenuis, est impedita, vel dolens respirandi, vel deglutiendi exercitatio, cum tumore lymphatico partium, quibus illa sit, vel vicinarum.

Quando tumor albus, aquosus, frigidus, absque inflammationis validae comitantis signis, occupat illas partes, quae deglutioni, vel respirationi serviunt, vel in vicinis locis similia tumor natus horum organorum functiones turbat, dicitur adesse angina aquosa, vel oedematosa. Raro magnus dolor hanc speciem anginae comitatur; quia, uti ante dictum fuit, oedematosis tumoribus proprium est, ut indolentes sint. Si autem quis dolor adit, ille plerumque tantum a distractione partium per hos tumores facta nascitur. In debilibus, pallidis, Leucophlegmaticis, in quibus totum fere corpus frigidum, & inertum tumore turget, quandoque talis angina observatur; in reliquis apparet fere nunquam. Uvula tunc plerumque elongata, pellucida fere, aggesto humore aquoso turget, tonsillae quandoque pariter tument, pallidae omnino. Verum & in vicinis partibus similes tumores nasci poterunt a variis causis, uti statim videbimus.

Huc etiam refertur CATARRHOSA TENUIS. Uti enim dictum fuit ad §. 787. catarrhi sedes est membrana illa mucosa, quae nares internas, fauces, oesophagum, asperam arteriam &c. investit; arque haec membrana, dum catarrho laborant homines, tumet, tenue, & saepe acrius liquidum, plorat, quod nares excoriat, & vicina loca, per quae depluit, irritat. Si ergo illa membranae pars, quae uvulam, pharyngem, tonsillas &c. investit, simili afficiatur modo, deglutitio laesa erit; si laryngem, vel asperam arteriam idem morbus corripit, cum molestissima tussis, impediatur libera respiratio. Evidenter hoc apparet, quando catarrhi epidemice grassantur, tunc enim quibusdam tonsillae tument, aliis molestissima tussis adest, aliqui obtuso dolore capitis cum phrenitidis sensu laborant, a tumente eadem membrana in sinibus frontibus, uti admodum probabile videtur. Imo in quibusdam manifeste observavi, per varia membranae Schneiderianae loca eundem morbum successive oberrasse; & pro diversitate locorum varia dedisse symptomata; quae tamen omnia eadem curandi methodo, de qua postea, tolli poterant. Quamvis autem levis, & quasi superficialis hujus membranae inflammatio saepe in catarrhis illis morbis observetur; cum tamen facile resolvatur illa, nisi perversa curatione exspectetur, & copiam tenuioris liquidi, in initio saltem catarrhi; plerumque hae partes, ad hanc anginae speciem potius refertur, quam ad inflammationem, quae longe pejoribus stipatur symptomatibus, ingens discrimen habet, & longe validiora remedia requirit.

6. 792. **H**abet ergo, ut caeterae aquosae colluvies, sedem in parte glandularum; ubi reconditur, atque excernitur secreta arteriis lymphæ.

Dum aquosa colluvies in corpore aggregatur, illa non haeret in vasis arteriosis, & venosis, per quæ jugi motu moventur fluida, sed in cavis majoribus, & minoribus corporis aggregatur, uti postea patebit, quando de Hydrope agendum erit. Verum quidem est, vasa arteriosa lymphatica posse obstrui circa fines suos, immeabili reddito liquidi, quod per hæc vasa naturaliter movetur, adeoque & ab impetu liquido obstructos fines urgentis posse dilatari, & tumere, unde a distentis his vasis liquida pellucido tumor lymphaticus in his partibus nasci posse videtur. Sed tunc adesset oedema calidum, sive vera inflammatio in vasis arteriosis minimis, liquida colorata, ut serum sanguinis, ejusque partem rubram, non admittentibus; de quo videatur illa, quæ in Commentariis §. 380. notata sunt. Simul autem patet, tale malum ad inflammatoriam anginam referendum esse. Agitur autem hic potius de lymphaticis tumoribus, quæ in cavis naturalibus harum partium ab aggestione liquidi sæpe immaniter dilatatis, haerent. Tales fieri posse in tunica cellulosa, quæ musculos in his locis positos, illorumque fibras invasit, patet ex illis, quæ in Hydrope, anasarca disto, observantur, & uvula quandoque tali tumore albo aquoso obsidetur. Verum & numerosi in his locis folliculi, in quorum cava secretus ab arteriis liquor dat mucum omnia hæc loca lubricantem, obstructis illorum emissariis, sic dilatari posse videntur, & aquosos tales tumores facere. Ubique ergo reconditur, & excernitur secreta arteriis lymphæ, si ejus resorptio per venas bibulas, vel ejus excretio per emissaria impediatur a quacunque demum causa, tales tumores nasci poterunt; sive dispersi per membranam cellulosam, sive in cavo quodam naturali, aucto per aggestionem liquidi contenti. *Celeberrimus Boerhaavius* in nobili virgine talem tumorem vidit, qui ab osse hyoide ad scapulae acromium usque totum colli latus occupabat, & mole sua liberum musculorum accumbentium motum impediabat. Divisis scalpello integumentis eunucleabatur ille tumor, atque apparuit, liquidum limpidum, utconque lente scens, membrana satis tenaci inclusum, hunc tumorem constituisse. Similem vidi tumorem sub musculo mastoideo haerentem, magnitudine ovum columbinum æquantem: & plures tales casus apud collectores observationum Medicarum inveniuntur.

§. 793. **E**rgo pro causa agnoscit quidquid exitum liberum lymphæ impedit: eorum vero est numerus ingens, & diversitas. Compressio venarum quaecunque, in quas forte earum glandularum emissaria se evacuant: obstructio nata in ipso folliculo glandulae a gypso, pituita, lapide, fungo, & similibus ibidem enatis, obstructio facta in ipsis emissariis a causis eisdem; compressio eorundem locorum; frigus finibus excretoriorum meatuum applicatum, debiliior humorum circumactio.

Lym.



Lymphae ex arteriis secretae aggestio causam materialem talium tumorum constituit: quidquid ergo impedit lymphae exitum liberum, causa horum tumorum esse potest. Verum lymphae haec vel per venas resorbentur, vel libere exhalant in oris, faucium, laryngis, oesophagi cava, distillant de corpore, aut in cavis quibusdam collectae, per emissaria dein emittuntur. Quidquid ergo lymphae resorptionem, & resorptae per venas motum impedit, aut ipsum glandulae cavum, vel ejus emissarium obstruit, poterit his tumoribus originem dare. Unde patet, harum causarum ingentem quidem numerum, & diversitatem esse, sed interim tamen ad modo dictas classes seduci posse.

COMPRESSIO VENARUM QUaecunque &c. Quando de contusionis curatione §. 333. agebatur, probatum fuit, effulos valis ruptis humores, in cavis naturalibus, vel morbosis collectos, sensim dissipari, dum attenuati resorbentur oculis venarum bibularum in omni corporis superficie externa atque interna hiantibus: unde Hippocrates, uti ibidem notatum fuit, dixerat, *carnes atrachides esse ex cavo & extrinsecus*. Verum, ut venae illae bibulae resorbere possint contiguos humores, requiritur, ut se evacuare possint in majores ramos, sicque per hos resorpta lymphae redire possint ad cor. Ubi ergo compressae fuerint venae, impediuntur haec resorptio; dum interim arteriae exhalantes pergunt lympham expellere in cava majora, & minora corporis: fiet ergo aggestio lymphae non resorptae, & tumebit distentae hoc liquido partes. Forte etiam glandularum hic positarum emissaria in venas se evacuant: plurimae enim circa haec loca disponuntur glandulae, quarum emissaria nondum detecta sunt, licet similis apparatus in his videatur adesse ac in illis, quae excretorio ductu conspicuo secretam a sanguine arterioso lympham eructant, quales sunt glandulae maxillares, sublinguales &c. Pulcherrimum experimentum instituit *Lowerus* [f], quo directe probatur, compressionem venarum tumores tales lymphaticos in glandulis efficere. Venas jugulares subducto filo ligaverat arte in cane vivo, & post aliquot horas partes omnes supra ligaturam miro intumescabant modo, & intra bideum canis, quasi angina suffocatus, interijt. Toto autem hoc tempore lacrimae ubertim fluebant, & copiosissima saliva ex ore stillabat, aequae ac si hydragyro assumto salivationem pateretur hoc animal. Post mortem animalis dum cutim a tumefactis partibus separaret, credens se sanguine extravasato turgida inventurum omnia, mirabatur, quod nullum vestigium, vel colorem fere, sanguinis observaret, sed muscoli omnes, & glandulae sero limpido maximae distentae, & admodum pellucidae, apparerent. Atheromata, atheromata, similese tumores circa haec loca nati, comprimendo vicinas venas mole sua, aquosam anginam sic facere possent.

OBSTRUCTIO NATA IN IPso FOLLICULO GLANDULAE &c. Sive enim in ipso cavo glanduloso folliculi, sive in ejus emissario, haeserit impedimentum, quod liberum exitum secreti glandulosa fabrica liquidi impedit, effectus erit idem; nempe accumulatio lymphae, & partium harum distensio. Externam

com-

(f) De corde cap. 2. pag. 123.

Tom. II. Pars II.

compressionem idem efficere posse, satis patet. Nunquid sic concreto in cutaneis folliculis liquido, quod illorum fabrica ab arterioso sanguine secretum fuerat, magni tumores nascuntur saepius. Lentescere posse liquidum in his folliculis retentum, satis docet mucus, qui fauces, & os internum lubricat, ex cryptulis mucosis harum partium prodians. Cum autem minimarum glandularum fabrica non adeo distincte sensibus pateat, ex majorum partium, in quibus similibus structura deprehenditur, cognitione hoc melius intelligi poterit. Cystis fellea secretum arteriis per tunicas dispersis liquidum, etiam ex hepate peculiaribus ductibus allatum, cavo suo recipit, colligit, & deinde per emissarium suum demittit. Verum observata numerosissima evincunt ( uti postea patebit, ubi de *Hepatitis* & *Iktero* agetur ) collectam in cavo cystidis fellae bilem lentescere posse sic, ut per ductum cysticum nulla vi exprimi possit, calculosas his concreciones fieri &c., quae similiter bilis exitum impediunt. Cystis autem fellea non inepte exprimit illam fabricam, quae folliculis glandulosis tribui solet, in quibus nempe cava membrana, arterioli illam perreptantibus, secretum a sanguine liquidum recipit, colligit, & per emissarium suum educit: unde admodum probabile videtur, in glandulis, earumque emissariis, similes obstructions nasci posse, a gypso, pituita, calculo &c. Docuerunt autem observationes, revera talia in quibusdam glandulis circa haec loca dispositis haecisse impedimenta. Unum alterumve hujus rei exemplum adduxisse sufficiet. Homo, dum hyemali tempore per mare iter faceret, valido laborabat catarrho, qui diutius solito affligebat, & aliquo tempore postea durum tumorem sub lingua natum observavit, circa aperturam ductus Whartoniani. Mansit per septem annos ille tumor, absque magna molestia, nisi quod doleret locus, dum catarrho corripiebatur. Postea saepe subito incipiebant tumere omnes glandulae circa haec loca dispositae, simulac in prandio, vel coena primum cerevisiae haustum sumeret, tumore tamen brevi evanido. Octavo autem anno, praegressa vertigine, incepit locus affectus subito tumere, & per ductus Whartoniani aperturam pus exire coepit: suppressa dein subito puris evacuatione tumor augebatur, cum imminens strangulationis periculo. In his angustiis mansit aeger per quinque dies, cum incredibili salivae profusio, tuncque inciso loco eductus fuit calculus albicans, sed viridi purulenta materia sectus, figura sua, & mole fabam equinam referens, pondere aequans septem grana, atque in superficie sua habebat manifesta vestigia capillarum quali vasculorum, quae contiguo ipsis calculo, & adhuc molliori, has notas imprefferant [g]. Similem calculum ex linguae radice prodixisse in alio aegro, ibidem pariter habetur, pleraque similia exempla apud auctores occurrunt. Quando de calculo postea agetur, patebit, vix ulla corporis loca a calculosis concrecionibus immunia esse, atque in tenuissimis etiam humoribus calculi rudimenta haerere posse: adeoque non mirum videbitur, etiam in his locis talia observata fuisse.

FRIGUS FINIBUS EXCRETORIORUM MEATUUM APPLICATUM. Contrahi per  
fri.

frigus aeris arteriolarum exhalantium in corporis superficie oscula, docuerunt *Sanctorius*, de *Gorter*, alique, qui de statica Medicina scripserunt: experimentis enim directis invenerunt, perspirationem insensibilem dictam minui, dum subitum, & insolitum frigus partes corporis afflaret. Verum omnes partes oris interni, faucium, laryngis, asperae arteriae &c. perpetuo rore, ex ultimis illis emissariis exhalante, madent & soventur; & longe plus perspirare videntur, quam reliqua corporis externi superficies. Dum ergo in his locis ultimi illi meatus excretorii frigore stringuntur, vasa, quae liquidum exhalaturum adferebant, auctis circa fines resistentiis, magis dilatantur & tument, dum manet, imo & augetur potius, liquidi per vasa haec motus. Cum autem vasa haec adferentia tutius recondantur, non tam cito nec tam valide poterunt constringi a frigore, quam meatus excretorii in exteriori superficie possunt, adeoque tument, & dilatantur, atque ob hanc causam repletis postea meatibus exhalantibus haec vasa dilatata pergent majorem copiam humorum, & crassiorum saepe, transmittere.

Evidenter hoc apparet in gravedine sive catarrho, qui morbus nunquam frequentius affligit, quam ubi calidam aeris temperiem subitum frigus excipit; uti dum post summos aestivos fervores tonitru cum imbris, & grandine sequitur, & subitum frigus aeri inducit; uti etiam dum largo foco calidum corpus acri hyemali frigori subito exponitur. Membrana enim, nares investiens internas, tunc saepe sic tumet, ut omnis aeri per nares aditus impediatur. Postea copiosus humor de naribus destillat, & saepe satis spissus. Prout jam simile malum varias partes occupat, diversa parit symptomata: in naribus sternutationem & corizam dictam; in tonsillis, pharynge, faucibus deglutitionem impedit; in larynge, aspera arteria, pulmone, tussim facit, & quandoque respirationis impedimentum, prout magis minusve partes affectae tument. Simul etiam patet ratio, quare debilioris constitutionis homines & saepius & validius his morbis affligantur, quia nempe minus firma in his vasa, obstructis excretoriis meatibus, facilius dilatantur, & dilatata non tam cito in pristinam dimensionem redeunt; unde quandoque horum locorum vasa sic degenerant, ut pergent diu, & valide humores per has vias expellere, sicque totum corpus emungatur, ut in verum marasimum incidant tales aegri; uti satis numerosis observationibus constat. Legi merentur, quae de hac re habet pulcherrima *Celeberimus Simsonus* [h], ubi explicat, quomodo ex frigore corruptantur humores. Patet hinc ratio, quare *Celsus*, qui sana, & firma corpora exercitiis validis uti voluit, & interdum balneis, interdum aquis frigidis muniri sic, ut absque noxa subitas aeris vicissitudines tolerare possent [i], imbecillos monuerit, ut caveant meridianum solem, matutinum, & vespertinum frigus, itemque auras fluminum atque stagnorum; minimeque nubo caelo soli aperienti se committerent, ne modo frigus modo calor moveat: quae res maxime gravedines destillationesque concitat. Simul apparet quare *Hippocrates* [K] dixerit: *Frigida, velus nix, & glacies, pectori inimica, tusses movent, & sanguinis eruptiones eient, & catarrhos excitant.*

p 2

DEMI.

[h] In dissertat. 3. pag. 100. &amp;c.

[i] Lib. I. cap. 1. pag. 20. &amp; cap. 2. pag. 22.

[K] Aphor. 24. Sect. V. Charter. Tom. IX. pag. 207.

**DEBILIOR HUMORUM CIRCUMACTIO.** Observatum fuit semper, uti alia occasione in Commentariis §. 44. dictum fuit illam vim, qua minimae venulae absorbentes imbibunt effusos in cava corporis loca humores, crescere & decrescere proportionaliter ad circulationis vires: atque haec est ratio, quare in morbis acutis, ubi nimia adest circulationis velocitas, exsiccentur omnia; in languidis, & chronicis morbis vero, sensim accumulatis humoribus, turgeat totum corpus. In chlorosi laborantibus puellis haec res evidentissime apparet: albo enim tumore totum corpus occupatur, dum languet humorum per vasa motus. Ubi autem salutaris ferri, inprimis in accidis vegetabilibus soluti, usu firmantur solidae corporis partes, & instauratur languens humorum motus, subsidet ille tumor brevi absque ullis evacuationibus adhibitis. Debiliior ergo humorum circumactio inter causas anginae aquosae enumeratur, quatenus nempe in corpore accumularur aquosa colluvies; inprimis autem, si concurrant talia, quae hanc colluviem versus loca §. 788. enumerata determinant; de quibus postea §. 799. diceadum erit.

§. 794. **E**ffectus talis mali sunt, tumor aquosus, albus, frigidus; vicinorum compressio; impedimentum functionum, quae a non compressis pendebant.

Ex ante dictis patet, quinam hujus mali effectus sint; partium nempe affectarum tumor: verum non inflammatorius, sed laxus, mollis, frigidus, aquosus. Talis videtur fuisse uvula Hippocratis (1): quando summus curgilio aqua impletur, ejusque pars extrema rotunda, & pellucida sit, & respirationem intercipit. Similem affectum & Celsus notavit, uti in Commentariis §. 788. dictum fuit. Vicinas autem locis tumentibus partes comprimi, adeoque & harum functiones impediri, evidens est.

§. 795. **H**inc signa diagnostica (791. 792. 793.), & prognostica (794.) facillime patefunt.

Diagnosis autem hujus morbi pariter ex ante dictis, evidens est. Tumor enim albus, & aquosus sensibus patet; simul absunt signa inflammationis. Confirmatur diagnosis, si historia morbi docuerit, tales causas praegressas fuisse, quae §. 793. recensitae fuerunt. Prognosis autem docet, caeteris paribus, talem anginam minus periculosam esse illa, quae ab inflammatione fit. Reliquae autem prognosis diversitates a causa cognita mali & loco, quem tumores tales aquosi occupant, desumuntur. Sic v. g. faciliior cura praevidetur, si a pituita obstructa fuerint emissaria, quam a calculo. Longe majus discrimen imminet, si circa laryngem tales tumores haeserint, quam si pharyngem, aut tonsillas occupent. Levius etiam periculum in hac anginae specie videtur agnovisse Hippocrates (2), dum uva morbo agens dicit: Si hic morbus per se consistat, minus moritur.

§. 796.

(1) De Morbis Lib. II. cap. 10. Charter. Tom. VII. pag. 562.

(2) Ibidem.

§. 796. **C**uratio autem hic peragetur iis, quae 1. causas obstruentes resolvunt, movent, aut rodendo, vel secando tollunt. Huc spectant emollientia, aperientia, laxantia, forma fots, cataplasmatis, gargarismatis, injectionis, collutorii, vaporis applicata; tum frictions; caustica; scalpellum. 2. quae copiam lymphae, per opposita loca evacuando, minuunt: quod fit apophlegmatismis, vesicatoriis, sudoriferis siccis externis, internis, diureticis similibus, hydragogis per alvum. 3. abstinencia ab liquidis, victo calefaciente, exsiccante. 4. augendo vim circulationis per remedia nota (§8. 99.).

1. Quidquid liberum exitum lymphae impedit, aquosae anginae causa esse poterit, uti ad §. 739. dictum fuit: adeoque ut legitima curatio hujus mali institui possit, debet prius cognita esse hujus causa: tunc enim determinari poterit, qua methodo cura tentari debeat. Si enim causa talis est, ut illam resolveri posse spes sit, talia adhibentur, quae huic scopo apta sunt, & solvendo concreta, vel & movendo stagnantia effectum suum praestare valent. Sed si v. g. calculus in glandulae emissario haerens liberum secretae lymphae iter impediat, facile patet, hujus mali resolutionem expectari non posse, sed requiri potius, ut prudenti sectione tollatur hoc impedimentum. Ita etiam si durus scirrhosus tumor, venas comprimendo, talem anginam produxerit, sola exstirpatio talis tumoris, vel & multa cum prudentia instituta erosio, uti sequenti paragrapho dicitur, tentari debent.

**EMOLLIENTIA, APERIENTIA, LAXANTIA, FORMA FOTS, CATAPLASMATIS &c.** Applicata locum habebunt, ubi spes est, per haec expediri posse obstruētas glandulas, illarumve emissaria, ut sic liber lymphae transitus redeat. Insignis inprimis horum usus est in angina catarrhosa, dum frigus finibus excretoriorum meatuum applicatum morbum fecit. Pessimus apud vulgum mos obtinuit, tentandi similes morbos calidissimis remediis, quia nempe a frigore ortum illos duxisse apud omnes in confesso est: ita enim urgendo loca obstruēta majori circulationis impetu, antequam haec emissaria relesata sunt, valida inflammatio saepe excitatur; & aucto tumore partium levis ex sua natura morbus saepe admodum periculosus evadit. Pulcherrime curantur tales anginae, si potus aquosos tepidos, leviter atomaticos, magna copia fumant aegri, ex radicibus bardanae, scorzonerae, tragopogoni, fislari, quinque radicibus aperientibus, lignis trium fantalorum, lassaphras &c. paratos [vide formulas similibus medicamentorum in Materia Medica ad numerum quantum Sect. 54.]; victum instituant ex solis carnis vitulinae jusculis, cum endivia, lafluca, cherophyllo &c. decoctis; ab omni acri, falso, aut indigestibili cibo abstineant; in aere tepido degant; nares, os internum, sauces tepidae aquae halitu foveant frequenter; vel gargarismata, collutoria, fomenta ex similibus parata saepe & diu ore contineant; cataplasmate ex mollissimis parato colli anteriora involvant; deinde bis vel ter de die remoto cataplasmate linteo molli leniter perscrificent. Omnibus enim his conspirantibus referantur constricta a frigore emissaria, omnes humores diluuntur & attenuantur, vasaque sic disponuntur,

ut facillime illos transmittere possint; dum simul lenti stimulo aromatico laudatorum remediorum, multa aqua diluto, ad blandam diaphoresin, tanti in his morbis usus, disponitur corpus.

Ubi vero aquosa colluvies, in cellulosa tunica harum partium aggesta, tumores facit, vel magnitudine, vel situ suo, molestos, aut periculosos, facile patet, emollientibus illis, & laxantibus remediis locum non esse; sed tunc potius illa conducunt, quae sequenti numero commendantur: aut si periculum in mora videtur esse, ne tumores aucti suffocationis periculum inducant, causticis, vel scalpello via conciliatur aggestis aequalis humoribus. Ita Hippocrates (n), dum uvulae apex aqua impletus esset, ejusque pars extremam, rotunda & pellucida, respirationem interciperet, iussit, ut uvulae extremum, digito prehensum, & sursum ad palatum appressum, disciinderetur. Et alio in loco (o) disertè monet, hanc sectionem instituendam esse, ut aqua educatur; tentatis prius gargarismis, cucurbitis &c. Celsus (p) in simili morbo voluit, ut vellela prehensoe uvulae extremum rescinderetur; monens, hanc curam tunc tantum locum habere, quando uvula a pituita diducta est; quando autem inflammata, dolens, & rubicundi coloris esset, tunc sine periculo rescindi non posse ob haemorrhagiae metum, hoc & monuerat Hippocrates (q): ex quo loco etiam patet, quod in simili casu & unctionem adhibuerit.

Neque tantum in uvula, verum etiam in aliis locis tales tumores deprehensi fuerunt, tantae quidem molis quandoque, ut absque sectione curari non possent. Ante aliquot menses mihi contigit talem casum videre in honesta matrona Roterodamensi: narrabat mihi, quod ante novem circiter septimanas morsu leviter laeserat inferiorem linguae partem, atque hanc mali credebat esse originem. Paullo post sub lingua incepit nasci tumor, intra novem septimanas adeo auctus, ut totum illud spatium, quod inter linguam, & dentes anteriores maxillae inferioris est, occuparet non tantum, verum etiam in collo manifeste protuberaret. Frictionibus, fomentis, purgantibus hydragogis incassum tentata fuit curatio: cum autem nulla signa docerent, aneurismaticum esse tumorem, uti crederetur quidam, iussit, ut sub lingua prominulus tumor lanceola pertunderetur: quo facto exivit incredibilis copia humoris pellucidi, tenacitate sua albumen ovi referentis: subsedit statim tumor, deglutitio, antea impedita, liberrima fuit, & adstringenti fomento per aliquot dies ore retento perfecte convaluit; sic ut post aliquot menses nullum tanti tumoris relicti vestigium deprehendere potuerim.

2. Lymphaticus tumor partium respirationi aut deglutitioni inservientium anginam aquosam facit, uti §. 791. dictum fuit; atque simul plerumque tunc adest impedimentum, quod liberam lymphae excretionem impedit, uti §. 793. patuit: omnia ergo, quae lymphae copiam minuunt, professe pote-

(n) De Morbis Lib. II. cap. 10. Charter. Tom. VIII. pag. 561. 562.

Affectum cap. 2. ibid. pag. 620.

(o) Lib. VII. cap. 12. N. 3. pag. 445.

(q) In Prognosticis Charter. Tom. VIII. pag. 675.

poterunt, dum subducunt de corpore illud, a quo tumorum talium augmentum fieri posset. Inprimis autem haec locum habent in illo casu, ubi lymphæ abundat in corpore, ut in debilibus, & leucophlegmaticis observatur. Quando enim compressio venarum, aut mensuum excretiorum obstratio sola causam morbi faciunt, minus ab hac methodo expectandum esse satis apparet. Omnia ergo, quæ aquosam colluviem dissipant de corpore sudoribus excitatis, vel per urinae, aut alvi vias eliminant, hic locum habere poterunt. Sudorifera autem vel sunt talia, quæ copiam aquæ sanguini subministrant, & dein laxatis & foris blando calore lecti vasis cutaneis, ingestæ aquæ exitum per corporis totam superficiem parant, ut simul cum his sudoribus diffusetur noxium quid in corpore haerens: vel alia, adhibentur sudorifera, quæ non aquæ copiam in sanguine, sed stimulo suo humorum velocitatem augent; sicque efficiunt, ut eodem temporis spatio organis secretoriis cutaneis major longe copia liquidi secernendi applicetur. Quandoque & binæ hæc sudoriferorum species junguntur utiliter, dum penetrabilia, & calida aromata largæ copiae aquæ infusa propinantur. Verum in hoc casu cum aquosa colluvies abundet in corpore, aquosa sudorifera non conveniunt, sed sicca; quæ nempe calore majori excitato, & aucta humorum velocitate, agunt. Haec vel sunt externa, ut calor lecti, aeris, panni calidi corpori applicati, spiritus vini accensi vapor, nudum corpus stragulis tectum undique lambens; quo vix potentius noscitur sudoriferum, dum & magnum satis calorem facit, & simul penetrabilissimo halitu totam cutis superficiem laxat, & maxime perspirabilem reddit: de qua re videantur illa, quæ ad numerum secundum §. 529. dicta fuerunt. Vel sunt interna, quæ calida aromatica humores per totum corpus validius moveant; quorum enumeratio videri potest in loco citato [r]. Satis autem patet, similia locum habere non posse, si vel minima inflammationis suspicio sit; sed tunc prodesse tantum, dum frigus, inertia, & lymphæ copia in corpore prædominantur. Idem jam de diureticis, ad lymphæ copiam evacuandam adhibendis, verum est; ut nempe sumantur talia, quæ stimulo, non vero aucta liquidi copia, agunt. Hydragoga autem dicta purgantia, quod copiam aquæ tenuis alvo subducant, summi pariter hic usus, qualia sunt jalappæ radix, scammonium, colocynthis &c.: his enim sic depleri potest corpus, & subito quidem, ut bibulæ venæ, depletis majoribus vasis, cito resorbeant effusam in cava corpora lympham, uti postea pluribus dicitur in *Capitulo de Hydrepe*.

Omnia autem hæc memorata lympham universo de corpore subducunt quidem, sed non directe loca affecta levant, unde & alia remedia in arte medica ad anginam aquosam laudantur, quæ vel a locis affectis, vel saltem vicinis maxime partibus, lympham evacuant. *Apoplegmatis* huc spectant, sic vocata remedia, quia phlegmatis sive pituitæ copiam educunt majori copia ex illis corporis locis, in quibus naturaliter secerni ad usus proprios mucus solet, præcipue autem hæc applicantur

naribus vel ori interno. Notum est ex Anatomicis, omnes has partes a carotide externa arteria arteriosum sanguinem accipere, a quo mucus ille secernitur; adeoque dum illa loca acrioribus remediis sic irritantur, ut majorem liquidi copiam stillent, spes est, tumentes in angina aquosa partes levare posse, & impetum atque copiam humorum ab illis averti. In hunc usum ergo nares internae aquae calidae vapore laxari poterunt; vel lavendulae, majoranae, pulegii, & similiarum foliis-viridibus confortis; & naribus inditis, stimulari. Earumdem herbarum siccatarum, & contritarum, aut Nicotianae pulvis in non assuetis, eundem usum praestat, si naribus attrahatur. Eidem scopo inserviunt acriora aromata, si ore continentur, ut irritati his meatus excretorii, & glandularum emissaria magnum salivae, & muci copiam emittant: quod pulcherrime obtinetur, si v. g. mastiche, aut cerae unicae misceatur drachma una, vel altera radicum pyrethri, piperis, zingiberis &c. atque ex illis fiant placentalae, continuo ore volvendae & masticandae. Dum enim non dissolubilis in saliva mastiche, aut cera dentibus teritur, acre illis mistum aroma expirat, & oris interni, & linguae partes assidue stimulando incredibilem copiam salivae, & muci elicit.

Vesicatoria autem nuchae, collo, pone aures &c, applicata hoc pariter spectant; quatenus nempe epidermidem in vesicas lymphae plenas attollunt, sicque ejusdem copiam minuunt; simulque irritando vicinas locis affectis partes, impetum ab iisdem aliorum avertunt. Videantur illa, quae de his dicta fuerunt ad numerum quartum §. 296.

3. Ratio hujus facile patet: frustra enim subduceretur aquosa de corpore, nisi simul caveretur, ne talia ingererentur. Simul etiam apparet, diætam talem siccam, & calefacientem merito laudari, ne homines, in tales morbos prona, causam materiale horum morborum colligant in corpore, minime vero sufficere solam ad morbum praesentem tollendum, cum subita collectae in partibus tumentibus lymphae evacuatio hic requiratur, quae a solo vultu exsiccante & calefaciente expectari nequit. Quae autem in tali vultu observanda sint, postea pluribus dicitur ad §. 1239., in cura hydropis.

4. Cum *debilius humorum circumactio* inter causas anginae aquosae §. 793. recensita fuerit, quatenus nempe inde aquosa colluvies in corpore aggeritur, materialis in hac specie anginae causa; patet ratio, quare in cura hujus morbi commendeatur & illa, quae circulationis vim aurent. Verum, uti in praecedenti hujus paragraphi numero dictum fuit, non adeo ad curam morbi praesentis, quam ad prophylaxin futuri spectant illa remedia, quae circulationis augmentum faciunt. Interim tamen illa, quae ad secundum numerum laudata fuerunt, motum humorum in toto corpore, vel saltem in partibus, quibus applicantur, accelerant: adeoque utcumque & hoc effectu conspirant. Quomodo autem, & per quae, nimis segnis humorum motus incitari possit, patet ex illis, quae in paragraphis in textu citatis habentur; inprimis si simul conferantur, quae ad numerum 2. 3. 4. §. 28. de hac re dicta fuerunt: uti etiam illa, quae in Commentariis §. 611. de excitando signiori febrili motu habentur.

ANGINA



## ANGINA SCIRRHOSA.

§. 797. **S**I vero glandulas descriptas (788.) scirrhusus, & multum increfcentis tumor occupavit, signis scirrhi (392.) cognoscitur; atque ex noto ejus situ futura angina praevidetur, nata vero perspicitur; tum si extirpatio possit fieri, ea sola remedio erit tuto, aut in internis circa fauces corrosio multa cum prudentis tentanda.

Scirrhum post inflammationem in locis glandulosis natam saepe sequi patuit, quando de inflammationis exitu in scirrhum ad §. 329. dictum fuit. Cum autem tam numerosae circa partes respirationi, & deglutitioni inservientes disponantur glandulae, nemini mirum videbitur, aeginam quandoque a tali causa nasci; quae tunc scirrhusa vocabitur, quando duri, & indolentes glandularum tumores circa memoratas partes liberam actionem tollunt, vel impediunt. Quando autem peculiari capitulo de scirrho dictum fuit, enumerata fuerunt illa signa, quibus scirrhusus tumor praefens cognosci, & ab aliis tumoribus distinguere, possit (vide §. 487.). Simul etiam tunc patuit, quam difficile curabile sit tale malum: atque etiam monitum fuit, illam corationem, quae resolvendo fit, tentari non posse, nisi in recenti, & benigno, neque adhuc penitus indurato, scirrho. Praeterea etiam requiri, ut & loco idoneo situs scirrhus sit, & hominis hoc malo affecti optima caeteroquin sit corporis temperies. Simul tunc proposita fuerunt efficacissima remedia, quae scirrhosis talibus concretionibus resolvendis adhiberi possunt; quae omnia pariter & in angina scirrhusa locum habent, quamdiu adhuc resolutionis spes est. Notandum tamen, loci affecti, & vicinarum partium rationem semper habendam esse in applicatione horum remedium: ut v. g. glandulae colli scirrhosae frictions, aceti vaporem, emplastra &c. fuerunt, quae tonsillis similiter affectis applicari nequeunt, uti satis patet.

Verum ubi scirrhus amplius resolveri nequit, atque interim mole sua deglutitionem vel respirationem laedit, tristissima aegri conditio est, cum soleant increfcere mora tales tumores, adeoque sensim omnia mala augeantur. Sola ergo extirpatio hic locum habere poterit; quae cultro optime perficitur, cum rogencia, & cauteria, nisi simul & semel destruere possint totum scirrhum, periculosa sint; uti pluribus dictum fuit ad numerum secundum §. 490. Verum ubi extirpatio cultro perfici nequit, dum partis affectae situs, & alia hoc vetant, uti dum in faucibus internis tales tumores haerent, miser aeger vel suo, fato est relinquendus, vel talia tentantur quandoque a Medicis, quae in minoribus morbis merito tanquam temeraria damnarentur. *Satis enim est anceps auxilium experiri, quam nullum* [f]. Cauteria actualia, & potentialia

ta-

talibus tumoribus applicare quidam ausi fuerunt: & quamvis magno cum discrimine hoc fiat, tamen non semper cum funesto successu factum fuisse quaedam observata testantur. Noverat *Celeberrimus Boerhaavius* veteranum quendam chirurgum, qui audacissimis talibus curationibus celebris erat, dum liquamine ruptorii vulgaris Chirurgorum [ex calce viva & alcalina sale parati; atque cito per deliquium solvendi, nisi omnis aer arceatur] tales tumores in faucibus internis eraserat. Mitius, & minori cum periculo applicandum est oleum tartari per deliquium in Materia Medica ad hunc numerum laudatum. Spiritus salis marini, qualis in officinis prostat, dum oleo vitrioli, & salis marini aquae copia additur, & simul destillatur, posset & hic usum habere, cum omni putredini resistat efficacissime, & adeo facile irritabilis ipsius cancri malignitas spiritum salis marini dilutum ferre videatur; uti alia occasione in Commentariis §. 509. monui. Haec autem rodentia penicillo ex linteo carpto excepta per cannulam cavam ad locum affectum deducuntur ne vicinae partes his laedi possent. Hoc facto, mollissimis decoctis continuo ore detentis molliuntur escharae, illisque deciduis, rodentia denuo applicantur: sic alternatim pergendo, donec tollatur penitus tumor scirrhusus. Summa hic prudentia opus esse facile patet, ut post singulos rodentium applicationes attente lustretur locus, an in cancrifam malignitatem degenerare incipiat; tunc enim abstinendum esse prudentia suadet. Ingenue fatebatur *Celeberrimus Boerhaavius*, se saepe in tali casu ambiguum haesisse, dum cancri metu haec adhibere vix auderet; interimque durissimum videretur, non tentata hac methodo certae morti aegros tradere.

Quantum tamen quandoque possit in desperatis fere morbis felix curantium audacia, sequentia docent observata. Egregio viro in parte postica, & lateri ossis palati enascebatur carnea, & fungosa moles, cui cariem ossis subesse credidit *Ruysebius* (\*), atque illico ferro, & igne eradicandum esse minax malum conclusit. Crudeli huic curare consensit aeger, neque diu distulit. Evulsis aliquot dentibus molaribus, qui impedimentum curae fasturi videbantur, scalpello, acuto, & ad palati fornicatam figuram accommodato, resecabatur fungosa caro, & mox candentibus ferramentis urebatur locus, & quidem repetitis vicibus. Tulit haec omnia animose aeger, sublato digito indicans, dum a nidore, & fumo combustarum partium suffocationis periculum sentiret; atque in lectum repositus facietis verbis, & *Ruysebius*, & binos dexterrimos Chirurgos, qui curam perfecerant, excipiebat. Sequenti tamen die una cum febre totum caput immaniter intumuerat, quod tamen antiphlogisticis remediis brevi superatum fuit. Escharis deciduis denuo carnis fungosae particula excrevit, quae nova inuisione sublata fuit, sequente denuo capitis intumescencia cum febre. In totum tamen convaluit aeger, & postea per plures annos vixit incolumis. Testatur autem *Ruysebius* (n); se experientia didicisse, sectionem solam non sufficere tantis malis, sed inuisionem actuali cauterio requiri post sectionem.

Ve.

(\*) Observ. Anat. Chirurg. centur. obs. 43. pag. 45. &c.

(n) Ibid. observ. 76. pag. 70.

Vetula enim, malignam indurationem in lingua habens, post iteratam sectionem recidivam patiebatur, unde conclusum fuit, unicum hoc superesse, ut post sectionem factam cauterio inureretur factum vulnus; quo facto, felix cura successit.

Tonsillas induratas post inflammationem excindi iussit *Celsus* (w); unde videntur & Veteres in his malis similes curationes instituisse. Fabricae autem tonsillarum minus gnarus dixit, cum sub levi tunica sint, oportet digito circumradere & evellere, ac si tonsillae forent glandulae solitariae, tunica cellulosa undique tantum involutae; cum hodie noverimus, illas consistere membrana mucosa in spiras sinuosas complicata. Non successisse tamen semper hanc tonsillarum quasi enucleationem, patet, dum mox subiungit sequentia: si ne sic quidem resolvantur, bamulo excipere, & scalpello excidere oportet.

Verum omnia haec tentari nequeunt, nisi scirrhusus tumor tali in loco hsereat, ad quem manibus, & instrumentis accessus datur. Tristiores adhuc longae calus occurrunt, dum oesophagi tubus, vel in propria sua substantia scirrhusus factus & tumens, sensim angustatur, tandemque integre clauditur; vel a tumoribus scirrhosis latentibus, & ipsi vicinis, sensim magis magisque comprimitur. Vidi saepius has calamitates & dolui; & eertus sum, omnibus medicis, qui in luculenta utrunque praxi versantur, talia mala frequenter occurrisse, dum miseri tales aegri, nihil levaminis a quacunque demum methodo percipientes, quovis fere Medicos consulunt. Solent autem funestus talis morbus primo se manifestare, quod solidi cibi cum difficultate quadam deglutiantur, & aegri leve quoddam obstaculum sentiant in oesophago, ad variam in variis altitudinem, & digito loco plerumque indicare possint, ubi deglutita haerent paullisper, antequam in stomachum delabantur. Manet in eodem statu malum quandoque per plures menses, imo per annos tres hoc factum novi, sic ut minutissime distinctas carnes, panem &c. adhuc deglutire possint, quamvis lente, liquida autem alimenta satis commode adhuc assumere valeant. Sensim dein magis magisque angustatur oesophagi tubus, & ne vel micula panis transire potest; sicque hoc tentant aegri tales, haeret in oesophago, & post aliquot minuta horae cum insigni quantitate muci per os rejicitur. Hinc fit, ut tenacem pituitam morbi causam statuunt aegri, hancque incidendam, & evacuandam omni molimine velint. Facile autem patet, mucum oris, faucium, oesophagi ipsius hic accumulari, adeoque pituitam illam esse effectum, minime vero causam hujus mali. Sensim crescente morbo, liquida ingesta transire nequeunt, sed pro maxima parte sursum redeunt; tandemque, post Tantali poenas diu toleratas, lento marasmo contabescunt. Saepem in miseris illis oesophagi pars superior ita dilatatur, dum deglutita liquida transire nequeunt, ut plures uncias continere possit, & ab utroque latere alperae arteriae promineat turgidus, donec nimia plenitudine irritatae oesophagi fibrae convellantur subito, & expellant sursum contentum liquidum.

Apud

Apud Galenum [\*] similis anginae mensio fit, sic enim habet: Si vero minor aliquis ex non calidis fuerit, sive febre, & calore, & sui, deglutitionis inaequalitas fit, retentis in parte quadam alimentis; praesertim si majora, aut solidiora deglutiantur, acceditque dolor aliquis exiguus. Narrat quidem casum juvenis a simili morbo fanati; sed uti docet morbi historia, non fuerat scirrhusus in oesophago tumor, sed suppuratorius. Quum aliquando hujus scemodi symptomata longo temporis spatio apparuissent, accedente nonnunquam epibemera febre, nonnunquam etiam horrore, quum conijceremus abscessum concolitu difficilem esse in gula, accidit, procedente tempore, ut laborans ipse ruspationis sensuum perciperet, & deinde pus evomeret, non tantum eodem, sed postero quoque & tertio die, deinde succedebant ei omnia ulceratae gulae signa. Monet autem, aegrum illum longo temporis spatio vix evalisse, cum juvenis esset; natu vero majores, hoc morbo tentatos, periisse. Quamdiu enim tumor oesophagum arctans talis adhuc est, ut suppurari possit, spes est; verum scirrho hac haerente, sensum aucto, vix quid sperari posse, satis patet.

In quibuscumque aeris scirrhusam oesophagi duritiem, digitis profunde potius asperam arteriam adactis, sentire potui, in pluribus nihil omnino apparuit, praeter deglutitionis impedimentum. Quandoque & glandulas colli tumentes vidi, uti & thyroideam; sed non videbatur esse talis horum tumorum situs, ut his morbus adscribi posset. In vetula, hac anginae specie laborante, una cum tumente glandula thyroidea, post diuturnam applicationem aegi scillitici cum sale ammoniaco, emplastri de galbano, & frictiones, incepit molliri glandulae thyroideae tumor; cataplasmatibus dein maturantibus applicatis, fluctuatio percipiebatur contenti liquidi, dein lanceola pertuso loco exivit copia tenuis ichoris cum massulis albis glandulosis intermixtis; & quamvis aliquid inde levaminis percipere videretur aegra, tamen aequae funestus fuit morbi eventus, ac in aliis observaveram. Unde didici, tumorem hujus glandulae quandoque quidem comitari hanc anginam, non tamen hujus solam causam esse; uti etiam situs glandulae, cartilagini ejusdem nominis incumbentis confirmat.

Causae hunc morbum antecedere observatae non adeo numerosae sunt: spirituum fermentatorum ingurgitatio quandoque praecessit [\*]; neque improbabile videretur, ab illorum abusu oesophagum indurescere posse, cum spiritus fermentati fero sanguinis coagulum inducere valeant, & solidas partes contrahant. Interim tamen fatendum est, in tam magno hominum numero, qui quotidie his potibus indulgent, paucos admodum inveniri, qui hoc morbo laborant. A ventro frigido, collum nudatum diu & valide afflanti, natum deglutitionis impedimentum sensim increfcens, absque ullo tumore observabili vidi, dum de fenestra prospiciens sanissima virgo per bithorium boreali aerae frigidissimae exponeretur. Lente aucto malo, plurimis remediis incassum tentatis, perijt. An forte servidorum potuum Causae

(\*) De locis Affectis Lib. V. Charter. Tom. VII. pag. 492.

(y) Medical. Essays Tom. II. pag. 114.

ſae &c. ſorbillatio ſimilium malorum cauſa eſſe poteſt, liquida coagulando, ſolidasque partes corrugando? Certe non improbable & hoc videtur. Conſtat tamen frequenter hunc morbum obſervatum fuiſſe, licet accurato examine nihil potuerit detegi, cujus ejus origo tribui cum quadam verofiſimilitudine poſſet.

Varia in hac anginae ſpecie tentavi ipſe remedia, plurima etiam a peritiſſimis Medicis applicata novi, ſed incaſſum omnia. Tartarus tartariſatus, regeneratus, ſapones penetrabiliſſimi, uti v. g. Starkianus dictus, ex oleo athereo terebinthinae, & ſale tartari, tinctura talis tartari Helmontiana, ſal ammoniacus, ejuſque ſpiritus aceto ſtillatitio ſaturatus &c. quae ſolvendo in corpore humano concretionibus tanto cum fraſtu adhiberi ſolent, externo aequae ac interno uſu, vel proſuerunt nihil omnino, vel dum aliquantum levare viderentur malum, paullo poſt eadem rediit calamitas, iſdem applicatis quantumvis animoſe, & diu non cedens amplius. Inunctiones mercuriales, emplaſtra ex gummi ſerulaceis, una cum mercurio, collo applicata, purgantia hydragoga fortiſſima, ipſam ſalivationem, ſucceſſu caruiſſe novi. Lubricant & emollientia decocta, amygdalarum oleum, & ſimilia, utcunque proſuerunt; dum hoc efficiebant ſaltem, ut per lubricatam viam facilius dilaberentur illa, quae adhuc tranſire poterant: caeterum nihil fecerunt ad radicale mali curam. Novi, chirurgum balaenae officulo alligata ſpongia tentare, ut vi expediret viam, ſed peſſimo cum ſucceſſu, dum irritatae hinc partes, & dolentes tumbant magis. Hellebori nigri recentis radices cum aceto ſcilicito tritas, bryoniae radicem in pukem contuſam, addito ſale ammoniaco, irrito ſucceſſu cataplaſmatis inſtar collo applicata vidi, licet certa pertinacis morbi curatio inde promitteretur.

Si autem conſiderentur illa, quae in cadaveribus hac anginae ſpecie deſunctorum inventa fuerunt, nemo mirabitur, cum efficaçiſſimorum etiam remedium vires eluſerit pertinax morbus. Obſervavit *Tulpius* (c), inter oſophagum, & aſperam arteriam ſe inſinuare nonnunquam durum tumorem, modo foris conſpicuum, modo intus deliteſcentem. In vidua quadam vidit hunc morbum lento maraſmo, ob denegatum cibo, & potui in ventriculum tranſitum lethalem. Diſſecto autem cadavere, invenit tumorem, colore lividum, ad inſtar carcinomatis, & radicibus ſuis diſſuſum per quamcunque colli partem, potiſſimum vero circa gulam, quae tam arcte compreſſa erat, ut ex complicatis ejus tunicis excreſcerent intus varia fila-menta, obturantia uſque adeo perviam hanc fiſtulam intricata ſua textura, ut ne ſpecillum quidem tranſmittere potuerit, Praeterea & glandulae in medio thorace oſophago accumbentes quam maxime intumuerant. In cadavere viri eodem morbo, fruſtra variis methodis tentato, deſuncti inventus fuit tumor durus glanduloſus in ipſo cavo oſophagi, in media circiter ejus longitudine incipiens, & ad ſuperius ventriculi oriſcium uſque productus, adeo exacte replens totam oſophagi cavitatem, ut ſpecillum vix in ventriculum protrudi poſſet (d). In alio cadavere oſophagus in parte ſua infe-

riori

(c) Obſerv. Medic. Lib. I. cap. 44. pag. 84. &c.

(d) Medical Eſſays Tom. II. pag. 124.

ut virgulam, e pinna cetacea paratam, in summitate spongiam affixam habentem, oesophago immitteret statim post cibum, & potum assumptum, sicque viam faceret, ut in ventriculum descendere possent. Successit quidem haec methodus, sic tamen ut quotidie eadem indigeret miser aeger, secus inedia periturus. Notat autem *Villifius*, quod per sedecim annos sic pabulum, sumserit homo ille, adhuc vivens, & valens, dum haec scriberet.

Rarius autem haec anginae species respirationem laedit adeo, sed semper fere deglutitionem. Cartilaginea enim asperae arteriae pars impedit, quo minus tam facile intercludi possit aeri via, licet a tumente oesophago, vel vicinis tumoribus scirrhosis posterior asperae arteriae pars, quae membranaea est, comprimeretur. In ipso vero arteriae asperae cavo tumor si nasceretur, ingens & continua tussis sic vexaret aegrum, ut prius deficeret, antequam lente increfcens talia tumor scirrhosus illum suffocaret. Accedit, quod per oesophagum acrida, aspera, fervida fere, frigidissimi potus &c. transmittantur saepius, adeoque laedentibus causis exponatur frequenter; dum nervi per internam laryngis, & asperae arteriae membranam dispersi adeo irascibiles sunt, ut praeter aerem nihil fere admittant absque suffocationis periculo, & valida tussis mox excitata expellatur statim, quidquid alieni ingressum fuerit.



ANGINA



## ANGINA INFLAMMATORIA.

§. 798. **V**erum quando ab inflammatione, glandulae (783.), vel musculi (783.), occupantur, tum oritur morbus huc proprie referendus ob summam, qua funestus est, acutiem, & velocissimam, & insuperabilem saepe violentiam.

Postquam febrium in genere pertractata fuit historia, uti & praecipuorum symptomatum febrilium, vidimus & illa, quae in febribus continuis, remittentibus, & intermittentibus notanda erant praecipue. His absolutis fequebantur ordine Morbi Acuti febriles, qui febre quidem stipati erant, sed in quibus simul singularis inflammatio hujus illiusve organi aderat. Inter hos morbos & Angina inflammatoria locum merebatur, cum & satis frequens occurrat, & saepe summo cum discrimine cito suum decursum absolvat, usque adeo ut inter morbos acutissimos jure numeretur, cum quandoque subito, frustra etiam adhibitis efficacissimis remediis, strangulet. Proprie autem de Angina inflammatoria tantum agendum erat inter Morbos acutos Febriles: verum cum Anginae nomen detur omnibus Morbis, qui respirationem, vel deglutionem laedunt, modo illorum causa supra pulmonem, vel stomachum poneretur (vide §. 783.); operae pretium videbatur agere etiam de aliis angine speciebus, quae absque inflammatione comite contingant, partim ut illi morbi cognosci, & curari possent, partim etiam ut Angina inflammatoria a reliquis hujus morbi speciebus melius posset distingui, cum ob summum saepe discrimen, & velocitatem validissima remedia simul, & semel applicanda possulet.

Dictum fuit ad §. 787., praecipuam anginae distinctionem desumi, vel a natura tumoris, organa respirationis, vel deglutionis impediens; vel a loco per talem tumorem occupato. In illa anginae specie, de qua nunc agendum erit, inflammatoria natura tumoris est; adeoque ejus cognitio, & curatio ex illis, quae de inflammatione dicta fuerunt, peti debet. Verum tamen pro diversitate loci, quem inflammatorius tumor, deglutionem, vel respirationem impediens occupat, tam in prognosi, quam in curatione hujus morbi, diversitas notabilis occurrit adeoque, & de hac re agendum erit ordine in sequentibus.

Primo ergo videbimus, quatenam causae inflammationem in locis §. 788. enumeratis excitasse observatae fuerint; dein considerabimus varia symptomata hujus morbi, quatenus a diversitate loci affecti pendent; atque simul ex his habebitur Prognosis; denique agendum erit de his, quae in cura hujus morbi notanda sunt; quae partim ex generali inflammationis cura, partim etiam ex partium affectarum usu cognito, deducuntur.

§. 799. **H**UJUS (798.) mali causa 1. in genere est omnis ea, quae inflammationem quamcunque potest producere (375. 376. 377. 378.). 2. illa omnis, quae inflammationis causas determinat inprimis ad loca descripta (788.), maxime ad laryngem, pharyngem, os hyoides, horumque musculos, tum ad fistulae pulmonalis superiora; talia autem sunt, dispositio propria juvenibus, sanguine divitibus, rufis; exercitium frequens, validumque harum partium, oratoria exercitatio, cantus, clamor, fortis equitatio adverso vento, & frigido, tubarum, & fistularum inflatus, labores validi in aere frigido, calor aestuans, magnum frigus accipiens tempore verno; aridae fauces ob aeris recepti, & expulsi fervorem in aestu solis, vel in febre inflammatoria.

1. Demonstratum fuit in historia inflammationis ad §. 373., omnem partem corporis, in qua reticulares arteriarum distributiones, vel lymphaticorum arteriarum ortus, adlunt, inflammatione posse corripri; adeoque & facile patet, idem obtinere in organis illis, quae deglutioni, & respirationi interviunt. Omnes ergo inflammationis causae, quae numeris in textu citatis recensitae, & explicatae fuerunt, huc referri debent.

2. Praeter generales inflammationis causas, quae in quovis corporis loco illam excitare possunt, notandum est, ad anginam inflammationem producendam concurrere quandoque & alia, quae versus organa deglutionis, vel respirationis harum causarum efficaciam determinant potius, quam versus alias corporis partes. Sunt autem haec vel talia, per quae causae inflammationi producendae aptae, applicantur his partibus; uti v. g. cantus, clamor &c. [de quibus statim agetur, & quorum actio facile intelligitur], vel sola observatione effectuum novimus, quasdam esse causas, quae materiam inflammatoriam versus haec loca deponunt, licet non intelligamus rationem, quare hoc sic factum fuerit. Sic v. g., dum anginae inflammatoriae epidemice grassantur, a primo morbi insulsi incipiunt horrere, & rigere; mox sequitur febris; & post hanc citius, vel serius incipiunt dolere fauces, & inflammari; atque saepe tunc vidi cessare febrim, simulac materia inflammatoria versus haec loca esset deposita: & si benigna resolutione curabilis sit haec angina, postea nulla febris sequitur amplius. Videtur ergo per febrim praegressam determinari anginae causa versus haec loca in epidemicis anginis simili modo, ac in epidemica pleuritide, phrenitide &c. observatur, ubi per febrim in latera, vel caput morbi materies deponitur. Quis autem poterit explicare ex illis, quae haec in arte habentur cognita, & demonstrata, quare in hunc potius, illumve locum determinetur morbi materies pro varia indole constitutionis epidemicae? Sufficiet Medico fideli observatione haec didicisse, licet ignoret, qua lege fiant. Videantur & illa, quae in Commentariis §. 593. de hac re dicta fuerunt.

Huc autem spectat DISPOSITIO PROPRIA, qua aegri in morbos inflammatorios proxi sunt, & inprimis harum partium. Sic novi plures, qui



quotannis, vere nempe & autumnus, his corrupti solent angina, quamvis leviori plerumque & resolutionis via curabili, tamen & quandoque in suppurationem vergente. Juvenes autem, & sanguineo temperamento praeditos, his morbis obnoxios esse, & prae reliquis omnibus rufos, observasse se testatur Sydenhamus (f).

Verum, & validum harum partium exercitium, & frequens multum facit ad hunc morbum excitandum, uti quotidianis observatis constat in illis; qui numeris ratione diu, & cum vehementia, perorare debent. Ob eandem causam clamor, cantus, fistularum & tubarum inflatus huc referantur. Videmus enim, omnibus illis faciem, labia, oculos turgere, & sanguine suffundi; simulque majorem calorem conciliari toti corpori, & inprimis superioribus partibus; unde & vehementer perorantibus copiosus sudor guttatim de facie destillat. Omnia haec docent, majori copia, & impetu sanguinem per vasa harum partium moveri, & vasa minora dilatata rubrum sanguinem accipere, quem naturaliter non habent, adeoque per errorem loci inflammationem facile hic nasci posse; praesertim si calentes oratoria exercitatione homines mox aeri frigido se exposuerint incautius; unde toties tristibus exemplis constitit lethales morbos natos fuisse. Quam periculosum enim sit, si aucto motu, rarefactis liquidis, & laxatis vasis, mox successerint contraria, alia occasione in Commentariis §. 218. dictum fuit. Non absque veri specie ergo simulabat hunc morbum Demosthenes, dum, postquam praecedenti die Mithesiorum postulatis acriter respondisset, coram populo Atheniensis verba faciens, sequenti die lana multa collum, cervicisque circumvolutus prodit, dicens, se synanchen pati. Scite tamen unus de populo, fraudem suspicatus, exclamavit, illum non synanchen, sed Argyranchem pati, dum pretio corruptus contra Mithesios dicere nolle (§).

FORTIS EQUITATIO ADVERSO VENTO, & FRIGIDO. LABORES VALDE IN AERE FRIGIDO. si pernici quis vehatur equo, etiam tranquilla tempestate, adversum quasi sentiat ventum, dum aer motis per illum corporibus resistit tanto plus, quanto majori celeritate moventur. Majus autem frigus percipimus omnes, dum ventus fiat, quia vicinus nobis aer, illico a calore corporis nostri calefens, diffatur omni momento, atque simul frigidior aer statim in ejus locum succedit. Dum ergo fortiter quis equitat adverso vento, omni momento frigidus aer fautes ingreditur, simulque vasa harum partium ab aere resistente, & contraria directione moto, valide comprimuntur, adeoque & angustantur. Ergo frigore moleculis humorum adunatis [vide §. 117.], atque eodem contractis vasis, conspirante simul pressione valida aeris in has partes aptissima nascitur obstruktionem in his locis occasio, dum simul auctus humorum per vasa motus inter equitandum (calefcent enim a celeri equitatione etiam hyemali frigore homines) impetum in loca obstrueta auget, adeoque inflammationem [vide §. 371.] producere valet. Haec est ratio, quare toties illi, qui hyemali tempore magna itinera equitando perficiunt, angina, peripneu-

(f) Sect. VI. cap. 7. pag. 157.

(g) A. Cellii Not. Attic. Lib. II. cap. 9. pag. 22.

peripneumonia, pleuritide, & similibus morbis corripiantur. Ob easdem causas, laboribus validis in aere frigido peractis, angina inflammatoria corripiantur homines: quamvis enim reliquas corporis partes vestibus contra frigus munire possimus, jugis tamen respirandi necessitas facit, ut gelidus aer os internum, & fauces omni momento alluat, ubi nuda vala, nulla cute tecta, aeris immediato fere contactui exponuntur. Cum autem, per labores aucto motu liquidi arteriosi, initia arteriarum lymphaticarum dilatentur, & sanguinis rubri moleculas crassiores admittant (vide §. 378. & §. 118.), patet ex dictis, quantum tunc nocere possit aeris frigus contrahens vala, & in majorem adunationem fluidorum moleculas disponens.

**CALOR AESTUANS MAGNUM FRIGUS EXCIPIENS TEMPORE Verno.** Subitas frigoris, & caloris vicissitudines plurimos morbos facere, constans omnium Medicorum observatio docet. Unde & Sydenhamus notavit, illud anni tempus morborum inflammatoriorum maxime serax esse, quando vere jam adulto aestivi calores incipiunt: & de angina speciatim monuit, quod quidem *qualibet anni tempore aggreditur, maxime tamen illo, quod ver, atque aestatem interjacet* [b]. Unde etiam inter vernos morbos anginam numeravit Hippocrates (i). Frigus enim praegressum fibras solidas accurtando, densando, roborando illarum actionem in humores auxit [k], adeoque & humores magis compactos, & densatos reddidit; uti in Commentariis §. 52. probatum fuit. Ubi ergo subditus aestus frigidam tempestatem praegressam sequitur, dissipantur mobilissima, & fluidissima de corpore, debilitantur solidae corporis partes (l), adeoque nascitur occasio, ut laxata subito vascula arteriosa lymphatica per errorem loci admittant crassiores, & per frigus praegressum adunatas, sanguinis moleculas; unde obstructio, & inflammatio nasci poterunt, quam facillime, & inprimis circa organa deglutitionis, & respirationis, quae aeris vicissitudini maxime exponuntur. Similium morborum frequentia verno tempore forte, & inde augetur, quod diurnum calorem vesperinum frigus saepe satis intensum sequatur; nam & periculosissima est haec vicissitudo; dum calorem aestuantem magnum frigus excipit: & quidem usque adeo, ut Sydenhamus (m) non dubitaverit asserere, quod plures homines ab hac causa pereant, quam peste, gladio, & fame omnibus simul. Ob hanc causam sollicitae familiares suos semper monuit, ne mature vestes, quibus affueverant, deponerent; & ab exercitio calefcentes frigus sedulo vitarent. Lethalem quarto die anginam ab hac causa natam dolui in optimo cive hujus urbis qui medio Majo mense in hortulo suburbano sedens, blando solis verni tepore delectatus, obdormiverat in seram vespem usque, & nocte sequente pessima angina corripiebatur, quae illum frustra tentatis efficacissimis remediis, e medio sustulit.

**ARIDAE FAUCES &c.** Quicumque aestivis sub fervoribus per arida, &

q i

fabu-

(h) Syden. Sect. VI. cap. 7. pag. 357.

(i) Aphor. 20. Sect. III. Charter. Tom. IX. pag. 114.

(k) H. Boerhaave Instit. Medic. §. 747.

(l) Ibid. §. 746.

(m) Sect. IV. cap. 1. pag. 325. 326.

fabulosa loca iter fecerunt, huc quandoque experti sunt: nempe totum os, & fauces sic siccari, ut deglutitio dolens reddatur non tantum, sed & saepe impossibilis omnino, donec potu assumto iterum humescantur haec loca. Exsiccantur enim, & arescunt penitus ultima emissaria arteriolarum exhalantium; & si diu pergat agere eadem causa, penitus impervia redduntur. Dum autem obstructos horum vasorum fines liquidum vitale urget, dilatantur haec vascula, dilatata crassiores sanguinis moleculas admittunt, sicque in his inflammatio nascitur, quae per vicina loca propagatur facile, dum immeabili humore distenta, & turgida haec vasa comprimunt alia ipsis adjacentia. Augentur praeterea haec mala, dum aestuante aeris calore, liquidissimis sanguinis partibus diffatis, reliquarum cohaesio, & adunatio augetur, unde inflammatorium illud viscidum in sanguine nascitur. Cum autem ex his, quae §. 100. de effectibus aucti motus circulatorii dicta fuerunt, uti & ex illis, quae in Commentariis §. 587. habentur de febrium effectibus, pateat, liquidissima sanguinis dissipari, & residuas partes inspissari, & adunari per validas febres; apparet facile ratio, quare in inflammatoriis, aliisque acutis febribus angina quandoque nascatur, & quidem plerumque pessimo omine, uti alia occasione in Commentariis §. 741. dictum fuit.

§. 800. **U**bi ex his causis (699.) nata est, varia, & inter ea horrenda, symptomata creat, pro diversitate partis ejus, quam occupat.

Cum adest angina inflammatoria, occupat unam, vel plures ex partibus §. 788. enumeratis, & imprimis laryngem, pharyngem, os hyoides, harumque partium musculos; tum & fistulae pulmonalis superiora. Reliquae enim partes, paragrapho citato recensitae, quamvis inflammationem pati possint, raro tamen acutam inflammatoriam anginam faciunt, sed potius lentiore quamdam anginae speciem, uti ex glandularum situ, & aliis, quae antea dicta fuerunt, satis patet. Cum autem varia sit prognosis, & in curatione pariter diversitas occurrat, prout haec, vel illae partes inflammatorio tumore oblesae fuerint, necessarium erit, ut Medicus haec distinguere possit. Hoc autem fit conspectu, dum inflammatae partes oculis patent; uti v.g. dum tonsillae, uvula, lingua &c. sic affectae sunt; vel observata laesione functionum illarum, quae in sanitate perficiebant partes nunc affectae. Ut autem ordine hoc fiat, seorsim considerabuntur illa phaenomena, quae asperae arteriae, laryngis, pharyngis &c. inflammationem comitari solent; & deinde videbimus, quaedam fiant, si plures ex his partibus simul affectae fuerint.

§. 801. **S**i sola laborat pulmonalis fistula, illaesis aliis, in interna sua membrana musculosa, tum oritur ibi tumor, calor, dolor, febris acuta calida, caeterum externa signa nulla; vox acuta, clangosa, sibilans; inspiratio acute dolens, respiratio parva, frequens, erecta, cum summo molimine; hinc circulatio sanguinis per

per pulmones difficilis; pulsus mire, & cito vacillans; angustiae summae; cita mors. Estque haec una ex iis, quae funestissimae, nec externa dant signa: quo vero propius glottidi, & epiglottidi malum, eo sane magis lethale.

Agitur jam hac paragrapho de illa anginae inflammatoriae specie, in qua sola aspera arteria in interna sua membrana afficitur; illaesis reliquis partibus, quae respirationi, & deglutationi inserviunt. Notum autem est ex Anatomicis, & Physiologicis, asperam arteriam ex segmentis cartilagineis orbicularibus constare, postica parte abscissis, atque ibidem membrana valida completis, & inter se connexis vinculo mulcoso forti. Simul etiam constat, totam internam asperae arteriae superficiem laevi, & lubrica membrana obduci, ut aer semper hians hac fistula libere ire, & redire possit. Ubi ergo inflammatur haec membrana, communes omni inflammationi effectus sequuntur, tumor, calor, dolor, febris (de quibus vide §. 382.): verum praeter febrem acutam externa nulla signa aderunt, uti ex dictis facile patet. Dolor acutus quidem ab aegris percipitur, sed non adeo distincte locum dolentem indicare possunt, cum saepe inflammatio per notabilem longitudinem internae membranae asperae arteriae diffundatur. Praecipua ergo signa talis anginae habentur ex functionibus laevis ipsius partis affectae. Verum asperae arteriae praecipuus usus est, ut aerem inspiratum, & expiratum transmittat libere tam ad respirationem peragendam, quam ad formandam vocem. Ubi ergo inflammatorio tumore hic nato angustatur asperae arteriae cavum, nec libere, ut solebat in sanitate, ingredi potest aer in pulmonem, neque commode inde iterum exire. Hinc vox acutior redditur, & cum sibilo aer ex pulmone expulso per angusta haec loca transit. Cum autem inflammata haec membrana siccior reddatur, dum vasa majora immeabili sanguine distenta comprimunt vicina minora exhalantia, vox clangosa fit, uti alia occasione in Commentariis §. 609. §. & 739. demonstratum fuit. Quia autem in inspiratione, dilatato pectore, aer in pulmonem ingrediens ejus vesiculas inflat, simulque asperam arteriam, ejusque ramos, bronchia distos, elongat, distrahitur inflammata haec membrana, atque inde dolor acutus inter inspirandum nascitur: Verum & expiratio impeditur, dum aer ex pulmone per angustam inflammatorio tumore asperam arteriam minori copia transire potest, adeoque requiritur, ut majori celeritate exeat. Patet hinc ratio, quare in hoc morbo respiratio parva, & frequens sit, atque erecta cer vice cum summo molimine fiat. Haec est illa respiratio, quae conspicua, & sublimis *Hippocrati* vocabatur, & pro pessimo signo in morbis habebatur, uti alia occasione ad §. 734. dictum fuit.

Verum ut in homine nato sanguis ex corde dextro in sinistram venire possit, debet per pulmonalis arteriae angustias in venas transire, atque ut hic transitus libere fiat, requiritur pulmonis dilatio per aerem inspiratum. Cum ergo illa impediatur in hac anginae specie, difficilis erit per pulmonem sanguinis circulatio, unde pulmo incipiet infarciri sanguine a corde dextro expulso, minor copia sanguinis veniet in cor sinistram, adeoque nec

ex corde sinistro in aortam projicietur talis sanguinis quantitas, quae dilatandis arteriis sufficit: hinc pulsus mire, & cito vacillabit, & ob impeditum sanguinis liberum per pulmonalis arteriae fines transitum summa nascetur anxietas [vide §. 631.], & tandem infarcto sanguine immeabili pulmone suffocabitur circulatio, & cito mors venit. Optime jam notaverat Galenus [n], quod, quicumque ex vehementi angina suffocantur, parvum habent, & rarum pulsum; ubi vero jamjam morituri sunt, cerebrum atque inaequalem. Videtur & Hippocrates (o) similem anginae speciem notasse, quam ex calida, & nitrosa defluxione ortam voluit, arteriam [asperam] exulcerante. In hoc morbo enim dicit, quod Orthopnoea oboritur, siccitasque multa, & quae sub conspectum cadunt, gracilia comperiuntur. Postiores quoque cervicis tendines contenduntur, ac tanquam in tetano intendi videntur. Vox quoque obtruncata est, & spiritus parvus, spiritusque retractio densa, & violenta oboritur. His arteria ulceratur, pulmo incenditur, neque externum aerem introducere queunt. Patet enim ex hac descriptione asperam arteriam affectam fuisse, neque ullum tumorem inflammatorium in faucibus apparuisse. Monuit enim optime Galenus [p] in Commentariis suis in hunc textum, graciles vocari partes conspicias, non quod naturalem torositatem non haberent, verum tantum ideo, quia nullus praeternaturalis tumor in illis observabatur, uti in aliis anginae speciebus fieri solet.

Funeffimam autem hanc esse anginam, ex dictis satis patet, cum tantum discrimen addit, ne aucto tumore inflammatorio subito suffocetur aeger; atque eo magis lethalem, & citius, quo magis versus superiora asperae arteriae haeserit malum; ibi enim, inprimis circa glottidem, major est fistulae hujus angustia, adeoque a parvo etiam tumore obturari integre poterit. Summo ergo jure Hippocrates [q] dixit: Anginae gravissimae quidem sunt, & celerime interimunt, quaecumque neque in faucibus, neque in cervice quidquam conspicuum faciunt, plurimum vero dolorem exhibent, & orthopnoeam. Hac nempe, & eodem die & secundo & tertio & quarto strangulant. Imo absolute lethalem damnavit videtur talem anginam Celsus [r] dicens: Nonque is servari potest, qui sine nullo tumore febricitans strangulatur.

§. 802. **S**I larynx inprimis acute inflammatur; & sedem habuerit malum in musculo albo glottidis, & simul in carnosus ei claudendae inservientibus, oritur dirrissima, subito strangulans, Angina. Signa ut priora (801.); dolor in elevatione laryngis ad deglutionem ingens, auctus inter loquendum, atque vociferandum; vox acutissima, stridula; citissima, cum summis angustiiis, mors. Estque haec, sine signis externis, omnium pessima.

Sil-

(n) De pulsibus ad Tyronei cap. ult. Charter. Tom. VIII. pag. 13.

(o) De Viâ auctor. Charter. Tom. XI. pag. 137. (p) Ibidem.

(q) In Prognosticis Charter. Tom. VIII. pag. 673: Coac. praenot. N. 161. ibid. pag. 871. & N. 376. pag. 873.

(r) Lib. II. cap. 6. pag. 55.

Suprema asperae arteriae pars, cartilaginibus cricoidea, thyroidea, arytenoidea, epiglottide, & ligamentis, atque musculis annexis constans, larynx vocatur, cujus orificium, in faucibus patens pone linguam, unica via est, quae aerem in pulmonem admittit, & emittit. Simul etiam loquellae, & vario vocis modulamine inserviunt haec partes, dum per musculos glottidis apertura dilatatur, vel angustatur, uti ex Physiologicis constat. Si ergo membrana interdum laryngis cavum invellens, vel musculi claudendae rimae glottidis inservientes, inflammantur, patet facile, in quanto discrimine versentur aegri, cum a levi etiam hic nato tumore suffocatio lethalis imminet. In praecedenti paragrapho dictum fuit, anginam ab inflammata pulmonali fistula natam eo periculosiorem esse, quo propius glottidi, & epiglottidi haereat. malum, quanto magis ergo, si circa ipsam glottidis rimam: Signa similia sunt, ut in praecedenti anginae inflammatoriae specie, cum & in hac angina liber aeris per fistulam pulmonalem transitus impediatur, atque pariter externa signa nulla adsint, cum aperto ore, & depressa lingua, epiglottidis extremum tantum appareat; glottidis vero rima raro, vel nunquam conspici possit.

Bina tamen sunt, quibus haec anginae species a praecedenti distingui potest. Vox nempe acutissima & stridula; & dolor ingens, cum inter deglutendum larynx elevatur. Novimus enim, vocis tonum graviorem, vel magis acutum a variata magnitudine rimae glottidis, & diversa celeritate aeris efflati pendere; quod etiam in instrumentis musicis, quae instantur imitari sunt Phonurgi. Cum ergo vel tumente membrana interna laryngis, vel inflammatis musculis, qui claudendae glottidis rimae inserviunt, illa angustetur: vox tandem acutissima, fieri debet, & ingrato stridore displicens, qualis in cantoribus observatur, dum in nimiam altitudinem elevare vocem conantur, tonos acutissimos formaturi; rubra enim, & turgida, imo quandoque livida fere facie, suffocationem imminentem ob nimis arctatam glottidis aperturam, testantur. Praeterea cum tales aegri omni molimine respirationis instantem suffocationem avertere conantur, tanto majori celeritate ex pulmone per rimam glottidis pelli debet aer, quanto magis arctatum fuerit hoc spatium; unde iterum vocis acumen augetur. Ex his simul patet, quare inter loquendum, & vociferandum dolor adeo augeatur, dum nempe aer majori impetu, & velocitate per loca haec angustata, & inflammata pellitur.

Illo autem tempore, dum deglutienda in pharyngem detruduntur, magna celeritate larynx attollitur, dum simul lingua, hoc tempore postica faucium urgens, retrorsum inclinat epiglottidem, sicque binis his actionibus simul concurrentibus cavetur, ne aliquid ex deglutiendis in rimam glottidis delabi possit. Non mirum ergo, acutissimum dolorem sentiri inter deglutendum, dum inflammata larynx adeo velociter sursum elevatur. Quamvis autem elevata larynge sequi debeas illi adhaerens fistula pulmonalis, adeoque & inter deglutendum dolor augeri, dum illa inflammata fuerit; tamen longe magis videtur moveri larynx, quam ipsa aspera arteria inter deglutendum, uti apparet si digiti inter deglutendum parti colli anteriori applicentur, ubi & larynx, & aspera arteria tangi possunt.

Pater ergo, binas has anginae species plurima signa communia habere, & si inflammatio insuper arteriae partibus superioribus haereat, difficulter distinguui posse. Praecipuum vero discrimen dare vocem illam acutissimam, & stridulam, dum larynx inflammata est. Quamvis enim & arteria aspera inflammata ob arctissimam acutior vox reddatur, tamen dum aer ex pulmone expulsus hoc obstaculo retardatur, minori celeritate per glottidis rimam exit, adeoque non adeo acurus erit sonus. Caeterum licet quis in distinguendis binis his anginae inflammatoriae speciebus hallucinaretur, non adeo multum mali inde metuendum foret, cum ambae funestissimae sint, & eandem curationem requirant, uti postea §. 809. patebit. Cum autem in binis illis anginae speciebus, imminente jam suffocatione, facie inflata, oculis sanguine suffulis, & prominentibus; lingua exserta, canum a rapidissimo cursu anhelantium speciem referant miseri; hinc prae reliquis *κυνόχνη* hic morbus ab auctoribus vocatur, uti antea ad §. 783. dictum fuit.

Pater hinc ratio, quare Hippocrates (f) dixerit [ uti alia occasione ad §. 741. monui ]; In febris decrepente suffocari, neque deglutire posse, absque timore, malum est.

Hae sunt anginae, quae subitissime homines e medio tollunt; quod & Sydenhamus (s) paucis nonnunquam horis fieri monet, licet subitae mortis in hoc morbo causam non adeo tribuat affecto loco, quam copiosae materiae febrili in has partes depositae, & non satis tempestive adhibitae efficacissimis remediis. Tulpus (u) tamen dolebat, quod in nauta pleni habitus, interpeffis nocte tali angina correpto, frustra tentasset optima quaeque. Nihil enim non molitum: sed urgentior fuit necessitas, & vehementior ab incluso spiritu stangulatus, quam ut iuvaretur ipsum, vel sanguis mature ex utroque brachio detractus, vel incisa ranula; vel cucubitalae, gargarisationes, elypteres, cataplasmata, aliaque satis celeriter adhibita. Similem & casum vidi in homine quinquaginta quinque annorum, cui una cum deglutitione laesa vox acutissima, & stridula aderat, cum febre non adeo intensa, frustra tentatis omnibus, paucarum horarum spatio periit. In convivio simili morbo correptum hominem fuisse noverat Celeberrimus Boerhaavins; dumque convivae joci causa acutam vocem fingere miserum putabant, deserit, antequam ullum remedium adhiberi potuerit. Interim tamen rarius occurrunt funestissimae illae anginae: longe frequentiores illae observantur, de quibus sequentibus paragraphis agendum erit.

§. 803. SI soli musculi elevando ossi hyoidi, & laryngi servientes inflammantur valide, signa evidentia sunt haec; respiratio satis libera; deglutitio in prima actione suae exercitationis acutissime dolens; tum signa inflammationis in genere; & eadem in iis musculis, qui apparere examinanti possunt.

Vidi.

(f) In Coacis Praenot. N. 278. Charter. Tom. VIII. pag. 867.

(s) Sect. VI. cap. 7. par. 357.

(u) Observat. Medicar. Lib. I. cap. 51. pag. 96.

Vidimus antea, in deglutionis actione elevari laryngem: sed & os hyoidis una cum ipsi annexis attollitur, imprimis per styloccerato hyoideos musculos. Ubi ergo hi musculi, vel & alii huic actioni exercendae destillati (w), inflammantur, patet facile acutissimum dolorem nasci debere. Occurrunt tales anginae, & longe frequentius quam priores §. 801. 802. recensitae, in quibus aegri, dum deglutionem minantur tantum, prae doloris acerbitate toto corpore convelluntur. Cum autem illi musculi profundius recondantur, inspectis faucibus nullus saepe tumor apparct: si nempe in his solis malum haeserit. Neque in colli exterioribus aliquis tumor conspicuus adest ob eandem rationem. Plerumque tantum in uno latere talis affectus haeret; saltem sic in illis observavi, quos hac angina laborantes tractavi, & quandoque decursum dolentis musculi inflammati aegri indicare norunt, saltem in initio morbi: postea enim saepe contingit, ut & ad alia loca propagetur inflammatio. Distinguitur autem haec anginae species a praecedentibus facile, quod respiratio latis libera hic maneat, neque acuta adeo, aut clausa vox sit. Quamvis autem non adeo funestas sit haec anginae species, ac priores illae, tamen non caret periculo; non tantum ob deglutionem impossibilem, verum etiam quia periculosa metastasi saepe in pulmonem vertitur morbus: de qua re postea adhuc quaedam dicenda erunt. Saltem in illis, quos hac anginae specie laborantes vidi, inveni subito plerumque, & abique bonis signis, evanescere dolorem, & deglutionem liberrimam reddi; sed succedere orthopnoeam, stertorem ingratum in pectore, & mortem. Si vero evaderent, non nisi cum magna difficultate, & pessimis symptomatibus eluctabantur tales aegri. In homine illo, cujus mentio facta fuit §. 799., haec anginae species aderat, & in sinistro latere colli dolentem plagam demonstrabat, quae suo decursu a processu styloideo ad laryngem tendebat; nullo tamen tumore vel in faucibus, vel in collo apparente. Quamvis autem primis duodecim horis nulla febris adestet, illico valida venae sectio institueretur, ter etiam repetita in hoc aegro, licet sexagenario, clysmata applicarentur omni trihorio, cucurbitis, nuchae applicatis, revulsio tentaretur; totum collum mollissimis cataplasmatibus obvolveretur, semicupio uteretur saepius ex emollientissimis herbis cum aqua, & lacte dulci decoctis; similibusque continuo os internum collueret; frustra fuerunt omnia. Sed circa initium quartae diei laetabatur miser, quod liberrima jam foret deglutiatio, avidissime potum oblatum assumens. Verum dolor aderat in pectore cum stertore; febris augebatur; & eadem die quinta post meridiem hora periit. Similes alios casus vidi, & inter illos quosdam adhuc citius lethales: sicque didici & hanc anginae speciem, licet respiratio libera maneret, accipitem admodum esse; neque sine ratione in Coacis (x) haberi sequentia: *In angina omnia perniciosa sunt, quae non manifestum dolorem faciunt*. Simul etiam patet, has anginas non ideo funestas esse, quia deglutionem laedunt, (hoc enim, uti in sequentibus patebit, longe diutius tole-

(w) Vide de his H. Boerhaave Institut. Medic. §. 70. 71.

(x) N. 376. Charter. Tom. VIII. pag. 873.



tolerari potest): verum tunc lethales fieri, quando mala, & frequenti in his anginis metastasi in pulmonem vertitur morbus.

§. 804. Quando autem sola pharynx eodem infestatur malo, signa specifica sunt, inspectis faucibus apparentia; respiratio satis commoda; deglutitio dolens, impossibilis; materies deglutienda per nares rediens; eadem in asperam arteriam pulsā, & tussim violentam excitans; hinc defectus cibi, potusque ingerendi; exsiccatio, & exasperatio omnium humorum in corpore; febris non adeo intensa; major morbi duratio ante illatam mortem.

Vidimus jam praecedentibus tribus paragraphis, quanam symptomata comitentur anginam inflammatoriam, dum pulmonalem fistulam, ejusve extremum, laryngem vocatum, vel & muculos laryngem attolentes deglutitionis tempore, occupat. Sequitur jam ut consideremus illa quae fiunt, dum idem vitium in tubo, deglutita in ventriculum deducente, obtinet; atque ultimo videndum, quid fiat, si tonsillae, uvula, aut velum pendulum palatinum cum suis musculis, inflammata fuerint; quas partes omnia, quae deglutientur, tangere debent, antequam in pharyngem, & oesophagum venire possint. Hac autem paragrapho agetur de illis, quae observantur, quando pharynx, aut illi continuatus oesophagus, inflammantur.

Fauces autem, sive pharyngem, vocamus illud spatium, quod pone velum pendulum palatinum, uvulam, tonsillas apparet, superius terminatum narium foraminibus pone velum pendulum palatinum patulis, posterius vertebri colli, & musculis illi incumbenibus, inferius continuatum oesophago, cui ab interiore parte larynx adjacet. Anterior vero pharyngis cavum apertum est, sic tamen ut tonsillae, velum pendulum, & uvula hanc aperturam pro parte tegant; reliquum vero, quod his partibus non occupatur, in oris cavum patet. Totum hoc spatium investitur membrana, quae tunicae, nares internas, & palatum tegentis, propago est. Fibras autem musculosas accipit pharynx varias a partibus ipsi contiguas, quibus a loco, unde oriuntur, nomen datum est; ut glossopharyngaei, tyropharyngaei, cryopharyngaei, stylopharyngaei &c. quae illud cavum pharyngis dilatant &c. pro variis usibus in deglutitione perficienda, uti in Physiologia demonstratur [y]. Poterit ergo pharynx considerari tanquam latior infundibuli pars, anterior aperta, oesophago continua: ubi autem pharynx in tubulum teretem aequabilem definit, ibi non amplius pharynx, sed oesophagus, vocatur.

Ubi ergo inflammatur pharynx, poterit aperto ore conspici posterior ejus pars, quae vertebri colli incumbit, adeoque detegi morbus. Verum etiam ex functionibus laesis idem cognoscitur. Pharyngis enim usus est, admittere cavo suo cibos, & potus, & dein eisdem per oesophagi tubum in ventri-

(y) Vide de his H. Boerh. Institut. Medic. §. 79. 71. 73.

ventriculū demittere. Cum ergo sola pharynge inflammata in spirabilibus organis nullum vitium adfit, respiratio satis commoda erit, sed deglutitio dolens; imo & impossibilis saepe omnino, dum inflammata haec loca a transitu deglutiendorum, & musculorum illis adhaerentium actione, irritantur; unde repellentur illa, quae in fauces propulsa fuerunt; neque oesophagum ingredi poterunt. Verum ex pharynge patet via in nares aequae ac in oris cavum: unde frequenter in hac anginae specie, dum deglutienda huc pervenerunt, convulsis his partibus prae doloris acerbitate per nares redeunt: cumque laryngis rima hic patula sit, subita tali expulsiōne facta caveri nequit, quin & quaedam ex deglutiendis in illam decidunt; unde violentissima, & suffocans fere tussis oritur; sic ut aegri, semel has molestias experti, vix postea audeant tentare deglutionem. Defectus hinc cibi, potusque ingerendi nascitur; adeoque nutrimenti defectu, & liquidū pneumonia, tabescit corpus, & exsiccatur. Cum autem §. 30. demonstratum fuerit, humores nostros sanos post abstinentiam a cibo, & potu per viginti horas naturam adipisci putredinis incipientis; patet, talis anginae effectum esse, ut exasperentur humores omnes in corpore: simul hinc patet, magnam curationi difficultatem accedere: illa enim inflammationis cura, quae per resolutionem fit, hic imprimis tenianda est; cum reliqui inflammationis exiūs in his locis adeo periculosi sint, uti postea patebit. Verum ut inflammationem resolvenda curari possit, requiritur, ut diluens vehiculum adfit, & humores blandi sint (vide §. 386.): quae bina difficillime obtineri poterunt, dum deglutiendis transitus in ventriculū impeditur.

Plerumque tamen non observatur adeo intensa febris in hac anginae specie, ac in illis, quae praecedentibus tribus paragraphis enumeratae fuerunt; eumque libera hic maneat respiratio, non adeo subitae mortis periculum est; cum balneis, fomentis, gargarismis, clysmatibus &c. liquida ingeri possint, uti postea in curatione dicitur; sicque caveri nimia exsiccatio, & nutrimenti defectus utcumque suppleri. Unde Hippocrates (2), postquam damnaverāt tanquam perniciosissimas illas anginas, in quibus nec in faucibus, nec in collo quidquam conspicuum appareret, subiungit sequentia: *Quaecunque vero in caeteris quidem similiter dolorem exhibent, tument vero, & in faucibus rubores excitant, admodum quidem exhibiales, prioribus tamen diuturniores sunt, si ingens rubor fuerit.*

Ubi autem inflammatio non in pharynge, sed in continuato ipsi oesophagi tubo haeret, omnia similia sequuntur mala. Locus autem affectus oculis non patet, sed acri dolore, dum deglutita huc pervenerunt, norunt illum satis indicare aegri. Ubi autem superior pars oesophagi inflammata est, dolor sentitur non tantum illo tempore deglutionis, dum ex pharynge deglutienda huc veniunt, verum etiam dum in prima deglutionis actione larynx attollitur, uti ex situ cognito harum partium facile patet. Dolerem autem ab inflammatione oesophagum, & a deglutitis sic irritari, ut per nares illa repellantur denuo, jam notaverat Galenus (a) ubi de hujus partis affe-

(2) In Prognosticis Tom. VIII. pag. 673.

(a) De locis affectis Lib. V. cap. 5. Charter. Tom. VII. pag. 690.

affectibus agit; monetque, illud symptoma adesse, sive ab adjacentibus tumoribus angustatus fuerit, sive inflammatione affectus ipse, propria angustia, non a vicinis partibus acquisita, torqueatur. Haec autem inprimis signa huius mali posuit (b). Gravissimus dolor inter deglutendum infestat, accedente difficili transitu; praesertim si supinus jacens aeger quidpiam deglutire conetur. Moner autem eodem in loco, sitim adesse, & multi caloris sensum, & febrem non adeo calidam, quae siti proportionem non respondet. Cum autem oesophagus in suo decursu vertebri incombatur, addidit, omnes, qui dolorem scium in hac parte affectum habent, dorso quoque dolorem sentire.

§. 805. **S**I vero tonsillae, uvula, velum membranofum pendulum; musculi ejus quatuor pteryostaphylini inflammantur valide, tum sunt fere eadem ac in priori (804.); respiratio incommoda, difficilis, per nares nulla, vel parva, per fauces angusta; materies deglutienda ob angustias, & summos dolores per os rediens; excreta perpetua; pituitae ad cava tonsillarum stillicidium perpetuum, copiosum; dolor acutus in aure interna, & via eo tendente a faucibus; crepitatio in aure, dum deglutitio fit; surditas saepe perfecta. Hoc mali genus hodie a lue gallica frequens, & valde metuendum.

Omniū frequentissima est haec anginae species, & caeteris paribus, praecedentibus longe minus periculosa, quamvis saepe satis molesta. Ubi hians ore, & dorso postremo linguae depresso ope specilli, fauces inspicuntur, apparet, velum pendulum palatinum, uvulam in medio pendulam habens, & ex fundo laterali ad postrema linguae assurgunt binae columnae anteriores, utrimque una, arcus satis angustos formantes, in quorum medio uvula pendet. Retro, post columnas anteriores, duae aliae posteriores similes assurgunt in arcus, & in uvulam abeunt, & superius cum prioribus, & anterioribus fere evanescent. In medio intervallo inter anteriores, & posteriores columnas tonsillae locantur utrimque. Si jam inflammatio unam, vel plures ex partibus descriptis, occupet, impediatur deglutitio; quia ad illam libere peragendam requiritur, ut velum pendulum tendi, & explicari possit quaqueversum, sicut impedire deglutientorum per nares expulsiōem. Verum & uvula varios motus ope suorum musculorum deglutitionis tempore excercet, uti ex Physiologicis patet. Ex quibus omnibus evidens est, deglutitionis actionem laedi debere, dum partes memoratae inflammantur. Sed & respiratio difficilis erit, si partes illae multum intumuerint; nam aer ore inspiratus per illud spatium debet transire, quod inter radicem linguae, tonsillas, velum palatinum, & uvulam interjacet, adeoque, admodum imminuto a partibus inflammatis, & tumentibus hoc spatium, respiratio incommoda fiet. Cum autem productio membranae internae narium veli penduli palatini posteam partem tegat, valida inflammatione hic nata tumebit, & narium membrana,

(b) Ibidem pag. 691. 692.

brana, sicque narium aperturam in faucibus multum minuet, imo aliquando integre obturare poterit, uti in catarrho laborantibus quandoque observatur. Cum autem rarissime sic occludatur ab his partibus tumentibus faucium apertura, ut aeri omnis omnino aditus intercludatur, hinc respirare adhuc possunt aegri, sed cum molestia. Patet hinc etiam, quare minus periculosa sit haec anginae species, cum deglutitionem longe magis quam respirationem laedere soleat; cumque omnes hae partes apertae ore conspici possint, hinc communi consensu omnia Medici minus periculosas statuerunt illas anginas, in quibus tumor, & rubor manifeste appareant in faucibus.

Nullae autem partes ex memoratis saepius afficiuntur quam tonsillae; nullae majorem tumorem facere observantur, dum inflammatae sunt. Tonsillae autem tumentes non tantum in faucibus conspici possunt, verum etiam in colli exteriori parte sub maxillae angulo manifeste saepe protuberant. Atque haec fuisse ratio videtur, quare tanquam perniciosissimas damnaverit Hippocrates [ uti antea dictum fuit ] anginas, in quibus nec in faucibus, nec in collo, aliquid conspicuum apparet: frequentissime enim in minus periculosa haec anginae specie tonsillae in tumorem elevantur. Cum autem tumentes tonsillae, & extrorsum partes attollere possint, & versus oris cavum prominulae inveniantur, minus periculum est, ne vicina laryngis aperta ab his tumentibus obturetur. Unde etiam videtur Hippocrates minime lethalem hunc morbum pronunciasse. Ubi enim describit varias anginae species (c), habet sequentia: *Alia angina. Linguae pars posterior inflammatur, clausurumque sub gutture, neque salivam, neque aliud quid deglutire potest, sed si coactus fuerit, ei per nares effluet &c.* Deinde jubet collo, & maxillis cataplasma ex farina in vino, & oleo cocta applicare, & panes calidos: ut plurimum enim in clauistro sub gutture suppuratio fit; & si sponte sua ruptum fuerit, sanus evadit; si vero non rumpatur, ubi digito contigerit, an molle fuerit, acuto ferramento ad digitum alligato, perforato. His factis multi convalescunt. Is vero morbus minimum letalis est. Ex sequenti capite (d), ubi de tonsillis affectis agit, dicit: *si tonsillae oriantur, sub maxillis ab utraque parte tumor fit, qui foras ad contactum durus est, & tota uvula inflammatur.* Postquam autem simili cataplasmate maturatio promota fuerat, addit: *ubi vero tubercula mollia tibi videbuntur, intus contacta, scalpello pertundis. Quaedam autem etiam sponte sua subsident.* Ex quibus patet, utraque tonsilla, & uvula simul inflammatis, adeoque maxime angustato loco illo, per quem aer ore attractus transire debet, tamen morbum sustinere posse aegros ad suppurationem perfectam usque, imo & quandoque sponte subsidere posse tales tumores. Videtur etiam ex hoc loco admodum probabile esse, quod tonsillarum tumores quandoque exterius pertuderit Hippocrates in collo, dum penitus maturi erant: simpliciter enim hic dicit, scalpello pertundendos esse; cum in priori casu, dum interius pertundendus erat locus suppuratus, ferramento acuto ad digitum alligato hoc faciendum iussit. Tunc autem talis sensus loci illius foret, ut postquam tubercula mollia

vide.

(c) De Morbis Lib. II. cap. 9. Tom. VII. pag. 561.

(d) Ibid. pag. 562.

viderentur, digito ori immisso leviter pressa, ut extorsum magis prominerent, exterius aperirentur scalpello. Constat autem observationibus Medicis, tonsillas suppuratas quandoque extorsum tumere in collo, atque ibi sponte rumpi, vel lanceola pertundi; frequentius tamen in interioribus idem contingere, quia & continuo madent & foveantur haec loca, & crassa cute non teguntur.

Pater autem satis, discrimen in hac anginae specie varium esse, prout vel plures partes simul affectae fuerint, vel in maiorem tumorem elatae; ubi enim v. g. ambae tonsillae simul tument, maxime nascuntur angustiae. Frequenter tamen in unius lateris tonsilla morbus incipit, quandoque, & levato morbo resolutione, vel suppuratione, oppositi lateris tonsilla dein similiter afficitur. Aliquando levis, & superficialis tantum inflammatio haec loca occupat, uti in catarrhis harum partium anginis observatur; quandoque & valida inflammatione tument admodum. Interim tamen minime desperandum est; licet etiam in magnum tumorem attollantur haec loca: raro enim inde mortuos vidi; & tantum fere illos, quibus ad vicinam laryngem propagabatur inflammatio, vel in pulmonem vertebatur morbus, dum mala metastasi deglutitioni redibat libertas, sed oppresso eodem tempore vi morbi pectore. Constat enim quotidianis fere observationibus, quotannis nasci quibusdam hominibus tales anginas, & quidem suppuratas saepius: imo novi tales, quibus bis in anno, vere nempe, & autumnus hic morbus contingere solet; nisi vertente anno venae sectione adhibita, vel purgante antiphlogistico sumto, caverint.

Febris autem tales anginas comitantis diversa intensitas multum ad Prognosin determinandam facit. Quandoque enim levis febricula praecedit; cessans, ubi inflammari coeperint haec loca: tuncque semper leviores solent esse anginae. Aliquando pergit haec febris, licet jam versus haec loca materies inflammatoria deposita fuerit; atque illae graviores sunt. Dictum fuit ad §. 593., febrim in alium morbum desinere, dum materiam criticam in vasa quaedam obstructa, dilatata, vel rupta deponit, sicque maculas rubras, pustulas, erysipelas, phlegmonem &c. producit. Ubi ergo tali depositione facta pergit febris, novimus, nondum integram separationem materiae criticae factam esse; adeoque metum esse, ne ad vicina loca, magis periculosa, ruat; vel in jam affectas partes denuo deponenda multum augeat praesens malum: vel etiam hoc designat, validam inflammationem in his locis natam esse, quam tunc febris comitatur semper. Levioiorem enim inflammationem non afficere sic corpus, ut febris fiat in toto, sed tantum in parte, alia occasione in Commentariis §. 371. demonstratum fuit. Videtur autem & Hippocrates [e] hoc monuisse, dum dicit: *Ubi fauces aegrotant, vel tubercula in corpore exoriuntur, excretiones spectare oportet: si namque biliosae sint, corpus simul aegrotat. At si sanorum excretionibus similes exstiterint, tutum est, corpus vivere.* Ex urinae autem rubore, calorem internum cognosci, §. 673. probatum fuit.

Consi.

(e) Aphor. 15. Sect. II. Charter. Tom. IX. pag. 52.

Consideranda jam sunt praecipua symptomata, quae occurrunt, dum enumeratae in textu partes inflammantur validae. De incommoda, & difficili respiratione, uti etiam de deglutitione laesa, jam dictum fuit. Pituitae autem ad cava tonsillarum stillicidium perpetuum & copiosum, & excretio frequens, in hac anginae specie imprimis molesta sunt. Velum pendulum palatinum, uvulam, linguae radicem cryptis mucosis plena esse, ex Anatomicis notum est; & imprimis tonsillas, quae membrana mucosa convoluta constantes magnam copiam muci praebent, quo deglutienda inuncta, & lubricata facilius per pharyngem, & oesophagum transire possunt. Dum ergo inflammatae tonsillae in tantos saepe tumores elevantur, dilatata haec vala, & inflammatorio dolore irritata, majorem copiam muci exprimunt. Eundem enim effectum sequi, & in aliis corporis partibus sic affectis observatur. Ita in ophthalmia laborantibus perpetuum, & copiosum lacrymarum stillicidium adest: in coryza, leviter inflammata membrana narium interna, magna copia liquidi de naribus depluit &c. Augetur autem pituitae illius copia, quia ob dolorem deglutitio impedita est; unde vel hiant ore continuo destillat, vel circa fauces accumulata invitos aegros cogit, ut deglutire tentent summo cum dolore, irritatis partibus a copia, & renacitate aggesti muci. Quantam autem doloris acerbitatem patiantur miseri aegri, dum coguntur inflammatis his partibus deglutitionis nixum facere, in se ipso expertus fuit *Celeberrimus Monro* [f], qui hac anginae specie laborans, plurimis etiam anomalis symptomatibus stipata, fatetur, quod non potuerit evitare frequentem salivae & muci deglutitionem, licet omni cum cura caveret; unde tantus nascebatur dolor, ut ad singulos deglutitionis nixus totus lectus concuteretur a valido tremore corporis, & largo sudore madesceret cutis. Hinc, licet doloris fatis patiens foret, cogeatur de lesto surgere, & antrum inclinato capite, oreque aperto, dimittere salivam, ut evitaret intolerabilis cruciatus. Perpetuum illud copiosae pituitae stillicidium in similibus anginis videtur effecisse, ut Veteres Medici anginarum causam materialem posuerint hanc pituitam, quam a capite defluere credebant. Sic dixit *Hippocrates* [g]: *Oritur autem angina, quum pituita, in capite agitata, deorsum confertim fluxerit, & in maxillis ac circa cervicem consisterit. Hic salivam deglutire non potest; violenter autem respirat, ac serrat, ac interdum etiam cum febris detinet. Ex paullo post addit sequentia* Tonsillae autem, & partes sub lingua sitae, gingivae & lingua, & quaecunque hujusmodi hoc loco consistunt, illae omnes partes a pituita aegriant. Pituita autem ex capite descendit &c. Ex dictis haecenus patet, pituitam illam effectum potius morbi esse, quam causam.

Alterum symptoma, quod hanc anginae speciem comitari solet, est DOLOR ACUTUS IN AURE INTERNA, ET VIA EO TENDENTE A FAUCIBUS: tuba nempe, Eustachiana dicta, quae est canalus partim ossis, partim cartilagineus, partim membranaceus, uno suo extremo, osseo nempe, in tympani

[f] Medical Essays Tom. III. cap. 24. pag. 143.

[g] De Morbis Lib. II. cap. 3. Charter. Tom. VII. pag. 253.

pani cavum patens in aure interna, altero vero & latiori aperitur ad latus internum alae internae processus pterygoidei ossis sphaenoidis, a latere foraminis postici narium ejusdem lateris supra velum palatinum. Unde etiam, dum ore aperto per solum os, non per nares, fortiter, & velociter aerem efflare conatur homo, aperturae tubarum Eustachianarum quandoque in conspectum veniunt, dum foramina postica narium clauduntur, sursum elato, simulque retrorsum tracto, velo pendulo palatino. Quin imo & excogitatum fuit instrumentum, per quod canalıs incurvati ope posset tentari injectio in tubarum Eustachianarum orificia (b). Interna autem harum tubarum superficies cingitur simili membrana, ac est illa, quae nares internas regit, cujus propago esse videtur. Ubi ergo velum pendulum palatinum, & uvula, harum tubarum aperturis adeo vicina, inflammatur; facile patet ratio, quare & malum ad has partes pertingat, & dolor acutus in aure interna, & toto tractu tube Eustachianae percipiatur. Cum autem & musculi mallei, quorum ope membrana tympani introrsum trahitur, & cavum tympani minuit, his tubis inferantur, illasque eodem tempore dilatent, ut compressus in cavo tympani aer libere hac via exire possit, patet, quare crepitatio in aure interna percipiatur, dum deglutitionis actione moventur partes illae inflammatae. Ubi autem membrana interna harum tubarum inflammata sic tumet, ut cavitas obturetur, vel vicinus tubarum orificiis tumor illas sic compresserit, ut liber aeri transitus denegetur, surditas saepe perfecta oritur. Observavit ab hac causa nasam surditatem *Valsalva* [i] in Paucio viro, laborante polypo narium. Quo enim magis increbbebat polypus, ad uvulam usque extensus, eo magis comprimebat harum tubarum orificia; unde in dies auditus minuebatur, tandemque omnino lurdus evasit aeger. Longe certius autem eadem res constitit in plebejo homine, cui ulcus in sinistra parte veli penduli supra uvulam natum sic eroderat has partes, ut ulceris cavum cum extremo sinistrae tubae orificio communicaret. Quoties enim turunda ulceris cavitati intrusa obturabat tubae aperturam, toties illico surdus erat aure sinistra, & manebat toto tempore, quo turunda in hoc loco haerebat; amota vero turunda, pristinum auditum recuperabat statim.

Verum nata in angina inflammatoria surditas ab hac causa tollitur, sedata inflammatione, saltem ut plurimum. Per plures enim dies, dum suppurabatur talis angina, surditatem persistisse novi; rupto abscessu tamen, restitutus iterum auditus.

Verum ubi a lue Gallica nata ulcera partes has depascuntur, quandoque contingit erodi tubarum orificia, & condescere postea, unde incurabilis surditas producit. Quandoque etiam lente prosperentia, ut solent, haec ulcera per totam longitudinem tubae Eustachianae pergunt, auremque internam destruunt penitus, foedo ichore per aurem externam stillante in miseris illis, quibus diro hoc morbo fauces exesae fuerunt: de quibus postea in Luis

(b) Academ. des Sciences l'An. 1724. hist. pag. 53.

(i) De aure humana cap. 5. §. 10. pag. 90.

Luis Venereae historia dicendum erit. Sufficit hic notare, talem surditatem ab hac lue frequenter produci, & valde metuendam esse, cum vix unquam curabilis sit, uti ex dictis facile patet.

§. 806. **Q**Uod si omnes haec inflammatoriae species ( 801. 802. 803. 804. 805. ), vario concursu, simul aegrum infestent, concluditur facile, eo saeviores fore morbum, quo plures in unum conspiraverint: tumque simul eo plura, & saeviora symptomata eventura esse.

Ex illis, quae paragraphis, in textu citatis, habentur, paruit, anginas inflammatorias commode sic in quinque species distribui, pro variis partibus affectis. Simul enarrata fuerunt illa symptomata, quae comitantur singulas, atque ex illorum observatione habetur harum anginarum evidens Diagnōsis. Simul etiam ex iisdem poterit erui Prognosis, quae docet, omnium periculosissimas esse illas, quae respirationem impediunt; minus autem discriminis habere reliquas anginas, quae solam deglutitionem, libera manente respiratione, laedunt. Inter illas vero anginas, quae respirationem impediunt, pessima habetur, quae circa laryngem haeret; periculosior inter anginas, deglutitionem solam laedentes, aestimatur illa, quae absque ullo tumore, vel rubore in faucibus conspicuo, acerbissimum dolorem facit in prima deglutitionis actione, uti ad §. 803. probatum fuit. Atque etiam constitit, in prognosi pro generali axiomate haberi posse, omnium maxime lethales esse anginas inflammatorias, quae nullum tumorem, vel ruborem conspicuum habent; reliquas autem, quamvis satis molestas, saepe minus discriminis habere.

Quamvis autem occurrant saepius anginae illae, haecenus descriptae, solitariae; tamen quandoque contingit, inflammationem plures partes simul occupare in ipso etiam morbi initio; aliquando etiam observatur, natam circa haec loca inflammationem latius dispergi, sicque concursum nasci plurimum malorum. Patet autem satis, eo difficiliorem curatu fore morbum, & lethali exitu magis funestum, quo plures harum anginarum species simul conspiraverint, simulque eo plura, & saeviora symptomata secutura esse. Sequenti autem paragrapho enumerabuntur praecipua, quae in tristissimorum malorum complicatione observantur, antequam mors finem imponat his angustis, omni humana patientia certe majoribus.

§. 807. **N**AM impedito tum cruoris in jugulares externas, vel per has ipsas compressas, reditu, fit tumor faucium, labiorum, linguae, vultus; linguae exsertio, intorsio, inflammatio, oculorum rubedo; protuberans tumor horrendus; cerebri ob eadem suffocatio; hinc visus, auditus, tactus, hebetes; delirium; hiatus oris, stertor, decubitus impossibilis prae suffocatione; rubor, tumor, dolor, pulsatio, saepe in collo, pectore, cervice, conspicui; unde venae jugulares, frontales, raninae varicosae tument.



Dum in angina inflammatoria respiratio impeditur, pulmo explicari satis nequit; unde cor dextrum non poterit contentum suo cavo sanguinem expedite propellere per arteriae pulmonalis angustias in cor sinistrum; adeoque incipiet accumulari sanguis in pulmone, & cordis dextri cavo. Non poterit ergo auricula dextra, & sinus venosus dexter evacuari, adeoque & in his cavis fiet sanguinis aggestio. Quare sanguis venosus a toto corpore redux per venam cavam superiorem & inferiorem non poterit ingredi haec cava jam repleta; distendentur ergo & venae. Sed omnis sanguis venosus a labiis, lingua, facie redux per jugularem inprimis externam redit ad cor, dum sanguis a capitis interioribus partibus per jugularem venam internam movetur. Ubi ergo, impedita respiratione, sanguis per venas jugulares libere transire nequit, omnia vasa sanguinea, externarum aequae, ac internarum capitis partium, distendentur magis magisque; cum arteriae pergant sanguinem adferre, dum interim venae illum reducere nequeunt. Tumbunt hinc fauces, labia, lingua &c., oculi rubebunt sanguine suffusi, & horrendum in modum protuberabunt, lingua tumens ore amplius contineri non poterit; hinc foedo spectaculo livida & intorta prominebit, spuma simul ex ore prodeunte. Cum autem ob eandem causam vasa sanguinea per encephalon distributa sanguine turgant, comprimetur mollis encephali pulpa; unde visus, auditus, tactus hebetes sunt, omnesque cerebri functiones turbantur, tandemque delentur integre. Stertor autem adest, dum viscida spuma torum os, fauces, & pulmo repleti incipiunt, & distensis vasibus sanguineis pulmonis, aerea ejus cava angustantur. Unde miseri aegri omnia eadem patiuntur ac illi, qui laqueo suffocantur; in hoc tamen longe infeliciores, quod lente, & per gradus aucta haec mala pati debeant. Ubi autem, non adeo impedita respiratione, partes inflammatae & tumentes vicinas ipsas externas jugulares venas angustant, tunc ab encephalo redux sanguis adhuc satis libere per internas venas jugulares transire poterit, dum interim facies, labia, lingua, oculi turgent admodum. Verum ubi aliquo tempore duravit externarum jugularium venarum compressio, repletis omnibus vasibus sanguineis, quae externis capitis partibus prospiciunt, omnis sanguis, qui ex vicino corde per arterias carotides pellitur, per internae carotidis ramos transibit, adeoque omnes cerebri functiones turbabuntur ob nimiam repletionem. Omnia haec symptomata successively sic fieri videmus, si in homine etiam sanissimo collari nimis adstricto, venae jugulares externae comprimantur. Cum autem & plures venae colli, cervicis, & superioris partis pectoris, tum ad musculos, quam ad integumenta harum partium distributae, in jugulares venas se exonerent, patet ratio, quare rubor, tumor &c. & per haec loca dispergantur. Postea in cura anginae inflammatoriae notabitur, pro bono signo haberi, si collum & pectus rubeant: sed patebit tunc, hoc tantum verum esse, quando materia inflammatoria, internas partes obsidens, bona metastasi ad exteriora transiit, tuncque simul semper adest levamen partium prius obfessorum. In hoc autem casu, dum impedito sanguinis per pulmones transitu, adeoque venarum evacuatione sublata, talis tumor, & rubor in collo, cervice, & pectore oriuntur, nullum anginae suffocantis levamen percipitur, adeoque

merito

merito pessimi omnis hoc signum habetur. Ita in Anginosa [K], quae apud *Bisonem* decumbebat, prima die jam aderat tumor subruber, durus, in cer-vice & utraque pectoris parte; verum extrema frigida, & livida, respiratio sublimis, potus per nares rediens, & deglutitio impossibilis simul aderant; adeoque constabat, non ex bona metastasi, sed ex augmento morbi, haec symptomata originem traxisse; unde & quinta die perit. Cum autem frontales venae, & raninae distae sub lingua decurrentes, jugularium venarum rami sint, patet facile, quare & illae varicosae tumeant.

Omnia autem haec symptomata in pessimis anginis inflammatoriis observata accuratissime colleguntur Veteres Medici. Ita *Hippocrates* (l) habet sequentia. *A cynanche vocata homo suffocatur, & in faucibus magis urgeri videtur, & neque salivam attrahit, neque aliud quidquam. Et oculi dolent, ac prominent velut strangulatis, & per eos intente (a) inuenerit, neque eos convertere potest: cerebrum singultit, & exilit, facies & fauces incenduntur, imo etiam collum. Invenientibus vero nihil mali habere videtur, & cernit, & audit obtusius, & prae suffocatione non intelligit, neque quid dicat, audiat, aut faciat, sed jacet ore biante salivam effundens. Haec quom faciat, quinto, aut septimo, aut nono die moritur.* Mirum forte videri posset, tot & tam gravium symptomatum concursum ab homine tam diu tolerari posse; verum notaverat *Hippocrates* (m), anginas illas, quae tumorem, & ruborem in collo habent, quamvis admodum exitiales, tamen diuturniores esse illis, quae nihil conspicui neque in faucibus, neque in collo exhibent, atque eodem die, vel & secundo, tertio, aut quarto strangulant. Similia & apud *Aretaeum* (n) habentur: *Cynanchicis quidem adest inflammatio tonsillarum, faucium, totius oris: lingua extra dentes & labia prominens, saliva effunditur, pituita crassissima ac frigida defluit. Facies rubicunda & inflata est: oculi exerti, patentes, valde rubri: potus in nares refunditur: dolores acervi sunt, sed strangulatione excitati obscurius sentiunt: pectus & cor ardent, frigidi aeris desiderium adest, verum admodum exiguum inspirant, donec strangulentur, intercluso in pectus transitu.*

Cum autem tanta portio sanguinis corde sinistro expelli per carotides, & vertebrales arterias caput petat, ut unam tertiam totius crediderit *Malpighius* [o] ad minimum aequare; patet ratio, quare impedito sanguinis venosi in cor destrum transitu facies oculi &c. magis turgeant, & citius, atque hebetentur cerebri functiones, antequam in reliquo corpore magnae mutationes adhuc observentur. Unde etiam praecipua symptomata, in anginis inflammatoriis pessimis observata, caput afficiunt. Interim tamen extremorum corporis frigus, & livor, quae deinde sequi solent, satis notant, impediri & per reliquas corporis partes liberum sanguinis transitum. Quia autem omnia abdominalia viscera sanguinem suum venae portarum tradunt, inde deducitur.

I 2

(K) Epidem. 3. Aegrot. 7. Charter. Tom. IX. pag. 235.

Lib. III. cap. 10. Charter. Tom. VII. pag. 586.

Charter. Tom. VIII. pag. 872., &amp; in Prognosticis ibid. pag. 673. 664.

Causis, &amp; signis morb. acutor. lib. I. cap. 7. pag. 5. 6.

De Cerebro pag. 6.

(l) De Morbis

(m) In Coacis N. 102.

(n) e

(o) Exercitat. Epistol.

deducendam in venam cavam ascendentem, ob eandem causam ingens impedimentum, & tensio circa haec loca percipiuntur tunc, uti etiam circa pulmonem; adeoque concurrunt binæ anxietatis intolerabilis causae, uti ad §. 631. dictum fuit. Simul etiam a distentis visceribus infarcto sanguine dolor saepe adest, quem in anginis merito suspectum habuit Hippocrates (p) dicens: *Ex anginis citra judicationem hypochondrii dolor, cum impotentia, & torpore oboritur, latenter necas, etiamsi valde mansuete se habere possent.* Addit autem citra judicationem, dum quandoque per metastasis materia inflammatoria praecordia occupare posset, levatis faucibus. Verum impotentia, & torpor, quae simul adfunt, satis docent cerebrum a retento sanguine venoso hebetari, adeoque summum discrimen adesse.

§. 808. **D**Ecurrit autem omnis Angina consuetum inflammationis generalis iter, eademque facit, ac patitur mutationes in resolutionem, pus, gangraenam, scirrhum.

In capitulo de inflammatione dictum fuit, omnem inflammationem habere quadruplicem exitum. Vel enim resolvitur, dum concretum in fluorem reducitur, & stagnantibus restituitur motus: vel in suppurationem mutatur, aut gangraenam, quod longe pejus est; vel denique abicit in scirrhum, dum nec resolvitur inflammatio, nec separatur a sanis partibus vicinis illud, quod vitali humorum motui, secundum sanitatis leges peragendo, ineptum redditum fuerat. Omnes ergo illi inflammationis exitus & in angina inflammatoria locum habebunt, nisi adeo praeceps fuerit malum, ut strangulet aegrum, antequam adolefcere potuerit morbus. Uti jam pro vario exiru diversa requirebatur cura, sic & idem in angina inflammatoria verum est. Omnium optima curatio inflammationis est, quae resolvendo obtinetur; unde haec prae reliquis tentanda est, modo aliqua spes superfit, illam obtineri posse. In primis autem haec curatio requiritur in angina inflammatoria, cum tantum periculum imminet a suppuratione, ob tumorem auctum comprimentem deglutitionis, & respirationis organa; atque etiam quia jure metuitur, ne rupto abscessu pus in tracheam delapsum subitam suffocationem inducat. Quanam notanda sint in hac curatione, sequentibus dicetur paragraphis; atque postea videbimus, quanam convenient, dum in abscessum, gangraenam, aut scirrhum terminatur inflammatoria angina.

§. 809. **E**Rgo si signa docuerint, anginam esse (§. 801. 802.), confestim examinandum, an pura hactenus inflammatio adsit (§. 382. 383. 384.); tumque citissime per efficacissima remedia (§. 395. ad 402.) tentanda resolutio est (§. 386.). Itaque 1. cita, magna, repetita missio sanguinis, eoque ut debilitas, pallor, refrigeratio, vaporum collapsus, doceant, vim superstitis non posse augere tumorem

82

& rigiditatem vasculorum, exercenda erit. 2. valida alvi subductio per purgantia ore hausta, vel clysmatum instar injecta, repetita. 3. victu, putuque tenuissimo, & lenissimo opus. 4. nitrosis subacidif. que medicamentis. 5. vapore humido, molli, tepido assidue hausto: fomentis externis; derivantibus epispasticis, cucurbitis, sinapismis, collo, & pectori, applicatis.

Cum illa anginae inflammatoriae species, quae vel in ipsa pulmonali fistula, vel circa laryngis superiora sedem habet, omnium pessima sit, & citissime lethalis; efficacissima simul & semel adhibenda sunt auxilia, adeoque & ejus cura praemittitur; quia hac intellecta facile cognoscitur, quin in reliquis anginae inflammatoriae speciebus agendum sit.

Solam inflammationis curam, quae resolvendo fit, hic locum habere posse, facile patet; gangraena enim in his locis, validam inflammationem sequens, lethalis semper est, & cum suppurationem comitari semper soleat augmentum symptomatum, quibus stipatur inflammatio (vide §. 387.), neque haec poterit exspectari: prius enim suffocaretur aeger, antequam natus hic abscessus maturelere posset. Statim ergo examinandum est, an inflammatio adhuc talis sit, ut separare liceat, illam resolvendo curari posse. Hoc novimus, si recens fuerit morbus, nullaue adhuc signa inceptae suppurationis, vel natae gangraenae, adfuerint; de quibus videantur illa, quae in Commentariis §. 387-388. habentur. Tunc autem pura vocatur inflammatio, quando adsunt illa signa, quae §. 382. recensentur; quae notant, in vasis adhuc integris haerere humores, quamvis immetabiles.

Quaenam autem requirantur ad inflammationis resolutionem, dictum fuit in cura inflammationis paragraphis his citatis; adeoque tantum superest, ut videamus, quaenam praeter generalem inflammationis curationem in aenipiti hoc morbo notanda sint.

1. Sanguinis missio hic primum remedium est, cum per illam, minuendo copiam & impetum sanguinis arteriosi, laesio ulterior vasculorum inflammatorum impeditur, & emendatur, quae jam facta est; simulque, per eandem minuto liquido distendente, restituantur vasis oscillationes elasticae, quibus materia obstruens attenuari, & meabilis reddi possit. Optima etiam sic praebetur occasio, ut contracta vasa, minuto impetu a tergo urgentis liquidi, repellant obstruentes moleculas in vasa majora; uti paragraphis hic citatis demonstratum fuit. Cum autem in hoc morbo adeo praecipue discrimen sit imminenti suffocationis, si tumor inflammatorius augeatur, requiritur & cetera, & magna missio sanguinis; & quidem eo usque, ut tanta debilitas oriatur, ut nullus metus sit, tumorem inflammatorium vel a copia, vel ab impetu humoris vitalis, increfcere posse. Ad animi ergo deliquium usque sanguinemmittere conducet; sed praesente Medico semper, ut dum ex pulsu vacillante, calore oculorum, labiorum &c. instare animi deliquium viderit, ulteriorem sanguinis vacationem prohibere possit [vide Commentaria §. 147.]. Si autem recrudescant minacis morbi symptomata, repetenda erit venae sectio illico, cum nullam moram ferat tam cito lethalis

morbus: praestat enim, ut exhaustus sanguine langueat aliquamdiu aeger, quam ut suffocetur miserrime. Quia autem tanta saepe est talium anginarum velocitas, ut inopinato suffocentur aegri etiam illo tempore, dum remedia adhibentur, acerba prognosis praemittenda est, ne subita mors audaci, quamvis necessariae, venae sectioni adscribatur potius, quam morbi vehementiae.

Noluit *Aegineta*, validam talem sanguinis missionem adhiberi, sed saepius & repetitis vicibus hoc faciendum iussit; metuens, ne animo deliqui tempore materia in partem affectam prorumperet, aegrumque strangularet (g). Verum omnia vasa collabuntur, dum instat animi deliquium, adeoque nullus videtur esse metus, affectarum partium tumorem tunc augeri posse. Neque obstat, quod *Hippocrates* (r) extremas vacuationes periculosas esse monuerit; agit enim ibi inprimis de minuenda nimia plenitudine hominum athletice valentium; & paullo post (s) diserte monuit, ad extremos morbos extrema exquisita remedia optima esse. Imo, licet daretur, periculo non carere talem profusam sanguinis vacuationem, tamen id eo o-mittenda non foret in accipiti hoc morbo; cum optime monente *Celfo* (t), *satis sit anceps remedium experiri, quam nullum*. Illo enim loco [cujus antea in Commentariis §. 743. mentio facta fuit] dicit, quandoque morbum desiderare sanguinis missionem, licet corpus vix pati posse videatur; illam tamen tunc tentandam voluit, postquam prius Medicus ostenderit, *quam nulla spes sine sanguinis detractione sit; simulque, quantus in hac ipsa metus sit*. Deinde addit: idque quam maxime fieri debet, *ubi nervi resoluti sunt, ubi subito aliquis obmutuit; ubi angina strangulatur &c.* Unde etiam in angina curanda (u) iussit, *sanguinem mittendum esse, etsi non abundat*. Reliqui Veteres Medici omnes citam, magnam, & repetitam venae sectionem commendarunt in periculosissimis his anginis; uti patet apud *Hippocratem* (w), *Galenum* (x), *Aretaeum* (y); qui & ex latiore vulnere, & ad animi deliquium usque, factam sanguinis missionem laudavit; cavendum tamen animi deliquium voluit, quia nonnullos sic periisse observaverat. Similia fere & apud *Trallianum* (z) habentur, nisi quod videatur ob animi deliquii metum non adeo copiosa; sed repetita tamen venae sectione, & quidem satis subito, usus fuisse.

Cum autem in his anginis, uti §. 307. dictum est, venae frontales, jugulares, raninae, saepe tumeant, voluerunt quidem, statim illis pertundendas esse, & inprimis raninas, quia sic omnium subtilissima evacuatio in locis, partibus affectis, vicinis, obtinetur. Damnaverunt hoc alii magni nominis Medici, & jam videtur apud antiquos circa hanc rem diversa fuisse sententia.

(g) *Aegineta* Lib. III. cap. 37. pag. 39.

(r) *Aphor. §. Sect. I. Charter. Tom.*

IX. pag. 7.

(s) *Ibidem* *Aphor. 6. pag. 11.*

(t) *Lib. II. cap. 10. pag. 79.*

(u) *Lib. IV. cap. 6. pag. 196.*

(w) *De Morbis Lib. III. cap. 10. Charter. Tom.*

VII. pag. 386. *De Viâ in Morbis Acutis Charter. Tom IX. pag. 136.*

(x) *De Curandi ratione per venae sectionem cap. 19. Charter. Tom. X. pag. 448.*

(y) *Lib. I. De Curatione Morbor. acut. cap. 7. pag. 87.*

(z) *Lib. IV. cap. 1. pag. 231. 252.*

sentia. Hippocrates [a] iussit, dandam esse operam, ut quam maxime procul a locis, in quibus dolores fiunt, & sanguis colligi solet, sectiones instituuntur. Verum cum minus congrua in eodem capitulo habeantur de venarum origine, & distributione, & mox subjungat sequentia: sic enim minime magna repente mutatio continget, & translata consuetudine efficiet, ut ne amplius in eundem locum colligatur; non sine ratione concluderunt quidam Medici, hunc textum non adeo saviere illi opinioni, quae in locis remotis venam secundam jubet in curatione anginae, cum repentina potius hic mutatio, & subita subsidencia patium affectarum requiratur. Praeterea Celsi alia sententia fuisse videtur, dum de venae sectione agit (b), sic enim habet. *Mitti vero is [sanguis] debet, si tunc corporis causa sit, ex brachio: si partis alicujus, ex ea ipsa parte, aut de loco quam proxima, quia non ubique mitti potest, sed in temporibus, in brachiis, juxta tales. Neque ignoro, quosdam discere, quam longissime sanguinem inde, ubi laesit, mittendum esse; sic enim averti materiae cursum; at illo modo in id ipsum, quod gravatur, evocari. Sed id ipsum falsum est. Proximam enim locum primo exharuere: ex ulteriores autem eatenus sanguinis sequitur, quatenus emittitur: ubi is suppressus est, quia non trahitur, ne venis quidem.*

Cum autem hodie ex cognito sanguinis circuitu novimus, cordis actione & materiam sanguinem ex arteriarum sinibus in venas propelli, certum est vena aperta minui resistentiam sanguini arterioso in has venas propellendo; adeoque, manentibus iisdem cordis, & arteriarum viribus, sanguinem movere celerius per illas arterias, quae in venam jam apertam se evacuant. Apertis ergo venis raris, augebitur sanguinis celeritas per arterias his venis respondentes; quae cum externae carotidis rami sunt, hinc & videtur augeri debere sanguinis motum per truncum carotidis externae, adeoque etiam utraque per omnes ejus ramos, haec maxime per illos, qui in venas apertas evacuantur. Cum ergo in periculosis illis anginis minimum tumoris inflammatorii augmentum saepe sit lethale; hinc forte periculum subest, si non prius instituta larga venae sectione in locis remotioribus, raninae venae statim secantur. Damnavit saltem hanc methodum Tulpus [c], testaturque se aliquoties funestos inde eventus notasse. Videtur etiam Galenus (d) praemississe venae in cubito sectionem, & deinde ambas sub lingua venas pertulisse in gravibus faucium, & asperae arteriae inflammationibus; utriusque & Hippocrates (e) & Trallianus (f). Inter recentiores autem summae auctoritatis Sydenhamus [g] in anginae curatione sanguinem ex brachio copiose detrahebat primum, mox ex ranola utraque. Cum ergo ter, & tanti nominis Medici in hac re conveniant, videtur tutissimum esse raninae venas non aperire, nisi larga prius sanguinis missione in brachio vel in pede institu-

I 4

12.

(a) De Ossium Hathra cap. 5. Charter. Tom. IV. pag. 3. (b) Lib. II. cap. 10 pag. 80.  
 (c) Observ. M. dis. Lib. I. cap. 5. pag. 96. (d) De Curandi ratione per venae sectionem cap. 10. Charter Tom. X. pag. 448. (e) De visu in morbis acutis Charter. Tom. XI. pag. 136. (f) Lib. IV. cap. 1. pag. 231. (g) 8. & VI. cap. 7. pag. 258.

ta. Ipse *Celsus*, qui in alia opinione fuit, uti dictum antea, multum tamen tribuit usui, neque semper ex affecta parte, vel ipsi proximam sanguinem educendum fatetur dicens. *Videtur tamen usus ipse docuisse, si capus fractum [tatum legerunt alii] est & brachio potius sanguinem mittendum esse: si quod in humero vitium est, ex altero brachio (b).*

Adhibuit & cucurbitulas cum scarificatione in loca vicinis *Hippocrates*, non tantum ut extrorsum duceret morbi materiam, de qua requinto hujus paragraphi numero dicitur; verum etiam ut sanguinem evacuet. Jussit enim, ut ad primam cervicis vertebam, & capiti, prius raso, & ad aurem ab utraque parte applicarentur cucurbitulae, & ut post scarificationem quam longissimo tempore adhaerent his locis. *Ultimum est, arteriosum sanguinem scarificatis locis exire, dum cucurbitae a vires aeris incumbentis pressio tollitur: adeoque potentissimam revulsionem sic fieri ab interioribus locis inflammatis. Neque his contentus fuit Caelius Aurelianus [i], verum si major fuerit tumor, ipsam quoque linguam scarificabat, atque fauces & palatum tenuis & longiore phlebotomo. Etenim locali sanguinis detractione tumescit relaxantur. Atque etiam Celsus (K) postquam per venae sectionem, purgantia, cucurbitulas &c. nihil profecerat in anginae curatione; dixit: *Ultimum est, incidere satis altis plagis sub ipsis maxillis supra collum, & in palato circa uvam, vel eas venas, quae sub lingua sunt, ut per ea vulnera morbus erumpat. Quibus si aeger non adjuvetur, scire licet a morbo victum esse.* Laudavit autem *Aretaeus [l]* & artuum ligaturas, de quarum efficacia in minuenda sanguinis velocitate dictum fuit ad §. 691.*

2. Quantum efficaciam habeat valida alvi subductio in cura inflammationis, quae resolvendo fit, §. 396. & sequentibus demonstratum fuit. Mipuitur enim per haec liquidorum vasa distendentium copia, solvitur sanguis, & versus abdominalia viscera revellitur impetus. Unde etiam *Hippocrates* (vide locum citatum ad §. 396. 4.) in cura anginae laudavit alvi ductio- nem cum sanguinis missione, atque idem apud reliquos auctores, praecedenti numero hujus paragraphi allegatos, occurrit. Semper tamen purgantibus praemittitur venae sectio, & repetita quidem eo usque, donec incipiant levare symptomata; unde etiam *Sydenhamus [m]*, postquam ex brachio & utraque ranula sanguinem jam subduxerat, sequenti mane, nisi febris & dolor inter deglutendum aliquantulum remississent, nondum audebat dare purgans, sed nova venae sectione instituta catharsin differebat in diem sequentem. Ubi tamen urget morbus, & magna sanguinis copia subducta fuit, videtur & purgans statim dandum esse, quod & *Trallianus [n]* se cum felici successu fecisse monet, ubi in robustis, & aetate vigentibus vehemens dominaretur affectus. Elaterio & tithymali succo recenti Veteres Medici usi fuerunt; verum acerrima haec cum sint, & calefacientia, tutior usus erit talium, quae absque aucto motu, valide tamen, evacuant, qualia in Materia

Medi-

(A) Cels. Lib. II. cap. 10. pag. 41.

(i) Acutor. Morb. Lib. III. cap. 3. pag. 182.

(K) Lib. IV. cap. 4. pag. 197.

(l) De Curat. Morb. acut. Lib. I. cap. 7. pag. 87.

(m) Sect. VI. cap. 7. pag. 158.

(n) Lib. IV. cap. 1. pag. 232.

Medica ad hunc numerum, uti etiam ad numerum secundum §. 396. habentur. Ubi autem deglutitio simul sic impedita est, ut purgantia ore haurire nequeant aegri, eadem triplicata, vel quadruplicata dosi clysmatis forma injecta affectum praestant.

3. Videantur illa, quae ad numerum quintum §. 396. de diaeta inflammatione laborantium dicta fuerunt. His addi merentur & illa, quae §. 603. de victu febricitantium habentur. Cum autem angina inflammatoria, de cuius curatione hic agitur, acutissima sit, & nisi cito resolvatur, subito necet, de cibo non adeo solliciti sumus, cum facile inedia tolerent aegri, brevi hoc tempore, & solo potu sustineri possint; imo plerumque ob doloris acerbitatem, anxietatem intolerabilem, & febrim acutam comitem, quaevis oblata respuant. Solum ergo lactis serum, vel lac tripla aquae copia dilutum, emulsa ex feminibus sasinosis admodum diluta, hic sufficiunt. Omnia autem haec tepida sumenda sunt, ne a frigido potu inflammatae partes alludente augeantur omnia mala. Quamvis enim negari non possit, incipientibus inflammationibus quandoque actu frigida profuisse; cum tamen saepius nocere possint, & iustus metus sit, ne validam hic natam inflammationem in gangraenam mutant, prudentia jubet, ut his abstineatur. Videantur illa, quae de hac re in Commentariis §. 390. habentur. Ubi vero larynge inflammata deglutitio ob acerbissimum dolorem impeditur, eadem per clyisma injici possunt, ut sustineatur vita, & caveatur nimia corporis exsiccatio; de qua re postea §. 813. dicitur.

4. Quantum usum in curandis inflammationibus praestet nitrum, antea in historia inflammationis dictum fuit: unde etiam in anginis curandis laudatur ab omnibus. Sed & acida diluta tanta copia aquae, ut nimis irritare nequeant dolentes fauces, hic commendantur: neque tantum vegetabilia acida, sed & fossilia, ut spiritus salis marini, & prae reliquis spiritus sulphuris per campanam dictus in officinis. Quamvis enim haec acida sanguinem coagulent, dum illi permiscentur, tamen usus docuit, quod multum profuit, si inflammatae fauces his tangantur; atque adeo magis ad externam applicationem laudantur haec remedia, quam ut internae adhibeatur ad resolvendam inflammationem. Sic in cura Anginae Sydenhamus (\*) iussit, ut post validam sanguinis missionem ex brachio & ranula utraque, *partes inflammatae tangerentur melle rosacco, spiritu sulphuris ad summum acorem permixto*. Hoc facto dein blandum refrigerans gargarisma ore continendum iussit. Nullam autem mentionem facit de interno spiritus sulphuris usu.

Facile autem patet, tale remedium ex rosis rubris, adstringente vi manifeste praeditis, & acido sulphuris paratum, constringere partes, quibus applicatur, adeoque impedire posse nimiam earundem expansionem; simulque efficere, ut in ipso inflammationis natae principio repellantur in majores truncos moleculee immeabiles, quae minores ramos obstruunt. Refrigerantium autem, repellentium, & adstringentium usum externum in curanda inflammatione locum habere posse quandoque, dum per haec impetus in ipso loco

(\*) Sect. VI. cap. 7. pag. 358.



loco sedatur, probatum fuit in Commentariis §. 396. 6. Præterea magnum nomen in his malis curandis obtinuerunt acida fossilia, quia inflammationem natam a fluxu materiae scorbuticæ ad has partes, quæ cito in putridissimam gangraenam abit (vide §. 423. p. & §. 432.), tam feliciter curant. Simul tamen apparet, externa talia æria remedia usum habere non posse in illis anginis inflammatoriis, de quibus curandis hic loci proprie agitur, cum vel in ipsa larynge, vel in pulmonali fistula sedem habeant; quæ loca impune similibus tangi nequeunt: hæc tamen referuntur, quia hæc paragra-pho generalis cura anginarum inflammatoriarum traditur, ad cujus normam dein & reliquarum curatio dirigitur, uti sequentibus paragraphis patebit. Proprie autem hæc adhibentur, dum lingua, fauces, palatum, tonsillæ, &c. affecta sunt, atque frequenter leviores harum partium inflammationes, absque venæ sectione etiam & purgantibus, his solis curantur.

Apud Veteres Medicos autem similia etiam remedia laudata fuerunt, adstringentia, & quandoque satis acria. Ita Hippocrates (p), dum linguas pers posterior, & claustrum sub gurgure inflammata anginam fecerant, linguam, qua tunc, illiniri iussit, mentha viridi, apio, origano, rhoe rubro, nitro, cum melle subactis. Uvulam inflammatam aeris flore sicco linivit (q). Dum tonsillæ inflammatione intumescunt, reprimentibus medicamentis gargarizandum iussit Celsus (r), atque illas illiniri medicamento ex succo maiorum puniceorum dulcium cum alumine scissili &c. parato. Uvam vero inflammatam omphacio, vel galla, vel alumine scissili cum melle admisto illiniri iussit; imo & medicamento ex his & acramento sutorio, misy &c., cum vino rubro austero tritis composito usus fuit (s). Similia his & apud Aræneum habentur (t), uti & apud Trallianum (u).

Inde forte intelligitur origo illius methodi, qua omnes promiscue anginas tentare solet vulgus, uvulam relaxatam morbi causam unicam statuens, illamque alumine, vitriolo, pipere &c. tangens, ut contrahatur. In Zelandia famosi dicuntur anginarum cura rustici quidam, quibus inde nomen [Kee/boeren] impositum est, qui pulvisculo ex vitriolo albo, sale ammoniac, alumine crudo fauces inflammatas tangunt, & quidem repetitis vicibus, quandoque cum insigni levamine. Ex dictis autem patet, locum hæc habere posse morbo incipiente inprimis, tantumque in illa anginae inflammatoriæ specie, de cujus curatione §. 811. dicitur.

5. VAPORE HUMIDO, MOLLI &c. Quantum usum talis vapor habeat, ut materia obstruens attenuetur & diluatur, pluribus dictum fuit in Commentariis §. 398. 3. Inprimis autem laudatur hoc remedium in his anginae speciebus, quia vapor attractus directe loca inflammatæ alluit. Hippocrates (w) in pessima anginae specie curanda jam laudavit hanc methodum, dum

(p) De Morbis Lib. II. cap. Charter. Tom. VII. pag. 562.

cap. 10. pag. 52a.

(r) Lib. VI. cap. 10. pag. 387.

(q) Ibid.

pag. 389.

(s) Lib. I. de Curat. Morb. acutor. cap. 7. §. 9. pag. 87. &c.

(u) Lib. IV. cap. 1. pag. 220. &c.

(w) De Morbis Lib. II. cap. 9.

pag. 560.

dum ex aceto, nitro, origano, nasturii semine, cum aequali copia aquae, & aceti infusus, & in ollulam operculo clausam demissus, per arundinem cavum ore aperto ascendentem vaporem trahi iussit; cavendo ne fauces comburantur. Ut hoc caveretur, voluit *Aetius* (\*), ut ovum parvum vacuum, utrimque perforatum, ore continerent aegri, perque illud ovum arundo transmitteretur, sic nempe ut vapor per arundinem ascendens, ovi cavo prius receptus, non adeo directe in fauces traheretur. Cum vero ab aceti calidi & aromatici halitu molesta, & dolentissima in hoc casu tussis excitari posset, videntur mollissima potius convenire: cum autem aceti vapor summum resolvens sit, & illud addi posset, sed minori copia ne nimis irritaret. Emollientium herbarum decocta, vel infusa ad hunc scopum laudari solent, verum illarum efficacia in volatili parte non haeret, neque forma vaporis ascendere potest, unde potissima huius remedii virtus ab aquae, & aceti halitu pendet; herbae autem tales addi possunt, ne contemnatur remedii in tam gravi morbo simplicitas. Flores autem sambuci inprimis hic profunt, quia refrigerantem halitum, in erysipellate & phlegmone curandis adeo usitatum, spargunt, satis volatilem, unde & aquae stillatitiae ex his, aut rosarum, vel tiliae floribus, huic ului inservire possent, addita modica aceti quantitate, qualis formula in *Materia Medica* ad hunc numerum habetur.

Fomenta autem externe applicata ex similibus profunt: unde & *Hippocrates* in loco modo citato iussit, ut spongiae aqua calida plenae genis, & maxillis apponerentur.

Praeter illa summi usus sunt in hoc morbo omnia, quae pectori & collo applicata, sive irritando acerbis stimulis, sive minuendo atmosphaerae pressionem, impetum, & copiam humorum versus exteriora derivant. Quantum sit in cura inflammationis versus alias partes facta revulsio, demonstratum fuit in *Commentariis* §. 396. 4.; simulque ibi indicata fuerunt praecipua remedia, quibus haec revulsio tentari posset. Verum non tantum haec spe in angina curanda adhibentur haec remedia, ut a partibus affectis deriveret impetus, & copia humorum, dum interim pristinam sedem occupat morbi causa materialis; sed etiam docuerunt observata, per eadem remedia quandoque impetrari posse, ut materialis causa morbi locum mutet, & in alias transeat partes. Vidimus antea §. 771., Phrenitidem symptomatice fieri, dum inflammatio, alias partes corporis prius obsidens, locum mutat, & periculosa metastasi ad cerebrum deferretur. In angina autem inflammatoria similis metastasis materiae morbosae observatur, & quidem satis frequenter; uti Veterum Medicorum observatis, & quotidianis praxim medicam exercentium experimentis, constat. Forte non sine ratione liceret asserere, nullum fere morbum acutum inflammatorium magis volubilem esse. Familiare est in praxi videre, quod unius lateris tonsillam occupans inflammatio minuat subitò, & alterius lateris tonsillam afficiat. Neque hoc tantum, sed & ad alia, saepe etiam satis distita, corporis loca tendit. In splenem dolorem processisse, levatis faucibus legitur (†). In *Pelemaichi*

uxore,

(\*) Terrabibl. 2. Sermone. 4. cap. 47. pag. 486.  
Charter. Tom. IX. pag. 144.

(†) Hippocrat. Epidem. 2.

maxime, quae angina laborat cum multa febre, secta vena faucium; suffocatio cessavit puidem, febris perseveravit, & ad quintum diem sinistram genu tumor & dolor occupavit; simulque circa cordis regionem aliquid coacervari sensit aegra, & strepius in pectore audiebatur [2]. Aliae anginae mulieri dextra manus & crus doluit; suffocatio vero tertio die remissa (a). Phrenitidem mortiferam ex angina fieri per malam metastasin §. 774. vidimus. In vegeta Romana puella, inflammatoria pessima angina correpta, observavi tertio die morbi depletionem, quae ob immanem dolorem penitus impedita fuerat; subito liberrimam redditam fuisse; sed intolerabilis dolor urumque hypochondrium, imprimis vero dextrum, occupaverat: unde non tantum respiratio impediabatur, verum etiam a levissimo corporis motu in lecto convellebatur fere prae doloris acerbitate; mansitque ille dolor in hypochondriis ad mortem usque, quae quinta die morbi contigit. In quinquagenaria muliere, simili morbo laborante, quinta die dolor faucium evanuit; sed illico successit in sinistro capitis latere dolor cum molesti ardoris sensu, qui deinde sexta die per totum caput dispergebatur, ita ut erecta sedere in lecto debuerit misera haec aegra, cum pulvinaris, cui incumbabat, pressionem fere non posset; periit die septima. Per totum corpus maculas rubras dispersas vidi cum levamine anginae quidem, sed exitu tamen anticipiti; quidam enim sic affecti evaserunt, perierunt alii.

i. Omnium autem frequentissime in his anginae speciebus observantur illa metastasis, per quam morbus in pulmonem vertitur, uti optime notavit Hippocrates [b] dicens: *At si, faucibus, & tumoribus sedatis, in pulmonem morbus versus fuerit, confestim febres & lateris dolor insuper corripis; & ubi hoc contigerit plerumque moritur. Quod si dies quinque effugeris, purulentus evadit, nisi ipsum tu sis illico corripueris. Si vero corripueris, excreato, & repurgato sputo convalescit.* Huc etiam spectat & sequens Aphorismus (c); *Qui anginam effugiunt, illis in pulmonem vertitur, & intra septem dies intereunt; si vero hoc effugeris, suppurati sunt;* si nempe per sputa non educatur transalata in pectus morbi materies; uti alio in loco eandem prognosin tradens Hippocrates monuit [d]. Inde etiam intelligitur, quare alibi (e) dixerit: *In anginis, qui non brevi concolta expuunt, perniciose habent.* Verissima esse haec axiomata practica vidi saepius, dum subito evanescente dolore faucium stertor in pectore oriebatur, comitante quandoque dolore punctorio lateris respirationem impediens, quandoque non. Plurimi perierunt ex illis, quos traxavi, tertio, quarto, vel quinto die, licet adhibitis subito efficacissimis remediis; pauci admodum evaserunt, & non nisi cum multa molestia.

Quamvis ergo in angina inflammatoria, quae pulmonalem fistulam, vel laryn-

- (2) Ibidem Epidem. 5. text. 37. pag. 346. Epidem. 7. textu 22. pag. 366. (a) Ibid. Epidem. 5. in fine pag. 352. Epidem. 7. textu 22. pag. 362. (b) De morbis Lib. II. cap. 9. Chirurg. Tom. VII. pag. 561. (c) Aphor. 10. Sect. V. Charter. Tom. IX. pag. 200. (d) Coac. Praenot. N. 367. Charter. Tom. VIII. pag. 872. (e) Ibid. N. 372.

laryngem obfidet, omnis metastasis bona videri posset, cum nullus fere locus periculosus occupari inflammatione posset, ob imminentis nempe strangulationis metum; tamen ex dictis patet, plurimas tales metastases fatalem potius removere morbi terminum utcumque, quam felicem promittere eventum. Minus hoc miramur, dum in pulmonem, vel cerebrum vertitur morbus, sed ad diffusa etiam loca factam metastasin periculosam tamen toties esse non tam facile quis crederet, nisi fidelissimae observationes illud evincerent, quae antea recensitae fuerunt. Omnia haec monuit in *Coacis Praenotionibus Hippocrates* (f), dum & anginosos in lingua tumores, absque signis (aditus) disparentes, & ad caput transeuntes dolores, vel ad pectus, hypochondria, crura, damnavit.

Haec autem fuit Veterum Medicorum sapientia, ut sollicita observatione inquirerent, quanam mutationes morborum salutares essent, quanam vero perniciosae. Priores omni modo tentabant promovere; posteriores autem vitabant, & praecavebant, quantum per artem cognitam licebat. Observaverat Hippocrates (g), funestissimas esse anginas, quae nec in faucibus, nec in cervice quidquam conspicuum exhiberent; illas vero, quae in faucibus tumores, & rubores excitabant, esse quidem admodum exitiales, sed prioribus tamen diuturniores; omniū minime funestas esse anginas, quas in cervice rubor comitabatur; & maxime evadere aegros, si & cervice, & pectus ruborem haberent, neque intro recurreret erysipelas; & praecipuam felicitas horum morborum exitus spes in eo poni, ut tumor, & rubor quam maxime foras verterentur; e contra vero lethale esse, si natum in collo, vel pectore erysipelas introverteretur: quod noscebatur, si disparentē rubore pectus gravaretur, & difficilius spiraret aeger. Ideo in cura hujus morbi curbitas cervici applicuit, & collo; spongiis aqua calida plenis fovit haec loca (h), vel & cerato textit (i), ut huc versus eliceret morbi materiam. Aretaeus (K) autem & sequentia habet maxime notanda: Bonum quoque est, si in pectore magnus tumor oriatur, aut insigne erysipelas. Egregius vero Medicus, aut cucurbitula in pectus malum detrahbat, aut sinapi ossibus pectoris aut partibus juxta maxillas imponens, extrinsecus ulcerat, & diffusionem molitur. Quibusdam sane brevi tempore vitium his auxiliis exterius tractum fuit. Similia & Celsus (l) laudat dicens: Cucurbitula quoque recte sub mento, & circa fauces admo- vetur; ut id, quod strangulat, evocet. Opus est deinde fomentis humidis, nam sicca spiritum elidunt. Ergo admoveere spongiās oportet: quae melius in calidam oleum, quam in calidam aquam subinde dimituntur. Efficacissimumque est hic quoque, salem calidis cum facellis superponere. Alibi autem [m] de fo- mentis calidis agens describit modum, quo ex sale fomentum parari vole- bat; sicca enim fomenta in hoc casu damnavit. Sacco nempe lineo exci- piebat

(f) N. 370. 372. 373. 374. 375. Charter. Tom. VIII. pag. 878. 873. (g) In Pro-

gnosticis Charter. Tom. VII. pag. 673. &c. Coac. Praenot. N. 363. 364. 365. 366. ibid. pag. 873. (h) De Morbis Lib. II. cap. 9. Charter. Tom. VII. pag. 360. 361.

(i) De Vista in morbis acutis Charter. Tom. XI. pag. 136.

(K) De causis & signis morbor. acut. Lib. I. cap. 7. pag. 6. (l) Lib. IV. cap. 7. pag. 196. (m) Lib. II. cap. 17. pag. 95.

piebat salem, deinde in aquam bene calidam demittebat, tuncque fovendo loco applicabat. vel ferramenta duo ignita alternatim demittebat in siccum salem, dein aqua leviter adaspergebat, sicque efficiebat, ut exiret salus & calidus succus, hac spe, ut digereret id, quod vel praecordia oerant, vel fauces strangulat, vel in aliquo membro nocet (11). Si cataplasmati ex emollientibus herbis parato misceantur sinapi contrita semina, raphani rusticani radix recentior in scobem rasa, ranunculi praetensis contrita folia, vel similia; habetur optimum ad hanc indicationem remedium, quod fovendo, & laxando externas colli & pectoris partes, simulque irritando easdem acerbis stimulis efficit, ut fortunata in his morbis metastasis versus exteriora fiat.

§. 810. **A**T species (803.), raro tam periculosa ac (801. 802.) eadem remedia (809.), sed leviora, petit. Hic autem inprimis cataplasmata anodyna, laxantia, emollientia externa necessaria.

Quando §. 803. de hac specie anginae inflammatoriae agebatur, notatum fuit, illam quidem non tam periculosam esse, ac aliae, quae laryngem, vel pulmonalem fistulam obsident; cum sola hic deglutitio laesa sit, respiratione satis libera manente. Interim tamen tunc monitum fuit, non carere periculo & hanc anginam, quia adeo prona observatur in malam metastasin, qua morbus in pulmonem vertitur; unde patet, non perfunctorie tractandum esse hunc morbum. Eadem autem hic remedia requiri ad resolvendam inflammationem, satis patet. Cum autem non adeo anceps imminet subitae strangulationis periculum, ac in praecedentibus anginis, non tam validae, nec tam subitae evacuationes per venae sectionem, & purgantia requiruntur. Viſcus tamen tenuis & lenissimus, & similis potus, requiritur; uti & nitrosa atque subacida illa medicamenta, quae antea laudata fuerunt. Cum autem tam facile metastasin faciat hic morbus, proderunt cataplasmata emollientissima toti collo & cervici obvoluta, ut huc versus alliciatur morbi materies, sicque impediatur ejus in pulmonem transitus: unde etiam & his cataplasmatibus possunt admisceri talia, quae irritant loca, quibus applicantur. Simul etiam haec emollientia ad resolvendam inflammationem multum boni praestant, uti in cura inflammationis §. 398. 3. dictum fuit. Formula talis cataplasmatum in Materia Medica ad hunc numerum habetur.

§. 811. **D**Um denique angina (804. 805. 806.) adhuc inflammatoria, infestat; tum eadem remedia (809. 810.) requiruntur unita, sed addendae perpetuae humectationes oris, & saucium, per lenissima attenuantia nitrosa, diluentia aquosa calida, laxantia pin-

(11) Ibid. pag. 56.

pinguia, quae ore quieto contineri, leniter gargarizando applicari, fistula injici possunt: requiritur continua opera, ne arescant partes.

Ubi autem sola pharynx, vel tonsillae, uvula, velum pendulum &c. inflammantur, sub conspectum cadunt partis affectae, minusque periculosae solent esse tales anginae, uti antea dictum fuit. Eadem quidem curatio requiritur, ac in praecedentibus, sed & pariter leviora tantum remedia postulat, cum minus discrimen adsit. Venae sectione praemissa, purgans antiphlogisticum datur; atque haec repetuntur vel non, prout morbi aucti vel minuti conditio postulat. Verum in prioribus anginae speciebus humectantia remedia directe ad partes affectas venire non poterant fere, nisi vaporis forma tantum; adeoque pinguium & emollientium & resolventium efficacia in his nulla fere erat: in hoc autem casu partibus affectis satis commode haec applicari possunt. Decocta ergo ex althaea, malva, lini seminibus, & similibus emollientibus parata, additis nitro, aceto, sale polychresto &c. tali quantitate, ut non nimis irriterent suo stimulo partes inflammatae, uti dum v. g. in singulis libris decocti salis drachma una nitri solvisur: infusa florum lambuci, rhoeados, meliloti &c., addito melle vel syrupo althaeae Fernelii, pulcherrimi hic usus sunt. Omnia haec autem calida debent esse, cum frigida actu, contrahendo vasa, tantopere hic noceant: sufficitque, ut ore contineantur quieto, vel levi tantum faucium motu gargarizando applicentur. Crudele enim est & noxium quam maxime, dum chirurgi cogunt miseros aegros, ut fortiter gargarisent perpetuo; sic enim ruditer agiuntur partes inflammatae, unde potius gangraena, quam blanda resolutio expectanda foret. Ideo etiam monuit *Sydenhamus* (\*), gargarisma molissimum ex albuminibus ovorum, aquis stillatitiis plantaginis; rolarum, & spermatis ranarum, & saccharo paratum, non vulgari modo usurpandum esse, [fortiter nempe gargarizando], sed absque ulla agitatione ore continendum esse, donec incalescat; deinde exspuendum, & repetendum subinde. Videtur autem parvam quantitatem simul hujus remedii dedisse non calefacti, ut mollestum in faucibus ardorem temperaret: neque hoc adeo noceret, cum tepescat liquidi parca copia statim, dum ore continetur. Tutior tamen similitudinem usus videtur, si leviter saltem tepescata adhibeantur, inprimis hyemali tempestate. Ubi autem adeo intumuerunt partes, tantumque, & tam continuum est tenacis pituitae stillicidium (vide §. 805.), ut ore clauso haec continere nequeant aegri, per siphonem continuo haec injici debent, ut caveatur partium inflammationum exsiccatio & ariditas, & quantum fieri possit, omnia maneant perspirabilia. Probatum enim fuit alia occasione in Commentariis §. 422. §., prohibitam perspirationem facere, ut phlegmone in gangraenam mutetur. Vidit *Celeberrimus Boerhaavius* in homine, cui tonsillae, & uvula inflammatae adeo tumebant, ut jamjam suffocandos videretur, assidua injectione per fistulam decocti emolliatissimi noctes diesque fa-

stium

(\*) Sect. VI. cap. 7. pag. 358.

tum fuisse, ut morborum tolerare potuerit aeger, donec rupto abscessu ex ipsis orci faucibus evaderet. Cataplasmata ex emollientissimis parata collo applicantur, quia laxatis his partibus extrorsum tumere possunt inflammatae tonsillae, sicque minuitur faucium angustia. Formulae talis cataplasmatibus, uti & gargarismi, in materia Medica, ad hunc, & ad praecedentem numerum habentur.

Verum omnia haec artis molimina tunc tantum adhibentur, quando valida inflammatio has partes occupat; & inprimis, si satis intensa simul febris adsit. Quandoque enim contingit, levem catarrhofam inflammationem has partes obfidere absque multo tumore, & levi tantum asperitatis sensu: tunc solis diluentibus nitrosis cum emollientibus datis curari facile solet, absque sanguinis etiam missione vel purgantibus.

Est & anginae species, palatum, uvulam, tonsillas occupans, quam frequenter observavi; quae facile curari plerumque solet, licet satis acriter saepe doleant partes. Inprimis in scorbuto laborantibus observatur, quandoque etiam epidemicorum more plurimos homines occupat, verno praecipue tempore, humidoque, & calido aere. Levis febris praecedat, sed post aliquot horas evanida; tuncque dolent fauces hoc, illove loco, & illas inspicienti apparet macula alba, cujus contigui limites rubent admodum, & pessime dolent; caeterum non adeo intumescunt partes affectae. Si negligatur hoc malum, proserpunt hae maculae, halitus putridus ore exit, & eroduntur satis saepe profunde partes affectae. Spiritus sulphuris per campanam multa dilutus aqua, addito rob sambuci, & nitro, curat felicissime tales anginas, si saepius de die ore continetur. Si jam putridum halitus exspirent aegri, & profundis erodi inceperint partes, spiritus salis marini guttae triginta, vel quadraginta, unciae uni mellis rosarum mistae, dant remedium, quod illinitum illico sistit serpens malum: prodest tunc, si semper vivi majoris succus cum melle, vel syrupo akhaeae mistus ore contineatur; postquam spiritus salis marini applicatus fuerit, sic enim dolor lenitur pulcherrime. Augetur jam, vel minuitur spiritus salis marini quantitas pro vario natae putredinis gradu, uti alia occasione dictum fuit §. 432. apud Astrucum (p), ubi de tonsillarum ulceribus agit, talis morbus describitur. Quaedam enim ex his ulceribus mitia dixit & innocua, alia vero pestifera erant lata, cava, pinguis, quodam humore albo concreto, aut livido, aut nigro sordentia. Id genus ulcera admodum nuncupantur. Quod si concreta illa sordes altius descendat, affectus ille eschara & est, & vocatur. In ambitu vero escharae valida rubedo fit, & inflammatio, & venarum dolor, quemadmodum in carbunculo. Pergit deinde enumerare tenerrima mala, quae haec ulcera sequi solent, quando proserpunt, quae ad amissum talia sunt, qualia in Commentariis §. 432. dicta fuerunt. Ad curationem autem horum ulcerum (q) commendat talia medicamenta, quae igni similia, depascentia haec ulcera coercerent, & crustas decidere facerent. Crustis autem deciduis, lacte cum amylo,

(p) De causis & signis morb. acut. Lib. I. cap. 9. pag. 7.

(q) De curatione Morbor. acut. Lib. I. cap. 9. pag. 87.

amylo, pitifanae succo, lini semine &c. mollire, & madefacere jussit. Unde patet, similem curationem, ac descripta fuit, huic morbo adhibitam fuisse a Medicis antiquis. Quamvis autem gangraenosa erosio pessima tales anginas sequi posset, in initio tamen morbi nunquam me fecellit dicta curandi methodus; imo & semper profuit, licet ad magnam etiam malignitatem pervenisset malum. Notanda autem quam maxime est haec anginae species, quia vidi aliquoties errasse quosdam, dum suppurationem jam factam credebant, maculam talem albam pro apice jamjam rumpendi Apoplestomatis habentes, inprimis si in initio morbi non adfuissent, vel non vidissent, maculas tales jam a principio adfuisse. Facilis tamen est distinctio, cum apostema hic natum longe magis tumeat, & non nisi adultiore jam morbo maturum sit.

Quae autem apud vulgum invaluit opinio, hirundinum nidos specificum esse ad omnes anginas remedium, dum in aqua decocti, & calentes collo applicantur, & illorum decocto fauces perluuntur frequenter, facile tolerari potest; modo efficaciora remedia interea non negligantur, dum ab his solis periculosa anginae curatio expectaretur. Satis autem antiqua videtur fuisse haec opinio, vel saltem similis. *Celsus* enim [r] testatur. quod vulgo audiverit, angina toto anno non periclitari, qui hirundinis pullum comedisset; imo & pulli hirundinis cum sale combusto carbonem, multa dilutum, prodesse. Quamvis autem huic remedio multum fidei non adhibuerit; Id, cum idoneos auctores ex populo habeat, neque habere quidquam periculi possit, quamvis in monumentis medicorum non legerit, tamen huic operi suo inferendum credidit.

§. 812. **S**I omnibus his non fero, vel frustra tentatis (§. 809. §. 10. §. 11.), morbus sit maxime recens, & stragulans a causa superioriori, quam erit locus sectionis, cum symptomatibus pessimis (§. 7.) nec tamen adhuc gangraenosis, statim post acerbam prognosin instituenda erit *βρογχοτομή*.

In illis anginae speciebus [§. 801. 802.], ubi inflammatio asperam arteriam, vel laryngem occupabat, moriebantur aegri, quia impediabatur aeris in pulmonem ingressus: inde enim accumulabatur sanguis in pulmone, & venosi sanguinis reditus a capite impediabatur, uti tunc pluribus dictum fuit. Si ergo poterit parari via aeri pulmonem ingressuro, lumen in his morbis periculum tollitur, & datur tempus ad curandam inflammationem has partes occupantem. Tentatur hoc primo valida missione sanguinis, alvi subductione, & reliquis auxiliis, de quibus §. 809. dictum fuit; ut nempe inflammationum partium tumor subito concidat, sicque tollantur, vel minuantur saltem multum impedimenta, quae libero aeris ingressui in pulmonem obstabant. Ubi vero haec remedia non adhibita fuerunt, vel tunc tantum, quando nimis invaluerat morbus; vel denique, si omnibus his tentatis non

*Tom: II. Pars II.*

(r) Lib. IV. cap. 4. pag. 197.

*minuantur*



minuantur symptomata, nihil superest, quam ut certae morti tradatur aeger, vel per artem paretur aeri in pulmonem via. Cum autem per solam fistulam pulmonalem aer in pulmone venire possit, patet illud obtineri non posse, nisi ejus apertura fiat. Vocatur haec operatio hinc *σπυροτομή*. Verum ut illa cum fructu institui possit, requiritur, ut tumor inflammatorius circa laryngem haereat, vel in asperae arteriae parte superiori, ut nempe infra locum affectum sectio possit fieri, ut satis patet. Cognoscimus autem, ubi haereat malum, ex sensu aegri; & licet aliquid circa hanc rem dubii maneret, praestaret tamen in certo lethali angina anceps remedium experiri, quam nullum. Ut autem cum spe fausti eventus sectio asperae arteriae fiat, requiritur, ut morbus recens sit: ubi enim diu duravit, metus est, ne immeabili sanguine pulmonalis arteria infarcta jam sit, adeoque, facta licet via aeri pulmonem ingressuro, insneret tamen lethalis peripneumonia. Dum enim, pulmone non explicato satis ob defectum aeris inspirari, augmentur resistentiae cordi dextro, tenuissima pars sanguinis ex arteriae pulmonalis finibus transprimitur in venss, crassior pars magis magisque accumulatur, & compingitur, & in ultimis angustiiis arteriosis haeret non resolvable amplius, si diutius duraverit morbus. Novimus autem tale malum adesse, si pulsus mollis, debilis, intermittens sit, & extrema corporis frigescant; tuncque non adhibenda facile est asperae arteriae sectio: quamvis enim illa mortem nequitiam acceleraret, tamen imputaretur ab ignaris, & malevolis aegri exitium huic operationi, licet minime periculosa, si periti Chirurgi manu perficeretur. Ob eandem rationem hac operatione abstinendum est, dum symptomata docent, gangraenam jam validae inflammationi successisse; nullam enim tale malum medelam capit, uti §. 816. dicitur.

Interim tamen praestat, nunquam hanc operationem tentare, nisi in consilium prius vocatis aliis Medicis, qui testes esse possint, nullam salutis spem superesse, nisi hoc tentetur; neque tamen certo sanitatem promitti posse, licet hoc fiat. Quod imprimis ideo monendum, quia in pessimis illis anginae speciebus toxice observatum fuit, morbum summo cum periculo in pulmonem verti.

Bronchoromes mentio, quantum memini, apud Hippocratem non habetur, licet aliquid illum molitum fuisse in tali angina constet, ut aer libere in pulmonem venire posset. In periculosissima enim angina, dum prae suffocatione aegris, velut strangulatis, oculi prominere, illique jam viderent, & audirent obtusius, neque intelligerent amplius, quid dicerent, vel facerent, iussit, fistulas in fauces ad maxillas intrudendas esse, quo spiritus in pulmonem trahatur (§). Dum Aesclepiadis methodum, qua curabat anginosos, enarrat Caelius Avelianus (1), notat, quod approbaveris a veteribus probatam arteriae divisionem, ob respirationem faciendam, quam Laryngotomiam vocant. Verum damnavit omnino hanc operationem Avelianus (u) dicens: Est etiam sabulosa arteriae ob respirationem divisura, quam laryngotomiam vocant,

(§) Hippocrat. de Morbis Lib. III. cap. 10. Charter. Tom. VII. pag. 586.

(1) Acutor. morbor. Lib. III. cap. 4. pag. 193.

(u) Ibid. pag. 193.

vocant, & quae a nullo sit antiquorum tradita, sed caduca atque temeraria Aesclepiadis inventionem affirmata: cui, ne nunc occurrentes, latius respondere videamur, aut tantum scelus angusta oratione damnemus, libris, quas de adjutoris sumus scripturi, respondebimus. Damnavit pariter bronchotomen Aretaeus (w); qui tamen simul indicat, illam tentatam fuisse: sic enim habet: At quicumque, strangulationem ab angina verentes, arteriam secuerunt ad inspirationem, non sane experimento rem comprobasse videntur. Quippe caliditas major inflammationis ex vulnere efficitur, & strangulatum adauget, & suffocant. Quin etiam si aliqui illud periculum evaserint, vulneris labia coalescere nequeunt. Ambo enim (sunt) cartilaginea, & non unienda inter se. Quasnam ob rationes Aurelianus pro scelere damnaverit laryngotomiam, ignoramus, cum careamus illis libris, in quibus de hac re se acturum promiserat. Illa autem, quae memorat Aretaeus, talia sunt, quae facile refutari possunt. Si enim sectio haec in tali parte asperae arteriae, ut inferior sit loco inflammato, nullum periculum est, inflammationem a vulnere auctam iri. Praeterea licet in loco fere contiguo sectio fieret, cum non statim inflammantur labia vulneris, sed circa tertium ab inflicto vulnere diem hoc contingat plerumque (vide Commentaria §. 158. 5.), hoc saltem tempus lucraremur, quod in tam praecipiti morbo curam est, cum incerea efficacissimis remediis inflammationis praesentis cura tentari posset, & caveri, quae futura metuitur. Frustra autem metuebat Aretaeus, sectae arteriae labia uniri nunquam posse, cum ambo cartilaginea essent; nam sequenti paragrapho, ubi de hac operatione rite instituenda agetur, patebit, vulnus infligi inter binos annulos cartilagineos asperae arteriae, absque illorum lachione. Imo licet dividerentur tali vulnere ipsi illi annuli cartilaginei, tamen iterum sibi mutuo accrescere possunt, uti certissimis observatis constat; de qua re videantur illa, quae in vulnere historia ad §. 170. 4. habentur. In tam numerosis enim casibus, ubi violentas sibi manus inferentes homines, vel a latronibus confossi, dissecissam habuerunt asperam arteriam, & perfectissime sanati postea fuerunt, absque dubio annuli illi cartilaginei saepius dissecti sunt. Quin imo certissimis observationibus constat, dissectas cartilagineas iterum simul uniri, & consolidari posse, quarum collectio habetur in *Commentariis Academiae Regiae chirurgicae* [x]. Adeoque constat recentiorum experimentis errasse Veteres Medicos, dum statuerent, neque os, neque cartilagineum, si resecta fuerint, augeri, vel coalescere posse; de quibus videantur illa, quae in *Commentariis* §. 343. habentur.

Cum ergo ex haecenus dictis constet, asperam arteriam absque vitae periculo discindi posse, vulnusque factum postea consolidari, sequitur, ut videamus, quonam observanda sint, dum instituitur haec operatio.

(w) De Curatione Morb. Acut. Lib. I. cap. 7. pag. 88.

(x) Mémoires de l'Académie Royale de Chirurgie Tom. I. pag. 576. &c.

§. 813. **Q**Uae fiet, praeparato corpore aegri, in aspera arteria infra laryngis inferiora ad pollicis distantiam; discissa cute, & integumentis; amotis musculis, secto interstitio inter annulos arteriae asperae; imposito canaliculo argenteo; dein ablata causa, quae exegerat hanc operam vulnus percurando; interim clysmata nutrientia applicando, si deglutitio impossibilis.

Inter Veteres Medicos *Aegineta* (y) hanc operationem tradidit, prout *Antyllus* illam descripsit. Voluit autem, reclinato aegri capite, ut aspera arteria magis promineat, sub capite asperae arteriae, trium, quatorve circulo- rum cartilaginorum distantia a laryngis extremo, sectionem transversam fieri debere, ita ut non cartilago, sed membrana cartilaginea necens inter se; discinderetur: si vero meticulousior quis fuerit in hac operatione instituenda, jubet, ut hamulo elevatam prius cutim dividat, deinde asperam arteriam incidat, vitatis, si forte occurrant, vasis. Vulnus autem penetrasse in cavum asperae arteriae cognoscitur, ut monet, si spiritus per vulnus cum murmure erumpat, & vox aegro pereat. Patet autem, tali modo instituta operatione, musculos sternohyoides, & sternothyroides discindi debere, quod tamen alii vitandum voluerunt. Unde monuit *Aquapendens* [z], ut discissa cute, & pinguedine, musculi prius separentur, ut absque illorum laesione aspera arteria pertundi possit. Verum cum nunquam se hanc chirurgiam administrasse fateatur (a), melius illa, quae circa hanc rem notanda sunt, ex recentioribus Chirurgis haberi poterunt; inprimis ex illis, qui hanc operationem ipsi instituerunt cum successu.

Cum autem haec operatio nunquam institui soleat, nisi in urgenti maxime necessitate, & fere semper prius sanguinis missiones, aliaque remedia adhibita fuerint, non opus erit multa praeparatione ante operationem ipsam, cum illa sufficiant ad praecavendam inflammationem validam, quae infectum asperae arteriae vulnus sequi posset, & periculum ingens in mora sit.

Locus autem, ubi sectio fiet, seligitur ille, qui pollicis latitudine ab infimo margine cartilaginis thyroideae distat: sic viratur glandulae thyroideae laesio, quantum fieri poterit, licet tamen ejus extremum saepius tam profunde locetur, ut discindi debeat, antequam nuda appareat aspera arteria. Elevata tunc ab utroque latere asperae arteriae integumenta cultello ancipiti discinduntur ad trium, quatorve digitorum transversorum longitudinem, sic ut angulus superior sectionis directe respondeat medio loco inferioris maxillae; inferior vero sectionis angulus e directo jaceat cum emarginatione summmitatis ossis sterni. Separatis tunc eodem cultello musculis, & discissa parte inferiori glandulae thyroideae, nudatur aspera arteria, atque interstitium membranaceum inter tertium, & quartum anulum cartilagineum perturditur

lan.

(y) Lib. VI. cap. 33. pag. 85.

(z) De Chirurgicis operationibus cap. 44. pag. 481. &c.

(a) Ibidem pag. 477.

lanceola [b]. Tali methodo usus fuisse videtur *Georgius Martinus* (c) in juvene, & quidem optimo cum successu. Notat enim, quod ipso operationis tempore, antequam adhuc pertusa esset aspera arteria, aliquid levaminis perceperit aeger, crediditque illud factum fuisse ob haemorrhagiam, quae in loco vicino dissectis valis facta notabilem a parte affecta revulsionem faciebat. Unde videtur patere, quod non simul, & semel acuto instrumento pertuderit omnia, sed dissectis prius integumentis nudaverit asperam arteriam, similiter & hanc operationem descripsit *Heisterus* (d), qui tamen credidit, perinde esse, siue locus medius inter binos annulos cartilagineos discinderetur, siue simul divideretur unus annulus, ut postea tubus commodius per factum vulnus immitti posset. Viderat enim alio in casu absque noxa plures annulos cartilagineos asperae arteriae discissos fuisse in viro, cui boleti coeli frustum in asperam arteriam delapsum, & suffocationem minitans, tali sectione extraxerat.

Simpliciore methodum laudaverunt alii, dum nempe interstitium tertii, & quarti annuli asperae arteriae pertectando indice quaeritur, locusque inventus ungue digiti indicis, notatur, statimque lanceola locus pertunditur in cavum asperae arteriae usque, tuncque ad utrumque latus prudenter ducta lanceola vulneris facti magnitudo augetur. Hoc modo institutam fuisse Bronchotomen legitur (e).

Cum autem necessarium sit, ut apertura haec facta maneat, donec auferatur causa, quae bronchotomen exegerat; ideo introducitur tubulus ex argento, vel plumbo, factus, utrimque anhis instructus, quibus firmari in loco possit. Unde monuerunt Auctores, ut, antequam educatur lanceola, stylus vulnere immittatur, secundum cujus ductum deinde tubulus introduci posset. Ob hanc causam & alia methodus bronchotomen instituendi describitur [f]. Stylus nempe acutus chalybeus triquet, tubo argenteo cavo comprehensus *Trocar*, uno ictu per asperam arteriam adigitur in ejus cavum, & deinde educto stylo tubus argenteus in vulnere relinquitur: sic una, & eadem opera, & apertura asperae arteriae, & tubi introductio fieret. Verum cum stylus ille satis crassus, & brevis esse debeat, non tam facile hoc instrumentum trantadigi poterit per asperam arteriam, saltem non nisi magna vi adhibita, inprimis cum aspera arteria mobilis vacillet facile. Tentavi aliquoties in cadavere, & in vivis animalibus hanc methodum, sed videbatur mihi admodum difficilis, & non carere periculo, ne quandoque valida vi adactum instrumentum deviarer. Unde crederem, priorem methodum, licet magis operosam, praefendam esse.

Notaverunt Auctores, qui de bronchotome scripserunt, tubum, qui per vulnus factum immittitur, satis brevem debere esse, ne oppositum arteriae asperae latus tangendo molestem exciter tussim: unde dimidii pollicis longitudinem

[b] Garengot *Traité des Operations de Chirurgie* Tom. II. chapit. 31. pag. 491. 492.

[c] *Philosophical Translations* N. 416. p. 448. *Abridgement*. Vol. 7. c. 4. p. 496. &c.

[d] *Instit. Chirurg. Part. II. Sect. III. cap. 99. pag. 721.*

[e] Garengot, *Traité des Operations de Chirurgie* Tom. II. pag. 491.

[f] *Heister. Institut. Chirurg. Part. II. Sect. III. cap. 99. pag. 722.*

rudinem huic instrumento dedit *Garenges* [g]; voluitque, ut extremi tubuli diameter lineam aequet; alterum vero extremum, quod aerem externum admittit, latius sit, & duas lineas cum dimidia aequet suo diametro. Figuram autem parum compressam voluit, ut melius se accommodare possit anulorum cartilagineorum interstitio. Ex argento tubulum hunc paravis; plumbum enim satis flexile cum sit, figuram suam mutaret. Interim tamen praestaret variae longitudinis tubulos habere, cum quandoque & major requiratur tubus, dum saepe partes diffusae, tumentes postea, facerent, ut non sufficerent, brevior tubus. Expertus hoc fuit *Martinus* [h], soluitque tubum plumbeum, quem paraverat, nimis brevem esse, cum pollicis longitudinem excedere debuisset in aegro, cui bronchotome facta fuerat: unde coactus fuit adhibere canulam argenteam, qua utuntur chirurgi, ut in asciticis aegras ex cavo abdominis educant; quam, cum nimis longa esset, splenis crasso, in medio perforato, firmare debuit, ne nimis profunde adigeretur.

Solliciti pariter fuerunt plerique hujus operationis descriptores, ut caverent, ne una cum aere pulvisculi in illo volitantes patulum tubi orificium intrarent libere; hinc gossypio, linteo carpto, spongia &c. tegi voluerunt extorsum patens tubuli orificium. *Martinus* (i) tamen usu didicit, nullum notabilem inde noxam aegro accidere, licet non tegeretur tubuli orificium, quamvis etiam in domo non adeo nitida decumberet aeger. Si tamen inde quid metueretur, posset hoc facile evitari, si collo circumduceretur laxae rarum linteum, splenis ita in vicinia tubuli dispositis, ut illud quidem tegeret tubi orificium, non tangeret. Expediet tamen, ut aer parum calidior sit in loco, quo decumbit aeger, cum frigore suo nocere plus posset, quam dum communi respirationis via in pulmonem trahitur, semper in transitu per os, vel nares calefescens utcumque.

Majus incommodum inveniebatur, dum mucosi humoris copia per tubi orificium effluens, ejusque lateribus adhaerens, sensim inspissata angustabat tubi cavum, liberamque aeri ingressu viam impendebat; unde cogebatur *Martinus* [k] tubum educere, & mundare. (Multum quidem hoc cavari potest, dum alterum tubi extremum multo latius liberum humoribus exitum permittit: interim tamen non incongruum videtur, uti monuit celeberrimus Auctor, si duplex foret tubulus in asperam arteriam dimissus, quorum major alterum minorem exciperet. Cresceret quidem illius instrumenti moles; verum, uti vidimus, non timuit *Heisterus* anulum cartilagineum discindere in hac operatione, imo & plures annulos, ut heterogeneous corpus in aspera arteria haerens educeret; adeoque videtur tuto satis fieri posse majori apertura, quae crassius instrumentum facile cisperet. Hoc enim commodi a duplici tali tubo haberetur, quod interior eximi posset, & mundari, dum exterior, & major interim in vulnere maneret.)

Modo dictis multum ponderis addit sequens casus, qui docet, quantum possit

(g) *Traité des Instrumens de Chirurgie* Tom. II. Chapit. 11. Art. 1. pag. 498.

(h) *Abridgement* Tom. VII. pag. 499.

(i) *Ibid.* pag. 500. (k) *Ibid.* pag. 499.

possit in desperatis etiam casibus felix exercitati Chirurghi audacia. Miles viginti tres annos natus correptus fuerat angina inflammatoria, laryngem, & pharyngem obducente. Tanta autem erat morbi velocitas, ut secundo die facies livesceret, oculi rubri protuberarent, vox acuta esset, & prae intolerabili angustia sibi ipsi fauces manibus dilacerasset miser aeger. In manu, & pede simul aperta vena fuit; & cum immitteret suffocatio, illico ad bronchotomen devenit. Cum autem & collum sumeret, non videbatur sufficere, si lanceola tantum pertunderetur trachea: unde statim diffectis longitudinaliter integumentis, & separatis muscularis, medio inter binos annulos cartilagineos loco aperta fuit aspera arteria. Verum sanguis ex vasis discissis in asperam arteriam decidebat, tantamque excitabat tussim, ut cannula in vulnus introducta nullo modo retineri in situ potuerit, quamvis saepius reponeretur. Dum haec agebantur, respiratio fere suffocabatur, cum musculi partes affectae adeo agitantur convulsivis motibus, ut apertura asperae arteriae raro responderet integumentorum vulneri. Periculum augebas sanguis pergens in cavum asperae arteriae defluere. Intrepidus Chirurgus quaevis tentanda potius conclusit, quam in tanta calamitate aegrum derelinquere, atque asperam arteriam secundum longitudinem discidit ad sextum annulum cartilagineum usque. Hoc facto, mox melius respiravit aeger, pulsusque, qui antea vix percipi poterat, infurgebat statim. Capite antrosum inclinato sic disposuit aegrum, ut sanguis amplius in asperam arteriam delabi non posset; vulneri asperae arteriae adaptavit plumbeam laminam pluribus foraminibus pertusam, atque utrimque alatam, ut sustineri marginibus vulneris posset, ne descenderet in asperam arteriam: idonea dein ligatura haec omnia firmavit, ut liber aeris accessus in pulmonem per factum vulnus maneret. Brevi cessabas haemorrhagia, & sequenti die parum tantum febricitabat, facileque deglutire poterat oblata liquida. Cum adeo minuta erat inflammatio, abstulit laminam plumbeam, & adductis vulneris labiis vidit, aegrum satis facile respirare posse. Cum alia methodo non satis adduci ad se invicem poterant vulneris labia, sutura anavit, paucisque diebus tantum vulnus consolidatum fuit. Manebat tamen tussis valida, & vocis intensitas multum diminuta inveniebatur (1): quod ultimum symptoma post bronchotomen per aliquot dies mansisse notat & *Martinus* (2), qui in illo aegro, cui bronchotomen adhibuerat, ante quartum diem removit cannulam, & vulnus, longe minus quam in praecedenti casu, absque sutura facile consolidare potuit. Quamdiu autem cannula in vulnere relinqui debeat, determinatur ex respiratione restituta; si enim, apertura cannulae digito obturata, aeger inspirare possit facile, novimus subfuisse tumorem inflammatorium, adeoque tuto sanari posse vulnus.

Cum autem vulnera asperae arteriae tam facile emphysema sequi possit, (ut ad §. 306. dictum fuit) & hoc cavendum videtur idoneo apparatu, qui

f 4

facit,

(1) Memoir. de l'Academ. Royale de Chirurgie Tom. I. pag. 527. 8cc.

(2) Abstragem. Tom. VII. pag. 499.

facit, ut aer se non facile inter cannulam, & vulneris labia insinuare possit; vel si in ampliori vulnere hoc cavere nequeat, curandum tunc, ut satis libere transire possit. Non memini tamen illos, qui de bronchotomia scripserunt, emphysematis post hanc operationem nati mentionem fecisse.

Si autem simul deglutitio impossibilis fuerit, proderunt clysmata nutrientia. Vidimus anicia, catharticonum vires, & corticis Peruviani efficaciam, hac via corpori applicari posse; atque idem de plurimis aliis remediis verum esse, quotidiana fere in praxi experimenta docent; dum morosis pueris medicina fieri debet, qui saepe quaevis oblata remedia pertinacissime respuunt. Unde ex illis admodum probabile fit & nutrimenta ano injecta sic resorberi posse, & corpus alere. Facile autem patet, talia debere esse illa, quae injiciuntur, ut nulla actione viscerum chylopoieticorum indigeant, sed jam paratam in se contineant materiam, unde corpus nutrirı possit. Lac, ova, jura carniū has dotes habere, in Commentariis §. 28. demonstratum fuit: verum prae reliquis laudari solent carniū jacula; cum *Leweri* observatis constiterit, illud vix mutatum sanguinis loco per vasa fluere posse, & viam sustinere. Addi solent his aliquid nitri, vel succus citri, aut paucae gusculae spiritus salis marini, ut caveatur putredo, in quam omnia ex carne praeparata sponie vergunt. Formula talis clysmatis in Materia Medica ad hunc numerum habetur; ubi simul moneur, prius clysmate purgante eluenda esse crassa intestina, ut nutrimenta haec injecta commodè retinere possint. Cum autem *Sydenhamus* (\*) non tantum carnes, sed & parata ex his jacula, in anginosis severe prohibuerit; ex lacte diluto, lactis sero, decocto panis bene fermentati parari possent clysmata nutrientia. Probe memini, quod in juvene angina laborante, qui ne guttulam liquidi deglutire poterat, saepius de die clyσμα injiciendum curaverim ex lacte aqua diluto paratum, tali cum effectu, ut per plures dies vires sustinere potuerim, & nimiam corporis exsiccationem cavere; dum fere totum, quod sic injiceretur, venis intestinorum resorbebatur. Neque tantum venarum melaeraicarum oscula resorbere liquida in crassis intestinis haerentia, sed & vasa lactea satis copiosa per illa dispergi, observavit *Celeberrimus Schwuente* (†) in cadavere militis, cui bene pasto glans plumbea claviculam sinistram sic destruxerat cum vasis subiectis, ut ductus thoracicus non apertus manserit, sed retractus, & clausus fuerit. Invenit autem vasa lactea non tantum in tenuibus, sed & in crassis intestinis innumera, per totum illorum tractum dispersa ad rectum usque in pelvi; atque inde merito salubrem usum clysmatum nutrientium deduxit. Plura de clysmatibus nutrientibus auctorum observata collegit *Seapart vander Wielen* (‡).

Cum ergo per clysmata nutrientia vita sustineri possit, donec superetur morbi violentia, si curabilis sit angina; non opus erit tentare aliam.

me.

(\*) Sect. VI. cap. 7. pag. 359.

(†) Haematolog. cap. 1. pag. 2.

(‡) Observat. Centr. 2. N. 25. Tom. 2. pag. 104. &c.

methodum, quam Celeberrimus *Littre* [p] proposuit; ut nempe carnis iulcula parca copia simul per nares transmitterentur in oesophagum. Certe molestissimum videtur ingerere hac via sufficientem iulculorum copiam, nec periculo careret, cum in glottidem quandoque delapsa suffocationem facere possent: quod accidisse latetur candidus ille vir (q), dum tentabatur haec methodus in aegris, qui admodum debiles erant, vel oppressum habebant pectus.

Absolutis jam illis, quae ad Anginae inflammatoriae diagnosis, prognosin, & curationem pertinebant, sequitur, ut videamus varios exitus, quibus hic morbus, uti omnis inflammatio, terminari potest, nempe suppurationem, gangraenam, & scirrhum: unde iterum anginae varia denominatio accessit.

(p) *Academ. des Sciences l'Ann. 1718. Mem. pag. 177. &c.*

(q) *Ibid. pag. 388.*



ANGINA





## ANGINA SUPPURATORIA.

§. 814. **V**erum si malum jam eo processerit, ut suppuratio loci affecti jam incipiens cognoscatur, per signa (387.), erit tentanda via abscessus per artem, & remedia generalia (402. ad 412.); maxime autem molli, assiduo gargarismate, largo cataplasmate laxante; pertusione loci, sensibus deprehensi; bronchotome (812. 813.).

Omni quidem ope semper tentanda est resolutio inflammatoriae anginae. Verum quandoque accidit, ut morbi magnitudo, vel & serius adhibita medela, neglecto ab aegris in initio morbo, fecerint, ut nulla amplius resolutio expectari possit. Optimus autem exirus inflammationis, quae resolvendo curari nequit, est ille, qui suppurando fit; adeoque tunc omnia artis molimina adhibenda sunt, ut haec quam ocysime fiat, ut summus illis angustis liberentur aegri quam citissime. Quibus autem signis cognosci possit, anginam inflammatoriam in suppurationem vergere, dictum fuit ad §. 387. ubi de hac re agebatur. Sic etiam remedia generalia, ad obtinendam mutationem inflammatoriae materiae in pus, recensita fuerunt numeris hic citatis. Omnium autem maxime requiritur, ut continuo ore retineant aegri tepidum gargarisma ex seminibus lini, althaea, malva, & similibus emollientissimis remediis, paratum. Ita enim continuo fovetur partes inflammatae, nimia illorum exsiccatio praevetur, & erudum inflammatorium maturatur felicissime. Simul eadem opera optime disponitur abscessus in faucibus natus, ut antrosum rumpatur, & in oris cavum eructet collectum pus; quod tutissimum est, cum retrorsum versus fauces rupto abscessu periculum sit, ne pus in glottidis aperturam dilabatur, cum praesentaneo suffocationis periculo. Cataplasmata autem, pariter ex emollientissimis parata, non possunt quidem immediate applicari locis suppurandis, verum torum collum, & loca submaxillaria his obvolvuntur utiliter, dum sic & horum remedium effluvia mediate saltem affectis partibus applicatur, & iisdem emolliat omnes partes externae scilicet cedunt, & internis tumentibus locum faciunt. Tonsillae enim, quae frequentissimam Anginae suppuratoriae sedem exhibent, sub maxillae angulo utrimque prominent, dum tument inflammatae; adeoque parat satis, quantum usum habeant talia cataplasmata.

Monitum autem fuit ad §. 403. 3., requiri ad suppurationem promovendam debitum motum liquidi vitalis, ut nempe nec torpeat, nec exiteat nimis: simulque tunc notabatur, Medicos audacter debilitare vitalem humorum motum sanguinis missione, aliisque remediis, quandiu adhuc resolutionis spes est; ab illis vero abstinere plerumque, dum abscessus expectatur; quia ad hunc scopum conducit potius auctor parum humoris vitalis motus. In angina suppurata-

puratoria tamen quandoque cogimur ab hac methodo recedere, & aliquando repetitam etiam venae sectionem instituere, licet signa doceant, abscessum jam formari. Ratio est, quia tumor affectarum partium auctus illo tempore, dum maturatio fit, saepe comprimendo partes vicinas novam inflammationem, hic adeo periculosam, excitat; unde tunc cogimur magis exaurire corpus, ut omnia vasa insana collabantur magis, sicque impediatur metuenda saepe in hoc morbo suffocatio.

Plerumque abscessus harum partium solet rumpi in ore interno; rarius extrorsum in collo sic protuberat; ut ibi pertundi possit; quod tamen aliquando a tonsillis suppuratis factum memini. Cum enim nulla cute tegantur partes oris interni & faucium, facilius ibi via puri fit. Tempus autem maturationis in his casibus varium inveni: in quadragenaria muliere laxae temperiei vidi circa finem quintae dici, ab ipso morbi initio computando, sponte sua ruptum abscessum bonum pus sudisse: in aliis plerumque serius hoc contingit. Ubi tamen continuo soventur fauces molli gargarismate, raro vidi abscessus perfectam maturationem ultra nonum diem excurrisse.

Solent autem satis frequentes tales abscessus sponte sua rumpi: ubi tamen apparet ex signis §. 405. recensitis, maturationem factam esse, & pus exitui aptum esse, simulque mollis locus invenitur, quem & oculis lustrare possumus, & digitis attingere, convenit illico locum pertundere, ut tantis molestiis liberemus aegros. Lanceola autem pertundere tales abscessus in imis faucibus periculosum esset, cum aliae partes facile vulnerari possent, dum aegri prae angustia, dolore &c. movent se: unde jam *Hippocrates*, ut in Commentariis §. 805. dictum fuit, iussit, ut acuto ferramento ad digitum alligato pertunderetur tales abscessus. Invenierunt Chirurghi pulcherrimum instrumentum, quo tutissime hoc perfici possit. Tubo enim cavo satis longo occultatur lanceola, quae per alterum ejus extremum apertum protrudi potest: simulque pro lubitu sic firmari, ut non nisi ad unam, alteramve lineam eminere possit, prout magis minuse profunde in locum suppuratum demergere convenit lanceolam. Unitar autem lanceola elateri, qui facit, ut aperto abscessu, dum digitum prementem remouet Chirurgus, illico in tubum retrahatur lanceolae cuspis, & occultetur de novo. Sic nullum periculum est vulnerandi partes vicinas; & ad quemvis locum in faucibus conspicuum lanceolae cuspis commodè potest applicari. Instrumentum hoc *Garengeot* (r) descripsit, & delineauit (f).

Ubi vero profundius haeret abscessus in ipso oesophago, cum sensibus non pateat locus affectus, pertusio tentari nequit; sed solo usu emollientissimorum remediorum tentandum est, ut quam citissime rumpatur apostema. Quam horrenda autem mala fieri possint, antequam abscessus tali loco haerens rumpatur, docet sequens casus. Puella sanissima, septendecim annos nata, corripiebatur periculosissima angina, una cum valida febre. Cumque jamjam suffocandam credebant omnes, subito praeter omnem spem detumuerunt fauces; verum successit dolor cum ponderis grauatius sensu circa sterni summmitatem, ubi illud claviculis jungitur. Simul sensit molestiam in deglutendo, quae

(r) *Nouveau Traité des Instrumens de Chirurgie* Tom. I. pag. 317.

(f) *Ibid.* pag. 332.

quae quotidie increvit, donec tandem puram etiam aquam deglutire tentans convelleretur illico horrendum in modum, & mortuae instar jaceret. Indicabat digito aegra affectum locum, neque tamen ullus tumor examinanti Medico ibi apparebat. Conclussit tamen Medicus, materiam inflammatoriam subita metastasi oesophagum occupasse, atque tumorem fecisse, qui a deglutitis irritatus acerbissimum dolorem, & horrendas convulsiones excitaret. Mollissimo somento externae applicato, & blando vulnerario decocto potato, post triduum crepuit abscessus, & puris copia, & foetore fere suffocabatur aegra. Potata autem larga aquae calidae quantitate, & vomitu rejecta, eluebatur tota haec saburra feliciter, & liberabatur misera a tantis malis, quae per bimestre spatium toleraverat, posteaque se bene habuit [\*].

Ubi autem abscessus in faucibus natus mole sua adeo angustat haec loca, ut suffocationis metus esset ob impeditum aeris inspirandi in laryngem introitum, posset institui bronchotome. Rarius tamen in angina suppuratoria hujus operationis absoluta necessitas occurrit; cum fere omnes tales aegri etiam sine hac evadere soleant. Celebris chirurgus, qui plurimos aegros hoc morbo laborantes tractaverat, nullum tamen inde periisse vidit triginta quinque annorum spatio [†]. Neque memini, me observasse haecenus lethalem anginae suppuratoriae exitum, licet etiam summis angustiiis stipata foret. Venae sectione enim repetita, & clysmatibus purgantibus ita possumus exhaurire corpus, ut vasa omnia subsistant; sicque impetrare tales inducias, ut maturatio abscessus expectari possit.

§. 815. **I**lla autem anginae species, quae prior descripta (§. 801. 802.) raro eousque adolescere potest, sed vel prius resolvitur (§. 809.), vel necat.

Illae autem anginae species, quae numeris in textu citatis descriptae fuerunt, suppurantur nunquam, vel saltem rarissime. Cum enim vel in pulmonali fistula, vel circa laryngem haereat malum, & omnia inflammationis symptomata augeantur, dum illa in suppurationem tendit, suffocabitur aeger, antequam abscessus maturescere possit. Praeterea cum demonstratum fuerit §. 801., in tali angina sanguinis circulationem per pulmonem difficillimam fieri, adeoque Pulmonis arterias sanguine immeabili infarciri; patet satis, lethalem peripneumoniam adfuturam, antequam talis morbus eo usque adlescere possit. Interim tamen non omnino impossibile videtur, natam circa laryngem inflammationem suppurari posse; si nempe bronchotome sempestive adhibita sustulerit suffocationis periculum.

(\*) Medical Essay. Tom. I. cap. 27. pag. 274. &c.

(†) De la Moite Traité complet. de Chirurgie Tom. I. pag. 297.

## ANGINA GANGRAENOSA.

§. 816. **S**i tandem causae anginae (799.) augmentur, & in parte nobili magis (801. 802.) haerent, vel & in externis (804. 805.) saepe in gangraenam abit lethalem; id vero novimus 1. ex signis hujus generalibus (426. 427. 428. 429.) applicatis ad partes obfessas, quarumque functio laesa; 2. ex signis propriis; si tumor, ruborque prius conspicui subito, sine bona causa, disparuerint; si dolor similiter sic abiverit; fauces subito aequales, laevesque fiunt; siccae, glabrae, lividae fauces: tum nullam capit magnitudo nimis proventi mali medelam.

Quomodo inflammatio in gangraenam transeat, & quidem de causis hoc fiat, antea in Commentariis §. 388. explicatum fuit. Ubi ergo causae, quae anginam inflammatoriam produxerunt, augmentur, merito pessimus ille inflammationis exitus metuitur: dum nempe crescente subito inflammatione aboletur influxus vitalis humoris in arterias, & effluxus per venas (vide §. 419.). Cum autem dictum fuerit §. 801. & 802., in pessimis illis anginis impediri liberum sanguinis ex corde dextro per pulmones in sinistrum transitum, adeoque & tolli liberum redditum sanguinis venosi a partibus superioribus per venas jugulares, patet satis, quantus tunc gangraenae metus adsit; quod & confirmatur illis symptomatibus, quae periculosissimas anginas comitari solent, & §. 807. enumerata fuerunt: quae omnia docent, loca affecta non tantum, sed & omnes internas, & externas capitis partes turgere sanguine, vix amplius, vel saltem difficillime, per vala moto. In illis autem anginis [§. 801. 802.], quae asperam arteriam, vel laryngem obsident, suffocari solent aegri, antequam gangraenae natae indicia appareant: in reliquis vero anginae speciebus, cum non adeo praecipue strangulationis discrimen immineat, quandoque vera gangraena observatur. Quibus autem signis distingui possit tale malum, jam videbimus.

1. Signa gangraenae brevi adfuturæ, vel jam praesentis, ad numeros hic citatos recensita fuerunt; adeoque illorum cognitio inde haberi poterit. Si nempe dicta ibidem applicentur ad partes obfessas, quarum functiones per anginam inflammatoriam laesae sunt. Verum, cum duplex inprimis in omni angina diversitas appareat (vide §. 784. 801. 802.), quod nempe partium affectarum tumor &c. sub sensu cadat, vel non, hinc & gangraenosae anginae eadem erit distinctio. De illis signis, quae mutationem inflammationis in gangraenam docent in his locis, & sensibus usurpari poterunt, sequenti dicetur numero. Ubi vero in talibus locis haeretet malum, quae

quae minime sub conspectum cadunt, novimus inflammationem in gangraenam transituram esse, si vehementissima adfuerint symptomata, ut dolor summus, & febris acutissima; eademque absque diminutione per bideum, aut triduum persistierint; neque interim suffocetur aeger. Praesentem autem jam gangraenam novimus, si eadem symptomata subito sine bonis signis cessent; dolor v. g. absit, deglutitioni, vel respirationi, antea difficillimis, major redeat libertas; neque tamen ulla signa doceant, per metastasin morbi materiam ad alia loca transivisse, uti frequenter fieri antea dictum fuit. Diagnosin hanc confirmant facies cadaverosa, extremarum corporis partium frigus, & livor, pulsus debilis, & inaequalis; quae lethalem in his locis gangraenam comitari solent.

2. Dum in loco inflammato sanguis, a vita superstitie motus, agit in loca obstructa, producantur effectus quidam, qui simul sunt signa inflammationis praesentis, uti dictum fuit ad §. 381. Praecipua haec signa erant [vide §. 382.] tumor, durities, rubedo, & dolor. Cum ergo, dum gangraena adest, aboletur influxus vitalis humoris in partem affectam [vide §. 419.], debent & minui, vel & integre aboleri effectus, qui inde pendent. Unde novimus, gangraenam adeste, si rubor, tumor, & dolor subito disparuerint, absque signis resolutae inflammationis, vel metastasis ad alia loca. Patet hinc ratio, quare Hippocrates (u) dixerit: *Anginae in lingua tumores absque signis disparentes perniciosi. Et dolores disparentes citra manifestam causam perniciosi sunt.* Cum autem in mortua parte jam nullus humorum motus supersit, siccae apparent fauces, & glabrae omnino, quia exhalantium arteriolarum, & venularum resorbentium oscula siccata, & contracta evanescent quasi; color autem sensim pallidior fit, dein in cinereum, fuscum, lividum, imo & nigrum mutatur (vide §. 427. 3.), dum in majorem putredinem mortuae partes vergunt. Ex quibus omnibus hujus mali Diagnosin satis patet.

Nullam autem tunc superesse medelam, dum validissima horum locorum inflammatio gangraenam fecerit, facile patet; nam aeri continuo exponuntur mortuae illae partes, unde citissima putredo, & mali propagatio ad loca vicina. Neque tantum lethalis est talis gangraenosa angina, dum laryngem, vel asperam arteriam occupat, verum etiam, si in pharynge, tonsillis, velo pendulo palatino &c. tale malum haeserit, vix ulla spes superest, licet constet certis observatis, partes has multum detrimenti pati posse, vita tamen superstitie. Ut enim talis morbus curaretur, deberet separari mortuum illud a vivo, quod absque nova inflammatione ad limites gangraenosae partis, & suppuratione sequenti fieri nequit; uti §. 444. dictum fuit, ubi de separatione mortui gangraenosi a partibus vivis agebatur. Praeterea in gangraenae curatione triplex erat indicatio curatoria [vide §. 433.]: vires nempe firmare, putridi ingressum in venas impedire; namque putredinem coercere, & emendare. Verum destructis per gangraenam partibus deglutitioni serventibus, & inflammatis vicinis, dum separationem mortui a vivo natura molitur; patet satis, quam difficile sit alimentis vires sustinere.

Pu.

(u) In Coacis Praenot. N. 370. Character. Tom. VIII. pag. 870.

Putridi autem ingressus in venas quomodo impediri poterit, cum efficacissima ad hanc rem remedia, §. 435. recensita, his locis applicari non possint, & una cum deglutitis gangraenosus tabus continuo in ventriculum delabatur? Putredinem autem natam in tali morbo coercere pariter admodum difficile est, cum mortuae partes, in loco humido, & calido, exponantur aeri, neque tam larga copia applicari possit talium remedium, quae condiendo has partes putredinem arcere valent, ac quidem in gangraena externarum partium corporis curanda solet fieri. Ex quibus omnibus satis patet, quare angina gangraenosa lethalis habeatur.

Interim tamen funesta haec prognosis tantum locum habet, dum notabilis faucium pars post validam inflammationem gangraenescit. Si enim in parvo tantum loco tale quid observetur, neque malum prosperat, aliqua spes superest; quod inprimis didici ex sequenti casu. Mulier annorum sexaginta & trium, optimi habitus, & validis laboribus affueta, corripiebatur angina aestate media. Nihil in faucibus apparebat, sed vox rauca erat, & acutum dolorem sentiebat circa cartilagineam cricoideam; simul aderat intensa febris. Post largam venae sectionem & purgans antiplogisticum, atque molliissimum cataplasma collo applicatum continuo, levabatur quidem morbus, & multum diminuebatur febris, sed quarta die morbi anxietas circa praecordia, vox admodum rauca, & decubitus in lecto impossibilis, malum dabant omen. Sequenti die febris omnino libera erat, vox melior, fauces humidae apparebant; verum dolorem in pectore molestem percipiebat, uvulaeque pars inferior nigricabat. Augebat metum funesti eventus, quod post molestissimam noctem toleratam sequenti die vacillaret pulsus, jaceret hebes, nullum amplius dolorem sentiret, uvula manente in eodem statu. Octavo tamen morbi die incepit uvulae extremum, haecenus nigrum, albescere, omniaque symptomata minui; & undecima morbi die uvula naturalem calorem recuperaverat, atque a gravissimo hoc morbo evasit mulier.

Praeterea monitum fuit §. 423., *β.*, ubi de causis gangraenae agebatur, quandoque deponi ad loca quaedam corporis aliquid adeo malignum, ut perfecta morte destruat partem, in quam decumbit. Simul ibidem notatum fuit, uti etiam ad §. 432., frequenter satis observari, scorbuticam acrem materiam ad gingivas, linguam, palatum, fauces deponi, & gangraenam facere; quae, licet difficilis curatu sit, tamen non omnino incurabilis habenda est, si in tempore efficax medela adhibeatur; uti ex dictis ibidem constitit. Graphice descripsit [ uti alia occasione monui ad §. 811., quod hic repetere non inutile credidi ] hunc morbum *Aetæus* [w], de tonsillarum ulceribus agens: postquam enim de mitiori specie eorum ulcerum dixerat, addit sequentia: *Pestifera sunt latu, cava, pingua, quodam concreto humore albo, aut livido, aut nigro sordentia: id genus ulcera aptae noncupantur. Quod si concreta illa sordes altius descenderint, affectus ille & est eschara, & vocatur. In ambitu vero escharae fit rubor vehemens, & inflammatio, & venarum dolor, quemadmodum a carbunculo &c.* Patet autem evidenter ex illis, quae in eodem

eodem capite sequuntur, quod hic non descripserit *Aretaeus* aphthas hodie vocatas, de quibus postea peculiari Capitulo agetur, sed veram gangraenam, a depositione malignae materiae versus fauces natam; unde ad anginam gangraenosam tale malum pertinet: nam & in elcharam mortua pars convertitur, & in ambitu hujus elcharae vivae partes vicinae inflammantur; sicque vel separatur, suppuratione in ambitu nata, mortuum corruptum a vivis; vel & prosperit quandoque malum, uti ibidem notatur. Neque tantum deglutitio impeditur ab hoc morbo, verum etiam & respiratio quandoque, dum in pectus per arteriam asperam serpit, & eodem illo die strangulatur: pulmo enim, & cor neque talem odoris foeditatem, neque ulcera, neque saniosos humores sustinens; spirandique difficultas, & tussis enascuntur [x]. Confirmantur modo dicta ex illis, quae *Aretaeus* (y) de curatione hujus morbi habet; nam ad inflammationem, & strangulatum commendat eadem, quae in cura anginae inflammatoriae laudata fuerunt; clysmata, venae sectionem, irrigationes, forus, cataplasmata, cucurbitas &c.; crustas autem gangraenolas medicamentis ignis similibus illiniri jubet, ut decendant, nec proferpat ad vicina malum. Ubi vero crustae ceciderunt, & ulcera rubra apparent, caute jubet, ut mollissima sola applicentur; lac cum amylo, pisaniae succus, lini semen &c.; convulsiones enim metuendas tunc monet, dum dolentissimae, & crudae partes acerbis irritarentur. Omnia autem haec perfectissime conveniunt illi malo, de quo ad §. 432. dictum fuit, ubi de gangraena oris interni agebatur.

Dictum fuit ad §. 811.; quandoque levem febrim praecedere, antequam versus fauces deponatur illud malum; tuncque solet, hoc facto, cessare febris, nisi valida inflammatio in ambitu elcharae nata novam excitaverit; inprimis si plura loca simul eodem malo occupentur, tumque periculum est; ne subito proferpat gangraenosa haec corruptio. Unde forte patet ratio, quare *Hippocrates* [z] dixerit. *Fauces autem exulceratae cum febre, grave; sed si quod aliud signum adfuerit ex his, quae antea pravae judicata fuerunt, hominem in periculum versari, praedicendum.* Non autem videtur hic loqui de abscessu inflammationem sequente, sed de ulcere has partes depascente; quod patet, si conferantur illa, quae alio in loco habentur, ubi de hoc morbo agit (a). Monet enim ibi, securiora esse ulcera tonsillarum, quae citra febrim oriuntur, additque, illa prosperare, inprimis aestivo tempore, periculo vacare, si multo tempore circa incrementum manserint; junioribus inprimis familiarem esse hunc morbum &c., quae omnia optime conveniunt illis, quae apud *Aretaeum* locis modo citatis habentur.

Patet ergo, gangraenam faucium, quae validam inflammationem sequitur, vix medelam capere; illam vero, quae, absque praegressa inflammatione, a depositione maligni humoris ad has partes oritur, periculosam quidem esse, saepe tamen curabilem, si statim efficax medela adhibeatur, quod hoc loco monendum videbatur.

§. 817.

(x) Ibidem. (y) Lib. I. De curatione Morborum acutorum cap. 9. pag. 89.

(z) In Prognostic. Charter. Tom. VIII. pag. 672. & Coac. Praenot. N. 277. ibid. p. 867.

(a) De Dentitione Charter. Tom. VII. pag. 872.

§. 817. **I**N scirrhum circa tonsillas, uvulam, palatum, abijt angina eorum locorum, ex causis descriptis (392.), unde cognoscitur facile, curatur difficulter: maxime ubi in cancerum jam abiit. Vid. (797.).

In historia inflammationis dictum fuit (vide §. 392.), illam quandoque in scirrhum terminari, si inflammatio circa loca glandulosa haeserit, neque resolutione aut benigna suppuratione crudum inflammatorium separatum fuerit. Post anginae inflammatorias quandoque illud malum sequitur; omnium maxime, dum perversa medela tentatur morbus; vel non satis cavetur aeris frigidi ad haec loca inflammata aditus. Dum videbant Veteres Medici inflammata loca subito tumore attolli, neque adeo bene concipiebant rationem illius rei, utpote sanguinis circulationem ignorantes, fluxionem materiae ad loca inflammata acculabant; atque ideo commendabant saepe in initio talium morborum illa remedia, quae vasa contrahendo impedire possent materiae influxum in loca inflammata. Unde *Trallianus* (b) in cura anginae monuit, quod si morbi fuerit initium, & materies adhuc fluere videatur, tunc repellentia potius misceri debent. Damnavit autem illos, qui solia laxantibus uterentur. Quare autem locus inflammatus tumeat, in *Commentariis* §. 382. explicatum fuit; patuitque simul in cura inflammationis, laxantium remedium insignem usum esse. Ad numerum quartum §. 809. dictum fuit, quoniam casu in anginis curandis repellentia, & adstringentia usum habere possent. Cum autem in quibusdam casibus pulchre talia profuerint, incepti nimis increbescere illorum usus, & inprimis apud ignarum vulgus, quod in quavis fere angina alumine, & similibus adstringentibus uti solet, relaxatam, & pendulam uvulam pro sola, & unica talium morborum causa habens. Inde saepe contingit, inflammationem harum partium jam adultam, nec resolubilem amplius, talium remedium usu in scirrhum converti; & omnium frequentissime tonsillas sic affectas vidi. Idem contingit, si abscessus circa haec loca nato, & rupto, aeri frigido se committant talia aegri, antequam penitus detumuerint hae partes.

Facilis est Diagnosys scirri circa haec loca nati, cum conspici possit, & tangi; verum difficillima est curatio, uti pluribus dictum fuit ad §. 797. Quanta autem calamitates sequantur, dum in cancerum talia scirrus degenerat, acri semper expositum, & acri ichore vicina omnia redentem, quivis facile colligere poterit. Omnis ergo cura adhibenda erit, ut impediat inflammationis in scirrhum exitus; de qua re videantur illa, quae de cura inflammatoriae anginae dicta fuerunt.

(b) Lib. IV. cap. 2. pag. 320.





## ANGINA CONVULSIVA.

§. 818. **S**I nervi motores organorum deglutitionis, vel respirationis, impediuntur suas exercere functiones in illa organa, oritur paralytica angina, talis a luxatione dentis vertebrae dicitur contingere, aut alterius vertebrae cervicis ad interiora. Si convulsionum causa quaecunque musculos pharyngis, laryngisve occupaverit, oritur subita, suffocativa angina; talis in epilepticis, spasmodicis, hysteris, hypochondriacis saepenumero fit, abit, redit: curatur imprimis his, quae iis morbis curandis propria sunt.

Quam numerosi ad deglutitionem perficiendam concurrant musculi, in Physiologicis demonstratur. Verum ut musculi actionem suam exercere possint, requiritur spirituum nervosorum ab encephalo per nervos in musculos liber influxus (c). Ubi ergo quacunque de causa nervi motores musculorum his functionibus inservientium impediuntur agere, turbabitur una, vel plures ex illis actionibus, quae ad deglutitionem requiruntur, adeoque aderit angina; sed paralytica vocanda, quia paralytin unius, vel plurium musculorum deglutitioni servientium pro sua causa agnoscit. Paralytica autem angina respirationem raro laedere potest, quia musculi respirationi inservientes vitali non adeo alte locantur, ut illorum paralytis ad anginam referri possit; cum in anginae definitione [vide §. 783.] dictum fuerit, causam morbosam debere poni supra pulmonem, & stomachum. Verum quidem est, alios musculos ex voluntatis imperio posse juvare respirationis actionem, qui in his locis haerent, uti v. g. scaleni, spinales colli &c.; adeoque natam in his musculis paralytin, stricte loquendo huc referri posse; verum cum & absque horum actione vitalis respiratio perfici possit, & rarissime occurrat ab hac causa respirationis impedimentum, angina paralytica ad deglutitionis organa praecipue pertinet. In hemiplecticis talis anginae species occurrit, dum, omnibus corporis musculis in alterutro latere resolutis, difficulter deglutiunt, & foedo spectaculo cibi, potus, saliva, pro magna parte saltem, ex ore delabuntur. Verum quandoque contingit, particularem paralytin quosdam tantum musculos, deglutitioni servientes, afficere, unde deglutitio, si non omnino impossibilis, saltem difficilior reddi solet. *Galenus* [d] jam meminit talis morbi, quem *gulae imbecillitatem* vocavit, atque sequentia hujus mali signa posuit: *si ingessorum in transitu*.

(c) H. Boerhaave Institut. Medic. §. 491.  
Charter. Tom. VII. pag. 491.

(d) De locis affectis Lib. V. cap. §.

*Ita surditas aequalis, & sine dolore accidere consuevit, & in supino decubitu augeatur, erecta vero ceruice mitigatur, circa ullum angustiae sensum. Quamvis enim in homine erecto ingesti cibi, & potus descensus per oesophagi tubum pondere illorum adjuvetur, tamen videtur hoc sufficere non posse, ut prompte deglutita in ventriculum deducantur. Fibræ enim musculares oesophagi, tam longitudinales, quam orbiculares (e), plurimum huc faciunt; imo illarum actione sola deglutita in ventriculum propulsa fuisse vidi in homine, qui capiti insitens, & cibum, & potum satis copiosum sumebat. Ubi ergo harum fibrarum efficacia minuta multum fuit, vel perfecta paralyti integre abolita, non mirum est, deglutitionem multum laedi. Neque tantum in oesophagi fibris, sed & in aliis musculis deglutitioni servientibus, simile malum obtinere poterit. Sic vidit *Tulpius* (f), in muliere quinquagenaria, post vomitum, vertiginem, ac spasnum cynicum, tam pertinaciter resoluta deglutitionis musculos, ut ne guttulam quidem transmittere posset, licet nec dolor, nec tumor, nec ulla ipsam urgeret angustia; unde etiam septima die periit. Huic affine malum satis mirabile vidi in muliere quadraginta quinque annorum, caeteroquin sanissima. Dum enim ante novem menses optimo valens appetitu prandium sumeret, mirabatur, quod absque ulla causa praegressa subito impediretur deglutitio; nullum tamen dolorem sentiebat, nullus tumor apparebat. Medici, & Chirurgi in consilium vocati tentaverant plura remedia, neque tamen integre potuerant debellare morbum: manserat enim tale deglutitionis impedimentum, ut liquida nullo modo, solidas vero offas, inprimis majores, transmittere in ventriculum posset. Sensum tamen eo usque in melius mutabatur morbus, ut, dum me consuleret, novem jam elapsis mensibus a primo morbi initio, liquida potuerit quandoque deglutire, si uncias quinque, vel sex simul, & semel ingereret quam subtilissime. Parvam vero liquidi quantitatem nullo modo deglutire valebat. Quinam fuerit tandem morbi eventus, ignoro, cum in disito loco degat, nec literis missis, quod promiserat, indicaverit illa, quae postea contigerunt. *Jacotius* (g) tamen, qui hunc morbum viderat, norat, sensim contabuisse tales aegros. Alii tamen casus a Medicis notati docuerunt, lente quandoque pristinae sanitati restitui. Sic viginti annorum puella, post mensium suppressionem cachectica facta, tandem in deglutienti impotentiam incidit, unde instar scheleti emaciabatur. Cum nonnulli Medici statuerent, glandulas induratas, vel simile quid, arctare oesophagum, flexili balaenae pinna explorata fuit tota oesophagi longitudo, nullumque inventum fuit obstaculum. Paralyticum hinc morbum statuerunt, & ad hunc scopum remedia exhibuerunt, sed incassum omnia. Ut tamen miseriae, quantum fieri poterat, succurreretur, alimenta dentibus comminuta, & linguae ope verius fauces protrusa, balaenae pinna, spongiam in extremo gerente, in ventriculum deducebantur. Per annum integrum aegra hoc artificium adhibuit: tuncque, sensim redeuntibus corpori exhausto viribus, postea satis sana vixit (h).*

t 2

Quae-

(e) *Her. Boerh. Instit. Medic. §. 74.*(f) *Observ. Medic. Lib. I cap. 42.*

pag. 79.

(g) *Holler. in Coacas Hippocr. pag. 97.*(h) *Stalpart. vander**VViel Observat. Tom. II. observ. 27. pag. 278.*

Quenam autem conducant ad Paralyticam Anginam remedia, postea in *Capitulo de Paralyfi* dicitur.

Huc & refertur illa anginae species, quae a luxatione vertebrae cervicis ad interiora contingere dicitur. Cum enim pharynx, & oesophagus vertebri cervicis incumbant, satis patet, a tali luxatione has partes angustari debere. Accedit, quod & medulla spinalis ab eadem causa comprimi possit, adeoque & paralytis inde nasci in musculis, qui nervos suos infra locum compressum a medulla spinali accipiunt. A lapu, vel alia vi externa vertebrae cervicis luxari posse, nullum dubium est; verum difficilius intellectu videtur, quomodo per morbos, absque vi externa, hoc fieri possit. Videtur tamen *Hippocrates* talem morbum observasse. Ubi enim (1) morbos recenset, qui junioribus contingere post dentitionem solent, habet & *vertebras, quae ad occipitum, intro luxationes*. Notum est ex Anatomicis, primam vertebrae, atlantem distam, articulari cum osse occipitis, dum condylos huius ossis cavis similis figurae excipit: proxime hanc sequitur secunda colli vertebra, a processu dentiformi, dens vocata, supra quam una cum atlante totum caput circumagitur. Binae hae vertebrae occipitio proximae sunt; adeoque illae luxationes, de quibus in loco citato dixit *Hippocrates*, ad has spectarent. Quod etiam ex alio textu (K) patet; ibi enim leguntur sequentia: *Qui autem angina laborabant, illorum hae erant affectiones. Cervicis vertebrae intro vergebant, quibusdam amplius, quibusdam minus, columque conspicant intro cavitatem habebat, & hac parte contactum dolebat. At euidam quoque affectus erat infra os dentem appellatum, qui non peraeque acutus est* (1). Ex quo loco patet, introrsum vergere quandoque primas vertebrae colli, & anginam facere; aliquando vero in sequentibus simile malum observatum fuisse. Cum autem ex Anatomicis constet, validis adeo ligamentis dentiformem processum secundae vertebrae firmari, vix videtur illius vertebrae introrsum luxatio fieri posse in adultis, nisi tota destruat fabrica; vel una cum hac etiam prima vertebra similiter luxetur. In junioribus, ubi dens ille cartilagine tantum unitur suae vertebrae, facilius posset ille nexus solvi, adeoque vertebra secunda, soluto dente, introrsum ire. Forte hoc ipsum insinuavit *Hippocrates* in modo citato aphorismo, ubi de juniorum morbis agit. Verum dum hoc fit, contenta vertebrae cavo spinalis medulla necessario comprimi debet, unde certa fere mors; uti alia occasione ad §. 170. s. 7. dictum fuit. Hinc *Celsus* (m), de capitis luxatione agens, monet: quod in tali casu neque bibere, neque loqui possit homo, & celerrime mors superveniat. Addit autem, se de capite luxato dicere, non quo curatio ejus rei nulla sit, sed ut res iudicis cognosceretur, & non putarent sibi medicum defuisse, si qui sic aliquem perdidissent.

Ubi ergo colli vertebrae introrsum luxantur sic, ut medulla spinalis compressa

(1) Aphor. 26. Sect. III. Charter. Tom. IX. pag. 121.

(K) Epidem. 2. Charter.

Tom. IX. pag. 145. &c.

(1) Vide Galen. Comment. 2. in Lib. prorethet. Charter.

Tom. VIII. pag. 775.

(m) Lib. VIII. cap. 13. pag. 546.

pressa fuerit multum, patet satis, nullam medullam superesse: licet enim restitui haec luxatio posset, destructa saepe jam foret medullae spinalis fabrica, praecipue si in primis colli vertebrae hoc contingerit. Unde etiam noluit *Aegineta* (u), ut talibus aegris medicina adhiberetur. Si vero non penitus loco suo exciderit vertebra, & non una sed plures simul ex sede sua parum remotae fuerint; minus periculum est: quia tunc vertebrae luxatae non ita acutum angulum cum sequentibus faciunt, adeoque & minus comprimunt spinalem medullam. Talem autem hujus morbi diversitatem notavit diserte *Hippocrates* (o); nam & dixit, cervicis vertebrae quibusdam amplius introrsum vergere, aliis minus: dein addidit, in quibusdam infra secundam vertebrae hoc fieri, tuncque minus acutum esse malum. Notavit etiam, quandoque valde rotundum, & majori ambitu circumscriptum fuisse hoc malum, dum nempe plures vertebrae simul situm mutaverant. Monuit autem, si secunda vertebra, [quam dentem vocavit] loco mota non fuerit, non inflammari fauces, neque partes sub maxillis, quamvis tumentes, inflammatis similes esse. Addidit deinde, neque paraplecticos resolvi tales aegros, si neutram in partem tumor deflecteret, sed recta procederet; omniaque superstites fuisse, & quosdam ex morbo celerime restitutos; alios quadraginta dies percurrisse, absque febre, multos etiam ad longissimum tempus aliquam tumoris partem retinuisse, uti indicabat & vox, & deglutitio nondum penitus liberae. Contra vero si febris adesset, omnia pejora erant [notandum, quod antea monuerat *Hippocrates*, nec febrem, nec inflammationem adesse, si vertebra secunda, dens vocata, non foret affecta]; frigidissimos habebant pedes tales aegri, & si statim non morerentur, erecti stare non poterant; monetque, omnes interiisse, quos sic affectos noverat.

Raro quamvis occurrat ille morbus, tamen negari nequit, illum quandoque observatum fuisse. *Hippocratis* modo allegati textus hos docent, & quamvis *Galenus* (p) dixerit, rarissime fieri salem anginam, tamen videtur indicare (q), quod illam viderit, dum commentatur *Hippocratis* de hac angina observata. Dicit enim: *Nunc anginae speciem exponit, quae raro a nobis visa est.* Contigit mihi semel tale quid videre in infante decem menses nato, cui caput retro inclinatum erat, guttur prominulum, & manifesta in cervice cavitas apparebat. Cum autem ob infantis miserrimos ejulatus exacte locum affectum scrutari non daretur, non potui accurate distinguere, quamnam vertebrae cervicis introcessissent. Nihil deglutire poterat infans, & post validas convulsiones hoc malum secutum fuerat. Nemo mirabitur, tales luxationes vertebrae a convulsionibus fieri posse, in primis in tenera aetate; dum etiam in adultis, & robustis, epilepsia correptis, membra distorqueri, luxari &c. observatum saepius fuerit. Verum

t 3

&amp;

(u) Lib. III. cap. 27. pag. 39.

pag. 145. &amp;c.

Vill. pag. 756.

IX. pag. 145.

(o) Epidem. 2. Charter. Tom. IX.

(p) Comment. 2. in Lib. I. Prorethetico. Charter. Tom.

(q) Commentar. 2. in Lib. II. Epidem. Charter. Tom.

& docuerunt observata Medica, natos tumores in partibus internis corporis loco suo movisse vertebrae; & deinde sublatis his tumoribus illas in pristinam sedem sensim rediisse. Memorabilis talis casus in Aëlis Parisinis [r] legitur; & notavit *Benedictus* (s), *se vidisse a fluxione acriori spinæ accum-bente dorsi vertebrae luxatas, ossaque alia ex acetabulis detrusa, & extorta.* An ergo inflammatorius tumor subito tale quid facere posset, quod aliter sensim a tumoribus lente incrementibus fit? Certe non omnino improbabile videtur, imprimis in juniore aetate.

Ubi autem anginam a vertebrae luxatione natam valida comitatur inflammatio, vel superiores cervicis vertebrae loco suo multum motae fuerunt, patet satis, vix ullam spem curae superesse. Unde pro desperatis relinquendos esse tales aegros voluit *Aegineta*, uti modo dictum fuit. *Actius* [t] vero consuluit, ut collo circa primas vertebrae affigeretur cucurbita, saepius avellenda; hac spe, ut sic in sedem suam reducerentur luxatae vertebrae, quod tentari posset. Si vero lentius increverit hoc malum, neque inflammacionem comitem habuerit, restitui sensim solent vertebrae, si laqueo, qui mentum atque occipitium sustinet, suspendantur quotidie juniores tali morbo afflicti: sic enim pondere corporis in rectum deducitur spina, & felicitet saepe curantur.

VERUM, SI CONVULSIONUM CAUSA QUaecunque MUSCULOS PHARYNGIS LARYNGISVE OCCUPAVERIT, ORITUR SUBITA SUFFOCATIVA ANGINA. Quae licet molesta sit, rarissime tamen periculosa esse solet, ex sua natura, nisi a tali morbo ortum duxerit, qui ex propria indole periculosus est; uti v. g. dum in tetano, vel opisthotono, correptis talis angina adest, quod alia occasione in Commentariis §. 787. monitum fuit. In mobilibus in genere nervoso hominibus frequens talis angina observatur, quales sunt foeminae hystericae, & viri hypochondriaci dicti. Dictum fuit alia occasione in Commentariis §. 633., mirabilem illum morbum, qui passio hysterica, vel hypochondriaca vocari solet, qualvis fere corporis partes occupare; simulque producere talia symptomata, quae competunt illi parti, quam morbus invasit. Quibus autem signis hic affectus distingui possit ab aliis morbis, ibidem dictum fuit. Nihil frequentius in praxi occurrit, quam globus ille hystericus dictus; dum, constricto oesophagi sphinctere, aer elasticus rarefactus illum distendit, sicque tumorem conspicuum excitat, quo miserae sepe praefocantur. Cum autem spasmos illos ex abdomine sursum ascendere saepe sentiant tales mulieres, uterum in fauces usque attolli falso credunt. Elerumque satis facile curari solet haec anginae species talibus remediis, quae nimium spirituum impetum in harum partium musculos avertunt, & inordinatos spirituum motus sopiunt. Castorei, asae foetidae, galbani, & similium virosos odor naribus exceptus, spiritus salis Ammoniaci simili modo adhibitus, saepe uno momento tollunt haec mala; reditura tamen, dum miseris illi validi animi affectus contingunt. Quasdam vidi mulieres hac angini-

(r) Acad. des Sciences l'An. 1731. Mémoires pag. 721. &c.  
Theat. Exercit. 33. pag. 63.

(s) Tabidoc.

(t) Tetrab. 2. Sermon. 4. cap. 47. pag. 485.

anginae specie frequenter correptas, quae adeo mobile habebant totum nervolum systema, ut antihysterica dicta remedia, praecipue aciora, malum augerent potius. Inprimis hoc observavi in puella, quae frustra datis optimis antihystericis, per quadraginta octo horas nihil omnino deglutire potuerat: cucurbitis absque scarificatione nuchae applicatis uno momento tolerabatur malum. Quandoque tamen, quamvis rarius forte contingit, diutius praestare hanc anginam, inprimis si non adhibeatur idonea medela, sed purgantibus, aliisque evacuantibus tentetur cura. Sic dicit *Helmontius* [u]: *Ex utero furrense virus, quod nil praeter gulam stringeret, sic ut a trimestri via quidquam deglutiret matrona illustis. Accessi, malum cognovi, & confestim sanavit illum Dominus.*

Ubi ergo in hysteriis, & hypochondriacis ab inordinato spirituum motu solo convulsiva angina fit, facile curari solet & subito. Verum si in quodam corporis loco, inprimis circa praecordia, maligni stabulentur humores, qui actione regiminis (de qua vide Commentaria §. 701.) turbando omnes cerebri actiones convulsionem facere possunt, requiritur horum expulsiō per emetica vel purgantia; quae pessime cedere solent, dum a solo perturbato spirituum motu convulsio nascitur. Talis casus describitur in *Actis Edinburgensibus* [w], ubi juvenis angina convulsiva laborabat, feliciter curata, dum emeticis, & purgantibus deturbabatur biliosa saburra. Verum aegri robur, saporamarus, vel & falsus continuus perceptus, satis indicabant, quomodo, & per quae remedia cura tentari posset.

§. 819. **E**X-hae historia data (783. ad 819.) intelligitur ratio observationum Hippocraticarum.

Angina sine ullo signo conspicuo, solo strangulatu orthopnoico se prodens, cum febre acuta, dolore magno capitis, vel crurum, sine signis bonis, cito lethalis, primo scilicet, secundo, vel tertio die.

Angina *erysipelatosa* orta ex aliis inflammatoriis morbis, aut si species (801. 802.) nata ex (803. 804. 805.), lethalis.

Angina spumam oris excitans; serum tenue exprimens; faeces alvi sine sensu dimittens; in febre valde acuta sine ullo signo conspicuo occupans; cum recessu tumoris, ruboris, pulsationis in faucibus vel lingua tamen strangulans; ubique lethalis, & praecepta.

Absoluta jam anginae historia generali, simulque traditis illis, quae in diversis anginae speciebus maxime notanda videbantur, recententur quaedam corollaria, quae ad Prognosin Anginae proprie spectant, & omnia apud *Hippocratem* inveniuntur. Ex ante dictis autem facile deduci poterit horum ratio; cumque de illis ibi dictum fuerit, sufficit indicasse loca, ubi habentur.

(u) In Capitulis: *Asthma & Tussis* N. 31. pag. 292.  
Tom. I. pag. 277. &c.

(w) Medical Essays

ANGINA SINE ULLO SIGNO CONSPICUO &c. Occupat enim tunc inflammatorius tumor laryngem, vel internam pulmonalis fistulae membranam: de qua re videantur illa, quae in Commentariis §. 801. & 802. habentur, ubi simul notata fuerunt Hippocratis loca, quae hanc prognosin continent. De crurum dolore in anginosis absque bonis signis videantur illa, quae ad §. 809. §. dicta fuerunt.

ANGINA *triquiva* ORTA &c. Morbus alteri morbo *trigindus* (supervenire) dicitur, quum permanente illo, qui prior adfuerat, accedit & alter. uti Galenus (x) monuit, dicens: *Degenerat autem morbus, quum priore cessante succedit alter; supervenit autem, quum, priore permanente, alter accedit.* Unde talis epigenesis prioris morbi augmentum designat, dum ad alias corporis partes propagatur malum; vel saltem indicat, per morbum sic mutata fuisse fluida & solida corporis, ut etiam aliae functiones laedantur. Unde morbis alios morbos *et symptomata* supervenire, Veteribus Medicis moris fuit dicere, quae ipsius morbi augefcentis ratione contingere consueverunt (y). Cum ergo ex se satis periculosa saepe sit angina inflammatoria, patet facile, vix quid spei superesse, si alteri inflammatorio morbo superveniat angina. Recte enim monuerat Hippocrates (z): *In morbis, qui alter alteri superaccedit, plerumque interficit.* Quum enim corpori a priori morbo debilitato alter morbus supervenit, prae inbecillitate prius perit, quam alter, qui posterius accessit, morbus, desinat. Cum autem anginae curatio sanguinis missionem validam, purgantia antiphlogistica &c. requirat [vide §. 809.], debiliior saepe a morbo praegresso aeger haec ferre nequit. Augetur periculum, quod omnis ejusmodi supervenientium ortus non parvos nec faciles, sed magnos, et malignos morbos sequatur (a). In febre enim ardenti, uti ad §. 741. dictum fuit, deglutitio quandoque laeditur, malo omine; uti etiam alia occasione in Commentariis §. 772. 785. 802. monitum fuit.

Ubi autem angina inflammatoria, quae musculos elevando ossi hyodi, & laryngi servientes occupat (§. 803.), vel pharyngem (§. 804.), aut tonsillas, uvulam, velum pendulum, ejusve quatuor musculos pterygostaphylinos (§. 805.), sic increverit, ut ad pulmonalem fistulam (§. 801.), vel laryngem (§. 702.) propagetur malum, satis patet, lethalem morbum esse. Quin imo, licet per metastasin materies inflammatoria, tonsillas, pharyngem &c. obfudens, priori sede derelicta, ad laryngem vel asperam arteriam deponeretur, non multum spei superesset; uti satis colligi poterit ex illis, quae ad §. 801. 802. dicta fuerunt.

ANGINA SPUMAM ORIS EXCITANS; SERUM TENUE EXPRIMENS, FAECES ALVI SINE SENSU DIMITTENS. Dictum fuit ad §. 805. pueritiae ad cava tonsillarum stillicidium perpetuum esse, dum illae ipsae vel & vicinae his partes inflammatae sunt; unde & in hac anginae specie perpetua saepe excreatio spu-

(x) In Commentariis in Aphor. 11. Sect. VII. Charter. Tom. IX. pag. 297.

(y) Galen. in Commentariis in Aphor. 11. Sect. VI. ibid. pag. 270.

Affectionibus cap. 6. Charter Tom. VII. pag. 626. 627.

(z) Galen. in Commentariis in Aphor. 11. Sect. VII. Charter. Tom. IX. pag. 297.

spumosae pituitae adest: samen minus lethalis haec angina esse solet, uti tunc dictum fuit; adeoque de illa spumosae pituitae excretionem hic non agitur. Verum in pessimis, & lethalibus anginis omnia fere eadem apparent phaenomena [vide §. 807.], ac in illis, qui laqueo strangulantur; in quibus videmus foedo spectaculo spumam tenacem circa os, & labia colligi, dum moriuntur. Unde dixit Hippocrates (b): *Qui strangulantur, ac dissolvuntur, nondum tamen mortui sunt; ex illis non convalescunt, quibus circum os spuma fuerit.* Ubi notandum, quod non dixerit pituitam defluere, sed circum os colligi. Impeditur enim tunc transitus sanguinis per pulmones ex corde dextro in sinistram; unde tanta vi urgentur arteriarum pulmonis extrema, ut ex illarum sinibus in cava aerea pulmonis apertis exprimatur humor solito viscidior, qui in summis illis angustis educi nequit exserendo, sed collectus ascendit in fauces, oris cavum replet, & tandem circa labia colligitur spumescens. Videmus simile quid fieri in moribundis fere semper, dum jam aliquot ante mortem horis ingratus ille stertor & ronchus in pectore (de roebel) auditur, a collecto tali viscido humore in pulmonis bronchiis; qui pariter de naribus, vel ore, post mortem, contractis frigore omnibus partibus, exprimi solet. Notat ergo talis spuma in angina suffocationem, & mortem.

Pectus etiam signum dat serum tenue in angina inflammatoria continuo ex ore depluens. Dictum fuit §. 793., a compressis venis majoribus, quae hic locantur, & reducem a capite sanguinem ad cor deferunt, tale feri profluvium nasci posse; atque Lœweni experimento in cane, cui venas jugulares ligaverat, demonstratum fuit, omnia vicina loca seri tenuis copia inundari. Ubi ergo hoc symptoma observatur, concludere licet, tumorem inflammatorium venas comprimere; unde pessima illa mala, quae §. 807. enumerantur, brevi sequentur, uti ibidem pluribus dictum fuit.

Dejectionem autem alvi, quae sine sensu exit, lethalem damnavit Hippocrates; uti in Commentariis §. 719. dictum fuit: atque inprimis in angina hoc verum est, cum praesentem strangulationem indicet hoc symptoma; atque observetur & alvum & vesicam exonerari illis, qui laqueo suffocantur. In Coacis Praenotionibus illo loco, quo de varia Anginae prognosi agitur, habetur sententia, quae huc spectat: *Quibus per vehementiam pulsationis (venarum) stercus derepente per alvum secedit, lethale* (c). Voluit quidem Foësius (d), pulsationem illam vehementem, & conspicuam observari in anginis inflammatoriis, dum in collo, & temporibus valide micant arteriae, & partes inflammatae palpitant praepulsationis vehementia: interim tamen non videtur absque ratione aliter legisse hanc Coacam Praenotionem Duretus (e), qui loco *σφίγξ* [pulsationis] habet *σπέρμα* (strangulationis); atque ita pulcherrime confirmaret modo dictam prognosin in angina lectio sequens: *Quibus per vehementiam strangulationis stercus derepente per alvum secedit, lethale.*

In

(b) Aphor. 43. Sect. II. Charier. Tom. IX. pag. 82.

(c) Coac. Praenot. N. 368.

Charier. Tom. VIII. pag. 87a.

(d) Tom. I. pag. 175.

(e) In Coac.

Hippocrat. pag. 237.



IN FEBRE VALDE ACUTA SINE ULLO SIGNO CONSPICUO OCCUPANS. Quam praeceptis sit angina inflammatoria, quae absque ullo signo conspicuo, sola strangulatione se manifestat, in eadem hac paragrapho vidimus, simulque demonstratum fuit, lethalem anginam esse, quae per epigenesim ex aliis morbis inflammatoriis nascitur. Idem quoque verum est, si in febre valde acuta, quamvis non inflammatoria [tales enim febres dari in *Capitulo de synocha putri* probatum fuit], similis angina oriatur; uti facile patet ex illis, quae paullo ante dicta sunt. Confirmant & hoc sequentes Hippocratis Aphorismi (f): *Si febre detento, tumore non existente in faucibus, suffocatio de repente supervenerit, lethale. Si febre detento de repente cervix intorqueatur, ac vin deglutire possit, tumore non existente, lethale.* Ubi notandum, quod aequè damnaverit lethalem anginam, quae deglutionem laedit, ac illam, quae respirationem suffocat; si nempe acute febricitantibus repente superveniat. Videtur enim convulsis musculis cervix detorqueri in ultimo casu; in priori vero glottidem claudentes musculos similiter affici. Quam periculosa autem convulsio sit febris acutae superveniens, dictum fuit §. 712. 734. 741.; facileque patet, discrimen illud augeri, dum convulsio musculos deglutioni, vel respirationi servientes occupat.

CUM RECESSU TUMORIS, RUBORIS &c. Tunc enim angina deglutionem laedens, adeoque minus periculosa, mutatur in illam, quae respirationem suffocat; quae in hoc casu semper lethalis est, uti in secunda sectione hujus paragraphi dictum fuit.

(f) 14. & 35. Sect. IV. Charter. Tom. IX. pag. 154. 156.



## PERIPNEUMONIA VERA.

§. 820. **S**I in vasis pulmonalibus, inflammationi suscipiendae aptis, inflammatio vera concipiatur, morbus vocatur Peripneumonia.

Duplici inprimis modo definito morbi tradi solet: vel enim ex illis phaenomenis, quae semper morbum definiendum comitantur, colligitur; vel ex intellecta causa morbi proxima deducitur. Prioris definiendi methodi exemplum in phrenitide v. g. vidimus, dum illa dicebatur adesse, quando ferox, & perpetuum delirium cum febre acuta continua oriebatur (vide §. 771.). Simili modo etiam postea definitur pleuritis [ §. 875. ]; atque deinde ex tota morbi historia determinatur, qualis ejus causa proxima sit. Altera definitionis methodus supponit illud, quod per omnia morbi phaenomena collecta tantum patet, nempe cognitionem accuratam causae morbi proximae; atque talis est definitio Peripneumoniae, quae hic traditur. Prior definiendi methodus inservit, ut morbus, cujus indagatur natura, distinguatur per signa pathognomica ab omni alio morbo, adeoque omnis vitetur confusio. Posterior autem morbi naturam individuum jam cognitam supponit, paucisque verbis illam describit. Binis illis methodis promiscue usus fuit *Celeberrimus Boerhaavius*; sic tamen, ut, dum priorem methodum adhiberet, postea ex tradita morbi historia deduceret ejus causam proximam; ubi vero posteriori methodo definiendi morbi usus fuit, tunc datae definitionis veritatem probat postea ex omnibus illis, quae in morbi definiti decursu observata fuerunt. Sic, v. g., postquam phrenitidem ex phaenomenis, hunc morbum semper comitantibus, definiiverat §. 771., postea ex morbi decursu toto, & observatis in cadaveribus defunctorum hoc morbo, elicit §. 976. causam proximam phrenitidis, quod nempe sit vera inflammatio meningum cerebri: atque idem etiam in Pleuritis, simili modo definitae, historia §. 882. fecit. In Peripneumonia vero, cujus causam proximam in definitione hac paragrapho data supposuerat, postea §. 846. tanquam corollarium ex tota morbi historia deduxit, morbum illum, quem vetustas hoc nomine descripsit, esse veram inflammationem pulmonum.

Patet autem evidenter, & Veteres Medicos hunc morbum, quem *πνευμονίαν*, vel & *πνευμονίαν* dixerant, pro inflammatione pulmonis habuisse. Ita enim *Hippocrates* (g) de hoc morbo agens dixit: *Pulmo ex calore tumens*. Verum calorem, & tumorem inflammationis signa esse patuit ex illis, quae

ad §. 370. & 382. dicta fuerunt. Sic etiam alibi (*b*) a febre ardente peripneumonia [notandum enim quod *περιπνευμονία* & *πνευμονία* promiscue dixerit] fieri notavit. In Commentariis autem §. 741. probatum fuit, per febrem ardentem sic inspissari sanguinem, ut per totum fere corpus inflammationes faciat. *Aretaeus* autem (*i*) optime sic definivit: *Haec est aegritudo, quam peripneumoniam vocamus, inflammatio pulmonis cum febre acuta. Similia de hoc morbo dixerunt Aegineta [K], & Trallianus (l).*

In Peripneumonia ergo adest pulmonis inflammatio. Verum in historia inflammationis §. 371. 379. demonstratum fuit, illam tantum obtinere posse in vas conicis, ubi fluit ex lato in angusta liquor; adeoque non omnia pulmonis vasa inflammationi suscipiendae apta sunt, sed arteriosa tantum. Omnis enim inflammatio supponit obstructionem; atque in Commentariis §. 119. probatum fuit, obstructionem in venis locum habere non posse, quia directio liquidi per venas moti versus latiore locum propelleret illud, quod obstaculum facere possit.

Vocatur autem hic morbus Peripneumonia Vera, dum inflammatoria spirititudine immixtus sanguis in arteriarum angustis haeret; ut distinguatur ab alia hujus morbi specie, de qua postea peculiari capitulo dicitur; Peripneumonia nempe Notha, quae ex lenta pituita pulmones infarciendo originem ducit.

## §. 821. **I**lla vasa autem sunt Arteriae Bronchiales; Pulmonicae, & harum laterales Lymphaticae.

Verum in pulmone duplices arteriae sunt: una pulmonaris dicta, quae omnem sanguinem cordis dextri recipit, & per ultimos fines suos transfusum venis tradit pulmonalibus, atque inde in cor sinistrum propellit. Altera arteria *Bronchialis* dicta *Ruysebio* (*m*), qui illam descripsit, atque hoc nomine donavit, quia supra bronchia serpens illa ad finem usque concommittatur: haec arteria, longe minor priori, nutritioni substantiae ipsius pulmonis inservit. Videtur enim satis constans observatio esse, quod viscera, quae sua fabrica allatos humores mutant in communes toti corpori usus, peculiare adhuc habeant arterias, quae vitalem sanguinem nutrimento illorum destinatum adferunt. Sic. v. g. in hepate venae portarum truncus sanguinem gerit fabrica ipsius hepatis mutandum in commune corporis bonum; arteria vero hepatica hujus visceris nutritioni prospicit. Ita & in renibus praeter emulgentes arterias observantur alii rami arteriosi, qui similem usum renibus praestant. Magnum autem argumentum in Physiologicis inde habetur, quo probatur, efficaciam pulmonum in corpore sano esse majoris momenti, quam reliquorum viscerum, quod nulla totius corporis particula accipiat vel minimam guttulam arteriosi liquidi, nisi prius per pulmonem

(*b*) De Morbis Lib. II. cap. 25. Charter. Tom. VII. pag. 576. (*i*) De Cruf. & sign. acutor. Morbor. Lib. II. cap. 1. pag. 10. (*K*) Lib. III. cap. 10. pag. 40. (*l*) Lib. V. cap. 2. pag. 241. (*m*) Dilucid. valvul. cap. 4. observ. 15. pag. 21.

nem transferit, ne quidem ipso pulmone excepto. Nisi enim hoc necessarium adeo foret, potuisset pulmo ex arteriae pulmonaris ramis vitalem recipere laticem; dum e contra semel observatur, ex aorta ipsa, vel ejus ramis intercostalibus, aut oesophageis (u), arteriosum furculum ad pulmones deferri.

Verum inflammatio non tantum locum habere potest in majoribus arteriis sanguinem rubrum gerentibus, sed etiam in lateralibus earundem ramis, qui sua angustia sanguinem rubrum non admittunt naturaliter, licet dilatati in suis initiis illum recipere possint, non vero transmittere per ultimos suos fines [vide §. 372.]. Simile autem vitium in longe adhuc minoribus vasis obtinere posse §. 379. probatum fuit. Poterit ergo phlegmone proprie dicta, & Erysipelas, & oedema caliduma in pulmone nasci, prout diversae magnitudinis vasa immeabili materia obstruata sunt, simulque impetu vitalis liquidi, per febrim fortius moti, urgentur. Hippocrates [o] jam Erysipelatis in pulmone mentionem fecit, illudque gigni dixit, *quum supra modum is refectatus fuerit. Exsiccatur autem & ab ardoribus, & a febris, & nimio labore, & intemperie.* Monuit autem, illud pulmonis Erysipelas felici metastasi quandoque foras verti; & nisi hoc fiat, intus putrescere, aut purulentum reddi totum pulmonem. Addit deinde, illud Erysipelas extrinsecus diffusum, si intro vertatur, nullam spem superesse: quae omnia perfecte conveniunt illis, quae aliis in locis de Erysipelate habet.

§. 822. **U**nde etiam duplex concipi Peripneumonia potest; quarum una ad fines arteriae pulmonalis, altera in bronchialibus haeret.

Ratio hujus ex modo dictis patet.

§. 823. **E**T statim liquet, priorem periculosissimam; posteriorem minus discriminis habere, sed illam ex hac nasci posse; & causas multas communes habere.

Dum enim immeabilis sanguis haerere incipit in sinibus arteriae pulmonalis, impeditur liber transitus sanguinis ex corde dextero per pulmones in cor sinistrum, qui tamen ad vitam absolute requiritur, uti in Commentariis §. 1. dictum fuit: unde patet, talem peripneumoniam periculosissimam esse: cum autem in arteriis bronchialibus simile malum haerens non adeo directe laedat liberum sanguinis per pulmones transitum; minus inde discrimen praevидetur. Interim tamen, quamvis non adeo praeceptum sit talis morbus, pessima inde mala sequi poterunt, nisi benigna resolutione curari possit nata inflammatio, cum in pulmone alii inflammationis exitus in supurationem, gangraenam, vel schirrum, vel lethales sint, vel difficillimos morbos chronicos relinquere soleant.

Prae-

(u) VVinslov. Exposit. Anatomique Traité des Arteres N. 109. &c. pag. 373.

(o) De Morbis Lib. I. cap. 8. Charter. Tom. VII. pag. 540.

Præterea, arteriis bronchialibus inflammatis facile afficiuntur, & arteriae pulmonis propaggines, hic ubique vicinae non tantum, verum & plurimis in locis per anastomoses junctae [p]. Vasa enim inflammata impetu liquidius vitalis a tergo loca obstructa urgentis dilatantur, & tument; sicque omnia vasa vicina premunt, & angustant, uti in Commentariis §. 381. explicatum fuit.

Cum ergo & bronchialis arteriae, & pulmonalis rami adeo vicini sint sibi mutuo, patet satis, a causis multis communibus binas has peripneumoniae species produci posse; licet tamen & quaedam sint, quae potius arteriae pulmonalis ramos, vel sanguinem per hos motum; afficiant, uti sequenti paragrapho videbimus.

§. 823. **Q**uae causae plurimae revocari queunt. 1. Ad generales omnium inflammationum per totum corpus (375. ad 380.). 2. Ad eas, quae inprimis pulmones afficiunt: ut sunt aer humiditate, siccitate, calore, frigore, gravitate, levitate, exhalationibus causticis, vel adstringentibus, aut coagulantibus constans, sicque peccans; chylus ex crassis, siccis, viscosis, cum acris permixtis, vel sine iis; exercitia pulmonum violenta, cursu, lusu, nixu, cautu, clamore, equitatione forti in vento adverso; venena coagulantia, caustica, constringentia, venis ad cor tendentibus immissa; vehementes animi perturbationes; angina cum oppressione pectoris, & orthopnoea, pleuritis valida, paraphrenitis ingens.

1. Omnes illae causae, quae inflammationem in aliis partibus corporis excitare possunt, sive reddendo fluida immeabilia, sive minuendo vasorum capacitatem, vel etiam per errorem loci adigendo crassiora fluida in minorem vasorum dilatata orificia, huc spectant: de his omnibus autem in historia inflammationis, paragraphis in textu citatis, dictum fuit.

2. Verum & aliae occurrunt causae, quae considerari accurate merentur, & quae in pulmonem potius, quam in reliquum corpus agunt. Inter illas autem praecipuum locum habet.

**AER HUMIDITATE, SICCITATE &c.** Quamvis enim aer undique corpus alluat, & una cum cibis, & potibus in ventriculum, & intestina deferatur, tamen nullam partem corporis magis afficit, quam pulmones, quum continuo aerem ducere debeat homo, ut vivat. Unde & haec corporis pars aeris mutationibus, & frequentibus, & validius afficitur. Si ergo aer nimium humidus fuerit, vasorum fibrae in pulmone debilitabuntur (talem enim effectum habere omnia humectantia in Commentariis §. 54. 4. vidimus), minus resistent fluidis impulsis; adeoque periculum erit, ne laxata vasa admittant crassiores fluidi moleculas, quae per illorum fines transire non

possunt.

poterunt (§. 118. & 378.): praecipue si una cum humiditate calor aeris adfuerit; adeoque nascentur inflammationis causae. E contra vero si aer nimia siccitate peccet, asperae arteriae, & bronchiorum internam superficiem naturali humiditate privabit; hinc minus flexiles has partes difficilius ab aere inspiratio expandi poterunt. Praeterea ultima exhalantium valorum oscula, quae in aeream pulmonis superficiem patent, exsiccabuntur, adeoque resistent liquidis impulsis, unde obstructio, & inflammatio sequi poterunt; praecipue cum per aerem siccum, & calidum liquidissima diffidentur de corpore toto, adeoque sanguinis major inspissatio ab eadem causa oritur. Calor autem aeris nimius similia fere efficit, ac ejusdem siccitas; si vero calori aeris accedat simul humiditas, tunc nimis laxando pulmonis vasa nocere poterit, uti statim dictum fuit. Intensum vero aeris frigus omnium maxime huic morbo producendo favet. Frigore enim, & gelu adunari sanguinis moleculas antea ad §. 217. vidimus; dum autem languis per pulmonales arterias pellitur, nudo fere exponitur aeri; adeoque ab intenso frigore coagulationis metus est, omnium maxime si ab exercitiis, vel foci calore astantes homines aerem gelidissimum imprudenter hauriant; uti tot funestis casibus constat, & §. 118. pluribus demonstratum fuit. Unde monuit *Hippocrates* [g], hyeme pleuritides, & peripneumonias maxime fieri, & quidem vehementissimas. Cum vero docebat Anatome [r], pulmones suspensos in aere illos undique allabente collabi semper, & multo minores fieri, quam erant, dum in thorace integro haerebant; patet, pulmones propria visemper niti, ut minores sint in omnibus suis partibus, adeoque variam aeris gravitatem augere, vel minuere posse pulmonum dilatationem, quae ad liberum sanguinis per illos transitum requiritur. In sanis hominibus illa in gravitate Atmosphaerae differentia, quae vulgo observari solet, raro multum mali facit; sed illi, quibus fibrae musculares, & ligamenta bronchiorum squamosa segmenta connectentia nimis obriguerunt, vel spasmo a levissima causa contrahi solent, mutatam aeris gravitatem illico saepe sentire solent, & paroxysmo asthmatico corripiti. Cum autem aer nimis gravis magis comprimatur pulmonis vasa, augebitur resistentia cordi dextro; arctatis canalibus. Ubi vero aer nimis levis fuerit, eadem vasa, minus pressa, ab humoribus impulsis nimium dilatari poterunt, unde similis effectus erit, ac ab humido & calido aere. Simul etiam aer nimis levis non poterit satis superare vim contrahilem fibrarum pulmonalium dilatationi pulmonis resistentem. Quamvis ergo varium atmosphaerae pondus in sanis ceteroquin hominibus solum raro multum noceat, poterit tamen cum aliis causis simul concurrere, atque earundem effectum augere. Minus tamen discriminis videtur expectandum esse ab aucta aeris gravitate: docuerunt enim experimenta, animalia in aere ita compresso, ut mercurius in barometro solitam altitudinem separaret triginta digitis, vivere tamen potuisse (f). In altissimis autem monti-

(g) De Affectionibus cap. 3. Charter. Tom. VII. pag. 621.

(r) H. Boerhaave

Instit. Medic. §. 602.

(f) Vide Boyl. in Experiment. novor. physico

mechan. continuat. secund. artic. 4. Exper. 6. 7. 8. Tom. I. pag. 5. &amp;c.

montibus, a nimia levitate aeris impediri respirationem, observatum fuit (1), & quidem cum suffocationis periculo.

Verum praeter has memoratas aeris qualitates notandum est, atmosphaeram nos ambientem incredibilem in se continere corporum varietatem. Quid enim ex plantis, & animalibus, sive vivis, sive post mortem putredine resolutis exhalat, vel per ignem expellitur, omne hoc in aere fluctuat. Imo & fossilia corpora, quandoque sponte sua, saepius per ignem agitata, exhalationes fundunt, quae pariter per aera diffunduntur. Si ergo tales exhalationes aeri inspirato permistae caustica, adstringente, vel coagulante vi praeditae fuerint, poterit inde peripneumonia fieri. Dum arsenicum, caustica, & venenata vi infame, repetitis sublimationibus fixare tentabat Tacchennius (u), sciendi desiderio quaevis spernens pericula, apertis vasibus inspiravit auram suavissimam, sed post semihorulam imprudentiae suae poenas luebat; dum & difficulter respirabat, omnium membrorum convulsionibus patiebatur, sanguinem mingebat cum intolerabili ardore &c. Lacte & oleo praecipue hoc periculum evasit quidem, sic tamen, ut tota hyeme langueret, febre lenta, hesticae simili afflicta. Probe memini, dum ex sale marino decrepitato siccissimo, & oleo vitrioli rectificatissimo, spiritum salis marini meracissimum paraveram, solutis vasibus tanto cum impetu fugacissimos vapores erupisse, licet paucae tantum unice hujus spiritus in capacissimo excipulo haererent, ut non tantum laboratorium, sed & tota fere domus illico his vaporibus repleretur, cum imminenti suffocationis periculo, nisi subito aufugissem. Omnibus notum est, sulphuris accensi vaporem & homines, & quaevis animalia respirantia, necare certissime, si majori copia cum aere hauriatur. Adeo enim sensibilis est interna pulmonum superficies, ut ab acrioribus talibus, una cum aere haustis, illico corrugetur totus pulmo, spasmodice contractis fibris musculosis bronchiorum, segmenta cartilaginea nestentibus; unde subito lethalis peripneumonia; vel si evaserint, incurabile asthma tota vita manet. Hoc vidi in optimo hujus urbis cive, cui in juventute apud oenopolam habitanti, ut addisceret vinorum commercium, a sodalibus jubebatur, ut aperto ingentis dolii, sulphuris vapore repleti, spiraculo olfaceret, qua arte vina a fermentatione praeservarentur. Miser ille valide naribus attrahis infestum hunc vaporem, sed mox concidit, atque aliquot horis cum morte luctatus evasit quidem, verum tota vita mansit asthmaticus, & nunquam somnum capere potuit, nisi erecto corpore in sedili haereret. Verum & una cum aere inspirato in pulmonem duci possunt talia, quae non acria quidem sunt, sed coagulante, & exsiccante vi pessime nocere possunt, quamvis plerumque non tam subito horum noxa observetur. Sic Diemerbroeckius (vv) in nosocomio dissecuit lepidicae famulum asthma mortuum, atque in ejus pulmone invenit magnam copiam pulveris lapidei, vesiculas fere omnes pulmonis implentem, atque sequente anno in binis lapideis simili modo mortuis idem invenit. Ex quibus omni-

(1) Vexulam Novi organi Lib. II. Aphor. 12. pag. 133.  
Gibum. cap. 24. pag. 149. 150.

(u) Hippocrati.  
(vv) Anatom. Lib. II. cap. 13. pag. 306.

omnibus satis patet, una cum aere inspirari posse talia, a quibus peripneumonia nasci poterit.

CHYLUS EX CRASSIS, SICCIS, VISCOSIS &c. Notum est ex Physiologicis, chylum, ex ingestis cibis, & potibus paratum, per ductum thoracicum infundi in venam subclaviam, inde momento post una cum sanguine venoso ad cor dextrum venire, atque tunc per ultimas pulmonaris arteriae angustias pelli debere. Si ergo ex crassis, & viscosis paratus fuerit chylus, vel ob sicciore cibos assumptos absque potu non satis dilutus, periculum est, ne in ultimis illis arteriarum sinibus haereat, illosque obstruat, vel saltem difficiliorem reddat sanguinis per pulmones transitum. Verum quidem est, magnam cautelam adesse in corpore humano, ne hoc fiat, dum & bilis affusa in intestinis tenacitatem solvit ingestorum, & saliva, lympa pancreatica, ventriculi, & intestinorum humores &c. chylo miscetur, antequam sanguini venoso affundatur, simulque parca copia chyli torrente quasi venoli sanguinis absorbetur. Interim tamen lentae, & viscolae ingestorum moleculae, licet dilutae, dum in sinu venoso, auricula, & corde dextro haerent, possunt iterum adunari [vide §. 69. 70.], atque lentorem morbosum facere, cujus noxa in pulmone percipietur. Nunquid enim sanissimi etiam homines, post cibos larga nimis copia assumptos, dyspnoeam sentiunt aliquot postea horis, dum chyli major solito copia, & minus forte elaborati, per pulmonem transit? In debilioribus longe citius a leviori etiam in diæta errore idem observatur, atque omnium maxime in phthisicis, qui pessime anguntur, dum novus ex ingestis paratus chylus majori copia sanguini admiscetur. Patet ergo & hanc peripneumoniae causam notari debere. Frequens satis in bobus hic morbus occurrit, ab hac potissimum causa, ut videtur; dum haec animalia, in stabulis quiescentia hyemali tempore, pascuntur placentis, post expressionem olei ex lini semine residuis [lynfast KoeKen], ex quibus contritis, & cum aqua subactis tenax illud lutum paratur, quo chemici ad vasa agglutinanda uti solent. Si vero una cum viscido lentore acrimonia juncta fuerit, eo major noxa erit, dum tenerrima vasa, aeribus stimulis irritata, constringuntur, & cava sua arctant. Quamvis enim ex ingestis, licet diversissimis, humani corporis efficacia unus, & idem homogeneous humor, sanguis nempe, paretur, tamen illa mutatio non in instanti perficitur, sed plurimum horarum spatio absolvitur, atque chylus, cum sanguine jam fluens, diu saepe adhuc ingestorum indolem retinet. Patet in lactantibus foeminis, quarum lac odorem, & saporem assumptorum, purgantium vires &c. satis diu quandoque retinet. Confirmantur modo dicta, & Hippocratis [x] testimonio, qui dixit, *inflammationem in pulmone fieri maxime a violentia, & piscium capitum & anguillarum inglutio: hi namque pinguedinem bumanæ naturae inimicissimam habent*. Atque ideo etiam Celsus (y) sanato morbo, recidivae cavendae causa jussit, *in refectione pluribus diebus a vino abstinere; simulque curandum esse, ut diu nihil nisi molle, & lene sumatur*.

Exer-

(x) De Interni. Affectionibus cap. 7. Charact. Tom. VII. pag. 642.

(y) Lib. IV. cap. 7. pag. 213.

Tom. II. Pars II.



**EXERCITIA PULMONUM VIOLENTA** &c. Valido cursu, plurimis corporis musculis agentibus, accelerari debere motum sanguinis venosi, adeoque & cor irritari sic, ut saepius, & fortius contrahatur, alia occasione in Commentariis §. 99. 2. probatum fuit. Verum, corde frequentius contracto, & fortius simul eodem temporis spatio, augetur celeritas sanguinis per pulmonares arterias pulsi quam maxime. Demonstratum autem fuit §. 100., aucto motu sanguinis per vasa, diffatis aquosis partibus, produci viscositatem sanguinis inflammatoriam, qua ad concretionem facile disponitur. Simul etiam tunc probatum fuit, ab eadem causa angeri vasorum ad initia amplitudinem, & liquidorum crassiorum in tenuiora vasa impulsum: unde tunc concludebatur, obstructions, inflammationes &c. ab aucto motu sanguinis per vasa sequi posse. Quamvis autem illa mala in toto corpore ab hac causa nasci queant, inprimis tamen pulmone majus inde imminet periculum, quia & tenerrimis vasis constat, & velocitatis sanguinis incrementum illum plus afficit. Demonstratur enim in Physiologicis [τ], quod omnis liquor totius corporis, quo tempore distributus per omnes partes, semel circuitum absolvit, per cunctas, eo tempore totus semel transsit per solos pulmones; ideoque & humor omnis vitalis totus quantus pulmones transit, dum per alia viscera tantum certa portio transiit. Hinc intelligimus rationem, quare a validissimo cursu & homines, & animalia toties subito moriantur, uti passim Observationes Medicae testantur. Inprimis autem tunc funestissimus eventus sequitur, dum actuates, & anhelosi a cursu homines frigidum aerem hauriunt, vel gelidum potum bibunt affatim: ratio horum data fuit in Commentariis §. 118.

**LUCTA, NIXU.** Validissima enim tunc omnium fere musculorum voluntariorum actio est, adeoque & acceleratur sanguinis venosi motus aequae ac a cursu. Verum praeterea videmus, omnes homines, dum luctantur, vel valido nixu pondera elevare, aut obstacula quaedam remove, conantur, aerem magna copia inspiratum retinere quam diutissime, antequam exspirent, atque similes conatus repetere continuo. Aer autem calido pulmone retentus rarefit, & tanto magis vasa pulmonalia premit, quanto magis a calore expanditur: hinc patet, angustari debere pulmonis vasa: interim agentibus musculis acceleratur sanguinis venosi motus versus cor, illudque irritatur in validiores, & frequentiores contractiones; cum autem ab aere rarefacto angustata fuerint pulmonis vasa, difficilius sanguis transibit per pulmones, & tantum ejus fluidissima pars per arctiores jam vasorum fines transire poterit, crassissima accumulabitur, atque obstructions, & inflammationes pariet.

**CANTU, CLAMORE.** Ob eandem rationem inter peripneumoniae causas & haec referuntur. Vox enim formatur expulso aëre, tota capacitate pulmonis contenti, per causas arctantes thoracem; ita tamen ut aer sic per alperam arteriam expulsum incurrat in ventriculos laryngis, cartilagineas arytenoideas,

ri-

rimam glottidis. Nimis enim dilatata glottidis rima aer liberrime exit, sed nullum sonum facit; uti patet ex illis, qui graviozem sonum edere conantur, quam possunt. Demonstraverunt autem Musici, vocis diversitatem quoad acutiem, & gravitatem pendere a varia apertura rimae glottidis, & aucta, vel minuta celeritate aeris expulsi. Ubi ergo acutissimos tonos cantando assequi conantur homines, causae thoracem arctantes valida vi exprimunt aerem pulmone contentum per angustatam admodum glottidis rimam, unde aer pressus valide reagit in pulmonis cavum, quo continetur, hincque impeditur liber sanguinis per pulmonem transitus. Idem in valido clamore verum est, qui semper eo acutiores tonum format, quo fortior est. Phaenomena autem, quae apparent in cantantibus, vel fortiores clamantibus hominibus, evidenter hujus rei veritatem probant. Semper enim tunc turgida rubet facies, oculi suffunduntur sanguine, venae frontales, & jugulares tument &c., quae omnia docent circa cor dextrum accumulari sanguinem venosum, quia libere per pulmones transire nequit, uti alia occasione ad §. 807. probatum fuit.

EQUITATIONE FORTI IN VENTO ADVERSO. Demonstraverunt Physici (a), corpora per fluidum mota resistentiam pati, atque aucta velocitate corporis moti hanc resistentiam augeri; partim quia cohaesio particularum fluidi superari debet, partim etiam quia partibus fluidi motus conciliatur. Si ergo quis pernici equo per aerem vehatur, cum actioni aequalis sit reactio, tanto magis aer premit pulmonem, quo rapidius per aera movetur homo. Verum si jam simul aeris adverso vento moti directio superari debeat, patet satis augeri quam plurimum illam vim, qua aer pulmones premit. Si autem & frigidus talis ventus fuerit, eo magis constringentur vasa pulmonis, & tanto majus periculum erit adunationis molecularum sanguinis (vide §. 117.).

VENENA COAGULANTIA &c. Docuerunt Chemicis, dum sanguinis humani, aliorumque animalium, proprietates describunt, a spiritibus acidis fossilibus ex vitriolo, nitro, sale marino &c. expressis vi ignis, sanguinem coagulari: idem ab alcohole, alumine, vitriolo, & pluribus aliis contingit. Postea tentatum fuit, quid similia efficerent, si venis apertis vivi animalis instillarentur; qualia plura experimenta apud *Vesperum* (b) aliosque Auctores inveniuntur. Tentavi similia in canibus saepius, vidique semper sanguinem inde grumescere, & per venas, semper latiores in suo decursu, ad cor dextrum deferri, dein in pulmones: ibi autem haerebant, & post summam anxietates animalia haec moriebantur, citius vel serius, prout major, minorve talium coagulantium quantitas venis injecta, & diversa foret horum injectorum efficacia. Poterit ergo & talibus causis lethalis subito peripneumonia induci. Interim tamen cautum est, ne talia, per os ingesta, venas ingredi, & sanguini misceri possint, antequam admodum diluta fuerint; vel sic mutata, ut nocere nequeant. Minima enim venarum

u 2

ablor-

(a) 's Graveſande *Physices Elementa Mathem.* Tom. I. pag. 527. &c.(b) Cicut. *Aquat. histor. & noxae.* Bachlviuſ ſylloge experiment. pag. 103 &c.

abforbentium, & vasculorum lacteorum oscula in primis corporis viis ab acrioribus sic constringuntur, ut omnis aditus tollatur; adeoque raro ab hac causa peripneumonia fiet. Si vulneribus, in quibus magnae venae discissae sunt, imprudenter applicaretur alcohol vel similia stiptrica, quae sanguinem promptissime coagulant, tale malum metuendum foret: uti etiam, dum atra bilis viscera abdominalia obsidens, quacunque de causa mota, & turgens, versus hepatis ruic, & exelos venae cavae ramulos ingressa cum sanguine venoso ad cor dextrum deferatur. Uti enim postea §. 1104. dicitur, quandoque atra bilis acidam coagulantem vim habet, adeoque posset subito lethalem peripneumoniam hoc modo facere.

**VEHEMENTES ANIMI PERTURBATIONES.** Quantam vim habeant validi animi affectus, & quam miris modis possint augere, minuere, turbare vitalem humorum per vasa motum in Commentariis §. 104. dictum fuit. Dum subito terrore percellitur homo, uno momento pallet totum corpus, contractis omnibus vasis sic, ut sanguinem rubrum non admittant amplius: mox suspiria, anhelitus, & ponderis prementis circa praecordia sensus adfunt; quae docent evidenter, difficillimum esse transitum sanguinis corde dextro expulsi per pulmones. Incipit ergo stagnare tunc sanguis in magnis receptaculis venosis circa cor, & ad concretionem disponi; adeoque summum periculum est, ne postea ille sanguis in pulmonalis arteriae angustis haereat immeabilis. Contra, dum subita excandescit ira homo, inflatur turgida facies, rubet, calet totum corpus, oculorum tunica adnata sanguine suffunditur, pulsus celer, & validus est: quae omnia signa docent, sanguinem rapidissime moveri, & ingredi minora vasa, in quibus naturaliter non reperitur; adeoque periculum esse, ne per errorem loci inflammatio fiat. Verum in iratis hominibus frequens anhelitus, cordis palpitatio, & anxietatis sensus evincunt, similem mutationem, ac in externis corporis partibus deprehenditur, etiam in interioribus locum habere. Dum autem jurgis, minis, aliisque modis brevis ille furor exhalare potest, saepius abique magno sequente valida defervescit ira: verum si memores iras imo sub pectore condere coguntur inviti, uti toties in aulis fit, summa nascuntur calamitates. Optimus civis, a Magnate quodam publice opprobrio affectus, tacitus premit illaram contumeliam, dum illam ulcisci non poterat; verum mox asthma suboritur, in dies ingravescenti toto biennio, tandemque hydropicus perit (e). Si jam simul consideretur, in hysteriis mulieribus, & viris hypochondriacis, dum validos animi affectus patiuntur, illico fere sequi urinae tenuis, & limpidissimae ingens profluvium, parebit, sanguinem orbari diluente vehiculo, adeoque in concretionem magis pronum reddi.

**ANGINA CUM OPFRESSIONE PECTORIS &c.** Ut sanguis in homine nato ex corde dextro in sinistrum transire possit, requiritur pulmonum expansio per aerem inspiratum: quidquid ergo liberum aeris in pulmonem ingressum tollit, vel necessariam pectoris dilatationem in inspiratione impedit,

fa-

(e) Bapt. Helmont. in *Capitolo Astma, & Suffis* N. 25. pag. 291.

faciet, ut sanguis haerere incipiat in ultimis angustiiis arteriae pulmonalis, dumque pergunt agere tales causae, immeabili sanguine implebitur pulmo, & pessima peripneumonia fiet. Dum ergo in anginae speciebus; §. 801. 802. descripsis, angustatur pulmonalis fistula, vel larynx, circuitus sanguinis per pulmones difficilis fiet, uti in Commentariis harum paragraphorum demonstratum fuit. In valida ergo pleuritide, & paraphrenitide pectus dilatari nequeunt aegri, ob summam doloris acerbiteriam, sicque se ipsos suffocant; unde etiam illi morbi, si pessimi fuerint, fere semper in peripneumoniā transeunt; uti postea patebit, quando de his morbis agendum erit.

§. 825. **S**I hae causae (824.) morbum produxerint, pro diversitate sedis affectae (822.) producet effectus varios; bronchialis enim omnia effecta inflammationis producens (§. 82. ad 393.) ipsos fines arteriae pulmonalis contiguos comprimendo, contagio efficiundo, inflammat.

Dictum fuit §. 812., duplicem posse concipi peripneumoniā, dum nempe inflammatio in febribus arteriae bronchialis vel pulmonalis haeret. Effectus ergo erunt varii, qui a laesis functionibus pendent, reibus binae illae arteriae serviant. Cum autem bronchialis arteria vitae & nutrimento ipsius substantiae pulmonis destinata sit, laesio functionum hujus arteriae proprie spectabit ad ipsum pulmonem, tanquam privatam corporis partem. Arteriae autem, pulmonalis inflammatio non tantum pulmonem laedit, verum & liberum sanguinis ex corde dextro in sinistrum transitum turbat, unde vita pender. Cum autem rami arteriae bronchialis, per pulmonis substantiam dispersi, ubique contigui sint arteriae pulmonalis ramis, patet satis, uti ad §. 823. dictum fuit, inflammationem arteriae bronchialis simile malum in arteria pulmonali producere debere; adeoque peripneumoniā semper periculosa esse.

§. 826. **U**Bi autem fines ipsi arteriae pulmonalis inflammati, stagnat cruor; extenditur vas; exprimitur transfusionem quasi pars liquidissima; coæscervatur crassior, inter cor dextrum, & fines pulmonalium arteriarum, omnis fere colligitur circulum adhuc obire potens, sanguis; hinc pulmo gravis, explicari impos., livescens; cor sinistrum sanguine orbat; debilitas summa; pulsus exilis, mollis, omni modo inaequalis; respiratio parva, frequens, difficilis, erecta, tussiculosa, calida; sanguinis venosi ante auriculam, & cor dextrum stagnatio; rubor faciei, oculorum, oris, faucium, linguae, labiorum insolitus; tandem suffocans, inexplicabili cum anxietate, & delirio, mors.

Considerantur jam hae paragrapho illi effectus, qui natam in pulmonali arteria

arteria inflammationem necessario sequuntur, & ex quorum cognitione praesentis peripneumoniae diagnosi haberi simul poterit.

Patet ex definitione inflammationis (§. 371.), stagnare cruorem in arteriis inflammatis, simulque sanguinem per febrem fortius motum urgere loca obstructa. Inde autem necessario sequitur distensio vasorum inflammatorum ante locum illum, ubi obstruens materies haeret; uti probatum fuit in Commentariis §. 382. 1. Verum cum molecule sanguinis rubrae, nisi valida, & diuturna pressione sphaericam figuram mutaverint, interstitia relinquunt, exprimitur transludendo tenuior sanguinis pars per illa, & ad cor sinistrum perveniet. Cum autem vasa inflammata tumentia vicinos canales aucta sua mole compriment, propagabitur brevi inflammatione, & foia tantum tenuior cruoris pars per pulmonem transire poterit ad cor sinistrum, crassior autem pars in pulmonis vasis obstructis, & distentis coacervabitur.

Verum vasorum inflammatorum aucta moles non videtur sola causa esse, quare nata in pulmone phlegmone tam subito ad vicina loca pergat, sed & multum huc facit aucta sanguinis celeritas per reliqua vasa adhuc pervia, uti in Commentariis §. 382. §. explicatum habetur. Dictum autem ibidem fuit, notabile velocitatis augmentum non posse a minuto canalium perviorum numero fieri, nisi pars inflammata tantae fuerit magnitudinis, ut numerus vasorum obstructorum, comparatus cum reliquis vasis apertis, insignem differentiam facere possit. Unde etiam tunc conclusum fuit, in plerisque corporis partibus inflammatis non posse ab hac causa multum accelerari pulsum, sed hoc potius fieri a fibrarum nervearum per vicinas partes, & ipsa vasa inflammata dispersarum, irritatione. Ubi autem inflammatio pulmonem occupat, facile concipitur, obstructis quibusdam vasis, multum debere augeri humorum celeritatem per reliqua vasa pervia, quia nempe [ uti in Commentariis §. 824. dictum fuit ] omnis liquor totius corporis, quo tempore, distributus per omnes partes, semel circuitum absolvit per cunctas, eo tempore totus semel transire debet per solos pulmones. Quomodo autem per auctam velocitatem circulationis obstructio, & inflammatio fiant, in Commentariis §. 100. explicatum fuit.

Patet ergo in peripneumonia, nisi cito solvi possit, omni momento augeri mala, cruorem immeabilem accumulari in vasis obstructis, & dilatatis, atque continuo magis magisque in majores vasorum angustias urgeri; sicque tandem omnis ille sanguis, qui adhuc transpirari potuit in venas pulmonales, & circulum obire, in venis majoribus circa cor, sinu venoso & auricula dextris, haerebit, dum omni momento augentur impedimenta in pulmone. Simul etiam patet, crassamento sanguinis in pulmone accumulato, illam partem, quae adhuc per vasa movetur, tenuiorem, & fluidiorem solito esse debere; quod phaenomenon plurimos Medicos, ad hanc rem non attendentes, torit, dum crederent, in morbo acuto inflammatorio contrariam sanguinis venis educti indolem esse debere. Cum ergo omne illud, quod per vasa motum vitalem adhuc continuat, ex tenuioribus tantum sanguinis partibus constet; potius aequoli ingesti non poterunt diu manere humoribus permixti, sed vel per sudores exibunt, vel per urinam. Ceteris enim pari-

paribus tanto major secretio, & excretio per has vias fiet, quanto major copia aquae in sanguine adest, proportionem habita ad reliquas cruoris partes. Unde merito dixit Hippocrates (d), malam esse urinam, quae cito post potum mingitur, praesertim in pleuriticis, & peripneumoniacis.

Quo magis autem impletur crasso, & immeabili sanguine pulmo, eo minus fit spatium aeri inspirato: hinc pulmo, ex sua natura levis, & spongiosus, gravis fit, & compactam carneam molem refert, atque livescit ob eandem causam. Videtur & Hippocrates illud observasse, licet aliam rationem dederit, ignarus circulationis sanguinis. Sic enim habet: *Quum e capite per bronchum, & arterias in pulmonem fluxio facta fuerit, natura sua rarus, & siccus exiens pulmo, quidquid humoris potest, in se trahit, & ubi influxerit, major redditur, & siquidem in totum fluxerit, lobi majores redditi utrumque latus attingunt, & peripneumoniam faciunt* (e). Et alibi de eodem morbo agens [f] dicit: *Hic tumor potissimum a sanguine ortum ducit, quum pulmo in se sanguinem attraxerit, & acceptum retinuerit.*

Observata autem in cadaveribus hoc morbo defunctorum confirmant illa, quae morbi hujus consideratio dictaverat; unicum adduxisse exemplum sufficiet. Dum aperitur cadaver juvenis viginti sex annorum, peripneumonia defuncti septimo morbi die, pulmones conspiciebantur admodum distenti, & ad tactum duri. Omnem pectoris cavitatem replebant, diaphragmati, costis, & dorsi vertebis in utroque latere adeo firmiter accreti, ut cultro difficile secari potuerint. Exempti de thorace pulmones carnes compactam referebant, eorumque vesiculae quasi carnea, crassa, rubicunda substantia erant infarsae, & quum discinderentur, pauca quantitas ichoris putridi sanguinei effluxit. Quinque libras pondere aequabant pulmones lanci impositi, & aquae injecti submergebantur. In aspera arteria spumosa, & tenax materia reperta. In vasis pulmonis, uti & corde & auriculis, inventae fuerunt polyposae concretiones, quae simul omnes excedebant pondere binas uncias (g). Pulchra haec observatio adamussim ostendit, quae via hic morbus in mortem tendat.

Cum autem sanguis venosus, ad cor dextrum delatus, per infarctum pulmonem transire nequeat libere, haerebit in pulmonis vasis distentis, aut colligetur in corde dextro, sinu venoso, & auricula dextris, vel & in ipsis venarum majoribus truncis, & pauculum tantum per vasa adhuc pervia pulmonis in cor sinistrum venire poterit, unde COR SINISTRUM SANGUINE ORBATUR. Non poterit ergo per aortae ramos ad encephalon pelli sanguinis debita copia, unde nec fiet spirituum secretio, simulque deficiet liquidi nervosi influxus & pressio in musculos, adeoque debilitas summa sequetur; uti in *Capitulo de Debilitate Febrili* pluribus demonstratum fuit. Quia autem arteriae

u 4

diastole

(d) In Coacis Praenot. N. 5-9. Charter. Tom. VIII. pag. 886.

(e) Hippocrat.

Lib. de locis in homine. ap. 7. Charter. Tom. VII. pag. 365.

(f) De

ternis affectionibus cap. 8. ibid. pag. 643.

(g) Ered. Hofm. Medic. ration.

& System. Tom. IV. Sect. II. cap. 6. Observ. 1. pag. 439. uti & in Dissert. dec. 2. Dissert. X. de Generatione Mortis in morbis pag. 328.

diastole a sanguine ex corde projecto fit, hinc patet, corde sinistro vix sanguinem recipiente, non posse valide attolli aortam, ejusque ramos, adeoque pulsum & exilem, & mollem esse debere. Praeterea cum auctae resistendae in pulmonis valis non possint (adulto saltem jam morbo) ut cor dextrum se integre evacuare possit, illud palpiabit saepius, & singulis illis ictibus aliquid transprimet per pulmones in cor sinistrum, donec in corde sinistro talis quantitas sanguinis sit, quae illud in validam contractionem irritare possit; unde tunc lubinde unus, vel alter validus pulsus sentitur, moxque iterum fit mollis, exillis, imo & saepius intermittit; adeoque patet ratio, quare pulsus omni modo inaequalis sit. Talis autem pulsus vacillatio in moribundis hominibus semper adest, atque postea §. 874. probabitur, proximam moris causam, & ultimum fere omnium lethaliū morborum effectum esse peripneumoniam.

Ex modo dictis intelligitur forte ratio, quare Galenus [b] dixerit, peripneumonicorum pulsum magnum esse, dum nempe subinde validus talis arteriae pulsus obliervatur, mox sequente iterum debili & undoso. Non enim absolute magnum in hoc morbo pulsum posuisse Galenum, patet ex illis, quae statim adduntur. Sic enim habet: *Peripneumonicorum autem magnus est (pulsus), & undosus quid habens, & obscurus, & mollis, similiter ac pulsus lethargicorum, nisi quatenus praepollens inaequalitate &c.* Simile quid & apud Aretaeum (i) legitur; dicit enim de hoc morbo agens: *Pulsus habens in initio magnos, inanes, creberrimos.* Et postea addit: *Pulsus parvi, frequentissimi & deficientes, quod ipsis mors proxima est.*

RESPIRATIO PARVA, FREQUENS, DIFFICILIS &c. Requiritur enim, ut anguis in homine nato transire possit per pulmones, illorum expansio per aerem inspiratum. Verum ex ante dictis patuit, pulmonum arterias in hoc morbo sanguine immeabili infarctas distendi, adeoque cavum acreum pulmonum minuire, simulque facilem pulmonum ab aere inspirato expansionem impedire, cum non amplius spongiosi & molles, sed carnei & duri evaserint. Unde parum aeris simul tunc inspirare possunt tales aegri, & respirationis frequentia, & summo molimine illud compensare nituntur. Simul tunc adest orthopnoea dicta Veteribus Medicis, quando aegri proprio instinctu corpus in lecto erigunt, ut facilius inspirare possint. Erecto enim corporis situ abdominalia viscera suo pondere deorsum dicunt diaphragma, sicque pectoris dilationem augent. Notavit hoc Aretaeus [K] monens, quod *sedere volens laborantes: ad spiritum ducendum corpus rectum statuitur: ad id enim his situs aptissimus est.* Designat ergo erecta illa respiratio semper impedimentum in pulmone liberum sanguinis transitum tollens; atque unde patet ratio, quare Hippocrates (l) dixerit: *Quod si in morbi vigore aegrotus velis residere, hoc in omnibus quidem acutis morbis malum est, pessimum vero est in peripneumonicis.* Ubi enim morbi decrescunt, minime malum

(b) De Pulsibus ad Tyrones cap. 38. Charter. Tom. VIII. pag. 10. 11.

(i) De Causis, & signis morbor. acut. Lib. II. cap. 1. pag. 11.

pag. 10. 11.

(l) In Prognosticis Sententiae 10. Charter. Tom. VIII. pag. 603.

(K) Ibid.

malum signum est, si in lecto residere velint aegri, tunc enim incrementibus viribus, & satisfaciēte morbo, jugem decubitus salidiunt. Verum in morbi vigore semper molestam anxietatem, ob difficilem sanguinis per pulmones transitum, designat.

Quia autem in hoc morbo distētis vas sanguineis comprimuntur vasa aerea pulmonis, vesicularum, in quas bronchia desinunt, latera ad se mutuo affricantur, unde irritans & continua fere tussicula, quae augeatur, dum mora, & calore inspissatus mucus (naturaliter internam pulmonum superficiem obliniens), neque ob impeditam respirationem facile averrendus, in his locis colligitur, uti ex sectione cadaveris peripneumonia defuncti modo memorata patet. Plerumque tunc simul adest ingratus in pectore strepitus, qui fit, vel ab acre muco hic collecto irretito; vel a vesiculis pulmonum siccis, hincque crepitantibus instar corii arefacti, dum inspirando extenduntur. Simile quid indicare videtur Hippocrates, dum de pulmone in latus decubente agit; ubi tunc talia symptomata enumerat, quae peripneumoniae optime conveniunt, atque postea addit sequentia: *Sanguis velut corium stridet, & respirationem prohibet* [m]. In Oeconomia Foetui autem alio modo legitur hic textus, & pro *si aqua* ponitur *si rādus*, tuncque sensus foret: *pectus velut corium stridet*. Neque ratione carere hanc commendationem docet alter Hippocratis locus (n), ubi sequentia habentur: *Quum pulmo ex calore plenus intumuerit, vehemens, & dura tussis desinet, & orthopnoea: confertim respirat, crebro anhelat, tumescit, nares expandit, ut equus ex cursu, & linguam frequenter exserit, & pectus ei modulari videtur* (ē *si rādus aqua āndus dōxā*), & gravitas inesse.

CALIDA autem est respiratio in peripneumoniciis, uti manifeste percipiunt illi, qui hoc morbo decumbentium curam gerunt. In febre ardenti, prout ad §. 739. dictum fuit, quandoque tantus circa vitalia viscera aestus adest, ut ipsum acrem expiratum incendere videatur: sed & notatum fuit ad §. 742., febrem ardentem saepe in peripneumoniā transire. Plures autem in peripneumoniā causae concurrunt, quae faciunt, ut aer inspiratus plurimum calefcere debeat. Pulmo enim infarcitur rubra crassissima sanguinis parte, quam calori concipiendo, & conceptum diu retinendo aptissimam esse novimus: per vasa pulmonis nondum impervia, sed a vicinis obstructis, & tumētibus angustata, celerrime trahuntur humores, unde majorem calorem nasci debere, in Commentariis §. 382. 6., & in caloris febrilis historia, demonstratum fuit. Accedit, quod immeabili sanguine turgens pulmo satis explicari nequeat, adeoque minor copia aeris singulis inspirationibus hauriri possit. Ex quibus omnibus simul intelligitur ratio, quare calidissimus percipiatur aer expiratus in peripneumoniciis. Unde Spiritum calidum, & calidum in effectum hujus morbi numeravit Hippocrates: [o]: uti & Galenus [p] pluri.

(m) De Morbis Lib. II. cap. 23. Charter. Tom. VII. pag. 575.

Morbis Lib. III. cap. 7. ibid. pag. 585.

Charter. Tom. VIII. pag. 582.

(n) De Praefatione expulsi Lib. IV.

cap. 2. Charter. Tom. VIII. pag. 297. De locis affectis Lib. II. cap. 5. Charter.

Tom. VII. pag. 419. & Lib. IV. cap. 21. ibid. pag. 475.

(o) De

Morbis Lib. III. cap. 14.

(p) De Praefatione expulsi Lib. IV.

cap. 2. Charter. Tom. VIII. pag. 297. De locis affectis Lib. II. cap. 5. Charter.

Tom. VII. pag. 419. & Lib. IV. cap. 21. ibid. pag. 475.



floribus in locis; idemque similiter notavit *Arctaeus* (9).

SANGUINIS VENOSI ANTE AURICULAM, ET COR DEXTRUM &c. Cum enim cor dextrum se evacuare libere nequeat per pulmonis vasa obstructa, & flammata, sanguis venosus, a toto corpore redux, stagnare incipit in vasis magnis receptaculis ante cor dextrum; adeoque, dum perguat arteriae adferre sanguinem, neque venae reducere possunt, omnes partes capitis externae, & internae sanguine distendantur; unde rubor faciei, oculorum &c., intelligitur. Videantur illa, quae in Commentariis §. 807. de hac re dicta fuerunt: ubi simul ratio data fuit, quare potius in his partibus, quam in aliis, haec phaenomena appareant. Inter peripneumoniae signa *ruborem in facie* posuit *Hippocrates* (r); & reliqui Veteres Medici Graeci, dum hunc morbum describunt, similia dixerunt. Sic inter signa diagnostica peripneumoniae *genas rubras* numerat *Trallianus* (f). Rubescere faciem, sed *genas praecipue*, dixit *Aretaeus* (t), atque venas temporum & collae attolli: addidit autem & aliud phaenomenon, nempe *οι λευκοι τω οφθαλμω διαυρισμένοι ειναι*, quod in versione sic redditur: *oculorum album nitidissimum & pingue est*. Videtur autem interpretes legisse *λεμνωμενοι*, ac si oculi purissimi in hoc morbo niterent, ut pingui quodam inuncta corpora solent. Verum, dum impedito libero reditu sanguinis venosi a capite omnia turgent, solent alia oculorum rubescere, & oculi prominere, sicque torvum potius vultum expriment aegri [vide §. 773. 4.] cui sententiae favet ipsa vox *λεμνωμενοι* propria significatio, *λεμνω* enim de protervo homine, & ultra modum audacia dici solet. Ingeniosa etiam videtur conjectura, quae *λεμνωμενοι* legendum voluit, tuncque significaret, humidissimus oculus esse (u), uti in *Editione Oxoniensi* habetur. In pessimis enim morbis oculi saepe involuntarii lacrymis madent. Si autem considerentur illa, quae in Commentariis §. 834. habentur de notandis in aegrorum oculis, apparebit, satis verosimile esse, per pingue illud [*τιον*] intelligi tenue, & albam pelliculam, quae in lethalibus morbis toties aegrorum oculos deturpat. Pulchre haec omnia confirmari videntur illis, quae apud *Agrietaum* (w) leguntur, ubi de peripneumonia agit. Sic autem habet: *Genae itaque in his rubrae apparent, & oculi intumescent, supercilia deorsum nutant, & cornices (καταυδεις) subpingues apparent*, dum nempe tali pellicula obfuscantur.

TANDEM SUFFOCANS; INEXPLICABILI CUM ANXIETATE, ET DELIRIO, MORS. Cum nempe pulmo adeo sanguine immeabili infarsctus est, ut aerem inspiratum admittere nequeat, simulque tanta resistentia nascitur cordi dextro, ut nihil amplius sanguinis exprimere possit; unde quies cordis, & mors. Quamta autem prius anxietatem patiantur miseri, colligi poterit ex illis, quae

(9) De Caus. & sign. morbor. acutor. Lib. II. cap. 7. pag. 10. 11. (r) De Intern. Affectio. cap. 8. Charter. Tom. VII. pag. 643. (f) Lib. V. cap. 2. pag. 241. (t) Lib. II. De Causis & signis morbor. acutor. cap. 1. pag. 11. (u) In conjecturis de suspectis aliquot Aretaei locis ibid. pag. 161. (w) Lib. III. cap. 30. pag. 40.

quae §. 631. dicta fuerunt. Quare autem delirent tales aegri, in Commentariis §. 807. explicatum fuit. Videantur & illa, quae ad §. 774. de hac re dicta sunt, ubi demonstratum fuit, Phrenitidem Peripneumoniae succedere, sed lethalem. Accidit tamen quandoque paullo ante mortem, ut nullam amplius anxietatem sentiant aegri, verum extrema frigida, ungues lividi, pulsus parvus, celerissimus, & intermittens, satis docent peritum Medicum, mortem instare, uti optime monuit *Aretaeus* (x).

Quando autem, cur, & cum quibus symptomatibus hic morbus in mortem abeat, postea adhuc latius ad §. 848. dicetur.

§. 827. **S**I tale malum (826.) utrumque pulmonem simul, & valide infererit, erit cita, & insuperabilis mors; quum nullo remedio antiphlogistico juvari natura queat (confer. 386. & 395. ad 402.

Ut vita perenner, requiritur, ut sanguis ex corde dextro per pulmonem in cor sinistrum venire possit; ubi ergo utrumque pulmonem simul valida inflammatioprehendit in finibus arteriae pulmonem, tollitur ille sanguinis per pulmonem transitus, adeoque brevi actum erit de vita. Et licet in morbi huius initio, pluribus valis obstructis, quaedam adhuc pervia manserint, patet satis ex ante dictis, a tumentibus vicinis inflammatis eadem omni momento magis magisque angustari debere, donec tandem omnis via intercipiatur. Quidquid enim sanguinis adhuc per pulmonem transire potuerit in cor sinistrum, illud per aortae ramos propulsus in venas redibit ad cor dextrum, atque denuo per pulmonalem arteriam, in plurimis locis jam immeabili sanguine infarctam, transire non poterit integre, sed crassissima pars, rubra nempe, ad haec obstacula sistetur, & obstruentem molem augebit omni momento, unde evidenter patet, citam & insuperabilem mortem expectandam esse.

Neque multum sperari posse ab optimis remediis, licet simul & semel animose adhibitis, patebit, si perpendantur sequentia. Sola curatio inflammationis, quae hic sperari posset, est illa, quae resolvendo fit; suppuratione enim, dum uterque pulmo simul, & valide inflammatus fuerit, locum habere nequit, cum omnia symptomata augeantur, quando inflammatio in suppurationem transit (vide §. 387.) adeoque suffocaretur aeger, antequam ad maturationem perducere posset ingens talis in utroque pulmone abscessus. Multo minus servari poterit aeger, dum post validam pulmonis utriusque inflammationem gangraena sequitur, de qua re nemo dubitat. Sed ut resolutio inflammationis obtineri possit, requiritur inter alias conditiones [vide §. 386.], ut causa obstruens non nimis solidata fuerit, obstructio parva sit in arteriis sanguineis, vel in initiis lymphaticorum, canales mobiles, diluens vehiculum advehi possit &c. Verum omnia potius contraria in valida peripneumonia obtinent: cum enim omni momento vitae sanguis ex cordis dextri

(\*) Lib. II. de causis, & signis morb. acut. cap. 1. pag. 11.

dextri cavo trajiici debeat per arteriam pulmonalem, singulis cordis ictibus magis consolidabitur obstruens materia, liquidissima ejus parte per ultimos fines arteriae pulmonalis transpressa; simulque eadem de causa obstruentes molecule in majores convergentium valorum angustias urgebuntur, adeoque distentissimis vasis obstructis tolletur illorum mobilitas. Verum magna difficultas adest, ut diluens vehiculum subministrari possit: omne enim aquosum, sive potatum, sive balnei, vaporis, clysmatis &c., specie applicatum, venis recipitur, adeoque ad cor dextrum deferetur: verum illud non poterit misceri immeabili sanguini, dum magnam partem canalium obstructorum occupat infarctus sanguis, unde per vasa adhuc pervia transibit in cor sinistrum, sicque debilem vitam in pessimo hoc morbo utrunque sustinebit. Sed si consideretur, per eadem augeri quantitatem liquidi per pulmones trajiendi, patebit, & augeri debere celeritatem motus, cum plurimis vasis obstructis per pauca adhuc aperta eodem tempore moveri debeat pulsus ex corde dextro liquidum, adeoque iterum aderit blandae resolutionis impedimentum, cum ad hanc requiratur sedatus humorum motus, uti ad §. 386. demonstratum fuit.

Si jam considerentur quatuor indicationes curatoriae, ad resolutionem inflammationis obtinendam requisitae, quae §. 395. enumeratae fuerunt, & sequentibus paragraphis fusius explicatae, patebit, in hoc casu illas perfici non posse. Tenerrimorum enim pulmonis vasculorum laesio omni momento augebitur, dum cor pergit, quandiu vita durat, urgere loca obstructa, & impetus liquidi corde expulsi directe in vasa obstructa adeo propinqua agit: Quam difficile sit materiae obstruenti fluiditatem conciliare in hoc morbo per diluens vehiculum, statim vidimus. Venae sectio larga, efficacissimum in morbis inflammatoriis remedium, dum & impetum & copiam liquidi vitae minuit, sicque vasis oscillationes elasticas restitui, atque hoc effectum praestat, ut inflammata vasa repellant obstruentes molecule ex angustis coniventium vasorum in majores ramos, porum etiam in hoc casu prodesse poterit. Tollitur enim sic ille sanguis, qui adhuc per pulmonem transire potens vitam sustinuerat, & quantumcunque etiam minuitur sanguinis copia, omne, quod superest, tamen per pulmonem transire debet: hinc nec revulsio hic locum habere poterit, quae tanti usus est in reliquis inflammationibus curandis, neque retropulsio materiae inflammatoriae instruentis ex angustis minorum vasorum in majores truncos [vide §. 400.] hic expectari poterit: obstat enim arteriarum pulmonalium plenitudo, dum uterque pulmo simul & valide inflammatus est, & cordis valvulae regressum sanguinis contenti in truncum arteriae pulmonalis impediunt. Laxatio autem vasorum per balneum vaporis, a quo multum boni speratur merito in hoc morbo, dum curabilis est, in hoc casu vix locum habere poterit, dum tantis angustis premuntur tales aegri, ut lintea aqua calida madentia ori & naribus applicata ferre nequeant. Patet ergo, etiam & nulla arte superabilem mortem instare, dum uterque pulmo simul, & valide inflammatus fuerit, haerente malo in arteriae pulmonalis ramis.

§. 828. **A**T si parvum in uno pulmone locum infestat, nec causas validas habet, aliqua, nec tamen certa, spes est curari bene posse.

Docuerunt injectiones Anatomicae, arteriae pulmonalis ramulos per pulmonem dispersos plurimis anastomosibus jungi inter se variis in locis, atque idem etiam in arteria bronchiali verum est: quin imo & rami arteriae bronchialis cum ramis pulmonalis arteriae pluribus in locis uniuntur, uti ad §. 823. dictum fuit. Unde si alterutro pulmone parvus tantum locus inflammatus fuerit, non erit illico tantum periculum, cum sanguis, per obstructa loca transire non potens, per vicina aperta satis commode transmittitur. Neque in hoc casu numerus vasorum obstructorum comparatus cum illis, quae adhuc pervia sunt, tantam differentiam facere poterit, ut requiratur insigne velocitatis augmentum ad continuandum sanguinis ex corde dextro per pulmones in cor sinistrum transitum. Patet ergo, in tali casu spem curae superesse, neque certam tamen, cum nata in pulmonis parvo etiam loco inflammatio tam facile ad vicina propagetur, uti §. 825. dictum fuit.

§. 829. **I**Nde (824. ad 829.) signa diagnostica, & prognostica, utcumque hauriri possunt; maxime si consideremus, exitus esse, ut inflammationis (§. 386. ad 393.); unde etiam status accipit vario durationis tempore varios, ita ut abeat in sanitatem, alium morbum, mortem.

Quaeritur jam, quibus signis cognosci possit morbus hic praefens, & distingui ab aliis pectoris morbis. Causae praegressae §. 814. enumeratae, & effectus observati §. 826. descripti, omne hic dubium facile tollent. Febris praegressa, & comitans distinguit peripneumoniam ab asthma convulsivo, cum quo morbo plurima signa communia habet. Unde videtur *Galenus* (y) aptam hujus morbi Diagnosin descripsisse sequentibus. *Quum vero spirandi difficultati cum angustia, & gravitate febris acuta simul accedit, est ille affectus inflammatio pulmonis.* In progressu tamen morbi, dum vix amplius quid sanguinis per pulmonem transpirari potest, pulsus saepe exilis, & mollis adeo est, ut incautos fallere possit. Accedit plerumque tussicula suffocans, rubor faciei, oculorum & reliqua §. 826. enumerata. Inter effectus autem inflammationis, §. 382. descriptos, erat & dolor punctorius, dum distentorum vasculorum fibrae rupturam minitantur; veruntamen non videtur semper dolor talis acutus hunc morbum comitari. Unde de peripneumonia dixit *Celsus*: *Id genus morbi plus periculi, quam doloris habet* [z]. Internam pulmonis superficiem, quae aeri inspirato contigua est, sensilissimam esse novimus, dum a minimo heterogeneo per tracheam illapso suffocans

ferere

(y) De locis affectis Lib. IV. cap. 22. pag. 475.

(z) Lib. IV. cap. 7. pag. 212.

fere suffis nascitur; & in catarrhis exasperata hac superficie interna pulmonis molestus saepe dolor percipitur. Verum ipsa pulmonis substantia inflammata ponderis gravantis, & anxietatis potius, quam doloris, sensum facere videtur. Nunquid in phthisicis totus pulmo purulenta labe consumitur abique multo dolore? Interim tamen pro varietate loci affecti in ipso pulmone hic aliqua diversitas obtinere poterit. Si enim inflammatorius tumor, neque admodum magnus, sua mole elevet, & distendat integram pulmonis membranam, quae aeri inspirato contigua est, posset in illo loco molestus dolor adesse. Ubi autem magna pars pulmonis inflammata est, ob denegatum sanguinis per pulmonem transitum, sicque impeditum sanguinis venosi ab encephalo reditum, hebetes redduntur aegri, neque dolorem percipiunt. Dum autem pulmo pleurae in quibusdam locis accretus est, uti frequenter in cadaveribus dissectis observatur, posset ab inflammato pulmone distrahi pleura, sicque acutus simul in pectore dolor percipi. Ita etiam dum pulmo turgens immeabili sanguine, & mole auctus mediastinum premit, & distrahit, dolor adesse poterit; quod videtur notasse Hippocrates [a] ubi sub nomine *pulmonis repleti* describit peripneumoniam, sicut enim habet; *Tussis detinet, orthopnoea & anhelatio &c., dolor acutus pectus; & scapulas occupat.* Ex alio loco [b], de pulmonis Erysipelate agens; illum sanguinem in se trahere dicit, (de qua re ad §. 826. dictum fuit), atque dein addit sequentia: *Quum autem traxeris, febris acuta ex ipso oritur, & suffis sicca, plenitudo in pectore, & dolor acutus in anterioribus, & posterioribus partibus, praecipue vero ad spinam.* Et paullo post (c) de suppurato pulmonis tuberculo agens dicit: *Quamdiu quidem erudum adhuc fueris, dolorem tenuem exhibet, & tussim siccam; postquam vero maturueris, anteriore, & posteriore parte acutus dolor oritur.* Maxime enim turget maturus, & jam rumpendus abscessus, adeoque sua mole vicinas partes distrahit. Ubi jam pleuritidi succedit peripneumonia, vel una cum locis intercostalibus inflammatur & pulmo, quem morbum *Pleuroperipneumoniam* vocare solent Medici, acutus dolor adest, verum ille tunc non oritur ab ipsa pulmonis inflammatione, uti facile patet.

Concludere igitur licet, dolorem acutum non esse de natura hujus morbi, illumque saepius abesse, sed ponderis gravantis sensum, & anxietatem magnam, potius hunc morbum comitari, cum obtuso quandoque dolore, neque admodum valido. Suffragantur huic opinioni observata in decumbentibus hoc morbo, & Veterum Medicorum testimonia. Ita Aretaeus [d] describens Peripneumoniam dicit: *Morbus ille, quem Peripneumoniam vocamus, est inflammatio pulmonis cum febre acuta, quibus simul adest thoracis gravitas, doloris absentia [ἀραια] si solus pulmo inflammatur, quippe qui naturaliter doloris immunis sit &c. At si quaequam ex membranis illum ambientibus, & ad thoracem delignantibus, inflammatur, adest simul & dolor.* Ita etiam

(a) De Morbis Lib. II. cap. 23. Charter. Tom. VII. pag. 574. 575.

(b) De

Morbis Lib. I. cap. 8. ibid. pag. 540.

(c) Ibidem.

(d) De causis, &

signis morbor. acutor. Lib. Ib. cap. 1. pag. 10.

etiam Trallianus [e] & Aegineta [f], dum hunc morbum describunt, nullam doloris mentionem faciunt, sed gravitatem; & tensionem in thorace percipi monent. Aetius [g] vero sequentia habet. *Peripneumonia inflammatio est pulmonis cum febre acuta. Consequitur autem affectus thoracis gravitas absque dolore. Quod si pelliculae ipsius, quae cum thorace secundum longitudinem ipsius sunt connexae, sint inflammatae, etiam dolorem percipiunt.* Et Aurelianus (b) summam enumerans signa hujus morbi dicit: *Sunt haec, febris acutae, spirationis celeritas, ac difficultas; tussicula, atque spirituum varia emissio, gravatio sine ullo dolore, aut cum parvo, praefocationis sensus.*

An vero in uno pulmone tantum inflammatio haereat, an autem in utroque, docebit tensionis, & gravitatis perceptio in uno, vel utroque thoracis latere, Symptomatum autem magnitudo docebit variam inflammationis intensitatem, & extensionem. De hac re sequentia apud Hippocratem [i] habentur signa Diagnostica: *Peripneumonia, quibus tota lingua alba & aspera fit, ambae pulmonis partes inflammatae sunt, quibus vero dimidium, una, juxta quam apparet. Ex quibus ad claviculam dolor fit, his superna pulmonis ala una aegrotat; quibus autem ad ambas clavículas dolor fit, ambae supernae pulmonis alae aegrotant, quibus juxta mediam costam; media; quibus vero ad diaphragma ( *ἄπὸ τοῦ διαφράγματος* ) inferna; at totam unam partem dolentibus, omnia juxta hanc partem aegrotant.*

Ex illis autem, quae §. 827. 828. dicta fuerunt, patet, Prognosin semper docere periculum in hoc morbo, quandoque & mortem citam, & insuperabilem. Reliqua vero, quae ad Prognosin pertinent, quatenus varias mutationes hujus morbi spectant, melius tradentur, dum singulatim hae considerabuntur in sequentibus. Simul enim hic congerere omnes illas regulas Prognosticas repugnaret ordinatae doctrinae. Cum enim Peripneumonia sit pulmonis inflammatio, omnes exitus inflammationis sequi poterunt, & pro illorum diversitate, duratione &c. prognosis plurimum variat. Postea adhaec §. 847. de Prognosi quaedam dicenda erunt.

Cum autem Peripneumonia, uti & quivis alius morbus, tres tantum exitus habere possit, in sanitatem nempe, alium morbum, & mortem, operae pretium erit videre, quomodo, & quibus cum phaenomenis in hos exitus tendat ille morbus. Ita enim ex his fideli observatione cognitis stabiliri possunt indicationes curatoriae, per quas juvamus, & promovemus salutaria illa naturae molimina, per quae morbus in sanitatem terminatur felici exitu: contra vero avertimus, quantum per artem hodie cognitam licet, illa, quae apparent, dum peripneumoniam in mortem tendit, & conamur dirigere ad loca minus periculosa materiae morbosae metastases, per quas peripneumonia in alium morbum definit.

(e) Lib. 3. cap. 2. pag. 241.

(f) Lib. III. cap. 30. pag. 40.

(g) Tetrabl. 2.

Serm. 4. cap. 65. pag. 518.

(h) Acutor. morbor. Lib. II. cap. 27. pag. 139.

(i) Cosc. Praenot. N. 400. Charter. Tom. VIII. pag. 875.

§. 830. **S**Anatur 1. Resolutione benigna; si temperies laxa, humor blandus, viscositas non nimia, pars affecta bronchialis, vel pulmonalis, non magna. 2. Sputo cito, libero, copioso, flavo cum paucis sanguine misto, satis crasso, dolorem sedante, respirationem emendante, pulsum ampliorem & pleniorum reddente, in album blandum cito mutato; id fit, si sedes mali in primis est bronchialis arteria, aut pulmonalis non valde magna. 3. Alvi fluxus biliosus, levante, & similia fere, ac sputa descripta, ejiciente. 4. Urina copiosa, crassa, hypostatica, levante, cum sedimento primo rubro, sensim albescente, ante septimum diem emissâ. Atque tum respiratio adest facilis, febris mitis, & boni moris, *adipsia*, calor, humiditas, laxitas, mollities, aequales toto corpore.

1. Quando agebatur §. 594. de illo febris exitu, quo in sanitatem terminatur, notatum fuit, illud duplici modo fieri posse. Vel enim febris ipsius causa materialis sic subigebatur, ut mobilis reddita insensibili evacuatione diffunderetur de corpore, vel omni modo sanis humoribus assimilata cum illis absque ullo impedimento circulationis aequalis per vasa fluere. Haec autem vocabatur resolutionis via, de qua in historia inflammationis §. 386. dictum fuit. Talis benigna resolutio in peripneumonia curanda maxime optabilis foret, per quam nempe reducto fluore concreti, & motu stagnantis, solvitur pulmonum inflammatio. Verum haec resolutio semper obtineri nequit, cum ad illam requirantur (vide §. 386.) inter alias conditiones motus sedatus, minor compactio obstruentis causae, obstructio parva, & canales mobiles. Unde notatur in textu, quod in laxae temperiei hominibus hic peripneumoniae exitus in primis obtineat. Facile enim tunc dilatanda vasa permittunt, ut obstruentes molecule, per vim vitalis liquidi a tergo urgentis, per ultimas arteriarum angustias transpirantur in venas. Hinc etiam alia occasione ad §. 386. 588. 683. monitum fuit ex Hippocrate, quod densa, & exercitata corpora citius a pleuritidis, & peripneumoniacis morbis pereant, quam non exercitata. Verum potissimum resolutio illa sperari poterit, si bronchialis arteria malum haereat, tunc enim per pulmonalem arteriam satis expeditus adhuc manet sanguinis transitus, adeoque non tantus metus est, ne fiat insignis adeo acceleratio sanguinis per vasa libera, cum proportionalis tantum sanguinis copia ad pulmonis molem per bronchialem arteriam moveatur, per pulmonalem vero arteriam omnis totius corporis sanguis transire debeat illo tempore, quo per reliquas corporis partes semel circuitum suum absolvit. Cui autem, uti §. 825. dictum fuit, arteriae bronchiales inflammatae contiguos ipsius fines arteriae pulmonalis comprimant, raro poterit in arteria bronchiali inflammatio edesse, quin simile quid etiam in pulmonali arteria contingat, unde dicitur in textu, tunc resolutionem expectari posse. SI PARS AFFECTA BRONCHIALIS, VEL PULMONALIS, NON MAGNA. Si enim supponatur, magnam arteriae pulmonalis partem inflammata esse, cor dextrum urgebit continuo loca haec inflammata, & exprimet tenuissimam partem

nam partem [vide §. 826.], adeoque nimia viscositas conciliabitur massae obruenti, simulque augebitur motus velocitas per vasa adhuc pervia, ergo deficient conditiones ad benignam resolutionem requisitae. Verum dum parva pars arteriae pulmonalis inflammata est, cum plurimis anastomosis rami inter se communicent, fieri poterit, ut non multum inde impediatur sanguinis per pulmonem transitus.

Alter modus, quo febris in sanitatem terminabitur (vide §. 594.), erat, quando materies morbi per vim febris subacta quidem, & mobilis reddita fueras, nondum tamen simul sic mutata, ut absque impedimento aequalis circulationis eum humoribus sanis per vasa fluere posset, neque etiam adeo dissoluta, ut insensibilis perspirari specie expelli queat de corpore. Requirebat ergo ad sanitatis restitutionem, ut sensibili quadam evacuatione exiret. Idem & in peripneumoniae felici in sanitatem exitu contigit, & longe frequentius ille morbus hoc modo tollitur, quam benigna resolutione. Videndum ergo est ex fidelissimis, veterum imprimis Medicorum, observatis, per quas vias natura molitur materiae morbosae exitum in hoc morbo; de qua re sequentibus hujus paragraphi numeris jam agendum erit.

2. Ut & talis peripneumoniae in sanitatem exitus sperari possit, iterum supponitur, sedem mali esse debere bronchialem arteriam, aut non pulmonalem non valde magnam: ratio ex modo dictis patet.

Sputa in hoc morbo tanti fecit Galenus (A), ut comparaverit urinarum sedimentis, quae in morbis acutis coctionis materiae morbosae, & expulsionis ejusdem, fidelissima signa toties exhibent, uti in febrium historia dictum fuit. Ita autem habet: *Sic peripneumoniacis, & pleuriticis affectibus ea, quae proprie sputa vocantur, urinarum sedimentis assimilantur: nihil vero omnino expuere, sed tussim tantummodo siccam habere, talem quiddam est, quale in urinis extreme crudum, quod aquosum nominamus &c.* Nec mirum hoc est, cum a parte affecta in hoc morbo, pulmone nempe, directe veniant sputa.

Tota enim aerea pulmonis superficies muco-lubrico mader, a sanguine arteriolo secreto, videturque imprimis arteria bronchialis huic secretioni servire, cum illa pulmonis ipsius substantiae prospiciat; arteria vero pulmonalis sanguinem, ipsa pulmonis fabrica, & aere inspirato mutandum in usum communes totius corporis, gerat. Ubi ergo fines arteriae bronchialis inflammati sunt, impetus sanguinis a tergo urgentis sensim videntur propelli posse moleculae obstruentes, per tenera haec, & facile dilatanda vasa, donec per illorum extremos fines exeant in cavum aereum pulmonis, sicque una cum secreto hic muco per sputa educantur. Facile autem patet, sic resolutionem esse obstructionem, quae prius adfuerat, sed & simul tunc sic dilatata esse vasa haec, ut crassiores transmittant humores. Plurima autem confirmant, sic dilatari posse extremos horum vasorum fines, ut transmittant crassiores moleculas. Haemoptoe enim quandoque per Anastomosis fit, ut postea

Tom. II. Pars II.

x

dicitur



dicetur in *Capitulo de Phthisi*, longe minus periculosa, quam dum erosio, vel ruptis sit vasculis. Sic videmus in coryza, dum membrana interna nasum leviter inflammata tumet, similem materiam emungi, flavam nempe, spissam, cum striis sanguineis, atque simul tunc optime sanari hunc morbum. Imo etiam dum pectus catarrhus occupat, sputis similis materia educitur eodem cum successu. Intelligitur ergo, quomodo per sputa educi possit inflammatoria materies, quae fines arteriae bronchialis occupabat. Ubi autem in arteriae pulmonalis finibus idem obtinet, dubitare quis posset, an sanatio morbi per hanc viam possibilis foret. Dictum autem fuit ad § 823. bronchialis arteriae ramos per anastomosen jungi ramis arteriae pulmonalis; & injectionibus Anatomicis invenit *Ruysebius* (1), materiam ceraceam, per arterias adaectam, replevisse pulmonales vesiculas: licet enim non monuerit Auctor, per quam arteriam tentaverit injectionem, tamen probabile videtur, per arteriam pulmonalem id factum fuisse, cum & paullo post (m) notet, dum arteriam pulmonalem materia ceracea implet, bronchialem arteriam simul quoque eandem admisisse. Praeterea pulcherrimis experimentis probavit *Celeberrimus Hales* (n), in vitulino pulmone viam patere ex arteria pulmonali in cavum aereum pulmonis. Adaptaverat enim tubum vitreum arteriae pulmonali vituli, cui tubo per infundibulum aquam calidam immittebat, simulque follibus asperae arteriae affixis alternatim dilatabat pulmones, ut experiretur, an hoc modo aqua ex pulmonari arteria transiret in venas. Mirabatur autem, aquam, per pulmonalem arteriam immisissam, pleno rivo exire per asperam arteriam, per venas minime: cum autem dubitaret, an forte, ruptis vasis, vi facta, foret via aquae, repetitis experimentis, & in vitulo, & in aliis animalibus, didicit, omni cautela adhibita, absque ulla vasorum ruptura aquam transire ex arteria pulmonari in bronchia. Serum sanguinis porcini arteriae pulmonali ejusdem animalis immisissum, dum pulmones aqua calida foverentur, liberrime in bronchia transivit, in venas autem pulmonales non. Quin imo aqua calida, per asperam arteriam immisissa, exivit per pulmonalem arteriam, minori tamen celeritate, quam dum per arteriam pulmonalem in pulmonis bronchia penetrans exiret per arteriam asperam. Sanguis autem ruber, licet aqua nitrosa dilutus per arteriam pulmonalem immitteretur, non penetravit in pulmonis bronchia.

Ex quibus omnibus videtur, concludi posse, inflammatoriam materiam, in finibus arteriae pulmonis haerentem, posse exprimi in cavum aereum pulmonis, sicque hac via peripneumoniam per sputa sanari posse.

Verum non quodvis sputum in hoc morbo prodest; uti enim postea §. 848. dicetur, ubi describitur, cum quibus symptomatibus peripneumonia in mortem abeat, plura sputorum genera observantur, quae pessimum omen praebent. Videndum ergo est, quasnam dotes habere debeat sputum, ut sanatio peripneumoniae inde expectari possit.

Debet esse CITUM, LIBERUM, COPIOSUM, FLAVUM CUM PAUCO SANGUINE

(1) In Catalog. rarior. pag. 234.

(m) Ibidem, pag. 162.

(n) Haemastaltis Experiment. XI. pag. 73. &c.

GUINE MISTUM, SATIS CRASSUM, IN ALBUM BLANDUM CITO MUTATUM. Cum enim per hanc evacuationem periculosissimus hic morbus in sanitatem terminari debeat, in ipso morbi initio sputum prodire oportet: postquam enim morbus per aliquot dies duravit, iustus metus est, ne inflammatio in suppurationem transeat, quo facto postea sputum purulentum prodesse potest, uti §. 836. dicitur, verum tunc peripneumonia non terminata fuit in sanitatem, sed in alium morbum, vomitum nempe pulmonis, transiit; de qua re hic non agitur. Debet autem esse liberum, id est facile, & absque multa molestia per tussim educi, cum valida, & sicca tussis pulmonem inflammatum irriter pessime, simulque designet, nec praesto esse materiam educendam per sputa, & pulmonem in vasis sanguineis inflammatum, & tumentem arctare, & comprimere bronchia. Unde Hippocrates (o) dixit: *Sputum vero in omnibus doloribus, qui circa pulmonem, & latera sunt [f], celeriter, ac facile expui oportet. Si enim multo post doloris initium expuatur flavum, aut solum, aut quod multam tussim excites, deterius &c.* Et paullo post habet sequentia: *Sputum vero flavum mixtum cum paucis sanguine, in peripneumoniacis, in initio morbi, excretum, salutare est, & valde cogens; si vero septimo die, vel etiam serius procedat, securitatis minus est.*

Copiosum autem debet esse, ut omnis morbi materia evacuetur integre, aliter enim irritum naturae conamen indicat, quod in omnibus evacuationibus materiae morbosae pro malo omine habetur, uti alia occasione ad §. 587., ubi de crisi agebatur, dictum fuit. Unde etiam videtur Hippocrates (p) monuisse sequentia: *Qui in peripneumoniis siccis pauca concocta educunt, metuendi sunt.* Cum autem per dilatata finium arterioforum extrema, in cava bronchiorum hiantia, exeat morbi causa materialis, simul ob eandem causam, & major humorum quantitas per dilatata vasa exibat, unde sputorum augebitur copia.

Laudatur autem, uti ex locis modo allegatis patet, sputum flavum cum paucis sanguine mistum, dum nempe liturae sanguineae per flava haec sputa apparent disperfae, quod imperitos saepe terrore solet; cum tamen optimum in hoc morbo signum sit. Metuunt enim, ne pulmonalia vasa rupta undatim brevi sanguinem effunderent: verum videtur illud sanguineum in sputis tunc adesse, quia rubrae sanguinis molecule, vel in ultimis arteriis sanguineis haerentes immeabiles, vel minora vascula per errorem loci [vide §. 118.] ingreffi, sensim per dilatata vasa protrusae, tandem per extrema arteriolarum in cava bronchiorum hiantia exprimuntur. Unde optime in pulmonis morbo Celsus (q) sequentia monuit: *Neque inter initia terrori convenit, si protinus sputum mistum est rubeo quodam sanguine, dummodo statim sedetur.* Crassities autem sputi, & color flavus inceptam jam coctionem materiae morbosae indicant. *Ab omnibus enim partibus inflammatis, quibus densum, & crassum integumentum non incumbit, tenues quidem circa initia icho-*

X 2

res

(o) In Prognosticis Charter. Tom. VIII. pag. 240. 641. 644. Coac. Praenot. N. 390. ibid. pag. 874.

(p) In Coacis N. 416. ibid. pag. 876.

(q) Lib. II. cap. 8. pag. 66.

res defluunt, concoctis vero inflammationibus crassiores, & magis purulenti (r). Videur enim hic fieri aliquid puri analogum, dum materies inflammatoria, sensim soluta, & mobilis reddita, per extrema arteriolarum orificia in cava bronchiorum transiens, ibi colligitur, stagnat, siveque mora, & calore loci, forte & distillatione, vel reoptione partis tenuioris, in album blandum aequabilem humorem mutatur, qui deinde per sputa educitur. Pus quidem proprie dicendum, uti ad §. 387. dictum fuit, non tantum constat effusus humoribus a vita superflite coctis, & mutatis, verum etiam tenerimis valorum, immeabili humore infarctorum, extremitatibus attritis, & una cum effusis humoribus in unum homogeneum liquidum mutatis. Interim tamen minime prepugnare videtur, & absque solidarum partium detrictu ex humoribus effusus, si non eundem, saltem puri analogum humorem fieri posse. Quin imo alia occasione in Commentariis §. 593., ubi explicabatur, quomodo febris, in alium morbum terminata, abcessus quandoque faciat, demonstratum fuit, causam materialem febris per febrim sic subigi, & mutari posse, ut puris analogam naturam acquirat, licet adhuc cum reliquis humoribus per vasa fluat. Ubi autem in tali pulmonis loco inflammatio haeret, ut brevis, & facilis via mutatis sic humoribus sic in bronchiorum cava, per sputa educuntur potius, quam ut misti humoribus circulantibus per alias vias exeant de corpore, uti sequentibus numeris hujus paragraphi dicitur. Patet hinc simul ratio, quare laudetur in hoc peripneumoniac exitu, si sputum in album, & blandum cito mutetur, quia tunc perfectissima coctio materiae morbosae indicatur. Unde & Galenus (f), dum explicat, quare laudaverit Hippocrates sputum in pleuriticis cito excretum, postquam praemisera illa omnia, quae modo allegata fuerunt, subjungit sequentia: *Crudissima namque est (pleuritis) in qua nihil omnino exspuitur; secundum ordinem obtinet, in qua ichores tenues; tertium in qua crassiores; quartum in qua omnino cocti sunt. At hi si circa tertium, vel quartum diem apparuerint, non contingit, morbum ultra septimum diem progredi.* Cocta autem sputa vocavit Hippocrates (t), quando puri similia sunt. Talia autem sputa, cum & satis crassa sint, neque tamen nimia viscositate firmiter adhaereant, facile semper educuntur; tenuia autem, & ichorosa sputa longe difficiliora. Nam qui aquosi sunt (humores) & exquisitè tenues, spiritum, qui suffiendo extra mittitur, circumfluunt. Is enim tanquam manus quaedam existit secum ferens sursum crassos humores (u). Qui catarrho pulmonum laborant, omnes hoc experiuntur: in initio enim morbi sputa tenuia non nisi molestissime educuntur; postea vero eadem crassiora facta facillime prodeunt.

DOLOREM SEDANTE, RESPIRATIONEM EMENDANTE, PULSUM AMPLIOREM, & PLENIOREM REDDENTE. Sollicitam observationem nocentium, & juvenum summæ utilitatis in curandis morbis esse, atque inde firmissimas in

Praxi

(r) Galen. de locis affectis Lib. V. cap. ultimo Charter. Tom. VII. pag. 502.

(f) in Commentar. in Aphor. 12. Sect. I. Charter. IX. pag. 20. 21.

(t) In Libro de Vitis acutor. morb. Charter. Tom. XI. pag. 161.

(u) Galen. Comment. III. Hippocrat. de Vitis acutor. ibid. pag. 82.

Praxi Medica regulas hauriri, alia occasione in Commentariis §. 601. 7. dictum fuit; plurimisque Hippocratis testimoniis demonstrari posset, quanti hunc methodum fecerit: unde etiam, ut certi simus, profuisse sputorum excretionem, ad hæc attendendum est. Cum enim per sputa, si hac via exitum molietur morbi materies, tolli debuerit illud, quod libero humorum motui per pulmonem obstaculum fecerat, patet evidenter, omnia symptomata, quae inde pendeant, pari passu debere minui. Si ergo dolor adsuerit, quem tamen non semper adesse in hoc morbo, praecedenti paragrapho fuit demonstratum, ille sedari debet, respiratio, quae ob infarctum prius pulmonem, hincque minus explicabilem (vide §. 826.), difficilis erat, debet emendari: cumque ob denegatum expeditum sanguinis transitum per pulmones cor sinistrum minus sanguinis exciperet, adeoque & minorem copiam propelleret per aortam, ejusque ramos, pulsus saepe exilis, & mollis est in hoc morbo; adeoque, restituto libero transitu sanguinis per pulmones, pulsus debet amplior, & plenior reddi. Omnia haec si commiantur, vel sequantur sputorum excretionem, tunc certi sumus, morbi materialem causam hac via expulsum fuisse. Unde etiam Hippocrates [w], postquam sputorum bonas, malasque dotes recensuerat, pro generali axiomate posuit sequentia: *Omnia autem sputa mala sunt, quae dolorem non sedant &c. Omnium autem, quum excreantur, optima, quae dolorem sedant.* Videtur enim sic indicare voluisse, sputorum colorem varium, spissitudinem &c. multum quidem ad Prognosis facere, interim tamen symptomatum morbi levamen, sputorum excretionem sequens, omnium certissimum signum dare, licet etiam sputa a modo laudatis conditionibus recederent. Probe memini, me aliquoties vidisse in ipso hujus morbi initio sputa mucosa tenacia, sanguine aequabiliter per totam substantiam tincta, insigne levamen attulisse non tantum, sed & brevi sanationem secutam fuisse. In tali autem casu videtur rubra sanguinis pars, prius immeabilis haerens in vasis inflammatis, per illorum extrema dilatata exivisse in bronchia, & per sputa educta fuisse, antequam longiori mora in sputa cocta mutari potuerit.

3. Quomodo causa materialis peripneumoniae soluta, & mobilis reddita per sputa evacuetur, vidimus. Verum poterit eadem haec materia per arteriarum fines in venas transire, circulantibus humoribus misceri, & deinde variis viis expelli de corpore, cum jam tales dotes habeat, ut absque functionum laesione reliquis humoribus permixta manere nequeat. Cum autem per alvum, & urinem illa, quae inutilia sunt, & diutius relicta nocere possent, solemnī naturae lege expellantur, patet ratio, & per easdem vias materiam morbosam secedere posse. Videtur hanc rem agnovisse Hippocrates (x), dum de morbis pulmonem, aut latera obsidentibus agens dicit: *Quicumque vero dolores ex his locis, neque per sputorum expurgationes, neque per alvi dejectionem &c. sedantur, eos suppuratos sciendum est.* Ex quo loco manifeste apparet, quod morbosae materiae expulsionem per hanc viam expectaverit in hoc casu: quod & confirmatur alio Hippocratis loco

x 3

(y),

(w) In Prognosticis Charter. Tom. VIII. pag. 645.

(x) Ibidem pag. 646.

[*y*], ubi biliosas alvi excretiones numeravit inter illas evacuationes, quarum absentia in peripneumonicis futurorum abscessuum indicium exhibet. Neque obstat, quod aliis in locis [*z*], uti jam in Commentariis §. 720. monitum fuit, damnaverit Hippocrates in pleuritide, & peripneumonia laborantibus alvum perturbatam, & diarrhoeam: symptomaticus enim, & profusus admodum ille alvi fluxus esse videtur, de quo tunc loquitur; *καταρραχιδίως* & *διαιδίως* enim vocat: in illis vero locis, ubi alvi solutionem tanquam utilem in peripneumonia memorat, *καταρραχιδίως* & *διαιδίως* dicit, quae moderatam, & lenem tantum alvi evacuationem designant. Praeterea valida talis, & symptomatica alvi perturbatio illos morbos acutos fere tantum comitari solet, qui pessimae indolis sunt, & in certam fere perniciem tendunt; blanda autem talis evacuatio materiae morbosae non nisi in leviori peripneumonia sparari potest. Unde Galenus (*a*) modo citatum Aphorismum explicans dicit: *Moderatae tamen pleuritidi, aut peripneumoniacae supervenientis diarrhoeae potest aliquando evacuationis ratione prodesse, multoque magis postquam coctionis signa morbis inesse apparuerint, neque metus adest, sed morbus periculo vacat.*

Cum autem idem illud, quod morbum fecerat, & quod sputo crasso, flavo, copioso, cum paucis sanguine misto, & in album blandum cito mutato, evacuari antea vidimus, nunc per alvum egrediatur; patet ratio, quare alvo excreta sputis similes dotes habere debeant. Quia autem per alvum una cum morbi materia saepe, & exeunt alia huic admista, non adeo evidenter semper distinguere licet, an excreta materia talis sit, qualis hic descripta fuit. Sed levamen morbi certissimum hic iterum signum dat. Si enim qualis purgari oportet, purgantur, & confert, & facile ferunt; sin minus, contra [*b*]. Quod Hippocrates summo jure pro generali spontaneorum talium evacuationum criterio posuit.

Biliosus autem vocatur alvi fluxus, non quod bilis proprie dictae evacuatio in hoc casu requiratur, sed quod flavi coloris materia per alvum exeat, uti per sputa flava in priori casu morbi materies eliminabatur. Biliosum enim (*χολαΐν*) vocavit Hippocrates peripneumonicorum sputum (*m*), quod paullo post flavum [*κρόκον*] dixerat. Et Aretaeus (*ὁ ἐν χολαῖς καὶ κρόκῳ*) exquirere biliosum tale sputum dixit; & dum morbus in melius vergit, monet, fieri biliosorum succorum dejectionem, qui ex pulmone in intum ventrem depulsi videri possunt [*n*].

4. Et illa, quae per urinam fit, evacuatio materiae morbosae solutae, & mobilis redditae, laudatur in hoc morbo. Vidimus secundo hujus paragraphi numero, materiam puri analogam per sputa excerni optimo cum successu. Verum Galenus (vide locum citatum §. 387. & 393.) monuerat, quod,

(*y*) Ibid. pag. 654. (*z*) Aphor. 16. Sect. VI. Charter. Tom. IX. pag. 256.

& de Morbis Lib. I. cap. 4. Charter. Tom. VII. pag. 535.

(*a*) In Commentar. Aphor. 16. Sect. VI. Charter. Tom. VII. pag. 256.

(*b*) Hippocrat. Aphor. 2. Sect. I. Charter. Tom. IX. pag. 5.

(*m*) In Prognosticis Charter. Tom. VIII. pag. 646.

(*n*) De Causis, & Signis morbor. acutor. Lib. II. cap. 1. pag. 12.

quod, uti vincente natura in inflammationibus, & omnibus tuberculis humoribus pus fit, ita in humoribus venarum, & arteriarum illud, quod subsidet in urina puri analogum. Unde videtur constare, quod excretionem materiae morbosae in morbis inflammatoriis etiam per hanc viam expectaverit. Imo etiam Hippocrates, uti pariter in Commentariis §. 593. dictum fuit, futurum abcessum in morbis materiam per urinam evacuari monuit, si copiosa, & crassa, & alba redderetur. Ex illis autem, quae ad §. 594. de febrim exitu in sanitatem per excretionem materiae febrilis habentur, consistit, rarius materiam morbosam per urinas solas expelli; & Veteres Medicos longe frequentius coctionis, & cruditatis signa quaevisse in urina, quam expectasse integram materiae morbosae per urinas evacuationem. Verum cum in peripneumonia, quam in sanitatem abituram absque alio morbo sequente spes est, levior tantum inflammatio adsit, neque magnam partem pulmonis occupet, non videtur adesse tanta copia morbosae materiae, quin per urinam quandoque solam evacuari possit. In febris autem acutis continuis, excretionem materiae febrilis, per febrim ipsam subsistat, & mobilis reddat, in sanitatem tendentibus, major mutatio omnium humorum facta fuit, quam ut soli huic evacuationi confidere liceat. Sequens autem Hippocratis textus videtur docere, quod solutionem peripneumoniae a sola urina copiosa, & crassa expectaverit. Sic enim habet [o]: Quum autem peripneumonia ad statum pervenerit, auxilium non admittis, nisi repugnetur: & primum est, si aeger difficile spiret, & urinae tenues, ac acres sint, & sudores circa cervicem, & caput oboriantur. Hi enim sudores pravi sunt, prae suffocatione, robore, & impetu morbi superambibus, nisi urinae copiosae, ac crassae cum impetu eruperint [spues], & sputa cocta prodierint. Horum autem quodcumque sua sponte evenierit (anquamvis) solvit morbum. Neque repugnat tamen, pluribus viis simul excretionem materiae morbosae fieri posse. Aetnaeus enim (p) postquam dixerat, larga narium haemorrhagia, vel alvi defectionibus, levare morbum, addit sequentia: Est etiam, quando in urinas convertitur. Quibus autem omnia simul accidunt, illi celerrime sublevantur.

Inde intelligitur, quare dicatur in Coacis (q): Quibus in peripneumonia urinae crassae in principio, deinde ante quartum diem tenues fiunt, lethale. Hic autem non intelligi urinas crassas, quae turbidae manent absque hypocrasi, sed tales, quae sedimentum deponunt, patet ex alio loco [r], ubi eadem Prognosis sequenti modo habetur: Peripneumonicis raro perniciosa est urina, quae in principio quidem cocta, post quartum vero diem tenuis redditur. Notum enim est, urinam turbidam non subsidentem, ab omnibus Medicis crudam vocari. Legitur in hoc quidem textu post quartum diem; verum, longe probabilior est lectio prior, ubi autem quartum diem habetur, quia raro, vel nunquam ante quartum diem integra solutio peripneumoniae observatur, neque aliquid mali metuendum videtur, si post quartum diem, evacuata morbi materia, urina tenuis excernatur.

x 4

U

(o) De Victu morbor. acutor. Charter. Tom. XI. pag. 162. 162a.

(p) De Caulis, & Signis morbor. acutor. Lib. I. cap. 1. pag. 10.

(q) N. 415. Charter. Tom. VIII. pag. 876. (r) Ibid. N. 580. pag. 886.

Ut autem solutio peripneumoniae per urinam fiat, requiritur, ut satis copiosa sit: aliter enim non sufficeret haec evacuatio: verum etiam ante septimum diem prodire debet, cum si diutius absque salotari quadam excretionē duraverit hic morbus; nulla spes sit, illum absque alio morbo sequente curari posse. Sedimentum autem in urina album laeve, & aequale securitatem, & brevitatē morbi indicare, monuit *Hippocrates* (f); sed & simul dixit (s), sedimentum subrubrum, & laeve admodum salutare esse, licet tamen diuturnior morbi signum sit, quam sedimentum album. Inde patet, cur sedimentum primo rubrum, dein sensim albescent, laudetur, quia nempe perfectam coctionem, & subactionem materiae morbosae indicat. Subrubrum autem urinarum sedimentum in hoc morbo utile judicasse videtur *Hippocrates* (u); postquam enim dixerat, sputa cocta puri similia esse, statim addit sequentia; *urinae vero, ubi sedimenta subrubra habuerint, quale erunt est*. Interim tamen levamen morbi praeceptum post talem urinam emissam certissimum signum dat, materiam morbosam per hanc viam evacuari; quod etiam de aliis evacuationibus monitum fuit.

Hi sunt illi modi, quibus peripneumonia in sanitatem terminari solet. Addidit his *Arctaeus* (w) largam narium haemorrhogiam; cujus efficaciam in sanandis morbis periculosisimis, & signa, quibus futura praevideri posset, alia occasione (vide §. 741.) vidimus. Interim tamen rarius hac evacuatione peripneumonia solvitur; saltem mihi non contigit talem huius morbi exitum videre; atque huic sententiae etiam *Galenus* (x) favet, dicens dum criticas evacuationes singulis morbis proprias recenset: *Non tamen Lethargus, aut Peripneumonia sanguinis eruptionibus gaudent. Inter ipsas autem Pleuritis medium obinet locum; minus enim, quam febris ardens, & phrenitis, magis autem quam peripneumonia, & lethargus, profluvio sanguinis solvitur.*

Peripneumoniae autem in sanitatem exitus sperari nequit, nisi levis tantum ille morbus fuerit, id est, inflammatio tantum in arteria bronchiali haerit, vel in parva tantum parte arteriae pulmonalis. Illud autem obtinere novimus ex signis in textu recensitis: respiratio enim tunc adest facilis, quia a levi tali inflammatione non multum impeditur sanguinis per pulmonem transitus; adeoque nec accumulatur in pulmonali arteria sanguis, unde pulmo satis explicabilis manet. Febris autem mitis, & boni moris, nullis terrificis symptomatibus stipata esse debet. Cum autem sitis siccitatem, & liquorum imaeabilitatem, vel humorum insignem degenerationem pro causa sua habeat [vide §. 636.], atque illa in miti & boni moris febris minime adsint, ideo ad id ut adest, requiritur; non enim hic intelligitur illa sitis absentia, quae in pessimis morbis observatur; dum aegri non sitiunt, licet validae sitis causae in corpore adsuerint, de qua re in Commentariis §. 637. & 739. dictum fuit. Quia vero in levi tali peripneumonia non multum impeditur sanguinis ex corde dextro

(f) In Prognostic. Charter. Tom. VIII. pag. 631.

(s) Ibid. pag. 733.

(u) De Victu morbor. acutor. Charter. Tom. XI. pag. 16r.

(w) De Causis & signis morbor. acutor. Lib. II. cap. 1. pag. 11.

(x) De Crisibus Lib. III. cap. 3. Charter. Tom. VIII. pag. 430.

dextro in finistrum per pulmonalem arteriam transitus, cor finistrum sufficientem sanguinis copiam accipiet, quam per aortam, omnemque ejus ramos propellet: unde calor ad extrema usque aequabilis erit, & ob meas biles humores: & pervia vasa, humiditas, mollicies, laxitas in toto corpore aderunt. Omnia autem haec signa collegit Hippocrates [y] dicens: *Sunt autem haec bona, morbum ipsum facile ferre, ex facili spirare, dolorem sedatum esse, facile sputum extussive, corpus aequaliter molle, & calidum apparere, & sitim non habere: urinas, dejectiones, somnos, & sudores, uti scriptum est, singula bona succedere. Haec enim omnia si contigerint, non morietur homo.* Deinde pergit enumerare illa signa, quae summum periculum & mortem in hoc morbo notant; de quibus §. 826. dictum fuit, & postea adhuc quaedam dicenda erunt.

§. 831. **A** Bit in alium morbum, pendentem ex natura inflammationis, vel ipsius pulmonis, prout sua hinc propria actione destituitur.

Sequitur jam, ut considerentur varii exitus, quibus peripneumonia in alium morbum terminatur. Cum ergo peripneumonia sit vera inflammatio (vide §. 820.), omnes inflammationis exitus in alios morbus, & hic locum habebunt; suppuratio nempe, gangraena, & scirrhus. Verum praeter haec & alii morbi peripneumoniam sequi poterunt, quatenus per inflammationem, ejusque sequelas turbatur propria pulmonis actio, quod summopere notandum est. Pulmo enim aerem inspiratum excipit, qui deinde expirando expellitur; sanguinem corde dextro pulsus transmittit in cor finistrum, illumque in hoc transitu sic mutat, ut aptissimus fiat exercendis actionibus cunctis, quae humorum efficacia absolvi in vita, & sanitate possunt [z]. Simul etiam constat ex Physiologicis, chylum, ex ingestis cibis, & posibus paratum, sanguini venoso mistum in vena subclavia, illico per pulmonem transire, & in hoc transitu cum sanguine aequabilissime misceri, atque repetita pulmonis, & arteriarum actione acquirere indolem nostrorum humorum: ubi ergo pulmonis actio per hunc morbum, ejusque sequelas turbata, vel imminuta fuit, poterit tota vita manere difficilis respiratio (§. 843.). Dum impeditur sanguinis cordis dextri transitus per pulmonem, non poterunt venae a capite sanguinem reducentes se evacuare, unde saepius peripneumonia in lethalem phrenitidem mutatur (§. 826.). Cum autem in hoc morbo turbetur actio pulmonis in sanguinem, & chylum per ejus vasa motum, poterit impediri nutritio; unde macies, & debilitas summa (§. 835.): simulque poterunt ob eandem rationem mutari omnes secretiones, & excretiones fluidorum, adeoque & oriri innumera fere, quae inde pendent, mala. Singulatum nunc considerandi veniunt peripneumoniae exitus in suppurationem, gangraenam, & scirrhum; simul tunc notabuntur symptomata praecipua, quae haec mala comitantur.

§. 832.

(y) In Prognosticis Charter. Tom. VIII. pag. 648.

(z) Vide H. Boerhaave Institut. Med. §. 208.



§. 832. **H**inc primo in suppurationem, quae fit; ubi materies inflammatoria (376. 377. 824.), ab ipsa natura resolvi non potens (830.), nec arte emendata, tamen blandior (387.), stagnans, calens, pulsa, vascula tenuia rumpit, in pus resolvit, latera coercentia extendendo, vel rodendo abscessum, vomicaeve format intra quatuordecim dies.

Ubi materies inflammatoria, compacta nimis, vel in minorum vasorum angustias eo usque adacta, ut nec resolvi possit sponte, neque sic attenuari per remedia adhibita, ut vasa iterum pervia fiant, sive per simplicem resolutionem, sive per evacuationem materiae morbosae, uti §. 830. explicatum fuit; tunc expectanda est suppuratio, si nempe blandior sit haec materies; aliter enim potius gangraena fiet. Quomodo autem inflammatio in suppurationem transeat, & qua lege materies inflammatoria una cum vasculis tenerimis, in quibus haeret, in pus mutetur, in Commentariis §. 387. explicatum fuit. Cum autem cor, adeo vicinum, vitale liquidum urgeat in loca obstruata, pulmonis vasa tenerima sint, nunquamque quiescere possit hoc viscus, quin imo in hoc morbo frequentiori respiratione agitetur; patet satis, leviozem inflammationem etiam, nisi cito resolvi possit, in suppurationem subito vergere. Unde patet ratio, quare peripneumonia, nisi vehemensissima fuerit, & subito necet, frequenter hunc exitum sortiatur.

Ubi autem partes inflammatae in suppurationem transierunt, & pus induratum in cavo loco collectum haeret, vocatur abscessus [vide §. 402.], sive Vomica, quia a se mutuo abscedunt, quae prius contiguae erant, partes. Prius autem aucta sensim copia extendendo latera coercentia, vel mora, & stagnatione acrius illud factum rodendo vicina, auget cavum, quo continetur, donec sponte, vel per artem rupto abscessu via fiat puri contento.

Dicitur autem formari pulmonis abscessus intra quatuordecim dies, quia toto hoc morbi stadio ante decimum quartum diem ipse est, materiam inflammatoriam vel benigna resolutione in fluorem redigendam esse, vel excretionibus variis [vide §. 830.] expellendam de corpore, vel per metastasim [de qua vide §. 837.] ad alia loca corporis deponendam. Ubi autem peripneumonia per quatuordecim dies duravit, neque aliquid horum omnium factum fuisse apparet, jure creditur, abscessum in pulmone formatum esse. Accedit, quod binis primis septimanis dierum criticorum numerus, & efficacia insigniores sint, quam postea; uti in Commentariis §. 741., ubi de diebus criticis agebatur, demonstratum fuit: adeoque post hoc tempus morbi elapsum minor ratio est expectandi excretionem materiae morbosae per evacuationes criticas. Monuit hoc Hippocrates (a) dicens: *Quicumque vero peripneumonici non repurgati sunt per sputa principibus diebus (atmosphera enim hic purgationem per sputa significare probat Galenus (b)); sed, mente morbi*

qua-

(a) Coac. Praenot. N. 196. Charter. Tom. VIII. pag. 877.

(b) In Commentar. Aphor. 8. Sect. V. Charter. Tom. IX. pag. 199.

*quatuordecim dies effugerunt; periculum est suppurationis fieri. Alibi tamen & ad vigesimum secundum diem hoc tempus extendit Hippocrates (e), ubi habentur sequentia: Quod si decimo quidem quinto die pulmo resiccatus fuerit, & per tussim rejecerit, convalescit; sin minus, duos & viginti dies observato. Si enim his diebus tussis sedata fuerit, evadit; at si non cesset, illum interroga, num sputum ipsi dulcius videatur. Quod si dixerit, morbus annuus evadit, nam pulmo purulentus redditur.*

Cum autem semper periculosus sit ille peripneumoniae exitus, dum in vitali viscere vomica purulenta excitatur, necessarium erit videre illa signa, quae illud futurum demonstrant, ut caveri possit hoc malum, quantum per artem licet.

Si autem pulmonis abscessus impediri nequit, jubet indicatio curatoria (vide §. 401. 1.) ut crudum inflammatorium maturetur quantocyus; unde & operae pretium erit cognoscere illa phaenomena, quae docent, re ipsa jam fieri abscessum: simulque utilitatem habebit novisse indicia, quae doceant abscessum jam formatum esse, ut talia tunc tempestive adhibeantur remedia, quae puri collecto exitum conciliare possunt. De his autem singulatis tribus sequentibus paragraphis agendum erit.

§. 833. **I**D futurum (§32.) demonstratur his observationibus. 1. Si signa certa peripneumoniae satis acris (§25. §28.), nec tamen acerrimae (§26.), primo extiterint. 2. Si resolutio, ejusque signa (§30.), non satis cito, nempe ante quartum diem, apparuerint. 3. Si symptomata (§25. §26.) nec sputo cocto, & criticis diebus, 3. 5. 7. 8. 11. 14. evacuato per ordinem, qui sanationem doceat mutatione successiva excreti; nec educatione cruoris; nec medicamentis, nec victu debito; superata sint. 4. Verum contra symptomata non pessima pertinacia, cum continuo delirio, pulsus undoso, mollique permaneant.

1. Ut sufficere possit aeger eo usque, donec abscessus in pulmone gignatur, requiritur, ut inflammatio in arteriae bronchialis finibus haereat, vel in parva tantum parte arteriae pulmonalis; aliter enim pessima illa symptomata, & cita mors expectanda sunt, de quibus §. 826. dictum fuit. Verum simul tunc adeo compacta debet esse materies inflammatoria, adeo profunde adhaesa in vasorum angustias, ut resolutio fieri nequeat. Talis dicitur peripneumonia satis acris, nec acerrima tamen. Febris satis intensa, tussicula sicca, & irritans, profundiori inspiratione aucta, dum simul calor ad extrema usque docet, non nimis infartum esse pulmonem, praecipua talis peripneumoniae signa sunt. Unde etiam monuit Hippocrates [d], in suppurationem ver-

(e) De Morbis Lib. II. cap. 16. Charter. Tom. VII. pag. 567. & De Morbis Lib. III. cap. 14. Ibid. pag. 589. & Lib. I. cap. 11. Ibid. pag. 547.

(d) De Morbis Lib. III. cap. 14. Charter. Tom. VII. pag. 589.

vergere peripneumonicos, quibus naturae, & corporis dispositiones humidae sunt, quin etiam morbus vehementior.

2. Quaeenam conditiones requirantur, ut peripneumonia benigna resolutione curari possit, §. 830. dictum fuit. Signa autem resolutionis sunt, quod morbi, ex sua natura levis, symptomata omnia minui incipiant absque ulla sensibili excretionem, vel metastasi materiae morbosae. Ubi ergo ante quartum diem tale symptomatum levamen non percipitur, non amplius sperari poterit resolutio, sed iustus metus est, ne in suppurationem vergat inflammatio. Si enim consideretur, impetum vitalis liquidi a corde proximo pulsus in vasa obstruata tanto tempore egisse, patebit satis, humores immeabiles jam sic mutatos esse, ut absque noxa amplius cum humoribus sanis per vasa moveri nequeant; simulque insignem vim illatam esse tenerimis pulmonum valis, in quibus inflammatoria materies haeret; adeoque metuendum esse, ne illorum cohaesio jam sic debilitata fuerit, ut extrema obstruata brevi a vitalibus, & sanis solvenda sint; adeoque penitus impossibilis sit cura per resolutionem, quae reductum fluorem concreti, & motum stagnantis per vasa adhuc integra, supponit.

3. In Commentariis §. 830. dictum fuit, materiam morbi subactam & mobilem redditam, interimque sic degenerantem a conditionibus sanorum humorum, ut absque noxa cum reliquis humoribus per vasa fluere nequeat, nisi eo usque attenuata fuerit, ut insensibili perspiratione diffusi possit, indigere sensibili quadam evacuatione; atque ibi notatum fuit, per sputa satis commodam, & frequentem in peripneumonia fieri materiae morbosae excretionem; simulque monitum fuit, quandoque & per alias vias expelli. Si ergo nullae tales evacuationes observatae fuerint, interimque maneant symptomata morbi, novimus, materiam morbosam pristinam sedem occupare, adeoque suppurationis merum esse. Quid sputi cocti nomine intelligatur, ibidem dictum fuit: quantum autem faciat in morbis, ut certis diebus fiant naturae morbosam materiam evacuantis molimina, pluribus dictum fuit in Commentariis §. 741., ubi de criticis diebus agebatur. Ideo Hippocrates (e) dixit: *Si peripneumonia correptus diebus principibus non purgetur, sed sputum, & pituita in pulmone remaneant, suppuratus fit*. Constat autem ex alio Hippocratis textu, ad praecedentem paragraphum citato, hic intelligi illam purgationem, quae per sputa fit. Patet autem simul, morbi symptomata superari non posse, nisi per sputa liberetur pulmo, unde & satis copiosa esse debent: *Suppurati enim sunt, quum minus excrescant, quam ad pulmonem defluis (f)*. Verum praeterea requiritur, ut successive mutentur sputa in talem conditionem, quae coctionem perfectam materiae morbosae indicat, uti pariter ad §. 830. dictum fuit. Unde patet ratio, quare Hippocrates (g), qui sputum flavum, cum paucis sanguine mistum adeo laudaverat in hujus morbi initio, damnaverit sputum flavum sincerum tanquam periculosum, quia

(e) De Morbis Lib. I. cap. 6. Ibid. pag. 537. & Libr. de affection. cap. 3. Ibid. pag. 621.

(f) Hippocrat. de Locis in homine cap. 7. Charter. Tom. VII. pag. 166.

(g) In Prognosticis Charter. Tom. VIII. pag. 642. &c.

quia nempe non omnia vasa liberarentur, quae infarcta erant; aliter enim & sanguinei quid in hoc sputo apparet: simul etiam album viscidum, & rotundum sputum inurile dixit, quia nihil materiae morbosae continet, sed tantum mucus, bronchia lubricante, inspissato, & in pulmonis cellulis compacto in rotundam figuram, constet. Successivam autem illam sputorum mutationem in coctionem perfectam tanti fecit Hippocrates, ut, nisi fieret, vix evadere posse aegrum crediderit, licet etiam in longius tempus morbus excurreret. Sic enim habet [b]: *Quicumque vero cum bilioso (flavo) putulentum educunt, aut seorsum, aut permixtum, plerumque decimo quarto die moriuntur, si non mali, aut boni quippiam ex praescriptis superveniat; sin minus, pro ratione: maxime autem his, quibus septimum diem agentibus tale sputum incipit.* Designat enim pro parte tantum subigi, & coqui materiam morbosam: unde Galenus (i) pulchre notavit, quod, uti in externis corporis partibus suppuratis, si seorsim pus, & alium humorem tenuem, & crudum fundant, difficilis admodum curatio est; idem etiam in hoc morbo verum sit, adeoque merito tale sputum pro pessimo signo habeatur.

Cum autem in periculoso hoc morbo statim a peritis Medicis adhibeantur efficacissima remedia, uti postea §. 854. dicitur, ut benigna resolutio obtineri, vel adjuvari possint illae evacuationes materiae morbosae, quas natura in hoc morbo moliri solet; si omnia haec nullum levamen faciant, sed iidem cum symptomatibus pergat decurrere morbus, suppuratio merito expectatur. Omnia haec collegit Hippocrates (k) dicens: *Quicumque vero dolores ex his locis neque per sputorum expurgationes, neque per alvi dejectionem, neque per venae sectiones, & diætam, & medicamenta, sedantur, eos suppurationem facturos esse sciendum est.*

4. Medium esse hunc statum peripneumoniae inter morbum insanabilem, & illum qui cito solvi potest, optime notavit Galenus (l). Symptomata ergo erunt non pessima, pertinacia tamen, quia manet illorum causa. Cum ergo impediatur, pro parte saltem, liber sanguinis ex corde dextro in sinistrum transitus, non poterunt aortae rami valide distendi, adeoque pulsus mollis apparebit, sed celer simul, quia necessario debet augeri sanguinis celeritas per aperta adhuc pulmonum vasa, ut perennet circulatio. Pulsus autem celer, & mollis simul undosus dicitur, quia non valide attolluntur arteriae, sed tangenti digito apparet, ac si undatim per arteriam dilaberetur sanguis. Cum autem, uti in Commentariis §. 826. probatum fuit, simulac cor dextrum se libere evacuare nequit in pulmonalem arteriam, sanguinis venosi ab encephalo reditus fiat difficilior, atque in hoc casu illud impedimentum diu persistet, pater ratio, quare delirium comitari soleat hunc morbum, dum in suppurationem tendit. Ab impedito enim influxu, transfluxu, effluxu per cerebrum delirium excitari in Commentariis §. 701. probatum fuit. Phrenitidem quidem, dum peripneumoniae succedit, lethalem esse antea ad §. 774.

(h) In Coacis N. 192. Charter. Tom. VIII. pag. 874. Et in Prognost. ibid. pag. 646.

(i) In Commentariis in hunc locum ibidem pag. 646.

(k) In Prognosticis ibidem.

(l) In Commentariis in hunc locum. Ibidem.

§. 774. probatum. Delirium vero, quod nec serox, nec perpetuum est, diutius ferri potest; & in Prognosi *Hippocratica* ad praecedentem paragraphum citata, ubi delirii in peripneumonia suppuranda mentio fit, notandum est, quod vocabulo *ῥαπεινο-λαρεν* utatur, quod ad significandum lenē delirium. saepius adhibet; uti jam in Commentariis §. 774. monitum fuit.

§. 834. **F**ieri autem jam re ipsa cognoscimus per haec. 1. Si Signa sint (833.). 2. Ubi leves, vagae, saepe repententes, sine manifesta causa horripilationes contingunt; dolor remittit; dyspnoea manet; genae, & labia rubent; sitis adest; febricula vexat, inprimis vespertina; pulsus debilis, mollisque.

1. De his dictum fuit, atque illa serviunt, ut excitent Medici attentionem ad observanda reliqua signa, quae docent abscessum jam fieri in pulmone.

2. Primum sere signum inceptae suppurationis internae est horripilatio talis vaga, mox definens, repetita saepius, nullo certo ordine, ac nulla manifesta causa, frigore v. g. admissio &c., ortum ducens. Causam illius horripilationis designare forte difficilior foret; sufficit interim, Observationes practicas docuisse, hoc symptoma semper adesse in hoc casu. Unde monuit *Hippocrates* (m): *Qui crebro tenuiter exsudant, & suppurigunt, perniciose habent; ac sub finem empyema habere deprehenduntur, alvosque perturbatas, Et alibi* [n]: *Horror affecti frequenter ad suppurationem deveniunt. Sed & febris tales ad suppurationem perducit.* Quin imo tantam vim huius signi videtur agnovisse *Hippocrates* (o), ut dum principium suppurationis accurate definire vellet, ut inde computari posset tempus, quo formati jam abscessus ruptura expectanda foret, rigoris meminerit.

Alterum signum est doloris remissio. A distentis enim vasculis inflammationis, quorum fibrae minime tunc rupturae proximae sunt, dolorem fieri, ad §. 381. 3. demonstratum fuit. Ubi autem incepta suppuratione solvuntur extrema vasculorum obstruata [vide §. 387.], minui debet necessario dolor, qui ante aderat. Fallere tamen posset solum hoc signum, cum antea patuerit, non semper adeo acrem dolorem in peripneumonia adesse. Illius tamen signi meminit *Hippocrates* (p) dicens: *aut si dixeris, pro dolore gravitatem sibi factam esse in eo, quo dolebat, loco.*

Dyspnoeam vero manere debere patet, quia tumor, liberam pulmonis explicationem in respiratione impediens, manet, imo saepe & augetur suppurationis tempore; atque ob eandem causam impedito libero reditu sanguinis venosi a capite genae, & labia rubent, uti §. 826. explicatum fuit. Sitis autem adest, dum continua febricula dissipat liquidissima, & corpus exsiccatur. Febriculam autem perpetuum omnis suppurationis sive in toto sive in

(m) In Coac. N. 10. Charter. Tom. VIII. pag. 853.

(n) Ibid. N. 422. pag. 877.

(o) In Prognosticis Tom. VIII. pag. 649. Et Coac. N. 402. ibid. pag. 875.

(p) In Prognost. ibidem.

in parte, comitem esse, antea in Commentariis §. 303. 1. vidimus. Vesp. peri plerumque augetur, dum crudus ex ingestis chylus cum sanguine movetur, & ob debilitatam in hoc morbo pulmonis actionem non tam cito subigitur, sed diu propriam retinet indolem, antequam omnes dotes nostrorum humorum acquirere possit; adeoque obstaculo, vel stimulo, vel utriusq; simul febrem auget, uti in Commentariis §. 586. a. demonstratum fuit. Accedit praeterea, quod etiam in sanis hominibus vespertino tempore augetur pulsum velocitas (g); atque ideo omnes morbi, quos aucta circulationis velocitas comitatur, circa noctem ingravescunt. Cum autem per morbum diuturniorem atterantur vires, simulque impedimentum in pulmone maneat, patet satis ratio, quare pulsus debilis sit, & mollis.

§. 835. **A**T jam factum declarant: 1. Signa praegressa (833. 834.). 2. Tussis pertinax, sicca, ad pastum, motumve aucta; respiratio difficilis, parva, anhelosa, strepens, post pastum, & motum aucta, decubitus in unum modo, id est in affectum latus tolerabilis; febricula continua, periodica, a cibo, potu, motu exacerbata cum rubore genarum, & labiorum; appetitus prostratus; sitis magna; sudor nocturnus, maxime circa jugulum, & frontem; urina spumosa; pallor; macies; debilitas summa.

Abcessum purulentum haerere in pulmone novimus 1. Dum illa signa praecesserunt, de quibus actum fuit praecedentibus paragraphis. Verum dum adest tale malum, simul aderunt effectus quidam vel in toto corpore, vel circa locum affectum apparentes, de quibus nunc dicendum erit.

2. Haeret jam vomica in pulmone, pure plena, mole sua vicina omnia comprimens, adeoque & efficiens, ut vesicularum pulmonalium latera ad se mutuo pressa irritentur continuo; hinc tussis pertinax oritur, sed sicca, quia nihil de loco affecto educi potest, quamdiu nondum ruptus est abcessus. Licet enim per hanc tussim continuam aliquid muci, pulmonis internam superficiem lubricantis, abradatur saepius, nihilominus tamen sicca vocari meretur, quia parca copia, & cum molestia sputa prodeunt, nihilque de pure, pulmonem opprimente, educitur haecenus. Cum autem post pastum crudus chylus per pulmonem difficiliter transeat, etiam in sanis hominibus, si copiosior fuerit, vel ex indigestibili alimento paratus, levem dyspnoeam, & febriculam faciens, patet facile inde augeri causam, unde tussis illa oriebatur. Idem verum est, dum corporis exercitiis sanguis venosus accelerato motu versus cor dextrum derivatur, adeoque & majori celeritate per pulmonis vasa, vomicae latentis mole arctata, transprimitur. Inprimis autem tussis illa augetur, dum febricula illa continua periodica, de qua statim dicendum erit,

actum fuit; uti & de siti. Cum autem abscessu nato in vitali hoc viscere turbetur totum corpus, febricula illa hectica continua adsit, & a pure attenuato, & resorpto magna degeneratio fiat omnium humorum, non mirum apparebit, & appetitum deleri.

SUDOR NOCTURNUS autem fere semper pulmonis abscessum comitatur, uti etiam & adest illis, quibus sputo purulento consumitur pulmo. Demonstratur enim in Physiologicis, pulmonis actionem in sanguinem inter alios usus & hoc efficere, ut exactissima fiat miscela omnium humorum, & debita densitas sanguini concilietur, crudusque chylus elaboretur in illam perfectionem, quam humores nostri sani habent. Chylus autem semper levior est sanguine ejusque sero, adeoque pulmonis, & arteriarum actio compingit chylum, & majorem ipsi soliditatem, id est plus massae corporeae sub eodem volumine, conciliat. Ubi ergo per abscessum hic natum debilitatur pulmonum actio, minus firma reddetur sanguinis compages, & minus accurata omnium sanguinis partium erit miscela inter se. Lecti ergo tempore dum fovetur tota cutis externae superficies, tenuissima sanguinis pars, per febriculam continuam aucto humorum motu, forma sudoris exprimitur. Probatum enim fuit alia occasione in Commentariis §. 753., quod, dum obtinet talis in fluidis nostris cacochymia, per quam partes minus assimilatae nec aequaliter mistae sunt, tunc nascatur facillima in sudorem proclivitas. Omnia autem haec mala adhuc inde augentur, quod a pure in abscessu pulmonis retento, attenuato, & venis resorpto, illa cacochymia increseat plurimum, atque in putridam dissolutionem magis vergat continuo sanguis. Praecipue autem circa jugulum, & frontem sudor ille apparet, quia abscessus pulmonis liberum sanguinis per arteriam pulmonalem transitum impediens, simul etiam prohibet sanguinis venosi a partibus superioribus reditum, unde omnia vasa magis in his locis urgentur, adeoque, caeteris paribus, sudor hic magis conspicuus erit, saepe in guttas collectus, dum debiliores jam aegri sunt; & malo semper omine, uti in Commentariis §. 741. dictum fuit.

URINA SPUMOSA fere semper observatur in hoc casu, sic ut conqassata per plures saepe horas spumam retineat, cum urina sana spumam, quam valida agitatio excitavit, dimittat satis cito: adeoque vel ideo mala habetur haec urina, quod a dotibus urinae sanae degeneret. Saponacea semper urina est in sanis, dum oleum salibus sanguinis acrioribus mistum in saponem mutatur aqua solubilem; verum simul adeo haec omnia attenuata sunt in urina sana, ut non habeat lentorem, qui spumosas illas bullas diu sustinere possit. In hoc morbo autem, cum perfecta assimilatio humorum deficiat, & per sudorem diffentur, mobilissimae, & fluidissimae sanguinis partes, non mirum est, urinam sic degenerare, ut iners, & latescens saponaceum lixivium referat. Tamen & in aliis pulmonum morbis, uti v. g. dum lenta viscidipituita infarctum est hoc viscus, similis urina conspicitur; unde ex hoc solo signo non habetur certa diagnosi pulmonalis abscessus, verum cum aliis signis memoratis, si simul talis urina adsit, diagnosi firmat.

Palorem autem, maciem, & debilitatem summam adesse debere, satis patet ex praecedentibus: solutus enim ob deficientem assimilationem sanguis

pallorem facit; sudores nocturni, depascens febricula haecolica, prostratus appetitus, maciei, & debilitatis summae sunt caulae.

Latentis autem in pulmone abscessus signa pulcherrime collegit Hippocrates (w), & sic descripsit: *At purulentos omnes hisce signis cognoscere oportet: Primum quidem si febris non dimittat, verum interdum tenuis detinet, noctu vero major, & multi sudores oriuntur, (circa collum & claviculam (x)); tussendi autem cupiditas illis inest, & nihil effatu dignum expuunt, oculique cavi fiunt, malasque rubores obsident, & unguis quidem manuum aduncus evadunt, digiti autem incallescunt, maxime summi, & in pedibus tumores fiunt, & ci-  
bos non appetunt, & phlyctenae per corpus nascuntur.*

§. 836. **I**napostema jam factum (835.) exitus habet varios: 1. Suffocat tumore occupante totum pulmonem, vel comprimendo impediendo ea, quae adhuc in eo libera. 2. Suffocat subita eruptione puris, vomica in asperam arteriam se exonerante uno cum impetu. 3. Solvitur sputo purulento, liberante, consumente. 4. Solvitur lapsu puris in cava Thoracis, inve mediastini dilatata vacua. 5. Inde tabes, phthisisque varia, empyema fere lethale.\*

Sequuntur jam varii exitus apostematis pulmonalis, qui singuli considerandi sunt.

1. Ex illis, quae binis praecedentibus paragraphis dicta fuerunt, patuit, abscessum pulmonis, dum fit, & dum factus est, dyspnoeam facere ob impeditam pulmonis explicationem ad liberam respirationem requisitam. Si ergo non rumpatur talis abscessus, neque pus contentum venis resorptum evacuetur aliis viis, vel per metastasin ad alia loca delatum, pulmonem liberet, patet evidenter, augeri debere hunc tumorem magis magisque, donec tandem post intolerabiles angustias suffocetur aeger. Unde dixit Hippocrates (y) de hac re agens: *Si vero non possit multo tempore rumpi, neque sponte, neque a medicamentis, contabescit aeger a vehementibus doloribus, & inedia, & tussi, & febribus, & plerumque perit.* Vidit in cadavere hoc morbo defuncti Celeberrimus Boerhaavius, unius lateris pulmonem in saccum pure plenum conversum adeo prodigiosae magnitudinis, ut non tantum cor ex situ suo dimoverit, & alterius lateris pulmonem in minimum spatium compresserit, verum etiam diaphragma in abdomen protruserit, & prominere fecerit. Quam horrenda autem mala mortem praecesserint, a tanta directione harum partium, facile colligitur. Plura talia exempla apud Observatores habentur.

2. Si enim magnus talis abscessus subito sic crepet, ut non parca copia simul pus exeat, tussi tunc educendum, sed uno cum impetu, se undatim exoneret in asperam arteriam, illa sic implebitur, ut nulla via superflui aeri inspi-

(w) In Prognosticis Charter. Tom. VIII. pag. 651.

(x) Coar. Praenot. N. 402.

Charter Tom. VIII. pag. 875.

(y) De Morbis Lib. I. cap. 8. Charter.

Tom. VII. pag. 541.



inspirando, unde subita mors. Notavit funestum hunc suppuratae peripneumoniae exitum *Aretaeus* (x) dicens. Si vero in pulmonem cum impetu pus prorumpas [quies], sum qui suffocantur, & ob confertam effusionem, & rejiciendi angustiam. Alia occasione in Commentariis §. 786., ubi de angina, absque ullis signis tumoris externi, vel interni, subito lethali dicebatur, aliquot casus enumerati fuerunt, qui huc spectant.

3. Ubi autem abscessus pulmonalis maturus aperitur sic, ut collectum pus in asperam arteriam veniat quidem, verum ob collecti puris copiam minorem, vel angustiorum aperturam sacci illius purulenti, parum simul prodeat, sputo purulento solvitur morbus, sed ancipiti tamen cum eventu. Liberatur enim quidem sic pulmo, & aegri insigne levamen percipiunt, verum tamen ne sic quidem semper inde emergunt: requiritur enim ad sanationem, ut cavum illud, in quo pus haeserit, depuretur, subsidant ejus latera, & consolidentur ad se mutuo. Pulchre hoc monuit *Hippocrates* [a] de suppurato pulmonis tuberculo agens: sic enim habet. *Et siquidem quam citissime maturuerit, & ruptum fuerit, & sursum vertatur pus, & totum expsuatur, locustque cavus (vacuū), in quo pus subsidat, & resiccet, prorsus sanus evadit.* Quo enim diutius clausus manserit locus suppuratus, eo major copia puris colligitur, atque eo magis metuendum, ne retentum pus, mora & calore acris factum, vomicae continentis latera rodant, consumant, cavum, in quo haeret, augeat, atque postea evacuato pure difficilior sit depuratio cavi hujus loci & consolidatio; quae tamen ad perfectam sanationem omnino requiruntur. Quin imo, licet & quam citissime rumpatur pulmonis abscessus, nondum tamen omnis metus abest. Nisi enim penitus resiccati possit, sed ipsum tuberculum ex se pus effundat, perniciosum id est: & a capite, & reliquo corpore pituita ad tuberculum defluens putrescit, ac pus gignitur ac expuitur, ob quod perit [b]: dum nempe omnes fere corporis humores ad hunc locum confluunt, & in pus convertuntur; unde nutrimento suo privatum corpus exsiccatur sensim & contabescit. Quare autem difficilis adeo saepe sic ulcerum pulmonis consolidatio, optime explicuit *Galenus* [c]: Neque enim citra tussim expurgari possunt, illisque sufficientibus laceratur locus. Itaque quasi per mutuas operas malum illis in orbem redit; quae namque lacerata sunt, rursus phlegmone excitant; secundo iterum oportet maturari phlegmonem, & pus expurgari &c. Simul inde intelligitur ratio, quare quandoque in longum tempus talis morbus, ex peripneumonia natus, excurret; dum nec depurari satis, & consolidari potest purulentus talis sacculus, interimque vires sufficiunt, imprimis in juvenili corpore, ut morbum ferant diutius, quotidie pure per sputa rejecto, sed & quotidie renato. Notaverat jam *Hippocrates* [d], hunc morbum, nisi cito repurgaretur pulmo, annum quandoque ferri, & mutari, & varias subire affectiones. Contigit mihi videre rarum satis casum, qui docet, diutissime tolerari posse hunc morbum,

y 2

tan-

(2) De Causis, &amp; Signis Morbor. Acut. Lib. II. cap. 1. pag. 11.

Lib. I. cap. 8. Charter. Tom. VII. pag. 150.

(b) Ibidem.

(o) De Morbis

Medend. Lib. V. cap. 11. Charter. Tom. X. pag. 62r.

(c) Method.

affectionibus cap. 4. Charter. Tom. VII. pag. 64r.

(d) De Internis

tandem tamen lethali exitu funestum. Consulebat me egregius juvenis, externa specie omnino sanus apparens: cumque morbum celaret de industria, fateor me non potuisse detegere, quid lateret in corpore mali: rogavit autem me, ut sequenti mane illum inviserem, dixitque, quod tunc facile morbum noscerem. Adfui, & me praesente, in lecto se erigens uncias aliquot puris boni absque multa molestia tussiendo leviter excreavit, sanctique affeveravit, quod jam per octo annos quotidie magnam copiam puris rejiceret, ad minimum quatuor uncias aequantem pondere, quandoque & majorem longe quantitatem. Minuebatur aliquando puris excreti copia, & fere nihil exspuebat; verum tunc sequi solebat pectoris oppressio, dolor satis acutus in pectore, febris valida; & postquam, uno alterove die haec mala passus fuerat, ingentem copiam puris excrebat, satis tunc olidi, atque iterum satis bene se habebat. Hoc modo acribam peritissimorum Medicorum prognosin, qui illum tractaverant ita decumbentem, se saepius elusisse narrabat; dumque post al quot septimanas, suppresso sputo purulento, iisdem cum symptomatibus consistentem inviserem, & pessima quaevis metuerem, securum me esse jussit, brevi se ab his malis emerfurum; atque eventus promissis respondit. Temavi lacte asinino herbaceo, decoctis herbarum vulnerariarum leniter detergentium potatis magna copia, una cum balsamicis pillulis ex myrrha, olibano, sarcocolla &c., equitatione, victu idoneo, morbum curare; sed in cassum fuerunt omnia, & postquam per novem integros annos, absque insigni corporis colliquatione (vidi enim illum adhuc binis ante mortem septimanis) tantum morbum tulerat, subita morte perisse intellexi. Vidi plures alios, qui morbum hunc per unum alterumve annum tulerunt; verum omnes erant in aetatis flore [*Hippocrates* etiam hoc monuerat (\*)], & deficiebant tandem. In quibusdam quandoque pessimum foetorem sputorum observavi; tuncque intellexi rationem sequentis Praenotionis (c): *Quos suppuratos mitius habentes sputorum graveolentiae sequuntur, illos vocidiva occidit.*

Omnia autem, quae ad Prognosin fausti, vel infausi eventus pertinent, dum pulmonis abscessus sputo purulento solvitur, accuratissime collegit *Hippocrates* [f], & descripsit sequentibus: *Supersites evadunt ex his potissimum, quos febris eodem post ruptionem die dimiserit, & qui cibos celeriter appetant, & stiliiberati sint; & venter tum exigua, tum compacta dejiciat, & pus album, & laeve, & ubique ejusdem coloris sit, & a pituita liberum, & citra dolorem, & vehementem tussim expurgetur. Sic quidem optime, & celerrime liberantur: sin minus hi, quibus proxima his contigerint. Intererunt vero, quos & febris eodem die non dimiserit, sed quum videtur dimisisse, iterum recalescens appareat; & seim quidem habuerint, cibos vero non appetierint, & alvus liquida fuerit, pusque ex viridi pallidum, & lividum expuerint, aut pituitosum & spumosum. Si haec omnia contigerint, intererunt. At quibus ex his quaedam accesserint, quaedam non, illorum quidem intereunt, quidam etiam multo post tempore supersites evadunt.*

Verum

(\*) In Prognosticis. Charter. Tom. VIII. pag. 658. (c) Coac. Praenot. N. 406. Charter. Tom. VIII. pag. 876. (f) In Prognosticis ibidem pag. 651.

*Verum ex omnibus signis, quae adfunt, tum in his, tum in aliis omnibus, con-  
jecturam facere [oportet].*

4. Sequitur alter peripneumoniae suppuratae exitus, dum nempe apostema ruptum pus non effundit in tracheam, sed in pectoris cavum; funestus pleurumque, cum nullus fere puri hic deciduo exitus pateat, nisi per artem via paretur, thoracis paracentesi instituta. Cum autem pulmo inflammatus vicinis locis accrescat saepius, poterit & tale apostema ruptum in pericardii cavum pus effundere, uti etiam in mediastini cava dilatata. Quomodo mediastinum formetur ex membranae pleurae, utrumque thoracis cavum investientis, duplicata lamella, alia occasione in Commentariis §. 170. 4. dictum fuit; antequam autem sub sternone, & posterius circa thoracis vertebrae, distant a se mutuo binae illae lamellae, quae mediastinum constituunt, & membrana cellulosa inter illas locatur facile dilatabilis, unde poterit pus hic effusum miras saepe sibi vias facere. Novimus autem, talem peripneumoniae exitum adesse, si post omnia signa facti abscessus, nullo pure per sputa aliaeve vias evacuato, nullaque metastasi facta ad alia loca, subitum levamen aegri percipiant; quia pus ex angustia in ampliore locum venit (g): quod signum & aliis in locis Hippocrates (h) habet. Videtur etiam notasse (i), quod quandoque tali abscessu rupto quaedam pars per sputa exeat; longe major tamen puris portio in sputum transversum delabatur. Neque multum videtur sperasse in tali casu a puris educatione, quae per thoracis aperturam fit; dicit enim (k): *Si ulcus, vel scelus fuerit, & pus exeat, confestim sane hoc etiam modo levius habere videtur, progressu tamen temporis ab his sane, quae in priori dicta sum, perimitur*. De illis autem signis, quibus cognoscitur, per effusum in thoracis cavo haerere, partim in *Vulnere thoracis* historia dictum fuit, partim etiam agendum erit postea in *Capitulo de Empyemate*.

Quam mirabiles autem pus, ex pulmonis abscessu rupto exiens, sibi vias quandoque paraverit, docent Observationes Medicae plurimae, quarum paucae hic notare non inutile credidi. Non autem hic considerabimus illum modum, quo pus in abscessu clauso diutius retentum, attenuatum, venis reforptum, ad varia loca deponitur, vel & variis quandoque viis exit de corpore, de qua re videantur illa, quae ad §. 406. dicta fuerunt; verum tantum hic agemus de illis Observationibus, quae docent, pus vicina loca erosisse, & inolitatis sibi parasse vias. In hominis, post peripneumoniae suppuratae defuncti, cadavere inventus fuit pulmo firmiter accretus pleurae, & diaphragmati, simulque apparuit, pus, licet & per sputa pars ejus excreta fuisset, erosisse diaphragma, & hepatis ipsum ad pollicis profunditatem, atque in hoc viscere sinum purulentum fecisse, cujus diameter tres aequaret pollices (l). In alio homine post mortem inventus fuit pulmonis abscessus, cujus pus eroleat contiguum, & accretum diaphragma, ipsumque ventriculum, foramine tam

Y 3

amplo,

(g) Hippocrat. de Morbis Lib. III. cap. 15. Charter. Tom. VII. pag. 592. (h) De

Morbis Lib. II. cap. 16. Ibid. pag. 568., & de Morbis Lib. I. cap. 8. Ibid. pag. 541.

(i) Ibidem.

(k) Ibidem.

(l) Medical. Essays Tom. I. pag. 273.

amplo, ut pollicem facile admitteret (m). Huic affinem casum notavit Jacotius (n) in muliere, quae quibusdam ante mortem annis vomitu solebat per intervalla rejicere magnam puris copiam cum defectioni animi, vocis privatione, & gravibus aliis symptomatibus, quibus levabatur a vomitu. Mortua & dissecta, ingens vomica in pulmone reperta est. Tumor ovi gallinacei minoris molem aequans inter cartilaginem ensiformem, & marginem cartilaginis costae ultimae verae, & binarum costarum spuriarum superiorum, prominebat, dum tussiebat homo ulcere pulmonali laborans; & post mortem inveniebatur, pulmonis abscessum satis magnum tali loco haerere, ut diaphragma extendere potuerit, & hunc tumorem formare (o). Plura similia apud Auctores probatae fidei occurrunt: modo memorata autem sufficient ad demonstrandum, pus ex abscessu pulmonis rupto effusum, sive rodendo, sive distendendo, partes vicinas, mira mala producere posse.

5. Dum ulcus pulmones ita exedit, ut totus inde habitus corporis consumatur, phthisis pulmonalis adesse dicitur [vide §. 1196.]; unde facile patet, pulmonis abscessum in hunc morbum vergere. Verum ulcus hepatis, aliorumque viscerum, pariter phthisin producere potest; uti postea §. 1214. dicitur: cumque ex praecedentibus patuerit, pus in pulmone collectum, vel per metastasin, vel per erosionem, ad alia viscera posse deferri, evidens ratio est, quare phthisis varia expectari possit, dum suppurata est peripneumonia.

Cum autem pus, rupto abscessu, inter pulmones & pleuram collectam, empyema facit, illud fere semper lethale est. Ubi postea de empyemate agatur, patebit, hunc morbum, si & satis cito apertura facta pus album, laeve, aequale, foetoris expers, exeat, atque aeger caetera sanus sit [vide §. 1192.]. Verum in hoc casu pulmo jam ulcere exesus est, antequam empyema fiat; adeoque patet, parum spei superesse.

§. 837. **A**lter morbus a peripneumonia fit, si purulenta jam facta inflammatoria materies (§. 832. 833. 834.) intra pulmonales venulas resorbetur, cruori miscetur, in loca quaedam deponitur, unde liberatur pulmo, oneratur pars alia; quae si minus requisita ad vitam, est *metastasis* bona; si vero in hepar, lienem, cerebrum, & similia loca fluxerit, pessima plerumque erit. Hinc sunt abscessus peripneumonici ad aures, crura, hypochondria.

Alter modus, quo Peripneumonia in alium morbum transit, est ille, qui per metastasin materiae morbosae ad alia corporis loca fit. Ille autem obtinet, quando purulenta jam facta materies inflammatoria, neque excernitur sputo, alvi fluxu, vel urina [vide §. 830.]; neque in pulmone colle-

(m) Ibid. Tom. II. pag. 332.  
pag. 27.

(n) Holler. Comment. in Coac. Hippocrat.  
(o) Mémoires de l'Académie de Chirurg. Tom. I. pag. 717.

collecta accumulatur, & vomica format, sed intra pulmonales venulas re-  
sorbetur, & postea in loca quaedam corporis deponitur. Notandum enim hic est,  
proprie non fieri bonam, & salutarem talem metastasin, dum pus jam in pulmo-  
nis substantia collectum haeret, abscessu jam formato; sed tunc tantum, quando  
materies inflammatoria cocta jam, & mobilis quidem reddita est, ut transire  
possit ex arteriis obstructis in venas, atque puri analogam naturam adeptam;  
interim tamen vasa manserint integra; cum verum pus ex obstructorum vascu-  
lorum extremis una cum infarcta materia inflammatoria attritis, & in unum  
homogeneum liquidum una cum effusis humoribus mutatis constet. Videantur  
illa, quae de hac re in Commentariis §. 597. dicta fuerunt; uti etiam quae habentur  
ad §. 830. 2., ubi agebatur de sputis, per quae in peripneumonia educebatur  
eadem illa materies, quae hic per metastasin ad alia loca corporis abscessus vario-  
rum facit. Unde etiam, quamvis in textu vocetur *materia purulenta*, tamen  
allegantur illae paragraphi, in quibus de futura suppuratione, vel incepta  
tantum agebatur; non vero sequentes, in quibus signa, & effectus abscessus jam  
facti explicantur. Ideo etiam, uti postea ad §. 842. patebit, tunc laudantur  
illi abscessus, tanquam utilissimi, si cito coniungant, ante nonum diem: pos-  
tea enim iustus metus est, abscessus jam revera factum esse in pulmone, cum  
intra quatuordecim dies formari soleat, uti §. 882. explicatum fuit. Licet  
autem pus, in vomica pulmonis collectum, venis resorberi, & per metastasi-  
sin ad alia corporis loca deponi posset, hoc factum tamen maneret ulcerosa  
in pulmone diathesis, qua brevi novum pus colligeretur in eodem loco;  
adeoque non magna utilitas a tali metastasi expectanda foret. Ubi vero,  
nondum factu abscessu, materies inflammatoria lubata jam, & mobilis in  
venas transit, & sanguini miscetur, atque postea ad alia loca corporis de-  
ponitur, poterit liberari pulmo, & liberatus integritate illa gaudere, quam  
in sanitate habuerat. Ob eandem causam damnantur illi abscessus §. 843.,  
si sputo jam purulento facto prodeant; atque notatur simul, quod tunc  
illud levamen non adferant; quia nempe tunc tantum pulmonem liberant  
a pure nunc praesenti, manente tamen causa, quae brevi simile pus re-  
generabit. Haec praemittenda videbantur, ut melius intelligi possent re-  
liqua, quae circa hos abscessus notanda erant in sequentibus.

Liberatur ergo in hoc casu pulmo, & oneratur alia corporis pars, versus  
quam abscedit morbofa materia, quae prius in pulmone sedem fixerat. Alia  
occasione in Commentariis §. 402. dictum fuit, abscessus vocabulum varia  
significatione apud Veteres Medicos usurpatum fuisse; simulque tunc nota-  
tum fuit, illos bifariam divisisse abscessus, nempe in illos, qui per effluxum  
(*κατ' ἐξοδόν*), & alios, qui per decubitum [*κατ' ἀνάστυον*] materiae morbosae  
in qualdam corporis partes fiebant. Cum autem per effluxum materiae mor-  
bosae integre liberetur corpus, per decubitum vero in alias partes tantum  
fiat mutatio in alium morbum, merito priores abscessus meliores, & postero-  
res vero minus commodos dixit *Galenus* (p); tuncque tantum bonos esse  
voluit, si & in partes a loco prius affecto remotissimas, eademque minus

Y 4

prin-

(p) In Commentar. 3. in Lib. I. Ep. dem. Hippocrat. Charter. Tom. VIII. pag. 85.

principales, decumberent. Satis enim patet; faustum, vel infaustum talis abscessus eventum pendere a loco, quem morbi materia pristina de sede mota occupat. Si enim in hepar, lienem, cerebrum &c. fluxerit, pessima quaevis erunt expectanda: in cerebro enim subitam plerumque mortem faciet; in aliis visceribus purulentas vomicas, quae vix, vel saltem difficillime, curari poterunt, nisi bona fortuna materies ad haec loca delata cito expellatur de corpore. Ad aures autem, crura, hypochondria tales abscessus peripneumonici inprimis observantur, de quibus singulatim agendam erit.

Primo jam sequenti paragrapho enumerabuntur illa signa, quae docent, peripneumoniam in tales abscessus vergere. Deinde considerandum erit, quibus indiciis detegi possit locus corporis, versum quem metastasis illa vergit. Ultimo tunc videbimus, quaenam requirantur, ut illi abscessus salutares sint.

§. 838. **T**ales abscessus futuros esse declarat: 1. Observatio signorum peripneumoniae non pessimae (833..834.), cum febre non vehementi, nec maligna tamen continua; cum dolore thoracis, anxietate, gravitate, dyspnoea, cum pessimis; sine signis resolutionis (830.). 1. Si cum his pulsus multum vacillans, omni modo, assidue. Dolores, rubores, calores, tensiones, circa loca dicta (837.).

Inprimis autem sollicita attentio requiritur, ut praevideantur futuri abscessus, ne horum ignarus Medicus importuno artis molimine turberet quandoque futuram brevi, vel jam inceptam, materiae morbosae metastasin; simulque, his praevisis, ad loca, quae critici tales abscessus absque periculo occupare possent, applicentur talia, quae faciunt, ut eadem loca minus resistant, & plus trahant, uti postea §. 860. dicitur.

1. Levissimae peripneumoniae, & quae cum securissimis signis incedit, benigna resolutio absque ulla evacuatione materiae morbosae, vel ejusdem metastasi ad alia loca, expectari poterit; pessimae vero, & vehementissimis symptomatibus stipatae, exitus in sanationem vix sperari poterit: unde patet, exitum peripneumoniae in alium morbum tunc tantum expectandum esse, quod nec benigna penitus, nec acerrima tamen, observetur, sed medio inter bina haec extrema modo incedit.

Febris tunc adest, nec vehemens adeo, nec malignis symptomatibus stipata, sed continua tamen, quia nondum subasta est morbi materia. Omnia autem symptomata, quae solent comitari hunc morbum, manent; sic tamen ut intensitate nimia fatalem non minentur exitum. Cognoscimus ergo ex his omnibus, materiam inflammatoriam pristinam hactenus sedem occupare, interimque per febrim continuam boni moris subigi, & coqui (vide §. 587.); neque optime ad excretionem, vel metastasin disponi. Ubi tunc simul nulla signa adsunt resolutionis, neque in sputis, alvo excretis, aut urina [vide §. 830.] apparent illa signa, quae docent, materiam morbi per febrim subastam, & mobilem redditam moliri exitum per has vias, summo jure expectatur

Statut metastasis ad alia loca. Quae omnia signa accurate collegit Hippocrates (g) dicens: *si febris deinceps, neque dolor sedatus sit, neque sputum ex ratione procedat, neque biliosae alvi dejectiones sint, neque soluta faciles, neque sinceræ fiant, neque urina admodum multa, & crassa, & copiosum habens sedimentum; observatur autem superstes futurus ab omnibus reliquis salutaribus signis; his oportet tales abscessus futuros sperare.*

2. Delignat enim talis pulsus, materiam morbosam subactam jam, & mobilem una cum sanguine per vasa fluere: adeoque, nisi subita appareat evacuatio illius materiae, abscessus expectandus erit. Notandum enim reliqua signa bona cum tali pulsu concurrere in hoc casu; aliter enim cum pravis signis pulsus multum vacillans omni modo, & assidue mortem significaret potius. Cum enim jam pristinam sedem dereliquerit morbi materia, minuetur obstaculum liberum sanguinis transitum per pulmonem impediens, adeoque pulsus reddetur amplior, & plenior [vide §. 830. 2.] licet vacillet assidue. Hinc monuit Galenus (r) sequentia: *Verum tamen si cum vehementia pulsus fiat aliqua ordinis perturbatio, sive aequali, sive inaequali existente vehementia, quum & apparuerint signa coctionis, sperandum est, aliquam crisin futuram, & magis, si adhuc alia crisis signa fiant.* Videantur & illa, quae de perturbationibus criticis in Commentariis §. 587. & 594. habentur.

3. Omnia enim haec docent, materiam morbi solutam, & cum sanguine per vasa motam, deponi versus loca, quae jam dolent, rubent &c. adeoque tunc perfecta cognitio criticae talis metastasis habetur. Unde dixit Hippocrates (s), uti jam in Commentariis §. 587. monitum fuit. *Quibuscunque ex morbis resurgentibus aliqua pars doluerit, illic abscessus oriuntur.*

§. 839. **I**llos vero futuros circa Crura scimus, si 1. Signa futurorum abscessum (§. 838.) adsint, 2. Si simul cum iis signa sint levioris inflammationis ad hypochondria.

Videtur Hippocrates inter illos abscessus, quibus peripneumonia solvitur, reliquis praetulisse illos, quia circa crura fiunt. Dicit enim (t) *At abscessus, qui ad crura fiunt in peripneumoniis tum vehementibus, tum periculosis, omnes quidem utiles. Illi autem futuri praevidentur.*

1. De his dictum fuit.

2. Soluta enim quidem fuit morbi materies, & mobilis reddita, interim tamen tales dotes retinuit, ut cum reliquis humoribus per vasa moveri nequeat, absque turbatione aequabilis circulationis, unde vel expelli de corpore debet, vel ad alia loca deponi, uti dictum antea fuit. Duplicem autem vim affectare hanc materiem monuit Hippocrates (u), versus superiora nempe vel

(g) In Prognosticis Charter. Tom. VIII. pag. 654.

Lib. II cap. ultimo Charter. Tom. VIII. pag. 276.

Charter. Tom. IX. pag. 153.

(n) Ibidem pag. 655.

(r) De Praefagit. ex puls.

(s) Aphor. 32. Sect. IV.

(t) In prognostic. Charter. Tom. VII. pag. 656.

(u) Ibidem pag. 655.

vel inferiora corporis. Dum ergo per aortae descendens ramos cum sanguine movetur haec materia, magna ejus pars per coeliacam, & mesentericam utramque ferretur per viscera chylopoietica, atque inde in venam portam delata per hepatis angustias transire debet; ubi, cæteris paribus, difficilior semper humorum transitus est, dum sanguis venosus, abque cordis impellentis auxilio, per convergentium canalium angustias transprimi debet. Non mirum ergo apparebit, si inde fiant obstacula circa haec loca, atque levioris inflammationis signa. Sive jam haec illius symptomatis observari genuina causa sit, sive alia forte minus cognita, sufficit Medico novisse, quod inde praefagium habeatur futuri circa crura abscessus. Levioris autem inflammationis signa tantum esse debent, & cito iterum evanescere; si enim manerent, potius metuendum foret, in hepate accumulari materiam morbosam, longe majori cum discrimine. Sollicite hoc notavit Hippocrates (w), dicens, tunc expectandos esse circa crura abscessus; Si circa hypochondria aliquid inflammatorii adfuerit (α πρὸ τοῦ νοσήσαντος ἐν ὀλίγῳ καὶ ἐγγύρῃ). Recte autem monuit Galenus (x) per τὸ ὀλίγον non intelligi hic pituitosum humorem, sed inflammationem; atque antea in Commentariis §. 69. monitum fuit, hoc sensu illud vocabulum quandoque accipi. Confirmatur hoc ulterius alio Hippocratis loco (y), ubi eadem circa futuros abscessus in Peripneumonia legitur prognosis, ὀλίγον loco τὰ ὀλίγον habetur.

§. 840. **S**ed futuros circa Aures scimus, si 1. Signa adsint (§38.)  
2. Mollia simul hypochondria.

Abscessus illos circa aures natos, tam in morbis, quam in secunda valetudine, Parotides vocari, antea in Commentariis §. 416. probatum fuit, & plura alia circa hos abscessus notando in Commentariis §. 741. dicta fuerunt. Tunc autem fieri abscessus versus superiora constat, si signa generalia futurorum abscessuum adfuerint, & Hypochondrium molle, & doloris exars apparuerit; & quum difficultas spirandi, per aliquod tempus facta, extra aliam evidentem causam quieverit (z). Novimus enim ex his signis, morbi materiam locum mutasse; neque evacuatam tamen esse, nec versus inferiores partes vergere, adeoque nihil superest, nisi ut superiora petat, atque solemni naturae, morbos per metastasin sanantis, ritu, in parotides glandulas deponatur. Verum quidem est, in morbis quandoque & parotides nasci, licet, & simul hypochondria afficiantur, sed tunc semper periculosa sunt, cum notent, tantam materiae morbosae copiam esse, ut haec loca illam capere nequeant; vel saltem non succedere salutare illud naturae molimen; quo ad loca innoxia materiam morbi deponere tentabat, sed viscera simul eadem saburra gravari. Unde parotides ex doloribus hypochondriorum emergentes

(w) Ibidem. (x) Comment. 2. in Prognostic. ibidem. (y) In Coacis N. 395. Charter. Tom. VIII. pag. 874. (z) In Prognosticis Charter. Tom. VIII. pag. 655.



gentes malignas esse dixit Hippocrates [a]; & paullo post (b) monuit: *Anxietatem in hypochondrio sentientibus tumores circa aures ortos, mortem inferre.*

§. 841. **A**D hepar verti novimus, si 1. Signa sint (§38.). 2. Dolor manens in hepate, cum urina subicterica, colore subflavo cutis. Hinc saepe, vomica hepatis nata, pessima mala.

Dictum fuit §. 839., materiam morbi, dum versus inferiores corporis partes tendit, ad hypochondria levioris inflammationis signa producere; adeoque patet, aliquem metum esse, ne per haec viscera difficiliter transiens in illis colligatur, & abscessus formet. Inprimis vero in hepate ab hac causa abscessus metuitur ob rationes tunc dictas. Novimus autem, tunc ad hepar verti materiam, si post signa generalia futurorum abscessuum praegressa, dolor in hepate percipiatur, non evanidus cito (uti fit, dum circa crura orientur abscessus) sed manens. Reliqua indicia abscessus hic formandi sumuntur a laesionibus illarum functionum, quae huic visceri propriae sunt, secretionis nempe, & excretionis bilis. Obstrueto enim aut inflammato hepate, bilis in sanguinem regurgitat, & cutim flavo dolore, uti & urinam, tingit; de qua re pluribus agendum erit in *Capitulo de Hepatide*. Nisi autem materia inflammatoria, sic in hepar delata, per ductus excretorios venae portarum vim inveniat, atque in intestinorum cavum delapsa per alvum expellatur, vel in venam cavam redux ad alia loca minus periculosa deponatur, aliisve viis de corpore exeat, vomica hepatis faciet, a qua raro emergunt aegri, uti postea demonstrabitur §. 936. & sequentibus. Uti jam ad hepar talis metastasis fit, sic & facile concipitur, & ad alia viscera idem fieri posse: laesio functionum lucem dabit ad detegendam partem affectam; & pro diversitate viscerum, in quae materia haec decubuit, variabit Prognosis. Soli ergo laudabiles sunt abscessus, qui ad partes exteriores fiunt: atque Observatio Medica docuit, illos plerumque ad parotides, vel crura fieri raro, vel nunquam, ad alias corporis partes in hoc morbo.

§. 842. **A**Bscessus illi (§39. 840.) si levant pulmonem, si tollunt febrim, si purulenti, manantes, fistulosi manent, si fatis cito, ante nonum diem, contingunt; semper salutares: verum, si sputo jam purulento, nec magis flavo, sine levamine dicto, nascuntur, mali: at, si jam nati evanescent, crudo morbo, peripneumonia redeunte, omnino lethales sunt.

Ex illis, quae ad §. 587. de crisi, & criticis evacuationibus, & abscessibus dicta fuerunt, constitit, quandoque naturam in morbis talia quidem moliri; neque tamen semper perficere, live ob virium decumbentis imbecillitatem, live

(a) Coac. Praenot. N. 285. ibid. pag. 868.

(b) Ibid. N. 301. pag. 869.

sive materiae morbosae malignam, aut contumacem indolem, aut medentis errorem &c. hoc contigerit. Expedit ergo illa novisse signa, quae doceant, an ab abscessibus salutaris effectus expectandus sit, nec ne, de quibus nunc agendum erit.

Primum signum bonorum abscessuum est, SI LEVANT PULMONEM. Cum enim in abscessibus illis colligi debeat illud morbosum, quod paullo ante in pulmone haerens peripneumoniam fecerat, patet satis, illico, dum apparent, pulmonem levari debere. Illud autem levamen cognoscitur ex respirationis emendatione, & pulsu ampliore, & pleniore reddito; uti patet ex illis, quae ad §. 830. 2. dicta fuerunt. Patet enim simul, febrem debere tunc tolli, vel saltem insigniter minui; dum illud, quod obstaculo, aut stimulo febrem fecerat, coctum, & subactum non tantum est, verum etiam locum prius affectum deseruit, & ab humorum circulantium consortio separatum in parte minus periculosa colligitur. Cum autem integra depuratio languinis a materia illa morbofa, quae cum illo movetur per vasa, requiratur per has vias, conducet, ut copiam purulenti humoris fundant, & aliquandiu aperti maneant tales abscessus, fistulosi utunque, ob novam continuo huc delatam materiam, quae impedit, ne cito latera cavi abscessus contigua fiant, & uniantur inter se. Unde dixit Hippocrates (c): *Quibuscumque ex peripneumoniacis morbis abscessus fiunt circa aures, & ad inferiores partes suppurantur, & fistulam faciunt* [ἐπερὶ τὰς αὐρὰς, ἢ ἐν ταῖς κατωτέραις, ἢ ἐν ταῖς κατωτέραις, ἢ ἐν ταῖς κατωτέραις], *hi superflui evadunt*.

Præterea requiritur, ut illi abscessus satis cito fiant; ANTE NONUM DIEM: si enim serius fiant, metus est, vomitum jam in pulmone formatam esse, ex qua reformatum pus quidem ad alias partes deponi, & abscessus facere posset, verum tamen tunc maneret ulcerosa jam diathesis in pulmone praesens, quod semper periculosum est. Videantur illa, quae ad §. 837. de hac re dicta sunt. Ex omnibus his salutares abscessus praevidentur.

Contra vero mali, & inutiles sunt illi abscessus, si absque pulmonis levamine appareant: ratio ex modo dictis patet. Suspectas etiam talium abscessuum ortus est. UBI SPUTUM JAM PURULENTUM EST, NEC MAGIS FLAVUM. Dictum fuit in Commentariis §. 830. 2. de sputo laudabili, quo absque alio morbo sequente sanabatur peripneumonia, tuncque notabatur, illud primo flavum cum paucis sanguine mistum esse, & deinde in album blandum cito mutari; quod tunc puri simillimum quidem esse demonstratum fuit, neque tamen absolute puris nomen mereri; cum soluta quidem, & cocta fuerit inflammatoria materies, interim tamen vasculorum, quibus infarsita haeserat, integritas manserit. Quandiu ergo flavum est illud sputum, nondum incipit nasci vomica in pulmone; verum ubi jam procedente morbo purulentum fieri incipit, neque tamen adeo libere, & tanta copia prodit, ut hac via levare possit morbus, vomicae natae, vel nascentis saltem, iustus metus est, tuncque minus boni ab abscessibus expectatur. Unde pulchre monuit Hippocrates (d), *Optimos esse abscessus, qui fiunt, dum sputum jam in mutationem est* [ὅταν τὸ σπύον ἐκ τοῦ κίτρου εἰς λευκὸν μεταβάλλῃ] *dum nempe ex flavo in album incipit mutari,*

(c) In Prognostic. Charter. Tom. VIII. pag. 653.

(d) Ibid. pag. 656.

mutari, neque tamen omnino purulentum adhuc est. Mox autem subiungit sequentia: *Si enim tumor, & dolor oriuntur, dum sputum ex flavo puri simile fit (e) vix enim vocat non vix absolute) ac foras prodeat, ita securissime, & homo superstes evadet, & abscessus citra dolorem citissime sedabitur.* Blandam enim, mobilem, & rite excoctam morbi materiam haec omnia indicant. Notandum autem est, quod saepe sputa quaedam prodeant, licet critici tales abscessus brevi jure exspectentur, sed non tanta copia, ut morbi materiae excernendae sufficiant, sed tantum indicium dent, quo usque materia morbi mutata, & cocta fuerit. Unde Hippocrates (e), dum signa futurorum abscessuum recenset, non dixit, nulla prodire sputa tunc, sed tantum non prodire secundum rationem (κατὰ λόγον); id est, non tali copia, ac requiritur, ut hoc modo materiae morbosae expulsiō sperari possit. Atque ideo etiam non dixit (f), urinam nullum sedimentum habere, sed non prodire admodum multam & crassam &c. Quod autem, etiam illo tempore, dum abscessus jam proruperant, ad sputa & urinas attenderit Hippocrates, & illis praesagia hausit, patet evidenter ex alio loco (g), ubi sequentia habentur: *At si sputum non probe excernatur, neque urina bonum sedimentum videatur, periculum est, claudum fieri articulum, aut multum molestiarum exhibiturum.*

Ubi vero illi abscessus jam nati evanescent, summum periculum est. Judicatoria enim non judicantia, partim lethalia esse, partim difficilis judicii, antea in Commentariis §. 741. notatum fuit. Manet enim materia morboſa in corpore, & vetus interiora recurrens pristinam iterum sedem occupat, sicque lethalem fere semper peripneumoniam producit, vel & ad alia viscera deponitur periculosa admodum metastasi. Unde Hippocrates (h) monuit: *Si vero dispareant abscessus, & recurrant, sputo non prodeunte & febre obsidente, grave: periculum enim est, ne delires & intereat homo.* Ubi notandum, quod dixerit, *sputo non prodeunte*; sic enim indicare videtur, quod recurrente abscessu critico, spes aliqua superet, evacuari posse materiam per sputa, quae prius abscessum fecerat. Hoc videtur confirmari, & alio textu (i): *Tussiculae cum sputatione parotidem evacuant.* In Coacis (K) autem loco ἀναλίσσου legitur λυτίζου, quod emollire significat, atque eodem fere redit; cum turgens abscessus, minuta materia distendente, flaccidus, & mollior reddatur. Ita etiam in Commentariis §. 587. & §. 593. notatum fuit, urinam multam, crassam, & albam ab abscessu critico liberare aegros. Periculosum ergo semper est, si abscessus jam nati evanescant; & omnino lethale, si nulla alia evacuatio, statim succedens, educat de corpore morbosam materiam.

§. 843. **D**efinit iterum morbus hic in tumorem callosum, scirrhosumve pulmonis; si materies, & conditiones (392.)

con.

(e) Ibidem pag. 654.

(f) Ibidem.

(g) Ibidem pag. 656.

(h) Ibidem

pag. 657.

(i) Protrheic. Lib. I. Charter. Tom. VII. pag. 807.

(K) N. 105. Ibid pag. 863.

concurrunt: inde tota vita difficilis, erecta, tussiculosa respiratio, post pastum motumque aucta, sine signis latentis vomicae descriptis (833.); inde adhaesio pulmonis ad pleuram.

Sequitur jam alter inflammationis exitus, dum nempe materies inflammatoria neque solvitur benigna resolutione, neque attenuata & mobilis redita per sputa, urinas &c. expellitur, vel per metastasin ad alia loca corporis deponitur, aut suppurando separatur, sed manet vsis infarsa, & cum illis concrevit in tumorem callosum, vel scirrhum. Callum vocari partis membranaceae, incrementem molem, una cum duritie, & insensibilitate, ob vasa inter se concreta, alia occasione in Commentariis §. 112. 1. vidimus. Quamvis autem scirrhi praecipue circa loca glandulosa oriuntur, tamen & scirrhus malse curatae inflammationis reliquias etiam in aliis corporis locis observatas fuisse, constat ex illis, quae ad §. 483. dicta fuerunt. Lentior, & atrabilaria sanguinis cacochymia tali malo originem dare poterit; uti etiam dum in hoc morbo si languet vitalis humorum impetus, post repetitam saepius venae sectionem v. g., ut nec solvendae, & expellendae materiae inflammatoriae, neque per suppurationem separandae, sufficiat. Scirrhusos pulmones aliquoties vidi in cadaveribus; & plurima hujus rei exempla in Historia Medica habentur. Pulmonis lobos adeo induratos fuisse, ut topbos lapideos referrent, refert *SchenKius* (1). Memorabilis etiam scirrhusi pulmonis casus memoratus fuit ad §. 797., ubi de angina scirrhusa agebatur.

Ubi autem notabilis pars pulmonis in scirrhum, vel callum induruit, patet satis, illum ab aere inspirato explicari non posse; cum pars illa indurata cedere nequeat, & mole sua angustet vicina loca; adeoque difficilis erit respiratio, erecta tantum fere cervice peragenda, Unde Orthopnoea vocatur: simulque, dum majori molimine pulmonem explicare nituntur tales homines, dura & callosa haec pars vicinis affricata molestam, & siccam tussiculam facere solet. Omnia autem haec mals augentur, ubi post pastum crudus, & copiosus chylus per pulmonem minus jam explicabilem transire debet; uti etiam dum per motum corporis acceleratur sanguinis per pulmonem transitus. Quam difficilis autem scirrhi curatio sit, etiam in externis corporis partibus, ubi omnia artis adminicula immediatè loco affecto applicari possunt, antea in scirrhi historia vidimus. Unde patet ratio, quare semel natum hoc malum tota vita maneat; & ensrta symptomata producat. Callosae talis in pulmone duritiei jam meminit *Hippocrates* (m), notavitque sequentia: *Atque interceptis a callo transiisibus, velox & difficilis spiratio corporis; quum hi spiritum neque per hanc viam emittere, neque facile atrahere queant. Ex talibus sene hi morbi oriuntur, quales sunt asthmas, & tabes siccae.*

Novimus autem tale malum adesse, si post peripneumoniam memorata sym-

(1) Lib. II. pag. 239.  
pag. 6.

(m) Libr. De Ossium natura cap. 8. Charter. Tom. IV.

symptomata superflint; interimque nulla signa [vide §. 835.] latentis in pulmonae vomicae adsint. Vomica enim, collecto pure turgens, pariter difficilem respirationem, & post partum, vel motum corporis, malorum augmentum facit. Verum vomica quotidie mole augetur, donec creperet; feirrhosa vero pulmonis durities diu in eodem statu manet, adeoque satis evidens ejus mali Diagnofis haberi poterit.

Verum etiam a pulmonis inflammatione praevidetur ejus adhaefio ad pleuram. Tenuiffimus enim halitus, ex minimis arteriis, in pulmonis, & pleurae superficie hiantibus, expirans, impedit, ne contiguae sibi mutuo hae partes conerescant: ubi vero inflammatur pulmonis, vel pleurae pars; illa sicca, & inperspirabilis redditur, unde facilis concretio. Numerosiffimae Observationes confirmant, post pleuritidem, & peripneumoniam tales concretiones pulmonis cum pleura inveniri. In bobus [quod animalium genus frequentiffime hoc morbo corripitur, qui a rofciis nostris *bes longevum* vocatur] laniones toties inveniunt pulmonem pleurae validiffime accretum esse, atque repetitis experimentis certi sunt, talem morbum tunc praegressum esse. Quin imo & in exterioribus partibus horum animalium concretio membrarum ad se mutuo obfervata fuit a talibus caufis, quae inflammationi producendae sunt aptiffimae. Talem morbum descripsit Columella [u] fequentibus: *Est & infesta pestis bubulo pecori, coriaginem rustici appellant, cum pellis ita tergori adhaeret, ut apprehensa manibus deduci a costis non possit. Ea res non aliter accidit, quam si bos aut ex languore aliquo ad maciem perductus est, aut sudans in opere faciendo refriguit, aut si sub onere pluviae madefactus est.*

Cum autem pulmo & inspirationis & expirationis tempore contiguus maneat semper pleurae pectoris cavum cingenti (o), & pulmonis expansionem per aerem inspiratum comitetur semper similis pectoris dilatatio, videtur admodum probabile esse, pulmonis adhaefionem ad pleuram non semper magnam molelliam facere. Risit hinc Medicos *Halmontrius* [p], dum Asthmatici repente suffocati cadaver incidentes subitae mortis causam statuerent, quod pulmonis locus dexter pone pleurae adnatus erat. Testatur autem, quod milites repente caecos dissecuerit, ut in rei veritatem inquireret, atque videlicet, pulmonem retro costis adnatum, benevalentibus, quosque nulla antes prefferat difficultas spirandi: ceteros inter velociffimus quidem Hybernus, a pedibus Marchionis de Wincheftriae, pugione emectus, dissectusque, utramque pulmonis lobum costis adnatum ostendit. Negari nequit in pluribus cadaveribus inveniri aliquam adhaefionem pulmonis cum pleura, licet inde nullam fere molelliam perceperint homines, dum viverent. Interim tamen, si pulmo pro maxima parte pleurae accreverit, & inprimis illi ejus parti, quae mediastrium facit, & pericardium tegit, videtur utcumque impediri debere alterna pulmonis dilatatio & contractio, quae ad liberam respirationem requiritur. Sic *Peyerus* [q] in cadavere adolescentis, qui a puero spirituum difficultorem traxerat, inprimis cursu exercitatus, invenit pulmonem dextri lateris pertinaciter

(a) Lib. VI. cap. 13. Autor. rei rustic. pag. 58a.

(o) Vide H. Boerh. Instit.

Medic. §. 696. 697.

(p) In Capitulo Asthma, & Tussis §. 46. 47. pag. 293.

(q) Parerg. 3. cap. 6. pag. 245. &c.

cier & pleurae, & diaphragmati, & pericardio adnatum: sinister autem pulmo liber a pleura erat, sed pericardio tamen, ac septo transverso affixus. Plura similia exempla habet *Bonetus* (†), quae modo dicta confirmant. Neque dissimulandum tamen est, quod *Diemerbroeckius* (\*) invenit in cadavere suspensi furia pulmonem in utroque latere non tantum pleurae, sed & toti mediastino, & diaphragmati ideo firmiter accretum, ut non sine dilaceratione avelli posset. Interim optime sanus vixerat, absque ulla respirandi difficultate.

§. 844. Tandem, si bronchialis arteria, vel & pulmonalis vehementissima inflammatione (§. 388.) corripitur a causa interna, vel externa (§. 824.), brevi nascitur gangraena, & inde cito sphacelus ob copiam, motumque cruoris, & ob motum assiduum visceris tenuissimi. Id futurum docent: 1. Signa violentissimae peripneumoniae (§. 826.), nullo casu, nec arte sedata. 2. Debilitas summa, cita, pulsu se inprimis manifestans. 3. Frigus extremorum. At jam natam scimus, si haec praegressa, sputa ichorosa, tenuia, cinericea, livida, atra, foetida. Inde autem cita mors.

Sequitur jam ille inflammationis exitus, quo in partis affectae gangraenam terminatur. Vehementissimas inflammationes gangraenam minitari, & quibus indicis illud futurum nosci possit, in Commentariis §. 388. explicatum fuit. Ubi ergo a causis §. 824. enumeratis validissima pulmonis inflammatio nata fuit, brevi fiet gangraena, dum abolito vitali influxu sanguinis per arterias, effluxu per venas, pars mollis corporis in mortem tendit; gangraena vero nata cito mutabitur in sphacelum, live mortem perfectam partis, de quibus vide §. 419. Ratio humorum patebit, si considerentur sequentia.

Arteria pulmonalis & bronchialis, per omnem hujus visceris substantiam dispersae, minimos, & tenerimos ramos distribuunt, qui in valida pulmonis inflammatione pro maxima parte obstructi sustinere debent omnem impetum, quo cor dextrum urget sanguinem in pulmonaris arteriae truncum, & cor sinistrum in bronchiale arteriam. Summum ergo discrimen est, ne tenerrima haec vascula rumpantur subito, unde gangraena fiet (vide §. 388.). Augetur periculum, quia pulmo inflammatus quiescere nequit, sed aeternis vicibus dilatatur, & contrahitur, quandiu vita durat: quin imo tanto fortius summo respirationis molimine agitur pulmo, quo pejor morbus est. Praeterea demonstratur [f], aerem inspiratum interservire, ut refrigerium fiat sanguini, ob rapidum motum per pulmonalem arteriam calidissimo, animalque sanum, hoc aeris refrigerio destitutum paucis minutis, mori, & horrenda putredine subito nata intolerabilem spirare mephitin. Verum validam inflammationem ingens aestus comitatur; & turgentibus vasculis inflammatis minui-

(†) Sepulchret. Tom. I. Lib. II. Sect. I. pag. 508, 509, 510. &c. (\*) Diemerbroeck. Anat. Lib. II. cap. 15. pag. 308. (f) Vide H. Boerh. Chem. Tom. I. pag. 275.

minuitur spatium aeri inspirando, adeoque longe minus refrigerium expectari poterit. Patet ergo, concurrere in vehementissimam pulmonis inflammationem omnes causas, quae subitam partis affectus mortem, & citam putredinem efficere valent. Cognoscitur autem ille morbi hujus exitus futurus ex signis frequentibus.

1. Signa haec omnia §. 826. enumerata fuerunt. Si jam simul nulla evacuatione critica, vel metastasi, nulloque artis molimine levatus fuerit morbus, novimus certo gangraenam pulmonis instare.

2. Robustissimus enim homo, acutissima peripneumonia correptus, statim tam debilis fit, ut nequidem manum attollere possit. Quando §. 660. de Debilitate, tanquam symptomate Febrili, agebatur, demonstratum fuit, illam sequi impeditum influxum, & pressionem liquidi nervosi in musculos. Verum ut ille influxus, & pressio fiant, requiritur libera actio omnium vasorum, quae cerebri fabricam constituunt. In vehementissima vero peripneumonia omnis fere sanguis inter cor dextrum, & sines pulmonalium arteriarum colligitur, atque simul impeditur liber reditus sanguinis venosi ab encephalo [vide §. 826.], unde cerebrum comprimitur: simulque cor sinistrum, nullum fere sanguinem accipiens, per carotides, & vertebrarum debitam copiam versus encephalon pellere nequit; adeoque concurrunt efficacissimae debilitatis causae. Simul autem ex dictis intelligitur, quare in pulso se haec debilitas imprimis manifestet.

3. Cor enim sinistrum tantam copiam sanguinis non recipit, ut ad extrema corporis usque una cum sanguine calorem propagare possit; unde frigus extremorum in peripneumoniacis merito pro funestissimo signo habetur.

Ubi vero gangraena jam occupat pulmonem, similes degenerationes fiunt, ac §. 388. & 427. memoratae fuerunt. Notatum enim tunc fuit, si locus inflammatus in gangraenam transeat, liquidus putrescere, ichorem effusum sub epidermidae in bullas colligi, cinericum, pallidum, fuscum, atrum tandem fieri colorem, partemque sic affectam in putridum tabum diffuere. Spura tunc educta similes omnino, dotes habent, atque citissime omnia, quae jam emortua sunt, in putredinem vergunt; ob calorem ingentem, & aeris liberum accessum. Simul autem patet, nihil fere spei superesse, dum vitale hoc viscus gangraena correptum est; adeoque citam mortem instare. Videantur illa, quae in Commentariis §. 432., ubi de gangraena viscerum agebatur, circa hanc rem notata fuerunt.

§. 845. **H**As Peripneumoniae mutationes (§. 830. 832. 836. 837. 843. 844.) docet observatio historiae morbi, cadaverumque inde defunctorum incisio.

Tota morbi historia praegressa docuit, peripneumoniam esse veram inflammationem pulmonis; adeoque & communes omnis inflammationis exitus hic expectandi erunt. Praeterea fidelibus Observatis constat, per metastasim materiae morbosae ad alia corporis loca novos morbos fieri ex peripneumonia; & vario quidem successu, prout ad haec, illave corporis loca fuerit facta

sic possit [1], quae omnia deficiunt, dum pulmonis actio laesa est. Si jam consideretur, omnem sanguinem venosum totius corporis, cordis proximi vi magna urgeri omni momento in loca obstructa, patebit, materiam inflammatoriam magis magisque protrudi debere in vasorum convergentium angustias, liquidissimum exprimi, crassum accumulari & compingi: adeoque necessario hunc morbum subito in pejus vergere. Accedit, quod nunquam quietere possit pulmo, dum homo vivit, & tanto frequentius & validius agitari debeat aucto respirationis molimine, quo difficilior est sanguinis per pulmonem transitus. Praeterea, si vaporis balneum exceperis, nulla topi-  
corum remedium applicatio hic multum emolumenti facere potest, ob visceris hujus situm, dum in pleuritide v. g. balnea, fomenta, emplastra, cataplasmata &c. tanto cum fructu adhibentur. Si jam simul consideretur summa illa ténérítudo vasculorum, quae pulmonis fabricam constituunt, patebit, illa facillime destruenda esse, dum cordis vis urget sanguinem in vasa obstructa; adeoque lethalem gangraenam metuendam esse, si val-  
idus hic morbus fuerit, uti paullo ante dictum fuit.

Sed & revulsio, adeo requisita in cura inflammationis [vide §. 396. 4.], impossibilis hic est. Omnis enim sanguis totius corporis, uti antea dictum fuit, semel debet transire per pulmones illo tempore, dum per reliquas partes corporis omnes movetur: unde nulla arte impediri, vel minui multum potest sanguis per pulmonem motus, superstite vita. In corde enim, & pulmone est communis illa scaturigo, ad quam omnia liquida totius corporis confluunt, & ex qua omnia per universas, & singulas corporis partes, distribuuntur. Praeterea in curatione inflammationis summum usum habebat illa methodus, per quam materia obstruens ex vasorum angustias in la-  
tiora loca retropellebatur (vide §. 395. 4.); demonstratum autem fuit in Commentariis §. 141. t., illam retropulsionem inprimis obtineri posse, dum larga, & subita sanguinis missione sic minueretur impetus liquidi vitalis urgentis loca obstructa, ut vasorum contractilitas praevalere posset, & retropellere obstruentes moleculas versus latiora loca. Verum dum in pulmonalis arteriae angustias materies inflammatoria haeret, licet etiam ad animi deliquium usque mitteretur sanguis, valvulae in cordis dextri orificio arterioso locatae impedirent tamen retrogradum illum sanguinis in arteria pulmonali motum; adeoque haec retropulsio tantum locum habere posset in leviori peripneumonia, quae solos fines arteriae bronchialis obstrueret. Notatum autem fuit ad §. 823., sinibus arteriae bronchialis inflammatis, malum facillime propagari ad contiguos ipsi arteriae pulmonalis ramos: adeoque patet, nec a revulsione, nec a retropulsione materiae inflammato-  
riae, multum boni expectari posse in hoc morbo; atque jure conclu-  
dere licet, difficilem semper in Peripneumonia Prognosin esse.

§. 848. **E**X quibus (847.) liquet quando, cur, & cum quibus  
symptomatibus in mortem abeat: sc. Si totus pulmo,

Z 2

una

(1) Vide H. Boerh. Institut. §. 200. 2. & §. 108.



una cum corde inflammatur, cor in latus procidit, aeger paraplegia resolvitur, frigidus, & sensus expers est, tum secundo, vel tertio die moritur. Si urina initio morbi bona & cocta, post quartum tenuis. Si in vigore morbi erectus sedere cogitur. Si puris est per inferiora fecellus: si sicca cum fervore strepente pleni pulmonis in gutture: si vehemens in corpore valde sicco, duro, calloso, excercitato: si mala est cum praerubro valde stillicidio sanguinis: si sicca est cum maculis rubris pectori adpersis: si coryza, aut sternutatio multa praecedat, sequiturve: si ex ardente febre ortum duxit: si sputum biliosum cum pure post sextum diem inceperit: si sputum ab initio valde cruentum, flavum sincerum, album rotundum, spumofum valde, dolorem non sedans, si fuscum, coenosum, amurcosum, nigrum, livescens, inaequale, aetuginosum: si neque febris, neque respirationis difficultas remittit, moritur die septimo, vel nono. Mors vero iis contingit, dum pulsus deficit, omnia frigent, solum pectus, caput, collum aestuant, genae rubent, liventque.

Generalis in hoc morbo Prognosis, ut vidimus, periculum notabat: varium tamen illud est, & quamvis saepe, non tamen semper in mortem terminatur morbus. Unde operae pretium erit considerare funesta illa symptomata, quae Medicum docent, certam instare perniciem. Praestantius quidem foret sanare aegros, quam futura praenoscere, verum cum illud semper in potestate Medici non sit, tunc saltem famae suae consulat, & omni culpa vacare crederetur, si praeviderit, & praedixerit, quinam aegri evadere possint, quinam autem perituri sint; uti optime Hippocrates. (u) monuit, antequam pulcherrima illa circa prognosin in morbis axiomata tradere inciperet.

SI TOTUS PULMO &c. Ex Hippocrate desumpta est haec Prognosis, cujus alia occasione in Commentariis §. 432. mentionem feci, atque in *Coacis Praenotionibus* (w) ita habetur: *Quibus vero totus pulmo inflammatus fuerit cum corde, sic ut ad latus procidas, resolvitur totus aeger, & jacet frigidus sine sensu, & moritur secundo, aut tertio die. Si vero sine corde contigerit, & minus, longiori tempore vivunt, quidam autem etiam servantur.* Cum enim totus pulmo inflammatur, cor dextrum replebitur, ut & auricula dextra ob impeditum sanguinis per pulmonem inflammatum transitum, adeoque nec potuerunt se evacuare venae coronariae, unde & cordis in propria subsstantia inflammatio sequetur; uti §. 375. probatum fuit, ubi de variis inflammationis causis agebatur. Cum autem cor a quatuor magis vasis sanguiferis pendulum in pericardio haereat, horizontali fere situ positum, sic, ut ventriculus

(u) In Prognostic. initio. Charter. Tom. VIII. pag. 584. 585.  
(w) N. 401. Charter. Tom. VIII. pag. 875.

rriculus dexter cordis una cum dextra auricula anteriorem corporis partem spectet (x), patet ratio, quare, corde dextro, & auricula distentissimis, sinistro vero corde, & auricula fere vacuis, cor versus anteriora procidat, & latius tangat. Mirum certe videtur, Hippocratem haec notare potuisse, nisi vel ex cognitis circulationis legibus, vel ex cadaverum peripneumonia defunctorum sectione, illa didicisset. An forte & gangraenosus livor lateris occupans illo in loco, ubi cor locatur, signum hujus rei dedit? Certe in illa Praenotione (y), quae modo allegatam proxime praecedit, notavit, inflammatos valide pulmones, sic ut ad latera affideant, livores foras ostendere, atque sic affectos segros a Veteribus sideratos (z) dictos fuisse.

Cum autem, ad motus musculares peragendos, spirituum nervosorum, & sanguinis arteriosi debitus influxus in musculos requiratur, atque ex illis, quae dicta fuerunt ad §. 826., constiterit, omnem fere sanguinem circa cor colligi, pauculum tantum tenuissimae partis sanguinis transpirari in cor sinistrum; dum valida peripneumonia decumbi thomo; simulque impediri reditum sanguinis venosi ab encephalo, adeoque illud comprimi distentis accumulato sanguine vasa majoribus, patet satis, quare resoluti jaceant tales aegri, sic ut viderim robustissimum juvenem pessima peripneumonia correptum, ipso initio secundae diei morbi nequidem manum movere potuisse. Ex dictis simul intelligitur, quare omnes fere corporis partes frigeant, & inprimis extrema, atque hebetes, & sensu expertes jaceant tales aegri, dum nempe morti jam proximi sunt; antea enim intolerabilem anxietatem patiuntur. Unde dixit de his Artaeus (z), quod praesentia mala ignorent, dum proxima mors instat; & rogati de morbo nihil discriminis adesse respondeant: verum frigida extrema, lividi unguis, pulsusque debilis, celerimus & deficiens, satis docent, funestum instare morbi eventum. Cum vero pessima haec signa nunquam adsint, nisi validissima fuerit peripneumonia, raro ultra tertium diem morbi vim sustinere possunt aegri, sed plerumque citius deficiunt.

St URINA &c. Quando ad §. 830. 4. agebatur de sanatione peripneumoniae, quae fit evacuatione materiae morbosae per urinas, de hac Prognosis actum fuit; simulque notatum, binis in locis *Concordum Praenotionum* inveniri, cum hoc tamen discrimine, ut in primo loco poneretur, lethale signum esse si ante quartum diem tenuis fieret urina, in altero vero haberetur, si post quartum diem hoc obtineret. Simul autem tunc monitum fuit, probabiliora videri illum textum, in quo ante quantum diem legitur. Inceptam enim tunc evacuationem salutarem materiae morbosae designat, & malo omine suppressam, antequam integre levatus fuerit pulmo: cum enim talis peripneumoniae exitus in sanitatem sperari nequeat, nisi levior morbus fuerit (vide §. 830.), admodum probabile videtur, per urinam, ab initio morbi bonam, & coctam, tribus primis quatuorve diebus eliminari posse morbosam materiam, adeoque absque periculo veniens urinam post quar-

E 3

EUM

(x) Eustach. Tab. XV. fig. 1. & Tab. XVI. fig. 1.

(y) N. 400. Charter. Tom. VIII. pag. 875.

(z) De Causis, & signis morb. acut. Lib. II. cap. 1. pag. 21.

tum diem reddi posse in tali casu. Tunc autem aliquid metuendum videtur tantum, quando urina, prius crassa, in tenuem mutatur, antequam signa docuerint, levatum esse pulmonem penitus.

SI IN VIGORE MORBI &c. Videantur illa, quae de respiratione erecta in Commentariis §. 816. dicta fuerunt.

SI PURIS EST PER INFERIORA SECESSUS. Vidimus antea ad §. 830. materialem peripneumoniae causam, costam, & mobilem redditam, acquirere puri analogam indolem, neque tamen absolute puris nomen mereri; illamque variis viis de corpore sic expelli, atque etiam per alvum. Verum de tali excretionem hic non agitur, sed de puris veri, & satis copiosi, per alvum secessu, qui in hoc morbo pulmonis validam suppurationem praegressam supponit. Ita enim in *Coacis* [a] legitur haec Prognosis: *Pulmonem suppuratus per alvum secedere lethale*. Cum enim pus hac via egrediens misceatur, & aliis plurimis, quae per alvum eliminantur naturali corporis lege, requiritur magna satis illius copia, ut distinguere possit. Pus autem in pulmonis vomica contentum, ut alvo exire possit, debet vel erodendo vicina viscera, hepar v.g. & ventriculum, viam parasse; cuius rei exempla quaedam in Commentariis §. 836. 4. memorata fuerunt: vel fieri poterit, ut idem illud pus mora, & calore loci attenuatum, venis resorptum, atque humoribus circulantibus mistum, dein per vasa meseraica in intestina derivetur, sicque exeat de corpore. Quam parum spei superfit, dum ulcerato prius pulmone vicina adhuc viscera eroduntur, satis patet. Major forte spes assurgere videretur, dum resorptum pus absque ullius visceris erosionem per alvum exit. Verum si consideretur, pus optimam, & blandum spissitudinem cremoraceam habere, patebit illud difficillime resorberi posse, quamdiu optimas illas dotes habet. Mora quidem attenuatur, sed tunc simul acrescit, & putrescit, uti ad §. 406. demonstratum fuit: unde pus sic mutatur, & dein resorptum, putrida, & pessima cacochymia totum sanguinem inficit, lethali fere semper eventu: dum una tunc cum hoc pure in putridum tabum soluti humores sani per alvum dilabuntur, cum subita virium iactura; uti constat in phthisicis, quibus putrida talis diarrhoea morbo, & vitae finem imponere solet. Verum quidem est, raris quibusdam casibus consistisse, resorptum ex apostemate pus per alvum exivisse salutari eventu, etiam in pulmonis vomicis [vide Commentaria §. 406.], sed cum non ab insolitis, sed a frequentibus, eventibus regulae prognosticae deducantur, credo concludi posse, si non semper, & absolute, saltem plerumque lethalem esse in hoc morbo puris per inferiora secessum.

SI SICCA CUM FERVORE &c. Hoc est illud pessimum signum in peripneumonia, dum ingratus ille strepitus ab adstantibus percipitur, qui refert ferventis in lebet, operculo inprimis tacto, aquae sibilum, unde fervorem strepitum pulmonis dixerunt Medici. Designat autem ille strepitus semper fere aerea pulmonis cava angustata esse, sive a collectis sputis hoc fiat, crassioribus, & non facile educendis, sive ab infarcti, & distenti vasis sanguineis comprimantur pulmonis vesiculae aerae: quandoque & a pulmonis sic-

citate

citare tale quid fieri posse, alia occasione in Commentariis §. 826. dictum fuit. In asthma senili, dum lento muco gravatur pulmo, talis strepitus percipitur, quem pulli immaturi ex ovo crocicationi non inepte comparat apud *Lucianum* (b) boni senis morti inhians futurus haeres: verum non adeo mali ominis est ille pulmonis strepitus ab hac causa, cum uno, alterove sputo educto cesset; vel minuatur saltem. In Peripneumonia vero notat, pulmonis vasa sanguinea sic infarcta, & distenta esse, ut comprimantur pulmonis vesiculae, unde liber aeris itus, & reditus impeditur; simulque collectus mucus spumescens, de quo statim dicendum erit, cum aere conquassatus, neque ob respirationis summam difficultatem averri potens ex his locis, ingratus illum stertorem facit. Dum per sputa evacuatur morbi materies (§. 830. 2.) quandoque levis talis strepitus observatur; sed educto sputo, quod in tracheis haerens causam dederat, cessans illico. Unde cautiissime proposuit *Hippocrates* (c) hanc prognosin, dicens: *Malum quoque, si nihil expurgetur, neque projiciat pulmo, sed plenus existens in gutture serveat.* Aliis in locis in Commentariis §. 826. citatis, velut corium stridere, vel & modulari pectus dixit.

SI VEHEMENS IN CORPORE &c. Magna enim tunc, & inflammatoria tenacitas in liquidis adest, & rigida vasa cedere nequeunt, unde nihil boni in hoc morbo ex sua natura adeo periculoso sperari poterit. Videantur illa, quae in Commentariis §. 830. 1. habentur.

SI MALA EST CUM PRAERUBRO VALDE STILLICIDIO SANGUINIS. In *Coacis Praenotionibus* (d) habetur haec Prognosis. Antea monitum fuit in Commentariis §. 830. 4. peripneumoniam rarius solvi per haemorrhagiam narium: ex illis autem, quae de hac re in Commentariis §. 741. dicta fuerunt, patuit, largam tantum narium haemorrhagiam in morbis acutis prodesse, stillicidium vero leve sere semper mali ominis esse, nisi, in die indice contingens, largam evacuationem critico die proxime sequenti praenunciet. Unde patet ratio, quare pro funesto signo in hoc morbo habeatur, imprimis si admodum rubrum fuerit. Designat enim tunc, ob indeditum sanguinis transitum per inflammatum pulmonem sic urgeri, & distendi capitis vasa, ut solvi incipiant quidem, neque tamen sanguis, spissior jam & hinc saturate ruber, atque illico concreescens, pleno rivo exire possit.

SI SICCA EST CUM MACULIS &c. In *Coacis Praenotionibus* iterum haec Prognosis habetur. Postquam enim *Hippocrates* (e) dixerat; *Qui in peripneumonis siccis pauca cocta educunt, metuendi sunt*, subjungit sequentia: *Rubores in pectoribus utcumque lati (ὀφθαλμοὶ) talibus perniciosi sunt.* Designat enim, cutanea vasa infarcta manere, vel rupta sanguinem effudisse; & paullo post in peripneumonicis livescere solent hae maculae, sicque gangraenae nalcensis indicium praebent. In pluribus morbis observatur, internis partibus affectis, in cute quandoque mutationem apparere. Dum saeva intestinorum inflammatio in gangraenam tendit, in abdominis cures rubores tales aliquando apparent, livescentes brevi in pessima paronychia, ubi malum

z 4

circa

(b) Dialog. Mortuor. Tom. I. pag. 229. (c) In Prognostic. Charter. Tom. VIII. pag. 643. (d) N. 412. ibidem pag. 876. (e) Coac. praenot. N. 416. 417.

circa tendines musculorum digitos flexentium haeret, lata saepe zona rubra secundum totum musculi, cuius tendo affectus est, decursum extenditur, tuncque plerumque in tota hac longitudine profunda latet inflammatio, in gangraenam, vel difficillimam suppurationem terminanda ut plurimum. Dum in aegro natura molebatur salutarem, & largam narium haemorrhagiam, obscuram rubedinem, quae in dextra nasi parte ad genam usque extendebatur, multo magis conspicuam fieri observavit *Galenus* [vide Commentaria §. 741.]. Ex quibus patet, in morborum Prognosi ad illa omnia signa attendendum esse, licet forte non adeo facilis appareat observanti Medico nexus, quem haec signa habeant cum se significata. Fidelis similitum observatio usum habebit; semper rationem forte dabit fera dies.

SI CORYZA AUT STERNUATIO &c. Quid coryzae nomine intelligatur, antea in Commentariis §. 69. 3. dictum fuit: atque etiam de hac re quaedam in Commentariis §. 787. & 793. habentur, ubi de anginis ab hac causa ortis agebatur. Constitit tunc, incipientem coryzam saepe comitari validam sternutationem. Si autem considerentur illa, quae in coryza contingunt, patebit facilis ratio, quare haec praecedens, vel sequens peripneumonia noceat. In hoc enim morbo membrana nares internas, fauces, asperam arteriam, pulmonem ipsum &c. investiens tumet, & inflammatur leviter plerumque, sic quidem, ut ipsa narium foramina adeo angustentur, ut ne quidem aerem per illa trahere possint sic affecti. Ubi ergo una cum peripneumonia inflammatoria talis morbus adest, augebitur respirationis difficultas, dum concurrunt binae causae, quae cava aerea pulmonis minuunt: ab inflammationis enim vas arteriosus, & tumentibus comprimuntur vesiculae aerae pulmonis, his vas undique cinctae, simulque ob coryzam tumente membrana, harum vesicularum internam superficiem constituyente, minuitur earundem cavitas. Summo ergo jure *Hippocrates* (f) monuit: *In omnibus autem morbis circa pulmonem gravadiens & sternutationes & praecisissae, & consequi, malum*. Si jam simul consideretur, per tussim, & sternutationem, quae coryzam comitari solent, agitari valide pulmonem inflammatum, & augeri impetum humorum in loca obstruata, patet, iustum metum esse, ne tenerrima haec vasa rumpantur, & inflammatio in lethalem gangraenam abeat.

SI EX ARDENTE FEBRE ORTUM DUXIT. In febre ardente enim cruor parte blandiore, & liquidiore orbatus est [vide §. 742.], atque inflammatio per univertum fere corpus adest: si ergo in hoc morbo sanguis in angustis arteriis pulmonalis haerere incipiat, nihil spei fere superesse videtur: vel enim subita sequetur suffocatio, & mors; vel ob humores acres, spissos, valide motos (vide §. 388.), inflammatio pulmonis in febre ardente nata brevi in gangraenam terminabitur. Ardentem vero febrem satis frequenter in lethalem peripneumonia terminari, ad §. 741. monitum fuit.

Sequuntur jam illa praesagia, quae ex sputis malis in hoc morbo habentur.

Si

(f) In Prognosticis Charter. Tom. VIII. pag. 643. Et in Ccac. Praenot. N. 199. ibid. pag. 275.

SI SPUTUM BILIOSUM &c. Mirum hoc, verissimum tamen Hippocratis observatum est. Sputum illud biliosum cum paucis sanguine misto tantum fecit, ut inde curam perfectam peripneumoniae expectaverit (vide §. 830. 1.). Contra vero damnavit sputum biliosum cum pure, post sextum diem si prodierit. Videtur enim docere tale sputum, quod illa inflammatio pulmonis, quae in initio morbi adfuerat, jam in suppurationem abierit; dum interim nova inflammatio accedens, nondum cocta, & maturata, sputa illa flava producit: unde duplici tunc malo conflictatur aeger. Videantur illa, quae in Commentariis §. 833. 3. circa hanc rem notata fuerunt; ubi simul habentur loca Hippocratis, quae hanc Prognosin continent.

AB INITIO VALDE CRUENTUM. Pauculum sanguinis sputis bonis, & coctis permisceri, pro optimo signo habetur in hoc morbo, uti ad §. 830. 2. dictum fuit: tunc enim, per anatomosin dilatatis arteriarum osculis in tracheas hiantibus, exit obstruens materia, & pulcherrime liberatur pulmo. Verum ubi sputum admodum cruentum est, metus est, impetu vitalis liquidi, tota cordis adeo propinqui vi pulsati, rumpi tenerrima vascula, & sanguinem fundere. Patet hinc ratio, quare Hippocrates [g], de sputis pleuriticorum, peripneumonicorum agens, non damnaverit absolute cruentum sputum, sed tantum illud, quod valde cruentum esset (*αἷμαμιξος λίαν*), & statim in principio morbi prodiret, dum nondum coctio, & expulsio salutaris materiae morbosae expectari potest. Ita & Aretaeus [h] pessima funestae peripneumoniae symptomata recensens sequentia habet: *Tussis adeo, plerumque siccā. Si vero quid sursum educitur, spumans pituita est, vel exquisitè biliosum, vel cruentum admodum floridum. Illud vero cruentum aliis pejor est.*

FLAVUM SINCERUM. Et illud ab Hippocrate, & Aretaeo in locis modo citatis damnatur tanquam malum. Admodum autem distinguendum est illud sputum flavum sincerum a sputo flavo cum striis sanguineis, quod coctum, & spissum puri analogam utcumque naturam habet, & opacum est. Flavum vero illud sincerum sputum nihil aliud est, quam mucus in pulmonis vesiculis collectus, dilutior utcumque, flavedine tinctus, & pellucidus fere. Videtur autem tunc prodire illud sputum, quando valida inflammatio in arteriis pulmonalibus omnem partem rubram sanguinis sistit, solumque autem flavescens serum adhuc transpiratur, quod partim per venas ad cor sinistrum pergit, partim per arteriolarum oscula in tracheas exprimitur, & pulmonis mucum naturalem diluit, & colore suo tingit. Denotat ergo tale sputum, crassa in pulmone accumulari, tenuissima transpirari tantum; adeoque patet, quare mali ominis sit.

ALBUM ROTUNDUM. Nihil aliud est, quam mucus pulmonis in tracheis collectus, mora, & calore sic inspissatus, ut rotundam figuram, quam in pulmonis cavis acquisiverat, retineat, postquameductus fuit. Unde patet, per tale sputum nihil educi de morbi materia, quae pulmonem gravat: adeo.

[g] Coac. Praenot. N. 590. Charter. Tom. VIII. pag. 874.

[h] De Causis, & Signis Morbor. Acutor. Lib. II. cap. 1. pag. 11.

adeoque & hoc respectu apud Hippocratem (i) inter mala sputa numerari. Caeterum illud sputum ex sua natura nihil maligni designat, uti cruenta, fusca, amurcosa &c. Unde prudenter Hippocrates alio in loco (k) hoc distinxit, dicens. *Flavum enim (sputum) si sincerum fuerit, periculosum; album autem, & viscidum & rotundum, inutile.*

SPUMOSUM VALDE. Dum sic lentescunt sputa mucosa, ut aerem, cum quo agitantur in pulmonis cavo aereo, retineant diu, spumosa dicuntur. Semper fere sputa mucosa utcnque spumosa sunt, adeoque non absolute pessimum omen praebent. Ita apud Hippocratem (l) legitur, quod peripneumonici in initio tenue, & spumosum sputum expuant: notat autem simul, quod progressu temporis sputa haec in melius mutata fuerint, tandemque talia facta, ut morbum sanaverint, vel levaverint saltem. Similia & alibi habet (m). Damnatur ergo inprimis sputum, quod SPUMOSUM VALDE est, designat enim, summa vi urgeri humores per vasa vix pervia in pulmone, atque ideo per vasa, mucum secernentia, exprimi solito crassiores, & tenaciosiores humores, uti evidenter in moribundis apparet. In ultima enim illa, lucta viscidus albicans humor in tracheam exprimitur, sensimque per eam ascendens foedo spectaculo per os, & nares defluit, spumescens totus. Confirmantur modo dicta pulcherrimo experimento, quod Celeberrimus Hales instituit (n). Sanguinem recens eductum ex vitulo, dum jugulabatur, diluit aqua calida nitrosa; deinde hanc mixturam per tubum duos pedes altum, arteriae pulmonali ejusdem vituli affixum, infundebat, ut videret, an hac pressione liquidi, ad duorum pedum altitudinem in tubo haerentis, illud transire posset ex arteriis in venas pulmonales. Verum non potuit percipere, quidquam in venas transmitti, licet pulmones admodum dilatarentur, & rubescerent. Illo tamen tempore, dum liquidum urgebat fines arteriarum pulmonalium, per quos tamen transire non poterat, per tracheam alba spuma effluxit. Hinc non inepte dixit Benedictus (o), sputum album, & spumans internae solummodo sudationis effectum videri. Ex quibus omnibus apparet ratio, quare sputum valde spumosum in peripneumonia adeo mali ominis sit.

DOLOREM NON SEDANS. Videsantur illa, quae in Commentariis §. 830. 2. de hac re habentur.

SI FUSCUM, COENOSUM, AMURCOSUM &c. Si conferantur illa, quae §. 388. dicta fuerunt de illo inflammationis exitu, qui in gangraenam tendit, patebit; haec sputa fere semper designare, natam jam corruptionem gangraenosam in pulmone, adeoque pessima esse. Damnabit haec sputa Hippocrates (p), & prae reliquis nigra. Dum carnes animalium in aere aperto calido

(i) Vide locum modo citatum.

(k) In Prognostic. Charter. Tom. VIII. pag. 642.

(l) De Morbis Lib. III. cap. 14. Charter. Tom. VII. pag. 589.

(m) De Internis affectionibus cap. 2. ibidem. pag. 640.

(n) Haec mastat. Experiment. 11. pag. 75.

(o) Theatr. tabid. Exercit. Diar. 19. pag. 52.

(p) In Prognost. Charter. Tom. VIII. pag. 642. 643. &c. & Coac. Praenot. N. 130.

Ibid. pag. 874.

calido, & humido putrescunt, videmus illas vividum colorem amittere, fufcas fieri, livescere, & in marginibus quandoque viridem, imo & aëuginosum colorem habere. Similia omnino contingere debent & pulmōni, dum mortifera gangraena vitale hoc viscus, humidum, calidum, & aëri expositum, depalcere incipit, unde & similiter coloratus tabus per sputa educitur. Inprimis autem pessima prognosis ex his sputis deducitur, si omnia alia signa praegressa docuerint, validissimam fuisse peripneumoniam. Nam in hoc morbo, licet non certo lethali, quandoque mala sputa prodeunt. Sic v. g. notat Hippocrates (g), quod sputum lividum a sanguine fiat, si paucum ad multum salivam misceatur, neque confestim sputatur, sed intus maneat semiputrescendum. Unde quandoque ab effusis liquidis in tracheam, collectis, diu retentis, sputa satis mali coloris nasci possent, licet ipsa pulmōnis substantia, nondum contabesceret. Videantur & illa, quae in Commentariis §. 432., ubi de gangraena viscerum agebatur, habentur.

SI NEQUE FEBRIS &c. Antea vidimus in eadem hac paragrapho, longe citius mori aegros, dum totus pulmo una cum corde inflammatur. Verum ubi gravis quidem morbus est, neque tamen adeo praeceps, diutius plerumque morbum serunt aegri. Medici munus tunc est, singulis diebus attente lustrare omnia, an forte appareant signa, quae docent, materiam morbi solvi, moveri, ad exitum, vel metastasin salutarem disponi. Si nihil horum appareat, neque febris remittat, nec difficultas respirationis, sed contra augeantur omnia symptomata, peripneumoniae exitus in mortem praevideatur: qui tunc plerumque die critico insigniori, septimo nempe, vel nono illum proxime sequente, sequi solet; de quibus videantur illa, quae de decretoriis diebus in Commentariis §. 741. habentur. Nisi septima die febris dimiserit, suffocationem, & mortem eodem hoc die, vel & nono, instare in peripneumonia, monuit Hippocrates (r); si autem diutius protraheretur morbus, spem secuturae suppurationis esse. Ut autem, quantum fieri possit, cognoscere possit fatalem diem Medicus, monuit Hippocrates (f), postquam & bona; & mala signa enumeraverat, haec omnia inter se conferri debere, tuncque tantum haberi verissimum praesagium.

MORS VERO ILLIS CONTINGIT &c. Quamdiu aliquid adhuc per infarctas imbecabili sanguine pulmōnis arterias transmitti poterit, vita durat, licet debilis, & pulsus adhuc micat. Cum autem pauculum tantum sanguinis sic in cor sinistrum venire possit, non poterit una cum sanguine calor ad extrema corporis dispergi; unde extrema frigent primo, tandem omnes fere corporis partes inferiores. Cum autem cor dextrum, & magna receptacula venosa, illi adiacentia, sanguine distentissima sint, & totus pulmo infarctus, aestuat pectus praecipue, atque ob eandem causam, & caput & colum diutius calent, & genae rubent, uti in Commentariis §. 826. fuit explicatum. Stagnante tandem omnino in venis superioribus sanguine circa mortem, genae

(g) De Morbis Lib. I. cap. ultimo. Charter. Tom. VII. pag. 549.

(r) De Locis in homine cap. 7. Charter. Tom. VII. pag. 165.

(f) In Prognostic. Charter. Tom. VIII. pag. 648.



genae lividae fiunt, ipsaque facies, quamvis turgida, & rubra, jam frigescere incipit. Unde & notavit Hippocrates [1] pro pessimo signo in hoc morbo, si corpus a calore inaequaliter affectum est, ventre, & lateribus vehementer calentibus, frons, manus pedesque refrigerint. Ubi autem nihil amplius per pulmonem transpirari potest, plenum manet cor dextrum, quiescit, & mors adest. Verum quidem est & in illis, qui aliis morbis pereunt, similibus cum phenomenonis saepe mortem venire; sed postea ad §. 874. patebit, proximam mortis causam, & ultimum ferme omnium lethaliū morborum effectum esse peripneumoniam.

§. 849. **C**uratio hujus mali varianda est pro diverso statu morbi, & symptomatum, adeo ut, quod uno tempore profuit, in eodem tamen morbo alio tempore datum obsit.

Praemissis illis, quae peripneumoniae definitionem, causas, effectus, signa diagnostica, & prognostica, spectant; uti & his, quae ad varios hujus morbi exitus in sanationem, alium morbum, vel mortem pertinent, sequitur jam, ut agatur de curatione.

Ex illis vero, quae haecenus dicta fuerunt, satis patet, generalem curae methodum tradi non posse, quae in omni casu sufficeret, cum adeo diversis viis in sanitatem abeat hic morbus. Vel enim benigna resolutione sanatur, vel evacuatione materiae morbosae, & quidem per varia loca corporis, tollitur morbus; vel per metastasim ad alias partes corpora derivatur illud, quod pulmonem gravabat prius &c. Unde nihil aliud superest, quam omnia illa seorsim expendere, & videre, quid in singulis requiratur, ut curatio fiat. Nisi enim sic procedatur, fortuita erunt omnia; dum, quod uno tempore hujus morbi prodest, altero pessime nocere possit, uti patebit ex sequentibus.

§. 850. **S**i ergo in Peripneumonia omnia signa adsint descripta (§. 830. N. 1.), utendum quiete corporis, & animi; aëre tepido humido; balneo vaporis aquae dulcis ad pulmones, nares, os, pedes, crura; victu tenui, potu levi; medicamentis aquosis, nitrosis, farinosis, mellitis.

Eodem ordine, quo varii peripneumoniae exitus enumerati fuerunt, etiam tradetur curatio. Unde agitur primo de illis, quae requiruntur; ubi benigna resolutione curabilis est hic morbus, de qua §. 830. 1. dictum fuit; ibique simul enumerata fuerunt signa, quae docent, talem morbi statum adesse.

Cum tutissimus sit, adeoque quam maxime optabilis, ille peripneumoniae exitus, putet, retineri debere eandem illam conditionem, quae tunc temporis in fluidis, & solidis corporis partibus adest; adeoque nullam insignem

(1) Ibidem.

mutationem per sanguinis missionem, purgentia &c. requiri. Adest quidem diathesis inflammatoria in sanguine, sed tam levis, ut resolvi facile possit: vasa quidem obstructa sunt, sed facillime cedunt, & paullo post transmittunt illud, quod jam impactum haeret, per ultimas suas angustias. Indicatio ergo curatoria tantum jubet, ut conserventur conditiones ad benignam resolutionem requisitae, quae jam adsunt, & suppleantur illae, quae deficiunt; de quibus dictum fuit ad §. 386., quando de resolutione inflammationis agebatur.

Quies autem corporis & animi requiritur, ut motus humorum per vasa sedatus admodum sit (necessaria omnino ad blandam inflammationis resolutionem conditio, vide §. 386.); vidimus enim §. 99., animi affectibus & musculari motu augeri circulationis velocitatem. Omnium autem citissime, & validissime pulmo ab aucta sanguinis velocitate afficitur, quia omnis sanguis semel transire debet per solos pulmones illo tempore, quo per omnes partes distributus circuitum absolvit per singulas, uti antea jam monitum fuit. Unde metus foret, ne per auctam circulationis velocitatem nimis consolidaretur materia obstruens, atque profundius adigeretur in vasorum conniventium angustias, adeoque difficilior fieret resolutio.

Cum autem & canalium mobilitas inter requisita benignae resolutionis recensetur [§. 386.], conducet summopere, si curetur, ut aer inspiratus tepidus, & humidus sit, quo nil magis laxat. Unde mucinia, aqua repente madida, naribus supponere oportet, totamque atmosphaeram, in qua aeger decumbit, simili halitu replere. Balnea vaporis pariter inferioribus corporis partibus applicantur, ut & aqua, venis bibulis resorpta, sanguinem diluat, & laxatae hae partes majorem copiam humorum in se retineant; sicque impetum, & copiam a pulmone, quantum fieri poterit, subducant.

Cum autem chylus ex ingestis paratus, in vena subclavia sanguini mixtus, illico per pulmonis angustias pelli debeat, curandum est, ut nec copia, nec majori viscositate gravare pulmonem possit. Serum ergo lactis, lac aqua dilutum, hordei, avenae, panis decocta, & similia proderunt; quibus solis, cibi potusve titulo assumptis, facis sustineri poterunt vires, donec inflammata resolutio facta sit; cum ille peripneumoniae exitus primis tantum morbi diebus sperari possit.

Diluens vero vehiculum [vide §. 386.] ad resolutionem concreti requiritur; uti & illa, quae viscosum illud inflammatorium solvere valent: aquosa hinc, ingrimis sarinosis incoctis tali copia, ut nimio lentore obesse nequeant, nitrota, mellita, saponis nativi plantarum molles, & blandi, uti rob sambuci, plerique officinales syrups &c. summi usus sunt. Simplex certe hordei decoctum cum nitro, & oxymelle huic indicationi sufficit; qualis formula in Materia Medica ad hunc numerum habetur.

§. 851. **S**I vero status adest (830. N. 2.), utendum iisdem (850.).

& medicamentis emollientibus, depurantibus, excretionem promoventibus, leniter reficientibus, vaporibus: vitanda tum  
venae

vaene sectio, purgatio, sudoris expulsio, aliave omnia, dictam excretionem perturbantia.

Quando de curatione peripneumoniae per sputa §. 830. 2. agebatur, notatum fuit, pauculum sanguinis sputis misceri; illudque fieri, non ob rupturam vel erosionem vasorum, sed a mera tantum dilatatione extremorum finium arteriosorum, qui in cava bronchiorum hiant; tuncque pulcherrimo cum successu educi materiam obstruentem. Omnia ergo eadem requiruntur, quae ad praecedentem paragraphum laudata fuerunt: per illa enim solvitur, & mobilis redditur morbi materies, simulque expediuntur viae, per quas exire debet. Decocta hinc emollientia, & levissime depurantia, omni scopo hic satisfaciunt. Talis decocti formula in Materia Medica ad hunc numerum habetur; & ad ejus normam plures aliae similes parari possent ex emollientibus, & lenissime aperientibus, una cum melle, syrupo quinque radicum, althaeae *Fernelii* &c. Molli victu vires sustinentur facile, solumque lac, duplo, vel triplo aquae dilutum, hic sufficeret; cum & hoc modo satis brevi tempore soleat finire hic morbus, si non turbetur intempestivis remediis salubris haec materiae morbosae per sputa evacuatio. Dum enim minus periti Medici sputa haec sanguine tincta vident, vano metu percussi pessima quacque ominantur, & de periculosa Haemoptysi solliciti, venae sectione, adstringentibus, increpantibus &c. tentant suppressere sputorum evacuationem. Saepe etiam adstantium importuna sollicitudo extorquet similia a Medicis, satis quidem peritis, neque tamen tanta adhuc pollutibus auctoritate, ut huic torrenti obistere valeant absque famae periculo. Si quid enim in ancipiti hoc morbo conringit sinistri postea, in culpa, habebitur Medicus, ac si aegrum sua neglexisset incuria. Decet tamen ingenuum firmo potius animo oblectari, quam ignarae plebeculae auram captare aegrotantium damno. Omnia illa, quae purgando, sudorem excitando, aliisve modis corpus turbant, vitanda pariter sunt ob eandem rationem.

§. 852. **S**I (830. N. 3.) adest, lenia clysmata emollientia, fomenta lenia abdomini imponenda, decocta emollientia, & levissimo gradu laxantia, profunt, simul reliquis peractis (§. 851.).

Alia iterum via est, per quam morbi materia in peripneumonia exit de corpore. Quibus autem signis salutaris hic alvi fluxus a symptomatrica & nocente in hoc morbo diarrhoea distinguatur, ad §. 830. 3. dictum fuit. Omnia eadem requiruntur, quae binis praecedentibus paragraphis laudata fuerunt, ad materiem morbosam solvendam, & mobilem reddendam, atque vasa pulmonis expedienda, ut dimittere illam possint. Praeter haec vero & proderunt illa, quae lubricant vias, versus quas natura materiam morbosam ducere molitur, & laxant vasa, per quae transire debet. Clysmata hinc lenissima ex lacte melito, decocto hordei cum syrupo althaeae & similibus, parata, injiciantur, ut crassae in intestinis ultimis haerentes faeces educantur, & lubricentur haec  
vias

viae. Fomenta ex decoctis emollientium herbarum parata, pannis laneis excepta, calida abdomini applicantur; ut ducatur materia, quo sponte jam vergere incipit; cavendo sollicite, ne refrigescant haec applicata, tunc enim nocerent. Decocta ex similibus parata exhibentur, addito melle, quod levi stimulo alvum solvit utcumque, simulque primas vias lubricat. Purgantium acriorum stimuli hic nocent potius, cum lenis tantum alvi solutio, non autem valida ejusdem perturbatio hic requiratur, uti ad §. 830. 3. ex Hippocrate monitum fuit.

§. 853. **I**n statu altero (830. N. 4.) fiant eadem, ac (850. 851. 852.), sed addantur balnea pedum, fomenta renum per clysmata emollientia interna, & externa linimenta, bibantur decocta levissime abstergendo diuretica.

Omnia iterum eadem sunt; differt tantum locus, per quem excernitur morbi materia. Si urina crassa, stranguitosa, cum levamine pulmonis fluere incipiat, novimus, naturam affectare hanc viam, ut corpus liberetur. Similis ergo medela requiritur. Topica autem remedia nunc applicanda sunt renum regioni, fomenti, vel & linimenti forma. Verum & clysmata emollientia hic egregie profunt, dum intestina crassa his repleta renibus, quibus adjacent, optimum fomentum praebent; uti postea adhuc pluribus quæbit in Nephritidis historia. Simul etiam prodest usus talium decoctorum, quæ larga aquæ quantitate augent urinae copiam, simulque leni stimulo diuretico gaudent: formula talis decocti in Materia Medica ad hunc numerum habetur.

In omnibus ergo his tantum est indaganda via, per quam expulsionem materiae morbosae natura molitur: ubi enim hoc rite constitit, nulla amplius superest in cura difficultas, uti sequenti axiomate, cujus alia occasione in Commentariis §. 605. 13. memini, docuit Hippocrates (u) dicens: *Quæ ducere oportet, ducenda sunt, quo maxime exergat natura; per loca conferentia.*

§. 854. **S**i inflammatio recens, magna, sicca, in corpore robusto, paullo ante sano, exercitato, deprehenditur per signa (825. 826.), statim recurrendum, 1. Ad citam, largam, pro gradu mali moderandam, aut repetendam missionem sanguinis, ut moles crassi minuatur, & diluentibus spatium concedatur. 2. Ad balnea vaporis emollientis, pulmonibus assiduo, reliquo corpori saepe applicanda. 3. Ad decocta diluentia, resolventia, emollientia, laxantia, antiphlogistica, nitrosa, anodyna, parva copia, continenter repetenda, calidissima forbenda. Ad clysmata blandissima antiphlogistica. 5. Ad victum tenuissimum ex succis antiphlogisticis.

Hæc.

(u) Aphor. 22. Sect. I. Charter. Tom. IX. pag. 38.

Haftenus confideravimus, quid agendum fit, dum in benignam refolutionem tendit peripneumonia; vel ubi materia morbofaoluta, & mobilis redita, inepta tamen, ut cum fanis humoribus fluat abfque turbatione aequabilis circulationis, per fputa, alvum, urinas exit de corpore. Sequitur jam, ut videamus, quanam requirantur, dum idem morbus neque fponte refolvitur, neque figna tamen docent, mobilem jam redditam effe materiam, & ad exitum difponi. Adeft inflammatio, quae ergo omnes exitus inflammationis habere poterit: cum autem in vitali vifcere haereat malum, fola illa curatio, quae refolvendo fit, optanda foret; cum periculofa admodum hic fuppuratio fit, gangraena femp̄ fere lethalis, fcirrhus difficillima mala relinquat, & praeter haec omnia pulmonis fumma ad vitam neceffitas faciat, ut ingravefcente morbo fuffocentur aegri, antequam inflammatio in fuppurationem abire poffit.

Quantam efficaciam habeat miffio fanguinis in curatione inflammationis, antea demonftratum fuit; unde & in hoc cafu merito commendatur. Interim tamen notandum eft, non in omni peripneumonia, neque omni tempore hujus morbi, illam conducere. Monitum fuit in Commentariis §. 843. circa finem, omnes fere morbos lethales paullo ante mortem facere peripneumoniam: facile autem patet, in tali cafu fractis jam viribus, & pauculo adhuc fanguinis per vafa moto, venae fectionem neceffario mortem accelerare debere; cum fic tollatur illud, quod debilem vitam adhuc continuat. Unde prudentiffime monuit *Aegineta* [w], fanguinis detractationem vitandam effe in illis, qui ex aliis morbis in peripneumoniam delapfi funt; maxime fi jamdiu aegrotaverint, vel fi in horum morborum initio jam venae fectio fuerit inftituta. Idem verum eft, fi jam eo ufque invaluerit morbus, ut extrema frigida, pulfus debilis, & celer, & intermittens, doceant, pulmonem immeabili fanguine adeo infarctum effe, ut tenuiffimam tantum partem, & exigua quidem copia, in cor finiftrum transmittere poffit. Hinc intelligitur, quare in textu dicatur: SI INFLAMMATIO RECENS, MAGNA, SICCA, IN CORPORE ROBUSTO, PAULLO ANTE SANO EXERCITATO DEPREHENDITUR. Sicca autem dicitur peripneumonia, dum vel nulla omnino prodeunt fputa, vel tantum talia, quae folum mucum, pulmonis bronchia lubricantem, tuffi abrafum habent, nihil autem continent materiae morbofae folutae, & hac via excreatae, qualia erant illa fputa, de quibus §. 830. 2. dictum fuit; tunc enim a venae fectione abftinendum effe, probatum fuit.

Citam autem, & largam fanguinis evacuationem periculofus ille morbus poftulat; cum fubitae fuffocationis periculum hic immineat, adeoque & valida, morbique atrocitati paria, & matura fubfidia requiratur; uti optime *Aretaeus* (x) monuit. Ad animi deliquium autem fanguinis miffionem inftituendam noluit [y], metuens, ne fuffocationis periculum inde augeatur, neque abfque ratione. Verum quidem eft, largam venae fectionem, ad animi deliquium ufque factam, efficaciffimum in fanandis inflammationibus

re-

(vv) Lib. I. cap. 30. pag. 40.

(x) De Curat. Morbor. Acutor. Lib. II. cap. 1. pag. 54. (y) Ibidem.

remedium esse, dum, omni impetu vitalis liquidi urgente loca obstructa sublato, vasa contracta repellunt obstruentes moleculas versus latiora loca [ vide §. 400. ]: sed in Commentariis §. 847. probatum fuit, valvulas in cordis dextri orificio arterioso locatas impedire retrogradum illum sanguinis in arteria pulmonali motum, dum animi deliquium instat, vel jam adest, adeoque vix quid boni inde expectari poterit. Interim, dum animi deliquium patiuntur aegri, cessat cordis motus, adeoque omnia stagnant in pulmonis vasis; simulque, frigore contractis partibus extremis, venosus sanguis in sinu venae cavae, dextra auricola, & cavo cordis dextri colligitur; unde paullo post, dum ex hoc deliquio resuscitantur homines, sanguis ille jam coalescens fere pulmonem, in plurimis locis obstructum, pelletur, adeoque patet, periculum esse, ne inde morbus augeatur. Videmus enim homines, a quacunque causa in animi deliquium lapsos, dum reviviscunt, angustia, suspiria ducere, & de pectoris oppressione conqueri, donec pulmonis & vasorum actione iterum divilae fuerint, quae jam adunari coeperant, sanguinis moleculae; sicque restituatur liber sanguis per vasa motus.

Praestat ergo, ut decumbenti aegro in lecto mittatur sanguis; sic enim minus periculum est, ne in syncopen delabatur: larga quidem satis copia, & ex amplo vulnere, neque tamen ad summam debilitatem usque; potiusque repetatur postea, si opus fuerit. Unde *Aretaeus* [ 7. ], licet ex utraque manu simul sanguinem mittendum commendaret, monuit, illico suppressendum esse sanguinem, si respiratio melior reddita pulmonem levare docuerit; atque denuo postea mittendum, si symptomatum augmentum illud indicaverit.

Compescitur sic per venae sectionem nimia circulationis velocitas: minuetur moles liquidi movendi per pulmonem; tolletur crassior pars, rubra nempe [ venae sectio enim tantum locum habet, ut dictum fuit, dum non dum penitus infarctus pulmo est ]; simulque depletis vasis spatium conceditur diluentibus, forma balnei, clymatis, potus &c. assumendis. Si enim a sanguine morbi causae provenerint, eas tollit venae sectio. Si vero pituita, seu spuma, seu quaecvis alia humiditas tumefaciat, venarum inanitiones ampliore pulmonis locum faciunt ad respirationis transitum (a). Si minus tuta videretur venae sectio, cucurbitulis applicatis cum scarificatione tantum sanguinis educi iussit *Aegineta* [ b ], quantum vires patiuntur. Sed & cucurbitas absque scarificatione laudat *Aretaeus* (c), doslo, praecordiis, pectori applicatas; monetque, semper aliquid levaminis pulmoni conciliari, si in quacunque etiam corporis partem derivarentur hoc modo humores: ab omni enim parte impugnandum esse periculosum hunc morbum voluit, & summo quidem jure: unde & extremorum deligationem, qua pressis venis sanguinis, & humorum major copia in artubus retinetur, commendavit (d).

2. De his ad §. 850. dictum fuit. Laxantur enim per balnea vaporis pulmonis,

(2) Ibidem. (a) Ibidem. (b) Lib. III. cap. 30. pag. 40. vers. (c) De Curatione Morb. Acutor. Lib. II. cap. 1. pag. 94. 951 (d) Ibidem.   
 Cem. II. Pars II. a a

monis vasa, ut facilius transmittere possint humores. Dumque toti corpori similia applicantur, flaccescunt omnes partes, & majorem copiam humorum retinent, quod hic requiritur. Praeterea sanus etiam & robustus homo continua balnei vaporis applicatione sic debilitari poterit, ut langueat totus; adeoque poterunt in hoc morbo per eadem pro lubitu vires vitae sic minui, ut nullum periculum sit, ne immeabilis sanguis profundius in vasorum pulmonalium angustias adigatur, quod multum ad curationem faciat. Simul etiam aqua eodem tempore se venis bibulis cutis insinuat, sicque optime diluitur sanguis. Solebant & Veteres Medici non tantum fovere pectoris externam cutem, verum etiam acrioribus applicatis irritare: Ita Celsus (e) in cura hujus morbi dicit: *Prædest etiam impositus super pectus sed bene contritus, cum cerato mistus; quia leviter cutem erodit, eoque impetum materiae, qua pulmo vexatur, evocat.* Similia & Aretaeus (f) laudavit.

3. Similia requiruntur medicamenta, ac in Commentariis §. 850. laudata fuerunt. In cura autem inflammationis pariter de omnibus his actum fuit. Adduntur lenissima anodyna, uti v. g. flores papaveris rhoeados, vel syrupus ex horum succo paratus, ut nimius febris impetus, si adsit, compescatur [vide §. 610.], & blandus concilietur somnus, quod & ab Aretaeo (g) laudatur; simul etiam his molesta tussis lenitur. Narcotica autem, & stupefacientia nocerent potius, imprimis dum in vigore hic morbus est: aegri enim his uli anxietatem illam impediti sanguinis per pulmones transitus committunt [vide §. 631.], minus perciperent, & suffocationis periculum incurrerent; dum vigiles erecti in lecto situ, & valido respirationis molimine oblectantur, quantum possunt. Parva autem copia simul sumuntur, ne largiori haustus distensus ventriculus anxietatem augeat, neque subito ingestis his, aucta humorum copia, nimis gravetur infarctus pulmo. Frequens autem similitum assumptio facile compensabit quantitatis defectum. Calidissima autem sorbentur, quia per calorem augetur vis diluens aquae; simulque eadem opera, dum per oesophagum transeunt, blando calore foventur vicinae partes.

Ante autem sperari potest, dum similia medicamenta parca simul copia sorbentur, partem illorum directe per asperam arteriam in pulmonem venire posse? Ita credidit Hippocrates (h). Dicit enim, potum quidem deglutitum affatim in stomachum transire; sed videtur simul in illa opinione fuisse; partem quandam deglutiti liquidi sensim delabi posse per glottidem, & secundum latera asperae arteriae decurrere. Directe autem hoc probavit experimento sequenti: *Si quis enim aquam, cyano aut nimio inquinatam, potandam dederis admodum sitiens (animali) maxime vero Sui (hoc enim animal neque curam adhibet, neque munditiam amat), deinde adhuc bibenti jugulum feceris, hunc potu coloratum reperies.* Verum addit, non cujusvis esse hoc experimentum facere. Galenus pariter in eadem opinione fuit, nempe, naturaliter aliquid de potu in asperam arteriam venire; & uti aqua juxta murum descendit, sic sensim dilabi, tuncque tussim non movere. Si autem quid non secundum latera aspe-

(e) Lib. IV. cap. 7. pag. 212. 213.  
pag. 95. (g) Ibidem.

(f) De Curat. Morb. Acut. Lib. II. cap. 1.  
(h) In Libro de Corde Charact. Tom. IV. pag. 269.

asperae arteriae decurreret, *sed in mediam spiritus viam incideres*, tunc statim tussim excitari (i). Unde etiam ad ulcera asperae arteriae remedium a sapino homine sensim deglutendum commendavit. Experimentum autem illud Hippocratis a Celeberrimo Mery cum successu institutum fuisse legitur (k). Levamen a linctibus emollientibus in tussi ab exasperatione harum partium illud confirmare videtur. Tamen negari nequit, parcam tantum copiam. ingelli liquidi hac via transire posse, adeoque non multum boni inde expectari posse, Praeterea admodum probabile videatur, non semper liquidorum deglutorum partem ingredi, nam vinum, acetum &c. impune possunt; cum minima horum guttula in tracheam dilabens tussim summam excitaret sua acrimonia.

4. Quantum usum habeant clysmata in sedando nimio febrili impetu, ad §. 610. dictum fuit, unde & hoc respectu locum habere poterunt, cum ad benignam inflammationis resolutionem requiratur sedatus humorum motus [vide §. 386.]. Tanti fecit clysmata Aretaeus (l), ut illa substituerit venae sectioni, si aliquod impedimentum prohiberet, nec illa in hoc morbo institui posset. Acriora quidem commendavit clysmata, quia quarumcunque partium corporis irritationem utilem credebat in periculoso hoc morbo: sufficiens tamen blandissimorum antiphlogisticorum usus, v. g. mellis unciae binae, cum nitri media drachma, & decem uncis decocti hordei; cum indicatio curatoria non requirat, ut per alvum subducantur liquida; sed potius, ut per omnes corporis vias talia subministrentur sanguini; quae illum diluere, & inflammatoriam spissitudinem resolvere, valent. In anum autem injecta liquida venis reorberi, & sanguini misceri posse, in Commentariis §. 813. probatum fuit, atque ibi datae fuerunt cautela, quae in horum applicatione observari debent.

5. Quinam victus in hoc casu conveniat, ad §. 850. dictum fuit. Lentoris enim vel copiosioris chyli molestiam pulmo illico sentit etiam sanus: longe magis ergo, si morbosus fuerit. Decoctum oryzae, hordei, avenae, panis cum melle, rob sambuci, & similibus, omni scopo hic satisfacit. Radicum scorzonerae, tragopogonis, chondrillaе &c. decocta similem usum praestant; de quorum efficacia in solvendo viscido febrili ad §. 614 dictum fuit. Leve autem, & dilutum nutrimentum in hoc casu sufficit; cum morbus, si hoc modo sanari possit, nunquam in longum tempus excurrat.

§. 855. **S**I inflammatio magna, cum febre, & reliquis symptomatibus validioribus duravit ultra triduum, & signa adfint inflammationis jam in suppurationem tendentis (833. 834. 835.), semper multum discriminis adest, quamvis diutius jam excurrat morbus, & spatium dabit curationi: tum 1. Venae sectione nulla, vel,

a a 2

fi

(i) Galen. Lib. IV. Method. Med. cap. 7. Charter. Tom. X. pag. 302.  
des Sciences l'An. 1700. Mern. pag. 310. dans les notes luesse 4.

(k) De Curat. Morb. Acutior. Lib. II. cap. 1. pag. 94.

(X) Academ.



fi aliquid urget, parca utendum. 2. Viſtu leni, ſed paululum in-  
 craſſante, & ex maturantibus conſecto, utendum. 3. Balneis pul-  
 monicis, emollientibus, maturantibusque utendum ad quintum ab  
 inchoato malo diem. 4. Die quinto, & ſexto iisdem utendum,  
 additis ſorbitionibus tuſſim moventibus leniter, ſimulque replenti-  
 bus, ut ſeptimo forte die locus levare queat pure cocto, vaſa  
 attenuatis, vita ſuſtentata.

Sola illa curatio peripneumoniae, quae ſit per reſolutionem, aut citam  
 excretionem materiae morboſae ſolutae, & mobilis redditae ( vide §. 830. ),  
 tuta eſt. Verum non ſemper illa obtineri poterit, ſive non ſatis cito idonea  
 medela adhibita fuerit, ſive ex ſua indole pertinacior morbus obſtiterit. In-  
 ter reliquos autem inflammationis exitus optimus ille eſt, qui in ſuppara-  
 tionem tendit. Quenam ſigna ſint peripneumoniae in ſuppurationem ver-  
 gentis, paragraphis hic citatis explicatum fuit; atque in Commentariis  
 §. 833. 2. demonſtratum fuit, reſolutionem exſpectari non poſſe, ſi ad qua-  
 rum diem uſque febris, & reliqua ſymptomata, valida permanſerint. Licet  
 autem benigna ſuppuratio in aliis corporis locis, ad quae manibus accellus  
 datur, plerumque ſatis commode curari poſſit; in vitali tamen hoc viſcere  
 nata vomica purulenta ſemper multum diſcriminis habebit; cum rupta talis  
 vomica in pectoris cavum pus effundere poſſit, & empyema lethale facere;  
 vel totam ſanguinis maſſam purulenta cacoehymia ſic inſicere, ut ſuneſta  
 ſequatur phthiſis. Nec minus periculum imminet, ne abſceſſus, mole quo-  
 tidie auctus, vicina vaſa adhuc libera comprimens ſuffocet aegrum, ante-  
 quam maturatio perfectæ, & maturi abſceſſus ruptura, uti ad §. 836. di-  
 ctum fuit. Omni ergo ope nitendum eſt, ut quam ocyſſime fiat matura-  
 tio; & deinde maturatione facta collectum pus citiſſime educatur. Quae-  
 nam autem in hoc caſu obſervanda ſint, ex ſequentibus patebit.

1. Ubi de abſceſſu, inflammationem ſequente, agebatur §. 402. & ſequen-  
 tibus, conſicit, ad maturationem crudi inflammatorii conducere paullo ma-  
 jorem motum & in parte affecta & in toto corpore; tali moderamine tamen,  
 ut nec nimis citatus motus ſubito rumpat vaſcula tenerriſſima, ſicque gangrae-  
 nam loco ſuppurationis producat; neque nimis torpens non valeat ſepara-  
 re extremos vaſculorum inflammatorum fines, & in bonum pus cum hu-  
 moribus effuſis convertere. Non ergo conducet in hoc morbi ſtadio ſan-  
 guinis miſſio, cum vires debilitet, adeoque maturationem retardet. Si au-  
 tem ſumma pectoris oppreſſio illam etiam hoc tempore poſcere videtur,  
 vel nimis impetuoſa febris compeſci debet, parca ſufficiet, & tali tantum  
 copia, vel levandis ſymptomatibus, & juſto febris moderamini ſatis eſt,  
 non ultra.

2. Loco externo corporis ſuppurando applicantur molliſſima cataplaſmata  
 ex farinofis, & emollientibus herbis parata, ut cita fiat maturatio. Ob hanc  
 cauſam oportet curare, ut alimenta talia ingerantur, quae ſimiles dores ha-  
 bent, ut chylus inde paratus, ad pulmonem delatus, emolliente, & maturan-  
 te vi praeditus, ſuppurationem promoveat. Verum quidem eſt, lentio-  
 rem

utrunque ex talibus parari chylum, adeoque periculum fore, ne inde au-  
geantur pulmonis angustiae: tali autem cum cautela haec danda sunt, ut  
aec nimis glutinosa sint, neque nimia copia simul sumta pulmonem gra-  
vare possint. Ob hanc rem *Hippocrates* (m) quarto, quinto, & sexto die  
sorbitiones pingues commendat, quia ad sputum per superiora excreandum  
conferunt. Sorbitiones multas, pitanae cremorem coctum cum melle, aquam  
mulsam &c. laudat alibi (n) In Materia Medica ad hunc numerum ha-  
bentur praecipua, quae in hoc morbi statu conducunt.

3. Puri, dum maturus abscessus erit, conciliari debebit exitus, & quidem  
quam citissime, ne mora acrius factum erodat teneram pulmonis fabricam.  
Sola autem haec via tuta erit, per quam in cava aerea pulmonis pus erum-  
pit; cum aliter in cavum thoracis, vel mediastini dilata vacua (vide  
§. 836. 4.) decideret, lethali fere semper cum eventu. Oportebit ergo, sta-  
tion ac signa suppurationis inceptae apparent, balneo vaporis, una cum  
aere inspirato hausto sic emollire totam aeream pulmonis superficiem, ut  
liberrime huc versus ire possit collectum pus; simulque eadem opera efficitur,  
ut citius, & facilius rumpi possit membrana per factum continens. Solius  
aquae calentis vapor hic sufficit, emollientium enim herbarum efficacia non  
consistit in volatili adeo parte, una cum hoc vapore ascendere possit; un-  
de ab illis non multum boni exspectatur, licet tamen saepe illis utantur  
Medici, ne remedii simplicitas aegris, & adstantibus contentum pariat. In  
omnibus autem illis pergendum est, ad quintum usque diem ab inchoato  
malo. Simul etiam appareat ex dictis, pleraque remedia, quae praecedenti  
paragrapho ad resolutionis curam laudata fuerunt, etiam disponere morbum  
ad benignam suppurationem, si resolutio obtineri nequeat.

4. Simil ac ipse est, crudum inflammatorium in pus coctum, & bonum  
conversum esse, quantocyus exitus ipsi conciliari debet: pergitur hinc in iis-  
dem, sed simul arte excitatur tussis, ut sic agitato pulmone rumpatur abscessus.  
Acetum cum melle, oxymel dictum in officinis, si calidum sumatur, vel fo-  
lum, vel decocto emolliente dilutum, uti etiam vinum calidum, tussim exci-  
tare solet, plerumque satis validam, qua concussus pulmo saepe sic agitur,  
ut crepet vomica, & collectum pus per sputa repurgeatur. Formula talis in  
Materia Medica ad hunc numerum habetur, quae scillae, bulbi amarissimi,  
insusum in aceto recipit, quo remedio nullum habetur efficacius ad pulmo-  
nem detergendum; unde tanti usus fuit apud Veteres Medicos. Omnibus  
his adhibitis forte poteris levare locus pure cocto excreto, septimo die,  
quem insignem vim habere in criticis evacuationibus antea in Commenta-  
riis §. 741. probatum fuit. Non tamen semper hoc succedere illo tempore,  
patebit sequentibus paragraphis. Nisi enim cita maturatio facta fuerit,  
& materies maturanda haeserit in tali pulmonis loco, ut facillime in bron-  
chia exire possit, longior temporis mora intercurrit, antequam rampatur ab-  
scessus. Convenit interim omni artis molimine promovere crudi inflammatorii

a a 3

ma-

(m) De Morbis Lib. III cap. 14. Charier. Tom. VII. pag. 589.

(n) De Affectionibus cap. 4. Ibid. pag. 641.

maturationem, & maturati evacuationem; aliter enim iustus metus est, ne natus abscessus, collecto pure tumens, vicina vasa comprimat, sicque novam inflammationem producat; quae pariter suppurata novum abscessum faciet, vel prioris molem augebit. Unde sequentia Hippocrates [o] monuit: Si peripneumonia correptus non fuerit purgatus in diebus principibus, sed sputum, & pituita in pulmone remaneant, suppuratus sit, qui si confestim curatus fuerit, plerumque effugit. Si vero neglectum relinquitur, quod in pulmone est, corruptumque; quo incumbente, ac putrescente ulceratur pulmo, & pus colligit, neque amplius intro ad se effatu dignum alimentum trahit, neque ab eo quidquam sursum repurgatur, sed cum suffocatur, tum semper difficiliter spirat, & respirando stertit, indeque a superiore pectore spirat; tandem vero sputus obturatur, ac moritur.

§. 856. **S**I signa docent, factum esse in pulmone abscessum (835.) acceleranda ejus disruptio in asperam arteriam, & eaque facta, depuratio subita, & tuta ulcerosi loci.

Primis duabus, vel tribus septimanis peripneumoniae in suppurationem vergentis, vel jam suppuratae, spes est, collectam materiam sensim per sputa evacuare, & depuratum pulmonem consolidari facile posse; illo enim tempore nondum profunde in substantiam pulmonis tale ulcus penetravit. Unde etiam inter signa futurae suppurationis §. 833. 3. numerabatur, si cricicis diebus ad decimum quartum diem usque nulla fuisset facta per sputa cocta evacuatio. Unde & Hippocrates de his agens (p) dixit: Haec autem contingunt diebus ut minimum quatuordecim, ad summum vero viginti & uno. Et hoc tempore vehementer tussit, & simul cum tussi repurgatur: primum copiosum, & spumofum sputum (expuit); sepsimo vero, & octavo die, quando febris in vigore fuerit, si humida exstiterit peripneumonia, crassius procedit; sin minus, non. Nono, & decimo die aliquantum cum virore pallescens & subcruentum: duodecimo ad decimum quartum diem usque copiosum & purulentum. Ubi vero illud tempus elapsum est, signaque, §. 825. enumerata, docuerint suppuratum pulmonem esse, nullaue per sputa haecenus sit evacuatio, novimus, pus collectum in magno satis sacco in ipsa pulmonis substantia haerere; quo rupto non sensim per sputa, sed undatim prorumpere pus solet, quandoque cum suffocationis periculo, dum uno impetu pus in asperam arteriam se exonerat [vide §. 836. 2.]. Indicatio curatoria tunc jubet, accelerandam esse talis vomicae rupturam, ne pus diutius relictum corumpat totum pulmonem. Post puris vero evacuationem requiritur ulcerosi loci depuratio subita & tuta, & deinde consolidatio. Quibus autem haec obtineri possint, sequentibus paragraphis videbimus.

(o) De Morbis Lib. I. cap. 6. Charter. Tom. VII. pag. 537.

(y) De Morbis Lib. III. cap. 14. Charter. Tom. VII. pag. 589.

§. 857. **D**isruptio tentatur, si, post multa alimenta mollia; subpingua cum vino molli, pulmo, suppuratus (836.), & praeparatus (855.) vapore calido, clamore, tussi, excreatorii, concussione in navi, vel rheda, agitur.

Postquam confixit, vomicae pure plenam in pulmone haerere, & balneis pulmonis emollientibus [§. 855.] sic laxatus fuit, & maceratus quasi pulmo in parte aerea, ut admodum probabile videatur, tumorem purulentum huc versus vergere, & potius in illo loco, quam alibi rumpendum esse, tunc tentatur ejus ruptura. Unicum, quod ars hic habet, est pulmonis concussio, quocunque demum modo fiat. Ut autem eo melius succedat ruptura, prius alimenta mollia, & pingua assumuntur majori copia, ut plenus & turgens ventriculus diaphragma sursum premat, & pulmonem comprimat; simulque copiosus chylus, & pinguior pulmonem gravet: quo enim magis tenduntur omnia hoc tempore in pulmone, eo citior rupturae spes erit. Rifu autem valido, clamore, tussi vapore aceti vel vini calidi excitata, vomituque, pulmo tunc agitur, vel aeger in rheda velociter per strata lapidea vehatur, aut etiam in navi: solet saepe tunc rumpi vomica, & magno cum impetu pus exire. Verum quidem est, periculum adesse, ne subito in asperam arteriam erumpens pus suffocet aegrum; vel & alio in loco rupto abscessu in cavum pectoris dilabatur. Sed hoc vitari nequit, & quo diutius manebit ille locus clausus, eo majus erit idem discrimen: & praeterea dum jam extenuatus, & decumbentibus pus erumpit, non multum inde levantur, sed pereunt (g). Quamvis autem haec omnia tentari possent saepius, si prima vice non lequeretur ruptura, optimum tamen est illa adhibere, dum signa docent, vomicae jamjam rumpendam esse. Vario tempore vomicae tales rumpi monuit Hippocrates (r): *Plurimas quidem vigesimo die, alias trigesimo, alias quadagesimo, alias ad sexaginta dies pervenire*; addiditque (s), a principio suppurationis inceptae tempus ruptionis futurae numerari debere: adeoque praestaret, omnia haec tentare circa haec tempora. Praeterea aliis in locis signa quaedam dedit, quae docent, pulmonis abscessum jam minitari rupturam. Primum indicium est plenitudo pectoris. *Ex pulmonis suppuratione, & circa ventrem interdum & claviculam dolores, & cum anxietate stertere, designat spui copiam in pulmone (t):* si haec adfint ergo, novimus sic tendi omnia, ut jamjam ruptura expectanda sit. Alio autem in loco plura collegit (u), quae huc spectant: *At ex his, quae celerius aut tardius rumpuntur, his cognoscere oportet: si dolor quidem per initia oriatur, & spirandi difficultas, & rufis, & sputatio perseverans ad vigesimum diem obtineat, expectare ruptionem oportet, vel etiam prius. Si vero quietior sit dolor, & caetera omnia secundum rationem, istis expectare ruptionem posterius. Necesse autem est & dolorem, & spirandi difficultatem, & sputationem*

2 2 4

obo

(g) Hipp. de Morbis Lib. I. cap. 8. Charter Tom. VII. pag. 542.

(r) In Prognost.

Charter. Tom. VII. pag. 649.

(s) Ibidem.

(t) Coac. Praenot. N. 18.

Charter. Tom. VIII. pag. 854.

(u) In Prognostic. ibid. pag. 652., &amp; Coac.

Praenot. N. 402. ibid. pag. 875.

oboriri ante puris eruptionem. His signis monitus Medicus determinare facile poterit illud tempus, quo conducet varia haec artis molimina adhibere, ut latens in pulmone vomica rumpatur. Pluribus apud Hippocratem locis probari poterit, quod ad rupturam abscessus pulmonalis tentaverit similia. Ita, dum de pulmonis tuberculo [w] agit, videtur vomitorio usus fuisse, ut validis vomendi concussibus pus erumperet. Sic enim habet: *Quod si morbo liberatum dyspnoea prebendas, dum ad locum erectum pergit, aut alias festinat, purgans dato, a quo alvus inferior non moveatur. Et si una cum vomitu pus sequatur, si sane pus fuerit album, & in eo fibrae subcruentae fuerint, effugit; si vero lividum, cum virore pallidum & graecolens, moritur, Alibi autem (x) decimo die, a quo ex peripneumonia purulentus factus fuit aeger, ari radicem cum salis grano, & mellis parum ex aqua, & oleo, extracta prius lingua, infundi iussit, dein humerum concui, ut pus erumpat. Si non successerit, cyclaminis, & ciborum acrium succum cum lafore &c. similiter applicabat: irrito eventu raphani corticem cum aeris flore adhibuit oleo diluta. Si nequidem his pus prodiret, testas ignitas injiciebat mixturae ex partibus aequalibus Vini Tornii, lactis bubuli aut caprini, & succi sii, & per fistulam hunc vaporem attrahi iussit. Pates autem satis, ab omnibus his validam tussim excitari debere, a qua rumpi poterit abscessus.*

Rupto autem quamvis abscessu, dubius adhuc morbi exitus erit: suppurationis enim haeret in viscere vitali, aeri exposito, & omni vitae momento assidue moto. Unde nequidem in tali casu, ubi omnia ad curae felicitatem videbantur conspirare, de aegrorum salute certo pronunciare audebat Hippocrates [y], Sic autem habet: *Et si quidem quam citissime maturuerit, erumpit, & sursum vergat pus, ac totum exspuatur, & cavum, in pus, concidat, ac resicetur, prorsus sanus evadit. Si vero quam citissime ruptum fuerit, maturuerit, ac repurgatum fuerit, neque tamen penitus resicari possit, sed ipsum tuberculum ex se pus effundat, perniciosum id est &c. Ex quibus apparet, quod difficultatem curae ulceris aperti pulmonis satis agnoverit. Praeterea seniores, si ex peripneumoniacis morbis suppurati facti fuerint, magis interire; ex reliquis vero suppurationibus juniores potius mori, alibi [z] monuit. Reliqua autem, quae ad Prognosin facti, vel infausti eventus in hoc casu spectant, in Commentariis §. 836. 3. dicta fuerunt.*

§. 858. **S**imul ac dein signa edocuerint, apostema ruptum esse, utendum victu lacteo, vegetabili lenissimo, nec facile putrescente, tum de die aperientibus, deterfivis, vespere levibus opiat; vaporibus emollientibus; equitatione, vel unctione in rheda, aut navi.

Aposte-

- (vv) De Morbis Lib. II cap. 22. Charter. Tom. VII. pag. 574. (x) Ibid. cap. 16. pag. 567. 568. (y) De Morbis Lib. I. cap. 7. Charter. Tom. VII. pag. 540. (z) In Proenosis. Charter. Tom. VIII. pag. 658., & Coac. Praenot. N. 431. ibid. pag. 876.

Apoſtēma pulmonis ruptum eſſe, ſic ut in tracheam ſe evacuaverit, certo novimus ex ſputis purulentis eductis, & levamine peſtoris; adeoque de hac re nullum dubium eſſe poterit. Ubi ergo hoc conſtitit, ſcimus, in pulmone haerere cavum ſaccum, qui antea pure plenus fuit, nunc collapſus, & vacuus: ex illis autem, quae in *Capitulo de Abſceſſu* dicta fuerunt, conſtat, parietes cavi talis ſacci, pure diu contento maceratos, ſordidoſeſſe, & ſemi-mortuis vaſorum maceratorum extremis obſitos undique; unde ad ſanationem requiritur, uti §. 402. dictum fuit, mundatio illius fuit, ut ad conditionem puri vulneris reducantur, ſicque iterum ad ſe mutuo accreſcere poſſint cavi hujus latera. In abſceſſibus apertis partium externarum corporis varia applicare poſſumus, prout ſenſibus explorati loci conditio diverſa poſtulat: verum hic nihil adhiberi poterit, niſi quod forma halitus una cum aere inſpirato poteſt attrahi, vel una cum ſanguine per pulmonis vaſa pellitur. Cum autem chylus, ingeſtorum dotes ſaepe diu retinens, ſanguinem ingreſſum ſtatim per pulmones tranſire debeat, maxime cavendum eſt, ne talia aſſumantur, ex quibus paratus chylus acrior irritare poſſet ulceroſum pulmonis locum, novamque inflammationem producere; ſicque augere ſuppurationem, quam ſenſim potius minuendam indicatio jubet. Lac animalium, ſolis vegetabilibus viventium, pulcherrimum hic dat alimentum, & remedium ſimul. In animalis ſani enim corpore praeparatum jam habet talia in ſe, unde reſtaurari poſſunt optime illa, quae de corpore perierant, ſive per morbos praegreſſos, ſive per ſanitatis ipſius actiones: unde in debilibus corporibus tanti uſus eſt, uti alia occasione in Commentariis §. 28. dictum fuit. Verum blanda viſ graminei ſucci, quo animalium lac dives eſt, optimum detergens hic dat, ad depurandum pulmonis ulcus. Unde non ſine ratione Medici antiqui, uti *Galenus* [a] monet, exiſtimaverunt. *Ulcus in pulmone habentes poſſe ſanari, ſolo laſtis uſu, duntaxat antequam magnum illud, ac calloſum factum fuerit.* Ita & *Aretaeus* [b] de cura ulceris pulmonalis agens laſtis dotes recenſuit ſequentibus: *Lac vero aſſumtu ſuave, potu ſacillimum, nutritiu ſolidum, & qualibet eſca a pueritia familiarius eſt. Praeterea viſu colore delectabili, medicamen arteriam non aſperans, guttur laevigans, ad eſciciendam pituitam ſacilem ſpiritum reddens, inferiorem exitum lubricum efficiens, ulceribus dulce ſubſidium, & quolibet alio benignius eſt. Si enim quis multum laſtis potet, nullo alio eget alimento &c.* Lac ergo aqua dilutum pro potu, lac merum pro cibo, vel ſolum, vel cum decoctis oryzae, hordei, avenae, fagopyri &c. miſtum ſufficere poſſet. Olera molliſſima, ut endivia, latucha, ſpinachia &c. juſculis carniū animalium, quae vegetabilibus vivunt, incocta pariter adhiberi poſſunt. Vitantur omnia, quae in putredinem cito vergunt, cum ſputorum graveolentia in hoc morbo adeo mali ominis ſit, uti in Commentariis §. 836. 3. dictum fuit. Omnia tamen haec parca quantitate ſimul, & ſaepe repetitis vicibus, ſumuntur, ne chyli copia nimia gravetur morboſus pulmo.

Medi-

[a] De probis praeſiſque alimentorum cap. 4. Charter. Tom VI. pag. 416.

[b] De Curatione morborum diuturnorum Lib. I. cap. 8. pag. 127.

Medicamenta autem hic inprimis laudantur talia, quae copiosae aquae infusa leni aperiente, & detergente vi pollent. In Materia Medica ad hunc numerum catalogus habetur similium, ex quibus pro re nata eligi possunt varia; habentur & formularum ex his paratarum quaedam exempla. Prout jam sputa magis minufve tenacia apparent, major, vel minor illorum copia prodit, major, vel minor pectoris oppressio adest, eliguntur talia, quae variam incidendi, & attenuandi vim habent; semper etiam respiciendo ad aegri aetatem, temperiem &c. In senioribus, & frigidae temperiei hominibus, chamaedryos, erysimi, foeniculi, hederæ terrestris, hyssopi & similium infusa (coctione enim fragrans harum plantarum vis dissipatur) optima sunt: in junioribus, & calidae temperiei adianthi, agrimoniae, bellidis pratensis, borraginis, scabiosae &c. decocta potius conducunt. Dum sputa multum minui incipiunt, neque ulla pectoris gravitas, & oppressio metum facit, retineri sputa excernenda, mollissima consolidantia remedia adhibentur, ex tussilagine, pulmonaria, hyperico &c. parata. Pulchrum simul usum habent ex myrrha, olibano, sarcocolla, opopanax &c. cum terebinthina, balsamo Peruviano &c. parata catapotia, aliquoties de die deglutita, superbibenduncias aliquot talium decoctorum: lenissima enim haec, & nativa balsama optime detergunt ulcerosa loca, & deterfa ad consolidationem disponunt. Similes formulae etiam ad hunc numerum in Materia Medica habentur. Nativa autem haec balsama jure praeseruntur artificialibus, inprimis illis, quae ex oleo lini, oleo terebinthinae, sulphure &c. parantur, in quibus omnibus empyreumaticus nidor, & inflammans acrimonia adest, licet adeo laudata fuerint a Chemicis. Fatebatur ingenue, uti solebat semper, *Celeberrimus Boerhaavius*, se quondam talia frequenter exhibuisse in pulmonis, aliorumque viscerum vomitis curandis; usu tamen didicisse, quod nocuerint potius, quam profuerint.

Dum autem diurno tempore, detergentibus illis usurpatis, depurationi pulmonis ulcerati opera adhibita fuit, optimum est vespertino tempore, lenia opiata exhibere, quae molestam saepe tussim sopiunt, & blando somno vires rescocillant. Nisi hoc fiat, aspera tussis noctes diesque pulmonem quassat; idemque tunc obtinet, ac si ulceris externi superficies omni momento perfricaretur, unde sanatio plurimum retardatur necessario, cum mollissima, & pulposa renascentium vasculorum flamina sic destruantur, atque cruda, dolens, & inflammata reddatur ulceris tota superficies. In Commentariis §. 410., ubi de abscessus cura agebatur, notatum fuit, puris ipsius moderata copia relicta, post abscessus aperturam, foveri, & depurari cavæ vomicae parietes, semimortua vasorum extrema separari, omnique disponi ad optimam consolidationem. Illud autem obtinetur, dum tota nocte sopitur tussis; unde pus illud manet, coquitur, & aegris vigilantibus facillime, & summo cum levamine educitur. Quantum usum habeat prudens opiatorum usus in phthisicis, postea dicitur, quando peculiari capitulo de hoc morbo agendum erit.

Ubi autem major sputorum tenacitas facilem eorundem expectorationem impedit, atque inde metus est, ne a retentis sputis omnia mala augeantur, tunc

tunc inprimis, prodest vaporum emollientium usus, ut sic diluta, & mobilia reddita sputa expelli possint facilius.

Summum pariter emolumentum exhibet, ad detergendum pulmonem, & firmandum simul totius corporis robur, equitatio, si vires aegri sufficiant; vel in debilioribus vestio in rheda aut navi. Omni enim momento sic novus aer pulmonem ingrediens avertit ulcerosum locum, simulque corporis concussibus, inprimis si equo vehatur aeger, expediuntur illa, quae pulmonem gravant, absque tussi, vel leviori tantum. Quantum profuerit equitatio, in tabe tantum non deplorata, pulcherrimis Observatis docuit *Sydenhamus*, uti alia occasione ad §. 28. dictum fuit. Tantus autem videtur effectus fuisse vestitionis in navi in his aegris, ut *Aretaeus* [c] crediderit, solam illam non posse in tantum prodesse, sed *maris falsuginem siccum quiddam his ulceribus communicare*; unde non tantum voluit, ut in mari veherentur, sed & vitam ibi degerent aegri. Sic & *Sydenhamus* [d] pulcherrimum equitationis effectum vidit, dum ad multos menses in illa exercenda perseverarent aegri, auctis sensim equitationis velocitate, & duratione. Dum autem equo vehuntur aegri, requiritur talis aeris tempestas, ut acri frigore nocere nequeat, unde hyemali tempore vestio in carpento clauso conducit potius.

Dictum fuit in Commentariis §. 410., abscessus aperti curationi nocere aeris liberum accessum; atque in vulneris curatione §. 204. monitum fuit, uti & ad §. 245., aerem frigore, & exsiccatione, plurima damna facere posse, uti etiam, quia liber aeris accessus putredini favet: unde videretur concludi posse, aeris continuo renovati per equitationem &c. usum noxium esse. Verum si consideretur, aeris ingressum liberum in pulmonem ad vitam necessarium esse, adeoque prohiberi non posse; atque etiam aerem inspiratum calefcere jam, nisi gelidissimus fuerit, in transitu per os, nares, asperam arteriam, simulque repleti humido vapore ex his partibus exhalante, patebit satis, nihil mali metuendum esse ab aeris toties renovati actione, cum nec frigore, nec exsiccatione nocere possit.

§. 859. **S**I autem signa (838.) docent, statum (837.) jam obstinere, nulla tamen haecenus certa prognosi quoniam materies verget, tum levi, fluido, blande aromatico, paullulum vinoso utendum victu; quietum sit corpus; medicamenta vero sint emollientia; & ex genere levissimo aperientium, pulmōni propiciatur usu emollientium: sic vel determinabitur, vel ulterius dissoluta excernetur mali materies.

Quando materies inflammatoria, pulmonis vasis infarcta haerens, sic incipit solvi, ut in venas transire possit, liberatur pulmo, & aequabilis per vasa illius redit humorum circumductio. Ubi autem illud, quod in pulmone haeserat immeabile, sic resolutum est, ut cum reliquis humoribus per omnia vasa

(c) De Corat. Morbor. diuturnor. Lib. I. cap. 8. pag. 126.

(d) Dissertat. Epistolar. pag. 523.



vasa moveri possit absque ullo impedimento aequabilis circulationis, tunc optima cura facta est, per benignam resolutionem nempe. Verum ubi eadem illa morbi materies sic quidem soluta fuit, ut obstructio vasorum cesserit, simulque ita degeneravit ab indole humorum nostrorum sanorum, ut aequabilem circulationem turbet, tunc illa expelli debet de corpore, ut redeat sanitas. Haec autem expulsio materiae solutae, & mobilis redditae, vel fit statim per sputa, alvum, urinas &c. (vide §. 830.), vel prius in locis quibusdam corporis collecta format abscessus [vide §. 837.], quibus dein apertis educitur. Si ergo signa docuerint, materiem morbosam jam solutam, & mobilem esse, neque ulla adsint indicia in excretis de corpore, quae monstrant per has illasve vias exitum moliri, simulque nulla signa indicaverint, versus quem locum corporis vergat eadem materia, quaeritur, quid agendum sit?

Indicatio curatoria postulare videtur, ut aegri sustineantur tali victu, qui pulmonem tenaciori, vel copiosiori chylo gravare nequeat, simulque vires augeat, ut eo felicius procedat coctio, & expulsio materiae morbosae. Cum autem in hoc casu pulmonis vasa jam liberari incipiant pro maxima parte, nihil obstat, quo minus dentur talia, quae vitalem humorum motum parum augeant: unde blandorum aromatum usus, & vini moderata copia tunc proderit. Quies autem corporis commendatur, ne debilis a praegresso morbo fatigaretur aeger, sique melius vires resumere possit. Omnia autem quae valide corpus turbant, ut vomitoria, sudorifera, purgantia &c. vitanda sunt, ne intempestivo aeris molimine impediatur inceptum naturae opus. Sola tunc laudantur remedia, quae mollissima sunt, & diluente, & leni solvente vi omnes humores attenuant, & vasa expediunt; quales formulae in Materia Medica ad hunc numerum habentur. Vapores autem emollientes pulmone adhibentur, ut his laxata vasa pulmonalia facilius dimittant illa, quae adhuc in his haerent nondum satis soluta & mobilia. Dum autem haec omnia fiunt, vel apparebunt signa exitus materiae morbosae de corpore (vide §. 830.), vel brevi aderunt indicia [vide §. 838. 839. 840. 841.], quae docent, versus quae corporis loca determinabitur morbi materies, abscessum ibi formatum: illa autem, quae tunc conducunt, sequenti paragrapho dicentur. Cum autem ad §. 839. monitum fuerit, utilissimos esse illos abscessus, qui in peripneumoniacis ad crura fiunt, proderit statim, simul ac futuri abscessus suspicio est, illa loca sic disponere, ut facilis materiae morbosae derivatio versus haec fieri possit; de qua re sequenti agetur paragrapho.

§. 860. **S**ed si cum signis (838.) simul illa adsint (839. 840.), quibus determinatio significatur, fiant modo dicta (859.), simulque locus praevisus (829. 840.) suctu, laxatione, stimulo, aperientibus ita tractandus, ut minus resistat, plus trahat.

Ubi praegressis signis futuri abscessus secuta fuerunt talia indicia, per quae novimus, materiam morbosam versus crura, vel ad parotides tendere, de quibus §. 839. 840. dictum fuit. Primò omnia eadem adhibentur, quae praec-

praecedenti paragrapho enumerata fuerunt. Deinde locus futuri abscessus sic disponitur, ut vas laxata facilius admittere possint huc versus deponendam morbi materiam; simulque curatur, ut levi irritatione per frictions Rimulantis, cucurbitas, impetus vitalis motus magis agat in eundem locum. Quomodo autem, & per quae remedia hoc fieri possit, alia occasione in Commentariis §. 134. & 396. 4. explicatum fuit. Monuit Hippocrates (e) sequentia: *Quibus ex morbis resurgensibus quid dolueris, illic abscessus oriuntur.* Deinde sequenti Aphorismo (f) addit: *sed & si aliquid ante morbum dolueris, illic morbus insidet.* Quotidiana in praxi observata veritatem dictorum probant. Ita hominibus, qui diu ulcera crurum passi fuerunt (familiare in scorbuto inveterato malum), si quodam morbo acuto corripiuntur, recrudescere haec ulcera solent, cum praesentaneo morbi etiam periculosi levamine. Naturae ergo ductum sequimur; dum per epileptica, cucurbitas &c. efficiamus, ut dolant illae partes, versus quas minimo cum discrimine morbofa materia deponi potest.

§. 861. **S**I (841.) obtinet, fiant eadem (859. 860.). sed simul aperientia paullo fortiora, saponacea, hepatica addantur, tam clysmata, & fomenta his constantia.

Si vero vel neglecta applicatione derivantium, & attrahentium ad parotides, & crura vel iisdem frustra adhibitis, signa docuerint [§. 841.], ad hepar verti materiem morbi, atque in hoc viscere colligi, tunc primo eadem adhibentur, quae §. 859. laudata fuerunt, ut pulmo levetur, vires firmetur, & materies morbi, quam maxime soluta, & mobilis reddatur. Cum autem non careat periculo haec metastasis, & jure metuatur, ne abscessus in hepate naus pessimis chronicis morbos faciat, conducit simul & alia facere, quae precedenti paragrapho dicta fuerunt; hac spe, ut forte incipiens colligi in hepate morbi materies, nondum tamen ibi fixata omnino, ad alia corporis loca, minus periculosa, deduci possit. Dictum fuit ad §. 839., materiam morbi, dum versus crura vergit, talia symptomata producere, quae levioris inflammationis circa hypochondria signa dant: unde patet, aliquam adhuc spem talis derivationis superesse in hoc casu: saltem nunquam nocebit, hoc tentasse.

Simul autem adhibentur talia remedia, quae admodum solvente vi praedita, collectam in hepate materiem ulterius attenuare valeant, ut vel ad alia loca deponatur meliori metastasi, vel per ductum hepaticum ad intestina delata cito expellatur per alvum; ne manens in hoc viscere, & acrior reddita, tenera, & friabilem ejus substantiam destruat. Decocta ergo merata taraxaci, cichorei, graminis, fumariae &c. cum melle poterunt larga copia [formula talis in Materia Medica ad hunc numerum habetur]. Fomentis ex similibus partis obvolvuntur hypochondria. Clysmata ex iisdem facta

(e) Aphor. 32. Sect. IV. Charac. Tom. IX. pag. 153.

(f) 33. Sect. IV. ibid. pag. 154.

facta injiciantur frequenter & retineantur diu; hac spe, ut resorptæ venularum meseraicarum osculis in intestina parentibus, directe, & integris suis viribus ad hepar veniant. Simul etiam per eadem sic laxantur intestina, & illorum vasa omnia, ut facilis, & expedita via fiat materiae morbi, dum ex hepate versus alvum ruit. De horum remedium efficaciam & usu postea adhuc quaedam dicenda erunt in *Capitulis de Hepatide, & Melancholia*.

§. 862. **M**alum vero, quod descriptum (843.) raro medelam capit, nisi forte emollientibus externis, internis, atque motu equitationis, vel unctionis in rheda cedat parum.

Ubi schirrus post inflammationem pulmonis remansit, diu quidem tolerari poterit tale malum, raro tamen vel nunquam integram curationem recipit; uti satis patet ex illis, quae in schirri historia ante dicta fuerunt. In recenti tali malo sapo Venetus magna copia usurpatus, cum succo graminis, & lactis fero, aliquid forte boni facere poterit, saltem absque noxa adhiberi. Verum adhaesio pulmonis ad pleuram, nisi admodum fiam fuerit, & callosa, forte utcumque emendari poterit. Dictum fuit in Commentariis §. 843. ab Antiquis observatum fuisse morbum bubulo pecori infestum, quam *coriaginem* appellabant; dum nempe pellis ita costis adhaereret, ut manibus deduci ab illis non posset. Laudabatur ad hoc malum, si calido lauri decocto foveretur locus affectus, deinde statim multo oleo, & vino perfricaretur sub diu, sole ferventi, tuncque per omnes partes prehensa pellis attraheretur [g], hac spe, ut emollitae sic, & labricatae hae partes cedere possent, sicque morbo illarum concretio tolleretur. Similis certe cura, & in morbosa concretionem pleurae cum pulmone tuto tentari posset. Si nempe decoctis molliissimis multum, & diu repleto corpore, simulque penetrabilibus, & lenibus tamen linimentis inuncto pectore externo [ saepe enim locum concretionis indicare norunt aegri, dum a corporis aucto motu anhelii molestiam quandam, aut obtusum dolorem in pectore percipiunt], equitatione, vel unctione in rheda concuteretur pulmo. Sic saltem imitatur illa remedia, quae in simili malo externas partes obfidente profunt; neque videtur aliud quid secundum artis praecepta hodie cognita tentari posse.

4. 863. **Q**uando in ipsam jam gangraenam abiit (844.), incurabilis est.

Facile patet, vix quid spei tunc superesse, dum pulmo, vitale viscus, gangraena correptus contabescit. In Commentariis §. 432., ubi de vicerum gangraena agebatur, quaedam loca ex *Hippocrate* allegata fuerunt, quae videbantur docere, sputa in febribus quandoque livida & graveolentia, gan-

gangraenae signa (§. 844.), excreta fuisse; superstitibus aegris. Verum non constat, an peripneumonici fuerint ab initio morbi tales aegri. Nunquam quidem nocebit aegris, uti ibidem dictum fuit, si Medici ne quidem in desperatissimis morbis omnem spem adjiciant, interim tamen si confideretur, pulmonis inflammationem, ex sua natura adeo periculosum morbum, in pessimum exitum, gangraenam nempe, terminari, quivis facile credet, si non certam desperationem, saltem minimum spei in tali casu superesse. Si quid adhuc fieri posset, simul, & semel applicanda forent omnia illa, quae in cura gangraenae §. 434. & sequentibus laudata fuerunt, in quantum visceris affecti situs, & conditio permittunt. De hac re adhuc postea quaedam dicenda erunt ad §. 903., ubi de Pleuritide gangraenosa agitur.

§. 864. **S**I autem Peripneumonia per sputum jam expurgari coepta, incipit suppressum id habere, statim summa ope nitendum, ut iterum id prodeat. Tales causae impediennes sunt saepe magnum frigus subito admissum; ingens exsiccatio undecunque nata; febris calida superveniens; medicamenta calefacientia; alvus liquida, nec critica; sudor ingens; animi affectus vehementior.

Absoluta jam foret curatio Peripneumoniae, consideratis omnibus, quae agenda sunt, prout vario exitu terminatur hic morbus, vel diversis viis de corpore eliminatur morbi materia. Verum adhuc debebant expendi illa, quae fieri oportet, dum peripneumonia, per sputa jam expurgari coepta, incipit illa suppressa habere. Quanti momenti sit sputorum in hoc morbo excretio, & quam pulchre per illa eliminari possit morbi materies, antea §. 830. 2. vidimus; unde simul patet summa necessitas, ut omni molimine redintegretur evacuatio sputi, si suppressum illud fuerit. Simul conducet summopere, ut cognoscantur illae causae, a quibus sputa suppressi quandoque docuit observatio; ut nempe vitari possent, cum nondum adluc; & tolli, vel emendari, dum jam praesentes inveniuntur.

MAGNUM FRIGUS SUBITO ADMISSUM. Quanti usus sit humidus aeris inspirati tepor in hujus morbi cura, jam saepius dictum fuit, dum sic laxantur vasa, ut transmittere possint; simulque quam optime disponuntur fluida, ut transire per vasorum ultimas angustias valeant. Inter causas peripneumoniae aeris frigus §. 834. numeratum fuit; constat enim, aerem gelidum pulmonem siccare, stringere, imo & ipsum sanguinem per vasa pulmonalia motum, & nudo fere aeri expositum (b), coagulare. Unde patet, ab eadem causa morbum jam praesentem debet augeri, & contractis vasis excernentibus, sputa suppressi. Dum gelidum potum affatim bibunt tales aegri, aut imprudenter frigidissimus aer hyemali tempore admittitur subito in-

con.

(b) Boerhaave Institut. Medic. §. 747.

conclave, ubi decumbunt, sputorum periculosa suppressio ab hac causa nasci solet.

**EXSICCATIO UNDECUNQUE NATA.** Dum nimium frigus, hic noxium, vitare volebant quidam, in alterum extremum inciderunt, nimia calefactione loci, in quo decumbunt aegri. Notandum est, sanissimos homines, aestuante in aere versatos, siccissimam habere oris interni, narium, asperae arteriae, & pulmonis ipsius omnem superficiem, sic ut vix loqui, aut deglutire valeant ob partium exsiccationem. Non mirum ergo & idem ab eadem causa in aegris fieri. Cavetur facile exsiccatio ab hac causa, si iusta caloris temperies lervetur (quod thermometer optime indicat), simulque aeris repori jungatur humiditas; quod facile obtinetur, si aquosis exhalationibus repleatur aer, quem aegri inspirant.

**FEBRIS CALIDA SUPERVENIENS &c.** Notatum fuit ad §. 830., felicem illum peripneumoniae exitum, quo in sanitatem terminatur per benignam resolutionem, vel salubrem evacuationem materiae morbosae per sputa &c., tunc tantum locum habere, dum febris mitis est, & boni moris. Si ergo inceptae tali excretioni superveniat febris calida, exsiccabitur brevi corpus liquidissimis expressis (vide §. 587.), & mutabitur illa morbi conditio, quae salubri huic per sputa evacuationi favebat. Sic observamus in phthisicis, quibus quotidie per sputa pus in pulmone collectum evacuat, vespertino tempore, dum hectica illorum febris multum augeri solet, sputa supprimi cum anxietatis augmento; matutino demum tempore, minuta febre, sputa iterum excerni cum summo levamine. Calefacientia autem medicamenta, in hoc morbi statu exhibita, similem effectum habere intelligitur ex illis, quae §. 586. « de febrium causis dicta fuerunt: ibi enim probatum fuit, a talibus in sano etiam corpore febrem excitari posse, facile ergo ab iisdem augeri poterit febris, quae jam adest.

**ALVUS LIQUIDA, NEC CRITICA.** Omnia, quae de corpore subducunt liquida ingenti copia, inter causas sputi suppressi merito numerantur. Per alvum quandoque morbi materiem in peripneumonia evacuari, vidimus §. 830. 3.: tuncque critica dicitur diarrhoea, & levamine morbi insigni facile distinguitur a noxio alvi fluxu. Observaverat jam in hoc morbo Hippocrates (i), ab alvo liquida supra suppressi; habet enim sequentia: *Si multus humor per inferiora secedat a quinto die, mortem inferi. Secedente enim per inferiora humore, superiora siccescunt, neque sputi purgatio per superiora prodit. Inferiorem igitur alvum neque nimis sisti oportet, ut febres haud acutae sint: neque nimis subduci, ut sputum sursum emitti possit, & aeger viribus valeat.* Dum in phthisicis fatalis illa diarrhoea, morbo, & vitae finem imponere solita, accedit, miseris illico sputa supprimuntur.

**SUDOR INCENS** ob eandem rationem, nimiam nempe liquidi subductionem, sputi suppressi causa esse potest, uti facile patet.

ANINI

(i) De Morbis Lib. III. cap. 14. Charter. Tom. VII. pag. 589.

**ANIMI AFFECTUS VEHEMENTIOR.** Quantum turbari possit corpus a validis animi affectibus, antea in Commentariis §. 99. & 104. vidimus. Sed & inter febrium causas §. 386. 7. numerati fuerunt: & in illo casu, dum segnis nimis febrilis motus non poterat morbi materiem subigere, movere, secernere, & excernere, illum augeri posse excitato animi affectu in Commentariis §. 611. dictum fuit. Cum autem in hoc casu, ubi persputa evacuatur peripneumoniacae materies, justum adsit febrilis motus moderamen, patet, ingens discrimen adesse, dum per animi affectus vehementiores incitatur ille motus. Accedit, quod in validis animi affectibus semper in respiratione observetur facta mutatio, unde pulmonem directe quasi afficiunt. Sic ira summa motus homo validissime respirat illico, & anhelat; metu subito percussus statim ingentem circa pectus oppressionem sentit, molestissima ducit suspiria &c.

§. 865. **T**um statim ad vicinitatem partium a suppressa, & aggesta increfcente materie inflammatio nova exoritur; unde illico eadem symptomata, quae a peripneumonia primaria (825. 826.); illa autem tum debilitato jam corpori accidentia, ut plurimum cito lethalia evadunt.

Per sputa enim evacuabatur illud, quod in vasis infarctum haerens inflammationem fecerat, & liberum sanguinis motum ex corde dextro per pulmones in cor sinistrum impediverat. Simulac ergo supprimuntur haec sputa nondum educta omni morbi materia, vasa quaedam manent obstructa, ab impetu sanguinis loca obstructa urgentis distenduntur, distenta compriment sibi vicina vasa; sicque malum brevi propagatur, & omnia symptomata, numeris hic citatis recensita, quae jam minui inceperant, recrudescunt denuo, & augentur subito. Patet summum inde discrimen metuendum esse, cum debilior jam a morbo praegresso aeger novo huic insultui ferendo minus par sit.

§. 866. **I**lli autem vitio (864.), ejusque sequelis (865.) occurrunt vapore assiduo calidi, humidi, emollientis, narius, ore attracti, pulmonibus recepti; toto aere simili huic vapori per artem reddito; usu etiam largus potuum similium, cum melle inprimis & aceto, multum prodest; medicamenta leniter resolvendo antipyretica, ut est stibium diaphoreticum cum nitro fixante; leniter opiata; sudoris evitatio; maxime tandem placida animi quiete.

Pulcherrimum, quod tunc adhiberi potest, remedium est, si omni momento aeger calidum, & humidum vaporem naribus, & ore hauriat, ut tota pulmonis aerea superficies humefcat, & emolliatur, sic enim laxantur contracta

tracta vasa, diluuntur, & meabiles redduntur spissiores redditi per exsiccationem praegressam humores, & binis his effectibus concurrentibus sputi suppressi redintegratur excretio. Simul etiam novae inflammationi, ab hac caula natae, prospicitur quam pulcherrime, ut vel resolvi, vel per sputa curari possit: uti jam saepius in praecedentibus monitum fuit. Ob eandem causam, vasis aqua calida plenis in cubiculo repositis, totus aer vaporibus humidis repletur. Eodem tempore decocta hordei, avenae, ficuum, herbarum emollientium, & leniter aperientium [ quae antea jam laudata fuerunt ] potantur larga copia, ut & sanguis his diluatur. & pulmonis vasa laxentur: advitur mel, solvenie blanda saponacea virtute adeo notum; & acetum parca copia, ut lenis tussis excitetur, per quam, solutis humoribus & laxatis vasis, expellatur omne, quod retentum fuerat sputis suppressis. Oxymel hinc tanti fecerunt Veteres Medici, & ex similibus parata formula in Materia Medica ad hunc numerum habetur. Unde in tali casu Hippocrates [ k ] dixit: *Huic confert potiones bibere, quibus pulmo humectatur & expuit. Nisi enim expuerit, & durior pulmo evadit, simulque arefcit, & hominem perimit.*

Blanda illa remedia, quae ad solvendam spissitudinem inflammatoriam jam toties laudata fuerunt, pariter hic summi usus; qualia sunt nitrum, sal polycrestus, sal prunellae &c., dum vel pulveris forma sumuntur, vel in decoctis illis solvuntur. Prae reliquis autem laudari solet stibium diaphoreticum dictum, quod ex antimonio cum tripla nitri copia combusto paratur; miro enim modo sic mutatur nitrum, & cum parte sulphuris antimonii fixatur. Solet in officinis aqua fervida ablui omne illud salinum, sic ut sola antimonii combusta calx superfit; sed potius illud retinendum foret, cum inde praecipua hujus remedii efficacia pendeat, tuncque vocatur antimonium diaphoreticum non ablutum. An autem in ipso antimonio talis haeret efficacia, quae sputis suppressis in hoc morbo evocandis utilis est? Quaedam habentur Observata, quae hoc docere videntur. Dum antimonium crudum purissimum, in pulverem tenuissimum tritum, ebullit per bihorium cum lixivio salis alcalini fixi; dein fervidum decoctum a pulvere subsidente caute effunditur, illud frigescens ad fundum deponit pulvisculum rubrum tenerrimum, qui aqua ablutus & exsiccatus dat illud remedium, quod *Kermes minerales*, & *Pulvis Chartusianorum* vocari solet; cujus grana tria omni quadrihorio data miros dederunt effectus (l) in desperatissimis etiam casibus. Interim tamen conducet semper una cum specificis illis remediis jungere decocta aperientia, & calidos vapores, quae modo laudata fuerunt; cum summum periculum omnia artis molimina poscat.

¶ Diacodiata autem, & leniora opiata multum prodesse possunt, quatenus nimium febris impetum compescunt ( vide §. 610. ), alvum liquidam,

(K) De Morbis Lib. I. cap. 11. Charter. Tom. VII. pag. 547.

(l) Vide l'Académ. des Sciences l'An. 1730. Mem. pag. 542.

dam, sputi suppressi causam saepe (§. 864.), sistunt, & animi validos affectus sopiunt. Quatenam autem conducant ad sudoris evitacionem, explicatum fuit in Commentariis §. 718. Quomodo autem animi affectus validi compefci possint, sicque restitui placida animi quies, dictum in Commentariis §. 104. & §. 605. 3.

Ex omnibus illis, quae hactenus dicta fuerunt, constat, quam varia requiratur medela, licet idem morbi nomen maneat: simulque patet, accurate cognitam requiri peripneumoniae historiam, ut cum fructu remedia adhiberi possint; cum, quod uno tempore prodest, altero nocere pessime.







## PERIPNEUMONIA NOTHA.

§. 867. **Q**uae Peripneumonia hyeme a frigore, verno tempore a calore superveniente multoties accidit, oriri solet ex pituita lenta in toto sanguine nata ex causis recensitis olim (69. 72.), & sensim pulmones infarciēte, donec in pessimum hunc, & improviso saepe lethalem, morbum cat.

Quando §. 69. de morbis a glutinoso spontaneo ortis agebatur, notatum fuit, duplicem glutinosam cacochymiam in humoribus nostris observari: unam, quae a calido illo glutine, quod *phlegma phlegmonodes* vocaverunt Veteres, inflammatoriam visciditatem dicere solemus hodie; nascēbatur, & rapidiorem humorum per vasa motum, validamque vasorum in liquida actionem, pro causis agnoscit: alteram vero, quae frigidam, & lentam materiem, pituitam proprio nomine vocandam, habet, & ab oppositis causis, imminuto nempe motu humorum vitali, & minori actione vasorum in fluida, originem ducit. In utroque calu sanguini conciliatur lentor talis, ut difficiliter per minimorum vasorum angustias transire possit. De peripneumonia ab inflammatoria sanguinis spissitudine nata in praecedentibus actum fuit. Facile autem patet, sanguinem, lentum, & frigidum pituita gravatum, pariter immeabilem reddi posse, & haerere in vasorum pulmonalium angustis: nascetur ergo peripneumoniae inflammatoriae simile malum: pars enim affecta eadem est, & plurima symptomata communia adsunt; verum tamen in causa morbi materiali magna diversitas est, dum in hoc morbo frigidus mucosus lentor adest, qui se aqua calida dilui facile patitur, quod in spissitudine inflammatoria non obinet; simulque longe levior febris insulsa in hac peripneumoniae specie adest. In hoc morbo designando ergo retentum fuit *Peripneumoniae* nomen, sed ut distingueretur, dicta fuit *Peripneumonia Notha*. De hoc morbo solus fere *Sydenhamus* bene scripsit: apud Veteres Medicos, quantum memini, non fit ejus mentio, saltem non hoc nomine; sub titulo enim Catarrhi, aut & pituitae pulmonem occupantis, quaedam hinc inde habentur, quae utcumque huc referri possent. In primis *Aetius* (1) quaedam habet, quae huc spectant: notat enim a pituitosis cibis crudos, & viscosos humores in corpore generari, qui aliquando in ipsum etiam pulmonem irruunt, & falsam inflammationis imaginem minus expertis Medicis exhibent. Plurima ibi recenset, quae satis huic morbo conveniunt.

Hyemali tempestate, dum otio indulgent homines, & victu duriori utuntur, lenta plurima in corpore accumulari extra dubium est, quae aliis anni

tem-

(1) Tetrabibl. 2. Serm. 4. cap. ult. pag. 426.

temporibus per corporis motus, & victum salubriorem ex fructuum, & herbarum succis, soluta & mota eliminantur de corpore. Unde Hippocrates (m) dixit: *Hybernum tempus pisinotius esse aestivo, morbosque fieri circa caput, & illam regionem, quae super septum transversum est.* Lentescitis enim sanguinis, & hinc minus meabilis, prima indicia fere semper in cerebri aut pulmonis functionibus laesis apparere solent; cum in his locis per minimorum vasorum angustias transire debeat. Confirmantur haec enumeratione morborum hybernorum, quae in *Aphorismis* [n] habetur; ubi sola fere recensentur illa mala, quae caput, aut pectus obsidere solent.

Ubi autem aggregata illa brumali tempore pituita verno accedente calore solvi incipit, & humoribus circulantibus misceri; neque tamen tenacitatem suam, quam habet, penitus deposuit, gravatur sanguis viscida hac saburra, & saepe in vasis pulmonalibus haerere incipit, sicque hunc morbum producit. Non enim omnia corporis liquida jugi moveri circuitu constat: pingue enim oleum in tunica adiposa, medulla in osseum recessibus, mucus lubricans ossa ad se invicem mobilia in articularum cavis &c. accumulantur, dum deficit inprimis muscularis motus in animalibus. Pulchre autem explicuit Galenus [o], cur Hippocrates plurimos morbos verno tempore oriundos recenscat, licet paullo ante (p) ver saluberrimum, & minime exitiale dixisset. Notat enim Galenus, ver saluberrima servare illa corpora, quae probis humoribus sunt praedita, neque ex sua natura aliquid innovare in corporibus, quod de reliquis anni tempestatibus dici nequit, cum etiam in puris corporibus aestas flavam bilem exasperet; autumnus atrae bili generandae faveat; hyems pituitam colligat. Veris autem efficaciam in corpus comparavit corporis exercitationibus, quae ex sua natura saluberrimae quidem sunt, interim tamen in cacochymicis corporibus, uti & in plethoricis, plurima mala producere possunt; dum per illa moveatur subito collecta saburra, vel plenis nimis vasis bono sanguine imprudenter augetur humorum per vasa motus. Confirmatur hoc & Sydenhami (q) testimonio, qui notavit, *Hyeme ingruente, & saepius sub ejusdem exitum, Vereque adhuc nascente, quotannis emergere Febrem symptomatis Peripneumoniacis haud paucis conspicuam, quam Peripneumoniam Notam vocavit.*

Ubi ergo ex causis, in *Capitulo de Morbis a glutinosis spontaneo* ad numeros hic citatos, explicatis, collecta est viscida talis colluvies, atque eadem verno tepore, vel aliis de causis [vide §. 871.] soluta, cum sanguine moveatur per vasa, semper fere solet primam noxam sentire pulmo; quia illa pituita venis recepta, & sanguini mista, statim per pulmones moveri debet: atque ideo primo ibi haerere incipiet, quicquid minus meabile est, neque pulmonis actione sic attenuari potest, ut aptum evadat per ultimas vasorum angustias fluere. Colligetur autem illius pituitae copia hic brevi, quia om-

b b 3

nis

(m) De salubri victus ratione sect. 15. Charter. Tom. VI. pag. 228.

(n) Aphor.

23. Sect. III. Charter Tom. IX pag. 218.

(o) In Commentariis Aphor. 2.

Sect. III. ibid. pag. 215.

(p) Aphor. 6. Sect. II. ibid. pag. 98.

(q) Set

VI. cap. 4. pag. 340.

nis liquor totius corporis, quo tempore, distributus per omnes partes semel circuitum absolvit per cunctas, eo tempore totus semel transit per solos pulmones, uti in Commentariis §. 824. notatum fuit. Non mirum ergo erit, sensim sic infarciri pulmones, donec obstructis plurimis ramis arteriosis per pulmonem distributis, impediatur transitus sanguinis ex corde dextro in sinistrum; sicque improvisa sequatur mors.

§. 868. **U**bi paulum adolevit id malum, produxit jam in toto corpore effectus plurimos (71. 72. 73.), tumque praeterea eos, qui peripneumoniae lentae proprii (§. 825. 826.), unde malum curatu difficillimum.

Causa praedisponens ergo peripneumoniae nothae est pituitosa lenta cacochymia, quae non potest diu adfuisse, quin laesa fuerint functiones plures corporis; unde signa habentur hujus mali, quae paragraphis in textu citatis enumerata sunt, atque in Commentariis eandem explicata. Ex illis signis ergo, & causis talem pituitam generantibus praegressis, novimus; metuendum esse hunc morbum. Ubi autem simul apparent indicia, quae docent, difficilior jam moveri sanguinem per pulmonis vasa, certo scimus, pituitam illam incipere haerere in angustis arteriae pulmonalis, adeoque adesse jam peripneumoniam notham. Notandum tamen, non adeo subito, incrementum omnia haec mala, ac in peripneumonia inflammatoria, cum longe tenacius sit inflammatorium illud viscidum lento hoc, & pituitoso, & valida febre comitante citius adigatur in vasorum angustias: unde etiam, uti §. 872. dicitur, fallaci lenitate saepe opprimunt hic morbus necopinantes. Quamvis autem in initio morbus hic non adeo malignis symptomatibus stipatus esse videatur, atque pituitosus ille lentor aqua solubilis sit, tamen in curatione magna difficultas saepe manet, quia in toto corpore mucosa talis cacochymia praedominatur; unde brevi, ob rationes praecedenti paragrapho datas, augebitur in pulmone malum; simul etiam, quia optima ad lentorem illum pituitosum attenuandum remedia nonnisi summa cum prudentia adhiberi possunt, uti sequentibus paragraphis patebit. Periculum augetur, quia nonnisi a peritis ille morbus detegitur facile, & saepe in initio negligitur, vel perverfa tentatur medela.

§. 869. **N**am missio sanguinis, eoque celebrata, ut in hoc morbo requiritur (§. 854.), nocet admodum ob debiora viscera, nimisque aliena humida lenta; hinc primo juvare visa, mox mala auger.

Pectoris oppressio in hoc morbo venae sectionem quidem postulare videtur aequae ac in peripneumonia vera, ut nempe minuatur moles liquidi movendi per pulmonem; simulque, depletis vasis, spatium fiat remediis diluentibus & attenuantibus. Unde & *Arcanaeus* [r], uti in Commentariis §. 854. dictum.

(r) De Curatione Morbor. Acutor. Lib. II. cap. 1. pag. 94.

dictum fuit, laudavit venae sectionem. Si *pituita*, aut *spuma*, vel *alia quaevis humiditas tumefaciat*; venarum [enim] *inquisitiones ampliore pulmonis locum faciunt ad respirationis transitum*. Sed & in cura peripneumoniae verae dictum fuit (§. 854.), repetendam esse venae sectionem pro vario maligradu. In hoc autem morbo minus tutum videtur, pectoris angustiam iteratis sanguinis missionibus levare. Obtinet enim hic morbus fere tantum in lentorem pituitosum degenerantes. Probatum autem fuit ad §. 25. 1. & §. 43. 3., debilitatem fibrarum, vasorum, & viscerum oriri ab impedita assimilatione ingestorum in naturam liquidi vitalis sani; illam vero assimilationem impediri ob *jaeturam nimiam humoris boni, sanguinis inprimis*. Ob hanc causam §. 69. inter causas antecedentes *glutinosi sputanei* numerabatur, & boni sanguinis inopia, uti tunc probatum fuit. Levat ergo quidem venae sectio pectoris angustiam, atque hinc primo juvare videtur; interim tamen *largo nimis, vel saepius repetita, lentorem pituitosum, peripneumoniae nocthae causam materialem, auget, adeoque nocet*.

§. 870. **A**ttenuantia autem adeo hic famigerata, dum impetum in vasa pulmonalia augent, densitatem, impatumque obstruentis saepe augent, simulque morbum cito reddunt lethalem.

Cum ergo mucosa frigida cacochymia adsit, videretur indicatio curatoria jubere, ut illud lentum dividatur, & attenuetur; ad quod perficiendum auctus humorum motus, & stimulantia remedia laudantur (vide §. 75.). Verum accelerato humorum motu cor intra datum tempus saepius, & fortius sanguinem urget in arteriam pulmonalem; adeoque, nisi humores meabiles fuerint & vasa pervia, obstruens illud pituitosum adigetur in majores vasorum angustias, vasa obstrueta magis distendentur, vicina adhuc libera comprimendo angustabunt, adeoque omnia mala augebuntur, & morbus cito lethalis fit; uti toties funestis exemplis constitit; dum aeris frigus, tanquam morbi causam unicam, inculcantes aegri, vel adstantes calidissima adhiberent remedia, piper, vel zingiber contritum cum melle, potus acres fermentatos, ut spiritum anisi, levistici, & similia; quorum noxam observavit *Sydenhamus* [f], monuitque, a similitum usu liberaliori omnes pulmonum aditus praecludi in hoc morbo. Unde etiam in Commentariis §. 75. 4., ubi de cura glutinosi sputanei agebatur, haec cautela data fuit, ne subito glutinosi humoribus plena corpora validis excernerentur motibus, cum semper tunc adesset periculum, ne his glutinosis obrueretur pulmo.

Patet ergo ex haecenus dictis peripneumoniam noctham difficulter curabilem esse, summamque requiri prudentiam, ut rite tractetur.

(f) Sect. VI. cap. 4. pag. 349.

b b 4

§. 871

§. 871. **M**Orbus ille senibus, pituitosis, frigidis, catarrhosis, gravedine laborantibus, frequens, sequi solet omnes causas, quae stagnantia cito movendo in pulmones agunt, ut curfus, declamatio, cantus, ebrietas inprimis a valide calefacientibus, comessatio, calor foci, balnei, solis, maxime si aestum hinc natum subito frigus ingens exceperit.

Morbus autem ille frequentissime contingit talibus hominibus, in quibus a quacunque causa lenta illa pituita praedominatur. Tales autem semper sunt senes, quibus frigidum esse corpus dixit *Hippocrates* (t); atque ideo spirandi difficultate, & catarrhis tussiculosis frequenter vexari monuit (w). Tenaci enim & frigido muco in hac aetate gravari solet pectus, quem firmis non satis lateribus inani tussicula frustra expellere tentant miseri. Huc etiam referuntur pituitosi, & frigidi, quibus phlegmaticam esse temperiem dicere solent Medici. Glabrities cutis major, pili albi tenues, tarde crescentes, albedo, tumor, mollieties, pinguetudo corporis, venae angustae, & latentes pro signis talis temperiei habentur (w). In catarrhosis autem, & gravedine laborantibus jam adest talis dispositio, ut magna copia humorum, cito lentescunt, per internam pulmonis membranam exeat, & tussi expellatur (vide §. 69. §. 719. 793.); adeoque alia quavis accedente causa, quae talium humorum expulsionem sistit, his gravatus manet pulmo, & infarcitur.

Si jam praesenti causae materiali hujus morbi jungantur aliae, quae illam aequabiliter haecenus per omnia dispersam ad pulmonem determinant, vel stagnantem haecenus in motum deducunt, & humoribus circulantibus miscent, aderit peripneumonia notha. Tales autem sunt causae sequentes.

**CURSUS, DECLAMATIO, CANTUS.** Cursu enim acceleratur sanguinis motus per pulmones, & stagnantis cito in motum deducuntur. Clamore autem, & cantu pulmoni ipsi vis infertur. Videantur illa, quae in Commentariis §. 824. de his dicta fuerunt.

**EBRIETAS &c.** A vino, aliisque fermentatis liquidis, & spiritibus inde destillatis, augeri circulationis velocitatem, & calorem, imo & ardentissimas febres excitari posse, si nimia sumantur copia, antea in Commentariis §. 586. a. vidimus. Merito ergo & ebrietas inter causas peripneumoniae nothae recensetur, omnium maxime, si a valide calefacientibus, ut spiritu anisi, levistici, & similibus, assumtis ortum duxerit. Praeterea miseri illi, qui his quotidie abutuntur, pallidi, tumentes, cachectici vivunt, totumque corpus frigidis, & mucosis humoribus repletum habent saepissime. Dum enim plena turgent vasa his, a rarefactis liquidis ebrietatis tempore distenta, frequenti die, ubi hoc villi edormiverunt, flaccidum languet corpus, donec fini.

(t) Aphor. 14. Sect. I. Charter. Tom IX. pag. 24.  
ibidem pag. 126.

(w) Aphor. 31. Sect. III.  
(vv) H. Boerhaave Institut. Medic. §. 891. 895.

similibus stimulis ille languor supereretur denuo. Hinc toties distentis vasis perit robur illorum, & enervatur actio in liquida contenta, unde omnia liquida fere in mucosam inertem cacochymiam degenerant. Videantur de his illa, quae in Commentariis §. 605. 12. habentur. In ebriosis ergo praesto est caussa materialis peripneumoniae nothae, quae, novo usu spirituum fermentatorum mota, facillime hunc morbum producere valet. Confirmavit modo dicta suo testimonio Sydenhamus [\*], qui habet sequentia: *Paullo habitiores ac crassiores prae caeteris aggrediuntur; virilem aetatem vel assequuntur, vel etiam (quod saepius accidit) praetergressos; liquoribus spirituosissimis [vini maxime spiritui] plus aequo addictos. Cum enim in huiusmodi hominibus sanguis humoribus pituitosis, bromae tempore congestis, fueris oneratus, atque idem ab ineunte vere in novum motum cietur, suffis hanc nacla occasionem max subingreditur, qua ministra dicti humores pituitosi in pulmones irruunt: quo tempore si forte aeger, nullo vivens consilio, liquores ejusmodi spirituosos adhuc liberalius hauriat, crassescere jam fere, quae suffim excubant, materia, & ab ea praeccluduntur pulmonum aditus, & febris omnem sanguinis massam depascitur.*

COMMESSATIO merito & huc refertur, dum ultra satietatem, ciborum varietate, & condimentorum illecebris allekti, manducant homines. Inde enim febrem accendi saepissime, in Commentariis §. 586. « dictum fuit; sive sola nimia copia ciborum, sive & indigestilis illorum natura, hoc effecerit. Accedit, quod copioso nimis, crudiori, & saepe tenaciori chylo gravetur tunc pulmo; unde etiam peripneumoniam veram nasci posse in Commentariis §. 824 demonstratum fuit.

CALOR FOCI, BALNEI, SOLIS &c. Dum in corpore praexistit lentum illud pituitosum, & dein a quacunque causa augetur calor, moventur stagnantia, & cum sanguine per pulmones rapiuntur; adeoque periculum est, ne ibi haerere incipiant. Calente autem corpore, etiam ab externo calore foci v. g., videmus manifeste, dilatari vasa, adeoque facile admittere posse crassiores humorum partes: docet hoc robur major faciei in hominibus, qui hyemali tempore luculento assident foco. Si ergo aestum hinc natum subito sequatur ingens frigus; uti dum homo diu verlatus in calido hypocaufto gelidissimo aeri se exponit, stringuntur uno momento] vasa, adunantur fluidorum molecule (vide §. 117.), adeoque aptissima nascitur obstruclio (vide §. 107.) octasio. Omnium maxime hoc in pulmone fiet, quia reliquas corporis partes vestibus contra frigus munire possumus; aeris vero ingressum impedire respirationis jugis necessitas prohibet. Patet ergo ratio, quare toties peripneumonia, & vera, & notha, ab hac caussa fiant. Videantur & illa, quae in Commentariis §. 118. de hac re habentur.

(a) Sect. VI. cap. 4. pag. 340.

§. 872. **P**rimo fallaci lenitate opprimit necopinantes: quippe levi fatigatione, debilitate, prostrato omni fere animi motu, anhelitu; oppressione pectoris incipiens, adeo leves motus excitat, ut vix calor, febrisve indicia moneant periculi: mox vagae horripilationes, leviufculi febris insultus adfunt; unde subito crefcente anhelitu & debilitate mors; cujus in urina, & pulfu vix ullum adfuit praefagium.

• Morbus hic, fi ullus alius, fallaci lenitatis specie decipit minus peritos, non enim hic calor intenfus, magna febris, aliaque vehementia fymptomata, quae veram peripneumoniam comitati folent ( vide §. 826. ), adfunt. Cauſa enim morbi materialis iners, & lenta pituita eſt, fenſimque in pulmonalis arteriae anguſtiis accumulari incipit. Interim tamen magnum diſcrimen, quod in hoc morbo adest, poſtulat, ut accurate cognofci poſſit in ipſo etiam ſui initio. Diagnofis autem hujus morbi habetur ex cauſis praegreſſis, & functionum laefionibus ſedulo obſervatis. Si ergo novimus, hominem ex propria temperie, aetate, malo viſtu, aliifve morbis praegreſſis, lenta mucoſa ſaburra corpus gravatum habere, atque deinde acceſſerint tales cauſae, quae illud mucoſum movere, & circulantibus humoribus miſcere poterint, atque in pulmonem agere, ſcimus hunc morbum metuendum eſſe. Inter illa vero ſigna, quae docent, lentam pituitam una cum ſanguine moveri per vaſa, eundemque minus meabilem reddere, eſt levis fatigatio, & major debilitas, ſimulque hebetudo inſolita, dum nullis fere animi motibus amplius afficiuntur tales aegri, ſenſus externi, & interni torpent. Mentis enim illa alacritas, & corporis agilitas, quae ſanis adfunt, liberum humorum per omnia vaſa motum, & debitam ſpirituum nervoſorum copiam ſupponunt. Verum, dum mucoſa talis cacoehymia ſanguinem gravat, humorum fit immeabilitas, ſecretiones impediuntur, ſubtiliſſimi liquidi deſectus ſequitur, motus vitales, naturales, animales perturbantur; uti pluribus demonſtratum fuit in Commentariis §. 71. & 72.

Ubi autem lenta illa pituita in pulmonis vaſis haerere incipit, jam impeditur liber ſanguinis ex corde dextro in ſiniſtrum tranſitus, unde majore reſpirationis molimine aegri viam expedire conantur; hinc anhelant, deque moleſta anxietate, & pectoris oppreſſione conqueruntur. Interim tamen nulla, vel leviſſima ſaltem, adfunt febris indicia. Vagae tunc ſequuntur horripilationes, & leviufculi febris insultus, ita ut nunc incaleſcant aegri, nunc frigeant iterum (y). Senſim autem magis magisque inſcitur pulmo, ſic ut *Pulmonum coarctatio adſtantium auribus percipitur* (x), ingrato nempe illo ſtortore, de quo in Commentariis §. 826. dictum fuit. Anhelitus creſcit, & debilitas; tandemque *intercepta circulatione, ſanguineque quaſi praefocato* (a), mors venit, licet nulla fere, praefertim in habitioribus, febris indicia ſint (b). Febris autem abſentiam, vel cauſam, quare vix percipitur, partim ab intercepta

(y) Sydenham ibidem. (x) Idem. Ibidem. (a) Ibidem. (b) Ibidem

tercepta circulatione ob infarctum pulmonem deduxit *Sydenhamus* (c), partim etiam, quod sanguis, materiae pituitosae copia gravatus, in plenam ebullitionem assurgere nequeat. Unde patet ratio, quare in pulsu, & urina vix ullum signum appareat, a quo lethale praelagium haberi posset.

Quamvis autem urina pallida vix olens in hominibus frigidis, & pituitosis observari solet [vide §. 72.], in hoc tamen morbo quandoque & intense rubra cernitur, & turbida statim, uti pariter *Sydenhamus* [d] notavit. Aliquando & turbida mingitur, & manet talis, nullo sedimento depositis; plerumque etiam conquisita spumam colligit, & diutissime retinet. Adeoque in urina ut plurimum tamen signa apparent, quae malum omen dant; licet etiam viderim, urinam in peripneumonia notha vix mutata fuisse. Quamvis autem rubor urinae pro caloris interni signo habeatur, uti ad §. 673. dictum fuit; tamen in hoc morbo adesse illum posse facile patebit, si consideretur crassiores, & obefulos hoc morbo inprimis corripit, uti praecedenti paragrapho dictum fuit. Dum autem in his iners pingue motu, calore aeris &c. solvitur, & sanguini subito miscetur, pessima humorum immeabilitas nascitur (vide §. 681.); & hujus pinguis pars salibus urinae mista ruborem facit, quem ab oleo inprimis pendere in Commentariis §. 673. probatum fuit,

Monuit & *Sydenhamus* (e), aegros hos, dum tussunt, molestum capitis. dolorem percipere, ac si dissiliret (hac enim loquendi formula uti solent). Neque mirum hoc videbitur, si consideretur, impedito sanguinis per pulmonem transitu, simul etiam minui facilem venosi sanguinis a capite reditum, adeoque omnia encephali vasa turgere; uti in Commentariis §. 826. patuit: hinc etiam patet, quare & saepe vertiginem patiantur tales aegri, quod *Sydenhamus* (f) pariter notavit.

Haec sunt praecipua signa, ex quibus Diagnosin hujus morbi hauriri poterit. Prognosis periculum indicat, nisi mature succurratur, quod quomodo fieri debeat, sequenti dicetur paragrapho.

§. 873. **C**Uratur hac methodo cautissima. 1. Mittatur sanguis ex largo vulnere. 2. Mox eluatur alvus clysmate, quod repetatur quotidie, donec signa docuerint levare pulmonem. 3. Utatur victu tenuissimo juris carni, inprimis cum levi acido, potu tenui ex aqua, & melle. 4. Vapores, suffususque descripti (806.), decocta diluentia, abstergentia, lenissime aperientia assiduo potanda adhibeantur; simulque balnea crurum, pedumque, & larga vesicantia.

1. Simulac anhelitus, & pectoris oppressio percepta ab aegris docuerint pulmonem infarcti; venae sectio instituenda est. Ita enim minuetur moles liquidi movendi per pulmones, una cum educto sanguine tollitur pars illius

(c) Ibidem. (d) Ibidem. (e) Ibidem. (f) Ibidem.



illius pituitosi, quod cum sanguine per venas fluit; minuetur motus febrilis, si adsit, a quo metuenda est major impactio lentae pituitae in angustias arteriae pulmonalis, simulque depletis vasibus spatium fiet commodum diluentibus, & attenuantibus remediis. Verum quidem est, subdueto sanguine augeri causam remoram hujus morbi; cum constiterit ex illis, quae §. 69. 2. dicta fuerunt, inopiam boni sanguinis merito numerari inter illas causas, quae lentum illud glutinosum producant, & probatum fuerit in Commentariis §. 75. 4., auctum motum prodesse, ut attenuetur illud lentum: sed illae noxae, quae sanguinis hanc jacturam sequuntur, postea emendari poterunt, ubi pulmo fuerit levatus: vitae autem imminens periculum, dum pulmo oppleri incipit, cogit, ut hoc remedium adhibeatur. Repetita autem saepius venae sectio, quae in peripneumonia vera toties requiritur, in hoc morbo noceret potius, uti & monuit *Sydenhamus* [g]; qui attenta observatio- ne didicit, pessime hoc cessisse, inprimis in illis, qui crassiori erant corporis habitu, & aetatis florem jam praetergressi, quales inprimis huic morbo obnoxii sunt. Adeo autem metuebat secuturam post sanguinis missionem in hoc morbo debilitatem *Sydenhamus* [h], ut jusserit, in lecto jacentibus aegris sanguinem mittendum esse: sic enim & praecaveatur optime animi deliquium. in hoc morbo noxium, uti in Commentariis §. 354. dictum fuit. Ex largo autem vulnere sanguis emittitur, ne pituita gravatus sanguis, hincque lentescens, parvum vulnus obstruat. Tertia morbi die novam sanguinis missionem instituere solebat *Sydenhamus* (i): cum autem urgente tantum necessitate venae sectio in hoc morbo locum habeat, si pulmo levare jam inceperit, illa abstinere praestat.

2. Post venae sectionem illico injicitur clystma, ut alvus eluatur; sicque eductis faecibus tersa intestina venulis bibulis resorbere possint illa, quae postea eadem via injiciuntur, & saponacea, & solvente vi lentum illud pituitosum attenuare valent. Unde in *Materia Medica* ad hunc numerum habetur clystma ex melle, nitro, ovi vitello, & decocto hordei, quo utrique indicationi satisfacere poterit. Tanti fecit clysmatum usum *Aretaeus* (K) in peripneumoniae cura, ut venae sectionis, si aliquod impedimentum illam prohiberet, locum supplere posse crediderit. Quotidie ergo haec injiciuntur, donec respiratio faciliior, & pulsus actum robur, docuerint, levare pulmonem: hoc autem facto, illis abstinendum est, ne nimium debilitetur corpus: de quo videantur illa, quae in Commentariis §. 620. habentur.

Blandum purgans antiphlogisticum, alternis diebus sumendum, donec convalesceret aeger, laudavit *Sydenhamus* (l). Talia autem purgantia, quae solvendi vi simul agunt, non autem subducunt de corpore liquidissima, prodesse posse videntur.

### 3. Quare

(g) *Ibidem* pag. 341. (h) *Ibidem*. (i) *Ibidem* pag. 432. (K) *De Curatione morbor. acutor. Lib. II. cap. 1<sup>a</sup> pag. 94.*  
(l) *Ibidem* Sect. VI. cap. 4. pag. 342.

3. Quare victu tenuissimo opus sit, dum pulmo in suis vasis infarctus est, in peripneumoniae verae historia jam saepius dictum fuit. Laudatur autem hic jus carniū, sed dilutum, quia minime tenax est; & in hordei, avenae &c. decoctis farinosus lentor adest, qui materialem hujus morbi causam augeret potius (vide §. 69. 1.); additur autem his jusculis leve acidum, succus citri vel arantiorum, ut illa dispositio, qua in putredinem sponte vergunt, emendetur. Sydenhamus [m] a carniū jusculis abstineri jussit, quia inflammationem huic morbo subesse credidit, quamvis longe minorem ac in peripneumonia vera: agnovit tamen, peripneumoniam notham a colluvie pituitosa, hyemali tempore aggesta, ortum ducere; atque videtur minus accurate distinxisse frigidam, & inertem illam pituitam a viscido inflammatorio, quod longe alterius indolis est. Potus autem tenuis ex aqua, & melle laudatur, quia mel saponacea sua vi omnem lentorem dividit, facile tunc aqua diluendum, quod hic requiritur.

4. Vapores validos humidos, antea in cura peripneumoniae vera toties laudatos, hic pariter summi usus esse, satis patet. Laxata enim his vasa pulmonalia facilius transmittere poterunt illud, quod infarctum haeret; simulque interna pulmonis superficies si optime disponitur, ut per sputa pars quaedam materiae morbosae educi possit. Medicamenta autem talia inprimis profunt, quae diluendo, abstergendo, & attenuando agunt: talis formula in Materia Medica ad hunc numerum habetur. Inflammatoria visciditas aqua sola dilui nequit; lenta autem illa pituita satis commode aqua calida solvitur; adeoque jure multum boni in hoc morbo a diluentibus speratur. Verum quidem est, laxis, & pituitosis corporibus nocere largum potus aquosi tepidi usum; sed his tantum utimur eo usque, donec pulmo levatus fuerit, tunc enim periculum abest.

Balnea autem pedum, & crurum adhibentur, ut laxatis his partibus tumeat panniculus adiposus, & in illo copia illius lenti pituitosi colligatur, sicque a pulmone avertatur, quantum fieri possit. In leucophlegmaticis enim, & frigidis illis corporibus videmus, per totum corporis habitum adiposum panniculum tumere lentiori tali saburra, unde pastacea illa partium mollicies pendet: sic per artem conamur reducere inertem illam pituitam ad illa loca, in quibus antea dispersa haesit absque multo periculo. Non enim sufficit levasse pulmonem, soluta materia, quae vasis ejus impacta haerebat, nisi simul impediatur omni molimine, ne huic similis denuo magna copia ad pulmonem deferatur.

Larga autem vesicantia, inprimis cruribus, & femoribus applicata, multum prodesse possunt. Irritant enim partes, quibus applicantur; illas inflammant, epidermidem in vesiculas ichore quandoque, & viscidior humore, plenas attollunt. Quantum haec usum habeant, ut copia, & impetrus humorum deriventur versus illas partes, quibus applicantur, antea in Commentariis §. 396. 4. dictum fuit, adeoque & hoc respectu profunt. Praeterea in Commentariis §. 75. eorumdem efficacia laudata fuit, dum acri stimulo languentem humorum motum excitant, simulque omne pituitolum

(m) Ibidem pag. 342. 163.

tosum iners dividunt, & attenuant, quod hic inprimis requiritur. Post venae sectionem, clymata, diluentia adhibita, dum nullus metus est; ne aucto his stimulis humorum motu plus obruatur pulmo, tuto adibentur, & pulchrum effectum praestant.

§. 874. **E**X his omnibus (820. ad 874.) ratio datur, cur pueris hic morbus, foeminisque rarior? Ut & his, qui laxae sunt structurae quoad solidorum fabricam; cur vix accidat? Cur in his facile, & fere sponte, sanetur? contra in robustis, exercitatisque corporibus? Ex iisdem pariter liquet, hunc morbum fere fieri ex omni alio praegresso; antequam ex eo moriatur aeger: adeoque proximam mortis causam, & ultimum ferme omnium lethaliu morborum effectum, esse Peripneumoniam.

Sequuntur jam quaedam corollaria, quae ex peripneumoniae historia tradita facile explicari possunt.

**CUR PUERIS &c.** Minus enim firma & in pueris, & in foeminis pleurisque est vasorum compages, atque ideo fluvida contenta minus condensantur; hinc diluio in illis sanguis nec adeo cohaerens apparet. Simul vasa facile dilatantur: hinc, caeteris paribus, magis molle, & turgidulum corpus est, quod pictores, & statuarii optime notant. Monuerat hinc *Hippocrates* (n), peripneumoniam, & pleuritidem non fieri ante pubertatem.

**UT ET IIS, QUI LAXAE &c.** Requiritur enim & tales homines, quibus a morbis praegressis, vita otiosa, propria temperie, tam parva cohaesio solidarum partium est, ut vix agant in contenta fluida, vel saltem non tali efficacia, quae ad firmum, & virile robur requiritur. Hinc in illis omnia eadem, ac in foeminis obtinent fere, & morbis inflammatoriis minus obnoxii vivunt.

**CUR IN HIS FACILE, ET FERÉ SPONTE, SANETUR.** Si in talibus corporibus sanguis immeabilis haereat in pulmonalis arteriae angustiiis, eum nunquam illam densitatem habeat, ac in firmo, & robusto corpore observatur, sponte sua solvi solet illud obstruens; mors & calore loci, & diluentibus potatis, facile attenuandum. Praeterea cum laxa in his hominibus vasa facillime cedant liquido distendenti, dum proximum cor expulso sanguine urget loca obstructa, dilatabitur vas obstructum, ulterius promovebitur obstruens molecula, donec ex arteriis transeat in venas, vel per ultimas arteriolas in cava pulmonis aerea patentes exeat, & per sputa evacuetur. Utroque modo felicissime solvi pulmonis inflammationem, ante in Commentariis §. 830. vidimus; ubi tunc simul notatum fuit, felicem talem peripneumoniae exitum sperari posse, quando laxitas, & mollicies in toto corpore obtinentur.

CON-

CONTRA IN ROBUSTIS EXERCITATISQUE CORPORIBUS. Omnia enim hic contraria obtinent. Sanguis densus, compactus, pauca feri quantitate dilutus, cito concrefcens, dum vena educitur: vasa firma, contracta, liquidis impulsis non facile cedentia. Unde tales homines in morbos inflammatorios proni sunt, & illis correpti difficiliter sanantur. Unde monuit Hippocrates (\*), uti jam aliis occasionibus saepius dictum fuit: *Densa, & exercitata corpora citius a morbis pleuritidis, & peripneumoniciis perire, quam inexercitata.*

EX HISDEM PARITER LIQUET &c. In Commentariis §. 1. dictum fuit; vitam omnium minimam consistere in actione cordis adhuc contracti & aperti. Verum cor contrahi nequit, nisi simul contentum suis cavis sanguinem exprimat: in homine nato autem omnis sanguis cordis dextri per pulmonem transire debet. Dum ergo homo moriturus est, debilis jam actio cordis, paullo post quieturi, nequit superare illa obstacula, quae a vasorum pulmonalium angustis, & resistentia fiunt: incipiet ergo haerere sanguis in pulmone, tenuissima ejus pars in venas transiens ad cor sinistram perget, sicque debilem vitam adhuc continuabit: omni ergo momento magis magisque infarciatur sanguine pulmo, donec tantae fiant resistentiae cordi dextro, ut amplius se evacuare nequeat; distentum tunc manebit, & quiescet; adeoque aderit mors.

Si jam considerentur illa phaenomena, quae in moribundis apparent, patebit evidenter, ultimum ferme omnium lethaliu morborum effectum esse Peripneumoniam. Ultima enim illa vitae quasi cum morte lucta, dum agonizare dicuntur homines, intolerabilem anxietatem facit, quae (vide §. 631.) sanguinis ex corde egressum impeditum pro causa habet. Ingratus ille pulmonis fervor in moribundis certum infarcti pulmonis indicium dat; anghela illa, scapulis elevatis, pinnis narium motis &c., suspiria in moribundis quid aliud docent? Licet ergo concludere, peripneumoniam fieri ex omni fere alio praegresso morbo, antequam ex eo moriatur homo. Si enim excipiantur illi cassus, ubi uno momento, corde quasi paralytico reddito, vita cessat, in perfecta syncope a validissimis animi affectibus, profundissimis, & subitissimis evacuationibus, summo senio &c., semper mortem praecedat lucta illa, communis maxime ad mortem via, & ipsa morte longe pejor.

(\*) Coac. Praenot. N. 398. Ibid. pag. 875.

FINIS TOMI II. PARTIS II.



